

釋宗金書



禪宗全書

史傳部二四

(24)

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,
2004.12

ISBN 7-5013-2602-9

I. 禪… II. 藍… III. 禪宗 - 文獻 - 匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

書號 ISBN 7-5013-2602-9/B · 108

定價 18000 圓

解題

一、續燈正統

編譯組

全書四十二卷。清·別菴性統編。清康熙三十年（一六九一）序刊。本書主要輯錄南宋至明四、五百年間，曹洞、臨濟二宗高僧的列傳。作者有意承繼「五燈會元」，並補其未備。所收人物，臨濟宗自大鑑十六世大慧至大鑑三十一世、大鑑十六世虎丘起至大鑑三十五世止；曹洞宗自大鑑十六世至大鑑三十七世止。卷末另收未詳法嗣者六人。總計約二千三百人。卷首有楊雍建、姜宸英等及作者的序文，其次爲凡例。

二、普陀列祖錄

編譯組

全書一卷。清·潮音通旭編。本書主要輯錄普陀山普濟寺開山真歇清了禪師以下，歷代祖師的傳記語要。作者在康熙三十五年九月（一六九六）作序後，三十七年十一月四日即去世（世壽五十）；弟子古心明惠禪師乃將其行業語要補於書後，並添加自己的法語。

卷末另收有「他山知識，來山光揚宗要者」五人的機緣語要。

三、黔南會燈錄

編譯組

全書八卷。清·善一如純輯。清康熙四十二年（一七〇三）序刊。主要輯錄明、清兩代黔地諸師的機緣語要。黔者，指黔州（縣治在今四川省彭水縣）。作者鑑於「披閱傳燈，見古今尊宿名目，多在江浙諸省，惟黔中未見片言點墨」而遍歷黔州諸郡，彙收全黔諸家語錄，編成此書。書中所收禪師，以四川出生者為主，旁及雲南等地，計一一九人。

各卷內容如次：

卷首：收程春翔、杜臻的序文及編者的源啓，其次爲凡例、目錄。

卷一：收臨濟三十二世破山海明法嗣象崖性斑等五人，以及性斑的法嗣三人。

卷二：收海明的法孫語嵩傳裔等十一人。

卷三：收述中合舜等十三人。

卷四：收臨濟三十四世天童下第四代漢月下之雲空，以及破山下竹航等八人。

卷五：收傳裔法嗣宗風佛定等二十一人。

卷六：收海明法嗣大雲通醉之法孫劍端等十三人。

卷七：收海明法嗣靈隱印文之法孫樂吼等六人、曹洞三十一世雲門下第四代淡雲明光等二人、宿土類八人、傳裔法孫古雪海智等十三人。

卷八：收海明下敏樹如相之法曾孫省參海寧以下，至編者善一如純等十二人。

綜觀全書，以臨濟宗天童圓悟之法嗣破山海明的法系，人數最多。至於卷末編者的語錄，以及續補的部份乃後人所添加。

四、緇門世譜

編譯組

全書一卷。清·迅雷明喜等編。清康熙四十二年（一七〇三）序刊。本書是為仰、臨濟、曹洞、雲門、法眼五宗的源流世譜；由臨濟宗第三十世迅雷明喜禪師及十方緇素所編。書中分「祖圖」「宗派」兩部份，明示五宗分派的系譜及各派的特色。卷首題名「釋氏源流五宗世譜定祖圖序」的序文，對五宗的源流及該書的緣起，有詳細的說明。

五、南嶽單傳記

編譯組

全書一卷。清·繼起弘儲（退翁）表、南潛評。清康熙年間（一六六二—一七二三）刊行。作者為臨濟宗僧侶，認為「臨濟氏承南嶽之明命，兼統五宗，以照耀南天下，于諸宗獨尊」，主張南嶽系為中國禪的正系，而將釋尊至般若多羅的西天二十七祖、菩提達摩至曹溪慧能的東土六祖，以及南嶽懷讓下迄自身——衡州南嶽般若寺退翁弘儲，統括為南嶽六十九祖。本書即輯錄此六十九祖的列傳語要；各傳末尾均附有「表」、「評」。

目次

解題

臺、續燈正統

序

凡例

原書目錄

卷一

徑山宗杲禪師、虎丘紹隆禪師

卷二

育王端裕禪師——靈隱慧遠禪師

卷三

君山覺禪師——黃龍法忠禪師

卷四

烏巨道行禪師——龍華高禪師

一

三

七

八

六四

七七

八七

九七

卷五

育王介謨禪師——參政錢端禮居士

卷六

徑山寶印禪師——雲居德會禪師

卷七

萬年曇貴禪師——葛廬覃禪師

卷八

真覺信禪師——護龍啓原禪師

卷九

教忠彌光禪師——光孝致遠禪師

卷十

雪峯蘊聞禪師——吳十三道人

卷十一

靈隱妙峯之善禪師——壽國嗣清禪師

卷十二

天寧無境徹禪師——支提澄鑑禪師

卷十三

汾州筏渡普慈禪師——萬壽行中至仁禪師

卷十四.....一九

徑山復原福報禪師——東林宗廓禪師

卷十五.....二三

相國道顯禪師——靈隱本聚禪師

卷十六.....二四四

二仰圓欽禪師——治平鐵壁慧機禪師

卷十七.....二五三

萬松三目慧芝禪師——高峯喬松燈億禪師

卷十八.....二六四

汾陽覺天燈啓禪師——提督陳世凱居士

卷十九.....二七七

天童曇華禪師——侍郎張鎡居士

卷二十.....二八七

天童文禮禪師——虎丘元禪師

卷二十一.....二九六

育王如珙禪師——仰山祖欽禪師

卷二十二.....三〇七

淨慈妙倫禪師——天童坦禪師

卷二十三

天目原妙禪師——天童一禪師

三二〇

卷二十四

靈巖清欲禪師——蔣山忠禪師

三三〇

卷二十五

天目明本禪師——南禪智曜禪師

三四〇

卷二十六

雲居普莊禪師——大梅文述禪師

三五三

卷二十七

鄧尉時蔚禪師——田素菴居士

三六五

卷二十八

東明昂禪師——智林福湛禪師

三七五

卷二十九

崇城洪印禪師——斗峯淨琴禪師

三八六

卷三十

關嶺正聰禪師——嵩山智季禪師

三九七

卷三十一

禹門正傳禪師——普明妙用禪師

四〇八

卷三十二.....四一八

鴻山五峯學禪師——龍池萬如微禪師

卷三十三.....四三一

天童山翁忞禪師——澄江黃毓棋居士

卷三十四.....四四三

竹林林臯豫禪師——永正一初元禪師

卷三十五.....四五七

雪竇智鑑禪師——竹林巨川海禪師

卷三十六.....四七〇

萬壽福裕禪師——靈巖容禪師

卷三十七.....四八二

萬安子嚴禪師——實相善真禪師

卷三十八.....四九三

壽昌慧經禪師——鼓山元賢禪師

卷三十九.....五〇五

指南明徹禪師——葉曇茂居士

卷四十.....五一七

博山智闇禪師——鼓山爲霖需禪師

卷四十一

徑山雲菴慶禪師 孝禪戲蘆心禪師

五二八

卷四十二

雲峯祖燈禪師 翠巖古雪詩禪師

五四二

貳、普陀列祖錄

叁、黔南會燈錄

五五

序

五六五

源啓

五六七

凡例

五六八

原書目錄

五六九

卷一

五六九

象崖性挺禪師 純一道源禪師

五七二

卷二

語嵩傳裔禪師 天機道通禪師

五八〇

卷三

述中合舜禪師 行之顯篤禪師

五八九

卷四

雲空智量禪師 嵩眉佛海禪師

五九七

卷五

宗風佛定禪師 古月明濟禪師

四

卷六

劍端達祖禪師 印海學情禪師

六一四

卷七

爍吼禪師 月恒真昇禪師

六二四

卷八

省參海寧禪師 善一純禪師

六三

續錄

續燈寂常禪師 竺崖心性禪師


四

肆、緇門世譜

四

伍、南嶽單傳記

五



續燈正統

清・性統編



1. $\frac{1}{2}$ 2. $\frac{1}{2}$ 3. $\frac{1}{2}$ 4. $\frac{1}{2}$ 5. $\frac{1}{2}$ 6. $\frac{1}{2}$ 7. $\frac{1}{2}$ 8. $\frac{1}{2}$ 9. $\frac{1}{2}$ 10. $\frac{1}{2}$ 11. $\frac{1}{2}$ 12. $\frac{1}{2}$ 13. $\frac{1}{2}$ 14. $\frac{1}{2}$ 15. $\frac{1}{2}$ 16. $\frac{1}{2}$ 17. $\frac{1}{2}$ 18. $\frac{1}{2}$ 19. $\frac{1}{2}$ 20. $\frac{1}{2}$ 21. $\frac{1}{2}$ 22. $\frac{1}{2}$ 23. $\frac{1}{2}$ 24. $\frac{1}{2}$ 25. $\frac{1}{2}$ 26. $\frac{1}{2}$ 27. $\frac{1}{2}$ 28. $\frac{1}{2}$ 29. $\frac{1}{2}$ 30. $\frac{1}{2}$ 31. $\frac{1}{2}$ 32. $\frac{1}{2}$ 33. $\frac{1}{2}$ 34. $\frac{1}{2}$ 35. $\frac{1}{2}$ 36. $\frac{1}{2}$ 37. $\frac{1}{2}$ 38. $\frac{1}{2}$ 39. $\frac{1}{2}$ 40. $\frac{1}{2}$ 41. $\frac{1}{2}$ 42. $\frac{1}{2}$ 43. $\frac{1}{2}$ 44. $\frac{1}{2}$ 45. $\frac{1}{2}$ 46. $\frac{1}{2}$ 47. $\frac{1}{2}$ 48. $\frac{1}{2}$ 49. $\frac{1}{2}$ 50. $\frac{1}{2}$ 51. $\frac{1}{2}$ 52. $\frac{1}{2}$ 53. $\frac{1}{2}$ 54. $\frac{1}{2}$ 55. $\frac{1}{2}$ 56. $\frac{1}{2}$ 57. $\frac{1}{2}$ 58. $\frac{1}{2}$ 59. $\frac{1}{2}$ 60. $\frac{1}{2}$ 61. $\frac{1}{2}$ 62. $\frac{1}{2}$ 63. $\frac{1}{2}$ 64. $\frac{1}{2}$ 65. $\frac{1}{2}$ 66. $\frac{1}{2}$ 67. $\frac{1}{2}$ 68. $\frac{1}{2}$ 69. $\frac{1}{2}$ 70. $\frac{1}{2}$ 71. $\frac{1}{2}$ 72. $\frac{1}{2}$ 73. $\frac{1}{2}$ 74. $\frac{1}{2}$ 75. $\frac{1}{2}$ 76. $\frac{1}{2}$ 77. $\frac{1}{2}$ 78. $\frac{1}{2}$ 79. $\frac{1}{2}$ 80. $\frac{1}{2}$ 81. $\frac{1}{2}$ 82. $\frac{1}{2}$ 83. $\frac{1}{2}$ 84. $\frac{1}{2}$ 85. $\frac{1}{2}$ 86. $\frac{1}{2}$ 87. $\frac{1}{2}$ 88. $\frac{1}{2}$ 89. $\frac{1}{2}$ 90. $\frac{1}{2}$ 91. $\frac{1}{2}$ 92. $\frac{1}{2}$ 93. $\frac{1}{2}$ 94. $\frac{1}{2}$ 95. $\frac{1}{2}$ 96. $\frac{1}{2}$ 97. $\frac{1}{2}$ 98. $\frac{1}{2}$ 99. $\frac{1}{2}$ 100. $\frac{1}{2}$

Figure 1. Schematic representation of the experimental design. The subjects were divided into two groups: the control group and the experimental group. The control group was divided into two subgroups: the control group and the experimental group. The experimental group was divided into two subgroups: the control group and the experimental group.

100

• • • • •

續燈正統序

蓋聞普陀之勝無窮也。去四明雖云纔數百里。然大洋當其前。西望外國三韓諸山。若在杳冥北接蓬萊。其東則高麗日本蒼茫雲霧間。當海濤盛壯排空觸岸之時。風與水相搏。咫尺不能辨。而魚龍變怪。俄頃百出。及天地開陰。夜起踞高頂。視日初出。湯漾巨浸。中海盡赤。已而跳踊出天末。光射水猶吞吐久之。余素疑所聞。亟欲往一觀。其奇意名山大海靈異所出。沒必有恢奇之人深潛好學之士出乎其間。而往來禱祈者率商賈豎子。無文士可與語。即求諸方外禪棲釋衲之倫。亦絕不可得。余益疑之。別菴禪師本蜀人。故高峰法嗣。自蜀來浙。禮徑山訪天童。遂住錫普陀。今年謁余武林。出其所著續燈正統問序於余。余觀其條析世系。南能北秀。派別宗分。殆合五燈爲一。豈維摩法所謂無盡燈者耶。雖然薪盡則火傳。然必有最初之一薪。今自別公溯大慧得十有七世。大慧至達磨。當得幾世耶。由達磨以上。至於釋迦爲二十八祖。乃釋迦未生前一劫必有一佛。凡更七劫而得

法苑珠林

七佛。卽又當幾何世耶。別公深潛好學。必能爲余述之余。又聞達磨自西浮海。至金陵。倡其教於中國。今別公乃復從中國振宗風於海外。豈恢奇之至將偕普陀大士隱現山海。俾人世終莫可得見耶。他日登四明山望洛伽數百里外。有光氣燭天。與日光爭輝耀者。必是書所在也。于是乎序。

康熙丁丑秋七月

賜進士第

誥授光祿大夫兵部左侍郎前巡撫貴州兼理湖北川東等處地方提督軍務都察院右副都御史加四級法末海寧楊雍建拜撰

序

先聖有云。西方有大聖人焉。不治而不亂。不言而自化。自達磨傳其道入東土。其爲道也不立文字。教外別傳。明心見性。了生脫死。予初探其門庭。竟無所得。且于履踐毫不相應。然遇出世弘道之士。擎拳豎指。棒喝交馳。一語一默。間儼若過屠門。不能禁其大嚼。

也壬申春泛南海登普陀得晤別庵和尚與語連日知爲大慧十七世孫也贈額而還次年和尙以所集續燈正統徵序于予予既不能窺其門庭又安敢于和尚前作誑語哉然細詳是編以南宋爲始要歸于今日補集五燈之未備是之謂續燈也以濟洞分列各清其授受表彰二桂之昌榮是之謂正統也燈續而統正將見燈燈不滅千載流光直使人人明心見性了生脫死所謂不治而不亂不言而自化其在斯歟其在斯歟

告

康熙癸酉春二月慈溪法弟姜宸英拜撰

序

瞿曇老子受然燈記荊爲禪燈之始祖厥後祖祖相傳燈燈相續其統不亂雖其間有垂手入廬者有孤峯獨宿者有兼擅化權者有單提正令者其報緣不同其正統則一也或有化行於東南而不行於西北或有化行於西北而不行於東南皆本於報緣耳咸

出自正統也徑山之下有聚雲慶忠高峯諸和尚相繼重振臨濟之道於西蜀別菴和尚嗣高峯老人西來江浙掃祖塔於徑山據師位於普陀而於鉗鎚獅象之餘志存表彰世系將濟宗先自曹溪十六世徑山編起至曹溪三十一世止次自曹溪十六世虎丘編起至曹溪三十五世止復將洞宗自曹溪十六世雪竇編起至曹溪三十七世止又收未詳法嗣及補遺共四十二卷名之曰續燈正統其心公其識遠其才全真可與傳燈會元諸錄並行於天下後世矣後之讀斯編者忽然策著磕著洞見古人心肝五臟未必無其人也余與和尚忝屬同門頽齡之際獲見是書喜不自勝而爲之序

告

康熙壬申夏五上旬

奉直大夫商州牧前知新寧樂城兩縣事同門法弟嘉禾沈廷勳克齋氏拜撰

續燈正統序

釋氏之有燈錄亦猶儒家之有通鑑也。自堯舜禹湯文武以至歷代人君經國治民之政事皆載於通鑑之中。自釋迦東西諸祖以至歷代禪師明心悟道之機緣皆載於燈錄之內。然精一執中建中建極帝王之所相傳也是經國治民何嘗不本於心哉。未出母胎度人已畢。經論之所稱贊也是明心悟道何嘗不利於生哉。荆菴和尚承嗣高峰乃大慧十七世孫也。丙寅歲自西蜀來江浙掃祖塔於徑山寄杖錫於天童。余與提臺陳公暨合郡諸先生同請主持普陀鎮海禪寺宗風丕振道譽遍聞名山藉以益著矣。壬申秋以所編續燈正統索序於余。其曰正統可知其所編不苟也。余展閱數四方誠徑山虎丘之下諸禪師如是明心如是悟道如是接物利生與吾儒致知誠意正心修身齊家治國平天下何以異哉。蓋和尚妙齡開法乃有餘力編集續燈表揚正統豈非再來人乎。雖然如是中峰禪師有云未生佛祖早傳此燈又作麼生請和尚下一轉語。 肯

康熙壬申桂月

賜進士出身文林郎

予告養親兵科給事中加七級法弟屠粹忠頓首撰

自序

世尊說法四十九年末爲迦葉看破達磨西來十萬餘里終被神光得髓三傳而信心銘出六傳而壇經行皆以闡發三藏十二部之幽微人以法顯法以人傳雖曰不立文字究亦何嘗離文字哉。繼後二桂騰芳五燈續燄殺活齊施縱擒並用有權有實雙放雙收立賓立主行棒行喝所謂痛快謹嚴高古細密簡明發於開示則有上堂小參形於煅煉則有示衆普說見諸著述則有偈頌著括別代徵評曲盡旨趣顯者微之幽者闡之即半言隻字具大關鍵積卷浩繁汗牛充棟歟歟盛矣。運會相繼隆替不常歷宋季元明四五百年間或時際述邇或地阻南北行道之士囿於偏都小邑經世之言沒於荒煙

蔓草人幾淪喪法亦式微。猶幸道不終泯。理有來復。山邊水邊。尙有一箇半箇絲繫九鼎。任荷千鈞。宗風賴以不墜也。延至明季。隆慶萬曆間。如虎丘十八世有龍池。得法於善果。維時正統尙絲懸也。後得天童磬山。其道大振。又十八世有南明。得法於車溪。維時正統亦絲懸也。後得鴛湖。其道大振。如雪竇十九世有廩山。得法於宗鏡。維時正統亦絲懸也。後得壽昌。其道大振。又二十世有大覺。得法於少室。維時正統亦絲懸也。後得雲門。其道大振。如大慧十三世有朝陽。得法於秦嶺。維時正統亦絲懸也。後得聚雲。其道大振。一時法社星列。雲布互相激揚。不但荷包衲子專趨向上。卽朝臣碩士亦知問道徵心。況值

昭代鼎興

世祖章皇帝徵書四出。崇重法門。

當今聖主巡幸通都大旌名利。賜雲林額於靈隱間。栢樹話於夾山。信宿立臺。再遊虎丘。登報恩之

塔步昭慶之壇

賜帑

勅建金山普陀之梵宇。華宮沙門

詔見徵問立旨。單傳之道於茲益著。荷擔斯道者。無時不以提持後學。開鑿人天爲己任。廣行著述。積善浩繁。又不啻汗牛充棟矣。但前輩錄多單本。或塔銘傳記。殘碑斷簡。中存十一。千百諸方各闡己宗。爲急務。或揀收失於刻。或博採流於濫。予因不辭固陋。會輯是編。惟冀後之來者。覽是編而有補焉。試觀南宋大慧虎丘定菴諸祖。大振臨濟曹洞。凡子若孫。以一傳百。類皆奉詔說法。承旨開堂。生有封死。有謚。帝王重法。何其隆也。然盛極而衰。其弊至於市源流。賣虛聲。倚權附勢。稱楊稱鄭。勢固然也。實人致之。迫明季乘願扶危者。若龍池南明。大覺廩山。朝陽諸師出參尋。諸方退守。林泉不務銜鬻。不博名高。輒計數十年不輕見人。所接類皆銅頭鐵額。克振家聲。若天童磬山。鴛湖雲門。壽昌聚雲諸

師地隔千里。實同一心。名山大刹。豎幟相望。衰極而盛。時固然也。亦人爲之。然今盛矣。予於此。又不無履霜之懼。妄操著述之權。非得已也。其庶幾藉法以顯人。因人以傳法耳。

康熙辛未歲夏五月。下浣。西蜀高梁嗣祖沙門性統。題於普陀之正續堂。

凡例

一傳燈錄始於宋景德道原禪師。繼則李遵勗居士集廣燈。佛國白禪師成續燈。晦翁明禪師作聯燈。雷菴受禪師著普燈。五燈盛行。其考詳其詞博矣。大川濟禪師乃輯之爲五燈會元。上自迦文。下及大鑑十八世。考精論確。無遺議者。慨自明中。葉法運中。衰語多遺。失雖大報恩。刻有續傳燈。南石秀禪師有增集。奈考世不廣。近代燈錄疊出。曰補燈。曰續略。曰續續。曰存稿。曰大統。曰寶積。續述去取。各有所尚。是編特搜群集。會爲大成。與廣潤僧寶傳互相發明。曰續燈。仍舊名也。曰正統。昭法系也。

一派別支。殊淵源則一。紀世總標。大鑑千百世分門之漸。自可永杜。

一大鑑十六世至十八世。已載會元。茲復從十六世起者。以濟下兒孫。俱出大慧虎丘。亦猶上之南嶽青原也。表其所自。且以補會元之未備。

一大慧虎丘。同出臨濟。從而分列。蓋依平陽弘覺禪師。禪燈世譜。且二師傳嗣。延促不同。不能齊於一世而止也。至於昭穆。竝如會元。世譜不敢涉私。

一源流各有嫡出。惟嫡子孫奉嫡宗祖。非他人可以妄冒者。如虎丘源流。中海舟普慈。永慈之悞。已考定於存稿。寶積僧寶諸集中。茲仍其舊。

一曹洞丹霞。下五代。大統刪出。以應門覺。卽淨因。覺直接芙蓉。楷常考南石秀禪師增集續傳燈。與大統無異。編稿已定。適得鼓山爲霖。沛禪師源流辨謬。甚言大統並增集之悞。因列如遠門續略。亦曰他家自有兒孫在。

一宗師語句。法眼所存。卽一言半句。可續正宗。其上堂小參。偈頌機語。悉採諸家成集。述而不作。

一著述固爲流通宗眼。然存人爲最。其有未得語句者。亦載於目錄中。俟後有志蒐羅之士。庶得因名增補也。

一有嗣無錄者。註曰不列章次。嗣不可考者。註曰無傳。凡郡縣山寺。稱呼俱遵近代。免翻閱者。猶豫一濟宗自大鑑十六世大慧起。至大鑑三十一世止。大鑑十六世虎丘起。至大鑑三十五世止。洞宗自大鑑十六世起。至大鑑三十七世止。計卷四十二。計冊十。未詳法嗣。附於卷末。

續燈正統目錄

首卷

序文

凡例

卷一

臨濟宗

大鑑下第十六世

昭覺勤禪師法嗣
勤嗣五祖演演嗣白雲端端嗣楊岐會

徑山宗杲禪師
法裔別見

虎丘紹隆禪師
法裔別見

卷二

臨濟宗

大鑑下第十六世

昭覺勤禪師法嗣

育王端裕禪師

大潯法泰禪師

護國景元禪師

玄沙僧昭禪師

南峰雲辨禪師

正法建禪師

華藏安民禪師

昭覺道元禪師

中竺中仁禪師

象耳袁覺禪師

華嚴祖覺禪師

福嚴文演禪師

明因曇玩禪師

虎丘元淨禪師

天寧梵思禪師

靈隱慧遠禪師

卷三

臨濟宗

大鑑下第十六世

昭覺勤禪師法嗣

君山覺禪師

寶華顯禪師

東山覺禪師	鴻福祖文禪師
天封覺禪師	道祖首座
宗振首座	樞密徐俯居士
郡王趙令矜居士	侍郎李彌遜居士
祖氏覺菴道人	令人明室道人
城都范縣君	普照奉勝禪師 <small>此後無傳</small>
虎丘宗達禪師	正法化冲禪師
普慧因淨禪師	淨溪常禪師
天寧道成禪師	實相道智禪師
信相圓禪師	長扣曉禪師
九頂希問禪師	中巖照禪師
廣利樞禪師	廣利琰禪師
無爲勝禪師	定山昂禪師
白水正禪師	開福宜禪師
顯報錫禪師	翠峰弼禪師
德山靜禪師	雲際全禪師
報恩瑩禪師	四明亨禪師
金文照禪師	西禪通禪師

長溪朴禪師	江寧悟明禪師
九頂宗悟禪師	寶林勤禪師
智顓禪師	道殊禪師
智度演禪師	自珍禪師
璟禪師	師範禪師
永懷有證禪師	中竺海禪師
幽巖珊禪師	乾明印禪師
景德旻禪師	保寧祖禪師
門司鄭證居士	靈泉希壽
雲頂宗正	
太平懃禪師 <small>法嗣懃祖演五</small>	
文殊正道禪師	南華知昂禪師
龍牙智才禪師	蓬萊卿禪師
何山守珣禪師	泐潭擇明禪師
寶藏本禪師	祥符清海禪師
淨衆了燦禪師	谷山海禪師
靈巖盡禪師 <small>此後無傳</small>	啓霞楚謙禪師
福勝深禪師	千山智嵩禪師

融藏主

發書記

龍門遠禪師法嗣遠嗣五祖演

龍翔士珪禪師

雲居善悟禪師

西禪文璉禪師

黃龍法忠禪師

卷四

臨濟宗

大鑑下第十六世

龍門遠禪師法嗣

烏巨道行禪師

白楊法順禪師

雲居法如禪師

歸宗正賢禪師

道場明辨禪師

方廣深禪師

世奇首座

淨居尼慧溫禪師

給事馮楫居士

雲居圓禪師此後無傳

雲居祖禪師

三聖道方禪師

寂菴主

越州石佛世奇首座

三聖真常禪師

辨侍者

三角劫禪師

開福寧禪師法嗣寧嗣五祖演

大滄善果禪師

大隨元靜禪師法嗣靜嗣五祖演

石頭白回禪師

護聖居靜禪師

南巖勝禪師

梁山遠禪師

能仁紹悟禪師

土溪子言菴主

南修造禪師

尙書莫將居士

龍圖王簫居士

能仁淨禪師此後無傳

黃梅明禪師

妙高則禪師

釣臺詮

提刑吳听居士

五祖自禪師法嗣自嗣五祖演

龍華高禪師

天目齊禪師法嗣齊嗣五祖演

懶牛和禪師不列章次

卷五

臨濟宗

大鑑下第十六世

長靈卓禪師法嗣卓嗣靈源清濟嗣晦堂心心嗣黃龍南

育王介謚禪師

道場慧琳禪師

道場居慧禪師

顯寧圓智禪師

烏回良範禪師

本寂文懋禪師

溫州符菴主

章次

徑山惟表禪師

無傳

上封才禪師法嗣

才嗣靈源清

普賢元素禪師

鼓山僧洵禪師

鼓山祖珍禪師

仁王大心漢禪師

章次

黃龍逢禪師法嗣

逢嗣靈源清

薦福擇崇禪師

靈峰古禪師法嗣

古嗣靈源清

舒州四面欣禪師

章次

上封秀禪師法嗣

秀嗣死心新

文定胡安國居士

禾山方禪師法嗣

方嗣死心新

袁州仰山韜禪師

此後無傳

萬年一禪師法嗣

一嗣海堂清

報恩法常禪師

石佛浮禪師

章次

黃龍震禪師法嗣

震嗣海堂清

德山慧初禪師

天龍緣禪師

此後無傳

眞州北山作禪師

嶽山祖菴主法嗣

祖嗣青原信

延慶叔禪師

雲巖遊禪師法嗣

遊嗣準嗣實

徑山智策禪師

報恩智一禪師

章次

信相顯禪師法嗣

顯嗣昭覺白白嗣黃

金繩文禪師

雲頂師日禪師

此後無傳

中峰祖源禪師

中巖能禪師法嗣

能嗣大潯瑤嗣大

龍頭崇眞禪師

章次

圓通旻禪師法嗣

旻嗣海堂清

圓通守慧禪師

黃龍道觀禪師

左丞范冲居士

樞密吳居厚居士

諫議彭汝霖居士

中丞盧航居士

左司鄭都貺居士

天童交禪師法嗣

交嗣海堂清

蓬萊圓禪師

勝因靜禪師法嗣靜嗣

萬壽普信禪師

慧日興道禪師

光孝果慈禪師

崇寧超禪師此後無傳

廣教嵩禪師

法慧冲禪師

雪峰有需禪師法嗣需嗣

雪峰慧忠禪師

淨衆全禪師此後無傳

天寧靖禪師

鼓山宗譯禪師

陳易體常居士

明招慧禪師法嗣慧嗣

石塔禮禪師

淨光和尙無傳

祥符立禪師法嗣立嗣

報慈淳禪師

浮山眞禪師法嗣眞嗣

靈巖微禪師

大瀉智禪師法嗣智嗣

雲菴澄禪師無傳

石霜能禪師

泰岳久禪師

陳與義居士

淨因成禪師法嗣成嗣

瑞巖如勝禪師

治父道川禪師

大鑑下第十七世

育王裕禪師法嗣

清涼坦禪師

淨慈師一禪師

道場法全禪師

鼓山道昇禪師

雲巖法秀禪師此後無傳

連雲行敦禪師

天目肇禪師

安巖古禪師

上巖詠禪師

大瀉泰禪師法嗣

慧通清旦禪師

靈巖仲安禪師

正法灝禪師

昭覺辨禪師

護國元禪師法嗣

國清行機禪師

焦山師體禪師

華藏智深禪師

上竺圓智禪師

參政錢端禮居士

卷六

臨濟宗

大鑑下第十七世

龍翽靈瑞肱禪師 不列章次

信州懷玉堅禪師 無傳

洪州同安隆禪師

靈巖宜芳禪師

黃蘗幻住印禪師

西禪文璉禪師法嗣

西禪希秀禪師

黃龍法忠禪師法嗣

信相戒修禪師

慈化印肅禪師

無爲道徽禪師 此後無傳

崇化道贊禪師

烏巨道行禪師法嗣

薦福休禪師

龜峰慧光禪師

長蘆守仁禪師

薦福忠禪師 此後無傳

天寧記禪師

智者修禪師

白楊順禪師法嗣

青原如禪師

南安嚴如禪師 無傳

雲居法如禪師法嗣

隱靜彥岑禪師

報恩成禪師

歸宗正賢禪師法嗣

永壽嗣衡禪師 此後無傳

無爲了悟禪師

道場辨禪師法嗣

覺報清禪師

正法濟禪師 此後無傳

金繩勤禪師

淨居尼溫禪師法嗣

淨居尼法燈禪師

大瀉善果禪師法嗣

玉泉宗璉禪師

大瀉行禪師

道林淵禪師

大洪祖證禪師

勸潭德淳禪師

保安可封禪師

石亭祖璿禪師

石霜宗鑑禪師

報恩文爾禪師

吉祥燦禪師 此後無傳

石門立禪師

雙林遠禪師

穹窿覺文禪師

禾山暹禪師

法輪孜禪師

雪峰一禪師

石頭回禪師法嗣

雲居德會禪師

梁山師遠禪師法嗣

成都信相宜禪師不列章次
懶牛和禪師法嗣

竹林寶禪師不列章次

卷七

臨濟宗

大鑑下第十七世

育王謹禪師法嗣

萬年曇貫禪師

西巖宗回禪師

龍華本禪師

雪竇妙湛禪師

道場琳禪師法嗣

東山吉禪師

徑山了粹禪師

道場慧禪師法嗣

靈隱道樞禪師

烏回範禪師法嗣

烏回禧禪師無傳

天童了樸禪師

高麗坦然禪師

華嚴先禪師此後無傳

狼山珥禪師此後無傳

圓通慧禪師法嗣

天寧布衲禪師此後無傳

萬壽信禪師法嗣

能仁琢禪師此後無傳

鶴林妙禪師

光孝愍禪師法嗣

光孝悟初首座

雪峰忠禪師法嗣

上藍獨秀宏禪師不列章次

大鑑下第十八世

淨慈一禪師法嗣

天童達觀禪師

承天湛禪師此後無傳

蘇州延聖寂堂

道場法全禪師法嗣

華藏有權禪師

焦山體禪師法嗣

天童智穎禪師

大瀉効常禪師

孝感疎禪師

永寧道全禪師

崇勝善行禪師不列章次

仰山嗣清禪師

瑞巖順禪師

天童茨菴堯禪師此後無傳

萬壽無證了修禪師

徑山寶印禪師法嗣

金山道奇禪師

金山永聰禪師

疎山本禪師法嗣

華嚴權禪師無傳

楚安慧方禪師法嗣

和菴若禪師此後無傳

訥菴俊禪師

雙林德用禪師法嗣

三峰印禪師

靈瑞肱禪師法嗣

福嚴傑禪師無傳

慈化印肅禪師法嗣

佛慧清禪師此後無傳

鐵牛禮禪師

盤龍和光世禪師

衲僧俊禪師

龜峰慧光禪師法嗣

徑山元聰禪師

雪峰元肇禪師此後無傳

報恩智因禪師

隱靜彥岑禪師法嗣

福嚴禮禪師不列章次

玉泉宗璉禪師法嗣

玉泉希潑禪師

大瀉行禪師法嗣

德山子涓禪師

無為悟禪師

大洪祖證禪師法嗣

萬壽師觀禪師

丞相益國周公

雲居德會禪師法嗣

萬松大璉禪師

竹林寶禪師法嗣

竹松安禪師不列章次

萬年賁禪師法嗣

龍鳴賢禪師

天童從瑾禪師

投子還菴淳禪師此後無傳

筠谷達禪師

德山師本禪師此後無傳

永福衝禪師

玉泉恩禪師此後無傳

監丞周成乘居士

大瀉鑑禪師

智門景蒙禪師

全菴存禪師

天童樸禪師法嗣

雪竇僧彥禪師此後無傳

大鑑下第十九世

天童達觀禪師法嗣

虎丘善濟禪師

天衣文蔚禪師

斷巖躬禪師此後無傳

復川源禪師

天童穎禪師法嗣

徑山荊叟如珏禪師

虎丘不傳本禪師此後無傳

南翁朋禪師

金山奇禪師法嗣

靈隱祖泉禪師

福嚴禮禪師法嗣

半山嵩山晃禪師無傳

萬壽師觀禪師法嗣

黃龍慧開禪師

太平詔禪師

華藏善淨禪師

栢巖凝禪師

萬壽獨山體禪師

無方夢覺禪師

雪峰德因禪師

光孝伊菴玉禪師

石霜妙印禪師

囊山孤峰德秀禪師

竹林安禪師法嗣

海西容菴海禪師不列章次

天童瑾禪師法嗣

虛菴徹禪師不列章次

大鑑下第二十世

華藏淨禪師法嗣

雪峰玉禪師

月溪清禪師此後無傳

薦福祥禪師

徑山荊叟如珏禪師法嗣

中竺空巖有禪師

雪峰因禪師法嗣

風幡中禪師不列章次

古泉錫禪師

靈隱祖泉禪師法嗣

寶林無機禪師

黃龍開禪師法嗣

鴻福嵩嚴洗禪師無傳

天童謀禪師

天寧勤禪師

淨慈善慶禪師

愚叟智禪師此後無傳

護國宗禪師

慧雲祖禪師

華藏無見禪師

余放牛

無疑定禪師此後無傳

趙信菴

石霜印禪師法嗣

金牛真禪師此後不列章次

真翁圓禪師

囊山秀禪師法嗣

鼓山正凝禪師

雙林介禪師

石室彌堅禪師無傳

海西容菴海禪師法嗣

慶壽中和璋禪師

葛廬覃禪師

虛菴敬禪師法嗣

千光西禪師不列章次

卷八

臨濟宗

大鑑下第二十一世

中竺有禪師法嗣

真覺信禪師

痴牛愚禪師

信翁朝禪師此後無傳

明叟宗禪師

風幡中禪師法嗣

呂鐵船居士

南華古稱尊無傳

華藏見禪師法嗣

金芝念禪師

真翁圓禪師法嗣

天寧教禪師

金牛真禪師法嗣

普明寬禪師

毒蛇善禪師

鼓山凝禪師法嗣

殿山德異禪師

海珠鎮禪師不列章次

慶壽璋禪師法嗣

慶壽印簡禪師

大鑑下第二十二世

真覺信禪師法嗣

天寶法樞禪師

大慈嚴成禪師此後不列章次

空海源禪師

普明寬禪師法嗣

龍池永寧禪師

縉雲如海真禪師不列章次

天寧教禪師法嗣

妙果水盛禪師

澗山異禪師法嗣

慈化瓊禪師

柘浦大同和禪師不列章次

慶壽簡禪師法嗣

華嚴慧明禪師此後不列章次

顧菴偃禪師

大鑑下第二十三世

大慈成禪師法嗣

烏石世愚禪師

天寶樞禪師法嗣

淨慈智順禪師

縉雲真禪師法嗣

靈鷲寶金禪師

龍池寧禪師法嗣

季山仁奉禪師此後無傳

報本詔洪禪師

孤舟濟禪師

芙蓉志恭禪師

慈化瓊禪師法嗣

香嚴思聰禪師

廣德東山旻禪師無傳

顧菴偃禪師法嗣

西雲菴禪師無傳

大鑑下第二十四世

烏石愚禪師法嗣

靈谷道永禪師

淨慈順禪師法嗣

無言文顯禪師此後無傳

卽空解禪師

靈鷲金禪師法嗣

天界智通禪師無傳

大鑑下第二十五世

靈谷永禪師法嗣

天然復禪師此後無傳

卷九

牧菴謙禪師

顯德詔善禪師

寂照導禪師

護龍啓原禪師

雪屋心禪師

臨濟宗

大鑑下第十七世

徑山宗杲禪師法嗣

教忠彌光禪師

西禪鼎需禪師

西禪守淨禪師

育王德光禪師

天童淨全禪師

玉泉曇懿禪師

育玉遵璞禪師

靈巖了性禪師

萬壽自護禪師

靈隱了演禪師

卷十

大鑑下第十七世

大慧杲禪師法嗣

雪峰蘊聞禪師

靈隱道印禪師

東林道源禪師

東禪思岳禪師

開善道謙禪師

華藏宗演禪師

大滄法寶禪師

薦福悟本禪師

能仁祖元禪師

蔣山善直禪師

大滄景暈禪師

光孝致遠禪師

連雲道能禪師

竹原宗元菴主

徑山了明禪師

淨居尼妙道禪師

侍郎張九成居士

寶學劉彥修居士

門司黃彥節居士

雪峰慧然禪師此後不列章次

祖麟禪師此後無傳

雲臥曉瑩禪師

舟峰慶老禪師

福州空禪師

花藥繼明禪師

嶽麓梵禪師

大滄惠仰禪師

徑山祖慶禪師

祥符如本禪師

象田信禪師

岳侍者

編修黃文昌居士

近禮侍者

資壽尼妙總禪師

參政李邨居士

提刑吳偉明居士

秦國夫人計氏

水陸野菴禪師

清涼殊禪師

大雲穎禪師

龍王自隱禪師

南華因禪師

昭覺子文禪師

超宗禪師

洛浦相禪師

伊山冲密禪師

象田德禪師

龍牙信禪師

光孝林禪師

九鼎法生禪師

鄭昂居士

大悲閒禪師

福嚴了賢禪師

報恩崇海禪師

薦福妙熙禪師

石門仁禪師

蔣山恩禪師

光孝圓禪師

秀峰南禪師

報恩行禪師

玉泉道成禪師

興王如沼禪師

法宏禪師

光孝立禪師

大明廣容禪師

正法秀禪師

正煥上座

潭柘圓性禪師

徑山有才禪師

華嚴覺印禪師

慶成冲禪師

光孝祖彥禪師

博山能禪師

龍翔宗常禪師

蔣山等詮禪師

墨水曇振禪師

法濟僧鸞禪師

薦福普仁禪師

大滄如晦禪師

明招觀禪師

從慶慶禪師

石泉詠禪師

明招微禪師

昭覺祖明禪師

仰山圓禪師

關西尼真如禪師

大鑑下第十八世

教忠彌光禪師法嗣

法石慧空禪師

青原性菴唯禪師

雪峰元鑒禪師

徑山元聰禪師

東林潁禪師法嗣

公安遜菴祖珠禪師

淨慈肯堂彥充禪師

昭覺紹淵禪師

資福遂良禪師

積善道昌禪師

護聖麟菴開禪師

西禪鼎需禪師法嗣

鼓山木菴安永禪師

天王志清禪師

東禪思嶽禪師法嗣

鼓山宗逮禪師

淨慈曇密禪師

道一維那此後無傳

報恩智因禪師

樵隱陳安節

汀州報恩法演禪師

智者元菴真慈禪師

徽州簡上座

萬年荷屋常禪師此後無傳

保福清皎禪師

棲賢辨禪師

龍翔栢堂南雅禪師

劍門安分菴主

徑山德潛禪師

鼓山知昭禪師

白雲師沼禪師無傳

西禪守淨禪師法嗣

乾元宗穎禪師

華嚴別峰雲禪師

中濟無禪立才禪師

開善謙禪師法嗣

吳十三道人

卷十一

大鑑下第十八世

育王佛照光禪師法嗣

靈隱妙峰之善禪師

淨慈北磬居簡禪師

徑山浙翁如琰禪師

天童無際了派禪師

東禪性空智觀禪師

上方朴翁義銛禪師

育王空叟宗印禪師

育王退谷義雲禪師

徑山妙嵩禪師

育王秀巖師瑞禪師

育王孤雲權禪師

天童師齊禪師

石菴正珣禪師

雲居率菴梵琮禪師

靈隱鐵牛印禪師

虎丘鏡中大仁禪師

此後無傳

徑山石橋宣禪師

宋孝宗皇帝

華藏遜菴演禪師法嗣

何山慧清禪師

育王法明禪師此後無傳

南禪大用禪師

移忠得一禪師

天童無用全禪師法嗣

育王笑翁妙堪禪師

靈隱石鼓希夷禪師

雪峰滅堂了宗禪師

雪竇野雲處南禪師

盤山思卓和尚此後無傳

止菴居士錢象祖

承天允韶禪師無傳

育王璞禪師法嗣

然菴主無傳

育王從廓禪師

雪峰然禪師法嗣

如如居士顏丙

水陸菴禪師法嗣

四恩禪師無傳

大鑑下第十九世

青原種禪師法嗣

青原宗廣禪師

鼓山永禪師法嗣

淨慈悟明禪師

承天一菴法堅禪師不列章次

靈隱善禪師法嗣

徑山善珍禪師

淨慈仲穎禪師

龍濟宗整禪師

無方安禪師不列章次

雪峰霜林果禪師此後無傳

雪翁立禪師

無等融禪師

乾元穎禪師法嗣

鼓山宗鑒禪師此後無傳

白雲訥菴仁禪師

淨慈簡禪師法嗣

育王大觀禪師

萬壽石樓禪師無傳

徑山如琰禪師法嗣

徑山廣聞禪師

虎丘曇禪師

徑山原肇禪師

天童旡禪師

雙林朋禪師

靈隱普濟禪師

虎丘道源禪師

大慈慧洪禪師

壽國嗣清禪師

龍溪文禪師此後無傳

孤巖啓禪師

法藏聞禪師

承天璉禪師

卷十二

臨濟宗

大鑑下第十九世

天童無際派禪師法嗣

天寧無境徹禪師

雪窓日禪師此後無傳

育王空叟印禪師法嗣

道場法舟禪師

無極觀禪師

徑山妙嵩禪師法嗣

無塵淨禪師不列章次

育王秀巖瑞禪師法嗣

瑞巖崇壽禪師

徑山石橋宣禪師法嗣

古樵侃禪師無傳

何山慧清禪師法嗣

困叟源禪師

草堂隆禪師

龍峰定禪師

足翁麟禪師

雪峰北山信禪師

育王笑翁妙堪禪師法嗣

薦福無文燦禪師

杭州殊勝圓明因禪師此後無傳

黃龍東湖祥禪師

育王從廓禪師法嗣

開元宜意禪師無傳

大鑑下第二十世

淨慈明禪師法嗣

太原苦口良益禪師

徑山珍禪師法嗣

徑山行端禪師

淨慈東叟穎禪師法嗣

江心一山了萬禪師

智者自閒禪師

龍濟友雲整禪師法嗣

徹菴見禪師不列章次

無方安禪師法嗣

曹溪覺禪師無傳

嶽林栢堂益禪師

枯木榮禪師

育王物初觀禪師法嗣

徑山晦機元熙禪師

徑山偃溪聞禪師法嗣

徑山妙高禪師

天童止泓鑑禪師

雪峰平楚綽禪師此後無傳

草堂隆禪師

徑山淮海肇禪師法嗣

虎丘孤巖啓禪師無傳

天童弁山阡禪師法嗣

圓通雪溪逸禪師

雙林介石朋禪師法嗣

靈隱祖閭禪師

靈隱普濟禪師法嗣

天童石門來禪師

蔣山東叟愷禪師無傳

天寧無鏡徹禪師法嗣

用潛明禪師無傳

何山鐵鏡至明禪師

北禪毒果因禪師

南山壽禪師

雪竇野翁炳同禪師

灌溪昌禪師

無鹿淨禪師法嗣

光孝玉潤瑩禪師

雪峰北山信禪師法嗣

大慶尼智悟禪師

薦福無文燦禪師法嗣

支提澄鑑禪師

別翁總禪師

卷十三

臨濟宗

大鑑下第二十一世

太原苦口良益禪師法嗣

汾州筏渡普慈禪師

徑山元叟端禪師法嗣

靈隱竹泉法林禪師

國清夢堂曇噩禪師

徑山愚菴智及禪師

卷十四

南浦遵禪師無傳

薦福定山一禪師此後無傳

圓通王崖振禪師

徑山古鼎祖銘禪師

天寧楚石梵琦禪師

萬壽行中至仁禪師

臨濟宗

大鑑下第二十一世

徑山元叟端禪師法嗣

徑山復原福報禪師

上竺我菴本無禪師

靈隱天鏡原澹禪師

萬壽佛初智淳禪師

金山慧明禪師此後無傳

開元方崖成大禪師

施元啓禪師

清涼用堂子梗禪師

開化一菴道如禪師

江心一山了萬禪師

報恩無方智普禪師

大覺泰定叟禪師無傳

贛州徹菴見禪師法嗣

黃龍空菴了一禪師無傳

徑山晦機元熙禪師法嗣

靈隱性原慧朗禪師

開原愚仲善如禪師

護聖施原啓禪師

天寧仲猷祖闡禪師

天寧太古曇徽禪師

五峰元恕普慈禪師

慈雲莊禪師

五祖意禪師

雲居小隱師大禪師

龍翔大訢禪師

保寧天倫禪師

育王祖瑛禪師

中竺正遂禪師

天衣子清禪師

祥符念常禪師

淨慈會禪師

南禪覺岸禪師

東林東暘德輝禪師

此後無傳

虎丘雪窓普明禪師

平川濟禪師

別峰一雲大同禪師

徑山雪峰高禪師法嗣

東林古智哲禪師

中竺一溪自如禪師

徑山本源善達禪師

天童恠石奇禪師

龍岳眞首座

國清無我親禪師

無傳

何山鐵鏡明禪師法嗣

恭都寺

天童止泓鑑禪師法嗣

道場思珉禪師

萬壽竺田汝霖禪師

靈隱闇禪師法嗣

東林宗廓禪師

楚石瑤禪師

此後無傳

雪岑立禪師

雪竇野翁同禪師法嗣

嶽林水南湘禪師

無傳

灌溪昌禪師法嗣

無積衆禪師

無傳

卷十五

臨濟宗

大鑑下第二十二世

汾州後渡普慈禪師法嗣

相國道顯禪師

靈隱林禪師法嗣

石田耕禪師

無傳

徑山古鼎銘禪師法嗣

天寧力金禪師

竺曇敷禪師

此後不列章次

本空相禪師

徑山象源仁淑禪師

此後無傳

萬壽天淵濬禪師

印宗密禪師

國清夢堂曇噩禪師法嗣

天台智嚴禪師

此後無傳

岱宗泰禪師

天寧楚石梵琦禪師法嗣

瑩中景璫禪師此後無傳

祖光上座

徑山智及禪師法嗣

靈隱忻悟禪師

天龍道衍禪師

用愚顏禪師無傳

萬壽仁禪師法嗣

徑山文琇禪師

靈隱明禪師法嗣

雙林正菴闇禪師此後不列章次 碧峰無作禪師

敏中智禪師此後無傳 仲謙益禪師

西緒續禪師

徑山復元報禪師法嗣

損菴義禪師無傳

靈隱潛禪師法嗣

禪慧智湛禪師此後無傳 龍山普明禪師

昭福楚馨禪師

龍翔訢禪師法嗣

天界慧曇禪師 天界宗泐禪師

中竺庭俊禪師

資聖仲銘禪師

圓通崇裕禪師

靈隱輔良禪師

淨慈懷渭禪師

仲邠岐禪師

靈石一舟蓮禪師此後無傳

芳林粵禪師

仲達景禪師

景南亨禪師

性原道禪師

保寧倫禪師法嗣

薦嚴物先義禪師不列章次

笑菴愈禪師此後無傳

玉剛環禪師

道場珉禪師法嗣

愚溪智禪師不列章次

萬壽霖禪師法嗣

道場明德禪師

大鑑下第二十三世

相國顯禪師法嗣

小菴行密禪師

天寧西白金禪師法嗣

保寧覺慧禪師

白石瑄禪師無傳

竺曇敷禪師法嗣

淨慈師頤禪師

本空相禪師法嗣

華嚴妙禪師無傳

雙林正菴閻禪師法嗣

徑山宗淨禪師

無作行禪師法嗣

勝菴緣禪師此後無傳

茂林新禪師

覺菴省禪師

天界曇禪師法嗣

靈谷淨戒禪師

別峰在禪師

天界行椿禪師

天界勸禪師法嗣

天童湛然自性禪師

一宗欽禪師此後無傳

古章憲禪師

慧燈智禪師

用評衡禪師

楚峰遷禪師

國清導升禪師此後無傳

天寧純一禪師

育王常在禪師

大隨德始禪師

鼎菴恕禪師

素菴行禪師

中竺俊禪師法嗣

無言本禪師不列章次

圓通崇裕禪師法嗣

天雨盛禪師不列章次

靈隱良禪師法嗣

隱適中禪師無傳

淨慈渭禪師法嗣

靈谷巽中謙禪師不列章次

薦嚴物先義禪師法嗣

淨慈道聯禪師

越州天衣祿禪師

宗傳後禪師

無我已禪師

梅窓勝禪師

道場明德禪師法嗣

靈隱本聚禪師

愚溪智禪師法嗣

壽嚴昌禪師無傳

晦元泉禪師無傳

節菴禮禪師此後無傳

福源貺禪師

松雲秀禪師

竹曇靜禪師

景初曦禪師

卷十六

臨濟宗

大鑑下第二十四世

小菴行密禪師法嗣

二仰圓欽禪師

靈谷淨戒禪師法嗣

古章彙禪師此後無傳

宗器璉禪師

玉田瓚禪師

武岡坪禪師

贛泉琛禪師

天雨盛禪師法嗣

性初善禪師無傳

無言本禪師法嗣

東昇晧禪師此後無傳

卽菴隱禪師

靈谷謙禪師法嗣

靈谷潔菴正映禪師

雲壑觀禪師

及菴信禪師

止菴容禪師

指南宗禪師

天泉淵禪師

宗源紹禪師

靈隱聚禪師法嗣

宗衍上座無傳

淨慈祖芳聯禪師法嗣

普明成禪師

大鑑下第二十五世

二仰圓欽禪師法嗣

壽州無念智有禪師

靈谷潔菴映禪師法嗣

道源信禪師此後無傳

孤峰香禪師

大鑑下第二十六世

壽州無念智有禪師法嗣

荊山懷寶禪師

晦菴隱禪師

方橋朗月正映禪師

守拙上座

大鑑下第二十七世

荊山懷寶禪師法嗣

淨慈宗靜禪師

雪峰秋崖遠止禪師

正悟宗徹禪師此後無傳

興龍慧可愚禪師

樵峰默然澄禪師

秦嶺鐵牛德遠禪師

大鑑下第二十八世

秦嶺鐵牛德遠禪師法嗣

朝陽月明聯池禪師

大鑑下第二十九世

朝陽月明聯池禪師法嗣

聚雲吹萬廣真禪師

大鑑下第三十世

聚雲吹萬廣真禪師法嗣

治平鐵壁慧機禪師

卷十七

臨濟宗

大鑑下第三十世

聚雲吹萬真禪師法嗣

萬松三目慧芝禪師

寶峰三巴掌鐵眉慧麗禪師

大鑑下第三十一世

治平鐵壁機禪師法嗣

成都石樓燈昱禪師

東明眉山燈甫禪師

夢雲衡山燈炳禪師

高峰三山燈來禪師

太平三空燈杲禪師

高峰橋松燈億禪師

卷十八

臨濟宗

大鑑下第三十一世

治平鐵壁機禪師法嗣

汾陽覺天燈啓禪師

竹菴般若燈譜禪師

牛首雲巖燈映禪師

潭州萬峰至善禪師

治平竺峰幻敏禪師

桐山普門燈顯禪師

天元體如燈慧禪師

巫陽慈祥燈遠禪師

天峰燈南禪師

惺徹燈法禪師

天寧燈九禪師

慶忠燈向禪師

大川燈濟禪師

暉白燈桂禪師

四維禪師

天長禪師

妙德尼燈鑑禪師

工部熊月崖居士

總憲吳天谷居士

按察文葦菴居士

長陽侯胡屏山居士

副戎王一喝居士

萬松慧芝禪師法嗣

雲巖燈古禪師

聚雲燈世禪師

岫崖燈燎禪師

寶峰鐵眉麗禪師法嗣

天寧燈嵩禪師

提督陳世凱居士

卷十九

臨濟宗

大鑑下第十七世

虎丘紹隆禪師法嗣

天童曇華禪師

大鑑下第十八世

天童曇華禪師法嗣

天童密菴咸傑禪師

光孝善登禪師

南書記

侍郎李浩居士

教授嚴康朝居士

鳳山守詮禪師此後無傳

禾山心鑒禪師

智者滿禪師

何山煥禪師

大鑑下第十九世

天童傑禪師法嗣

靈隱崇嶽禪師

臥龍祖先禪師

薦福道生禪師

天童自鏡禪師

淨慈慧光禪師

隱靜致柔禪師

靈隱了悟禪師

蔣山慶如禪師

承天允韶禪師

侍郎張鎰居士

栢庭文不列章次

業海茂無傳

卷二十

臨濟宗

大鑑下第二十世

靈隱嶽禪師法嗣

天童文禮禪師

道場普嚴禪師

金山善開禪師

華藏覺通禪師

龍翔希璉禪師

瑞巖光睦禪師

道場悟心禪師

雪竇範禪師

瑞巖岳禪師

雪竇仲謙禪師

淨慈道禪師

虎丘曇禪師

諾菴肇禪師

秘監陸游居士

臥龍先禪師法嗣

徑山師範禪師

雲居慈覺禪師

薦福生禪師法嗣

徑山道冲禪師

天童自鏡禪師法嗣

育王有照禪師

法石智禪師

報恩先禪師

岳翁淳禪師

無已謙禪師

隱靜致柔禪師法嗣

虎丘元禪師

卷二十一

臨濟宗

大鑑下第二十一世

天童禮禪師法嗣

育王如拱禪師

靈隱法薰禪師

大慈道儔禪師

淨慈沅禪師

西禪圓禪師

公安錫禪師

鼓山元智禪師此後無傳

淨慈行肇禪師

天寧衍禪師

翠巖守眞禪師此後無傳

道場普嚴禪師法嗣

徑山智愚禪師

金山開禪師法嗣

徑山心月禪師

華藏通禪師法嗣

徑山虛舟度禪師

瑞巖岳禪師法嗣

萬壽辯禪師

雪竇謙禪師法嗣

承天夢眞禪師

一關溥禪師

雪竇昭禪師

淨慈道禪師法嗣

萬壽嶽禪師

徑山範禪師法嗣

仰山祖欽禪師

虎丘靖禪師

月庭華禪師

天童衍禪師

虎丘義禪師

慧嚴泳禪師

國清澤禪師

仰山無禪信禪師無傳

卷二十二

臨濟宗

大鑑下第二十一世

徑山範禪師法嗣

淨慈妙倫禪師

靈隱寧禪師

雪峰一禪師

雪竇紹曇禪師

光孝輝禪師

東林直禪師

江心元菴寧禪師

東山日禪師

頑石玉禪師

牧溪常禪師

靈隱薰禪師法嗣

淨慈慧禪師

國清虛舟心禪師

此後無傳

徑山冲禪師法嗣

天童了慧禪師

天童祖智禪師

天童明禪師

雪峰可湘禪師

國清源禪師

無學元禪師

此後不列章次

雪竇方巖垠禪師

此後無傳

石梁忠禪師

劍關益禪師

松麓然禪師

中竺珂禪師

靈隱一如因禪師

神光隆禪師

天童敬禪師

育王頌極彌禪師

此後不列章次

蔣山正叟心禪師

淨慈無文傳禪師

石霜西溪心禪師

此後無傳

開先別翁甄禪師

艮山沂禪師

東山東岡省禪師

育王照禪師法嗣

道場介清禪師

大鑑下第二十二世

育王珙禪師法嗣

薦福妙道禪師

保寧清茂禪師

天衣覺恩禪師

淨慈鞏禪師法嗣

靈隱德海禪師

天寧景曇禪師

虎丘壽永禪師

徑山愚禪師法嗣

虎丘雲禪師

定水妙源禪師

靈石芝禪師

此後無傳

徑山月禪師法嗣

南叟茂禪師

明巖徹禪師

南洲珍禪師

徑山度禪師法嗣

徑山淨伏禪師

玉山德珍禪師

不列章次

承天眞禪師法嗣

澤山咸禪師

無傳

卷二十三

臨濟宗

大鑑下第二十二世

仰山欽禪師法嗣

天目原妙禪師

徑山希陵禪師

鐵山瓊禪師

默翁一禪師

陡涯戒禪師

雲谷慶禪師

此後無傳

北堂森禪師

天童坦禪師

靈雲持定禪師

能仁圓至禪師

匡山原禪師

此後不列章次

海印如禪師

道場信禪師

淨慈倫禪師法嗣

瑞巖寶禪師

永宗本禪師

古田屋禪師

不列章次

竹山圭禪師

天童慧禪師法嗣

天童淨日禪師

本翁訥禪師

無傳

雪峰湘禪師法嗣

開元斷巖妙恩禪師

此後無傳

大圭杰禪師

無學原禪師法嗣

蔣山忠禪師

方外圓禪師

無傳

江心寧禪師法嗣

大夢意禪師

無傳

育王彌禪師法嗣

育王德明禪師

絕象鑑禪師

竹屋簡禪師

雪山曇禪師

此後無傳

藏室珍禪師

月澗明禪師

不列章次

開元正悟契祖禪師

高峰日禪師

不列章次

蔣山心禪師法嗣

玉潤璉禪師此後無傳

重叟慶禪師

淨慈傳禪師法嗣

三塔至美禪師

大鑑下第二十三世

薦巖道禪師法嗣

瑞巖無愠禪師

徑山與禪師

天童一禪師

木菴聰禪師

保福一菴如禪師此後無傳
壽昌別源源禪師

靈石古帆新禪師

卷二十四

臨濟宗

大鑑下第二十三世

保寧茂禪師法嗣

靈巖清欲禪師

清涼懋禪師

僊巖猷禪師

定慧因禪師

龍華海禪師

靈江浩禪師無傳

靈隱海禪師法嗣

徑山顏禪師

斗峰正璋禪師

明因湛禪師

育王慧照禪師

徑山鏡禪師

育王悟光禪師

明巖太古熙禪師此後無傳

中行復禪師

海會枯木子榮禪師

天寧曇禪師法嗣

三空道人

徑山伏禪師法嗣

徑山悅禪師

育王正印禪師

靈隱孤朗明禪師此後不列章次

定明習禪師

卽休了禪師此後無傳

明極峻禪師

別岸舟禪師

無際本禪師

天童坦禪師法嗣

天界懷信禪師

天寧明牧禪師

正宗庄禪師此後不列章次

華國文禪師

天宇定禪師

玉山珍禪師法嗣

蔣山忠禪師

卷二十五

臨濟宗

大鑑下第二十三世

天目妙禪師法嗣

天目明本禪師

大覺祖雍禪師

若初禪師無傳

靈雲定禪師法嗣

般若世誠禪師

古庭越禪師

徑山陵禪師法嗣

寶林紹大禪師

智者了然義禪師

覺隱本誠禪師

道場信禪師法嗣

福源清珙禪師

淨慈處林禪師

匡山源禪師法嗣

正宗了義禪師

禪智以假禪師

圓極規禪師此後無傳

徑山正源禪師

空海念禪師

慧雲木巖植禪師

羅山至剛禪師

海門惟則禪師

瑞巖寶禪師法嗣

華頂先觀禪師

鳳山靈禪師

鏡堂古禪師不列章次

竹屋簡禪師法嗣

如翁申禪師此後無傳

古田屋禪師法嗣

東澗珣禪師無傳

天童日禪師法嗣

天童砥禪師

大愚安禪師

無日宣禪師

月澗明禪師法嗣

東山崇禪師無傳

開元恩禪師法嗣

大圭禪師此後無傳

杰道者

松巖元洪禪師

天台丁生居士

無禪海禪師

此堂澄禪師此後無傳

止堂定禪師

契祖禪師

開元祖禪師法嗣

開元佛杲如照禪師無傳

高峰日禪師法嗣

南禪智曜禪師

卷二十六

臨濟宗

大鑑下第二十四世

瑞巖愠禪師法嗣

雙林玄頂禪師此後不列章次

南明韞中瑄禪師

天童一禪師法嗣

雲居普莊禪師

壽昌源禪師法嗣

天童原良禪師

靈巖欲禪師法嗣

蘭江楚禪師此後無傳

育王照禪師法嗣

契菴德禪師無傳

育王光禪師法嗣

穆菴康禪師

忍菴慈禪師無傳

徑山悅禪師法嗣

靈隱來復禪師

育王印禪師法嗣

南洲藻禪師無傳

靈隱明禪師法嗣

淨慈可授禪師

定明習禪師法嗣

秋江靜禪師無傳

天界信禪師法嗣

江心慧恩禪師

天敘宗秩禪師

寶璋禪師

翠山志理禪師

定光文撫禪師

明晟禪師

聖泉普彞禪師

福泉道選禪師

南翁致凱禪師此後無傳

大慈寶定禪師

瑞巖文淵禪師

淨土永顯禪師

妙智淨琬禪師

天華士謙禪師

豐安至慶禪師

五峰普錫禪師

石門永泰禪師

霞嶼元良禪師

廣祐永環禪師

正宗庄禪師法嗣

竺芳聯禪師無傳

天寧牧禪師法嗣

如愚慧禪師無傳

蔣山忠禪師法嗣

壽巖椿禪師不列章次

圓宗性禪師

天目本禪師法嗣

伏龍元長禪師

建長印原禪師

頑石瑱禪師

魏公趙子昂居士

龍塘得喜

禪智假禪師法嗣

寂照光禪師此後無傳

般若誠禪師法嗣

嬾菴勤禪師

丞相馮海粟居士

南詔玄鑑禪師此後無傳

妙峰玄禪師此後無傳

西源達禪師此後無傳

西隱祖禪師

高仰正友禪師

徑山源禪師法嗣

天澤德禪師此後無傳

本覺文煜禪師

承天道瓊禪師

大慈上座

智者義禪師法嗣

淨慈普仁禪師

空海念禪師法嗣

竺先原禪師此後無傳

石屋珙禪師法嗣

高麗太古愚禪師無傳

淨慈林禪師法嗣

止菴德祥禪師

海門則禪師法嗣

白蓮智安禪師

華頂觀禪師法嗣

福林智度禪師

智旻上座無傳

天界夷簡禪師

景徽猷禪師

廣化圓伊禪師
興聖宗德禪師
淨光智聚禪師

鏡堂古禪師法嗣

則中度禪師無傳

天童砥禪師法嗣

大梅文述禪師

開元照禪師法嗣

開元夢觀大圭禪師無傳

南禪知曜禪師法嗣

志玄禪師此後無傳

南禪慈永禪師

周澤

卷二十七

臨濟宗

大鑑下第二十五世

雙林頂禪師法嗣

無學念禪師無傳

壽巖椿禪師法嗣

昭然義禪師此後無傳

兜率陰禪師

妙葩建長禪師

通徹上座

象山旋禪師

寂菴寧禪師

伏龍長禪師法嗣

鄧尉時蔚禪師

清隱德馨禪師

華山昌禪師

高仰友禪師法嗣

金山濟禪師

淨慈仁禪師法嗣

智者志文禪師此後無傳

白蓮安禪師法嗣

正傳景隆禪師

福林度禪師法嗣

天界俊禪師

大鑑下第二十六世

萬峰尉禪師法嗣

鄧尉普持禪師

海舟慈禪師

天界翠峰華禪師此後無傳

雪山熙禪師

松隱德然禪師

天龍守貴禪師

般若法秀禪師

一峰寧禪師

景德原昭禪師

太守何密菴居士不列章次

九峰勝學禪師

果林首座

蘇州虎丘圓禪師

寶峰真禪師

日照慧禪師

因禪人

清首座

源首座

悟首座

性海真禪師

虎丘現禪師

靈隱妙藏主

徑山照主藏主

就上人

松隱然禪師法嗣

道安禪師

大川順禪師無傳

金山濟禪師法嗣

壽昌本來禪師

無能教禪師無傳

一峰寧禪師法嗣

獨空通禪師無傳

雲外超禪師不列章次

正傳隆禪師法嗣

廣化文盛禪師無傳

天界俊禪師法嗣

無際悟禪師

伏牛圓信禪師

幽棲如皎禪師

無隱道禪師無傳

何密菴居士法嗣

田素菴居士

卷二十八

臨濟宗

大鑑下第二十七世

鄧尉持禪師法嗣

東明昆禪師

物初宗綱禪師無傳

九峰學禪師法嗣

本首座不列章次

壽昌來禪師法嗣

天界會中禪師

無際悟禪師法嗣

投子紹琦禪師

古庭善堅禪師

太岡月溪澄禪師此後不列章次

廣善寶月潭禪師

西禪雪峰瑞禪師

天寧日溪泳禪師

壞空成禪師

妙峰玄禪師

無爲禪師

德翁淳禪師

無礙鑑禪師

潔空通禪師

不二圓禪師此後無傳

大虛冲禪師

素菴田居士法嗣

佛蹟真禪師

和菴忠禪師不列章次

四明堪禪師無傳

大鑑下第二十八世

東明岳禪師法嗣

金陵永慈禪師

月江覺淨禪師

天界中禪師法嗣

君峰慧通禪師

本首座法嗣

義首座無傳

投子琦禪師法嗣

金山寶禪師

唐安瀾禪師

大雲興禪師

石經祖意禪師

長松真源禪師

大悲智中禪師

中溪昌雲禪師

石經祖裕禪師

三池常慧禪師

翠微悟空能禪師

高座覺澄禪師

珪菴祖玠禪師

無極性空聞禪師語見後卷

性空悅禪師此後不列章次

汝寧真空悟禪師

山西海雲深禪師此後無傳

廣恩天溪凝禪師

祖堂東昇昱禪師

金臺祖燈然禪師

碧峰古林茂禪師

四面瑞宗祥禪師

浮山秀峰雲禪師

玉巖瓏禪師

南華毒菴善禪師

山西淨空潔禪師

古渝濟川洪禪師

金臺月明窓禪師

山西古燈慧禪師

終南古愚喆禪師

東普慧燈然禪師

金川理菴證禪師

金陵正宗恢禪師

龍池定禪師

榮昌素菴理禪師

洪山鏡禪師

清江普濟慈禪師

金臺性海徵禪師

青原虛中恕禪師

無方廣禪師

牛頭無照鑑禪師

投子默菴如禪師

金臺寶山聚禪師

方山雪梅芳禪師

金地大章文禪師

大同天澤覺靈禪師

如山志禪師

滄溟廣禪師

金臺寶嚴貴師

句容太初一禪師

龍巖寶淵淨潭禪師

雲中本源道泉禪師

山東古宗印禪師

桐菴志禪師

金臺歸源順禪師

懷慶隱山賢禪師

金川無學選禪師

福州默傳心禪師

西岷鐵峰堅禪師

鑑江海東明禪師

西寧道安學禪師

金臺察菴祖省禪師

西山大光悟慧禪師

鳳山月庭繼曉禪師

平易絕流源禪師

鴛水徹堂德清禪師

陝府月潭澈禪師

錦江古宗傳禪師

保定月山鞏禪師

西安雲谷興禪師

無極中禪師

山西無塵鑑禪師

滇池大空能禪師

天成古音韶禪師

南溪本空祖法禪師

雲南靜山仁禪師

京兆古峰恒玄禪師

平涼默宗宣禪師

蒲州碧峰玉禪師

山西天然富禪師

敘南太虛杲禪師

金臺濬禪師

河南靈皞禪師

金陵古道懷禪師

渭南義堂恩禪師

濟陽正宗鐸禪師

錦城光眞寶禪師

蒲田夢堂覺禪師

臨潼空源達禪師

錦城正堂中禪師

眉陽古檀深熏禪師

汴梁翠峰巒禪師

方山天然貴禪師

西山普門行禪師

大通重山理禪師

京兆南山壽禪師

中川古巖定禪師

五臺本宗正禪師

登州無學學禪師

彭城岳宗淨泰禪師

河間大燭慧禪師

印宗南禪師

山西秀峰林禪師

鳳鳴曉東如亮禪師

大義古愚賢禪師

石經白雲祖閒禪師

陝府玉峰如琳禪師

天彭東溟昌福禪師

圓覺景雲山禪師

三池一菴誠禪師

陝府古源清澄禪師

闕苑祖庭鎮禪師

金臺大菴頂禪師

廬陵虎堂照禪師

吉水淨菴眞蓮禪師

金臺雪天傲禪師

保定夢亭覺禪師

石經儉堂節禪師

汴梁大愚哲禪師

瀛海智光道杲禪師

潼關端堂清能禪師

金臺空海湛禪師

梁卿翠屏景禪師

河南慈航海禪師

金臺大休能禪師

玉山潤禪師

義堂忠禪師

雪堂安禪師

金臺荊山玉禪師

巴山瑩然玉禪師

贛州南宗旺禪師

山東鷲峰來禪師

潯州壽峰增禪師

陝府無相鏡禪師

保定大緣因禪師

京兆古梅巖禪師

凱江大用興禪師

金臺翠巖林禪師

京兆佛心遇禪師

東魯鎮宗永禪師

洛陽本然善禪師

鄉同素天純禪師

普州大機廣禪師

古宗興禪師

平陽崑山玉禪師

蓉城澤堂惠禪師

錦城治堂溥禪師

瀘水淨光潔禪師

東普輔宗德禪師

襄城古道弘禪師

錦川體空智禪師

宛平無聽定聰禪師

東萊古田疇禪師

溫州察堂聰禪師

懷慶瑞宗譽禪師

金臺東來昶禪師

金臺雲峰秀禪師

瀛海天然貴禪師

金陵古芳林禪師

陝右月堂明禪師

開封大方廣禪師

山東慧堂聰禪師

金臺平川海禪師

金臺古燈然禪師

醴泉敬堂嚴禪師

同州寶明覺禪師

山西天全賦禪師

巴山空天昶禪師

嘉陽鐵心堅禪師

慶陽本空明禪師

漢繁瑩堂玉禪師

京兆大海澄禪師

高籃無相圓禪師

瀘陽鼎菴鐘禪師

普州玉峰金禪師

保定天壁璽禪師

金陵大機用禪師

渭南天峰秀禪師

天彭月天澄禪師

南陽宋光慧禪師

京兆無邊廣禪師

金臺金峰玉禪師

金臺古潭淨禪師

天成無相實禪師

三溪祖峰定禪師

通州楚峰玉禪師

山西敬堂愛禪師

金臺逆舟順禪師

興化慧堂定禪師

高平大韶鏞禪師

蓉城止堂敬禪師

永川無心雲禪師

棠城古燈傳禪師

保定月澗深禪師

陝右指南端禪師

瀘陽雪堂行禪師

碣門無傳印禪師

內江百川會禪師

貴陽果堂成禪師

新城月堂明禪師

凱江慧堂聰禪師

廣善潭禪師法嗣

護國文全禪師

崇福覺華禪師

伏牛德山禪師

天寧默堂宣禪師

此後不列章次

東方古裕禪師

伏牛月天禪師

荊山理禪師

了禪能禪師

潭懷圓禪師

此後無傳

敬堂宗禪師

徹堂冲禪師

大岡澄禪師法嗣

天真季善禪師

普濟淨澄禪師

大岡寧禪師

智林福湛禪師

性天杲禪師

此後不列章次

古心寶禪師

峻中榮禪師

古心安禪師

古潭碧禪師

此後無傳

頂菴耐禪師

洪山賢禪師

節堂全禪師

千峰秀禪師

卷二十九

臨濟宗

大鑑下第二十八世

西禪瑞禪師法嗣

棠城洪印禪師

無相真禪師

南竺瑤禪師

天目秀禪師

古庭堅禪師法嗣

顯通淨倫禪師

懷空成禪師法嗣

光澤慧禪師

此後不列章次

雲洲海禪師

此後無傳

素虛理禪師

妙峰玄禪師法嗣

福緣廣禪師

不列章次

無爲一禪師法嗣

寶藏玉禪師

不列章次

祖圓通禪師

東明昇禪師

此後無傳

性空覺禪師

太初忍禪師

淨慈南峰休禪師

大用機禪師

德章滿禪師

斷峰義禪師

此後無傳

無礙鑑禪師法嗣

無隱道禪師此後不列章次

古巖定禪師

鐵牛勤禪師

海珠澄禪師

潔空通禪師法嗣

印空海禪師此後不列章次

照堂默禪師

雪屏錦禪師

無智真禪師

佛蹟真禪師法嗣

白雲滄禪師

佛蹟達禪師此後無傳

東山浩禪師

鉢池清禪師

和菴忠禪師法嗣

用剛宗軟禪師

玄關鑑禪師無傳

獨潭昌禪師

天竺秀禪師

無邊通禪師此後無傳

永空如禪師

德巖本禪師

大慧華禪師此後無傳

定菴能禪師

雪光通禪師

行菴柔禪師不列章次

別峰藏禪師

雪村盛禪師

寂菴潛禪師不列章次

大鑑下第二十九世

金陵慈禪師法嗣

寶峰明瑄禪師

雲溪智瑛禪師

太虛智量禪師

大乘碧峰清雲禪師

無相智成禪師

大乘本禪師法嗣

大乘清潤禪師無傳

印宗能禪師法嗣

無牙順禪師無傳

君峰通禪師法嗣

君峰清祥禪師

大雲興禪師法嗣

鐵牛堅禪師無傳

性空悅禪師法嗣

大拙能禪師此後無傳

高座澄禪師法嗣

太虛滿禪師

天印能持禪師此後不列章次

曉山智昇禪師

無相智空禪師

正法雪光禪師

東巖亮禪師

西宗祐禪師此後無傳

寂菴湛禪師

照堂顏禪師

金山寶禪師法嗣

破菴全禪師無傳

真空悟禪師法嗣

無塵鏡禪師此後無傳

碧天朗禪師

伏牛山禪師法嗣

古峰秀禪師此後無傳

伏牛斌禪師

天寧宣禪師法嗣

徑山英禪師

吉菴祚禪師不列章次

東方裕禪師法嗣

大通碧峰顯禪師不列章次

伏牛天禪師法嗣

金臺大覺禪師不列章次

荊山理禪師法嗣

天倫義禪師此後無傳

古溪清禪師

了禪能禪師法嗣

法幢金禪師此後無傳

寶藏通禪師

天真善禪師法嗣

鏡堂明禪師無傳

大岡寧禪師法嗣

天目進禪師

智林湛禪師法嗣

實空昇禪師此後不列章次

祖堂興禪師

古心寶禪師法嗣

無瑕羃禪師無傳

性天杲禪師法嗣

一菴如禪師無傳

峻牛嶸禪師法嗣

天然正禪師無傳

古心安禪師法嗣

春山景禪師此後無傳

無爲順禪師

中天表禪師

性空聞禪師法嗣聞嗣投子琦悞列此

圓通湛覺禪師

余山月潭澄禪師不列章次

天然銳禪師此後無傳

曉天亮禪師

濟舟濱禪師

悅舟和禪師

無礙通禪師

東明昇禪師法嗣

印天海禪師此後無傳

盛菴昌禪師

性空覺禪師法嗣

徹空通禪師此後無傳

能上座

無相真禪師法嗣

南宗勝禪師此後無傳

巖淨禪師

能諒禪師

越空瑞禪師

南竺瑤禪師法嗣

古鏡明禪師此後無傳

寶鑑聰禪師

太初忍禪師法嗣

無涯順禪師此後無傳

古靈山禪師

天目秀禪師法嗣

雪巖清禪師不列章次

淨慈休禪師法嗣

昭慶雪庭禪師

光澤慧禪師法嗣

壽堂松禪師不列章次

別傳宗禪師無傳

大用機禪師法嗣

月光朗禪師無傳

福緣廣禪師法嗣

祥雲谷禪師無傳

寶藏玉禪師法嗣

月空大禪師無傳

無隱道禪師法嗣

孤舟海禪師此後無傳

秋月澄禪師

獨潭昌禪師法嗣

大方凝禪師無傳

古巖定禪師法嗣

金寶藏禪師無傳

天竺秀禪師法嗣

嵩山福禪師此後無傳

鐵牛勤禪師法嗣

玉峰璉禪師此後無傳

印空海禪師法嗣

無學才禪師

慶道人

萬峰方禪師不列章次

曇華蒂禪師此後無傳

東滄福禪師

德巖本禪師法嗣

隱峰高禪師此後不列章次

松菴主

照堂默禪師法嗣

太虎圓禪師無傳

行菴柔禪師法嗣

傑峰瑟禪師不列章次

用剛軟禪師法嗣

古用連禪師不列章次

寂菴潛禪師法嗣

孤峰傑禪師不列章次

異巖登禪師此後無傳

普照亮禪師

白菴空禪師

古菴淳禪師

大鑑下第三十世

寶峰瑄禪師法嗣

天奇本瑞禪師

太虎滿禪師法嗣

天澤雨禪師

雲溪瑛禪師法嗣

天池智素禪師

大乘雲禪師法嗣

大乘淨蓮禪師無傳

天印持禪師法嗣

太極團禪師此後無傳

性空悟禪師

大寶真禪師

了心恭禪師

曉山昇禪師法嗣

孤峰秀禪師無傳

太虎量禪師法嗣

正宗演禪師無傳

無相成禪師法嗣

東暉泉禪師不列章次

鐵壁通禪師

無相空禪師法嗣

極空永禪師

高子輝禪師

大泉溥禪師

雪菴喜禪師此後無傳

慧空謙禪師

寶心鏡禪師傳無

吉菴祚禪師法嗣

天寧道濟禪師

天通顯禪師法嗣

天池法聚禪師

金臺覺禪師法嗣

徑山慧林禪師

天目進禪師法嗣

東塔曉禪師

突空昇禪師法嗣

石門無盡海禪師不列章次

祖堂興禪師法嗣

頓悟方禪師傳無

余山澄禪師法嗣

華山默菴定禪師不列章次

靈巖荷禪師法嗣

慧堂智禪師傳無

昭慶庭禪師法嗣

振宗璉禪師傳無

隆興祖庭隆禪師此後無傳

燕京興隆無盡容禪師

金山默菴宣禪師

壽堂松禪師法嗣

斗峰淨琴禪師

海宗裕禪師此後無傳

寶月鑑禪師

萬峰方禪師法嗣

中峰素禪師此後無傳

拙牛鑑禪師

隱峰高禪師法嗣

東巖喜禪師此後不列章次

無相頂禪師

傑峰懋禪師法嗣

信菴湛禪師此後不列章次

扣竹大方寬禪師

藪菴秉禪師傳無

古用連禪師法嗣

無礙辨禪師傳無

孤峰傑禪師法嗣

桐川廣禪師此後無傳

天然慧禪師

卷三十

臨濟宗

大鑑下第三十一世

天奇瑞禪師法嗣

關嶺正聰禪師

伏牛濟菴實禪師

天澤雨禪師法嗣

無盡燈禪師

天池素禪師法嗣

大覺圓禪師

東暉泉禪師法嗣

東明弘曉禪師此後無傳

雲峰弘秀禪師

天寧濟禪師法嗣

胥山法會禪師

天池聚禪師法嗣

浮峰普恩禪師

東塔曉禪師法嗣

敬畏如空禪師

石門海禪師法嗣

漢陽古巖禪師

石州大川洪禪師不列章次

古拙悟禪師不列章次

大拙能禪師

繡巖錦禪師

精嚴方澤禪師

尖峰宗隆禪師

月珠海禪師

華山定禪師法嗣

鷺湖廣心禪師

斗峰琴禪師法嗣

斗峰道覺禪師

東巖善禪師法嗣

南宗印禪師無傳

無相頂禪師法嗣

濟舟洪禪師此後無傳

大機全禪師

信菴湛禪師法嗣

金臺順禪師此後無傳

大方寬禪師法嗣

伏牛明理禪師

大鑑下第三十二世

關嶺聰禪師法嗣

笑巖德寶禪師

碧天玄禪師此後無傳

東明曉禪師

大雲興禪師

漢陽嚴禪師法嗣

廬山大安禪師

石州洪禪師法嗣

龍樹寶應禪師

玉堂和尚

無盡燈禪師法嗣

月輝盡禪師無傳

古拙悟禪師法嗣

大用全禪師無傳

敬畏空禪師法嗣

徑山性冲禪師

祇園古卓信曙禪師此後無傳 懶翁駱驤禪師

鷺湖心禪師法嗣

曇山智季禪師

伏牛理禪師法嗣

佛嚴不二真際禪師

卷三十一

臨濟宗

大鑑下第三十三世

笑巖寶禪師法嗣

禹門正傳禪師

瑞峰廣通禪師

京兆高菴傑禪師此後無傳

天台天常經禪師

廬山安禪師法嗣

星子滿賢禪師無傳

徑山冲禪師法嗣

興善慧廣禪師

大鑑下第三十四世

禹門正傳禪師法嗣

天童圓悟禪師

雲門圓信禪師

興善廣禪師法嗣

普明妙用禪師

卷三十二

臨濟宗

靈谷曇芝禪師

天寧佛慧禪師

鳳陽正宗悟禪師

武林素菴智禪師

報恩圓修禪師

抱朴大蓮禪師

大鑑下第三十五世

天童密雲悟禪師法嗣

瀉山五峰學禪師

鄧尉漢月藏禪師

破山明禪師

徑山費隱容禪師

金粟石車乘禪師

寶華朝宗忍禪師

龍池萬如微禪師

卷二十三

臨濟宗

大鑑下第三十五世

天童密雲悟禪師法嗣

天童山翕恣禪師

雪竇石奇雲禪師

古南牧雲門禪師

遜村浮石賢禪師

通玄林野奇禪師

澄江黃毓琪居士

卷三十四

臨濟宗

大鑑下第三十五世

磬山天隱修禪師法嗣

竹林林皐豫禪師

天目玉林琇禪師

南澗箸菴問禪師

南嶽山茨際禪師

陽山松際授禪師

普明駕湖用禪師法嗣

雲峯衡石鈞禪師

金明介菴進禪師

永正一初元禪師

卷三十五

曹洞宗

大鑑下第十六世

天童丘禪師法嗣 丘嗣長蘆了了嗣丹霞淳淳嗣芙蓉楷

雪竇智鑑禪師

雪竇宗禪師法嗣 宗嗣天童覺嗣丹霞淳

廣福道勤禪師

翠巖宗靜禪師 無傳

善權智禪師法嗣 智嗣天童覺

超化藻禪師

保安超禪師 無傳

淨慈暉禪師法嗣 暉嗣天童覺

華藏慧祚禪師

雪竇德雲禪師 此後無傳

仗錫崇堅禪師

雪竇煥禪師

瑞巖恭禪師法嗣 恭嗣天童覺

淨慈重皎禪師此後無傳

淨慈壁禪師

廣慧聰禪師法嗣聰嗣天童覺

明州普照戒禪師無傳

大鑑下第十七世

雪竇鑑禪師法嗣

天童如淨禪師

華藏祚禪師法嗣

東谷光禪師

大鑑下第十八世

東谷光禪師法嗣

天童一舉禪師語載增集續傳燈一卷二十七紙失版不錄

天童淨禪師法嗣

鹿門覺禪師

大鑑下第十九世

天童舉禪師法嗣

天童岫禪師

鹿門覺禪師法嗣

普照辨禪師

大鑑下第二十世

天童岫禪師法嗣

雪竇大證禪師

愚菴省禪師

普照辨禪師法嗣

大明寶禪師

大鑑下第二十一世

大明寶禪師法嗣

玉山體禪師

香山俊禪師不列章次

普照寶禪師法嗣寶嗣普照辨

慶壽教亨禪師

大鑑下第二十二世

玉山體禪師法嗣

雪巖滿禪師

冀州暉禪師不列章次

仁山恒禪師法嗣

大明詮禪師

獨木昇禪師此後無傳

大方聘禪師

慈雲覺禪師

仁山恒禪師

慶壽觀禪師無傳

勝默光禪師

◆玉前作玉

香山俊禪師法嗣

覺山福禪師傳無

慶壽亨禪師法嗣

大覺弘相禪師

大鑑下第二十三世

雪竇滿禪師法嗣

一報恩行秀禪師

仙巖德禪師不列章次

冀州暉禪師法嗣

開元廣恩禪師傳無

卷三十六

曹洞宗

大鑑下第二十四世

報恩秀禪師法嗣

萬壽福裕禪師

吾捨從寬禪師

法王圓照禪師

少林乳峰德禪師此後無傳

竹林巨川海禪師

玉山枝足禪師傳無

報恩從倫禪師

華嚴至溫禪師

移刺楚村居士

從祥禪師

從隆禪師

從全禪師

仙巖德祥禪師法嗣

天寧弘明禪師

大鑑下第二十五世

萬壽裕禪師法嗣

嵩山文泰禪師

靈巖淨肅禪師

昭覺仲慶禪師

太子文善禪師

平水慧圓禪師

洪濟思印禪師此後無傳

樂亭千金明遠禪師

正覺福勝禪師

盤山雲威禪師

西寺慧全禪師

大都延慶慧玄禪師

順德妙俊禪師

百泉從瑞禪師

報恩智泰禪師

和林覺印禪師

安平守護禪師

長慶德鈇禪師

東川圓護禪師不列章次

廣嚴法興禪師

南宮趙好圓鏡禪師

崇慶戒行禪師

汴梁恒祚慧林禪師

華嚴覺印禪師

汴梁慧正禪師

順德妙乘禪師

●村恐村誤

平州慧道禪師	彰德黃花慧端禪師
磁州雄辨慧平禪師	少林普照慧山禪師
大名弘法慧慶禪師	太原通辨慧滿禪師
萬安慧才禪師	延慶普濟慧悟禪師
總帥王妙明居士	總管李月溪居士
提領楊靜應居士	宣授溫具信居士
節使宋海印居士	便宜劉德古居士
轉運陳和光居士	宣尉陳大隱居士
報恩倫禪師法嗣	
鞍山同新禪師	
香山桂菴覺達禪師 <small>不列章次</small>	
法王照禪師法嗣	
關中彬禪師	
香山月菴福海禪師 <small>不列章次</small>	臨緇潮禪師 <small>此後無傳</small>
東山昭禪師	香山嵩巖玉禪師
法王沼禪師	古巖詡禪師
崇孝賢禪師	普照杲禪師
寶應海禪師	龍潭藏禪師

淨土堅理禪師	太原和禪師
崇孝普禪師	法王無菴覺亮禪師
護國圓禪師	燕山壽禪師
松雲德禪師	法王暉禪師
十方進禪師	天寧選禪師
汝州覺善禪師	泰安靈巖復禪師
覺安尼禪師	石龍淵禪師
左南宮禪師	吳歷山禪師
吳古燕禪師	
天寧明禪師法嗣	
天寧仲復子顏禪師 <small>此後無傳</small>	子淇禪師
劉秉忠居士	
大鑑下第二十六世	
嵩山泰禪師法嗣	
寶應福遇禪師	靈巖潔禪師
中林泰禪師法嗣	
智符禪師	智奇禪師
東川讓禪師法嗣	

香山汾溪福滿禪師

靈巖肅禪師法嗣

寶應永遂禪師

封龍普就禪師

弘法慶禪師法嗣

智如禪師

此後無傳

智昇禪師

陳顯學士

香山達禪師法嗣

尉州寶宮德興禪師

無傳

南陽丹霞智安禪師

不列章次

萬壟聖佛思整禪師

此後無傳

法王德慧禪師

香思壽禪師

香山鑑禪師法嗣

普智禪師

無傳

香山海禪師法嗣

法王雲崧思微禪師

此後不列章次

香山訥菴思言禪師

南陽丹霞紹懋禪師

此後無傳

裕州大乘福德禪師

法王普醒禪師

藏雲慧山禪師

上都華嚴惟壽禪師

山東龍泉思然禪師

中山乾明寶潤禪師

古燕鞍山智藏禪師

南陽德用禪師

晉寧顯密禪師

膠西清淋禪師

汝州思讓禪師

輝縣白雲定聰禪師

衛輝定讓禪師

晉寧行裕禪師

輔城明金禪師

德州惟興禪師

晉寧思聰禪師

香山思初禪師

古燕圓淨禪師

大鑑下第二十七世

寶應遇禪師法嗣

香嚴文才禪師

空相珪禪師

嵩山深禪師

嵩山龍潭深禪師

此後無傳

洛陽白馬澄禪師

洛陽天慶江禪師

嵩山龍潭端禪師

嵩山永泰祥禪師

長安順禪師

長安祐禪師

晉寧喜禪師

洛陽白馬德塔禪師

李了本居士

林天然居士

香山滿禪師法嗣

洛陽天慶惟喜禪師此後無傳南陽丹霞惟和禪師

靈巖潔禪師法嗣

天界道成禪師

寶應達禪師法嗣

盤山遇禪師

太原斌禪師

真定琳禪師此後無傳

洛陽添禪師

佛光潤禪師

潯陽顯禪師

少林利禪師

信陽子敬禪師

寶應隆禪師

混元義禪師

古汴緣禪師

洛陽遠禪師

汾州符禪師

秦安恩禪師

封龍就禪師法嗣

天慶義讓禪師

靈巖容禪師

晉寧心禪師此後無傳

白茅春禪師

丹霞安禪師法嗣

濟南無門智行禪師此後無傳大乘栢巖法儀禪師

襄城無礙智照禪師

順德普隆禪師

月潭洪滿禪師

汝寧洪喜禪師

西安文福禪師

葉縣惟著禪師

香山言禪師法嗣

大乘松溪雲定禪師此後無傳

勝才禪師

惟遇禪師

惟用禪師

惟安禪師

天慶才禪師法嗣

香山惟晟禪師此後無傳

惟幻禪師

法王微禪師法嗣

惟教禪師此後無傳

惟澤禪師

卷三十七

曹洞宗

大鑑下第二十八世

香巖材禪師法嗣

萬安子嚴禪師

竹菴子忍禪師

佛巖稔禪師

華嚴遇禪師

古蔡元禪師

陝府熊耳登禪師此後無傳

益都亮禪師

晉寧敬禪師

河府一禪師

奉先壽禪師

熊耳子定禪師

舜都宗禪師此後無傳

空相珪禪師法嗣

空杏偉禪師

廣平實禪師

天寧壽禪師

順德天寧才禪師此後無傳

晉寧才禪師

晉寧澤禪師

南陽維摩懷禪師

洛陽天慶能禪師

淨明心禪師

萬安勝安禪師

陝府安國仁禪師

韶陽雲門慈禪師

晉寧霑禪師

晉寧銳禪師

遼州定禪師

解州沿禪師

洛陽昇禪師

少林春禪師

曜州顯禪師

洛陽天慶福澄禪師

覺道禪師

劉了然

洛陽全禪師

遼州宣禪師

鄭惟心

廣平實

晉寧湛禪師

香山晟禪師法嗣

天界成禪師法嗣

香山妙陽禪師無傳

吉州青原璽禪師

此後無傳

磧砂覺禪師

大鑑下第二十九世

因聖炫禪師

行才禪師

萬安嚴禪師法嗣

鄱陽諡菴寧禪師

廣福禮禪師

嵩山了改禪師

方崖龍景義禪師

吳松大覺量禪師

少林宗礪覺金禪師不列章次

永慶就聞禪師此後無傳

松江寶月泉圓禪師

隆慶靜禪師

長安滿清禪師

冀州徹徹禪師

沙縣正禪師

荊溪貫禪師

靈巖了聞禪師

鼓山海清禪師

義眉星禪師

泉上座

了明上座

了宗上座

天慶讓禪師法嗣

竹菴忍禪師法嗣

香山月印禪師不列章次
熊耳定禪師法嗣

香山藏山寶禪師此後無傳

永寧清禪師

熊耳愈禪師

了妙上座

大鑑下第三十世

嵩山改禪師法嗣

嵩山俱空契斌禪師

風穴本深禪師

南陽寶禪師

潞州才禪師

少林文禪師

風穴中菴祥禪師

汝寧瑩禪師

彰德整禪師

密縣善禪師

安邑泉禪師

晉寧俊禪師

長安祥禪師

了因上座

鄭州福禪師

大同正朗禪師此後無傳

裕州林禪師

開府安禪師

汝州照禪師

襄縣壁禪師

洛陽成禪師

臨晉班禪師

洛陽金禪師

少林連禪師

少林金禪師法嗣

平陽坦山斌禪師此後無傳

曲州順禪師

平陽才禪師

香山潭禪師法嗣

覺林禪師此後無傳

禧玉禪師

本宗禪師

善信禪師

行信禪師

行深禪師

相才禪師

相成禪師

淨仙禪師

圓正禪師

德貴禪師

廣載禪師

眞旺禪師

江西空禪師

潞州踳禪師

契道禪師

智廣禪師

廣明禪師

眞溫禪師

行成禪師

行淵禪師

相能禪師

具月禪師

修義禪師

昌秀禪師

修通禪師

文琮禪師

思明禪師

壽山禪師

文賢禪師

行學禪師

正宗禪師

法順禪師

榮金禪師

祥寧禪師

淨嵩禪師

行明禪師

眞聰禪師

壽能禪師

普喆禪師

圓果禪師

道理禪師

德祥禪師

道顯禪師

永隆禪師

圓安禪師

道智禪師

慧立禪師

如整禪師

際雲禪師

祖顯禪師

妙德禪師

大鑑下第三十一世

嵩山斌禪師法嗣

定國可從禪師

大鑑下第三十二世

定國從禪師法嗣

嵩山文載禪師

太原性成禪師此後無傳

洛陽悟明禪師

少林悟泉禪師

順德昌泰禪師

漁陽悟襲禪師

淦陽如明禪師

長安圓錦禪師

永慶可洽禪師

平陽淨浩禪師

洛陽悟本禪師

古汴眞騰禪師

興國道欽禪師

長安悟才禪師

新中常景禪師

長安圓達禪師

金臺周惠禪師

嵩易國琦禪師

扶風道祥禪師

寶豐道靜禪師

黎陽繼鑒禪師

項城眞喜禪師

大梁悟曉禪師

臨穎守圓禪師

古杞佛勉禪師

雲中幸琦禪師

東昌圓玉禪師

少林本原禪師

法廣禪師

悟文禪師

悟定禪師

悟德禪師

悟方禪師

繼玉禪師

聰廣禪師

行滿禪師

海潭禪師

海潤禪師

靈聰禪師

可深禪師

可亮禪師

眞萬禪師

圓淨禪師

淨泉禪師

文玉禪師

性月禪師

悟宗禪師

淨定禪師

悟忍禪師

繼鏞禪師

鎮平禪師

了思禪師

道惺禪師

慧浩禪師

可順禪師

大鑑下第三十三世

嵩山載禪師法嗣

宗鏡宗書禪師

顯慶悟寅禪師

金山德寶禪師

定州義亮禪師

此後無傳

金臺眞了禪師

慈仁性深禪師

白塔眞害禪師

興隆本通禪師

涿州明淵禪師

燕山覺瀛禪師

鎮陽圓通禪師

東鹿明遇禪師

偃水德進禪師

黎陽法訓禪師

臨穎宗琳禪師

涓川祖鷲禪師

黎山圓斌禪師

琴臺歸理禪師

偃城福鄰禪師

衡水覺洪禪師

蟾源壽明禪師

西毫悟心禪師

洛陽周潮禪師

清涼智思禪師

潁州周乾禪師

臨縣周訓禪師

西安圓寶禪師

寧晉德杲禪師

東魯悟聰禪師

偃水明潭禪師

東魯圓朗禪師

肥鄉續隆禪師

西毫悟萬禪師

芮城圓安禪師

伊川善梅禪師

南山宗朗禪師

密縣宗美禪師

中牟宗寶禪師

定興王仲達居士

大鑑下第三十四世

宗鏡書禪師法嗣

少室常潤禪師

廩山常忠禪師

鵲山圓佐禪師

興國如進禪師

龍岡如遷禪師

金山寶禪師法嗣

崇恩祖通禪師無傳

大鑑下第三十五世

少室潤禪師法嗣

大覺方念禪師

少室正道禪師

實相善真禪師

羅漢智空了睿禪師此後無傳上黨鰲谷妙銀禪師

南宗上座

蜀漢王山靜居

卷三十八

曹洞宗

大鑑下第三十五世

廩山忠禪師法嗣

壽昌慧經禪師

大鑑下第三十六世

大覺念禪師法嗣

雲門圓澄禪師

少室道禪師法嗣

少室慧喜禪師

廣慈悟空智省禪師此後無傳華嚴達如秀禪師

衛源繼賢性燈禪師 衛輝一念性純禪師

關中嵩月利信禪師 五臺棲賢鑑玄禪師

海潮化衡如準禪師 龍華正化禪師

壽昌經禪師法嗣

博山元來禪師 東苑元鏡禪師

壽昌元謐禪師 鼓山元賢禪師

卷三十九

曹洞宗

大鑑下第三十七世

雲門澄禪師法嗣

指南明徹禪師 明因明懷禪師

寶壽明方禪師 愚菴明孟禪師

東山明復禪師 香雪明有禪師

弁山明雪禪師 鴈田柳浪居士

棄曇茂居士

少室喜禪師法嗣

少室海寬禪師此後不列章次靜善性在禪師

卷四十

曹洞宗

大鑑下第三十七世

博山來禪師法嗣

博山智闇禪師

長慶道獨禪師

迴龍道舟禪師

余大成濟生居士

東苑鏡禪師法嗣

天界道盛禪師

鼓山永覺禪師法嗣

鼓山爲霖霈禪師

卷四十一

未詳法嗣

徑山雲菴慶禪師

公期禪師

東山雲頂禪師

大安如玉禪師

檀度道密禪師

獨峰道嚴禪師

博山道奉禪師

黃端伯居士
不列章次

先淨照禪師

因禪師

雲幽重憚禪師

投子通禪師

法海立禪師

仁王欽禪師

神照本如禪師

聖壽可觀禪師

圓通善禪師
嗣青州覺慶

高郵定禪師
嗣慶壽玉

羅漢證禪師

清谷垓圮子

蔣山元模禪師

嘉山來禪師

靈雲思禪師

永寧清禪師

幻菴住首座

佛隴可上座

武工明星禪師

太瘤禪師

潭柘覺宗禪師
嗣聖因

太古道亨禪師

天寧明禪師

樓子禪師

靈隱淳朋禪師

青州佛覺禪師

慶壽玉禪師
嗣圓通善

老素首座

雪竇常藏主

鐵勤慧洪禪師

佛光道悟禪師
嗣白雲海

天目魁禪師

育王勉侍者

育王實首座

天童唯西堂

九峰壽首座

長蘆登禪師

長慶法慈禪師

潭柘福源禪師

寶頂元亮禪師

順天徧融圓禪師

武昌無念有禪師

杭州蓮池宏大師

雲居巖愚禪師 慈山嗣
僕列此

佛妙禪師

紫柏達觀可禪師

孝禪戲蘆心禪師

卷四十二

補遺

雲峰祖燈禪師

大原妙峰登禪師

夔州儀彖禪師

杭州聞谷印禪師

曹溪慈山清禪師

翠巖古雪詰禪師

續燈正統目錄終

續燈正統卷一

南海普陀嗣祖沙門西蜀 性統 編集

臨濟宗

大鑑下第十六世

昭覺勤禪師法嗣

臨安府徑山宗杲大慧普覺禪師宣城奚氏子夙有英氣年十二入鄉校一日因與同窓戲以硯投之悞中先生帽償金而歸曰大丈夫讀世間書曷若究出世法即詣東山慧雲院事慧齊年十七薙髮具毗尼偶閱古雲門錄恍若舊習往依廣教程禪師棄遊四方從曹洞諸老宿既得其說去登寶峰謁湛堂準禪師堂一見異之俾侍巾櫛指以入道捷徑師橫機無所讓堂訶曰汝曾未悟病在意識領解則爲所知障堂疾革囑師曰吾去後當見川勤必能盡子機用即勤圓堂卒師趨謁無盡居士求堂塔銘盡門庭高峻少許可與師一言相契下榻延之名師菴曰妙喜泊後再謁且囑令見圓悟師至天寧一日聞悟陸堂舉僧問雲門如何是諸佛出身處門曰東山水上行若是

天寧卽不然。忽有人問如何。是諸佛出身處。只向他道。熏風自南來。殿閣生微涼。師於言下忽然前後際斷。雖然動相不生。却坐在淨裸裸處。悟謂曰。也不易。你得到這田地。可惜死了。不能得活。不疑言句。是爲大病。不見道。懸崖撒手。自肯承當。絕後再蘇。欺君不得。須信有這箇道理。遂令居擇木堂。爲不釐務侍者。日同士大夫入室。擇木乃朝士止息處。悟每舉有句。無句。如藤倚樹。問之師。纔開口。悟便曰。不是。不是。經半載。遂問悟曰。聞和尚當時在五祖會。問這話。不知五祖道甚麼。悟笑而不答。師曰。和尚當時須對衆問。如今說亦何妨。悟不得已。謂曰。我問有句。無句。如藤倚樹。意旨如何。祖曰。描也描不成。畫也畫不就。又問樹倒藤枯時。如何。祖曰。相隨來也。師當下釋然曰。我會也。悟遂舉數因緣詰之。師耐對無滯。悟曰。始知吾不汝欺。遂著臨濟正宗記付之。俾掌記室。未幾。令分座室中。握竹筵。以驗學者。叢林浩然。歸重名振。京師右丞相呂公弼。徒奏賜紫衣佛日之號。會女真之變。其曾欲取禪僧十數人。師在選得免。趨吳虎丘度夏。因閱華嚴。

至菩薩登第七地。證無生法忍。洞曉向所請問。湛堂殃幅摩羅持盃至。產婦家因緣。時圓悟詔住雲居。師往省覲。至山次日。卽請爲第一座。時會中多龍象。以圓悟久處座元。俟師之來。頗有不平之心。及冬至。秉拂。昭覺元禪師出衆。問云。眉間挂劍時。如何。師曰。血灑梵天。圓悟於座下。以手約云。住。住。問得極好。答得更奇。元乃歸衆叢林。由是改觀。圓悟歸蜀。師於雲居山後古雲門舊址。創菴以居。學者雲集。久之。入闕。結茅於長樂洋嶼。從之得法者十有三人。又徙小溪雲門菴。後應張丞相魏公浚徑山之命。開堂曰。僧問人天普集。選佛場開。祖令當行。如何。舉唱。師云。鈍鳥逆風飛。曰。徧界且無尋覓處。分明一點座中圓。師曰。人間無水不朝東。復有僧競出。師約住云。假使大地盡末爲塵。一一塵有一口。一一口具無礙廣長舌。相一一舌。相出無量差別音。聲一一音。聲發無量差別言。詞一一言。詞有無量差別妙義。如上塵數。稱僧各各具如是口。如是舌。如是音聲。如是言詞。如是妙義。同時致百千問。難問問各別。不消長老咳嗽一聲。一時

答了乘時於其中間作無量無邊廣大佛事一一佛事周徧法界所謂一毛現神變一切佛同說經於無量劫不得其邊際便恁麼去鬧熱門庭即得正眼觀來正是業識茫茫無本可據祖師門下一點也用不著況復勾章棘句展弄詞鋒非唯埋沒從上宗乘亦乃笑破衲僧鼻孔所以道毫釐緊念三塗業因瞥爾情生萬劫羈鎖聖名凡號盡是虛聲殊相劣形皆爲幻色汝欲求之得無累乎及其厭之又成大患看他先聖恁麼告報如國家兵器豈得已而用之本分事上亦無這箇消息山僧今日如斯學唱大似無夢說夢好肉剜瘡檢點將來合喫拄杖只今莫有下得毒手者麼若有堪報不報之恩共助無爲之化如無倒行此令去也。齋拈拄杖云橫按鎮鄒全正令太平寰宇斬癡頑卓拄杖喝一喝便下座道法之盛冠於一時衆二千餘皆諸方俊乂侍郎張公九成亦從之遊灑然契悟一日因議及朝政與師連禍紹興辛酉五月毀衣襟屏居衡陽乃袁先德機語間與拈提離爲三帙目曰正法眼藏凡十年移居梅陽又五年高宗

皇帝特恩放還明年春復僧伽黎四方虛席以邀率不就後奉朝命居育王逾年有旨改徑山道俗歡慕如初孝宗皇帝爲普安郡王時遣內都監入山謁師師作偈爲獻及在建邸復遣內知客詣山供五百應真請師說法祝延聖壽親書妙喜菴三字并製贊寵寄之上堂欲識佛性義當觀時節因緣時節若至其理自彰舉起拂子曰還見麼擊禪牀曰還聞麼聞見分明是箇甚麼若向這裡提得去皇恩佛恩一時報足其或未然徑山打葛藤去也復舉起拂子曰看看無量壽世尊在徑山拂子頭上放大光明照不可說不可說又不可說佛刹微塵數世界中轉大法輪作無量無邊廣大佛事其中若凡若聖若正若邪若草若木有情無情遇斯光者皆獲無上正等菩提所以諸佛於此得之具一切種智諸大菩薩於此得之成就諸波羅蜜辟支獨覺於此得之出無佛世現神通光明諸聲聞衆泊夜來迎請五百阿羅漢於此得之得八解脫具六神通天人於此得之增長十善修羅於此得之除其憍慢地獄於此得之頓超十地餓

鬼傍生及四生九類一切有情於此得之隨其根性各得受用無量壽世尊放大光明作諸佛事已竟然後以四大海水灌彌勒世尊頂與授阿耨多羅三藐三菩提記當於補處作大佛事無量壽世尊有如是神通有如是自在有如是威神到這裡還有知恩報恩者麼若有出來與徑山相見爲汝證明如無聽取一頌十方法界至人口法界所有即其舌祇憑此口與舌頭祝君聖壽無間歇億萬斯年注福源如海渴漾永不竭師子窟內產狻猊驚定出丹山穴爲瑞爲祥徧九垓草木昆蟲盡歡悅稽首不可思議事喻若衆星拱明月故今宣暢妙伽陀第一義中真實說

上堂祖師道一心不生萬法無咎無咎無法不生不心能隨境滅境逐能沈境由能境能由境能大小祖師却作座主見解徑山即不然眼不自見刀不自割喫飯濟饑飲水定渴臨濟德山特地迷枉費精神施棒喝除却棒拈却喝孟八郎漢如何止遏上堂拈拄杖卓一下喝一喝曰德山棒臨濟喝今日爲君重拈掇天何高地何濶休向糞掃堆上更添搥搥換

却骨洗却腸徑山退身三步許你諸人商量且道作麼生商量擲下拄杖喝一喝曰紅粉易成端正女無錢難作好兒郎上堂正月十四十五雙徑樵鑼打鼓要識祖意西來看取村歌社舞上堂久雨不曾晴豁開天地清祖師門下事何用更施呈上堂舉圓通秀禪師示衆曰少林九年冷坐剛被神光覷破如今玉石難分祇得麻纏紙裹這一箇那一箇更一箇若是明眼人何須重說破徑山今日不免狗尾續貂也有些子老胡九年話墮可惜當時放過致令默照之徒鬼窟長年打坐這一箇那一箇更一箇雖然苦口叮嚀却似樹頭風過結夏上堂文殊三處安居誌公不是閒和尚迦葉欲行正令未免眼前見鬼且道徑山門下今日事作麼生下座後大家觸禮三拜上堂僧問有麼有麼菴主豎起拳頭還端的也無師便下座歸方丈上堂水底泥牛嚼生鐵憐梵盃提咬著舌海神怒把珊瑚鞭須彌燈王痛不徹上堂纔方八月中秋又是九月十五卓拄杖曰唯有這箇不遷擲拄杖曰一衆耳聞目覩上堂衝開碧

落松千尺截斷紅塵水一谿不識本來真面目將謂人題德嶠詩

上堂去年臘月二十五有恁麼消息今年臘月二十五無恁麼消息有恁麼消息是諸人分上事徑山不預無恁麼消息是徑山分上事諸人無分或有人問徑山未審是甚麼消息驀拈拄杖云不得動著動著打折你驢腰擲拄杖下座歲旦上堂拈拄杖空中作書字勢云正朝把筆萬事皆吉應時納祐慶無不宜若作世諦流布平地喫交更在佛法商量眉鬚墮落卓拄杖下座上堂買鐵得真金求雨得瑞雪五峰玉琢成千樹銀華結龍王降吉祥普賢呈醜拙三世如來祕密門今日一時都漏泄雖然如是這裡有一處可疑且道疑箇甚麼恐日出後一場漏逗上堂拈拄杖卓一下召大眾云還聞麼復舉起云觀世音菩薩來也在徑山拄杖頭上口喃喃地道諸行無常是生滅法生滅既滅寂滅現前拈須彌盧於掌上向針眼裡打鞦韆直饒便恁麼見得徹去猶較拄杖子十萬八千且道徑山拄杖子有甚麼奇特擲下云不直半分錢上堂徑山無寸土莊

田今夏隨宜結衆緣備論道懶談禪拄杖挑來箇箇圓不用息心除妄想大家喫飯了噉眠噉眼則不無或若夢中有人索飯錢又作麼生依稀似曲纔堪聽又被風吹別調中上堂顛倒想生生死續顛倒想滅生死絕生死絕處涅槃空涅槃空處眼中屑涅槃既空喚甚麼作眼中屑白雲乍可來青嶂明月難教下碧天上堂月生一鐵輪天子寰中勅月生二豐干騎虎入鬧市月生三蠅螟眼裡巨鼉鼉驀拈拄杖云莫有同生同死底麼出來與徑山拄杖子相見良久云見義不爲何勇之有擲下拄杖上堂心生法滅性起情亡這裡悟去捏怪有甚麼難舉起拂子云看看觀音彌勒普賢文殊盡向徑山拂子頭上聚頭打葛藤若也放開從教口勞舌沸若也把住不消一擊以拂子擊禪牀下座上堂古者道了得一萬事畢今朝是九月一諸人作麼生了驀拈拄杖云不得喚作拄杖子便了取好既不喚作拄杖子作麼生了擲下云差之毫釐失之千里圓悟禪師忌師拈香曰這箇尊慈平昔強項氣壓諸方逞過頭底顛預用

格外底。儻侗自言。我以木櫬子。換天下人眼睛。殊不知被不孝之子。將斷貫索。穿却鼻孔。索頭既在徑山手裡。要教伊生也。由徑山。要教伊死也。由徑山。且道。以何爲驗。遂燒香曰。以此爲驗。僧問。達磨西來。將何傳授師。曰。不可總作野狐精見解。曰。如何是麤入。細師曰。香水海裡一毛孔。曰。如何是細入。麤師曰。一毛孔裡香水海。問古鏡未磨時。如何。師曰。火不待日而熱。曰。磨後如何。師曰。風不待月而涼。曰。磨與未磨時。如何。師曰。交。問。不與萬法爲侶者。是甚麼人。待汝一口吸盡西江水。卽向汝道。意作麼。生師曰。釘釘膠黏。問。一法若有毗盧墮在。凡天萬法。若無普賢失其境界。去此二途。請師速道。師曰。脫殼烏龜飛上天。問高揖釋迦不拜彌勒時。如何。師曰。夢裡惺惺。問大修行底人。還落因果也。無前百丈曰。不落因果。爲甚麼墮野狐身。師曰。逢人但恁麼舉。曰。祇如後百丈道不昧因果。爲甚麼脫野狐身。師曰。逢人但恁麼舉。曰。或有人問徑山大修行底人。還落因果也。無未審和尚向他道甚麼。師曰。向你道。逢人但恁麼

舉。問明頭來時。如何。師曰。頭大尾顛。纖曰。暗頭來時。如何。師曰。野馬嘶風蹄撥刺。曰。明日大悲院裡有齋。又作麼。生師曰。雪峰道底。問過去心不可得。現在心不可得。未來心不可得。時如何。師曰。親言出親口。曰。未審如何受持。師曰。但恁麼受持。決不相賺。問我宗無語句。實無一法與人。時如何。師曰。五味鑽秤鎚。問心佛俱忘時。如何。師曰。賣扇老婆手遮日。問教中道塵塵說利利說無間歇。未審以何爲舌。師拍禪牀右角一下。僧曰。世尊不說說迦葉不聞聞。也。師拍禪牀左角一下。僧曰。也知今日令不虛行。師曰。識甚好惡。師室中問僧。不是心。不是佛。不是物。你作麼。生會僧曰。領師曰。領你屋裡七代先靈。僧便喝。師曰。適來領而今喝。干他不是。心不是。佛不是。物甚麼事。僧無語。師打出。僧請益夾山境話聲未絕。師便喝。僧茫然。師曰。你問甚麼。僧擬舉。師連打喝出。師纔見僧入。便曰。不是出去。僧便出。師曰。沒量大人被語脉裡轉。却次一僧入。師亦曰。不是出去。僧却近前。師曰。向你道。不是更近。前覓箇甚麼。便打出。復

一僧入曰。適來兩僧不會和尚意。師低頭。噉一聲。僧問。指師打曰。却是你會老僧意。問僧。我前日有一問在你處。你先前日答我了也。師今因甚麼瞌睡。僧曰。如是如是。師曰。道甚麼。僧曰。不是不是。師連打兩棒。曰。一棒打你如是一棒打你不是。舉竹筴問僧。曰。喚作竹筴。則觸不喚作竹筴。則背不得下語。不得無語。速道。速道。僧曰。請和尚放下竹筴。師即與和尚道。師放下竹筴。僧拂袖便出。師曰。侍者。認取這僧著。又學問僧。僧曰。藥裡怕走。却鼈。那師下禪牀。擒住曰。此是誰語。速道。僧曰。實不敢謾昧。老師。此是竹菴和尚教某。恁麼道。師連打數棒。曰。分明舉似諸方。師年邁求解。辛巳春。得旨退居明月堂。隆興改元。一夕星殞於寺。西流光赫然。尋示微恙。八月九日。學徒問安。師勉以弘道。徐曰。吾翌日始行至五鼓。親書遺奏。又貽書辭紫巖居士。侍僧了賢。請偈。復大書曰。生也祇恁麼死也。祇恁麼有偈與無偈。是甚麼熱大擲筆。委然而逝。平明有蚺尺許。腰首白色。伏於龍王井欄。如義服者。乃龍王示現也。四衆哀號。皇帝聞而歎惜。

上製師真贊曰。生滅不滅。常住不住。圓覺空明。隨物現處。丞相以次致祭者。沓來門弟子。塔全身於明月堂之側。壽七十有五。夏五十有八。詔以明月堂爲妙喜菴。謚曰普覺。塔名寶光。淳熙初。賜其全錄八十卷。隨大藏流行。蘇州府虎丘紹隆禪師。和州含山人。九歲謝親。依佛慧院。踰六年。得度受具。又五年。荷包謁長蘆信禪師。得其大略。有傳。圓悟語至者。師讀之。歎曰。想醉生液。雖未澆腸沃胃。要且使人慶快。遂由寶峰。依湛堂客黃龍。叩死心次謁圓悟。一日入室。悟問。見見之時。見非是。見見猶離。見見不能及。舉拳曰。還見麼。師曰。見悟曰。頭上安頭。師聞脫然契證。悟叱曰。見箇甚麼。師曰。竹密不妨流水過。悟肯之。尋俾掌藏教。有問。悟曰。隆藏主柔易若此。何能爲哉。悟曰。瞌睡虎耳後。歸邑住城西開聖。建炎之擾。乃結廬銅峰下。郡守延居彰教次。徙虎丘。道大顯著。上堂。僧問。爲國開堂一句。作麼生道。師云。一願皇帝萬歲。二願羣臣千秋。僧云。只如生佛未與時。一著落在甚麼處。師云。吾常於此。

切僧云。恁麼則擺手出長安也。師云。逢人不得錯舉。僧云。爭奈目前何。師云。識法者懼。僧云。官不容針。私借一問。時如何。師云。踞虎頭。收虎尾。僧云。中間事作麼。生師云。草繩自縛。漢僧云。毗婆尸佛早留心。直至如今不得妙。師云。幾行岳下路。不見白頭人。乃云。大眾。我本無心有所希求。今此法王大寶自然而至。敢問諸仁。作麼生說箇法。王大寶竖起拂子云。還見麼。若也於此辨得。三世諸佛以此接物。利生歷代祖師。以此流通正脉。天下老和尚以此揭示頂門正眼。破塵破的。萬古徽猷。徧界徧空。真風不墜。如天普蓋。似地普擎。堪報不報之恩。用助無爲之化。澄澄光彩。瑩徹十虛。堯日與佛日增輝。金輪與法輪並轉。生凡育聖。統三界以爲家。自利利他。作四生之依怙。隨緣赴感。靡不繇他。如鑑當臺。舉無遺照。大中現小小。現大卷舒。立方乾坤。縱橫掛域中。日月如斯。舉唱猶落今時。豈不見長沙道。三世諸佛共法界衆生。盡是摩訶般若光。光未發時。尙無佛無衆生消息。只如光未發時。諸人向甚麼處委悉。直饒向箇裡悟去。未免

平地喫交。且安家樂業。一句作麼生道。狼煙一掃。盡萬方賀太平。復舉阿育王問賓頭盧尊者承聞尊者親見佛來。是否尊者以兩手策起眉毛。良久云。會麼。王云。不會。尊者云。阿耨達池龍王請佛齋。吾亦預數。師云。賓頭盧得大機顯大用。不謾覩見佛來。雖然賴阿育王放過。若不放過。泊合打失眉毛。放過卽且置尊者策起眉毛。又作麼生。還會麼。當臺一鑑。明如日。萬古晴空。絕是非。上堂。僧問。九旬禁足。意如何。師云。理長卽就。僧云。只如六根不具。底還禁得也。無師云。穿過鼻孔。僧云。學人今日小出大遇也。師曰。降將不斬。僧云。恁麼則和尚放某甲逐便也。師云。停囚長智。乃云。朱明啓候。九夏初臨。四海高人。罷搖金錫。心猿頓歇。意馬休征。戒潔滄海之珠。性朗碧天之月。纖塵莫染。帝網交光。離相絕名。真機獨露。正當恁麼時。安居一句作麼生道。誰知鷺嶺當年事。一念迴光尙宛然。上堂。豁開戶牖。萬里不掛片雲。杲日騰空。四顧清風滿座。湖光浩渺。野色澄明。萬象森羅。全彰海印。直得頭頭妙用。物物真機。心境一如。纖塵不立。正

當恁麼時。萬機休罷。千聖不攜。坐斷毗盧頂。不稟釋迦文。婢視奴呼。菩薩德山。臨濟直得目。瞪口。吐有棒。有喝。一點也用不著。且道。忽遇其中人來時。如何傾蓋相逢。元故舊。何妨來喫趙州茶。請知事上堂。拖室摩竭杜口毗耶。面壁九年。黃梅夜渡。點簡將來。翻成計較。殊不知。日不待火。而熱。月不待風。而涼。雲從龍。風從虎。作無作。爲無爲。恁麼會得。便能恢張法席。毗贊叢林。共建法幢。流通正脉。敢問大衆。據令一句作麼生。道祇園。今古饒春色。朵朵渾開。薔薇華上堂。悠悠世事。空浮沉。自愛白雲。歲月深。舉眼盡非凡草。木剛然。斷臂覓安心。雖然如是。事無一向拈拄杖云。達磨來也。在山僧拄杖頭上。爲諸人說安心法門。還信得及麼。若信得及。當下便心安。其或未然。海枯終見底。人死不知心。上堂。摩竭拖室毗耶杜。詢斯皆理。爲神御。故口以之而默。豈曰無辯。辯所不能言也。放出陝府鐵牛。觸殺嘉州大象。撞透天關。掀翻地軸。看看磕破。諸人觸體。還有識痛痒者麼。良久云。萬山不隔今宵月。一片清光分外明。上堂。僧問。

古人道。盡乾坤大地。撮來如粟。米粒大撒向諸人面前。漆桶不會打鼓。請看未審。此意如何。師云。一畝之地。三蛇九鼠。僧云。未曉。師意。乞師再垂指示。師云。海口難宣。僧云。盡大地。既如粟米粒大。只如森羅萬象人畜草芥。著在甚麼處。師云。此問不惡。僧云。豈無方便。師云。棒打不死。乃云。寰中天子。勅塞外將軍。令一句定乾坤。一劍平天下。便見時康道泰。四海晏清。向我衲僧門下。又且不然。拄杖子吞却乾坤了也。綿綿不漏絲毫。何處更有一物。與諸人爲緣。爲對。還會麼。良久云。各請歸堂喫茶。解夏上堂。問僧問雲門。達磨九年面壁。意作麼生。門云。念七未審。古人意旨如何。師云。還丹一粒。點鐵成金。僧云。學人爲甚麼失却鼻孔。師云。與達磨雪屈。乃云。有佛處。不得住。上無攀仰。無佛處。急走過。下絕已躬。從來無向背。本自絕羅籠。出門撞著須菩提。寸草不生。千萬里。自是長臂鳥。休言芳樹不棲。謾自說禪說道。摩斯吒。直饒心掛樹頭。未免身沉海底。莫動著動著。三十棒。且置。休夏自恣。一句作麼生。道。青山綠水。元依舊。明月清風共。

一家。上堂僧問如何是大道真源師云和泥合水。僧云便恁麼去時如何師云截斷草鞋跟乃云大道只在目前要且目前難觀欲識大道真體不離聲色。言語風吹不入處和泥合水和泥合水處風吹不入。如今不免又向頭上安頭乃豎起拂子云還見麼者箇是色復呵呵大笑云者箇是聲大道真體在甚麼處繡出鴛鴦無背面不知誰解覓金針。上堂大智圓明體無向背凝然湛寂彌滿太虛覆蓋乾坤常光獨露削蹤滅跡離相絕名正當恁麼時本地不動一句作麼生道一切水月一月攝。上堂一滴水一滴凍喝下風雷彰大用棒頭點出眼睛來照了諸相悉空洞出門撞著須菩提拶破虛空全體露一片虛凝絕謂情萬里清光飛玉兔。上堂目前無法萬象森然意在目前突出難辨不是目前法觸處逢渠非耳目之所到不離見聞覺知雖然如是也須是踏著它向上關捩子始得所以道羅籠不肯住呼喚不回頭佛祖不安排至今無處所如是則不勞斂念樓閣門開寸步不移百城俱到薦拈拄杖劃一劃云路逢死

蛇休打殺無底籃子盛將歸。上堂日日日東出日日日西沒人命在呼吸百年輕倏忽。驀地得逢渠掀翻生死窟卓拄杖云放出遼天鶴萬重雲一突。傳樞密請陞座僧問萬機休罷千聖不攜時如何師云未足觀光僧云還有奇特事也無師云獨坐大雄峰僧云恁麼則主山高案山低也師云一切坐斷乃云佛語心爲宗一切卽一無門爲法門一卽一切是汝諸人高肩拄杖天下橫行還踏著此門也未若也踏著此門年年是好年月月是好月日日是好日時時是好時明如累日寬若太虛三世諸佛以此門生凡育聖廣利羣品歷代祖師以此門以心契心流通正續天下宗祖以此門揭示人天眼目提持向上一路乾坤以此門爲覆藏日月以此門爲照臨四時以此門爲寒暑國王以此門治天下百官以此門盡忠盡孝庶人以此門治生產業衲僧以此門撥轉天關掀翻地軸失口說著佛之一字漱口三年雖然如此事無一向若或尙留門外不免露箇消息去也遂拈拄杖云還見麼復卓一卓云還聞麼已爲諸人八字打

開了也。直須無見而見。是名真見。無聞而聞。是名真聞。無說而說。是名真說。真見真聞真說是甚麼。熱碗鳴聲。豈不見道。從無住本。流出萬端。便知死故。太夫人於無相中。示現受生。一切諸相。悉皆真實。於無滅中。示現入滅。一切生滅之相。本來空寂。凝然不動。正體如如。亘古亘今。曾無變易。正當恁麼時。畢竟如何。風恬波浪靜。直下見青天。復舉陸亘大夫問南泉和尚云。弟子家中有一片石。亦曾坐。亦曾臥。欲鐫作佛。得麼。泉云。得。大夫云。莫不得麼。泉云。不得。師云。南泉雖似鏡之臨形。胡來胡現。漢來漢現。只是不通簡點。當時待他道。弟子家中有一片石。亦曾坐。亦曾臥。欲鐫作佛。得麼。只對道。莫惜高名。鐫石上。維摩傾盡此時心。上堂。大地撮來粟米粒。一毛頭上現乾坤。居家不離途中事。常在途中不出門。喝一喝。留首座上堂。田地穩密。鬼家活計。從空放下。坐井窺天。虎丘門下。不說老婆禪。只要諸人眼橫鼻直。三十年後。免得敲頭打瓦。何故。物宜求新人。宜求舊。不起於座。現諸威儀。且道。出格一句作麼生。良久云。落霞與孤鶩。

齊飛。秋水共長天一色。滕樞密宅請陞座。僧問。雪峰示衆道。盡大地是箇解脫門。把手牽不入。未審在門外者是甚麼人。師云。胡張三。黑李四。僧云。爲甚麼不肯入。師云。他具行脚眼。僧云。恁麼則穿過從上祖師鼻孔去也。師云。闍黎還跳得出麼。僧云。若然者。三步雖活。五步須死。師云。猶欠一門在。僧云。和尚豈不是爲學人著。灸師云。錯認定盤星。乃云。世尊出世爲一大事。因緣祖師西來。直指人心。見性成佛。所以道。佛佛授手。祖祖相傳。便有教外別傳。不立文字。單提直截。究本明宗。令一切人離諸執著。況此一事。不以心思。不以意想。思慮知解。盡是鬼家活計。若是向上人。赤條條地。直向父母未生前承當。却來者邊行履。出生入死。得大解脫。要識諸佛出世處。麼。現在諸人眉毛眼睫上。轉大法輪。演說摩訶般若。離四句。絕百非。要識祖師西來意。麼。現在諸人六根門頭。晝夜放大光明。交光相羅。如寶絲網。以至山河大地。草木叢林。盡在諸人大光明中。發現。只如光未發時。上無諸佛。下無衆生。消息是汝諸人。向甚麼處安身立命。若

也。知得去處。便知故樞密相公落處。苟或未然。萬古碧潭空界月。再三撈攪始應知。任觀察請陞座。顧視大眾云。還會麼。塵劫來事。盡在如今。好不資一毫醜。不減一毫。謂之萬法根源。千聖窟宅。空洞無像。緣會卽彰。所以道。淨法界身本。無出沒。大悲願力。示現受生。興無緣慈。示殊勝相。作不請友。開方便門。明大機顯。大用發大智。自利利他。生凡育聖。從無住本。流出萬端。於是應以宰官身得度者。卽現宰官身而爲說法。應以長者居士等身得度者。卽現長者居士身而爲說法。如天普蓋。似地普擎。出沒卷舒。得大解脫。敢問大眾。且道。其中人畢竟作麼生。還會麼。芥城有盡年。無盡長。在堯天日月傍。上堂。凡有展拓。盡落今時。不展不拓。墮坑落塹。直饒風吹不入。水灑不著。檢點將來。自救不了。豈不見道。直似寒潭月影。靜夜鐘聲。隨叩擊。以無虧。觸波瀾。而不散。猶是生死岸頭事。拈拄杖。劃一劃。云。劃斷生法師多年葛藤。點頭石不覺撫掌呵呵大笑。且道。笑甚麼。腦後見腮。莫與往來。上堂。當陽正體露堂堂。休謂當年付飲光。彼既

丈夫我亦爾。莫將好肉更剜瘡。上堂。百鳥不來春。又喧。凭欄溢目水。如天無心。還似今宵月。照見三千及大千。上堂。放一線道曲爲今時。性地未明。須憑指注。還見麼。直得山從海湧。塔聳雲霄。非風鈴鳴。我心鳴耳。不勞斂念。樓閣門開。頭頭現彌勒家風。歷歷顯文殊境界。還同按指海印。發光萬象。森羅纖塵。不立如印。印空如印。印泥如印。印水起無前後。迥絕見知。覲面提持。更無回互。還有當陽證據得底麼。豈不見生公臺畔。空落雨華。頑石點頭。妄通消息。雖然如是。忽然撞著德山。臨濟老漢。放過卽不可。若不放過。驚拈拄杖。卓一卓。云。填溝塞壑。無人會。千古萬古黑漫漫。請修造上堂。如來三轉於大千。趙州半藏亦如然。其輪本來常清淨。一念承當誰後先。雖然也是個英靈。漢始得。便乃橫身擔荷。紹續宗風。立吾家萬世不朽之功。顯大丈夫特達之志。抱荊山玉。握靈蛇珠。光耀叢林。揮戈佛日。直得龍吟霧起。虎嘯風生。象王行處。絕狐踪。獅子窟中。無異獸。雖然如是。且道。應緣垂手一句。又作麼生道。栴檀葉葉古風清。吹落人

聞香馥郁。謝知事頭首上堂。鋒芒未露。如天普蓋。古帆未掛。似地普擎。所以道。天不言。四時行焉。地不言。萬物生焉。萬物生。則遷謝不停。四時行。則寒暑流轉。各居其位。去寒時。大家寒。熱時。大家熱。是法住。法位。世間相。常住。無一法不爲。妙用。無一物不爲。眞如處處。眞無回互。塵塵。爾絕承當。須是其中人。方能恁麼去。便能橫身擔荷。翫贊叢林。自利利他。得大解脫。其或未然。好事不須煩話。會留將和氣。暖丹田。上堂。脫身已曉。南柯夢始覺。人間萬事空。吹起還鄉無孔笛。夕陽斜照碧雲紅。上堂。從來無相貌。森羅萬象。歷然超出威音王。當機無向背。所以道。昭昭於心目之間。而相不可覩。晃晃於色塵之內。而理不可分。通古通今。凝然湛寂。蓋聲蓋色。正體如如。諸人若善參詳。要且卽非外物。盡是各各當仁屋裡事。豈不見釋迦老子。見明星悟道。便云。我觀一切衆生。具有如來智慧德相。皆爲妄相執著。而不證得。如今只要諸人心空境寂。內外無依。方有自由分。還恁麼證據得麼。其或未然。未明心地。卽難過趙州關。上堂。摩竭

陀國親行此令。薦拈拄杖卓一卓云。大盡三十日。小盡二十九。上堂。一二三四五。梅雨炎蒸。暑確。臂也。生華道芽。知幾許。古佛與露柱。交參。貓兒咬殺猛虎。爲圓悟和尚學。哀云。釋迦已滅。彌勒未生。正當今日。流通佛祖正脉。委在我圓悟大和尚。直得七據實。刹統三界。以爲家。四海馳聲。作羣生之眼目。不謂法幢摧折。佛日掩光。後學無聞。叢林失所。雖然如是。盡落今時。何故。豈不見道。淨法界身。本無出沒。既無出沒。師今不死。我何疑惑。大衆既然不死。還知圓悟老人落處麼。若也知得。落處不勞指注。倘或未然。仰師之道。地久天長。却請眞前大家燒香。復指眞云。見麼。拘尸城畔。當時大事。曾與濯錦江頭。此時還循舊轍。放光現瑞。攝化歸眞。法海珠沉。人天眼滅。雖然如是。恁麼中有不恁麼。不恁麼中。却恁麼。便見無生死中。示有生死。無去來。而示有去來。雖然。要且無生死。死去來之相。故我圓悟大和尚。禪河渺邈。津濟無窮。名動至尊。道滿天下。且能事已畢。隻履西歸。穩坐家堂。末後一句。作麼生。道諸人若向者裡。道得圓悟老人。猶

在若不然者與諸人道去也。良久却顧侍者云。道甚麼。遂舉哀。宋高宗紹興丙辰。示微疾。大書伽陀曰。無法可說是名說法。所以佛法無有剩語。珍重擲筆而逝。塔全軀於寺之西南隅。壽六十。薦四十五。

續燈正統卷之一

續燈正統卷二

南海普陀祖沙門西蜀 性統 編集

臨濟宗

大鑑下第十六世

昭覺勤禪師法嗣

寧波府育王山佛智端裕禪師紹興府錢氏子。吳越王後裔也。生而岐嶷。眉目淵秀。十四驅烏大善。寺十八得度。受具。往依淨慈。一未幾。聞僧擊露柱曰。你何不說禪。師微有省。去謁龍門遠。甘露卓泐潭祥。皆以顯邁見。推晚見。圓悟於鍾阜。悟問誰知正法眼。藏向者瞎驢邊滅却。卽今是滅不滅。曰。請和尚合取口好。

悟曰。此猶未出常情。師擬對。悟擊之。師頓去所滯。侍居天寧。掌記室。尋命分座。初開法。丹霞次遷虎丘。徑山謝事。菴於平江之西華。閱數稔。敕居建康。保寧後移蘇城。萬壽及闔中。立沙壽山西禪。復被旨補靈隱。仍歸西華。舊隱紹興戊辰秋。赴育王之命。上堂。德山入門。便棒多。向皮袋裡埋蹤。臨濟入門。便喝。總在聲塵中出沒。若是英靈。衲子直須足下風生。超越古今。途轍拈拄杖卓一下。喝一喝。曰。祇者箇何似。生若喚作棒喝。瞌睡未醒。不喚作棒喝。未識德山臨濟。畢竟如何。復卓一下。曰。總不得動著。上堂。盡大地是沙門眼。徧十方是自己光。爲甚麼東弗于逮打鼓西瞿耶尼。不聞南瞻部洲點燈。北鬱單越暗坐。直饒向箇裡道得十全。猶是光影裡活計。據拂子曰。百雜碎了也。作麼生是出身一路。擲下拂子曰。參。上堂。動則影現。覺則水生。直饒不動不覺。猶是秦時轆轤鑽到者裡。便須千差密照。萬戶俱開。毫端撥轉。機輪命脈不沈。毒海有時覺如湛水。有時動若星飛。有時動覺俱忘。有時照用自在。且道。正恁麼時。是動是覺。是

照是用還有區分得出底麼鐵牛橫古路觸著骨毛寒上堂行時絕行跡說時無說蹤行說若到則垛生招箭行說未明則神鋒劃斷就使說無滲漏行不迷方猶滯殼漏在若是大鵬金翅奮迅百千由旬十影神駒馳驟四方八極不取次啗啄不隨處埋身且總不依倚還有履踐分也無利利塵塵是要津上堂易填巨壑難滿漏卮若有操持了無難易拈却大地寬綽有餘放出纖毫礙塞無路忽若不拈不放向甚麼處履踐同誠共休戚飲水亦須肥僧問如何是賓中賓師曰你是田庫奴曰如何是賓中主師曰相逢猶莽鹵曰如何是主中賓師曰劍氣爍愁雲曰如何是主中主師曰敲骨打髓高宗紹興庚午十月初示微疾至十八日首座法全請遺訓師曰盡此心意以道相資語絕而逝火後日睛齒舌不壞其地發光終夕得設利者無計踰月不絕黃冠羅肇常平日問道於師適外歸獨無所獲道念勤切方與客食咀嚙間若有物吐哺則設利也大如菽色若琥珀好事者持去遂再拜於闔維所聞香匳有聲亟開所獲

如前門人奉遺骨分塔於鄧峰西華證大悟禪師長沙府大瀉佛性法泰禪師漢州李氏子僧問理隨事變該萬有而一片虎凝事逐理融等干差而咸歸實際如何是理法界師曰山河大地曰如何是事法界師曰萬象森羅曰如何是理事無礙法界師曰東西南北曰如何是事事無礙法界師曰上下四維上堂推眞眞無有相窮妄妄無有形眞妄兩無所有廓然露出眼睛眼睛既露見箇甚麼曉日爍開巖畔雪朔風吹綻臘中梅上堂寶劍拈來便用豈有遲疑眉毛剔起便行更無回互一切時騰今煥古一切處截斷羅籠不犯鋒銑亦非顧鑑獨超物外則且置萬機喪盡時如何良久曰八月秋何處熱上堂涅槃無異路方便有多門拈起拄杖曰看看山僧拄杖子一口吸盡西江水東海鯉魚躡跳上三十三天帝釋忿怒把須彌山一摑粉碎堅牢地神合掌讚歎曰諦觀法王法法王法如是以拄杖擊禪牀下座上堂達得人空法空未稱祖佛家風體得全用全照亦非衲僧要妙直須打破牢關識取向上一竅如何是

向上一竅春寒料峭凍殺年少。上堂今朝正月已
半是處燈火繚亂滿城羅綺駢闐交互往來遊翫又
殊走入鬧籃中普賢端坐高樓看且道觀音在甚麼
處震天椎鼗鼓聒地奏笙歌。上堂渺渺邈邈十方
該括坦坦蕩蕩絕形絕相目欲眎而睛枯口欲談而
詞喪文殊普賢全無伎倆臨濟德山不妨提唱龜吞
陝府鐵牛蛇蛟嘉州大像嚇得東海鯉魚直至如今
肚脹噎。祈雨上堂火雲燒田苗泉源絕流注娑竭
大龍王不知在何處以拄杖擊禪牀曰在者裡看看
南山起雲北山下雨老僧更爲震雷聲助發威光令
遠布乃高聲曰闕弄闕弄。上堂開口有時非開口
有時是龜言及細語皆歸第一義釋迦老子碗鳴聲
達磨西來屎臭氣唯有山前水牯牛身放毫光照天
地。上堂得念失念無非解脫是甚麼語話成法破
法皆名涅槃料掉沒交涉智慧愚癡通爲般若顛頂
佛性菩薩外道所成就法皆是菩提猶較些子然雖
如是也是楊廣失駱駝。上堂欲識佛去處祇者語
聲是咄傳大士不識好惡以昭昭靈靈教壞人家男

女被誌公一喝曰大士莫作是說別更道看大士復
說偈曰空手把鉏頭步行騎水牛人從橋上過橋流
水不流誌公乃呵呵大笑曰前頭猶似可末後更愁
人。上堂憶昔遊方日獲得二種物一是金剛鎚一
是千聖骨持行宇宙中氣岸高突兀如是三十年用
之爲準則而今年老矣一物知何物擲下金剛鎚擊
碎千聖骨拋向四衢道不能更惜得任意過浮生指
南將作北呼龜以爲鼈喚豆以爲粟從他明眼人笑
我無繩墨

台州府護國此菴景元禪師永嘉楠溪張氏子年十
八依靈山希拱圓具後習台教棄謁圓悟於鍾阜聞
僧讀死心錄曰既迷須得箇悟既悟須識悟中迷迷
中悟迷悟雙忘却從無迷悟處建立一切法師疑甚
卽趨佛殿以手托開門扉豁然大徹繼而執侍機辯
逸發悟目爲聾頭元侍者遂自題肖像付之曰生平
只說聾頭禪撞著聾頭如鐵壁脫却羅籠截脚跟大
地撮來墨漆黑晚年轉復沒刁刀奮金剛椎碎窠窟
他時要識圓悟面一爲渠儂併拈出悟歸蜀師還浙

東鏐彩埋光不求聞達括蒼守耿延禧嘗問道於圓悟因閱其錄至題肖像得師爲人乃致開法處州之南明僧問三聖道我逢人卽出出則不爲人意旨如何師曰八十翁翁嚼生鐵曰興化道我逢人則不出卽便爲人又作麼生師曰須彌頂上浪翻空問天不能蓋地不能載是甚麼物師曰無孔鐵鎚曰天人羣生類皆承此恩力也師曰莫妄想問三世諸佛說不盡底句請師速道師曰眨上眉毛問未學先知未言先見如何是瀉仰宗師曰推不向前約不退後曰昔年三平道場重興是日圓悟高提祖印始自師傳如何是臨濟宗師曰殺人活人不眨眼曰建化何妨行鳥道回途復妙顯家風如何是曹洞宗師曰手執夜明符幾箇知天曉曰目前抽顧鑑領略者還稀如何是雲門宗師曰頂門三眼耀乾坤曰三界唯心萬法唯識如何是法眼宗師曰箭鋒相直不相饒曰向上還有路也無師曰有曰如何是向上路師曰黑漫漫地僧喝師曰貪他一粒粟失却半年糧上堂威音王已前者一隊漢錯七錯八威音王已後

者一隊漢落二落三而今者一隊漢坐立儼然且道是錯七錯八是落二落三還定當得出麼舉拂子曰吽吽浴佛上堂釋迦老子初生下來便作箇笑具一手指天一手指地云天上天下唯我獨尊雲門道我當時若見一棒打殺與狗子喫貴圖天下太平尙有人不肯放過却道讚祖須是雲門始得且道那裡是讚他處莫是一棒打殺處麼且喜沒交涉今日南明祇得放過若不放過盡大地人竝須乞命如今事不獲已且同大衆向佛殿上每人與他一杓何故豈不見道乍可違條不可越例以拂子擊禪牀下座上堂野干鳴師子吼張得眼開得口動南星蹉北斗大衆還知落處麼金剛塔下蹲神龜火裡走後退居西山耿龍學請就淨光院陞座靈峰古舉白雲見楊岐岐令舉茶陵悟道頌公案請師批判師乃曰諸禪德楊岐大笑眼觀東南意在西北白雲悟去聽事不眞喚鐘作甕檢點將來和楊岐老漢都在架子上將錯就錯若是南明卽不然我有明珠一顆切忌當頭蹉過雖然覲面相呈也須一鎚打破舉拂子曰還

會麼。甚逢敵手。雖藏輿詩到重吟。始見工。示疾日。請西堂應菴華爲座元。付囑院事。示訓如常。俄握拳而逝。茶毗得五色舍利齒舌。右拳無少損塔於寺東。劉阮洞前壽五十三。

福州府立沙僧昭禪師上堂。天上無彌勒。地下無彌勒。且道彌勒在甚麼處。良久曰。夜行莫踏白。不是水便是石。

蘇州府南峰雲辯禪師本郡人。依闔之瑞峰章得度。旋里謁穹窿圓忽有得。遂通所見。圓曰。子雖得入。未至當也。切宜著鞭。乃辭扣諸席後。參圓悟。值入室。纔踵門。悟曰。看脚下。師打露柱一下。悟曰。何不著實道取一句。師曰。師若搖頭。弟子擺尾。悟曰。你試擺尾看。師擺筋斗而出。悟大笑。由是知名。住後僧問。如何是奪人不奪境。師曰。霸王到烏江。曰。如何是奪境不奪人。師曰。築壇拜將。曰。如何是人境兩俱奪。師曰。萬里山河獲太平。曰。如何是人境俱不奪。師曰。龍吟霧起。虎嘯風生。曰。向上還有事也。無師曰。當面蹉過。曰。真箇作家師。曰。白日鬼迷人。一日入城與道俗行。

至十郎巷有問曰。巷在者裡。未審十郎在甚麼處。師奮臂曰。隨我來。

成都府正法建禪師上堂。兔馬有角。牛羊無角。絕毫絕釐。如山如嶽。針鋒上。師子翻身。藕竅中大鵬展翼。等閒突過北俱盧。日月星辰一時黑。

江寧府華藏密印安民禪師嘉定朱氏子。初講楞嚴。爲成都義學所歸。時圓悟居昭覺。師與奉勝爲友。因造焉。聞悟小參。舉國師三喚侍者。因緣趙州拈云。如人暗中書字。字雖不成。文彩已彰。那裡是文彩已彰處。師心疑之。告香入室。悟問座主。講何經。師曰。楞嚴。悟曰。楞嚴有七處徵心。八還辨見。畢竟心在甚麼處。師多呈義解。悟皆不肯。師復請益。悟令一切處作文。彩已彰。會偶僧請益。十玄談。方舉問。君心印作何顏。悟厲聲曰。文彩已彰。師聞而有省。悟復示以本色。鉗鎚師則罔措。一日。白悟曰。和尚休舉話。待某說看。悟諾。師歷舉楞嚴語。以合拈椎。豎拂下喝。敲牀等用。悟笑曰。你元來在者裡作活計。乃點之曰。你豈不見經中道。妙性圓明。離諸名相。師於言下釋然。悟出蜀居。

夾山師侍行。悟夜參。舉古帆未挂。因緣師聞未領。遂求決悟。曰。你問我師。舉前話。悟曰。庭前柏樹子。師頓契無疑。乃曰。古人道。如一滴投於巨壑。殊不知大海投於一滴。悟笑曰。奈者。漢何未幾令分座。後謁佛鑑於蔣山。鑑問。佛果有不曾亂爲人說底句。曾與你說麼。師曰。合取狗口。鑑震聲曰。不是者箇道理。師曰。無人奪你鹽茶袋。叫作甚麼。鑑曰。佛果若不爲你說。我爲你說。師曰。和尚疑時。退院別參去。鑑呵呵大笑。師未幾開法。保寧遷華藏旋里。領中峰。上堂。衆賣華兮獨賣松。青青顏色不如紅。算來終不與時合。歸去來兮翠藹中。可笑古人恁麼道。大似逃峰赴壑。避溺投火。爭如隨分到尺八五分。鑊頭邊討一箇半箇。雖然如是。保寧半箇也不要。何故。富嫌千口少。貧恨一身多。冬至上堂。舉玉泉皓曰。雪雪片片不別下。到臘月。再從來年正月二月三月四月五月六月七月八月九月十月。依前不歇。凍殺餓殺。免教胡說亂說。師曰。不是罵人。亦非贊嘆。高出臨濟。德山不似雲。居羅漢。且道玉泉意作麼生。良久曰。但得雪消盡。自

然春到來。後示寂。本山闍維。設利頗廣。細民穴地尺許。皆得之。尤光明瑩潔。心舌亦不壞。

成都府昭覺徹菴道元禪師。綿州鄧氏子。圓具後。東游謁大別道因。看廓然無聖語。忽失笑曰。達磨元來在者裡。道譽之往參佛鑑。佛眼次依圓悟於金山。以所見告悟。弗許。悟徙雲居。師從之。雖有信入。終以鯁膺物未去爲疑。會悟問參。徒生死到來時如何。僧曰。香臺子笑和尚。次問師。汝作麼生。師曰。艸賊大敗。悟曰。有人問你時如何。師擬答。悟憑陵曰。艸賊大敗。師卽徹證。悟以拳擊之。師撫掌大笑。悟曰。汝見甚麼。便如此。師曰。毒手未報。永劫不忘。悟歸昭覺。命師首衆。悟將順世命。以師繼席焉。

杭州府中天竺伽堂中仁禪師。洛陽人。少依東京奉先院出家。宣和初。賜牒於慶基殿落髮。進具後。往來三藏譯經所。諦窮經論。特於宗門未之信。時圓悟居天寧。走謁之。悟方爲衆入室。師見敬服。奮然造前。悟曰。依經解義。三世佛冤。離經一字。卽同魔說。速道速道。師擬對。悟劈口擊之。因墜一齒。卽大悟。留天寧。由

是師資契合。請問無間。後開法大覺遷中天竺。次徙靈峰。上堂。九十春光已過半。釀華天氣正融。海棠枝上鶯聲好。道與時流見得麼。然雖如是。且透聲透色一句作麼生道。金勒馬嘶芳草地。玉樓人醉杏花天。上堂舉狗子無佛性話。乃曰。二八佳人刺繡遲。紫荊花下轉黃鸝。可憐無限傷春意。盡在停針不語時。淳熙甲午四月八日。孝宗詔入內賜座說法。帝舉不與萬法爲侶。因緣俾拈提師拈罷。頌曰。秤鎚擲出油閒言。長語休。腰纏十萬貫。騎鶴上揚州。已亥中陞堂告衆而逝。

眉州彭山象耳山袁覺禪師。郡之袁氏子。出家傳燈。試經得度。本名圓覺。郡守填祠牒誤作袁字。疑師儻然戲謂之曰。一字名可乎。師笑曰。一字已多。郡守異之。既受具出蜀。徧謁有道尊宿。後依大滄佛性入室。陳所見性曰。汝忒煞遠在。然知其爲法器。俾充侍者。掌賓客。師每侍性。性必舉法華開示悟入四字。令下語。又曰。直待我豎點頭時。汝方是也。偶不職被斥制中無依。寓俗士家。一日誦法華至亦復不知何者是。

火何者爲舍。乃豁然制罷。歸省性見首肯之圓悟。再住雲居。師詣以所得白悟悟呵曰。本是淨地。屙屎作麼。師所疑頓釋。紹興丁巳。眉之象耳虎席衆舉師應聘。師常語客曰。東坡曰。我持此石歸袖中。有東海山谷曰。惠崇煙雨蘆鴈坐。我瀟湘洞庭欲喚扁舟歸去。傍人謂是丹青此禪髓也。又曰。我敲牀豎拂時。釋迦老子孔夫子都齊立在下風。有舉此語似佛海遠者。遠曰。此覺老語也。我此間卽不恁麼。

眉州青神中嚴華嚴祖覺禪師。嘉州楊氏子。幼聰慧。書史過目成誦。著書排釋氏惡境。忽現因悔過出家。依慧目。能未幾。疽發膝上。五年醫莫愈。因書華嚴合論畢。夜感異夢。旦卽捨杖步趨。一日誦至現相品曰。佛身無有生。而能示出生法。性如虛空。諸佛於中住。無住亦無去。處處皆見佛。遂悟華嚴宗旨。泊登僧籍。府帥請講於千部堂。詞辨宏放。衆所歎服。適南堂靜過門。謂師曰。觀公講說。獨步西南。惜未解離文字相耳。儻問道方。外何讓于周金剛乎。師欣然罷講。南游依圓悟於鍾阜。一日入室。悟舉羅山道言。有時踞虎。

頭收虎尾。第一句下明宗旨。無言時。覲露機鋒。如同電拂。作麼生會。師莫能對。參究之久。忽有省作。偈呈悟曰。家住孤峰頂。長年半掩門。自嗟身已老。活計付兒孫。悟見許可。次日入室。悟又問。昨日公案。作麼生。師擬對。悟便喝曰。佛法不是者。箇道理。師復留五年。愈更迷悶。後於廬山棲賢。閱浮山遠削。執論乃大悟。作偈寄悟曰。出林依舊入蓬蒿。天網恢恢不可逃。誰信業緣無避處。歸來不怕語聲高。悟大喜。持以示衆。曰。覺華嚴徹矣。住後僧問。最初威音王末後。斐至佛未審。參見甚麼人。師曰。家住大梁城。更問長安路。曰。只如德山擔疏鈔。行脚意在甚麼處。師曰。拶破你眼睛。曰。與和尚悟華嚴宗旨。相去幾何。師曰。同途不同轍。曰。昔日德山今朝和尚也。師曰。夕陽西去水東流。上堂。舉石霜遷化衆。請首座繼踵住持。虔侍者所問公案。乃曰。宗師行處如火消冰。透過是非。關全體妙。失宗全迷。向背殊不知。首座如鷺鷥立雪。品類不齊。侍者似鳳翥丹霄。不縈金網。一人高高山頂立。

一人深深海底行。各自隨方而來。同會九重城裡。而今要識此二人麼。豎起拂子曰。龍臥碧潭。風凜凜。垂下拂子曰。鶴歸霄漢。背摩天。僧問。如何是一喝。如金剛王寶劍。師曰。血濺梵天。曰。如何是一喝。如踞地師子。師曰。驚殺野狐狸。曰。如何是一喝。如探竿影草。師曰。驗得你骨出。曰。如何是一喝。不作一喝。用師曰。直須識取。把針人。莫道鴛鴦好毛羽。

長沙府福嚴文演禪師。成都楊氏子。僧問。如何是定。林正主。師曰。坐斷天下人舌頭。曰。未審如何親近。師曰。覲著則瞎。上堂。當陽坐斷。凡聖跡絕。隨手放開。天回地轉。直得日月交互。虎嘯龍吟。頭頭物物。耳聞目眎。安立諦上。是甚麼還委。悉麼。阿斯吒咄。

蘇州府西山明因曇玩禪師。溫州黃氏子。徧參罷宣和庚子。回抵鍾阜。適朝廷改僧爲德士。師與同志數人入頭陀巖。食松自處。久之。圓悟被旨。居是山。親至巖所。令去鬚髮。及悟詔補京師天寧師。與俱往。命掌香水海。未幾。因舉枹擊鼓。頓明大法。凡有所問。皆對曰。莫理會。住後上堂。汝有一對眼。我也有一對眼。

汝若瞞還自瞞。汝若成佛作祖。老僧無汝底分。汝若做驢做馬。老僧救汝不得。衆檀越入山請上堂說。偈曰。我無長處。名虛出謝。汝殷勤特地來。明因無法堪分付。護把山門爲汝開。

蘇州府虎丘雪庭元淨禪師。雙溪人。上堂。知有底人。過萬年。如一日。不知有者。過一日。如萬年。不見死心。道山僧行脚三十餘年。以九十日爲一夏。增一日也。不得咸。一日也不得取。不得捨。不得不可得。中祇麼得。翠雲見處。又且不然。山僧行脚三十來年。誰管他。一日九十日也。無得也。無不得。處處當來見。彌勒且道。彌勒在甚麼處。金風吹渭水。落葉滿長安。上堂說得。須是見得。見得須又說得。見得說不得。落在陰界。見解偏枯。說得見不得。落在時機。墮在毒海。若是翠雲門下。直饒說得見得好。與三十棒。說不得見不得。也好。與三十棒。翠雲恁麼道。也好。與三十棒。遂高聲召大衆曰。嶮。上堂。日日東出。日日西沒。是時人知有。自古自今。如麻似粟。忽然掀轉話頭。亦不從東出。亦不從西沒。且道從甚麼處出沒。若是透關底。

人問恁麼道。定知五里牌在郭門外。若是透不過者。往往道半山熟瞞人。僧問如何。是到家一句。師曰。坐觀成敗。問不與萬法爲侶者。是甚麼人。師曰。遠親不如近鄰。曰。待汝一口吸盡西江水。卽向汝道。又作麼。生師曰。近鄰不如遠親。問亡僧遷化向甚麼處去。師曰。糞堆頭。曰。意旨如何。師曰。築著磕著。衢州府天寧訥堂梵思禪師。蘇臺朱氏子。上堂。趯翻生死海。踏倒涅槃岸。世上無活人。黃泉無死漢。遂拈拄杖曰。訥堂今日拄杖子。有分付處也。還有承當得者麼。試出來擔荷看。有麼。有麼。良久。擲拄杖下座。上堂。知有底也。喫粥喫飯。不知有底也。喫粥喫飯。如何。直下驗得。他有之與無。是之與非。邪之與正。若驗不出。參學事大遠。在喝一喝下座。上堂。山僧是楊岐五世孫者。老漢有箇三脚驢子。弄蹄行公案。雖人人舉得。祇是不知落處。山僧不惜眉毛。爲諸人下箇注脚。乃曰。八角磨盤空裡走。杭州府靈隱瞎堂慧遠佛海禪師。眉山彭氏子。年十三。從藥師院爲僧。依靈巖徽徽有省。會圓悟復頌昭。

覺師卽之悟普說舉龐公問馬祖不與萬法爲侶因緣師忽領悟介於衆衆掖之師曰吾夢覺矣至夜小參師出問淨裸裸空無一物赤骨力貧無一錢戶破家亡乞師賑濟悟曰七珍八寶一時拏師曰禍不入慎家之門悟曰機不離位墮在毒海師隨聲便喝悟以拄杖擊禪牀曰喫得棒也未師又喝悟連喝兩喝師便禮拜自此機鋒峻發無所牴牾悟寂師東下由虎丘奉詔住臯亭崇先復被旨補靈隱孝宗召對賜佛海禪師上堂新歲有來由烹茶上酒樓一雙爲兩脚半箇有三頭突出神難辨相逢鬼見愁倒吹無孔笛促拍舞涼州咄上堂好是仲春漸煖那堪寒食清明萬疊雲山聳翠一天風月良鄰在處華紅柳綠湖天浪穩風平山禽枝上語諄諄再三瑣瑣碎碎囑付叮叮嚶嚶你且道他叮嚶囑付箇甚麼卓拄杖曰記取明年今日依舊寒食清明上堂舉僧問睦州以一重去一重卽不問不以一重去一重時如何州曰昨日栽茄子今日種冬瓜師曰問者善問不解答者善答不解問山僧今日向饑鷹爪下奪肉猛

虎口裡橫身爲你諸人說箇樣子登壇道士羽衣輕呪力雖窮法轉新拊指破開天地闔蛇頭癩落鬼神驚僧問十二時中教學人如何用心師曰蘸雪喫冬瓜問浩浩塵中如何辨主師曰木杓頭邊鎌切菜曰莫便是和尚爲人處也無師曰研椎搥鉢飢問卽心卽佛時如何師曰頂分了角曰非心非佛時如何師曰耳墜金環曰不是心不是佛不是物又作麼生師曰禿頂修羅舞柘枝問東山水上行意旨如何師曰初三十一不用擇日問文殊是七佛之師爲甚麼出女子定不得師曰擔頭不挂針問菴內人爲甚麼不知菴外事師曰拄杖橫挑鐵蒺藜問不與萬法爲侶者是甚麼人師曰腳踏轆轤一日鳴鼓陞堂師潛坐帳中侍僧尋之師忽撥開帳曰祇在者裡因甚麼不見僧無對師曰大斧斫三門問僧一大藏教是惡口如何是本身盧舍那僧曰天台普請南嶽游山師別曰阿耨達池深四十丈濶四十丈淳熙乙未秋示衆曰淳熙二年閏季秋九月日闌處莫出頭冷地著眼看明暗不相干彼此分一

半一種作賣人教誰賣柴炭向你道不可毀不可讚體若虛空沒涯岸相喚相呼歸去來上元定是正月半都下喧傳而疑之明年忽感微疾果以上元揮偈安坐而化偈曰拗折秤鎚掀翻露布突出機先鷄飛不度留七日顏色不異塔全身於寺之烏峰壽七十四坐五十九夏

續燈正統卷之二

續燈正統卷三

南海普陀嗣祖沙門西蜀 性統 編集

臨濟宗

大鑑下第十六世

昭覺勤禪師法嗣

岳州府君山佛照覺禪師上堂古者道仰之彌高鑽之彌堅瞻之在前忽焉在後諸人還識得麼若也不識爲你註破仰之彌高不隔絲毫要津把斷佛祖難逃鑽之彌堅真體自然烏啼華笑在碧巖前瞻之在

前非正非偏十方坐斷威鎮大千忽焉在後一場漏逗堪笑雲門藏身北斗咄

蘇州府寶華顯禪師本郡人上堂喫粥了也頭上安頭洗盥盂去爲地畫足更問如何自納敗闕良久高聲召大衆衆舉首師曰歸堂喫茶 上堂禪莫參道休學歇意忘機常廓落現成公案早周遮祇箇無心已穿鑿直饒坐斷未生前良久曰錯錯錯

紹興府東山覺禪師後住因聖上堂三通鼓罷諸人各各上來擬待理會祖師西來意還知劍去久矣麼設使直下悟去也是斬頭覓活東山事不獲已且向第二頭鞠拶看拍禪牀下座 上堂花爛慢景喧妍休說壺中別有天百草頭邊如薦得東高三丈西潤八寸 上堂廣額屠兒一日至佛所颺下屠刀曰我是千佛一數世尊曰如是如是今時叢林將謂廣額過去是一佛權現屠兒如此見廣額且喜沒交涉又曰廣額正是箇殺人不眨眼底漢颺下屠刀立地成佛且喜沒交涉又道廣額颺下屠刀曰我是千佛一數者一佛多少分明且喜沒交涉要識廣額麼夾路

桃祖風雨後馬蹄何處避殘紅。

台州府鴻福子文禪師上堂舉百丈野狐話。頌曰。不昧不落作麼會。會得依前墮野狐。一夜涼風生畫角。滿船明月汎江湖。

台州府天封覺禪師上堂。無生國裡未是安居。萬仞崖頭豈容駐足。且望空撒手。直下翻身。一句作麼生。道人逢好事。精神爽入火。真金色轉鮮。

成都府昭覺道祖首座初見圓悟於卽心。是佛語下發明。久之悟命分座。一日爲衆入室。餘二十許人。師忽問曰。生死到來如何。回避僧無對。師擲下拂子。奄然而逝。衆皆愕然。亟以聞。悟至。召曰。祖首座。師張目眎之。悟曰。抖擻精神。透關去。師點頭。竟爾趨寂。南康府雲居宗振首座丹丘人。依圓悟於雲居。一日仰瞻鐘閣。倏然契證。有詰之者。座酌以三偈。其後曰。我有一機。直下示伊。青天霹靂。電卷星馳。德山臨濟。棒喝徒施。不傳之妙。於汝何虧。悟見大悅。嘗書壁曰。住在千峰最上層。年將耳順任騰騰。免教名字挂人齒。甘作今朝百拙僧。

樞密徐俯字師川。號東湖居士。每侍先龍圖謁法昌及靈源。語論終日。公聞之。貌如也。及法昌歸寂。在笑談間。公異之。始篤信此道。後丁父憂。念無以報罔極命。靈源歸孝。址說法源。登座問答。已乃曰。諸仁者。祇如龍圖。平日讀萬卷書。如水傳器。涓滴不遺。且道尋常著在甚麼處。而今捨識之後者。著萬卷書底。又却向甚麼處著。公聞灑然有得。遂曰。吾無憾矣。源下座問曰。學士適來見箇甚麼。便恁麼。道公曰。若有所見。則鈍置和尚去也。源曰。恁麼則老僧不如公。曰。和尚是何心行。源大笑。欽宗靖康年爲尙書外郎。與朝士同志者。挂盞天寧。擇木堂力參圓悟。悟亦喜其見地超邁。一日至書記寮。指悟頂相曰。者老漢脚跟猶未點地。在悟頰面曰。甕裡何曾走却鼈。公曰。且喜老漢脚跟點地。悟曰。莫謗他好公休去。郡王趙令矜字表之。號超然居士。任南康政平事。簡多與禪游。公堂間爲摩詰丈室。適圓悟居甌阜。公就其鉗錘。悟不少假。公固請悟曰。此事要得相應。直須是大死一回。始得公默契。嘗自疏之。其略曰。家貧

遭劫誰知盡底不存空屋無人幾度賊來亦打悟見囑令加護。紹興庚申冬公與汪內翰藻李參政邵晉侍郎開諸徑山謁大慧慧聞至乃令擊鼓入室公欣然袖香趨之慧曰趙州洗盃孟話居士作麼生會公曰討甚麼碗拂袖便出慧起攔住曰古人向者裡悟去你因甚麼却不悟公擬對慧撥之曰討甚麼碗公曰還者老漢始得

侍郎李彌遜號普現居士少時讀書五行俱下年十八中鄉舉登第京師旋歷華要二十八爲中書舍人入圓悟室一日早朝回至天津橋馬躍忽有省通身汗流直造天寧適悟出門遙見便喚曰中書且喜大事了畢公厲聲曰和尚眼華作麼悟喝公亦喝於是機鋒迅捷凡與悟問答常機不讓後遷吏部乞祠祿歸園連江築菴自娛忽一日示微恙遽索浴浴畢跌坐書偈曰謾說從來牧護今日分明呈露虛空撈倒須彌說甚向上一路擲筆而逝

覺菴道人祖氏建寧游察院姪女也幼志不出適留心祖道於圓悟示衆語下了然明白悟曰更須颺却

所見始得自由祖答偈曰露柱抽橫骨虛空弄爪牙直饒玄會得猶是眼中沙

令人本明號明室自機契圓悟徧參名宿皆蒙印可紹興庚申二月望親書三偈寄草堂清微露謝世之意至旬末別親里而終草堂爲跋其偈刊行於世大慧嘗垂語發揚之其偈曰不識煩惱是菩提若隨煩惱是愚癡起滅之時須要會鷄過新羅人不知不識煩惱是菩提淨華生淤泥人來問我若何爲喫粥喫飯了洗盃盂莫管他莫管他終日癡憨算海沙要識本來真面目便是祖師一木叉道不得底叉下死道得底也叉下死畢竟如何不許夜行投明須到成都府范縣君者棲居常坐不臥聞圓悟住昭覺往禮拜請示入道因緣悟令看不是心不是佛不是物是箇甚麼久無所契范泣告悟曰和尚有何方便令某易會悟曰却有箇方便遂令祇看是箇甚麼後有省曰元來恁麼地近那

太平懃禪師法嗣

常德府文殊正導禪師眉州丹稜徐氏子年三十得

度詣成都習唯識。自以爲至同舍詰之曰。三界唯心。萬法唯識。今目前萬象縱然心識安在。師茫然不知。對遂出關。周流江淮。既抵舒之太平。聞佛鑑夜參舉栢樹子話。至覺鐵業云。先師無此語。莫謗先師好。因大疑提撕。既久。一旦豁然。趨丈室敘所悟。鑑見來便閉却門。師曰。和尚莫謾某甲。鑑曰。十方無壁落。何不入門來。師以拳擲破窓紙。鑑卽開門。攔住曰。道道。師以兩手捧鑑頭。作口啐而出。遂呈偈。多趙州有箇栢樹話。禪客相傳偏天下。多是摘葉與尋枝。不能直向根源拔。覺公說道無此語。正是惡言當面罵。禪人若具通方眼。好向此中辨真假。鑑然之後。命分座裏守。請開法天寧。未幾擢大別之文殊。上堂。師子嘯呻。象王哮吼。雲門北斗。裡藏身白雲。因何喚作手三世諸佛。不能知狸奴白牯。却知有且道。作麼生是他知有底事。雨打梨花。蛺蝶飛。風吹柳絮。毛毬走。上堂。拈拄杖直上指曰。刺破僑尸。迦脚跟卓一下。曰。卓碎閻羅王頂骨。乃指東畔曰。穿過東海鯉魚眼睛。指西畔曰。塞却西王母鼻孔。且道。總不恁麼時如何。今年

雨水多。各宜頻曬眼。宣和改元己亥。下詔改僧爲德士。師上堂曰。祖意西來事。今朝特地新。昔爲比丘相。今作老君形。鶴鵠披銀褐。頭包蕉葉巾。林泉無事客。兩度受君恩。所以道。欲識佛性義。當觀時節因緣。且道。卽今是甚麼時節。毗盧遮那頂戴寶冠。爲顯真中有俗文殊。老叟身披鶴氅。且要俯順時宜。一人既爾。衆人亦然。大家成立叢林。喜得羣僊聚會。共酌迷仙。耐同唱步虛詞。或看靈寶度人經。或說長生不死藥。琴彈月下指端。發太古之音。幕布軒前。妙著出神機之外。進一步。便到大羅天上。退一步。却入九幽城中。祇如不退一句。又作麼生。道直饒羽化三清。路終是輪迴一幻身。庚子九月。復僧上堂。不挂田衣。著羽衣。老君形相。頗相宜。一年半內。閒思想。大底興衰各有時。我佛知法有難教。中明載無不委。知魔得伺。便惑亂正宗。鑊鍬停音。盞盂添足。多般矯詐。欺罔聖君。所賴我皇聖德聖明。不忘付囑。特賜宸章。仍還僧像。重新披削。實謂寒灰再焰。枯木重榮。迷仙耐變爲甘露瓊漿。步虛詞翻作還鄉曲子。放下銀木簡。

拈起尼師壇。昨朝稽首擎拳。今日和南不審。祇改舊時相。不改舊時人。敢問大衆。作麼生是舊時人。良久曰。秋風也解。嫌狼藉。吹盡當年道教灰。建炎己酉春。示衆舉臨濟入滅。囑三聖因緣曰。正法眼藏。瞎驢滅。臨濟何曾有是說。今古時人皆妄傳。不信。但看後三月至閏三月。鍾相叛。其徒欲舉師南奔者。師曰。學道所以了生死。何避之有。賊至。師竟被害。血皆白。乳賊駭驚悔而去。師之視生死可謂如夢幻矣。

韶州府南華知覺禪師。蜀之永康人。初行脚。離鄉未久。聞受業一夕。遺火成灰。燼師得書。擲之於地。曰。徒亂人意耳。其爲人嚴冷。諸方謂之曷鐵面。上堂。此事最希奇。不礙當頭說。東鄰田舍翁。隨例得一槩。非唯質聲色。亦乃應時節。若問是何宗。八字不著人。擊禪牀下座。上堂。日日說時時。舉似地擎山。爭幾許。隴西鸚鵡得人憐。大都祇爲能言語。休思惟。帶伴侶。智者聊聞猛提取。更有一般事。大奇。猫兒偏解捉老鼠。下座。上堂。以拄杖向空中攪。曰。攪長河爲酥酪。鰕蟹猶自眼搭。眇卓一下。曰。變大地作黃金。窮漢依前。

赤骨力爲復自家。無分爲復。不肯承當。可中有箇漢。荷負得。行多少人。失錢遭罪。再卓一下。曰。還會麼。寶山到也。須開眼。勿使忙忙空手回。上堂。春光爛熳。華爭發。子規啼。落西山。月。僑梵波提。長吐舌。底事分明。向誰說。上堂。迷不自迷。對悟立迷。悟不自悟。因迷說悟。所以悟爲迷之體。迷爲悟之用。迷悟兩無。從箇中無別共。無別共。撥不動。祖師不將來。鼻孔千斤重。

長沙府龍牙智才禪師。舒州施氏子。服勤佛鑑局務。不辭難。晚至黃龍。適死心在三門。問所從來。稱名知爲太平才。莊主翌日入室。死心問。會得最初句。便會末後句。會得末後句。便會最初句。最初末後。拈放一邊。百丈野狐話。作麼生。會師曰。入戶已知來。見解何須更舉。轅中泥心曰。新長老。死在上座手裡也。師曰。語言雖有異。至理且無差。心曰。如何是無差底。事師曰。不扣黃龍角。焉知領下珠。心便打。初住嶽麓上堂。僧問。德山棒。臨濟喝。今日請師爲拈。撥師曰。蘇嚕蘇嚕。曰。蘇嚕蘇嚕。還有兩來意也。無師曰。蘇嚕蘇嚕。

叢林因呼爲才蘇。後遷龍牙。欽宗登位。衆官請上堂祝香罷。就座拈拄杖卓一下。曰。朝奉疏中道本來奧境。諸佛妙場。適來拄杖子已爲諸人說了也。於斯悟去。理無不顯。事無不周。如或未然。不免別通消息。舜曰。重明四海。清滿天和。氣樂昇平。延祥拄杖生歡喜。擲地山呼萬歲聲。擲拄杖下座。上堂永嘉道。彈指圓成八萬門。刹那滅却三祇劫。若也見得行得。健卽經行。困卽歇。其或未然。兩箇鸚鵡扛箇鼈。上堂畢。死心道。若論此事。如人家有三子。第一子聰明智慧。孝養父母。接待往來。主掌家業。第二子兇頑狡猾。貪淫嗜酒。倒街臥巷。破壞家業。第三子盲聾瘡癰。菽麥不分。是事不能。祇會喫飯。三人中。黃龍要選一人用。更有四句。死中有活。活中有死。死中常死。活中常活。將此四句。驗天下衲僧。師曰。喚甚麼作四句。三人姓甚名誰。若也識得。與黃龍把手並行。更無纖毫間隔。如或未然。不免借水獻華去也。三人共體用。非用。四句同音。空不空。欲識三人。并四句。金烏初出一團紅。師居龍牙十三載。以清苦蒞衆。衲子敬畏。太

師席公震遷住雲溪。經四稔。紹興戊午八月。望俄集衆付寺事。仍書偈曰。戊午中秋之日。出家住持事畢。臨行自己。尙無有甚。虛空可覓。其垂訓如常。二十三日。再集衆垂問曰。涅槃生死。盡是空華。佛及衆生。並爲增語。汝等諸人。合作麼生。衆皆下語。不契。師喝曰。苦苦復曰。白雲湧地。明月當天。言訖奄然而逝。火浴獲舍利五色。併靈骨塔於寺之西北隅。寧波府蓬萊卿禪師。上堂有句無句。如藤倚樹。且任諸方點頭。及乎樹倒藤枯。上無衝天之計。下無入地之謀。靈利漢者。裡著得一隻眼。便見七縱八橫。舉拂子曰。看看一曲兩曲。無人會。雨過夜塘秋水深。上堂舉法眼道。識得堯子。周匝有餘雲。門道識得堯子。天地懸殊。師曰。此二老人。一人向高山頂立。一人向深深海底行。然雖如是。一不是。二不成。落花流水。啼鶯閒亭雨。歇夜將半。片月還從海底生。上堂杜鵑聲裡。春光暮。滿地落花。留不住。琉璃殿上。絕行蹤。誰人解插無根樹。舉拄杖曰。者箇是無根底。且道還解開華也。無良久曰。祇因連夜雨。又過一年春。

湖州府安吉州何山佛燈守珣禪師郡之施氏子。參廣鑑瑛不契。遂造太平久無所入。乃封其衾曰此生若不徹去。誓不開展。於是晝坐宵立。如喪考妣。逾七七日。聞佛鑑上堂曰。森羅及萬象。一法之所印。師忽頓悟。往見鑑。鑑曰。可惜一顆明珠。被者風顛漢拾得。乃詰之曰。靈雲道自從一見桃華。後直至如今。更不疑。如何是他不疑。處師曰。莫道靈雲只今覓箇疑處。了不可得。鑑曰。玄沙道諦當甚諦當。敢保老兄未徹。在那裡是他未徹。處師曰。深知和尚老婆心切。鑑然之。師拜起呈偈曰。終日看天不舉頭。桃花爛熳始抬眸。饒君更有遮天網。透得牢關即便休。遂入衆。厲聲曰。者回。珣上座穩睡去也。圓悟聞疑其未然。令人召至。拉與遊山。偶到一水潭。悟推師入水。遽問曰。牛頭未見四祖時。如何。師曰。潭深魚聚。曰。見後如何。師曰。樹高招風。曰。見與未見時。如何。師曰。伸脚在縮脚裡。悟大稱乙鑑移蔣山。命分座說法。出住吉州禾山。退藏故里。道俗迎居。天聖後徙何山。及天寧。上堂。轆轤鑽住山。斧佛祖出頭。未輕與縱。使醍醐滿世間。你

無寶器如何取。阿呵呵。神山打鑼道。吾作舞甜瓜。徹帶甜苦瓠連根苦。上堂。如來禪。祖師道。切忌將心外邊討。從門所得。非家珍。特地埋藏衣裡寶。禪家流須及早撥動。祖師關。板抖擻多年布襖。是非毀譽付之空。豎瀾橫長渾。恰好君不見。寒山老。終日嬉嬉長年把掃人。問其中事。若何。入荒田不揀。信手拈來草。參。僧問。如何是賓中賓。師曰。客路如天遠。侯門似海深。曰。如何是賓中主。師曰。長因送客處。憶得別家時。曰。如何是主中賓。師曰。相逢不必問前程。曰。如何是主中主。師曰。一朝權。祖令誰是出頭人。曰。賓主已蒙師指示。向上宗乘事若何。師曰。大海若知足。百川應倒流。嘗謂衆曰。兄弟如有省悟處。不拘時節。請來露箇消息。雪夜有僧扣方丈門。師起秉燭震威。喝曰。雪深夜半。求決疑情。因甚麼威儀不具。僧顧眎衣。械師遂堅逐出院。紹興甲寅。解制退天寧之席。謂鄭續曰。十月八日是佛鑑忌辰。吾時至矣。乞還鄣南。十月四日。鄭遣弟僧道如訊之。師曰。汝來正其時也。先一日不著。便後一日蹉過了。吾雖與佛鑑同條生。

終不同條死。明早可爲我尋一隻小船子來。高五尺足矣。越三日。鷄鳴端坐如平時。侍者請偈。師曰。不曾作得。言訖而逝。闍維。舌根不壞。郡人陳師顏以寶函藏其家。門弟子奉靈骨塔於普應院之側。

南昌府勸潭澤明禪師。舉趙州訪茱萸。採水因緣。頌曰。趙老雲收山嶽。露茱萸雨過竹風清。誰家別館池塘裡。一對鴛鴦畫不成。舉德山托鉢話。頌曰。從來家富小兒嬌。偏向江頭弄畫橈。引得老爺把不住。又來船上助歌謠。上堂。永嘉道。一月普現一切水。一切水月一月攝。豎起拂子曰。看看千江競注。萬派爭流。若也素善行。舟便諳水脉。可以優游性海。笑傲煙波。其或未然。且歸林下坐。更待月明時。

台州府寶藏本禪師。上堂。清明已過十餘日。花雨闌珊。方寸深春色。惱人眠不得。黃鸝飛過綠楊陰。遂大笑下座。

吉安府祥符大中清海禪師。初見佛鑑。鑑問三世諸佛。一口吞盡。何處更有衆生。可教化。此理如何。師擬進語。鑑喝之。師忽領旨。述偈曰。實際從來不受塵。箇

中無舊亦無新。青山況是吾家物。不用尋家別問津。鑑曰。放下著。師禮拜而出。

漳州府淨衆佛眞了燦禪師。泉南羅氏子。初住淨衆。遷太平興國。上堂。重陽九日。菊花新一句。明明該古今。楊廣雲馳無覓處。夜來足跡在松陰。

南昌府谷山海禪師。上堂。一舉不再說。已落二三相見。不揚眉。翻成造作。設使動絃別曲。告往知來。見鞭影。便行望刹竿。回去脚跟下。好與三十棒。那堪更向者裡。撮摩石火。收捉雷光。工夫枉用。渾閒事。笑倒西來碧眼胡。卓拄杖下座。

龍門遠禪師法嗣

溫州府龍翔竹菴士珪禪師。成都史氏子。初依大慈雅醉心。楞嚴逾五秋。南游挂盞龍門。以所得白佛眼。眼曰。汝解心已極。但欠開眼耳。遂俾職堂司。一日侍立。次問。絕對待時如何。眼曰。如汝僧堂中白椎相似。師罔措。至晚。眼抵堂司寮師。理前話。眼曰。閒言語。師於言下大悟。政和末。出世和之。天寧屢遷。名刹紹興間。奉詔開山。鴈蕩能仁。時眞歇居江心。聞師至。恐緣

未熟特過江迎歸。方丈大展九拜以誘溫人。溫人由是翕然歸敬。未視篆舊住僧懼行規法。深夜放火。鞠爲瓦礫之墟。師毫不介意。乃就樹縛屋。陞座示衆曰。愛閒不打鼓。山鼓投老來看鴈蕩山。傑閣危樓。渾不見谿邊茆屋。兩三間。還有共相出手者麼。喝一喝下座。聽法檀施併力營建。未幾復成寶坊。次補江心上堂。萬年一念。一念萬年。和衣泥裡輓洗脚上牀眠。歷劫來事祇在如今。大海波濤湧小人。方寸深拈起拄杖曰。汝等諸人未得箇入頭。須得箇入頭。既得箇入頭。須有出身一路。始得大衆。且作麼生是出身一路。良久曰。雪壓難摧。澗底松風吹不動。天邊月卓拄杖下座。上堂。萬機不到眼。見色耳聞聲。一句當空頭戴天。脚踏地。你諸人祇知今日是五月初一。殊不知金烏半夜忙忙去。玉兔天明上海東。以拂子擊禪牀下座。上堂。明明無悟有法。卽迷諸人向者裡立不得。諸人向者裡住不得。若立則危。若住則瞎。直須意不停立。句不停意。用不停機。此三者既明。一切處不須管帶。自然現前。不須照顧。自然明白。雖然如是。

更須知有向上事。久雨不晴。咄。上堂。一葉落天下秋。欲窮千里目。更上一層樓。一塵起大地收。嘉州打大像。陝府灌鐵牛。明眼漢合作麼生。良久曰。久旱簷頭句。橋流水不流。卓拄杖下座。上堂。見見之時。見非是。見見猶離見。見不能及落華。有意隨流水。流水無心戀落華。諸可還者。自然非汝。不汝還者。非汝而誰。長恨春歸無覓處。不知轉入此中來。喝一喝曰。三十年後莫道能仁教壞人家男女。上堂。僧問。如何是祖師西來意。師曰。東家點燈。西家暗坐。曰。未審意旨如何。師曰。馬便搭鞍。驢便推磨。僧禮拜。師曰。靈利衲僧。祇消一箇。遂曰。馬搭鞍。驢推磨。靈利衲僧。祇消一箇。縱使東家明點燈。未必西家暗中坐。西家意旨問如何。多口阿師自招禍。僧問。如何是第一義。師曰。你問底是第二義。問。狗子還有佛性也無。趙州道無意旨如何。師曰。一度著蛇咬。怕見斷井索。問。鷺子深談實相。善說法要。此理如何。師曰。不及鴈銜蘆。問。如何是佛。師曰。華陽洞口石鳥龜。問。有句無句。如藤倚樹時如何。師曰。作賊人心虛。曰。國師三

喚侍者又作麼生師曰打鼓弄胡獼鼓破胡獼走問魯祖面壁意旨如何師曰金木水火土羅睺計都星高宗紹興丙寅七月十八日召法屬長老宗範付後事次日沐浴聲鐘集衆就座泊然而逝茶毗日送者均獲設利奉靈骨塔於鼓山

南康府雲居高菴善悟禪師洋州李氏子年十一去家業經得度有夙慧聞僧冲舉武帝問達磨因緣如獲舊物遽曰我既廓然何聖之有冲異其語勉之南詢獲記荊于龍門一日有僧被蛇傷足佛眼問曰既是龍門爲甚麼却被蛇咬師應聲曰果然現大人相眼益器之有傳此語到昭覺覺曰龍門有此僧耶東山法道未至寂寥住後上堂少林面壁懷藏東土西天歐阜陸堂充塞四維上下致使山巍巍而砥掌平水昏昏而常自清華非艷而結空果風不搖而片葉零人無法而得咨問佛無心而更可成野蔌澹飯延時日任運隨緣道自靈畢竟如何日午打三更遂寧府西禪文璉禪師郡之張氏子上堂一向恁麼去直得凡聖路絕水泄不通鐵蛇鑽不入鐵鎚打不

破至於千里萬里鳥飛不度一向恁麼來未免灰頭上面帶水拖泥唱九作十指鹿爲馬非唯孤負先聖亦乃埋沒己靈敢問大衆且道恁麼去底是恁麼來底是芍藥華開菩薩面樓欄棄散夜叉頭上堂諸方浩浩談玄每日撞鐘打鼓西禪無法可說勘破燈籠露柱門前不置下馬臺免被旁人來借路若借路須照顧脚下若參差耶鄂學唐步上堂心生種種法生森羅萬象縱橫信手拈來使用日輪午後三更心滅種種法滅四句百非路絕直饒達磨出頭也是眼中著屑心生心滅是誰木人携手同歸歸到故鄉田地猶遭頂上一鎚上堂正月孟春猶寒直下言端語端拈起衲僧鼻孔穿過祖佛心肝知有者達磨不來東土二祖不往西天不知有者誰知當面蹉過迢迢十萬八千山僧爲你重說偈言大衆莫教孤負孟春猶寒僧問師子未出窟時如何師曰爪牙已露日出窟後如何師曰龍頭蛇尾日出與未出時如何師曰正好喫棒問以一重去一重卽不問不以一重去一重時如何師曰闍黎有許多工夫

南昌府黃龍牧菴法忠禪師。四明姚氏子。十九試經。得度。悟一心三觀旨。以未能泯跡。偏參名宿。至龍門觀水磨。旋轉發明。心要述偈曰。轉大法輪。目前包裹。更問如何。水推石磨。呈佛眼。眼曰。其中事。作麼生。師曰。澗下水長流。眼曰。我有末後一句。待分付汝。師即掩耳而去。後至廬山。於同安枯樹中。絕食清坐。宣和間。湘潭大旱。禱而不應。師躍入龍淵。呼曰。業畜。當雨一尺。雨隨至。居南嶽。每跨虎出游。儒釋望塵而拜。住後。上堂。張公喫酒。李公醉。子細思量。不思議。李公醉醒。問張公。恰使張公無好氣。無好氣。不如歸家。且打睡。上堂。今朝正月半。有事爲君斷。切忌兩眼睛。被他燈火換。上堂。我有一句子。不借諸聖口。不動自己舌。非聲氣呼吸。非情識分別。假使淨名杜口於毗耶。釋迦掩室於摩竭。大似掩耳偷鈴。未免天機漏泄。直饒德山入門。便棒。臨濟入門。便喝。若向牧菴門下。祇得一橛千種言。萬般說。祇要教君自家歇。一任大地虛空。七凹八凸。僧問。如何是佛。師曰。莫向外邊覓。曰。如何是心。師曰。莫向外邊尋。曰。如何是道。師

曰。莫向外邊討。曰。如何是禪。師曰。莫向外邊傳。曰。畢竟如何。師曰。靜處薩婆訶。問。大衆臨筵。請師舉唱。師豎起拂子。僧曰。乞師再垂方便。師擊禪牀下座。後示寂。塔于香原洞。

續燈正統卷之三

續燈正統卷四

南海普陀嗣祖沙門西蜀 性統 編集

臨濟宗

大鑑下第十六世

龍門遠禪師法嗣

衢州府烏巨雪堂道行禪師。處州葉氏子。依泗州普照英得度。參佛眼。聞舉玄沙築著脚指話。遂大悟。出世住南明。遷薦福。末領烏巨。上堂。會即便會。玉本無瑕。若言不會。確業生華。試問九年面壁。何如鷲嶺拈華。南明恁麼。商確也是順風撒沙參。上堂。雲籠嶽頂。百鳥無聲。月隱寒潭。龍珠自耀。正當恁麼時。直得

石梁忽然大悟。石洞頓爾心休。虛空開口作證。溪北石僧點頭。諸人總在者裡瞋睡。笑殺陝府鐵牛。上堂佛說三乘十二分。頓漸偏圓。痴人面前不得說夢。祖師西來直指人心。見性成佛。痴人面前不得說夢。臨濟三玄洞山五位。雲門三句。痴人面前不得說夢。南明怎麼道。還免得遭人檢責麼。良久曰。石人機似汝也。解唱巴歌。汝若似石人。雪曲也應和。還有和得雪曲底麼。若有喚來與老僧洗脚。上堂通身是口。說得一半通身是眼。用得一概用不到處。說有餘說不到處。用無盡。所以道當用無說。當說無用。用說同時。用說不同時。諸人若也擬議。西峰在你脚底。上堂句亦刻意。亦剗絕。絕毫絕釐處。如山如獄。句亦到意。亦到如山如獄處。絕毫絕釐。忽若拶通一線。意句俱到。俱不到。俱剗。俱不剗。直得三句外。絕牢籠。六句外。無標的正當。怎麼時一句作麼生。道傾蓋同途。不同轍。相將携手上高臺。上堂趙州道。老僧除却二時齋粥。是雜用心。處烏巨。今朝六月旦。行者擊鼓長老陞堂。你諸人總來者裡雜用心。上堂舉僧問雲門。

如何是驚人句。門曰。響師曰。雲門答者。僧話不得。便休。爲甚麼却來鼓粥飯氣。以當平生。上堂黃梅雨。麥秋寒。怎麼會太無端。時節因緣。佛性義大。都須是觸體乾。示衆舉。□□。問僧禪以何爲。義衆下語。皆不契。瓊自代云。以謗爲義。師曰。三世諸佛。是謗西天二十八祖。是謗唐土六祖。是謗天下老和尚。是謗諸人。是謗山僧。是謗於中。還有不謗者麼。談玄說妙。河沙數爭。似雙峰謗得親。示疾次門弟子教授汪喬年。至師以後。事委之。示以偈曰。識則識。自本心見。則見。自本性識。得本心。本性正是宗門。大病復曰。爛泥中有刺。莫道不疑。好黎明沐浴。更服跏趺而逝。闍維煙所至處。纍然皆五色舍利。齒舌不壞。塔於寺西。撫州府白楊法順禪師。綿州文氏子。依止佛眼。聞眼普說。舉傳大士心王銘云。水中鹽味。色裡膠青。決定是有。不見其形。師於言下有省。後觀寶藏迅轉。頓明大法。趨丈室作禮。呈偈曰。頂有異峰雲冉冉。源無別派水冷冷。游山未到山窮處。終被青山礙眼睛。眼笑而可之。住後上堂。好事堆堆疊疊來。不須造作與。

安排落林黃葉水推去橫谷白雲風卷回寒雁一聲
情念斷霜鐘纔動我山摧白楊更有過人處盡夜寒
爐撥死灰忽有箇衲僧出來道長老少賣弄得怎麼
窮乞相山僧祇向他道却被你道著上堂我手何
似佛手天上南星北斗我脚何似驢脚往事都來忘
却人人盡有生緣箇箇足方頂圓大愚灘頭立處孤
月影射深灣會不得見還難一曲漁歌過遠灘示
衆染緣易就道業難成不了目前萬緣差別祇見境
風浩浩凋殘功德之林心火炎炎燒盡菩提之種道
念若同情念成佛多時爲衆如爲己身彼此事辦不
見他非我是自然上敬下恭佛法時時現前煩惱塵
塵解脫上堂鷄啼曉月狗吠枯椿只可默會難入
思量看不見處動地放光說不到處天地玄黃撫城
尺六狀紙元來出在清江大衆分明話出人難見昨
夜三更月到牕上堂風吹茆茨屋脊漏雨打闌黎
眼睛溼恁麼分明却不知却來者裡低頭立因病
示衆久病未嘗推木枕人來多是問如何山僧據問
隨緣對窓外黃鸝口更多只如七尺之軀甚處受病

衆中具眼者試爲山僧指出看衆下語皆不契師自
拊掌一下作嘔吐聲又曰好箇木枕头師律身清
告出入唯杖笠獨行示寂闍維收舍利目睛齒舌數
珠同靈骨塔于寺西

南康府雲居法如禪師丹丘胡氏子依護國瑞祝髮
登具徧參諸老晚至龍門以平日所證白佛眼眼曰
此皆學解非究竟事欲了生死當求妙悟師駭然一
日命主香積以道業未辦固辭眼勉曰姑就職其中
大有人爲汝說法未幾晨興開廚門望見聖僧忽契
證趨白佛眼眼曰者裡還見聖僧麼師詣前問訊又
手立眼曰向汝道大有人爲汝說法住後上堂一
法若有毗盧墮在凡夫萬法若無普賢失其境界向
者裡有無俱遣得失兩亡直得十方世界三世諸佛
總不可得見前諸人且道十二時中向甚麼處安身
立命披蓑側立千峰外引水澆蔬五老前上堂乾
坤之內宇宙之間中有一寶秘在形山雲居又且不
然乾坤之內宇宙之間中有一寶擲下拄杖曰大衆
也須識取

南康府歸宗真牧正賢禪師。潼川陳氏子。世爲名儒。幼從三聖澄爲苾芻。具戒游成都。依大慈秀習經論。過目成誦。義亦頓曉。秀稱爲經藏子。出蜀扣佛眼。一日入室。眼舉殷勤。抱得旃檀樹語聲。未絕師頓悟。眼曰。經藏子漏逗了也。因手書真牧二字授之。紹興己巳。出住歸宗。上堂。且第一句如何。道汝等若向世界未成時。父母未生時。佛未出世時。祖師未西來時。道得已。是第二句。且第一句如何。道直饒你十成道。得未免左之右之。卓拄杖下座。上堂。良久召大衆曰。者裡作麼生。若也擬議。賢上座。謾你諸人去也。打地和尙。瞋他秘魔巖主。擎箇叉兒。胡說亂道。遂將一摺成壘。紛散在十方世界。還知麼。舉拂子曰。而今却在拂子頭上說一切智智。清淨無二。無二分。無別無斷。故還問麼。闍老子知得。乃曰。賢上座。你若相當去。不妨奇特。或不相當。總在我手裡。却向他道。闍老子。你也退步。摸索鼻孔。看擊禪牀下座。僧問。久默斯要已。泄真機。學人上來。請師開示。師曰。耳朵在甚麼處。曰。一句分明。該萬象。師曰。分明底事。作麼生。曰。台

星照臨。枯木回春。師曰。換却你眼睛。湖州府吉安州道場正堂明辯禪師。本郡俞氏子。幼事報本蘊圓。顙受具。後謁諸方。至少林。聞僧舉佛眼。以古詩發明。師子尊者。被難話曰。楊子江頭楊柳春。楊華愁殺渡江人。一聲箏笛離亭晚。君向瀟湘我向秦。師默有所契。卽趨龍門。求入室。佛眼問。從上祖師方冊。因緣許你。會得。忽舉拳曰。者箇因何。喚作拳師。擬對眼。築其口曰。不得作道理。於是頓去知見。住後上堂。猛虎口邊。拾得毒蛇頭。上安排。更不釘樁搖。鱗回頭。別有生涯。婆子被我勘破了。大悲院裡有村齋。上堂。淨五眼。湧金春色。晚得五力。吹落桃華碧。唯證乃知難可測。卓拄杖曰。一片何人得。流經十萬家。上堂。三祖道。但莫憎愛。洞然明白。當時老僧若見。便與一摺。且道是憎邪。是愛邪。近來經界。稍嚴。不許詭名挾佃。解制上堂。十五日。已前不得去。少林隻履無藏處。十五日。已後不得住。桂子天香和雨露。正當十五日。又且如何。阿呵呵。風流不在著衣多。上堂。舉僧問。投子大死底人。却活時如何。子曰。不許

夜行投明須到師曰我疑千年蒼玉精化為一片秋水骨海神欲護護不得一旦鰲頭忽擎出上堂華開隴上柳綻堤邊黃鶯調叔夜之琴芳草入謝公之句何必聞聲悟道見色明心非唯水上覓漚已是眼中著屑壁開胸曰汝等當觀吾紫磨金色之身今日則有明日則無大似無風起浪全不知羞且道今日事作麼生好箇迷逢達磨不知誰解承當僧問如何是佛師乃鳴指三下問語默涉離微如何通不犯師曰橫身三界外獨脫萬機前曰祇如風穴道長憶江南三月裡鷓鴣啼處百華香又作麼生師曰說者箇不唧啾漢作麼曰嫩竹搖金風細細百華鋪地日遲遲師曰你向甚麼處見風穴曰眼裡耳裡絕瀟灑師曰料掉無交涉問如何是佛師曰無柴猛燒火曰如何是法師曰貧做富裝裹曰如何是僧師曰賣扇老婆手遮日曰如何是和尙栗棘蓬師曰不答此話曰爲甚麼不答師大笑曰吞不進吐不出問蓮華未出水時如何師曰未過冬至莫道寒曰出水後如何師曰未過夏至莫道熱曰出與未出時如何

師曰三十年後不要錯舉問如何是一喝如金剛王寶劍師曰古墓毒蛇頭戴角曰如何是一喝如踞地師曰子師曰虚空笑點頭曰如何是一喝如探竿影草師曰石人拍手笑呵呵曰如何是一喝不作一喝用師曰布袋裡糞頭曰四喝已蒙師指示向上還有事也無師曰有曰如何是向上事師曰鋸解秤鎚隨聲便喝佛眼忌拈香龍門和尚闌提潦倒不信佛法滅除禪道拶破毗盧向上關貓兒洗面自道好一炷沈香爐上然換手搥胸空懊惱遂搖手曰休懊惱以坐具搭肩上作女人拜曰莫怪下房媳婦觸忤大人好室中垂問曰貓兒爲甚麼愛捉老鼠又曰板鳴因甚麼狗吠師家風嚴冷初機多憚之有達磨贊曰昇元閣前懣懣洛陽峰畔乖張皮髓傳成話欄隻履無處埋藏不是一番寒徹骨爭得梅華撲鼻香雪堂行見曰先師猶有此人在只消此贊可以坐斷天下人舌頭由是衲子奔湊臨終登座拈拄杖於左邊卓一下曰三十二相無此相於左邊卓一下曰八十種好無此好僧繇一筆畫成誌公露出草稿又

卓一下顧大眾曰。莫懊惱。直下承當。休更討下座歸。方丈跌坐。儼然而逝。火後收靈骨。設利藏所建之塔。曰僊人山。

長沙府方廣深禪師。僧問一法。若有毗盧墮在凡夫。萬法若無普賢失其境界。未審意旨如何。師曰。富嫌千口少。貧恨一身多。

世寄首座者。成都人。遍依師席。晚造龍門。一日燕坐。瞌睡間。群蛙忽鳴。誤聽爲淨髮版響。亟趨往有曉之者曰。蛙鳴非版也。師恍然。詣方丈。剖露佛眼曰。豈不見羅睺羅師遽止曰。和尚不必舉待去。自看未幾。有省。乃占偈曰。夢中聞版響。覺後蝦蟇啼。蝦蟇與版響。山嶽一時齊。由是益臻玄奧。眼命分座。師固辭曰。此非細事也。如金針刺眼。毫髮若差。睛則破矣。願生生居學地。而自煅煉眼。因以偈美之曰。有道只因頻退步。謙和元自慣回光。不知已在青雲上。猶更將身入衆藏。暮年學者力請不容辭。後因說偈曰。諸法空故我心空。我心空故諸法同。諸法我心無別體。祇在而今一念中。且道是那一念。衆罔措。師喝一喝而終。

溫州府淨居尼慧溫禪師。上堂舉法眼示衆曰。三通鼓罷。簇簇上來。佛法人事一時周畢。師曰。山僧道三通鼓罷。簇簇上來。拄杖不在。苕帚柄聊與三十。

給事馮楫濟川居士。自壯扣諸名宿。最後造龍門。從佛眼再歲。一日同眼經行法堂。偶童子趨庭吟曰。萬象之中獨露身。眼拊公背曰。好。齎公於是契入。紹興丁巳。除給事。會大慧就明慶開堂。慧下座。公挽之曰。和尚嘗言不作者蟲豸。今日因甚麼又在者裡。慧曰。盡大地是箇果上座。又作麼生。公擬對。慧便掌。公曰。是我招得。越月特丐祠坐夏。徑山榜其室曰。不動軒。一日慧陞座。拈藥山參石頭及馬祖公案。罷公隨至。方丈曰。適來和尚所舉底。因緣某有個會處。慧曰。你如何會。公曰。恁麼也不得。嚙。嚙。娑婆訶。不恁麼也不得。嚙。娑婆訶。恁麼不恁麼總不得。嚙。嚙。娑婆訶。娑婆訶。慧印以偈曰。梵語唐言打成一塊。咄哉俗人得此三昧。後知邛州所至。宴晦無倦。嘗自詠曰。公事之餘喜坐禪。少曾將脇到牀眠。雖然現出宰官相。長老之名四海傳。紹興廿二年癸酉。秋乞休政。預報親。

知期以十月三日報終至日。令後廳置高座。見客如平時。至辰巳間。隆塔望關肅拜。請漕使攝印事。著僧衣履踞高座。囑諸官吏及道俗各宜向道扶持教門。建立法幢。遂拈拄杖按膝。蛻然而化。漕使請曰。安撫去住如此。自由何不留一頌以表罕聞。公張目索筆書曰。初三十一中九下七。老人言盡龜哥眼赤。竟爾長往。先是建炎後。名山巨剎教藏多不存。公累以已俸印施。凡一百二十八藏。用祝君壽。以康兆民。門人蒲大聘嘗誌其事。有語錄頌古行世。

開福寧禪師法嗣

長沙府大瀉月菴善果禪師信州余氏子。上堂奚仲造車一百幅。拈却兩頭除却軸。以拄杖打一圓相曰。且莫錯認定盤星。卓一卓下座。謝供頭上堂解猛虎。領下金鈴驚群動衆。取蒼龍穴裡明珠。光天照地。山僧今日到此。讚歎不及汝等諸人。合作麼。生豎起拂子曰。眨上眉毛。速須薦取。擲拂子下座。上堂心生法亦生。心滅法亦滅。心法兩俱忘。烏龜喚作鼈。諸禪德。道得也未。若道得。道林與你拄杖子。其或未然。

歸堂喫茶去。僧問。達磨九年面壁。意旨如何。師曰。魚行水濁。曰。二祖禮三拜。爲甚麼却得其髓。師曰。地肥茄子大。曰。祇如一華開五葉。結果自然成。明甚麼邊事。師曰。賊以賊爲驗。曰。有時乘好月。不覺過滄洲。師曰。闍黎無分。問。有句無句。如藤倚樹時如何。師曰。驗盡當行家。曰。樹倒藤枯句。歸何處。又作麼生。師曰。風吹日炙。曰。懶安呵呵。大笑。響師曰。波斯讀梵字。曰。今日足見老師。七通八達。師曰。仰面哭蒼天。僧禮拜。師曰。過問蓮花未出水。時如何。師曰。乾坤無異色。曰。出水後如何。師曰。徧界有清香。

大隨靜禪師法嗣

重慶府釣魚山護國寺石頭自回禪師東川合州人。世爲石工。雖不識字。志慕空宗。每從人口授法華。能誦之。棄家投大隨。供掃灑。取崖石。手不釋鎚鑿。而誦經不輟。隨見而愍之。令看趙州勘婆。因緣久之。因鑿石稍堅。盡力一鎚。瞥見火光電迸。忽然省徹。走至方丈禮拜。呈頌曰。用盡工夫。渾無巴鼻。火光迸散。元在者裡。復獻趙州勘婆頌曰。三軍不動。旗閃爍。老婆正。

是魔王脚。趙州無柄鐵掃帚。掃蕩煙塵。空索索。隨忻然可之。曰。子徹也。遂授以僧服。人以其嘗爲石工。故稱回石頭。有頌曰。石頭和尚咬嚼不入。打破虚空。露些子跡。旣而歸釣魚山。建護國禪林。化道彌著。上堂。參禪學道。大似井底叫渴。殊不知塞耳塞眼。回避不及。且如十二時中行住坐臥。動轉施爲。是甚麼人。使作眼見耳聞。何處不是路頭。若識得路頭。便是大解脫場。方知老漢共山河大地。與你證明。所以道十方薄伽梵。一路涅槃門。諸仁者。大凡有一物當途。要見一物之根源。見得根源。源無所源。所源旣非何處。不圓諸禪德。老漢亦無甚麼勝你處。諸人又有甚麼不如老漢處。還會麼。太湖三萬六千頃。月在波心說向誰下座。嘗自斲石二十四片爲龕。一日別衆。自入掩門而逝。

潼川州護聖愚丘居靜禪師。成都楊氏子。年十四。禮白馬安慧爲師。參南堂。堂舉香巖枯木裡龍吟話。往返酬詰。師於言下大悟。一日堂問曰。莫守寒巖異草。青坐却白雲。宗不妙。汝作麼。生師曰。直須揮劍。若不

揮劍。漁父棲巢堂。矍然曰。者小斯兒。師珍重。便行。出住東巖上堂。月生一東巖。乍住增愁。宋紅塵世路。有多端。米麵倉儲無顆粒。崖爲伴。泉爲匹。颯颯清風來滿室。山神土地暗中忙。雲版鐘魚偷淚滴。人世莫道守空巖。亦有東籬打西壁。嘗謂衆曰。參學至要。不出先南堂道最初句及末後句。透得過者。一生事畢。儻或未然。更與你分作十門。各各印證。自心還得穩當也。未一須信有教外別傳。二須知有教外別傳。三須會無情說法。與有情說法。無二。四須見性如觀掌中物。了了分明。一一田地穩密。五須具擇法眼。六須行鳥道。立路七須文武兼濟。八須摧邪顯正。九須大機大用。十須向異類中行。凡欲紹隆法種。須盡此綱要。方坐得者。曲肱子。受得天下人禮拜。敢與佛祖爲師。若不到恁麼田地。祇一向虔頭。他時異日。問老子。未放你在間有學者。各門頌出呈。師師以頌示曰。十門綱要。掌中施機會。來時自有爲。作者不須排位次。大都首末是根基。成都府簡州南巖勝禪師。上堂。召衆曰。護生須是殺。

殺盡始安居。會得箇中意。分明在半途。且道到家一句。又作麼生。釋迦彌勒沒量大。看來猶祇是他奴。僧問。放行五位。卽不問。把定三關事。若何。師曰。橫按鎮鐙。全正。令曰。把定三關。蒙指示。放行五位事。如何。師曰。大平寰宇。斬痴頑。曰。恁麼則。南巖門下。土曠人稀。師曰。靈利。衲僧祇消一點。問。自古自今。同生同死。時如何。師曰。家賊難防。曰。今日學人。小出大遇去也。師便打曰。須是老僧打你。始得。僧禮拜。師曰。切忌。詐明頭。

常德府梁山廓菴師遠禪師。合州魯氏子。上堂。舉楊岐三脚驢子話。乃召衆曰。揚其湯者。莫若撲其火。壅其流者。莫若杜其源。智人明鑒佛法。至論無出斯也。者因緣。如今叢林中。提唱者甚多。商量者不少。有般底。祇道宗師家無固必。凡有所問。隨口便答。似則也。似是卽未是。若恁麼祇作箇乾無事。會不見楊岐用處。乃至祖師千差萬別。方便門庭。如何消遣。又有般底。祇向佛邊會。却與自己沒交涉。古人道。凡有言句。須是一一消歸自己。又作麼生。又有般底。一向祇作。

自己會。棄却古人用處。唯知道明自己事。古人方便。却如何消遣。旣消遣不下。却似抱橋柱澡洗。要且放手不得。此亦是一病。又有般底。却去驢脚多少處。會若恁麼。會病最難醫也。所以他語有巧妙處。參學人卒難摸索。纔擬心。則差了也。前輩謂之楊岐宗旨。須是他屋裡人。到恁麼田地。方堪傳授。若不然者。總是守死善道。直須是箇透頂徹底漢。方能了得。自餘禪和子。莫道會不得。卽天下出世爲人。稱宗師底。亦少有會得者。若要會去。須向威音那畔。空劫已前。輕輕一觀。提起。便行。捺著。便轉。却向萬仞峰前。進一步。可以籠罩古今。坐斷天下人舌頭。如今還有恁麼者麼。有則出來。道道看。如無更聽一頌。三脚驢子弄蹄行。直透威音萬丈坑。雲在嶺頭閒不徹。水流澗下太忙生。上堂。天得一以清。地得一以寧。君王得一以治。天下者箇說話。是家常茶飯。須知衲僧家別有奇特處。始得。且道。衲僧門下有甚奇特處。天得一斗牛女。虎危室壁地得一萬象森羅。皮瓦礫。君王得一上下四維無等匹。且道。衲僧得一時如何。笑看客從何處。

來開持經卷倚松立。浴佛上堂舉藥山浴佛公案。拈云者僧問處依稀越國髣髴揚州藥山答來眼似流星機如掣電點檢將來二俱不了若是山僧即不然當時纔見問只浴得者箇且不浴得那箇但轉木杓柄與伊待他擬議之間攔面便潑藥山縱有大神通大智慧也無施展處敢問大衆者箇即且置喚甚麼作那箇下座佛殿燒香爲你說破師有十牛圖并頌行于世

嘉定州能仁默堂紹悟禪師結夏上堂最初一步十方世界現全身末後一言一微塵中深鎖斷有時提起如倚天長劍光耀乾坤有時放下似紅爐點雪虛含萬象得到恁麼田地天魔外道拱手歸降三世諸佛一時稽首便可以大圓覺爲我伽藍於一毫端現寶王刹朝往西天暮歸東土亦是禁足百花叢裡坐姪坊酒肆行亦是禁足雖然不僧勸著者裡一步所以道九旬無虛棄之功百劫有今時之用堪報不報之恩以助無爲之化敢問大衆作麼生得到者田地去良久拍案曰如人上山各自努力上堂舉趙州

訪二菴主公案頌曰一重山盡一重山坐斷孤峰子細看霧卷雲收山嶽靜楚天空濶一輪寒成都府彭縣土溪智陀子言菴主綿州人初至大隨聞舉石頭示衆偈倏然有得歸隱土溪懸崖絕壑間有石若蹲異獸師鑿以爲室中發異泉無涸溢四衆訝之居三十年化風盛播室成曰作偈曰一擊石菴全縱橫得自然清涼無暑氣涓潔有甘泉寬廓含沙界寂寥絕衆緣箇中無限量風月一牀眠

保寧府劍門南修道者淳厚之士也自大隨一語契投服勤不忘歸謁崇化贊坐次贊以宗門三印問之南曰印空印泥印水平地寒澍競起假饒去就十分也是靈龜曳尾

莫將尙書字少虛家世豫章分寧因官西蜀謁南堂咨決心要堂使其向好處提撕適如廁俄聞穢氣急以手掩鼻遂有省以偈呈曰從來姿韻愛風流幾笑時人向外求萬別千差無覓處得來元在鼻尖頭堂答曰一法纔通法法周縱橫妙用更何求青蛇出匣魔軍伏碧眼胡僧笑點頭

龍圖王蕭居士字觀復。留昭覺。日閒靜。版聲有省。問南堂曰。某有箇見處。纔被人問。却開口不得。未審。過在甚處。堂曰。過在有箇見處。堂却問。朝旆幾時到。任公曰。去年八月四日。堂曰。自按察幾時離衙。公曰。前月二十日。堂曰。爲甚麼却道開口不得。公乃契悟。

五祖自禪師法嗣

黃州府蘄州龍華高禪師上堂。象王行師子住。赤脚。崑崙眉卓。豎寒山拾得笑呵呵。指點門前老松樹。且道。他指點箇甚麼。忽然風吹倒。時好一堆柴。

續燈正統卷之四

續燈正統卷五

南海普陀嗣祖沙門西蜀 性統 編集

臨濟宗

大鑑下第十六世

長蘆卓禪師法嗣

寧波府育王無示介謚禪師溫州張氏子謝知事上

堂尺頭有寸鑑者。猶稀秤尾無星。且莫錯認。若欲定。古今輕重。較佛祖短長。但請於中著一隻眼。果能一尺還他十寸。八兩元是半斤。自然內外和平。家國無事。山僧今日已是兩手分付。汝等諸人還肯信受奉行也。無良久曰。尺量刀剪。遍世間。誌公不是閒和尚。下座。上堂。文殊智普賢行多年。曆日德山棒。臨濟喝。亂世英雄。汝等諸人穿僧堂入佛殿。還知嶮過鐵圍關麼。忽然踏著釋迦頂額。磕著聖僧額頭。不免一場禍事。上堂。我若說有。你爲有礙。我若說無。你爲無礙。我若橫說。你又跨不過。我若豎說。你又跳不出。若欲叢林平帖。大家無事。不如推倒育王。且道育王如何推得倒去。召大眾曰。著力著力。復曰。苦哉苦哉。育王被人推倒了。也還有路見不平。拔劍相爲底麼。若無山僧不免自倒。自起。擊拂子下座。師性剛毅。泣衆有古法。時以謚鐵面稱之。

湖州府道場慧琳普明禪師福州人。上堂。有漏筌籬。無漏木杓。庭白牡丹。檻紅芍藥。因思九年面壁。人到頭不識者。一著且作麼生。是者一著以拄杖擊禪牀。

下座。上堂一卽多多卽一。毗盧頂上明如日也。無一也。無多現成公案。絕諸訛。拈起舊來。鼈拍版時。清共唱太平歌。

湖州府道場無傳居慧禪師本郡吳氏子上堂。鍾馗醉裡唱涼州。小妹門前祇點頭。巡海夜叉相見了。大家拍手上高樓。大衆若會得去。鎖却天下人舌頭。若會不得。切不得。謂老僧別有奇特。上堂百尺竿頭。弄影戲不唯瞞你。又瞞天。自笑平生岐路上。投老歸來沒一錢。上堂舉臨濟示衆曰。一人在高高峰頂。無出身之路。一人在十字街頭。亦無向背。且道那箇在前。那箇在後。師曰。更有一人不在高高峰頂。亦不在十字街頭。臨濟老漢因甚。不知便下座。

杭州府顯寧松堂圓智禪師上堂。蘆花白。蓼花紅。溪邊修竹碧。煙籠閒雲抱幽石。玉露滴巖叢。昨夜烏龜變作鼈。今朝水牯悟圓通。咄。

湖州府安吉州烏回唯菴良範禪師上堂。塵劫已前。事堂堂無背面。動靜莫能該。舒卷快如電。莫道凡不知。佛也戲不見。決定在何處。合取皮兩片。薦不薦。更

爲諸人通一線。良久曰。天下太平。皇風永扇。上堂舉僧問趙州。至道無難。唯嫌揀擇。是時人窺窺。否州曰。曾有人問老僧。直得五年分疎。不下師召。衆曰。趙州具頂門眼。向擊石火裡。分縑素。閃電光中。明縱奪。爲甚麼。却五年分疎。不下。還委悉麼。易分雪裡。粉難辨。墨中煤。

溫州府本寂靈光文觀禪師本郡葉氏子上堂。過去諸如來。斯門已成就。好事不如無。現在諸菩薩。今各人圓明。好事不如無。未來修學人。當依如是住。好事不如無。還知麼。除却華山陳處士。何人不帶是非行。參。

上封才禪師法嗣

福州府普賢元素禪師建寧人。上堂。兵隨印轉。三千里外。絕煙塵。將逐符行。二六時中。淨裸裸。不用鐵旗鐵鼓。自然草偃。風行何須。七縱七擒。直得無思不服。所謂大丈夫秉慧劍。般若鋒。金剛焰。非但能摧外道。心早曾落却天魔膽。正恁麼時。且道主將是甚麼人。喝一喝。上堂。南泉道我十八上。便解作活計。囊

無繫蟻之絲。厨乏聚蠅之糝。趙州道我十八上。便解破家散宅。南頭買賤。北頭賣貴。點檢將來。俱好與三十棒。且放過一著。何故。曾爲蕩子。偏憐客。自愛貪杯惜醉人。上堂。未開口時。先分付。擬思量處。隔千山。莫言佛法無多子。未透玄關也。大難祇如玄關作麼生透。喝一喝下座。

福州府鼓山山堂僧洵禪師本郡阮氏子。上堂。黃檗手中六十棒。不會佛法的。的大意。却較些子。大愚拈下築三拳。便道。黃檗佛法無多子。鈍置殺人。須知有一人大棒。薦頭打他。不回頭。老拳劈面。槌他。亦不顧。且道是誰。上堂。朔風掃地。卷黃葉。門外千峰凜寒色。夜半烏龜帶雪飛。石女谿邊皺兩眉。卓拄杖曰。大家。在者。裡。且道。天寒。人寒。喝一喝。曰。歸堂去。

福州府鼓山別峰祖珍禪師與化林氏子母陳氏夢曾遺以明珠。因詢何來。僧曰。余黃涅槃也。覺而有姪。生有奇相。通身毛長二寸。常謁鼓山鑒淳。尋參佛心。於東山及心移鼓山。師典第一座。心去。師爲繼席。又遷泉之法石。僧問趙州。遷禪牀一匝。轉藏已竟。此理

如何。師曰。畫龍看頭。畫蛇看尾。曰。婆子道。比來請轉全藏。爲甚麼祇轉得半藏。此意又且如何。師曰。人無遠慮。必有近憂。曰。未審甚麼處是轉半藏處。師曰。不是知音者。徒勞話歲寒。上堂。尋牛須訪跡。學道實無心。跡在牛還在。無心道易尋。豎起拂子曰。者箇是跡。牛在甚麼處。直饒見得頭角分明。鼻孔也在法石手裡。上堂。向上一路。千聖不傳。卓拄杖曰。恁麼會得。十萬八千畢。竟如何。桃紅李白。薔薇紫問。著春風總不知。示衆。大道祇在目前。要且目前難覩。欲識大道真體。不離聲色。言語卓拄杖曰。者箇是聲。豎起拄杖曰。者箇是色。喚甚麼作大道真體。直饒向者裡見得。也是鄭州出曹門。示衆。若論此事。如人喫飯飽。則便休。若不飽。必有思食之心。若過飽。又有傷心之患。到者裡作麼。生得恰好。去良久。曰。且歸巖下宿。同看月明時。師嘗造七佛塔於法石。工畢。遂去。隱夾嶺之白水巖。將寂說偈曰。生本無生。死本無死。生死二途。無彼無此。茶毗舍利。不可以數計。塋法石焉。

黃龍逢禪師法嗣

饒州府薦福常菴擇崇禪師寧國上人上堂舉僧問古德生死到來如何免得德曰柴鳴竹爆驚人耳曰不會德曰家犬聲獐夜不休師曰諸人要會麼柴鳴竹爆驚人耳大洋海底紅塵起家犬聲獐夜不休陸地行船三萬里堅牢地神笑呵呵須彌山王眼覷鼻把手東行却向西南山聲應北山裡千手大悲開眼看無量慈悲是誰底良久曰頭長脚短少喜多瞋上堂問侍者曰還記得昨日因緣麼曰記不得復顧大眾曰還記得麼衆無對却豎起拂子問還記得麼良久曰也妄却了也三處不成一亦非有諸人不會方言露柱且莫開口以拂子擊禪牀下座

上封秀禪師法嗣

文定公胡安國字康侯自號草菴居士久依上封得言外旨崇寧中過藥山有禪人舉南泉斬貓話問公公以偈答曰手握乾坤殺活機縱橫施設在臨時玉堂兔馬非龍象大用堂堂又豈知寄上封偈曰祝融峰似杜城天萬古江山在目前須信死心元不死夜來秋月又同圓

萬年一禪師法嗣

嘉興府報恩法常首座開封人丞相薛居正之裔徽宗政和丁酉依長沙益陽華嚴元軾下髮徧依叢林于楞嚴深入義海自湖湘至萬年謁雪巢機契命掌牋翰後首衆報恩室中唯一矮榻餘無長物宣和庚子九月中語寺僧曰一月後不復留此十月二十一日往方丈謁別將曉書漁父詞於室門就榻收足而逝詞曰此事楞嚴嘗露布梅華雪月交光處一笑寥寥空萬古風颯語迥然銀漢橫天宇蝶夢南華方栩栩斑斑誰跨豐干虎而今忘却來時路江山暮天涯目送鴻飛去

黃龍震禪師法嗣

常德府德山無諍慧初禪師常州靖江人上堂顧視大眾曰見麼在天成象在地成形在日月爲晦爲朔在四時爲寒爲暑鼓之以雷霆潤之以風雨且道在衲僧分上又作麼生一趨趨翻四大海一拳拳倒須彌山佛祖位中留不住又吹漁笛汨羅灣上堂九月二十五聚頭相共舉瞎却正法眼拈却雲門普德

山不會說禪。贏得卹歌社舞。呵呵。邏囉哩。遂作舞下座。

嶽山祖禪師法嗣

南康府廬山延慶叔禪師。僧問。多子塔前。共談何事。師曰。一回相見。一回老。能得幾時爲弟兄。僧禮拜。師曰。唐興今日失利。

雲巖游禪師法嗣

杭州府徑山塗毒智策禪師。天台陳氏子。年十六落髮。十九造國清謁寂室。光灑然。有省。次謁大圓於明州。萬壽圓問甚處來。師曰。天台來。曰。見智者大師麼。師曰。卽今亦不少。曰。因甚在汝脚。跟下。師曰。當面蹉過。圓曰。上人可謂不耘而秀。不扶而直。往豫章謁典牛道。由雲居風雪塞路。坐閱四十二日。午初版聲鏗然。豁爾大悟。及造門典牛。獨指師曰。甚處見神見鬼來。師曰。雲居聞版聲來。牛曰。是甚麼。師曰。打破虚空。全無柄。靶牛曰。向上事。未。在。師曰。東家暗坐。西家厮罵。牛曰。嶄然超出佛祖。他日起家。一麟足矣。辭去菴淮西烏崖。大圓移大滙。請師居第一座。一日有相者。

謂師無後。大圓不懌曰。吾期子濟濟多衆。如雪峰爲山。不謂子僅如是。奈何。師曰。參學唯恐無本。苟有本。對泥像說法。亦高出諸方。圓乃歎曰。子器識過人。立酒大羹。非常流所能知味也。東歸分座。國清出世。住黃巖普澤。次應台之太平。吉之祥符。越之等慈。及大能仁。後自護國赴徑山。上堂。瞿曇道。若以色見我。以音聲求我。我是人行邪道。不能見如來。雖然。恁麼正是。捕得老鼠。打破油甕。天衣道。你眼在甚麼處。雖則識破。釋迦老子爭奈拈。鼈舐指。若是塗毒。卽不然。色見聲求。總不妨。百華影裡。繡鴛鴦。自從拾得金針後。一任風吹滿路香。將示寂。陞座。別衆。囑門人以文祭之。師危坐。傾聽。至尙饗爲之一笑。越兩日沐浴更衣。集衆說偈曰。四大旣分。飛煙雲。任意歸秋。天霜夜月。萬里轉光輝。俄頃泊然而逝。壽七十六。夏六十塔全身於東岡之麓。

信相顯禪師法嗣

成都府金繩文禪師。僧問。如何是大道之源。師曰。黃河九曲。曰。如何是不犯之令。師曰。鐵蛇鑽不入。僧擬

議師便打

圓通旻禪師法嗣

九江府廬山圓通密印守慧禪師興化陳氏子。初住圓通次遷潭州大瀉上堂。但知今日復明日。不覺前秋與後秋。平步坦然歸故里。却乘好月過滄洲。咦。不是苦心人。不知政和中。三入內庭說法。徽宗喜甚。賜沖真密印通慧六字號。

南昌府黃龍道觀禪師上堂。古人道。眼色耳聲萬法成辦。你諸人爲甚麼。從朝至暮。諸法不相到。遂喝一喝。曰。牽牛入你鼻孔。禍不入慎家之門。

左丞范冲居士字致虛。由翰林院守豫章。過謁圓通茶罷。曰。某行將老矣。墮在金紫行中去。此事稍遠。通呼內翰公。應喏。通曰。何遠之有。公躍然曰。乞師再垂指。謨通曰。此去洪都有四程。公佇思。通曰。見即便見。擬思。卽差。公乃豁然有省。

樞密吳居厚居士擁節歸鍾陵。謁圓通曰。某頃赴省試。過此過趙州關。因問前住。訥老透關底事如何。訥曰。且去做官。今不覺五十餘年。通曰。曾明得透關底。

事麼。公曰。八次經過。常存此念。然未甚脫灑。在通度屬與之曰。請使屬公。卽揮扇。通曰。有甚不脫灑處。公忽有省。曰。更請末後句。通乃揮扇。兩下。公曰。親切親切。通曰。吉獠舌頭三千里。

諫議彭汝霖居士手寫觀音經。施圓通通拈起曰。者箇是觀音經。那箇是諫議的。公曰。此是某親寫。通曰。寫底是字。那箇是經。公笑曰。却了不得也。通曰。卽現宰官身。而爲說法。公曰。人人有分。通曰。莫謗經好。公曰。如何。卽是通舉經示之。公拈掌大笑曰。噯。通曰。又道了不得。公禮拜。

中丞廬航居士與圓通擁爐。次公問諸家因緣。不勞拈出。直截一句。請師指示。通厲聲揖曰。看火公急撥衣。忽大悟。對曰。灼然佛法無多子。通喝曰。放下著。公應喏喏。

左司都貺居士問圓通。是法非思量分別之所能解。當如何。湊泊。通曰。全身入火聚。公曰。畢竟如何。曉會。通曰。驀直去。公沈吟。通曰。可更喫茶麼。公曰。不必。通曰。何不恁麼會。公契旨曰。元來太近。通曰。十萬八千。

公占偈曰。不可思議是大火聚。便恁麼去。不離當處。通曰。咦。猶有者箇在。公曰。乞師再垂指示。通曰。便恁麼去。鎗是鐵鑄。公頓首謝之。

天童交禪師法嗣

寧波府蓬萊圓禪師住山三十年。足不越閭道俗尊仰之。師有偈曰。新縫紙被烘來暖。一覺安眠到五更。聞得上方鐘鼓動。又添一日在浮生。

勝因靜禪師法嗣

淮安府萬壽夢菴普信禪師上堂。殘雪既消盡。春風日漸多。若將時節會佛法。又如何。且道時節因緣。與佛法道理。是同是別。良久曰。無影樹栽人不見。開華結果自馨香。

蘇州府慧日默菴與道禪師上堂。形雲欲雪未雪。暖日似暉不暉。寒雀啾啾。鬧籬落朔風。冽冽舞簾帷。要會韶陽親切句。今朝覲面爲提撕。卓拄杖下座。廣德州光孝果慇禪師常德桃源人上堂。舉南泉斬貓話。乃曰。南泉提起下刀誅。五臂修羅救得無。設使兩堂俱道得也。應流血滿街衢。

雪峰需禪師法嗣

福州府雪峰毬堂慧忠禪師上堂。終日忙忙。那事無妨。作麼生是那事。良久曰。心不負人。面無慚色。

明招慧禪師法嗣

揚州府石塔宣秘禮禪師僧問。山河大地與自己是同是別。師曰。長亭涼。夜月多。爲客鋪舒。曰。謝師答話。師曰。網大難爲鳥綸。稠始得魚。僧作舞歸衆。師曰。長江爲硯。墨頻寫斷交書。上堂。舉百丈野狐話。乃頌曰。不是翻濤手。徒誇跨海鯨。由基方撚鏃。枝上衆猿驚。上堂。至座前。師擲一僧上法座。僧惺惺欲走。師遂指座曰。者棚子。若牽一頭驢上去。他亦須就上。廁在汝諸人。因甚麼却不肯以拄杖。一時趕散。願侍者曰。嶮。

祥符立禪師法嗣

長沙府報慈淳禪師上堂。青眸一瞬。金色知歸。授手而來。如王寶劒。而今開張門戶。各說異端。可謂古路坦而荆棘生。法眼正而還自翳。孤負先聖埋沒已靈。且道不埋沒不孤負。正法眼藏如何吐露。還有吐露。

得底麼出來吐露看如無擔取詩書歸舊憶野花啼鳥一般春

浮山眞禪師法嗣

眉州峨嵋靈巖徽禪師僧問文殊是七佛之師未審誰是文殊之師師曰金沙灘頭馬郎婦

淨因成禪師法嗣

台州府瑞巖佛燈如勝禪師上堂人人忽略釋迦箇箇平欺達磨及乎問著宗綱束手盡云放過放過卽不無祇如女子出定趙州洗盂孟又作麼生話會鶴有九臯難翥翼馬無千里謾追風

廬州府無爲州治父實際道川禪師崑山狄氏子初爲縣之弓級聞東齋謙首座爲道俗演法往從之習坐不倦一日因不職遭笞忽於杖下大悟遂辭職依謙謙名以道川且曰汝舊呼狄三今名道川川卽三耳汝能豎起脊梁了辦箇事其道如川若放倒則依舊狄三也師銘於心建炎初圓頂游方至天封與語鋒投封稱善歸憩東齋道俗愈敬有以金剛般若經請問者師爲頌之今盛行於世隆興改元殿撰鄭喬

年漕淮西適治父虎席迎師開法上堂羣陰剝盡一陽生草木園林盡發萌唯有衲僧無底盃依前盛飯又盛羹上堂舉雪峰一日登座拈拄杖東覲曰東邊底又西覲曰西邊底諸人還知麼擲下拄杖曰向者裡會取師曰東邊覲了復西覲拄杖重重話歲寒帶雨一枝華落盡不煩公子倚欄干

大鑑下第十七世

育王禪師法嗣

福州府清涼坦禪師有僧舉大慧竹篋話請益師示以偈曰徑山有箇竹篋直下別無道理佛殿廚庫三門穿過衲僧眼耳其僧言下有省

杭州府淨慈水菴師一禪師婺州馬氏子十六披削首參雪峰照照舉藏身無迹話問之師有省呈偈曰藏身無迹更無藏脫體無依便斯當古鏡不勞還自照淡煙和露溼秋光照復質曰畢竟那裡是藏身無迹處師曰噯照曰無蹤迹處因甚麼莫藏身師曰石虎吞却木羊兒照深肯之乾道辛卯自寶林遷淨慈住後上堂舉圓悟師翁道參禪參到無參處參到

無參始徹頭水菴則不然參禪參到無參處參到無參未徹頭若也欲窮千里日直須更上一層樓上堂凍雲欲雪未雪普賢象駕崢嶸嶺梅半合半開少室風光漏泄便怎麼去猶是半提作麼生是全提底事無智人前莫說打你頭破額裂上堂舉法眼示衆曰盡十方世界明皎皎地若有一絲頭即是一絲頭師豎起拂子曰還見麼穿過觸體猶未覺法燈曰盡十方世界自然明皎皎地若有一絲頭不是一絲頭師曰夜來月色十分好今日秋山無限情上堂寂然不動感而遂通古人怎麼說話大似頂撞待痒若教渠踏著袈裟關樞管取別有生涯喝一喝卓拄杖下座淳熙戊戌退淨慈有偈曰六年灑掃皇都寺瓦礫翻成釋梵宮今日功成歸去也杖頭八面起清風已亥浴佛日入內觀堂投老嘉禾報恩爲終焉計未幾示疾作書別郡官端坐而逝茶毗得五色舍利齒拳不壞其辭世偈曰平生要用便用死蛇偏解活弄一拳粉碎虛空佛祖難窺罅縫

湖州府安吉州道場無菴法全禪師姑蘇陳氏子投

東齋川落髮久依佛智每入室智問狗子無佛性話師罔對一日聞僧舉五祖頌曰趙州露刃劍忽大悟有偈曰鼓吹轟轟祖半肩龍樓香噴益州船有時赤脚弄明月踏破五湖波底天住後上堂欲得現前莫存順逆卓拄杖曰三祖大師變作馬面夜叉向東弗于逮西瞿耶尼南瞻部洲北鬱單越却來山僧手裡首身元來只是一條黑漆拄杖還見麼直饒見得入地獄如箭射卓拄杖下座上堂拈拄杖曰汝等諸人箇箇頂天立地肩橫柳栗到處行脚勘驗諸方更來者裡覓箇甚麼纔輕輕拶著便言天台普請南嶽游山我且問你還曾收得大食國裡寶刀麼卓拄杖曰切忌口銜羊角僧問牛頭未見四祖時如何師曰天下無貧人曰見後如何師曰四海無富漢宋孝宗乾道己丑七月二十五日將入寂衆求偈師瞪目下視衆請益堅遂書無無二字棄筆而逝火後設利五色塔于金斗峰

福州府鼓山寒巖道升禪師延安吳氏子十九披削參佛智有悟侍智移靈隱居元座還里結菴曰寒巖

閩帥問諸山佛智之嗣傑出爲誰。僉以師對。遂出住支提次。遷承天黃龍。潞潭後主鼓山。上堂。喝一喝。曰。盡十方世界。會十世古今。都盧在裡。許箇箇塞塞了也。若乃放開一針鋒許。則大海西流。巨嶽倒卓。龜鼉魚龍。蝦蟹蚯蚓。盡向平地上湧出。波瀾游泳。鼓舞然雖如是。更須向百尺竿頭。自進一步。則步步踏轉。無盡藏輪。方知道鼻孔搭在上脣眉毛不在眼下。還相委悉麼。復喝一喝。曰。切忌轉喉觸諱。結夏後一日。忽問侍者。今日何日。曰。十六日。又問。是何日辰。曰。辛卯。卽入室。坐脫。壽六十九。塔香爐峰下。

大瀉泰禪師法嗣

長沙府慧通清旦禪師。蓬州嚴氏子。初出關至德山。值泰上堂。曰。趙州道臺山婆子。已爲汝勘破了也。且道意在甚麼。處良久。曰。就地擲將黃葉去。入山推出白雲來。師聞釋然。翌日入室。山問。前百丈不落因果。因甚麼墮野狐。後百丈不昧因果。因甚麼脫野狐。師曰。好與一坑埋却。住後上堂。說佛說祖。正如好肉剝瘡。舉古舉今。何異殘羹餽飯。一聞便悟。已落第二。

頭一舉。便行早是不著。便須知箇事。如天普蓋。似地普擎。師子游行。不求伴侶。壯士展臂。不借他力。佛祖拈掇不起。衲僧願見無門。迷悟雙忘。聖凡路絕。且道從上諸聖。以何法示人。喝一喝。曰。莫妄想。佛性忌日上堂。三脚驢子弄蹄行。步步相隨不相到。樹頭驚起雙雙魚。拈來一老一不老。爲憐松竹引清風。其奈出門便是草。因喚檀郎識得渠。大機大用都推倒。燒香勸證見根源。糞埽堆頭拾得寶。叢林浩浩謾商量。勤君莫謗先師好。

岳州府澧州靈巖仲安禪師。壯游講肆。後謁圓悟於蔣山。時佛性爲座元。師扣之。有所得。遽性住德山。遣師至鍾阜。通嗣書圓悟。問千里馳來。不辱宗風。公案現成。如何通信。師曰。覲面相呈。更無回互。曰。此是德山底。那箇是上座底。師曰。豈有第二人。曰。背後底。師投書。悟笑曰。作家禪客。天然有在。師曰。付與蔣山。次至僧堂。前師捧書問訊。首座座曰。玄沙白紙。此自何來。師曰。久默斯要不務速說。今日拜呈。幸希一覽。座便喝。師曰。作家首座。座又喝。師以書便打座。擬議。

師曰未明三八九不免自沉吟師以書復打一下曰接時圓悟與佛眼見悟曰打我首座死了也佛眼曰官馬厮踢有甚憑據師曰說甚官馬厮踢正是龍象蹴踏悟喚師至曰我五百人首座你爲甚麼打他曰和尚也須喫一頓始得悟顧佛眼吐舌眼曰未在和顧師問空手把鋤頭步行騎水牛人從橋上過橋流水不流意作麼生師鞠躬曰所供並是詣實眼笑曰元來是屋裡人又往見五祖自通法眷書祖曰書裡說箇甚麼師曰文彩已彰曰畢竟說箇甚麼師曰當陽揮寶劍曰近前來者裡不識幾箇字師曰莫詐欺祖顧侍者曰是那裡僧曰此上座向曾在和尚會下去祖曰怪不得怎麼滑頭師曰被和尚鈍置來祖乃將書於香爐上熏曰南無三曼多沒陀南師近前彈指而已祖便開書回德山曰佛果佛眼皆有偈送之未幾靈巖虛席衲子投牌乞師住持遂嗣大焉焉上堂參禪不究淵源觸途盡爲留礙所以守其靜默澄寂虛閒墮在毒海以弱勝強自是非他立人我量見處偏枯遂致優劣不分照不構用用不離窠此乃學

處不立盡爲流俗到者裡須知有殺中透脫活處藏機佛不可知祖莫能測所以古人道有時先照後用且要共你商量有時先用後照你須是箇漢始得有時照用同時你又作麼生抵當有時照用不同時你又向甚麼處湊泊還知麼穿楊箭與驚人句不是臨時學得來

成都府正法源禪師上堂舉永嘉到曹溪因緣乃曰要識永嘉麼掀翻海嶽求知己要識祖師麼撥動乾坤建太平二老不知何處去卓拄杖曰宗風千古播嘉聲

成都府昭覺禪師上堂毫釐有差天地懸隔隔江人唱鷓鴣詞錯認胡笳十八拍要麼麼欲得現前莫存順逆五湖煙浪有誰爭自是不歸歸便得

護國元禪師法嗣

台州府天台國清簡堂行機禪師本郡楊氏子年二十五棄家學出世法晚見此菴密有契證畢丁甌山者十七年每以未穩爲懷一日偶看新樹倒地忽大悟平昔囊裏之物泮然氷釋初出世住江州圓通

登座說法曰。圓通不開生藥鋪單單。只賣死貓頭。不知那箇無思算。喫著通身冷汗流。上堂單明自己。樂是苦。因趣向宗乘地獄劫。住五日一參。三八普說。自揚家醜。更若問理問事。問心問性。克由叵耐。若是英靈漢。窺藩不入。據鼎不嘗。便於未有生佛已前。轉得身却於今時。大官路上。捷行濶步。終不向老鼠窟草窠裡。頭出頭沒。若也根性陋劣。要去有滋味處。咬嚼遇著義學阿師。遞相錮鎔。直饒說得雲興雨現。也是蝦蟆化龍。下稍依舊喫泥喫土。堪作甚麼。上堂。無隔宿恩。可參臨濟禪。有肯諾意。難續楊岐派。窮廚煎餓廝炒。大海祇將折筯攪你死。我活猛火然鐺羹沸。喋恁麼作用。方可撐門拄戶。更說聲和響。順形直影。端驢年也未夢見。上堂。仲秋八月旦。庭戶入新涼。不露風骨句。愁人知夜長。僧問。三聖問雪峰。透網金鱗未審。以何爲食。峰云。待汝出網來。卽向汝道。意旨如何。師曰。同途不同轍。曰。三聖道。一千五百人善知識。話頭也不識。峰云。老僧住持事繁。又作麼生。師曰。前箭猶輕。後箭深。曰。祇如雪竇道。可惜放過好。

與三十棒者。棒一棒也。較不得直。是罕遇作家意。又作麼生。師曰。陣敗說兵書曰。者棒是三聖合喫。雪峰合喫。師以拂子擊禪牀曰。者裡薦取。示衆。禪僧拄杖子不用則已。用則如鳩鳥落水魚鼈皆死。正按旁提風颯颯地。獨步大方。殺活在我。所以道。千人排門。不如一人拔關。若一人拔關。千人萬人得到安樂田地。還知麼。鴛鴦繡出。從君看。不把金針度與人。示衆。觀色卽空。成大智。故不住生死。觀空卽色。成大悲。故不證涅槃。生死不住。涅槃不證。漢地不收。秦地不管。且道在甚麼處。安身立命。莫是昭昭於心目之間。而相不可觀。晃晃於色塵之內。而理不可分。麼莫是起坐鎮相隨。語默同居止。麼若恁麼。總是髑髏前敲。磕須知過量。人自有過量用。且作麼生。是過量用。北斗藏身。雖有語出。羣消息。少人知。退國清居。景星岳與吳芾友。淳熙戊戌。又自景星赴隱靜。鎮江府焦山。或菴師體禪師。台州羅氏子。初參此菴。舉十方同聚會。箇箇學無爲。此是選佛場。菴遽震威。一喝。師大悟。有以天封勉師出世者。師搖手曰。我不

解懸羊賣狗也。卽遞去乾道初。瞎堂住國清於江心。稠人中得請師爲第一座。後出住平江覺報。淳熙移焦山上堂。舉臨濟示衆四喝公案。乃召衆曰。者箇公案。天下老宿拈掇甚多。第恐皆未盡善。焦山不免四稜著地。與諸人分明注解。一遍如何。是踞地師子。咄。如何。是金剛王寶劍。咄。如何。是探竿影草。咄。如何。是一喝不作一喝用。咄。若也未會。拄杖子與焦山吐露看。卓一下。曰。笑裡有刀。又卓一下。曰。毒蛇無眼。又卓一下。曰。忍俊不禁。又卓一下。曰。出門是路。更有一機。學話長老也。理會不得。上堂。熱月須搖扇。寒來旋著衣。若言空過日。大似不知時。上堂。年年浴佛在今朝。目擊迦維路不遙。果是當時曾示現。宜乎惡水薰頭澆。上堂。道生一無角。鐵牛眠少室。一生二祖。父開田說大義。二生三梁間。紫燕語呢喃。三生萬物。男兒活計離窠窟。多處添少處減。大蟲怕喫生人膽。有若無實若虛爭。掩關龍明月珠是。則是祇如焦山。坐斷諸方舌頭。一句作麼生道。肚無偏僻。病不怕冷。油盡拍禪牀下座。僧問。如何是卽心卽佛。師曰。鼎

州出獐爭神。曰。如何是非心。非佛。師曰。閩蜀同風。曰。如何是不是。心不是。佛不是。物。師曰。窮坑難滿。問。起滅不停時。如何。師曰。謝供養。問。我有沒絃琴。久居在曠。埜。不是不會彈。未遇知音者。知音既遇。未審如何品弄。師曰。鐘作鐘。鳴。鼓作鼓。響。曰。雲門放洞山三頓棒意旨。如何。師曰。和身倒。和身攪。曰。他道飯袋子。江西湖南便恁麼去。又作麼生。師曰。淚出痛腸。曰。眞金須是紅爐煅。白玉還他妙手磨。師曰。添一點也難爲。室中嘗舉苕帚柄。問學者曰。依苕帚柄。髣髴赤斑蛇。衆皆下語。不契。有僧請益。師示以頌曰。依苕帚柄。髣髴赤斑蛇。棒下無生忍。臨機不識爺。已亥八月朔。示微疾。染翰別郡守。夜半書偈辭衆曰。鐵樹開華。雄雞生卵。七十二年搖籃繩。斷擲筆示宋常州府華藏湛堂智深禪師。武林人佛涅槃。日上堂。兜率降生。雙林示滅。掘地討天。虛空釘橛。四十九年播土揚塵。三百餘會。納盡敗缺。盡力布網。張羅未免。喚龜作鼈。末後拘尸城畔。擲下雙趺。冷眼看來。大似弄巧成拙。卓拄杖曰。若無者箇道理。千古之下。誰把

口說且道是甚麼道理。癡人面前切忌漏洩。

杭州府上竺證悟圓智禪師。台州林氏子。依白蓮僊問具變之道。蓮指行燈曰。如此燈者。離性絕非。本自空。未理則具矣。六凡四聖所見不同。變則在焉。師不契後。因掃地誦法華經。至知法常無性。佛種從緣起。始諭旨告蓮。蓮然之。師領徒以來。常患本宗學者。罔名相膠筆錄。至以天台之傳爲文字學。南宗鄙之。乃謁此菴。夜語次。師舉東坡宿東林偈。且曰。也不易到此田地。菴曰。尙未見路徑。何言到耶。師曰。祇如他道溪聲便是。廣長舌。山色豈非清淨身。若不到此田地。如何有者箇消息。菴曰。是門外漢耳。師曰。和尙不吝。可爲說破。菴曰。却祇從者裡。猛著精彩。覷捕看。若覷捕得他破。則亦知本命元辰落著處。師通夕不寐。及曉鐘鳴。去其祕畜。以前偈別曰。東坡居士太饒舌。聲色關中欲透身。溪若是聲。山是色。無山無水好愁人。持以告此菴。菴曰。向汝道是門外漢。師禮謝。有化馬祖殿瓦者。求語發揚。師書曰。寄語江西老古錘。從教日炙與風吹。兒孫不是無料理。要見水消瓦解時。

此菴見之笑曰。須是者闍黎始得。

參政錢端禮居士。字處和。號松隱。從此菴發明已事。凡宗門旨趣。一一極之。淳熙丙申冬。簡堂歸住平田。遂與往來。丁酉秋。徵恙。修書召堂及國清瑞巖主僧。有訣別之語。堂與二禪詣榻。次公起。趺坐言笑移時。卽書曰。浮世虛幻。本無去來。四大五蘊。必歸終盡。雖佛祖具大威德力。亦不能免者。一著天下老和尙。一切善知識。還有跳得過者。無蓋爲地水火風因緣。和合暫時湊泊。不可錯認爲已有。大丈夫磊磊落落。當用處。把定立處。皆眞。願風使帆。上下水皆可因。齋慶贊去。留自在。此是上來諸聖。開大解脫一路。涅槃門本來清淨。空寂境界。無爲之大道也。今吾如是。豈不快哉。慶勞外緣。一時掃盡。荷諸山垂顧。咸願證明。伏惟珍重。置筆。願簡堂曰。某坐去好。臥去好。堂曰。相公去便了。理會甚麼。坐臥公笑曰。法兄當爲祖道自愛。遂斂目而逝。

續燈正統卷之五

續燈正統卷六

南海普陀嗣祖沙門西蜀 性統 編集

臨濟宗

大鑑下第十七世

華藏民禪師法嗣

杭州府徑山別峰寶印禪師嘉州李氏子世居娥媚之麓幼通六經厭俗從德山清素得度具戒聽華嚴起信既盡其說棄依密印於中峰一日印舉僧問嚴頭起滅不停時如何嚴喝曰是誰起滅師即豁然大悟會圓悟歸昭覺印遣師往省因隨衆入室悟問從上諸聖以何接人師豎拳悟曰此是老僧用底作麼生是從上諸聖用底師以拳揮之悟亦舉拳相交大笑而止後至徑山謁大慧慧問甚麼來師曰西川慧曰未出劍門關與汝三十棒了也師曰不合起動和尚慧忻然掃室延之慧南遷師乃西還連主數刹後再出峽住保寧金山雪竇徑山開堂陞座曰世尊初成正覺於鹿野苑中轉四諦法輪憐陳如比丘最初悟道眞淨曰今日新豐洞裡祇轉箇拄杖子遂

拈拄杖著左邊曰還有最初悟道者麼若無丈夫自有衝天志莫向如來行處行遂喝一喝下座若是印上座則不然今日向鳳凰山裡初無工夫轉四諦法輪亦無氣力轉拄杖子祇教諸人行須緩步語要低聲何故欲得不招無間業莫謗如來正法輪上堂三世諸佛以一句演百千萬億句收百千萬億句祇在一句祖師門下半句也無祇恁麼合喫多少痛棒諸仁者且諸佛是祖師是若道佛是祖不是祖是佛不是取捨未忘若道佛祖一時是佛祖一時不是顯預不少且截斷葛藤一句作麼生道大蟲裹紙帽好笑又驚人復舉僧問岳頭浩浩塵中如何辨主頭曰銅砂羅裡滿盛油師曰大小岳頭打失鼻孔忽有人問保寧浩浩塵中如何辨主祇對他道天寒不及卸帽上堂六月初一燒空赤日十字街頭雪深一尺掃除不暇回避不及凍得東村廖鬚子半夜穿靴水上立上堂將心除妄難除即妄明心道轉迂極底趨穿無忌諱等閒一步一笑藥師至徑山孝宗召對選德殿稱旨入對日賜肩輿於東華門內乾道

壬辰二月上註圓覺經遣使馳賜命作序師年邁益厭住持淳熙丁酉冬奏乞菴居紹熙庚戌十一月往見受承策言別策問行日師曰水到渠成歸索紙書十二月初七夜雞鳴時九字如期而化奉蛻質返寺之法堂留七日顏色明潤髮長頂溫越七日葬于菴之西岡諡慈辯禪師塔曰智光壽八十二臘六十四

昭覺元禪師法嗣

南康府鳳棲慧觀禪師上堂前村落葉盡深院桂華殘此夜初冬節從茲特地寒所以道欲識佛性義當觀時節因緣時節若至其理自彰喝一喝曰恁麼說話成人者少敗人者多

靈隱遠禪師法嗣

寧波府東山全菴齊已禪師卽州謝氏子上堂舉修山主偈曰是柱不見柱非柱不見柱是非已去了是非裡薦取召大眾曰薦得是移華兼蝶至薦得非擔泉帶月歸是也好鄭州梨勝青州棗非也好象山路入蓬萊島是亦沒交涉踏著秤錘硬似鐵非亦沒交涉金剛寶劍當頭截阿呵呵會也麼知事少時煩惱

少識人多處是非多蓮社會上堂漸漸雞皮鶴髮

父少兒子老看看行步踉蹌疑殺木上座直饒金玉

滿堂照顧白拈賊豈免衰殘老病正好著精彩任汝

千般快樂渠儂合自由無常終是到來歸堂喫茶去

唯有徑路修行依舊打之遠但念阿彌陀佛念得不

濟事復曰噫者條活路已被善導和尚直截指出了

也是你諸人朝夕在徑路中往來因甚麼當面蹉過

你若向者裡薦得不致蹉過便可除迷倒障拔猶豫

箭截疑心網斷癡愛河伐心稠林浣心垢濁正心詣

曲絕心生死然後轉入那邊擡起脚向佛祖踐履不

到處進一步開却口向佛祖言詮不到處說一句喚

回善導和尚別求徑路修行其或準前捨父逃走流

落他鄉撞東磕西苦哉佛陀耶

撫州府疎山歸雲如本禪師台城人上堂久雨不晴

戊在丙丁通身泥水露出眼睛且道是甚麼眼睛卓

拄杖曰林間泥滑滑時叫兩三聲

覺阿上人日本國勝氏子十四得度受具習大小乘

有聲二十九屬商者自中都回言禪宗之盛阿奮然

拉法弟金慶航海而來。袖香謁靈隱海海問其來阿。輒書而對復書曰。我國無禪宗。唯講五宗經論。國主無姓氏。號金輪王。以嘉應改元。捨位出家。名行眞年四十四。王子七歲。令受位。今已五載。度僧無退納。而講義高者。賜之某等。仰服聖朝。禪師之名。特遠投誠。願傳心印。以度迷津。且如心佛及衆生。是三無差別。離相離言。假言顯之。禪師如何開示。海曰。衆生虛妄。見見佛見世界。阿書曰。無明因何而有。海便打阿。卽命海陞座。決疑。明年秋。辭游金陵。抵長蘆江岸。聞鼓聲忽大悟。始知佛海垂手。旨趣旋靈。隱述五偈。敘所見。辭海東歸。偈曰。航海來探教。外傳要離知。見脫蹄筌。諸方參遍草鞋破。水在澄潭月在天。掃盡葛藤與知見。信手拈來全體現。腦後圓光徹太虛。千機萬機一時轉。妙處如何說。向人倒地便起。自分明。驀然踏著故鄉地。到裏饒頭孤路行。求真滅妄元非妙。卽妄明眞都是錯。堪笑靈山老古錮。當陽拋下破木杓。豎拳下喝少賣弄。說是說非入泥水。截斷千差休指注。一聲歸笛囉囉哩。海稱善。書偈贈行。歸本國住叡山。

寺洎通嗣法書海已入末矣

杭州府淨慈濟顚道濟禪師出家靈隱。性不稽嘗與市井浮沉。喜打筋斗。不著禪形。蝶露人。嘲笑自視。夷然與明顚同時。師爲尤甚。飲酒居常。爲寺僧睡。罵笞逐走。居淨慈。爲人誦經。下火得酒。食便赴。有詩曰。何須林景勝。瀟湘只願西湖化。爲酒和身臥。倒西湖邊一浪來。時吞一口。時從市喜。息人之諍。救人之死。戲謔笑談。神出鬼沒。人罕有能測之者。年七十三而沒。一日與明顚偶識於朱涇。明目之曰。噴濟顚乃贈以詩。詩曰。青筓笠前天地濶。碧蓑衣底水雲寬。不言不語知何事。只把人心不自瞞。

內翰曾開居士字天游。久參圓悟。往來大慧之門。有年。紹興辛未。佛海補三衢光孝公。與趙超然訪之。問如何是善知識。海曰。燈籠露柱。貓兒狗子。公曰。爲甚麼贊卽歡喜。毀卽煩惱。海曰。侍郎曾見善知識否。公曰。某三十年參問。何言不見。海曰。向歡喜處見煩惱。處見公。擬議海震聲。便喝。公擬對海曰。開口底不是。公罔然。海召曰。侍郎向甚麼處去也。公猛省。遂點頭。

說偈曰。咄哉。瞎驢。叢林妖孽。震地一聲。天機漏泄。有人更問。意如何。拈起拂子。劈口截海曰。也祇得一概。知府葛鄰居士字謙問。號信齋。少擢上第。玩意禪悅。首謁無菴全菴。令究卽心。卽佛。久無所契。請曰。師有何方便。使某得入菴。曰。居士太無厭生。已而佛海來居。劍池公因從游。乃舉無菴所示之語。請爲衆普說。海發揮之曰。卽心卽佛。眉拖地。非心非佛。雙眼橫。蝴蝶夢中家。箇里子規枝上月。三更留旬日。而返一日。於不是心。不是佛。不是物。話豁然頓明。頌曰。非心非佛。亦非物。五鳳樓前山突兀。艷陽影裡倒翻身。野狐跳入金毛窟。無菴肯之。卽遣書頌呈佛海。海報曰。此事非紙筆可旣。居士能過我當有所聞矣。遂復至虎丘海迎之曰。居士見處止可入佛境界。入魔境界猶未得在。公加禮不已。海正容曰。何不道金毛跳入野狐窟。公乃脫然。嘗問諸禪曰。夫婦二人相打通兒。子作證。且道證父卽是證母。卽是或菴體著語曰。小出大遇。孝宗淳熙六年守臨川。八年感疾一夕忽索筆書偈曰。大洋海裡打鼓須彌山上聞鐘業鏡忽

然撲破。翻身透出虛空。召僚屬示之曰。生之與死。如晝與夜。無足怪者。若以道論。安得生死。若作生死會。則去道遠矣。語畢端坐而化。

文殊導禪師法嗣

長沙府楚安慧方禪師本郡許氏子。參文殊於大別。未幾適改寺爲神霄宮。附商舟過湘南。舟中聞岸人操鄉音。勦聲云。卽那由是有省。述偈曰。沔水江心喚一聲。此時忽得契。平生多年相別重。相見千聖同歸一路行。住後上堂。臨老方稱住持。全無些子玄機。開口十字九乖。問東便乃答西。如斯出世。討甚施爲。有時拈三放兩。有時盡令而施。雖然如是。同道方知。且道知底事作麼。生鼻孔從來向下垂。上堂達磨祖師在脚底。踏不著。兮提不起。子細當頭放下。看病在當時。誰手裡。張公會看脉。李公會使藥。兩箇競頭醫。一時用不著。藥不相投。錯錯。常德府文殊思業禪師世爲屠宰。一日截猪次。忽洞徹心源。卽棄業爲比丘。述偈曰。昨日夜叉心。今朝菩薩面。菩薩與夜叉。又不隔一條線。往見文殊。殊曰。你正

殺猪時見箇甚麼。便乃剃頭行脚。師遂作鼓刀勢。殊喝曰。者屠兒。參堂去。師便下參堂。後繼席文殊上堂。舉趙州勘破話。乃曰。勘破婆子面青眼黑。趙州老漢。瞞我不得。

何山珣禪師法嗣

金華府義烏稠嚴了贊禪師。上堂舉趙州狗子無佛性話。頌曰。趙州狗子無佛性。禹臺青山藏古鏡。赤脚波斯入大唐。八臂那吒行正令。咄。

侍制潘良貴居士字義榮。年四十回心祖闡所至。隨衆參扣。後依佛燈。不契。因訴曰。某祇欲死去時如何。燈曰。好箇封皮。且留著使用。而今不了。不當後去。忽被他換却封皮。卒無整理處。公曰。南泉斬猫話。某甲看久。終未透徹。奈何。燈曰。你祇管理會別人家猫兒。不知走却自家狗子。公於言下如醉得醒。燈曰。不易。公進此一步。更須知有向上事。始得如今士大夫說禪。說道祇依著義理。便快活。大率似將錢買油糞。喫了便不餓。其餘便道是瞞他。亦可笑也。公唯唯。

渤潭明禪師法嗣

成都府漢州無爲隨菴守緣禪師。本郡史氏子。年十三。病目。依棲禪能圓具。出峽至寶峰。值峰上堂。舉永嘉曰。一月普現一切水。一切水月一月攝。師聞釋然領悟。住後上堂。以一統萬。一月普現一切水。會萬歸一。一切水月一月攝。展則彌綸法界。收來毫髮不存。雖然收展殊途。此事本無異致。但能於根本上著得一隻眼去。方見三世諸佛歷代祖師。盡從此中示現。三藏十二部一切修多羅。盡從此中流出。天地日月萬物森羅。盡從此中建立。三界九地七趣四生。盡從此中出沒。百千法門。無量妙義。乃至世間工巧諸伎藝。盡現行此事。所以世尊拈華迦葉便乃微笑。達磨面壁二祖於是安心。桃花盛開。靈雲疑情盡淨。擊竹作響。香嚴頓忘所知。以至盤山於肉案頭悟道。彌勒向魚市裡接人。誠謂造次頭沛。必於是經行坐臥在其中。既有如是奇特。更有如是光輝。既有如是廣大。又有如是周徧。你輩諸人。因甚麼却有迷有悟。要知麼。幸無偏照處。剛有不明時。

龍翔珪禪師法嗣

南康府雲居頑菴德昇禪師。漢州何氏子。二十得度。習講。棄謁文殊導以佛法。省要。問殊示偈曰。契丹打破波斯寨。奪得寶珠村。裡賣十字街頭窮乞兒。腰間挂箇風流袋。師擬對殊曰。莫錯。師退。參三年。方得其旨。往見佛性。不契。入閩。謁竹菴於鼓山。便問國師。不跨石門句意。旨如何。菴應聲喝曰。閒言語。師頓領悟。住後。僧問。應真不借三界高超。卽不問如何。是無位真。人師曰。聞時富貴。見後貧窮。曰。擡頭須掩耳。側掌便翻身。師曰。無位真人在甚麼處。曰。老大宗師話頭也不識。師曰。放你三十棒。

揚州府通州狼山蘿菴慧溫禪師。福州鄭氏子。徧參諸老。晚依竹菴於東林。未幾。菴謝事。復謁高菴。悟南華。曷草堂。清皆蒙賞識。會竹菴徙閩。之乾元。師歸省次菴。問情生智。隔相變體。殊不用停囚長智。道將一句來。師當下釋然。述偈曰。拶出通身是口。何妨罵雨訶風。昨夜前村猛虎。咬殺南山大蟲。菴爲首肯。住後。上堂。釋迦老子四十九年。坐籌帷幄。彌勒大士九十一劫。帶水拖泥。凡情聖量。不能剗除。理照覺知。猶

存露布佛意。祖意如將魚目作明珠。大乘小乘似認橋皮爲猛火。諸人須是豁開胸襟。寶藏運出自己家。珍向十字街頭。普施貧乏衆中。忽有箇靈利漢出來。道美食不中飽。人餐山僧只向他道。幽州猶自可。最苦是新羅。

雲居悟禪師法嗣

金華府雙林德用禪師。本郡戴氏子。上堂拈槌豎拂。將黃葉以止啼。說妙談玄。望梅林而止渴。際山今日去却之乎者也。更不指東話西。向三世諸佛命脉中。六代祖師骨髓裡。盡情傾倒爲諸人說破。良久曰。啼得血流無用處。不如緘口過殘春。

台州府萬年無著道閑禪師。本郡洪氏子。上堂。全機敵勝。猶在半途。啐啄同時。白雲萬里。纔生朕兆。已落二。三不露鋒鋷。成何道理。且道從上來事。合作麼生。良久曰。誣人之罪。以罪加之。上堂。舉乾峰示衆曰。舉一不得。舉二放過。一著落在第二。雲門出衆曰。昨日有人從天台來。却往徑山去。峰曰。典座來。日不得。普請師曰。相見不須瞋。君窮我亦貧。謂言侵早起。更

有夜行人

福州府中際善能禪師嚴陵人往來龍門雲居有年未有所證一日普請擇菜次高菴忽以貓兒擲師懷中師擬議菴攔胸踏倒於是大事洞明上堂萬古長空一朝風月不可以一朝風月味却萬古長空不可以萬古長空不明一朝風月且如何是一朝風月人皆畏炎熱我愛夏日長薰風自南來殿閣生微涼會與不會切忌承當

南康府雲居普雲自圓禪師綿州雍氏子年十九試經得度留教苑五祀出關南下歷扣諸大尊宿始詣龍門一日於廊廡間觀繪胡人有省夜白高菴菴舉法眼偈曰頭戴貂鼠帽腰懸羊角錐語不令人會須得人譯之復策火示之曰我爲汝譯了也於是大法明了呈偈曰外國言音不可窮起雲亭下一時通口門廣大無邊際吞盡楊岐栗棘蓬菴遣師依佛眼眼謂師曰吾道東矣上堂舉僧問雲門如何是透法身句門曰北斗裡藏身師曰南北東西萬萬千乾坤上下兩無邊相逢相見呵呵笑屈指擡頭月半天

西禪璉禪師法嗣

遂寧府西禪第二代希秀禪師上堂秋光將半暑氣漸消鴻鴈橫空點破碧天似水猿猴挂樹撼翻玉露如珠直饒對此明機未免認龜作鼈且道應時及節一句作麼生道野色併來三島月溪光分破五湖秋黃龍忠禪師法嗣

成都府信相戒修禪師上堂舉馬祖不安公案乃曰兩輪舉處超玄旨電急星馳鳥足比目前不礙往來機正令全施無表裡丈夫意氣自衝天我是我兮你是你

袁州府慈化普菴印肅禪師本郡宜春余氏子母黃生宋徽宗政和乙未十一月廿七誕時有異徵年十五往從壽隆受業隆以法華授師師曰諸佛玄旨貴悟自心數墨循行何益於道隆異之閱七載始獲剃染遂參牧菴於瀉山問萬法歸一一歸何處菴舉拂示之師當下契旨紹興癸酉出住慈化不數載梵宇金碧如從天降師猶自以所詣爲未足乾乾朝夕脇不沾席者十有二年一日閱華嚴合論至達本情忘

知心體合處。豁然大悟。述偈曰。捏不成團。撥不開。何須南嶽。又天台。六根門首。無人用。惹得胡僧特地來。後於乾道己丑七月廿一日。忽索筆書偈於壁。沐浴更衣。跏趺而逝。世壽五十五。僧臘三十五。奉全身塔於本山。有語錄四卷行世。

烏巨行禪師法嗣

饒州府薦福退菴休禪師。上堂風動邪幡動。邪風鳴邪鈴。鳴邪非風。鈴鳴非風。幡動此土與西天一隊黑漆桶。誑惑世間人。看看滅胡種。山僧沒奈何。越後也打。開。唳。瓠。子。曲。彎。彎。冬。瓜。直。備。伺。上堂結夏時。左眼半斤。解夏時。右眼八兩。謾云九十日安居。贏得一肚皮妄想。直饒七穴八穿。未免山僧拄杖。雖然如是。千鈞之弩。不爲鼯鼠而發機。上堂先師尋常用腦後一鎚。卸却學者胸中許多屈曲。當年克賓維那。曾中興化。此毒往往天下叢林。喚作超宗異目。非唯孤負興化。亦乃克賓受辱。若是克肖兒孫。終不依草附木。資福喜見同參。今日傾腸倒腹。遂卓拄杖。喝一喝。曰。還知先師落處麼。伎死禪和如麻似粟。上堂言。

發非聲。是箇甚麼。色前不物。莫亂針錐。透過禹門。風波更險。咄。

廣信府龜峰晦菴慧光禪師。建寧人。上堂數日暑氣如焚。一箇渾身無處安著。思量得也是煩惱。人者箇未是煩惱。已躬下事不明。更是煩惱。所以達磨大師煩惱。要爲諸人吞却。又被咽喉小要。爲諸人吐却。又被牙齒礙取。不得捨不得。煩惱九年。若不得二祖不惜性命。往往轉身無路。煩惱教死。所謂祖禪不了殃及兒孫。後來蓮華峰菴主。到者裡煩惱。不肯住南嶽。思大到者裡煩惱。不肯下山。更有臨濟德山。用盡自己查梨。煩惱益孟無柄。龜峰今日爲他閒事。長無明爲你諸人從頭點破。卓拄杖一下。曰。一人腦後露腮。一人當面無齒。更有數人鼻孔沒半邊。不勞再勸你諸人。休向者裡立地。磕睡。殊不知家中飯糲鍋子。一時失却了也。你若不信。但歸家檢點看。揚州府儀真長蘆且菴守仁禪師。越州上虞人。依雪堂於烏巨。聞普說曰。今之兄弟。做工夫。正如習射。先安其足。後習其法。後雖無心。以久習故。箭發皆中。喝。

一喝曰。只今箭發也。看看師不覺倒身作避箭勢。忽
大悟。上堂。百千三昧。無量妙門。今日且菴不惜窮
性命。祇做一句子說與諸人。乃卓拄杖下座。嘗頌
臺山婆話曰。開箇燈心。皂角舖日求升合度。朝昏只
因風雨連綿久。本利一空愁倚門。

白楊順禪師法嗣

吉安府青原如禪師。僧問。達磨未來時。如何。師曰。生
鐵鑄崑崙。曰。來後如何。師曰。五彩畫門神。

雲居如禪師法嗣

太平府隱靜圓極彥岑禪師。台城人。上堂。韓信打關。
未免傷鋒犯手。張良燒棧。大似曳尾靈龜。既然席卷。
三秦。要且未能囊弓裹革。煙塵自靜。我國晏然。四海
九州。盡歸皇化。自然牛閒馬放。風以時雨。以時五穀。
熟萬民安。大家齊唱村田樂。月落參橫夜向闌。上
堂。今朝八月初五。好事分明。爲舉嶺頭漠漠秋雲樹。
底鳴鳩喚雨。昨夜東海鯉魚吞却南山猛虎。雖然有
照有用。畢竟無賓無主。唯有文殊普賢住住。我識得
你。上堂。學正堂辯室中問學者。蚯蚓爲甚麼化爲

百合話頌曰。客舍并州已十霜。歸心日夜憶咸陽。無
端更度桑乾水。却望并州是故鄉。

武昌府報恩成禪師。上堂。秋雨乍寒。汝等諸人。青州
布衫成就也。未良久。喝曰。雲溪今日冷處。著一把火。
便下座。

道場辯禪師法嗣

蘇州府覺報清禪師。上堂。舉僧問雲門。如何是諸佛
出身處。門曰。東山水上行。師曰。諸佛出身處。東山水
上行。石壓笋斜出。崖懸華倒生。

湖州府安吉州何山然首座。姑蘇人。久侍正堂入室。
次堂。問。貓兒爲甚麼偏愛捉老鼠。曰。物見主。眼卓豎。
堂欣然。因命分座。

淨居溫禪師法嗣

溫州府淨居尼。無相法燈禪師。上堂。卓拄杖曰。觀音
出普賢。入文殊。水上穿靴立。擡頭鷄子過新羅。石火
電光追不及。咄。

大瀉果禪師法嗣

荊州府玉泉窮谷宗璉禪師。合州董氏子。開堂曰。問

答已乃曰。禪僧向人天衆前一問一答。一擒一縱。一卷一舒。一挨一拶。須是具金剛眼睛。始得若是念話。杜家君向西秦。我之東魯。於宗門中。殊無所益者。一段事。不在有言。不在無言。不礙有言。不礙無言。古人垂一言半句。正如國家兵器。不得已用之。橫說豎說。祇要挫人箇入處。其實不在言句上。今時人。不能一徑徹證根源。祇以語言文字而爲至道。一句來一句去。喚作禪道。喚作向上。向下。謂之菩提涅槃。謂之祖師巴鼻。正似鄭州出曹門。從上宗師。以行脚爲事。底纔有疑處。便對衆決擇。祇一句下見。諦明白。造佛祖直指不傳之宗。與諸有情盡未來際。同得同證。猶未是泊頭處。豈是空開唇皮。胡言漢語。所以南院道諸方。祇具啐啄同時。眼不具啐啄同時。用時有僧問。如何是啐啄同時。用院曰。作家不啐啄。啐啄同時。失僧曰。此猶未是學人問處。院曰。你問處作麼。生僧曰。失院便打。其僧不契。後至雲門。會中問二僧。舉此話。一僧曰。當時南院棒折。那其僧忽契。悟卽回南院。院已遷化。乃謁風穴。穴見便問。你是問先師啐啄同時話。

底麼。僧曰。是穴曰。你當時如何。曰。我當時如在燈影裡。行相似穴曰。你會也。師乃召大衆曰。暗穿玉線。密度金針。如水入水。似金博金。敢問大衆。啐啄同時。是親切處。因甚却失。若也會得。便可橫身宇宙。獨步大方。堪報不報之恩。共助無爲之化。若跳不出。依前祇在架子下。上堂拈拄杖曰。破無明暗。截生死流。度三有城。泛無爲海。須是識者。箇始得。乃召衆曰。喚作拄杖。則觸不喚作拄杖。則背。若也識得。荊棘林中。撒手。是非海裡。橫身。脫或未然。普賢乘白象。土宿跨泥牛。參。上堂一切數句。非數句。與吾靈覺。何交涉。永嘉恁麼道。大似含元殿上。更覓長安。殊不知有水。皆含月。無山。不帶雲。雖然如是。三十年後。趙婆酤醋。上堂。宗乘一唱。殊途絕萬別。千差俱泯滅。通身是口。難分雪。金剛腦後三斤鐵。好大哥。僧問。寶壽開堂。三聖推出一僧。寶壽便打。意旨如何。師曰。利動君子。曰。爲復棒頭有眼。爲復見機。而作師曰。獼猴緊露柱。曰。祇如三聖道。你恁麼爲人。瞎却鎮州一城人眼。又作麼。生師曰。錦上鋪華又一重。問。行脚逢人時。如

何師曰：「一不成，二不是。」曰：「行脚不逢人時如何？」師曰：「虎咬大蟲。」曰：「祇如慈明道釣絲綬，水意作麼？」師曰：「水浸銅石卵。」問：「三聖道我逢人卽出，出則不爲人，意旨如何？」師曰：「兵行詭道。」曰：「興化道我逢人則不出，出則便爲人，又作麼？」師曰：「綿裹秤鎚。」問：「不落因果爲甚麼？」墮野狐身。師曰：「廬山五老峰。」曰：「不昧因果爲甚麼？」脫野狐身。師曰：「南嶽三生藏。」曰：「祇如不落不昧，未審是。」同是別師曰：「倚天長劍逼人寒。」問：「初生孩子還具六識也。」無趙州道。急水上打毬子，意旨如何？師曰：「兩手扶犁，水過膝。」曰：「祇如僧又問投子急水上打毬子，意旨如何？」曰：「念念不停流。」又作麼？生曰：「水晶甕裡浸波斯。」問：「楊岐道三脚驢子弄蹄行，意旨如何？」師曰：「過蓬州了，便到巴州。」

是箇甚麼，不在內，不在外，不在中間，畢竟在甚麼處？苦苦有口說不得，無家何處歸？
長沙府道林淵禪師僧問：「鐘未鳴，鼓未響，拓盃向甚麼處去？」德山便低頭歸方丈。意旨如何？師曰：「奔雷迸火，日巖頭道者老漢未會末後句，在。」又作麼？生曰：「相隨來也。」曰：「巖頭密啓其意，未審那裡是他密啓處？」師曰：「萬年松在祝融峰。」曰：「雖然如是，祇得三年三年後果遷化還端的也。」無師曰：「嚀呢嚀呢，吽吽。」臨示末上堂，拈拄杖曰：「離却色聲言語道，將一句來。」衆無對。師曰：「動靜聲色外，時人不肯對世間出世間，畢竟使誰會？」言訖倚杖而逝。
德安府隨州大洪老訥祖證禪師潭州潘氏子上堂，萬象之中獨露身，如何說箇獨露底道理？豎拂子曰：「到江吳地盡，隔岸越山多。」僧問：「雲門問僧：「光明未照徧河沙，豈不是張拙秀才語？」僧云：「是。」門曰：「話墮也。」未審那裡是者？僧話墮處。師曰：「鮎魚上竹竿。」問：「離却言句，請師直指。」師豎拂子。僧曰：「還有向上事也。」無師曰：「有。」曰：「如何？」是向上事。師曰：「速禮三拜。」

南昌府潞潭山堂德淳禪師上堂俱胝一指頭一毛拔九牛華嶽連天碧黃河徹底流截却指急回眸青筭笠前無限事綠蓑衣底一時休

常州府宜興保安復菴可封禪師福州林氏子上堂天寬地大風清月白此是海宇清平底時節衲僧家等閒問著十箇有五雙知有祇如夜半華嚴池吞却楊子江開明橋撞倒平山塔是汝諸人還知麼若也知去試向非非想天道將一句來其或未然擲下拂子曰須是山僧拂子始得

南昌府石亭野菴祖璿禪師上堂喫粥了也未趙州無忌諱更令洗盃盂太煞沒巴鼻悟去由來不丈夫者僧那免受塗糊有指示無指示韶石四楞渾塌地入地獄如箭射雲岫清風生大廈相逢携手上高山作者應須辨真假真假分若爲論午夜寒蟾出海門長沙府石霜宗鑑禪師上堂送舊年迎新歲動用不離光影內澄輝湛湛夜堂寒借問諸人會不會若也會增瑕類若不會依前昧與君指箇截流機白雲更在青山外

贛州府報恩文爾禪師福州長溪李氏子十六爲僧十八參月菴至忘寢食每聞更漏鐘鼓輒嘆曰又過一日也後有省典侍司數年去遊廬陵衆請出住吉水清涼徙興國梵山寧都桃林紹興辛未郡守李子楊迎住報恩居十年引疾求去移慶雲乾道丙戌冬示宋壽四十六坐夏三十塋慶雲之西園

石頭回禪師法嗣

南康府雲居蓬菴德會禪師川重慶何氏子上堂教中道若見諸相非相卽見如來作麼生是非相底道理伴走詐羞偷眼覷竹門斜掩半枝華

續燈正統卷之六

續燈正統卷七

南海普陀嗣祖沙門西蜀 性統 編集

臨濟宗

大鑑下第十七世

育王謙禪師法嗣

台州府萬年心聞曇實禪師永嘉人上堂一見便見八角磨盤空裡轉一得永得辰錦朱砂如墨黑秋風吹渭水已落雲門三句裡落葉滿長安幾箇而今不被瞞豎拂子曰瞞得瞞不得總在萬年手裡還會麼華頂月籠招手石斷橋水落捨身巖住江心病起上堂維摩病說盡道理龍翔病咳嗽不已咳嗽不已說盡道理說盡道理咳嗽不已汝等諸人還識得其中意旨也未本是長江湊風冷却教露柱患頭風僧問百丈卷席意旨如何師曰賊過後張弓四明太守以雪竇請師辭以偈曰關藍方喜得抽頭退鼓今方打未休莫把乳峰千丈雪重來換我一雙眸寧波府天童慈航了朴禪師福州人上堂酷暑如焚不易禁炎炎赫赫欲流金夜明簾外無人到靈木迢

●入或作八

然轉綠陰上堂久雨不晴半睡半醒可謂天地合其德日月合其明四時合其序鬼神合其吉凶遂喝曰住住內掛已成更求外象卓拄杖曰適來擲得雷天大壯如今變作地火明夷上堂牛皮鞞露柱露柱咳嗽叫燈籠佯不知盧明還自照殿香老蚩吻聞得呵呵笑三門側耳聽就上打之邊譬如十月菊開徹阿誰要阿呵呵未必秋香一夜衰慰斗煎茶不同鉢室中問僧賊來須打客來須看祇如三更夜半人面似賊賊面似人作麼生辨上堂觀音巖玲瓏瓏太白石丁丁東東西園菜蠟似不堪食東谷花發却無賴紅且道是祖意教意途中受用世諦流布若辨不出雪峰覆却飯桶若辨得出甘贄禮拜烝籠參上堂德山入門便棒臨濟入門便喝臨濟喝處德山棒頭耳聾德山棒時臨濟喝下眼瞎雖然一擲一擡就中全生全殺遂喝一喝卓拄杖一下曰敢問諸人是生是殺良久曰君子可入延平府西巖宗回禪師婺州人久依無示深得法忍因寺僧以茶禁聞有司吏捕知事師謂衆曰此事不

◆反疑皮

直之則罪坐於我。若自直彼復得罪。不忍爲也。令擊鼓陞座。說偈曰。縣吏追呼不暫停。爭如長往事分明。從前有箇無生曲。且喜今朝調已成。言訖而逝。

高麗國坦然國師少嗣王位。欽慕宗乘。因海商方景仁抵四明。錄無示語。歸師閱之。啓悟卽棄位圓顯。作誓以語要反。四威儀偈令景仁呈。無示答曰。佛祖出興於世。無一法與人。實使其自信。自悟。自證。自到。具大知見。如所見而說。如所說而行。山河大地草木叢林。相與證明其來久矣。後復通嗣。法書其略曰。生死海中曠劫難渡。得遇本分宗師。以三要印子。驗定其法實。謂盲龜值浮木孔耳。

杭州府龍華無住本禪師。廣德人。上堂。舉雲門拈起胡餅曰。我祇供養兩浙人。不供養向北人。衆無語。門自代曰。天寒日短。兩人共一椀。師曰。韶陽老漢言中有響痛處。著錐檢點。將來翻成毒藥。諸人要會麼。半在河南半河北。一片虛凝似墨黑。冷地思量愁殺人。叵耐雲門者。老賊賊。賊下座。更不巡堂。

道場明禪師法嗣

臨江府東山吉禪師。因李朝請與甥薊林向居士子。謾過。請問家賊惱人時如何。師曰。誰是家賊。李豎起拳。師曰。賊身已露。李曰。莫塗糊人。好師曰。賊證見在。李無語。師示以偈曰。家賊惱人孰奈何。千聖回機祇爲他。徧界徧空無影跡。無依無住絕籠羅。賊賊猛將雄兵收不得。疑殺天下老禪和。笑倒鬧市古彌勒。休不用將心向外求。回頭瞥爾賊身露。和賊捉獲世無儔。世無儔真可仰。從茲不復誇伎倆。怙怙安家樂業時。萬象森羅齊撫掌。

道場慧禪師法嗣

杭州府靈隱懶菴道樞禪師。吳興四安徐氏子。初住何山。次移華藏。隆興初。詔居靈隱。孝宗召至內殿。問禪道至要。師答曰。此事在陛下。堂堂日用。應機處本無知見。起滅之分。聖凡迷悟之別。第護正念。則與道相應。情却物則業不能繫。盡去沉掉之病。自忘問答之意。矧今補處。現在佛般若光明中。何事不成。現邪上爲首肯。示衆仙人張果老騎驢穿市過。但聞蹄撥刺。誰知是紙做。後退居明教永安蘭若。逍遙自

適有偈題於壁曰雪裡梅華春信息。池中月色夜精神。年來不是無佳趣。莫把家風舉似人。淳熙丙申八月。示微疾。書偈而逝。塔於永安。

光孝慈禪師法嗣

廣德州光孝。悟初首座。分座曰示衆。舉風幡話。至仁者心動處。乃曰。祖師恁麼道。賺殺一船人。今時禪僧。也不可恁麼會。既不恁麼會。畢竟作麼生。良久曰。六月好合。醬切忌著鹽多。

大鑑下第十八世

淨慈一禪師法嗣

寧波府天童息菴達觀禪師。義烏趙氏子。初參應菴於天童。次見無菴於道場。後於淨慈水菴室中。明得二老垂手處。一語破的。而返至龍翔栢堂。分第一座。後開法嚴州靈巖。閱四刹。自金山被旨。陞靈隱上堂。舉二祖問達磨安心公案。頌曰。長安深夜雪漫漫。欲覓心安轉不安。縱使言前開活眼。那知已被老胡謾。袁州府仰山簡菴嗣清禪師上堂。舉達磨大師一日謂門人曰。時將至矣。汝等盍各言所得乎。最後慧可

出禮三拜。依位而立。磨曰。汝得吾髓。師頌曰。捏目生華。立問端。得他皮髓。被他謾者。般瞿漢能多事。六月無霜也道寒。

道場全禪師法嗣

常州府華藏伊菴有權禪師。昌化祁氏子。年十四得度。十八參佛智禪於靈隱。時無菴居第一座。室中以從無住。本建一切法爲問。師久而有省。答曰。暗裡穿鍼耳。中出氣菴可之。遂密付心印。嘗夜坐達旦。行粥者。至忘展盃。鄰僧以手觸之。師感悟。說偈曰。黑漆崑崙把釣竿。古帆高挂下驚湍。蘆華影裡弄明月。引得盲龜上釣船。佛智常問心。包太虛。量廓沙界。時如何。師曰。大海不宿死屍智。撫其座曰。此子他日當據此座。呵佛罵祖。去在師益自韜晦。復見應菴於歸宗。參大慧於徑山。泊無菴住道場。命師分座。住後上堂。今朝結却布袋口。明眼衲僧莫亂走。心行滅處解翻身。噴嚏也成獅子吼。栢檀林任馳驟。剔起眉毛頂上生。剜肉成瘡露家醜。上堂禪禪無黨無偏。迷時千里隔。悟在口唇邊。所以僧問石頭如何。是禪頭曰。覷

輒又僧問睦州。如何是禪州。曰。猛火著油煎。又僧問首山。如何是禪山。曰。糊獮上樹尾連頭。大衆道。無橫徑立處。孤危此三大老。行聲前活路。用劫外靈機。若以衲僧正眼看來。不無優劣。一人如張良入陣。一人如項羽用兵。一人如孔明料敵。若人辨白得可。與佛祖齊肩。忽有箇衲僧出來。道長老話作兩橛。適來道。道無橫徑。無黨無偏。而今又却分許多優劣。且作麼生祇對還。委悉麼。把手上山齊著力。咽喉出氣自家知。宋孝宗淳熙庚子秋。示微疾。書偈跌坐而逝。茶毗。齒舌不壞。獲五色舍利無數。葬於橫山餘谿塔萬年寺左。

焦山體禪師法嗣

寧波府天童癡鈍智穎禪師。舉達磨見武帝因緣。頌曰。提起須彌第一鎚。玉關金鎖擊難開。重施背踏空勞力。應悔迢迢萬里來。

焚菴堯應入此增集載一卷二十七紙以版失無從錄入

徑山印禪師法嗣

鎮江府金山退菴道奇禪師。僧問。雪峰道望州亭與汝相見了也。意旨如何。師曰。左眼半斤。曰。烏石嶺與

汝相見了也。齊師曰。右眼八兩。曰。僧堂前與汝相見了也。又且如何。師曰。鼻孔大頭向下。曰。只如鷺湖驟步入方丈。保福入僧堂。又作麼生。師曰。水向石邊流出。冷風從華裏過來。香。上堂。此段大事。無處不周。新焦山未離東霞時。已與諸人相見了也。且道相見底事。作麼生。幾多頭角。成龍去蝦蟹。依前努眼睛。上堂。至道本乎無心。心法本乎無住。無住心體。靈知不昧。性相寂然。所以道。吾打鼓四大部洲。同參拄杖。橫也挑。幹乾坤大地。盡孟展也。覆却恒河沙界。到者裡。象王行處。狐兔絕蹤。水月現時。風雲自異。古今改不得。歷劫不知名。千聖立下風。誰敢當頭道。咄。我王庫內。無如是刀。

鎮江府金山蓬菴自聞永聰禪師。杭之於潛徐氏子。幼依本邑資福出家。十五從父遊徑山。慕別峰橫嶺。警拔白父願學焉。峰器之。育王天童當知菴密菴全盛時。師往來兩公間十餘年。後遊閩。越江東。西湖南。北。凡遇名流。反復博約。雍容婉辭。盡底蘊。迺已出世。台州淨慧。徙金陵保寧。蔣山轉金山。終焉壽六十五。

臘五十七

雙林用禪師法嗣

金華府三峰印禪師上堂舉百丈野狐話頌曰不落不昧誣人之罪不昧不落無繩自縛可憐柳絮隨風舞有時自西還自東

龜峰光禪師法嗣

杭州府徑山蒙菴元聰禪師福州朱氏子於晦菴會中得心要衆推爲高弟慶元丁巳自福之雪峰被旨遷徑山上堂舉藥山首造石頭次參馬祖有悟乃曰某甲在石頭如蚊子上鐵牛機緣頌曰倒腹傾腸說向伊不知何故尙遲疑只今便好猛提取莫待天明失却雞上堂學趙州一日在東司上見文遠過嘉召玄遠遠應諾州曰東司上不可與汝說佛法頌曰明明道不說此理憑誰識春風一陣來滿地華狼藉送行者求僧偈曰山前麥熟雨初晴桑柘青連柳色新毫髮不存風骨露頭頭總是比丘身□□□□十月十四日示寂塔本山

大瀉行禪師法嗣

常德府德山子涓禪師潼川人上堂見見之時見非

是見見猶離見見不能及喝一喝曰鯨吞海水盡露

出珊瑚枝衆中忽有箇衲僧出來道長老休寐語却

許伊具一隻眼上堂橫按拄杖曰一二三四五六

七七六五四三二一循環逆順數將來數到未來無

盡日因七見一見一亡七踏破虛空鐵牛汗出絕氣

息無踪跡擲下拄杖曰更須放下者箇始是參學事

畢上堂拈拄杖曰有時奪人不奪境拄杖子七縱

八橫有時奪境不奪人山僧七顛八倒有時人境兩

俱奪拄杖子與山僧削迹吞聲有時人境俱不奪卓

拄杖曰伴我行千里携君過萬山忽然撞著臨濟時

又且如何喝一喝曰未明心地印雖透祖師關

大洪證禪師法嗣

蘇州府萬壽月林師觀禪師福州侯官黃氏子僧問

三聖道逢人則出出則不爲人意作麼生師曰錯曰

興化道逢人則不出出則便爲人又作麼生師曰錯

曰興化旗鎗倒卓三聖肝膽齊傾師曰引不著曰只

如今日和尙作麼生爲人師曰一棒一條痕學玄

沙三種病話頌曰盲聾瘡癰捉敗了也更問如何盲聾瘡癰

雲居會禪師法嗣

萬松懷衲大璉禪師讚釋迦出山像曰行滿功圓徹骨窮不勝羸瘦髮髻鬆彌天罪過今無數毗舍耶中一欸供

萬年貢禪師法嗣

溫州府龍鳴在菴賢禪師上堂學法眼道識得堯子周匝有餘雲門道識得堯子天地懸殊師曰法眼老漢坐殺天下人雲門大師走殺天下人龍鳴則不然識得堯子四脚著地要坐便坐要起便起上堂學趙州勘婆話頌曰冰雪佳人貌最奇常將玉笛向人吹曲中無限傷心事祇許佳人獨自知

長沙府大瀉噴菴鑑禪師會稽人上堂木落霜空天寒水冷釋迦老子無處藏身折東籬補西壁撞著不空見菩薩請示念佛三昧也甚奇怪却向道金色光明雲參退喫茶去上堂老胡開一條路甚生徑直祇曰歇即菩提性淨明心不從人得後人不得其門

一向奔馳南北往復東西極歲窮年無箇歇處諸人還歇得麼休休上堂舉晦堂一日問僧甚處來曰南雄州堂曰出來作甚麼曰尋訪尊宿堂曰不如歸鄉好曰未審和尚令某歸鄉意旨如何堂曰鄉里三錢買一片魚鮮如手掌大師曰寧可碎身如微塵終不瞎箇師僧眼晦堂較些子有般漢便道熟處難忘有甚共語處上堂舉蜀賓國王問師子尊者蘊空話頌曰尊者何曾得蘊空蜀賓徒自斬春風桃華雨後亂零落染得一溪流水紅

寧波府天童雪菴從瑾禪師永嘉楠溪鄭氏子從普安子回落髮謁心聞於瑞巖聞舉紅爐片雪話問師師擬答聞一喚師忽領旨留侍三年入閩見佛智于西禪智問甚處來師曰四明智曰曾見慈布袋麼師便喝智便打師接住棒曰和尚不得草草智曰瞎漢過者邊立心聞主江心師歸省命无維那一日問師一喝分賓主照用一時行如何是一喝分賓主師便喝聞曰者一喝是賓是主師曰賓則始終賓主則始終主聞笑曰汝又眼華了師即呈偈曰一喝分賓主

依然又眼華倒翻筋斗去踏殺死蝦蟇初住儀真靈巖後遷天童僧問如何是靈巖境師曰鹿跑泉冷浸明月龍鬬港深藏白雲問如何是祖師西來意師曰夜半須彌安鼻孔曰如何是禪師曰仰面不見天曰如何是道師曰全身入荒草曰作家師曰收上堂金剛圈裡翻身築著帝釋鼻孔懸崖頭上撒手突出達磨眼睛往復三回與猶未盡機輪一轉勢不可停倒拈蝎尾婢便聲聞順持虎鬚奴呼菩薩釋迦已滅彌勒未生佛法祖令總屬新天童手裡且把住放行如何施設良久曰無孔鐵槌當面擲普天匝地起清風上堂金槌運動三世諸佛不敢當頭法令施行外道天魔悉皆拱手峭巍巍本無攀仰淨裸裸不用安排行住坐臥不用猜疑好惡是非一時放下然後和泥合水拽杷牽犁任運縱橫總無妨礙正恁麼時且道太平一曲作麼生唱良久曰鐵船橫古渡重整舊家風宋寧宗慶元庚申七月廿三日索浴更衣書偈投筆而寂壽八十四臘七十全身塋心聞塔右有頌古最佳

温州府智門谷菴景蒙禪師溫之平陽邵氏子幼喜聞鐘梵十三披緇習台教以名相學不足了大事棄之參佛智於育王王問貴鄉師曰永嘉王曰還識永嘉大師否師擬答王喝出遂兀然如癡不知寢食者累月一日聞鐘聲忽有悟上方丈王曰還識永嘉大師否師曰即日伏惟和尚起居萬福王曰向上事又作麼生師擬對王熱棒趯出次日又上方丈王方發問師抗聲曰老漢今日敗闕也一拍而出因歸里省親見龍翔翔問言無展事語不投機承言者喪滯句者迷試向言詮不及處通箇消息師以左手畫○相翔以拂左擊師以右手畫○相翔以拂右擊師又畫○相于中兩手托呈翔以拂畫兩畫師拜起而立翔笑曰三十年揀貓貓今日得此鳥喙尋還鹿園翔以谷名師菴又嘗謁顯寧志初出住智門次遷瑞巖師孤高絕俗弱不勝衣而嚴冷峻峭不可挹酌

大鑑下第十九世

天童觀禪師法嗣

蘇州府虎丘伽藍善濟禪師題魚籃觀音像曰雲鬢

濃粧苦強顏。爲他閒事入塵寰。携來活底無人買。只作尋常死貨看。

華藏純菴善淨禪師舉六祖風旛話頌曰。不是風。不是旛。白雲盡處見青山。可憐無限英靈漢。開眼堂堂入死關。

紹興府天衣嘯巖文蔚禪師上堂。舉雲門示衆人。人盡有光明。在看時不見暗昏昏。作麼生是諸人自己光明。自代曰。厨庫山門。又曰。好事不如無。師曰。人人盡有光明。在看時不見暗昏昏。踢倒山門與厨庫。此時明暗自然分。

栢巖凝禪師有破衲頌曰。零零落落幾經年。隨手拈來搭半肩。午夜定回和束倒。通身贏得是青天。

天童穎禪師法嗣

杭州府徑山荊叟如珏禪師婺州人。初見凝鈍。鈍問如何。是佛師曰。爛冬瓜。復呈頌曰。如何是佛。爛冬瓜。齧著冰霜透齒牙。根蒂雖然無窖子。一年一度一開華。又嘗作偈呈凝。鈍曰。鍾山白刃赤身挨。幾度曾經被活埋。一自人亡家破後。了知無位可安排。住後

歲旦上堂。新歲擊新鼓。普施新法雨。萬物盡從新一就。規矩普賢大士忻。歡乘時打開門。戶放出白象王。徧地無尋處。拈拄杖曰。是甚麼。千年桃核裡。元是舊時仁。結夏小參。我此一宗正令。全提如暴風。卒雨鼓蕩。無前石火電光。追奔不及。舉意卽迷源。擡眸已錯過。不是目前法。莫生種種心。縱汝三種互。修尅期取證。第二頭第三頭。萬拄干撐。轉見氣急。殊不知觸骸未具。已眼先明。呱地一聲。千了萬當。雖然如是。親證者。萬無一二。錯會者。數有河沙。佛成道頌曰。六年雪嶺成何事。打失從前鬼眼睛。滿面慚惶無著處。至今生怕見明星。

福建府雪峰大夢德因禪師作憨布袋贊曰。杖挑布袋。走紅塵。底事何曾見得親。業識茫茫無本據。欲來開口笑他人。

金山奇禪師法嗣

杭州府靈隱高原祖泉禪師舉鏡清在雪峰。普請峰曰。瀉山道見色便見心。還有過也無。清曰。古人爲甚麼事。峰曰。雖然如是。我要共你商量。清曰。若與麼不

如某甲鑿地去師曰。雪峰探竿在手。影草隨身。若不是鏡清普請。幾乎狼藉。舉九祖伏獸密多間。八祖佛獸難提。父母非我親。誰是最親者。諸佛非我道。誰是最道者。話頌曰。父母分明非我親。祖師肝膽向人傾。直下若能親薦得。優曇華發火中春。贈黃漢嶺開接待偈曰。路繞懸崖萬仞頭。行人到此盡生愁。然得箇休歇處。重疊關山任意遊。

萬壽觀禪師法嗣

南昌府黃龍無門慧開禪師。杭州良渚梁氏子。母宋氏。從天龍肱受業。參月林於萬壽林。令看狗子。無佛性。話經六年。迥無入處。乃奮志自誓曰。若去睡眠。爛却我身。每至困時。繞廊而行。昏則以頭磕柱。一日聞齋鼓聲。有省。述偈曰。青天白日一聲雷。大地羣生眼豁開。萬象森羅齊稽首。須彌得跳舞三臺。次日入室。欲通所得。林遽曰。何處見神見鬼。師便喝。林亦喝。師又喝。自此機用。胎合。寧宗嘉定戊寅。出世。安吉報國。次遷隆興。天寧黃龍翠巖。蘇之開元靈巖。鎮江焦山。金陵保寧。理宗淳祐丙午。奉旨開山。護國仁皇禪寺。

上堂。若人識得心。大地無寸土。占人恁麼道。黃龍即不然。若人識得心。大地盡是土。上堂。是非長短耳。邊風切。莫於中覓異同。要得八風吹不動。放教心地等虛空。慈受老人只解順水張帆。不能逆風把柁。黃龍又且不然。是非都去了。是非裡薦取何故。響幾度黑風翻大浪。未曾聞道釣舟傾。上堂。三分光陰。二早過懷州牛車。禾靈臺一點不措。磨益州馬腹。腹貪生逐日區區者。天下覓醫人。喚不同頭爭奈何。灸豬左膊上。於斯薦得參學事畢。其或未然。木上座與諸人說破。乃卓拄杖下座。上堂。趙州道南來者與他下載。北來者與他上載。大似世情看冷。暖人面逐高。低。慈受道南來者與他一面笑。北來者與他一面笑。大似歡喜。斯散笑裡有刀。若是焦山。又且不然。南來者以平常待之。北來者以平常待之。也不瞋。也不笑。也無下。也無高。何故。清平世界不用干戈。朝陽偈曰。寒時急用底物。趁暖著些鍼線。忽然臘月到來。免致脚忙手亂。對月偈曰。始見些兒光。影要了末後一段。若是無門。拳頭不打者。般鈍漢。師晚年倦于槌。

拂菴居西湖學者。猶衆理宗召入選德殿說法。祈雨感應。敕賜金襴法衣。佛眼之號。

長沙府石霜竹巖妙印禪師。進賢萬氏子。受業於龍塘紹曇。徧參留龍門光癡鈍。穎最久。抵蘇州。萬壽謁月林入室。次林問如何。是祖師西來意。師曰。老鼠咬破燈盞。林領之。歷住數刹。後移石霜。對月看經。偈曰。未動舌頭。文彩露五千餘卷。一時周若言待月重開卷。敢保驢年未徹頭。晚年築菴曰紫霞。丞相趙葵燕居里第。嘗延師論道理。宗寶祐乙卯八月二十三日。書偈曰。六十九年一場大夢。歸去來兮。珍重珍重。書畢泊然而逝。塔於紫霞。

興化府囊山孤峰德秀禪師。福州連江陳氏子。祝髮蘇之寒山上。堂舉僧問。雪峰如何。是第一句。峰良久。僧舉似長生。生曰。此是第二句。峰令僧問。生如何。是第一句。生曰。蒼天蒼天。師曰。二大老與麼提。撥淚出痛腸。若是第一句。要且未夢見。在忽有人問。怡山如何。是第一句。只向他道。劍去久矣。上堂。眞淨道頭陀石被莓苔裏。擲筆峰遭薛荔纏。羅漢寺裡一年度。

三箇行者歸宗寺裡參退喫茶。師曰。大眾要會麼。聽取一頌。天晴日頭出。雨落地下。淫盡情都說了。只恐信不及。

大鑑下第二十世

華藏淨禪師法嗣

福州府雪峰石翁玉禪師。禮雪峰塔偈曰。入閩早是四旬餘。象骨崖前縛屋居。誰道開平年代後。春曦煙雨幾犁鋤。

寧波府天童西江謀禪師。被敕住天童。歷四十年。貌枯瘁。泣衆孤峻。機語峭拔。音如洪鐘。理宗朝三被寵錫。其示衆曰。春日晴黃鸝鳴。最親切。誰解聽。癡絕主玉几時。嘗寄偈有。千丈飛流氣象新。巖前一吼盡無塵之句。將入滅。顧侍僧曰。一笑翻身。日面月面。遂闔筆而逝。

徑山玉禪師法嗣

杭州府中竺空巖有禪師。室中嘗垂語曰。黃金鑄就鐵真人。東海湧骨頌曰。錦衣公子醉田家。熟睡柴牀日未斜。熱渴呼漿無所得。便將玉帶換甌茶。

杭州府淨慈千瀨善慶禪師嚴陵彭氏子。卯歲而孤。萍蹤無寄。就舅氏業。儒往見。懷楚楚。知爲法器。問能出家否。師曰。固本願耳。楚遂度之。爰具戒品。律身甚嚴。徧歷諸方。無所證後。聞荆叟主淨慈。遂往親依。一日。聞舉洞山麻三斤話。忽悟深旨。出世宜與保安。次遷嘉禾天寧。後陞淨慈。嘗著扶宗顯正論。仁宗覽而嘉之。賜金襴袈裟。徽號慧光普照文明通辯及謝事。築室曰歸休。宴息其間。泊如也。元至元戊寅八月三日。化去。壽七十九。

靈隱泉禪師法嗣

金華府寶林無機禪師上堂。舉妙喜頌。圓覺居一切時不起妄念。於諸妄心亦不息滅。住妄想境不加了知。於無了知不辨眞實。曰。荷葉團團。團團似鏡。菱角尖尖。尖似錐。風吹柳絮毛毬。走雨打梨華。蠅蝶飛。師曰。妙喜可謂桃花李花。總成一家。雙林則不然。客舍并州。已十霜。歸心日夜憶咸陽。無端更度桑乾水。却望并州是故鄉。上堂。蘆花對蓼紅。木落山露骨。彷彿揚州依希越。國拈拄杖卓一下。曰。爲君卓破精靈窟。

無位真人赤骨律

黃龍開禪師法嗣

杭州府護國吳菴宗禪師上堂。舉豐干謂寒山拾得曰。你與我去遊五臺。便是我同流。寒山曰。你去遊五臺作麼。干曰。禮拜文殊山。曰。你不是我同流。師曰。豐干開口不在舌頭上。寒山同坑無異土。檢點將來。兩箇駝子。斯撞著世上由來無直人。上堂。舉岳林振示衆。布袋口開。還有買底麼。僧曰。有。林曰。不作賤不作貴。你作麼。生買。僧無語。林曰。老僧失利。師曰。岳林設箇問端也。甚奇特。及至被人道箇有字。直得東遮西掩。囊藏不迭。護國今日布袋口開。還有買底麼。良久曰。闌干雖共倚。山色不同觀。杭州府慧雲無傳祖禪師上堂。佛佛廣說大智。莫能知。祖祖相傳。凡情距能測。先天後地。成壞長存。入死出生。去來不變。於斯薦得。已涉支離。其或未然。山僧更爲下箇註脚。以拂子擊禪牀。曰。啼得血流無用處。不如緘口過殘春。温州府華藏瞎驢無見禪師。學與化打克賓話。頌曰。

興化打克賓言親語亦親。棒頭如雨點敲出玉麒麟。杭州府放牛余居士淳祐間參無門。凡有問門。皆劈面截住。曰：「是不是？」及見臭菴。曰：「吾師何所見？」敢對人天顛倒。是非耶菴。曰：「我在無門處。無法可得。無道可傳。只得兩箇字。」士曰：「是甚兩字？」菴曰：「不是。不是。士大悟。始知無門爲人處。嘗設是非。關以見所得。其言曰：「直指人心。見性成佛。回光返照。迴絕遮攔。纔擬思量。白雲萬里。逢人品藻。遇物雌黃。重古輕今。貴耳賤目。任伊卜度。沉吟未夢。見是非關。在作麼生透。且看如何是第一義。對答不得。打折齒却。逗神通暗渡江。有分奔波不近貴。將心來與你安。大痛無聲徹骨寒。摘葉尋枝非好手。西天依舊黑漫漫。有佛處不得住。燕子銜將春色去。杜宇鳴時雪滿天。落紅萬點相思雨。無佛處急走過。覺皇寶殿不肯坐。修行六載出山來。方信斧頭是鐵做。安吉州沈道婆問是非關。有幾句。士曰：「有四句。婆曰：「四句作麼生？」學士曰：「第一句。有是有。非則不可。第二句。無是無。非又不可。第三句。是是非非也。不可。第四句。非是是非亦不可。若離得。」

此四句始見本地風光。曰：「我離得否？」士曰：「汝離不得。」曰：「人人有分我。何離不得？」士曰：「嫁雞逐雞飛。嫁狗逐狗走。曰：「如何是本地風光？」士曰：「月子彎彎照幾洲。幾人歡喜幾人愁。曰：「不問者箇風光。」士曰：「問那箇風光。」曰：「無男女相底。」士曰：「既無男女相。問甚是非？」曰：「別有向上事也。」無士曰：「有曰：「如何是向上事？」士曰：「馬蝗丁住鷺鷥脚。你上天時我上天。」

囊山秀禪師法嗣

福州府鼓山皖山正凝禪師舒州太湖李氏子。年十七。二親俱喪。投黃州雙泉道瑛剃落。旋受具于鄂渚。開元首參三祖。環菴。璉次參鍾山癡絕。沖長蘆南山。哲皆不契。後參雙塔。無明性明。問達磨九年面壁意旨。如何。師曰：「有理難伸。明劈胸一拳。師忽有省。乃曰：「我生平用底。遭者老漢一拳。瓦解冰消了也。入閩禮孤峰。峰舉狗子無佛性話。師不能答。踰半載。乃得臻闡奧。呈頌曰：「趙州道無箭。不虛發。築著。碯著。全活全殺。峰曰：「你也得。只是未在一日。峰舉德山見龍潭話。問那裡是德山親到處。師以手掩峰口。曰：「潭不見龍。」

不現全身已在空王殿。夢回忽聽曉鶯啼。春風落盡
桃華片。峰曰。汝今日方知泗洲大聖不在揚州出現。
遂俾侍香。泊峰遷西禪。囊山師皆隨侍。峰歸寂。往登
石鼓。次依雪峰。雙林果居板首。寶祐丁巳。出世福州
釣臺。遷萬歲久之。太傅賈平章請住鼓山。上堂入
院。方三日。追陪人事忙。燈籠與露柱密密細商量。且
道商量箇甚麼。拍禪牀曰。昨夜碧天風浪靜。一輪明
月映螺江。上堂六月旦。夏已中。荷華開水面。荔子
映山紅。無位真人處處相逢。擬議雲山千萬重。鼓
山入院。上堂拈拄杖曰。颺下住山鉏斧。拈起國師聖
箭卓一卓曰。一簇破三關。機鋒如掣電。左右逢原全
機殺活。直得大頂峰小頂峰。望空斫額。白雲亭湧泉
亭笑裡點頭。正與麼時。且道功歸何所。靠拄杖曰。雕
弓已挂狼煙息。萬國來朝賀太平。示衆。萬機不到
千聖攢眉。正令當行。阿誰敢擬。便怎麼會已落第二
義諦。大似望梅林止渴。有甚快意。處禪僧家將黑豆
子。換人眼睛。把斷貫索。穿人鼻孔。未爲分外。且道禪
僧見箇甚麼道理。卓拄杖曰。選佛若無如是眼。宗風

那得到于今。舉雪峰示衆曰。此事不從唇吻得不
從黃卷上得不從諸方老宿得。合從甚麼處得也。須
子細話。頌曰。一滴眞珠紅潑醅。殷勤相勸兩三回。到
頭欲盡東君意。吞却臨行上馬杯。將終集兩序示
遺誠。索筆書偈曰。八十四年一夢相似。夢破還空也
無些事。端坐而逝。

金華府雙林一衲介禪師題傳大士像曰。非儒非道
亦非禪。杜撰修行。忒可憐。擔閣一身三不了。至今八
百有餘年。

海西海禪師法嗣

順天府大慶壽寺中和璋禪師室中示徒。或握木劍
或執錦蛇。因海雲簡參問某甲不來而來作麼生相
見。師曰。參須實參。悟須實悟。莫打野樵。曰。因擊火迸
散。乃知眉橫鼻直。師曰。吾此處別曰如何。表信。師曰。
吾牙是一口骨耳。乃兩片皮。曰。將謂別有師。曰。錯簡
喝曰。草賊大敗。師便休次。曰。師舉臨濟兩堂首座齊
下喝。至賓主歷然。話問曰。與麼說話。汝作麼生會。簡
曰。打破秦時鏡。磨尖上古錐。龍飛霄漢外。何必更鍼。

雖師曰汝只得其機不得其用簡便掀倒禪牀師曰
途路之樂終未到家簡與一掌曰精靈千載野狐窟
看破如今不直錢師打一拂曰汝只得其用不得其
體簡進前曰青山聳寒色月照一溪春師曰汝只得
其體不得其智簡曰流水自東西落華無向背師曰
汝雖善語言三昧要且沒交涉簡豎拳拍一拍直得
丈室震動師曰如是如是簡拂袖使出
葛廬覃禪師舉僧問石溪如何是佛溪曰矮子看戲
話頌曰巍巍丈六紫金容百戲場中有變通矮子看
來眉卓豎鐵錘無孔舞春風

續燈正統卷之七

續燈正統卷八

南海普陀嗣祖沙門西蜀 性統 編集

臨濟宗

大鑑下第二十一世

中竺有禪師法嗣

嘉興府石門真覺元翁信禪師真覺開山上堂向上
一機末後一訣佛祖不傳千聖結舌者裡莫有轉身
吐氣者麼出來通箇消息僧問鋤斧開山從古有師
今新啓石門關借路經過不妨一問師曰把將公驗
來曰如何是關中主師曰鑊鐙橫在手專慣斬癡頭
僧擬議師便喝僧禮拜師曰癡頑漢乃曰滿目溪山
絕點埃無邊剎海自周圍毗盧樓閣重重現誰觀門
門有善財卓拄杖曰石門關啓真覺場開一任南來
與北來 小參建法幢立宗旨明明佛敕曹溪是大
衆建法幢則固然如何是立的宗旨莫是三轉五轉
豎拳下喝麼莫是默然據座拂袖便行麼莫是語言
文字確古論今麼莫是灰頭土面長坐不臥麼切須
仔細若是正眼不明盡墮偏邪執滯所以道醍醐上

味爲世所珍。遇斯等人。翻成毒藥。我祖師門下。盡十方世界。是箇無縫鐵壁。達磨不識。盡十方世界。是箇無孔鐵鎚。迦葉不知。無汝擬議處。無汝承當處。旋天轉地。換斗移星。雙放雙收。透頂透底。還會麼。龍袖拂開全體現象。王行處絕狐蹤。僧問。畢竟如何。是立的宗旨。師曰。少間向你道。

風旛中禪師法嗣

呂鐵船居士。母秦國夫人。夢公安二聖。住持福嚴。佑至舍而生。弱冠時。便參空山。一日。山問。曾見趙州麼。士厲聲曰。無山。休去。每稱於人曰。某再來人也。士嘗任江淮都總管。乃於蘇之嘉定。建永壽寺。以延雲水。其廣和永明山居詩及他偈言。皆超倫邁俗。達磨忌拈香曰。西來不稱梁王旨。西去空携一隻履。若言妙用與神通。眞正衲僧誰數你。九年面壁尋出場。接得一人又無臂。衣盂連累到盧能。從此葛藤生不已。罪過有彌天。源流無滴水。今朝七百八十六年。逢忌辰。那箇兒孫。不痛徹骨髓。一爐香篆。一甌茶報恩。却是孤恩底。欲把拳頭舉。似伊憐渠已沒當門齒。

華藏見禪師法嗣

蘇州府陽山金芝嶺鐵葉念禪師。示衆靈山付囑。天下葛藤。椿少室單傳。諸方是非窟。安心懺罪。破漆桶。又要重光。付法傳衣。滯行貨徒。勞索價。爲仰。團圓無縫罅。壁立絕中邊。臨濟棒頭。開正眼。拳下。示生涯。曹洞錦帳。繡鴛鴦。行人難得見。雲門三句。可辨一鏃。遼空法眼。大地山河。俱爲妙用。看來世界。清平何用。強生節目。金芝今日。爲諸人斷者。公案去也。看看以拄杖畫一畫曰。四海浪平。龍睡穩。九天雲淨。鶴飛高。舉三聖道。我逢人則出。出則不爲人。與化道。我逢人則不出。出則便爲人。話頭曰。誰謂家風。分兩邊。一條拄杖。兩人牽。休觀千嶂。凌雲勢。好看銀河。落九天。舉舍利弗入城。月上女出城。話頭曰。出城入廓。兩相逢。來去誰云。路不同。回首涅槃臺上。望九州四海一家風。

直翁圓禪師法嗣

廬州府無爲州天寧無能教禪師。門懸一牌云。謹防惡犬。竺源參纔跨門。便曰。老和尚。爲我趕狗。師便入。

去關却門。智首座出迎同坐。少時方丈會茶。智起白曰。此上人得得來見和尚。師曰。已相見了也。既而師訶蒙山不合引兄弟禮懺。施食源曰。實際理地。不受一塵。佛事門中。不捨一法師。曰。不然。我宗門中。合提何事。如何是佛。麻三斤。如何是佛。乾屎橛。當提此事始得。源曰。蒙山和尚嘗問學者。道栽松道者。不具二緣而生。達磨大師。豎耳却携隻履西歸。爲復是神通妙用。爲復是法。爾。然。如此提唱。和尚以爲何。如師曰。汝莫作禪會去麼。源當下如夢忽醒。

金牛真禪師法嗣

安慶府太湖普明無用寬禪師。結夏上堂。諸方結制。有甚巴鼻。太湖梁山冷水冰地。二百箇鐵額銅頭。無用分作兩處。提起放下。吞聲飲氣。擬議之間。頂門著地。卓拄杖曰。何似晴空轟霹靂。下座。佛成道日上堂。六年雪山錯。忽觀明星錯。走下山來錯。錯錯假使九州之鐵也。難鑄此一錯。更說甚麼大地含靈同成正覺。中峰至上堂。明明百草頭。明明祖師意。天目山古佛。輝天并鑒地。虎蛟大蟲蛇吞鼈。鼻擲拄杖曰。

直下來也。急著眼觀大衆懷香拜。請幻住大和尚慈悲開示。便下座。

鼓山凝禪師法嗣

松江府澱山蒙山德異禪師。高安盧氏子。初參承天孤蟾瑩瑩。命看趙州無字話。一日蟾問亡僧遷化。向甚麼處。師罔措。排發參究。因首座入堂。墜香盒作聲。豁然有省。述偈曰。沒興路途窮。踏翻波是水。超羣老趙州。面目只如此。尋謁雪巖退耕盧。舟諸老舟問。不是心。不是佛。不是物。是甚麼。師曰。所供並是語實。又問。南泉斬猫。意旨如何。師曰。剖腹傾心。舟曰。趙州戴草鞋出去。又作麼。生。師曰。手脚俱露。一日室中。舟問雪覆千山。爲甚麼孤峰不白。師曰。別是一乾坤。舟大稱賞。勸謁皖山。山問。光明寂照。徧河沙。豈不是張拙秀才。語。師擬答。山震威一喝。師當下釋然。一日。山舉宋太宗問僧。甚處來。僧曰。廬山。臥雲。太宗曰。朕聞臥雲深處不朝天。因甚。到者。裡話問。師曰。邦有道則見。山深肯之。承天覺菴處。以第一座。後隱居蓮湖橋。休休菴。出世澱山。僧問。寶壽開堂。三聖推出一僧意。

旨如何。師曰：兩彩一賽。曰：寶壽便打。又作麼生。師曰：爲人須爲徹。曰：三聖道。恁麼爲人。非但瞎却者。僧眼瞎却。鎮州一城人眼去。在是肯他。不肯他。師曰：兜率陀天。一晝夜。人間四百年。上堂。昨日十四。今日十五。靈利衲僧。吞却佛祖。從教謝三郎。月下自搖膀。阿呵。莫莽鹵。甜瓜徹蒂。甜苦瓠連根。苦。示衆。蘇州有常州。有八角磨盤空裡走。走日面佛。月面佛。觀面和盤都托出。便與麼掀倒。禪牀拂袖散去。法門幸甚。或有猶豫之者。只得把手牽汝歸家。聞聲悟道。見色明心。豎拂子曰：見麼。見底是色。那箇是心。喝一喝。曰：聞麼。聞底是聲。那箇是道。直下正眼豁開。方得入門。猶是脫白沙彌。要與衲僧齊驅並駕。更須進竿頭一步。

慶壽璋禪師法嗣

順天府大慶壽海雲印簡禪師。山西嵐谷寧遠宋氏子。生而神悟。七歲。父授孝經。開宗明義章。師曰：開者何。宗明者何。義父異之。於是俾從中觀。召受業。年十一。稱且戒。十二。召聽參。問：一日侍沼行。沼曰：法燈道看他家事忙。且道承誰力。汝作麼生。會師將沼手一

擊。沼曰：者野狐精。師喏。沼曰：更須別參。始得十八元兵破寧遠。四衆逃散。師侍沼如故。沼察其誠。囑曰：子向去。朔莫有大因緣。吾將與子北渡。至赤城。元世祖至元庚辰五月。沼無疾而逝。師爲乞食造塔。一夕聞空中呼師名。師爲矍然。乃遷居三峰道院。一日復聞人告曰：大事將成。毋滯於此。黎明遂策杖之燕。過松鋪。值雨宿崖下。因擊火大悟。曰：今日始知眉橫鼻直。信道天下老和尚不寐。語明日至景州。見本無玄。玄問從何所來。師曰：雲收幽谷。玄曰：何處去。師曰：月照長松。玄曰：孟八郎漢便恁麼去也。師諾諾趨出。迨入燕謁慶壽。壽先夕夢異僧策杖徑趨方丈。踞座天明。師至。壽笑曰：此夜來所夢者。師問不來而來作麼生相見。壽曰：參須實參。悟須實悟。莫打野樵。師曰：某甲因擊火迸散。乃知眉橫鼻直。壽曰：吾此處別。師曰：如何表信。壽曰：牙是一口骨耳。是兩片皮。師曰：將謂別有壽。曰：錯。師喝曰：草賊大敗。壽休去。次日壽舉臨濟兩堂首座。齊下喝。僧問：還有賓主也。無濟曰：賓主歷然。汝作麼生。會師曰：打破秦時鏡。磨尖上古錐。龍

飛霄漢外何勞更下槌。壽曰：途路之樂終未到家師。曰：精靈千載野狐魅，看破如今不直錢。壽曰：如是如是。師拂袖便出，遂命掌記尋密付焉。壽謂師曰：吾有如來正法眼藏，密付於汝，毋令湮沒。師掩耳而出，及開法後，兩主慶壽自元太祖世祖皆以師道事之。有孔子之裔元措者，渡河謁師，請復曲阜廟祀。師爲言於忽都護曰：孔子以大中正之道三綱五常之禮正心誠意之本教人，自孔子至今襲封五十一代繼承祀事，未嘗有缺。忽都護遂奏命復襲封爵。年五十六，忽患風痺，仁宗延祐丁巳閏四月一日集衆說偈畢，泊然而逝。茶毗獲舍利無算，謚佛曰圓明大師。

大鑑下第二十二世

眞覺信禪師法嗣

建寧府天寶鐵關法樞禪師溫之平陽林氏子。年十七往常州華藏寺禮竺西坦，受業十九，得度二十，受具。初參中峰次謁及菴，皆不契。乃見元翁於石門，翁示以三不是話。於是力參三年，一日忽大悟，述偈曰：不是心，佛物移出虚空骨。金毛獅子兒，豈戀野狐窟。

喝一喝，咄咄咄。卽詣方丈，翁問作甚麼。師曰：南泉被我捉敗了也。翁曰：不是心，不是佛，不是物，是箇甚麼。師曰：牙齒一具，骨耳朶兩片，皮翁曰：不是，不是，別道將來。師曰：鶯啼燕語，鵲噪鴉鳴。翁曰：錯。師亦曰：錯。翁曰：南泉卽今在甚麼處。師便喝。翁曰：雖却者一喝，南泉畢竟在甚麼處。師拂袖便出。繇是徧謁諸方，首見虎谷陵於大仰。後謁海印，如於薦福。纔上方丈，印問誰師。曰：暫到相看。印曰：甚麼處來。師曰：江西。印曰：江西近日有甚麼事。師曰：集雲峰下，藤條被人拗折了也。印曰：莫亂統。師曰：不因亂統爭得到者。裡印曰：且道者裡事作麼。生師叉手進前曰：卽日恭惟堂頭和尚尊候起居。萬福。印曰：不涉泥水一句，又作麼。生師喝一喝。曰：風從虎，雲從龍。印曰：一喝不作一喝用，是何意旨。師曰：兩箇泥牛鬪入海，直至如今無消息。印曰：錯。師亦曰：錯。印喚侍者點茶來。師曰：不受者供養。印曰：不受者供養。受那箇供養。師曰：謝和尚盛情。印曰：曾見甚麼人來。師曰：不曾見人。印曰：既不曾見人，那裡得者箇消息。師曰：若見人，卽無者箇消息。於是

服勤爲淨頭印。嘗謂衆曰：永嘉樞侍者是煨了底金。嗣遊東林，參澤山咸，值咸開室爲衆舉竹篋，因緣聲未絕，師奪却竹篋，過左邊立曰：喚作甚麼？卽得咸曰：掠虎漢師以竹篋打一下，拗折而出。次日，咸復開室，師問泗州大聖，因甚在揚州出現？咸曰：南山起雲，北山下雨。師又捉住竹篋曰：南山起雲，北山下雨，意旨如何？咸喝一喝。師曰：者是鬼窟裡活計，畢竟意旨如何？咸曰：掠虎漢師以竹篋一送，曰：見說洛陽華似錦，拂袖便出，後歸石門省元翁，翁纔見，便曰：南泉向甚麼處去也？師曰：說甚南泉釋迦老子來也？翁曰：不是心，不是佛，不是物，是甚麼？師曰：劍去久矣。翁曰：趙州無訾，師曰：龍生金鳳子，衝破碧琉璃。翁曰：古人與麼道過的，你別道看。師喝一喝。翁曰：錯。師又喝。翁曰：錯。錯。師遂禮拜翁，乃曰：放汝三十棒。師於是潛衆十五年。延祐戊午，出世閩之天寶，帝師錫寺額，加號妙覺真空大師。後遷松溪普藏。上堂：當陽一句，截斷根源，把住放行，全機歷落，坐斷千聖，頂額鑿開，瞞僧眼睛，疾焰過風，奔流度刃，直得妙峰踴跳，慧海波騰，正

當恁麼時，且道開堂祝聖一句作麼生？道擊拂子曰：龍袖拂開全體現象，王行處絕孤蹤。小參：金剛正印，率土咸歸，佛祖鉗鎚，人天罔措，階梯不立，知解不存，德山棒通上徹，下臨濟喝絕後光，前一明一切明，一用一切用，大丈夫秉吹毛劍，懸肘後符，雙放雙收，全殺全活，拈拄杖曰：鷓鴣有九臯，纔翥翼，馬無千里謾追風。佛誕上堂：毗藍園降生八十種，隨好行作象王行，吼作獅子吼，拈拄杖曰：雲門大師來也。復卓一卓曰：阿爺阿爺。上堂：舉三聖問雪峰透網金鱗，以何爲食？峰曰：待汝出網來，卽向汝道。聖曰：千五百人善知識，話頭也不識。峰曰：老僧住持事繁，師曰：三聖大似毒龍，攪海白浪滔天，若不是雪峰慣入洪波，爭得驪珠在握？擊拂子下座。謝殿主上堂：如何是佛？殿裡底悉哩。蘇盧蘇盧悉哩。江國春風吹不起，鷓鴣啼在深華裡。擊拂子。舉臨濟無位真人，是甚麼乾屎橛？話頭曰：無位真人乾屎橛。臨濟未是白拈賊，千古長如白練飛，一條界破青山色。舉牛過窓樞，話頭曰：浪靜風恬，意轉殊滿天星斗，月輪孤時人休戀。

一泓水來上扁舟。泛五湖。舉香巖上樹。話頌曰。上樹未上樹。鐵蛇橫古路。觀面笑呵呵。苦瓠連根苦。居三載。謝歸天寶。以嗣法善。僑主寺事。至元庚辰八月。示微疾。作手書。邀諸所與遊者入山。如期畢。至求法施者。隨其所欲。了無倦色。正午沐浴。端坐書偈曰。本無來去。一句全提。紅霞穿碧落。白日遠須彌。擲筆而逝。壽六十三。臘四十五。全身塔於瑞雲院。

普明寬禪師法嗣

常州府宜興龍池一源永寧禪師。別號虛幻子。淮東通州朱氏子。世宦族。九歲師淵模於廣慧寺。寺故淮海肇說法處。前一夕。寺衆夢迎肇。次日師至。識者異之。十二歲。薙髮。尋受具戒。參中峰海於蘇之萬壽。入穹窿。謁克翁。紹紹傳掌藏。時年始十九。偕明極。泉於焦子山。習定五年。極曰。藏主所詣如此。宜亟往見人。於是至淮西太湖。謁無用。寬方入門。用厲聲叱之。師作禮。門外久之。乃許入。見問何處人。師曰。通州曰。淮海。近日盈虛若何。師曰。沃日滔天。不存涓滴。用便喝。出師退。徹夜不寐。一日聞用舉雲門須彌山話。聲未

絕。忽有省。急趨前。用便打曰。趙州無字作麼生。師遽曰。趙州狗子無佛性。萬象森羅。齊乞命。無底籃兒盛死蛇。多添少減。無虛剩用。嗒然繇是。執侍左右者三年。用始以斷崖義所贊。已像親署書授師曰。汝緣在南師。遂受命。南還時。虛谷陵元叟端巖翁慶幻住本。皆各據名山。師皆叩擊。無不脗合。延祐庚申。住廣德大洞洞左。有實相寺。馬祖弟子澄公道場。師爲起廢。時有宿禱。無一全者。遯跡石溪谿谿與洞相望。人謂廣德二甘露門云。至治癸亥。宜興龍池疏請師。師欣然赴之。命曰禹門。居久。復至絕巘。築室足不越限者三年。帝師降號弘教普濟禪師。泰定乙丑。遷九里寺。至順庚午。再遷李山。元統甲戌。主常之天寧萬壽。八年。復錫號本覺妙明眞淨。至正壬午。歸龍池。尋召入京。宣命龍光殿陞座說法。上悅。賜金襴法衣。加號佛心了悟。庚子。出領善權。洪武己酉。夏六月。示微疾。囑弟子裁紙製内外衣。且曰。吾將逝矣。索筆書偈曰。七十八年守拙明。一場敗闕泥牛海。底翻身。六月炎天飛雪。書畢吉祥而逝。先一月池水忽竭。及師順寂。噴

湧異常時。茶毗現五色光。牙齒舌輪皆不壞。設利無數。門人分餘骨。與不壞者。就龍池。太平齊山。紫雲麻蕪。五所建塔藏焉。世壽七十八。僧臘六十五。

天寧教禪師法嗣

杭州府妙果竺源水盛禪師。別號無住翁。饒州樂平范氏子。十七依羅山常出家。尋謁月庭於蔣山。時孤舟居第一座。諄諄誨師。不置。師每自奮且發願曰。吾此生不作佛。當入無間獄。過匡廬。止東林。一日夜半。不覺如出荆棘林。泊歸羅山。默舉公案。如鏡照鏡。師自以爲開悟。及掌藏鑰。東林閱妙喜語。有明心見性。非桑門事。則又復致疑。不能自釋。越五載。重會孤舟於蔣山。其後謁無能。始得脫盡玄妙。知解。回觀從前所悟。宛如一夢。能撫之曰。子後當大弘吾宗也。於是東遊至薦福分座。說法久之。居南巢。天曆己巳。出世西湖之妙果寺。示衆凡學道人。當洞明諸佛心宗。行解相應。歲久月深。具大無畏。如透水月華。萬浪千波。觸之不散。方始不被生死陰魔所惑。未幾復還南巢。至正丁亥。戒飭徒衆。且曰。世尊有言。我今背痛。將

入涅槃。吾其時矣。侍僧捧紙求偈。師揮叱曰。何以偈爲。端坐而逝。世壽七十三。僧臘五十三。

澗山異禪師法嗣

袁州府慈化鐵山瓊禪師。十八歲出家。首參雪巖。一日偶頭痛。欲煎藥。手提瓶子。遇覺亦鼻曰。你須是那吒太子。析骨還父。析肉還母。然後爲父母。說法始得。師有省。乃述偈曰。一莖草上現瓊樓。識破古今閒話。頭拈起。集雲峰頂。月人前拋作百花毬。無何巖示寂。往謁東巖。巖問。心不是佛。智不是道。上座作麼生會。師曰。抱賊叫屈。巖曰。不是心。不是佛。不是物。是甚麼。師曰。眉間迸出。遼天鵲。復謁蒙山。屢入室。呈解山。但曰。只是欠在一日。忽觸著欠字。身心豁然。徹骨徹髓。乃跳下禪牀。擒住山曰。我欠少箇甚麼。山打三掌。師禮拜。山然之。次典首座。冬節秉拂曰。冬至月頭。賣被買牛。冬至月尾。賣牛買被。卓拄杖曰。者裡無尾。無頭。中道齊休。行也休。休坐也休。休住也休。休臥也休。休睡也。豁開五雲現。瑞光風霽。月無處不遇。梅綻枯枝。古渡頭。風前時復暗。香浮雖然。向上一路。萬里崖。

州何以見得。靠拄杖曰。休休。後示寂。塔於觀音閣後。
 □□府□□孤舟濟禪師。時月庭忠居蔣山。師爲第一座。竺源至首座寮。師問曰。蒙山嘗言。栽松道者。不具二緣而生。達磨墜熊耳。後隻履西歸。爲復是神通妙用。是法爾。如然子作麼。生會源曰。形神俱妙。師叱曰。不然。子他日當自知之源。後以師語請益。無能始釋然大悟。

大鑑下第二十三世

大慈成禪師法嗣

衢州府烏石傑峰世愚禪師。郡之西安余氏子。弱冠投蘭谿顯教寺。薙染受具。足戒。謁古崖石門。斷崖中峰諸大老。佩受法訓。棲止南屏。三年不踰戶限。時止嚴倡道。大慈師往謁。嚴舉南泉不是心。不是佛。不是物。是甚麼。師茫然。於是仍返南屏。一夕聞鄰僧誦證道歌。至不除妄想。不求真處。豁然如釋重負。乃曰。佛法元在目前。人自遠之耳。卽述偈曰。時時覩面不相逢。氣力孃生幾喫窮。夜半忽然忘月指。虛空迸出一輪紅。走見止嚴。嚴纔見。便喝曰。何處見神見鬼。來師

曰。今日捉了賊也。嚴曰。賊在何處。師便喝。嚴曰。開口合口。都不是。向上道將來。師曰。徧界明明。不覆藏。嚴拈竹筴。師便掀倒。禪牀嚴曰。敢來者。裡捋虎鬚。連打三下。因命爲侍者。至順辛未。出世里之烏石。一十六載。遷廣德石谿。開堂曰。僧問。遠離烏石嶺來。赴石谿。山開示人天路。如何透祖關。師曰。龍生金鳳子。衝破碧瑠瑠。曰。與麼則覩面不相識。千里可同風。師曰。重疊關山路。曰。達磨西來。不立文字。直指人心。見性成佛。既然不立文字。何得流傳至今。師曰。官不容鍼。私通車馬。曰。直指人心。指那箇心。師曰。開口不在舌頭上。曰。見性成佛。性在甚麼處。師曰。太湖三萬六千頃。夜夜波心。月色明。曰。記得傳大士道。空手把鋤頭。步行騎水牛。人從橋上過。橋流水不流。此意如何。師曰。切忌當面蹉過。曰。與麼則有意氣。時添意氣。不風流。處也。風流。師曰。毫釐有差。天地懸隔。曰。此事且止。經中道。大富長者。卽是如來。爲復是累劫中來。爲復是今生契證。師曰。淵深華落。遠山高樹影長。曰。今日直心居士。營建石谿道場。請和尚住。是同是別。師曰。

師子吼時芳草綠。象王行處百花紅。曰既然如是。得何果報。師曰。生生歸佛地。世世樂人天。上堂。大道無形離名絕。相不勞修證。豈涉言詮。一千七百祖師。關仔細看來。只者是依他作解。障自悟門。若欲掃去。葛藤截斷。露布直須向黃面老子。方欲拈花之際。金色頭陀未曾微笑之時。便與掀倒禪牀。喝散大衆。免使後代兒孫。做盡許多伎倆。山僧今日。更不指東畫西。直截與諸人通箇消息。良久曰。天高羣象正海濶。百川朝。洪武庚戌十二月。示微疾。書偈曰。生本不生滅。本不滅。撒手便行。一天明月擲筆而逝。全身藏烏石慈雲塔院。壽七十臘五十。

天寶樞禪師法嗣

杭州府淨慈逆川智順禪師。溫之瑞安陳氏子。母奉智者大師像甚謹。一夕夢僧頂有圓光。遡江流而上。曰。我當爲汝子。寤而有娠。師生而美質。宿成年七歲。從仲父沙門慧光。于崇興。及長。受具。徧歷義海。忽棄去。入閩。參天寶鐵關求依。住關叱曰。丈夫漢。不于大叢林相頡頏。乃思局此耶。抽身便入。師下旦過悲泣。

關聞乃命參堂。師由是壁立萬仞。晝夜不辨踰月。因如廁。觀園中瓠瓜觸發。頓覺大地平沉。走見關。關曰。此纔入門耳。向上一著。千里萬里。又踰半載。一日。忽厲聲告關曰。南泉敗關。今已見矣。關曰。不是心。不是佛。不是物。是甚麼。師曰。地上輒鋪屋上瓦。覆關曰。南泉卽今在甚麼處。師曰。鷄子過新羅。關曰。錯。師亦曰。錯。關曰。錯。錯。師禮拜而退。俾典藏鑰。尋命分座說法。關趨寂。師繼領院事。未幾棄去。渡江入淮。禮諸祖塔。由建業回浙。旋返永嘉。開報恩於瑞安。遷主江心。復開歸原於平陽。朝廷賜院額及金襴袈裟。號佛性圓辨禪師。平章燕只不華鎮閩。請住東禪。雪峰洪武初。詔徵有道高僧十人於鍾山。建會師。應詔命陞座。說法上幸。臨慰勞備至。南還。陞主淨慈。六年復召入京。俄示微疾。沐浴說偈坐逝。

縉雲眞禪師法嗣

太原府五臺山靈鷲碧峰寶金禪師。乾州永壽石氏子。爲邑名胄。父母崇善。有桑門授以觀音像。未幾生。師誕時。白光盈室。甫六歲。卽命出家。薙染後。徧歷講。

肆忽嘆爲非遂更衣謁如海眞于縉雲晝夜精勤偶携篲擯蔬忽凝坐不動歷三時方寤眞曰入定耶師曰然眞曰何所見師曰有所悟眞曰悟處如何師舉篲示之眞曰不是師置篲於地拱手而立眞又曰不是師便喝眞攔胸擒住曰道道師捏拳便築眞曰未在此塵勞暫息耳必使心路絕祖關透然後大法始明師由是脇不沾席者三年一日聞伐木聲汗下如雨乃曰古人道大悟一十八遍小悟無數豈欺我哉未生前事今日方知亟見眞眞不諾師掀倒禪牀而出翌日復見眞眞于地上畫一圓相師以袖拂去眞復畫一圓相師于圓相中畫一畫又拂去眞再畫一圓相師于圓相中畫十字又拂去眞復畫如前師于十字隅作卍字又拂去眞大笑曰參學悟者世豈無之能明大機用寧復幾人遂授記蒞命往朔方道當大行先是師嘗於定中見一山秀麗重樓傑閣金碧絢爛諸菩薩行道其中有招師者曰此祕魔巖也爾修道其中何遽忘之後師遊臺山道逢蓬首女子身被五彩弊衣赤足徐行一黑獒隨後師問何之答曰

入山師曰入山何爲答曰一切不爲言訖而沒叩同行者皆不見知爲文殊化身也師因就山建靈鷲菴以待方來僧俗聞風趨赴嘗至萬指至正戊子冬召入內廷值大雪夜有紅光自師室中直透霄漢上驚嘆賜金欄伽黎明年禱雨輒應敕賜寂照圓明大禪師號詔住海印寺洪武初詔師至京住天界問法稱旨辛亥設普濟會於鍾山命師蒞其事賜伊蒲饌上親幸臨御翰賜詩壬子六月沐浴更衣集衆言別弟子請偈師曰三藏十二部尙爲故紙吾言何爲端坐遂瞑目世壽六十五僧臘五十九荼毗舍利成五色齒牙皆不壞

慈化瓊禪師法嗣

汝州香嚴無聞思聰禪師香山人初參獨峰令看不是心不是佛不是物話同雲峰月山等六人立盟互相究竟次見淮西無能教教示無字話令參一日晤同參敬上座敬問你六七年來有甚見處師曰每日只是目前無一物敬曰你者一絡索從甚處來師罔然乃問畢竟明此大事應作麼生敬曰不見道要知

端的意北斗而南看說了便去師被一撈直得不知
行坐者七日偶到淨頭寮疑情不解食頃乃覺胸次
輕清目前人物一切不見直是通身汗流遂見敬敬
舉扇曰速道速道師遽曰舉起分明也妙哉清風匝
匝透人懷箇中消息無多子直得通身歡喜來自此
下語作頌都無滯礙及至向上一路又不得灑落乃
入香嚴山過夏復謁無方普普問萬法歸一一歸何
處師曰鼻豎眼橫普曰者是學得底師曰鷄寒上樹
鴨寒下水普曰不問者箇如何是你父母未生前面
目師豎起拳曰看普曰好與三十拄杖師拂袖便出
適值鐵山從高巖回至石霜師往見山問仙府何處
師曰汝州山曰風穴面目如何師將二十年工夫通
說一遍山把定咽喉問如何是無字師曰近從潭州
來不得湖北信山曰未更道師曰和尚幾時離高
麗山曰未更道師喝一喝拂袖便出山曰者兄弟
都好只一件大病道我發明了師聞而感激復入光
州山中十七年方得穎脫嘗示衆曰法無定相遇緣
卽宗秉金剛劍吞栗棘蓬截斷袈僧舌頭坐却毗盧

頂額拈一莖草作丈六金身將丈六金身作一莖草
直教寸絲不挂月冷秋空寒灰發燄到者裡喚作佛
法入地獄如箭射不喚作佛法入地獄如箭射諸仁
者畢竟作麼生會不見船子道藏身處沒蹤跡沒蹤
跡處莫藏身雖然恁麼正眼觀來盡是閒家具衲僧
分上料掉沒交涉

常州府宜興玉峰寂照無極導禪師吳興趙氏子生
時白光盈室者三夕值元兵下江南母計氏爲游兵
俘去師長以求母持大士名至切徧尋十餘年得之
河間於是偕禮普陀從鐵山瓊落髮次謁及菴信于
道場無隱元于淨慈因汎湖聞漁歌脫然有省呈元
元曰此間無你棲泊處師拂衣去尋築菴弁山之陽
母終葬畢一夕空中有白衣人語曰緣在宜興於是
得玉峰山建寂照禪院邑人翕然宗之至順壬申正
月六日無疾趺坐而逝世壽六十五僧臘三十闍維
舍利無數分塔於寂照中隱二處中隱在邑之東北
亦師所創也

大鑑下第二十四世

烏石愚禪師法嗣

江寧府靈谷非幻無涯道永禪師。衡之西安浮石吳氏子。父夢明果至門誕之。投烏石傑峰出家。峰問何處來。師應聲曰。虛空無向。背峰指鐘示師。師信口成頌曰。百鍊爐中滾出來。虛空元不惹塵埃。如今挂在人頭上。觸著洪音偏九垓。時年始十二峰。大奇之。旋爲祝髮。居下版。服勤積久。疑滯盡釋。得無礙辯峰爲印可。永樂間。敕住靈谷。會朝廷建大齋。有禮官董事甚嚴。師若不經意者。左右怪問之。師曰。自家有一大事。甚緊。無暇他及。沐浴更衣。趺坐書偈曰。生死悠悠絕世緣。蒙恩永樂太平年。者回撒手歸空去。雪霽雲消月正圓。投筆而逝。上聞遣中官致祭茶毗。舍利徧布七衆。歎未曾有。

温州府護龍太初啓原禪師。日本國源氏子。父官方宰九歲。送入建長寺出家。十八請旨南詢。歷三年抵福州。時吳元之丙午二月進京。貢上引師。見上。上喜。敕見季潭。渤渤指令徧參。後謁傑峰。一日峰上堂曰。雪覆千山。因甚麼孤峰不白。師出衆曰。雷聲隱隱雨。

點全無峰曰。草菴上蓋瑠璃瓦。石室中藏瑪瑙瓶。師曰。大蟲騎却南山虎。峰曰。虎生七子。阿那箇無尾巴。師曰。第七箇峰曰。且放汝三十棒。由是許入室。後辭結茅廬。阜復移石。龍出世。廣度遷羅陽三峰。再遷護龍。嘗垂三關語。一曰。舜若多神。因甚麼向平地上。挖泥帶水。二曰。金翅鳥王。劈海取龍。吞因甚麼被泥鰍吞却。三曰。三世諸佛。說不得。因甚麼狸奴白牯。念摩訶永樂丁亥三月朔。集衆說偈曰。生也鐵面皮。死也鐵面皮。一擊百雜碎。白日繞須彌。遂坐逝。塔於南院。

續燈正統卷之八

續燈正統卷九

南海普陀嗣祖沙門西蜀 性統 編集

臨濟宗

大鑑下第十七世

徑山杲禪師法嗣

泉州府教忠晦菴彌光禪師閩之李氏子。兒時寡言。笑聞梵唄則喜。十五依幽巖慧圓頂。猶喜閱羣書。一日棄之出嶺。謁圓悟於雲居。次參黃檗。祥高菴悟。皆有契以淮楚盜起。歸謁佛心會大慧。寓廣因。往從之。慧曰。汝在佛心處所得者。試舉一二。看師舉佛心上堂拈普化公案曰。佛心卽不然。總不恁麼來時如何。劈脊便打。從教徧界分身。慧曰。汝意如何。師曰。某不肯他。後頭下箇註脚。慧曰。此正是以病爲法師。毅然無信可意。慧曰。汝但揣摩。看師竟以爲不然。經句因記海印信拈曰。雷聲浩大雨點全無。始無滯。趨告慧。慧以舉道者見琅琊并玄沙未徹語。詰之。師對曰。慧笑曰。雖進得一步。祇是不著所在。如人斫樹根下一刀。則命根斷矣。汝向枝上斫。其能斷命根乎。今諸方

浩浩說禪者多。皆如此。何益於事。其楊岐正傳三四人而已。師愠而去。翌日慧問汝還疑否。師曰。無可疑者。慧曰。祇如古人相見未開口時。已知虛實。或聞其語便識淺深。此理如何。師悚然汗下。莫知所詣。慧令究有句無句話。一日慧過雲門菴。師侍行問曰。某到者裡不能得徹。病在甚處。慧曰。汝病最癖。世醫拱手何也。別人死了活不得。汝今活了未肯死。要到大安樂田地。須是大死一回。始得。師疑情愈深。後入室慧問喫粥了也。洗盃盂了也。去却藥忌道。將一句來。師曰。裂破慧震威喝曰。你又說禪也。師卽大悟。慧擲鼓告衆曰。龜毛拈得笑哈哈。一擊萬重關鎖開。慶快平生。在今日孰云千里賺吾來。師亦以頌呈之曰。一拶當機怒雷吼。驚起須彌藏北斗。洪波浩渺浪滔天。拈得鼻孔失却口。住後上堂有句無句。如藤倚樹。放憨作麼。及乎樹倒藤枯。句歸何處。情知汝等諸人。卒討頭鼻不著爲甚。如此祇爲分明極。翻令所得遲。上堂夢幻空華。何勞把握。捉得失是非。一時放却。擲拂子曰。山僧今日已是放下了也。汝等諸人又作麼生。

復曰侍者收取拂子。僧問文殊爲甚麼出女子定不得。師曰山僧今日困曰罔明爲甚麼却出得。師曰令人疑著曰恁麼則擘開華嶽千峰秀放出黃河一派。清師曰一任下度。

九江府東林菴道顏禪師潼川鮮于氏子久參圓悟微有省泊悟還蜀囑依妙喜仍以書致喜曰顏川彩繪已畢但欠點眼耳他日嗣其後未可量也喜居雲門及洋嶼師皆侍焉朝夕質疑方大悟住後上堂一葉落天下秋一塵起大地收鳥窠吹布毛便有人悟去今時學者爲甚麼却不識自己良久曰莫錯怪人好。上堂欲識諸佛心但向衆生心行中識取欲識常住不凋性但向萬物遷變處會取還識得麼欲得不招無間業莫謗如來正法輪。上堂諸人知處良遂總知良遂知處諸人不知作麼生是良遂知處乃曰鸛鵲語鶴。上堂仲冬嚴寒三界無安富者快樂貧者饑寒不識玄旨錯認定盤何也牛頭安尾上北斗面南看。上堂一滴滴水一滴滴凍天寒人寒風動幡動雲門扇子踣跳上三十三天築著帝釋

鼻孔東海鯉魚打一棒雨似盆傾不出諸人十二時中尋嘗受用。上堂圓通門戶八字打開若是從門入得不堪共語須是入得無門之門方可坐登堂奧所以道過去諸如來斯門已成就現在諸菩薩今各入圓明未來修學人當依如是法從上諸聖幸有如此廣大門風奈之何不能繼紹甘自鄙棄穿窬牆壁好不丈夫敢問大衆無門之門作麼生入良久曰非唯觀世音我亦從中證。上堂元宵已過化主出門六羣比丘各從其類此衆無復枝葉純有眞實如是增上慢人退亦佳矣麒麟不爲瑞鸞鸞不爲榮麥秀兩岐禾登九穗總不消得但願官中無事林下棲禪水牯牛飽臥斜陽擔板漢清貧長樂粥足飯足俯仰隨時筋籠不亂攪匙老鼠不咬飯算山家活計淡薄長情不敬功德天誰嫌黑暗女有智主人二俱不受良久曰君子愛財取之以道。上堂去年寒食後今年寒食前日日是好日不是正中偏。上堂客舍久留連家鄉夕照邊簷懸三月雨水沒兩湖蓮錢漏燒燈盡柴生滿竈煙已忘南北念入望盡平川。上堂

栴檀林無雜樹鬱密深沉師子住所以栴檀叢林栴檀圍繞荊棘叢林荊棘圍繞一人爲主兩人爲伴成就萬億國土士農工商若夜叉若羅刹見行魔業優哉游哉聊以卒歲 僧問香嚴上樹話意旨如何師曰描不成畫不就曰李陵雖好手爭奈陷番何師曰甚麼處去來 問如何是佛師曰汝是元固僧近前曰喏喏師曰視無襜袴無口 問如何是佛師曰誌公和尚曰學人問佛何故答誌公和尚師曰誌公不是閒和尚曰如何是法師曰黃絹幼婦外孫壘白曰是甚麼章句師曰絕妙好辭曰如何是僧師曰釣魚船上謝三郎曰何不直說師曰玄沙和尚曰三寶已蒙師指示向上宗乘事若何師曰王喬詐仙得仙僧呵呵大笑師乃叩齒

福州府西禪懶菴鼎需禪師本郡林氏子幼舉進士有聲年二十五因讀遺教經忽曰幾爲儒冠誤欲去家母難之以親迎在期師乃絕之曰天桃紅杏一時分付春風翠竹黃花此去永爲道伴竟依保壽樂爲比丘一錫湖湘徧參名宿歸里結菴於羗峰絕頂不

下山者三年佛心才挽出首衆於大乘嘗問學者卽心卽佛因緣時妙喜菴洋嶼師之友彌光與師書曰菴主手段與諸方別可來少欸如何師不答光以計邀師飯師往赴之會妙喜入室舉僧問馬祖如何是佛祖云卽心是佛作麼生師下語妙喜詬之曰你見解如此敢妄爲人師耶鳴鼓普說許其平生珍重得力處排爲邪解師淚交頤不敢仰視默計曰我之所得旣爲所排西來不傳之旨豈止此耶遂執弟子禮一日喜問內不放出外不放入正恁麼時如何師擬開口喜拈竹筴劈脊連打三下師於此大悟厲聲曰和尚已多了也喜又打一下師禮拜喜笑曰今日方知吾不汝欺也遂印以偈曰頂門豎亞摩醯眼肘後斜懸奪命符瞎却眼卸却符趙州東壁挂蒲蘆於是聲動叢林 住後上堂句中意意中句須彌聳于巨川句刻意意刻句烈士發手狂矢任待如牙劍樹口似血盆徒逞詞鋒虛張意氣所以淨名杜口早涉繁詞摩竭揜關已揚家醜自餘瓦棺老漢巖頭大師向羗峰頂上拏風鼓浪翫弄神變脚跟下好與三十且

道過在甚麼處良久曰機關不是韓光作莫把胸襟當等閒。至節上堂二十五日已前羣陰消伏泥龍閉戶二十五日已後一陽來復鐵樹開花正當二十五日塵中醉客騎驢騎馬前街後街遞相慶賀物外閒人裊帳蒙頭圍爐打坐風蕭蕭雨蕭蕭冷秋秋誰管你張先生李道士胡達磨。上堂懶翁懶中懶最懶懶說禪亦不重自己亦不重先賢又誰管你地又誰管你天物外翛然無箇事日上三竿猶打眠。上堂舉僧問趙州如何是古人言州曰諦聽諦聽師曰諦聽即不無切忌喚鐘作甕。室中問僧萬法歸一一歸何處曰新羅國裡師曰我在青州作一領布衫重七斤。潛曰今日親見趙州師曰前頭見後頭見僧乃作斫額勢師曰上座甚麼人曰江西師曰因甚麼却來者裡裊敗缺僧擬議師便打出。

福州府東禪蒙菴思岳禪師江州人上堂牆壁瓦礫說一切法蛾羊蟻子現無邊身兒處既精明聞中必透脫所以雪峰凡見僧來輒出三箇木毬如弄襍劇相似玄沙便作斫牌勢卓末謾道將來普賢今日謗

古人千佛出世不通懺悔者裡有人謗普賢定入拔舌犁耕地獄且道不謗者是誰良久曰心不負人面無慚色。上堂達磨來時此土皆知梵語及乎去後西天悉會唐言若論直指人心見性成佛大似羚羊挂角獵犬尋蹤一意乖疎萬言無用可謂來時他笑我不知去後我笑他唐言梵語親分付自古齋僧怕夜茶。上堂臘月初歲云徂黃河凍已合深處有嘉魚活鱖鱖跳不脫又不能相煦以溼相濡以沫慚愧菩薩摩訶薩春風幾時來解此黃河凍令魚化作龍直透桃花浪會即便會擬人面前且莫說夢。上堂僧問如何是初日分以恒河沙等身布施師曰從苗辨地因語識人曰如何是中日分復以恒河沙等身布施師曰築著磕著曰如何是後日分亦以恒河沙等身布施師曰向下文長付在來日復曰一轉語如天普蓋似地普擎一轉語舌頭不出口一轉語且喜沒交涉要會麼慚愧世尊面亦不如語直大小岳上座口似磑盤今日爲者問話僧講經不覺和註脚一時說破便下座。上堂啞却我口直須要道塞却你

耳切忌蹉過。昨日有人從天台來。却道泗洲大聖在洪州打坐十字街頭賣行貨。是甚麼斷跟草鞋尖簷席帽。

福州府西禪此菴守淨禪師開堂拈香罷就座。白椎曰。法筵龍象衆當觀第一義師。隨聲便喝曰。此是第幾義。久參先德已辨來端。後學有疑不妨請問。僧問。阿難問迦葉世尊傳金襴外別傳何物。迦葉喚阿難。阿難應諾未審此意如何。師曰。切忌動著。曰。祇如迦葉道。倒却門前刹竿著。又作麼。生師曰。石牛橫古路。曰。祇如和尚於佛日處還有者箇消息也。無師曰。無者箇消息。曰。爭奈定光金地遙招手。智者江陵暗點頭。師曰。莫將庭際栢輕比。路傍蒿僧禮拜師。乃曰。定光金地遙招手。智者江陵暗點頭。已是白雲千萬里。那堪於此未知休。設或於此便休去。一場狼籍不少。還有檢點得出者麼。如無山僧今日失利。上堂談玄說妙撒屎撒尿行棒行喝將鹽止渴立主立賓。華肇宗乘設或總不恁麼。又是鬼窟裡坐到者裡。山僧已是打退鼓。且道諸人尋常心憤憤口排排合作麼。

生莫將閒學解埋沒祖師心。上堂若也單明自己。不悟目前。此人有眼無足。若也祇悟目前。不明自己。此人有足無眼。直得眼足相資。如車二輪。如鳥二翼。到西禪者裡正好勘過了打。上堂九夏炎炎大熱。木人汗流不輟。夜來一雨便涼。莫道山僧不說。以拂子擊禪牀下座。上堂若欲正提綱。直須大地荒欲來衝雪刃。未免露鋒銑。正當恁麼時。釋迦老子出頭不得。卽不問你。諸人祇如馬鏡裡藏身。又作麼。生話會。上堂道是常道。心是常心。汝等諸人。聞山僧恁麼道。便道我會也。大盡三十日。小盡二十九。頭上是天。脚下是地。耳裡聞聲。鼻裡出氣。忽若四大海水在汝頭上。毒蛇穿你眼睛。蝦蟆入你鼻孔。又作麼。生上堂文殊普賢談事理。臨濟德山行棒喝。東禪一覺到天明。偏愛風從涼處發。咄。上堂善鬪者不顧其首。善戰者必獲其功。其功既獲。坐致太平。太平既致。高枕無憂。罷拈三尺劍。休弄一張弓。歸馬于華山之陽。放牛於桃林之野。風以順而雨以時。漁父歌而樵人舞。雖然堯舜之君。猶有化在。爭似乾坤收不得堯。

舜不知名。渾家不管興亡事。偏愛和雲占洞庭。上堂閉却口。時時說。截却舌。無間歇。無間歇。最奇絕。眼中屑。既是奇絕。爲甚麼却成眼中屑了。了時無可了。立立處處亦須呵。上堂佛祖頂額上有潑天大路。未透生死關。如何敢進步。不進步大千沒遮護。一句絕言詮。那吒擎鐵柱。僧問。佛佛授手。佛祖相傳。未審傳箇甚麼。師曰。速禮三拜。問。不施寸刃。請師相見。師曰。逢強即弱。曰。何得埋兵掉鬪。師曰。祇爲闍黎寸刃不施。曰。未審向上還有事也。無。師曰。有。曰。如何是向上事。師曰。敗將不斬。問。古佛堂前。甚麼人先到。師曰。無眼村翁。曰。未審如何趣向。師曰。柳標橫擔。

建寧府開善道謙禪師。本郡游氏子。世業儒。早失恃怙。願出家。以報親恩。初之京師。依圓悟。無所省發。後隨妙喜泉南及喜頌徑山師。亦待行。未幾。令師往長沙。通張紫巖書。師自謂。我參禪二十年。無入頭處。更作此行。決定荒廢。意欲無行。友人宗元叱曰。不可。在路便參禪。不得也。去。吾與汝俱往。師不得已而行。在

路泣語元曰。我一生參禪。殊無得力處。今又途路奔波。如何得相應。去。元告之曰。你但將諸方參得底。悟得底。圓悟妙喜爲你說得底。都不要理。會途中可替底事。我盡替你。只有五件事替你不得。你須自家支當。師曰。五件者何事。元曰。著衣喫飯。屙屎放尿。駝箇死屍路上行。師於言下脫然不覺。手舞足蹈。元曰。你此回方可通書。宜前進。吾先歸矣。元即回徑山。師半載方返。妙喜一見便曰。建州子。你者回別也。住後上堂。竺土大仙心。東西密相付。如何是密付底。心良久。曰。八月秋何處熱。上堂。壁立千仞。三世諸佛。措足無門。是則是太殺不近人情。放一線道。十方利海。放光動地。是則是爭奈和泥合水。須知通一線道處。壁立千仞。壁立千仞。處處通一線道。橫拈倒用。正按傍提。雷激雷奔。崖頽石裂。是則是猶落化門。到者裡。壁立千仞也。沒交涉。通一線道也。沒交涉。不近人情。和泥合水。總沒交涉。只者沒交涉也。則沒交涉。是則是又無佛法道理。若也出得者。四路頭管取乾坤獨步。且獨步一句作麼。生道莫怪。從前多意氣。他家會踏

上頭關。上堂去年也有箇六月十五今年也有箇六月十五去年六月十五少却今年六月十五今年六月十五多却去年六月十五多處不用減少處不用添既不用添又不用減則多處多用少處少用乃喝一喝曰是多是少良久曰箇中消息子能有幾人知。上堂洞山麻三斤將去無星秤子上定過每一斤恰有一十六兩二百錢重更不少一毫正如趙州殿裡底一般祇不合被大愚鋸解秤鎚却教人理會不得如今若要理會得但問取雲門乾屎橛。上堂有句無句如藤倚樹撞倒燈籠打破露柱佛殿奔忙僧堂回顧子細看來是甚家具咄祇堪打老鼠。上堂諸人從僧堂裡恁麼上來少間從法堂頭恁麼下去豈不曾差了一步因甚麼却不會良久曰祇爲分明極翻令所得遲。

佛不是物畢竟是甚麼望和尚慈悲指示吉震威一喝曰者沙彌更要我與你下註脚在拈棒劈脊打出師於是有省後謁月菴果應菴華百丈震終不自肯適大慧頌育王師參焉慧問喚作竹筴則觸不喚作竹筴則背不得下語不得無語師擬對慧便棒師豁然大悟從前所得瓦解冰消。初住台之鴻福次徙光孝僧問浩浩塵中如何辨主師曰中峰頂上塔心尖。上堂臨濟三遭痛棒大愚言下知歸與化於大覺棒頭明得黃檗意旨若作棒會入地獄如箭射不作棒會入地獄如箭射衆中商量盡道赤心片片恩大難酬總是識情卜度未出陰界且如臨濟悟去是得黃檗力得大愚力若也見得許你頂門眼正肘後符靈其或未然鴻福更爲諸人通箇消息丈夫氣宇衝牛斗一踏鴻門兩扇開。上堂七手八脚三頭兩面耳聽不聞眼覷不見苦樂逆順打成一片且道是甚麼路逢死蛇莫打殺無底籃子盛將歸。上堂聞聲悟道落二落三見色明心錯七錯八生機一路猶在半途且道透金剛圈吞栗棘蓬底是甚麼人披蓑

側立千峰外。引水澆蔬五老前。淳熙丙申被旨住
靈隱。入對選德殿。孝宗問。朕心佛心是同是別。對曰。
直下無第二人。曰。若是則佛即是心。心即是佛。耶。對
曰。成一切性。卽心。離一切相。卽佛。又問。釋迦佛入山
修道六年。而成所成者何事。師曰。將謂陛下忘却上
悅。賜佛照禪師號。自是召見無時。嘗留內觀堂。五宿
而出。嘉泰癸亥三月十五。作遺書集衆敘別。大書云。
八十三年。彌天罪過。末後殷勤。盡情說破。泊然而逝。
僧臘六十。塔全身於鄮峰東菴。諡普慧宗覺大禪師。
塔曰圓鑑。

常州府華藏遜菴宗演禪師。福州鄭氏子。上堂。拈起
拄杖曰。識得者箇。一生參學事畢。古人恁麼道。華藏
則不然。識得者箇。更須買草鞋行。脚何也。到江吳地。
盡隔岸越山多。臘旦上堂。一九與二九相逢不出
手。世間出出。無剩亦無少。遂出手曰。華藏不惜性
命。爲諸人出手去也。劈面三拳攔腮。一掌靈利。衲僧
自知痛痒。且轉身一句。作麼生道。巡堂喫茶去。上
堂。南泉道我十八上。便解作活計。趙州道我十八上。

便解破家散宅。南泉趙州也是徐六擔板。祇見一邊
華藏也。無活計可作。亦無家宅可破。逢人突出。龜拳
要伊直下。便到且道。到後如何。三十六峰觀不足。却
來平地倒騎驢。

寧波府天童無用淨全禪師。諸暨翁氏子。初謁妙喜
于徑山。山問有何能。師曰。能打坐。山曰。打坐何爲。師
曰。若闕何爲。直是無下口處。一日探椒。師作頌曰。含
煙帶露。已經秋。顆顆通紅。氣味周突。出眼睛。開口笑。
者回不戀舊枝頭。自是乃祝髮受戒。山舉靈雲見桃
花悟道話。師頌曰。靈雲一見兩眉橫。引得漁翁良計
生。白浪起時拋一釣。任教魚鱉競頭爭。住後上堂。
學佛止言真。不立參禪多。與道相違忘。機忘境急回。
首無地。無錐轉步。歸佛不是心。亦非覲體。承當絕所
依。萬古碧潭空界月。再三撈攬始應知。上堂。良久。
召衆曰。還知麼。復曰。敗缺不少。便下座。上堂。長沙
道百尺竿頭坐底人。雖然得入。未爲眞。百尺竿頭重
進步。十方世界現全身。妙喜老人道要見。長沙麼。更
進一步。保寧則不然。要見長沙麼。更退一步。畢竟如

何換骨洗腸重整頓。通身是眼更須參。師到靈隱上堂。靈山正派達者。猶迷明來暗來。誰當辨的。雙收雙放。孰辨端倪。直饒千聖出來。也祇結舌有分。何故人歸大國。方爲貴水。到瀟湘始見清。復曰。適來松源和尚舉竹筴話。令天童納敗缺。諸人要知麼。聽取一頌。黑漆竹筴。握起迅雷不及掩耳。德山臨濟茫然。懣懣底如何。插柴。自贊曰。匙挑不上箇村夫。文墨胸中一點無。曾把虚空揣出骨。惡聲贏得滿江湖。開禧丁卯示寂。壽七十一。薦四十五塔于本山寺之西。長沙府大瀉山法寶禪師。福州人。上堂。千般言萬種喻。祇要教君早回去。夜來一片黑雲生。莫教錯却山前路。咄。上堂。喚作竹筴則觸。不喚作竹筴則背。直須師子咬人。莫學韓獪逐塊。阿呵呵。會不會。金剛脚下。鐵崑崙。捉得明州慙布袋。

福州府玉泉曇懿禪師。久依圓悟。自謂不疑。紹興初。出住興化祥雲。大慧入闕。知其所見未諦。致書令來。師遲遲。慧小參。且痛斥。仍榜告四衆。師不得已。破夏謁之。慧鞠其所證。乃曰。汝恁麼見解。敢嗣圓悟老人。邪師退院。親之一日入室。慧問。我要箇不會禪底。做國師。師曰。我做不得。國師去也。慧喝出。居無何。語之曰。香嚴悟處。不在掣竹邊。俱胝得處。不在指頭上。師乃頓明。出住玉泉。爲慧拈香。後省慧於小溪。慧陞座。舉雲門。一日拈拄杖示衆。曰。凡夫實謂之有二乘。析謂之無緣覺。謂之幻有菩薩。當體卽空。衲僧見拄杖子。但喚作拄杖子。行但行。坐但坐。總不得動著。慧曰。我不似雲門。將虚空剗窟窿。薦拈拄杖曰。拄杖子。不屬有不屬。無不屬。幻不屬。空卓一下曰。凡夫二乘緣覺菩薩。盡向者裡。各隨根性。悉得受用。唯於衲僧分上。爲害爲冤。要行不得。行要坐不得。坐進一步。則被拄杖子迷却。路頭退一步。則被拄杖子穿却。鼻孔卽今。莫有不甘底麼。試出來與拄杖子相見。如無來年。更有新條在。惱亂春風。卒未休。正恁麼時。合作麼。生下座。煩玉泉爲衆拈出。師登座。敘謝畢。遂舉前話曰。適來堂頭和尚。恁麼批判。大似困魚止。灤病鳥棲廬。若是玉泉。則又不然。拈拄杖曰。拄杖子。能有能。無能。幻能。空。凡夫二乘。緣覺菩薩。卓一下曰。向者裡。百禩。

碎唯於衲僧分上如龍得水似虎靠山要行便行要坐便坐進一步則乾坤震動退一步則草偃風行且道不進不退一句作麼生道良久曰閒持經卷倚松立笑問客從何處來

饒州府薦福悟本禪師江州人自江西雲門參侍妙喜最久所至受喜印可者多矣師私謂其棄己且欲發去妙喜曰汝但揣意參究如有所得不待開口吾自能識既而有聞師入室者故謂師曰本侍者參禪許多年逐日只道得箇不會師詬之曰者小鬼你未生時我已三度霍山廟裡退牙了好教你知由是益銳志究狗子無佛性話一夕將三鼓倚殿柱昏寐間不覺無字出口吻忽爾頓悟後三日妙喜自外歸師見未及吐詞妙喜曰本鬚子者回方是徹頭也初住信州博山規模法道最爲嚴整次移薦福上堂高揖釋迦不拜彌勒者好與三十拄杖何故爲他祇會步步登高不會從空放下東家牽犁西家拽杷者好與三十拄杖何故爲他祇會從空放下不會步步登高山僧恁麼道還有過也無衆中莫有點檢得出者

麼若點檢得出須彌南畔把手共行若點檢不出布袋裡老鴉雖活如死上堂釋迦掩室淨名杜口須菩提唱無說以顯道釋梵絕視聽而雨華大衆者一隊不啻啗漢無端將祖父田園私地結契各據四至界分方圓長短一時花孽了也致令後代兒孫上無片瓦蓋頭下無卓錫之地博山當時若見十字路頭掘箇無底深坑喚來一時埋却免見遞相鈍置何謂如此不見道家肥生孝子國霸有謀臣上堂乾闥婆王曾奏樂山河大地皆作舞爭如跛脚老雲門解道臘月二十五博山今日有條攀條無條攀例也要應箇時節慕拈拄杖橫按膝上作撫琴勢曰還有聞絃賞音者麼良久曰直饒便作鳳凰鳴畢竟有誰知指法卓一下下座

寧波府育王大圓遵環禪師福州人幼同玉泉懿問道圓悟數載後還里佐懿於莆中祥雲紹興甲寅大慧居洋嶼師往訊之入室次慧問三聖與化出不出爲人不爲人話你道者兩箇老漢還有出身處也無師於慧膝上打一拳慧曰祇你者一拳爲三聖出氣

爲興化出氣。速道速道。師擬議。慧便打復謂曰。你第一不得忘了者。一棒後。因慧室中謂僧曰。德山見僧入門。便棒臨濟。見僧入門。便喝。雪峰見僧入門。便道。是甚麼。睦州見僧。便道。現成公案。放你三十棒。你道者四箇老漢。還有爲人處也。無僧曰。有。慧曰。割。僧擬議。慧便喝。師聞。遽大悟。慧欣然許之。

溫州府鴈山能仁枯木祖元禪師。閩林氏子。初謁雪峰。預次依佛心。才皆不甚契。及依大慧於雲門。菴夜坐。睹僧剔燈始徹。證有偈曰。剔起燈來。是火歷劫無明。照破歸堂。撞見聖僧。幾乎當面。蹉過不蹉過。是甚麼。十五年前。奇特依前。祇是者箇。慧以偈贈之曰。萬仞崖頭。解放身。起來依舊却惺惺。饑餐渴飲。渾無事。那論昔人非昔人。初居連江。福嚴菴。食指甚衆。日不暇給。揭偈於伽藍祠曰。小菴小舍。小叢林。土地何須八九人。若解輪流來打供。免教碎作一堆塵。是夕神致夢山前檀越。願如所戒。紹興己巳春。出住能仁上堂。有佛處不得住。踏著秤鎚。硬似鐵。無佛處急走過。脚下草深三尺。三千里外逢人。不得錯舉北斗挂。

須彌恁麼則不去也。棒頭挑日月。摘楊華。摘楊花。眼裡瞳人著綉鞋。卓拄杖下座。上堂。鴈山枯木實頭。禪不在尖新語句。邊背手忽然摸得。著長鯨吞月浪滔天。

揚州府儀真靈巖東菴了性禪師。上堂。勘破了也。放過一著。是衲僧破草鞋。現修羅相。作女人拜。是野狐精。魅打箇團相。虛空裡下一點。是小兒伎倆。攔腮贈掌拂袖。便行。正是業識茫茫。無本可據。直饒向黑豆未生芽已前。一時坐斷。未有喫雲巖拄杖。分在敢問大衆。且道爲人節文。在甚麼處。還相委悉麼。自從春色來。嵩少三十六峰青。至今上堂。一葦江頭。楊柳春波心。不見昔時人。雪庭要識安心士。鼻孔依前搭。上脣。豎起拂子曰。祖師來也。還見麼。若也見得。卽今薦取其或未然。此去西天路。迢迢十萬餘。僧問。人天交接如何。開示師曰。金剛手裡八稜棒。曰。忽被學人橫穿。凡聖擊透。玄關時。又作麼生。師曰。海門橫鐵柱。問。如何是獨露身。師曰。牡丹華下睡貓兒。江寧府蔣山一菴善直禪師。德安雲夢人。初參妙喜。

喜問甚處人師曰安州喜曰我聞你安州人會厮撲
是否師便作相撲勢喜曰湖南人喫魚因甚湖北人
著鯁師打筋斗而出喜曰誰知冷灰裡有粒豆爆後
出住保寧上堂諸佛不曾出世人人鼻孔遶天祖師
不曾西來箇箇壁立千仞高揖釋迦不拜彌勒理合
如斯坐斷千聖路頭獨步大千沙界不爲分外若向
諸佛出世處會得祖師西來處承當自究不了一生
受屈莫有大丈夫承當大丈夫事者麼出來與保寧
爭交其或未然不如拽破好便下座 一日留守陳
丞相俊卿會諸山茶話舉有句無句如藤倚樹公案
令諸山批判諸山皆以奇語取奉師最後曰張打油
李打油不打揮身只打頭陳大喜

延平府萬壽自護禪師上堂古者道若人識得心大
地無寸土萬壽卽不然若人識得心未是究竟處且
那裡是究竟處拈拄杖卓一下曰甜瓜徹蒂甜苦瓠
連根苦

長沙府大滄了菴景暈禪師上堂雲門一曲臘月二
十五瑞雪飄空積滿江山塢峻嶺寒梅華正吐手把

須彌槌笑打虛空鼓驚起憍梵盍提冷汗透身如雨
忿怒阿修羅王握拳當胸問云畢竟是何宗旨咄少
室峰前亦曾錯舉

杭州府靈隱誰菴了演禪師福州人上堂面門拶破
天地懸殊打透牢關白雲萬里饒伊兩頭坐斷別有
轉身三生六十劫也未夢見在喝一喝下座

揚州府泰州光孝寺致遠禪師上堂舉女子出定話
畢乃曰從來打鼓弄琵琶須是相逢兩會家佩玉鳴
鸞歌舞罷門前依舊夕陽斜

續燈正統卷之九

續燈正統卷十

南海普陀嗣祖沙門西蜀 性統 編集

臨濟宗

大鑑下第十七世

大慧杲禪師法嗣

福州府雪峰崇聖普慈蘊聞禪師洪州沈氏子示衆

栴檀叢林栴檀圍繞師于叢林師于圍繞虎狼叢林虎狼圍繞荆棘叢林荆棘圍繞大眾四種叢林合同那一種叢林安居好若也明得九十日內管取箇箇成佛作祖其或未然般若叢林歲歲渴無明荒草年年長

處州府連雲道能禪師成都漢州何氏子僧問鏡清六刮意旨如何師曰穿却你鼻孔曰學人有鼻孔卽穿無鼻孔又穿箇甚麼師曰抱賊叫屈曰如何是就毛刮塵師曰箇袁虔吉頭上插筆曰如何是就皮刮毛師曰石城虔化說話斯罵曰如何是就肉刮皮師曰嘉眉果闔懷裡有狀曰如何是就骨刮肉師曰漳泉福建頭匾如扇曰如何是就髓刮骨師曰洋瀾左蠡無風浪起曰髓又如何刮師曰十八十九癡人夜走曰六刮已蒙師指示一言直截意如何師曰結舌有分

杭州府靈隱最菴道印禪師漢州人上堂大雄山下虎南山鼉鼻地等閒撞著抱賞歸家若也不惜好手便與拔出重牙有麼有麼 上堂五五二十五擊碎

虛空鼓大地不容針十方無寸土春生夏長復何云甜者甜兮苦者苦 中秋上堂舉馬大師與西堂百丈南泉翫月話師曰馬祖垂絲千尺意在深潭西堂振鬣百丈擺尾雖則衝波激浪未免上他鉤線南泉自謂躍過禹門誰知依前落在巨網卽今莫有絕羅籠出窠白底麼也好出來露箇消息貴知華藏門下不致寂寥其或未然此夜一輪滿清光何處無建寧府竹原宗元菴主本郡連氏子久依大慧分座西禪丞相張浚帥三山以數院迎之不就歸舊里結茆號衆妙園宿衲士夫交請開法示衆若究此事如失却鎖匙相似祇管尋來尋去忽然撞著噉在者裡開箇鎖子便見自家庫藏一切受用無不具足不假他求別有甚麼事 示衆諸方爲人抽釘拔楔解黏去縛我者裡爲人添釘著楔加繩加縛了送向深潭裡待他自去理會 示衆主法之人氣吞宇宙爲大法王若是釋迦老子達磨大師出來也教伊叉手向我背後立地直得寒毛卓豎亦未爲分外 一日舉世尊初生天上天下唯我獨尊話師曰見怪不怪其

怪自壞。垂語曰者一些子。恰如撞著殺人漢相似。你若不殺他。他便殺了你。

杭州府徑山了明禪師身長八尺。腹大十圍。所至人必聚觀之。始妙喜謫梅州。州縣防送甚嚴。師爲荷枷以行。間關辛苦。未曾少怠。既至貶所。衲子追隨問道者以數百計。果以食不給。且慮禍勉之。令去師輒不肯。以身任齋粥。每自肩栲栳行乞。至晚食用之。屢成列以歸。如是者十七年。如一日。及被旨復僧衣。住育王。皆未常離妙喜室中。不許衲子下喝。師入室必振聲一喝而退。妙喜榜曰下喝者罰一貫錢。師乃密具千錢於袖至室中。先頓於地。高聲一喝。便出。如是者數矣。妙喜無如之。何。再榜曰下喝者罰當日堂供。一中師乃往庫司語曰。和尚要十兩金。主事不疑。卽與之。師袖入方丈。復頓於地。高聲一喝。喜大駭。入室罷。徐問知其然。喜爲一笑。且曰。你者肥漢。如是會禪。驢年也未夢見。在久之。舉令出世。舒州投子先是投子諸庄牛遭疫死斃幾盡。師以願力化牛二百隻。以實之。連歲大稔。倍常。頗有異跡。遷住長蘆。衲子輻湊及。

妙喜住徑山。師來省覲。泊歸長蘆。妙喜送以偈曰。人言棒頭出孝子。我道憐兒不覺醜。長蘆長老恁麼來。妙喜空費一張口。從教四海妄流傳。野干能作師子吼。孰云無物贈伊行。喝下鐵圍山。倒走後奉詔住徑山。先是楊和王夢一異僧。長大蟠腹。緩行。言欲化蘇州一庄。覺而異之。翌旦師至。和王出見。與夢無異。遽呼其眷屬出觀之。眷屬竝炷香作禮。茶罷。師首言大王庄田至多。可施蘇州一庄。以爲徑山供佛齋僧。王未有可否。因令辦齋師飯。罷便出。更無他語。時內外傳言和王以蘇州庄施徑山。孝宗聞會和王入朝。上曰。聞卿捨蘇州一庄施徑山。朕當爲蠲免稅賦。和王謝恩。歸次日以書請師。而師前二日已遷化矣。自是和王宴居寤寐之際。或少倦交睫。卽見師在前。曰六度之大。施度爲先。善始善終。斯爲究竟。和王卽以庄隸本山。師有大因緣所在。衲子臻萃。佛事殊勝。江浙兩湖因號布袋和尚再來云。

近禮侍者三山人。久侍大慧。嘗默究竹筴話。無所入。一日入室。罷求指示。慧曰。你是福州人。我說箇喻向。

你如將名品荔枝和皮殼一時剝了以手送在你口裡祇是你不解吞師不覺失笑曰和尚吞却卽禍事。慧後問師曰前日吞了底荔枝祇是你不知滋味師曰若知滋味轉見禍事。

溫州府淨居尼妙道禪師延平尙書黃裳之女上堂問答罷乃曰問話且止直饒有傾湫之辯倒嶽之機。衲僧門下一點用不著且佛未出世時一事全無我祖西來便有許多建立至今累及兒孫山僧於人天衆前無風起浪語默該不盡底彌亘大方言詮說不及處徧周沙界通身是眼覷面當機電卷星馳如何湊泊有時一喝生殺全威有時一喝佛祖莫辨有時一喝八面受敵有時一喝自救不了遂喝一喝曰且道者一喝是生殺全威邪是佛祖莫辨邪是八面受敵邪是自救不了邪若向者裡辨別得堪報不報之恩脫或未然山僧無夢說夢去也拈起拂子曰還見麼若見被見刺所障擊禪牀曰還聞麼若聞被聲塵所惑直饒離見絕聞正是二乘小果跳出一歩蓋色騎聲全放全收主賓互換所以道欲知佛性義當觀

時節因緣敢問諸人卽今是甚麼時節蕩蕩仁風扶聖化熙熙和氣助昇平擲拂子下座。問如何是佛師曰非佛曰如何是佛法大意師曰骨底骨董。問言無展事語不投機時如何師曰未屙已前墮坑落

澶蘇州府資壽尼無著妙總禪師丞相蘇頌孫女也年三十許厭世浮休脫去緣飾咨參諸老已入正信作夏徑山大慧陞堂舉藥山初參石頭後見馬祖因緣師豁然省悟慧下座馮濟川逐段著語曰恁麼也不得囉囉婆婆訶不恁麼也不得囉囉婆婆訶恁麼不恁麼總不得囉囉婆婆訶慧舉似師師曰曾見郭象註莊子識者曰却是莊子註郭象慧見其語異復舉巖頭婆子話問之師答偈曰一葉扁舟泛渺茫呈撓舞棹別宮商雲山海月都拋却贏得莊周蝶夢長慧休去馮疑其所悟不根後過無錫招至舟中問曰婆生七子六箇不遇知音祇者一箇也不消得便棄水中大慧老師言道人理會得且如何會師曰已上供通並是詣實馮大驚慧挂牌次師入室慧問

古人不出方丈爲甚麼却去莊上喫油糞師曰和尚放妙總過妙總方敢通箇消息慧曰我放你過你試道看師曰妙總亦放和尚過慧曰爭奈油糞何師喝一喝而出於是聲聞四方孝宗隆興癸未舍人張孝祥來守是郡以資壽挽開法入院上堂宗乘一唱三藏絕詮祖令當行十方坐斷二乘聞之怖走十地到此猶疑若是俊流未言而諭設使用移星換斗底手段施攬旗奪鼓底機關猶是空拳豈有實義向上一路千聖不傳學者勞形如猿捉影靈山付囑俯仰時機演唱三乘各隨根器山僧今日與此界他方乃佛乃祖山河大地草木叢林現前四衆各轉大法輪交光相羅如寶絲網若一草一木不轉法輪則不得名爲轉大法輪所以道於一毫端現寶王刹坐微塵裡轉大法輪乘時於其中間作無量無邊廣大佛事周遍法界一爲無量無量爲一小中現大大中現小不動步游彌勒樓閣不返闕入觀音普門情與無情性相平等不是神通妙用亦非法爾如然於此個儻分明皇恩佛恩一時報足且道如何是報恩一句天

高羣象正海濶百川朝上堂舉雲門示衆十五日已前則不問十五日已後道將一句來自代云日日是好日師曰日日是好日佛法世法盡周畢不須特地覓幽玄祇管盍盍兩度溼問如何是奪人不奪境師曰野華開滿路徧地是清香曰如何是奪境不奪人師曰茫茫宇宙人無數幾箇男兒是丈夫曰如何是人境俱不奪師曰處處綠楊堪繫馬家家門首透長安曰如何是人境兩俱奪師曰雪覆蘆華舟橫斷岸曰人場已蒙師指示向上宗乘事若何師便打侍郎無垢居士張九成未第時因客談楊文公呂微仲諸名儒所造精妙皆由禪學而至於心慕之聞寶印明居淨慈往問入道之要明日此事唯念念不捨久久純熟時節到來自然證入乃舉趙州栢樹子話令時時提撕公久無所省辭謁善權請問此事人有分箇箇圓成是否清曰然曰爲甚麼九成毫無箇入處清於袖中出數珠示之曰此是誰底公俛仰無對清復袖之曰是汝底則拈取去纔涉思惟卽不是汝底公悚然一夕如廁聞蛙鳴釋然契入有偈曰

春天月夜一聲蛙撞破乾坤共一家。正恁麼時誰會得嶺頭脚痛有玄沙。屈明謁法印一機語頗契。適私忌就明靜菴供雲水主僧。惟尙纔見乃展手公便喝。尙批公頰公移前尙曰張學錄何得謗大般。若公曰某見處祇如此和尙又作麼生。尙舉馬祖陞堂百丈卷席話詰之。敘語未終公推倒桌子尙大呼張學錄殺人公躍起問旁僧曰汝又作麼生。僧罔措公毆之。顧尙曰祖禪不了殃及兒孫。尙大笑公獻偈曰卷席因緣也大奇。諸方聞舉盡攢眉。臺盤趯倒人星散。直漢從來不受欺。尙答曰從來高價不饒伊。百戰場中奮兩眉。奪角衝關君會也。叢林誰敢更相欺。紹興癸丑魁多士復謁尙於東菴。尙曰浮山圓鑑云饒你入得汾陽室。始到浮山門。亦未見老僧在。公作麼生。公叱侍僧曰何不祇對僧罔措。公打僧一掌曰蝦蟆窟裡果沒蛟龍。丁巳秋大慧董徑山公閱其語要嘆曰是知宗門有人。持以語尙恨未一見。及爲禮部侍郎偶劉參政請慧說法於天竺。公三往不值。暨慧報謁公見但寒暄而已。慧亦默識之。尋奉祠還里。至

徑山與馮給事諸公議格物。慧曰公祇知有格物而不知有物。格公茫然慧大笑。公曰師能開論乎。慧曰不見小說載唐人有與安祿山謀叛者。其人先爲閩守。有畫像在焉。明皇幸蜀見之怒。令侍臣以劍擊其像。時閩守居陝西首忽墮地。公聞頓領深旨。題不動軒壁曰子韶格物妙喜物格欲識一貫兩箇五百。慧始許可。後守邵陽丁父難過徑山。飯僧秉鉤者意。慧議及朝政。遂竄慧於衡陽。令公居家守服。服除安置南安。丙子春蒙恩北還。道次新淦而慧適至。與聯舟劇談。宗要未嘗語往事。繼鎮永嘉丁丑秋丐祠枉道訪慧於育王。越明年慧得旨復領徑山。謁公於慶善院。公曰某每於夢中必誦語孟何如。慧舉圓覺曰由寂靜故十方世界諸如來心於中顯現。如鏡中像。公曰非老師莫聞此論也。其頌黃龍三關曰我手何似佛手。天下衲僧無口。縱饒撩起便行。也是鬼窟裡走。諱不得我脚何似驢脚。又被藕膠粘著。翻身直上兜率天。已是遭他老鼠藥。吐不出人人有箇生緣。處鐵圍山下幾千年。三災直到四禪天。者驢猶自在。

旁邊煞得工夫

參政李邴居士字漢老。醉心祖道。有年。聞大慧排默照爲邪禪。疑怒相半。及見慧示衆。舉趙州庭栢垂語。曰。趙州栢樹子。今日重新。舉打破。趙州關特地尋言。語。敢問大衆。既是打破。趙州關爲甚麼却特地尋言。語。良久。曰。當初祇道。弗長短。燒了方知地不平。公頷悟。謂慧曰。無老師。後語幾蹉過後。以書咨決。曰。某比蒙誨答。備悉深旨。某自驗者。三一事無逆順。隨緣卽應。不留胸中。二宿習濃厚。不加排遣。自爾輕微。三古人公案。舊所茫然。時復瞥地。此非自昧者。前書大法未明之語。蓋恐得少爲足。當廣而充之。豈別求勝解耶。淨勝現流。理則不無。敢不銘佩。

寶學劉彥修居士字子羽。出知永嘉。問道於大慧。慧曰。僧問趙州。狗子還有佛性也。無。趙州道無。但恁麼看。公久之發明。有頌曰。趙州栢樹太無端。境上追尋也大難。處處綠楊堪繫馬。家家門底透長安。提刑吳偉明居士字元昭。久參眞歇。得自受用。三昧爲極。致後訪大慧於洋嶼。隨衆入室。慧舉狗子無佛

性話爲問。公擬答。慧以竹筴便打。公無對。遂留咨參。一日。慧謂曰。不須呈伎倆。直須啐地折。曝地斷。方敵得生死。若祇呈伎倆。有甚了期。卽辭去。道次延平。倏然契悟。連書數頌寄慧。皆室中所問者。有曰。不是心。不是佛。不是物。通身一具金鎖骨。趙州親見老南泉。解道鎮州出蘿蔔。慧卽說偈證之。曰。通身一具金鎖骨。堪與人天爲軌。則要識臨濟小厮兒。便是當年白拈賊。

門司黃彥節居士字節夫。號妙德。於大慧一喝下。疑情頓脫。慧印之。嘗舉首山竹筴話。至葉縣奪得拗折。擲向塔下。曰。是甚麼。山曰。瞎公曰。妙德到者。裡百色。無能。但記得。嘗作蠟梅詩。有曰。擬嚼枝頭蠟。驚香却肖蘭。前村深雪裡。莫作嶺梅看。

秦國夫人計氏法眞。自寡處。屏去紛華。嘗蔬食。習有爲法。因大慧遣謙禪。致問其子魏公公。留謙以祖道誘之。眞一日問謙曰。徑山和尚尋常如何。爲人謙曰。和尚祇教人看狗子。無佛性。及竹筴子話。祇是不得下語。不得思量。不得向舉起處。會不得。向開口處承

當狗子還有佛性也。無無祇恁麼教人看。真遂諦信。於是夜坐力究。忽爾洞然。無滯謙辭。歸真親書入道。槩略作數偈呈慧。其後曰。逐日看經文。如逢舊識人。莫言頻有礙。一舉一回新。

大鑑下第十八世

教忠禪光禪師法嗣

泉州府法石中菴慧空禪師。贛州蔡氏子。春日。上堂。拈拄杖卓一下曰。先打春牛頭。又卓一下曰。後打春牛尾。驚起虛空。入藕絲孔裡。迦無路潛蹤。彌勒急走千里文殊却知落處。拈掌大笑。歡喜且道。歡喜箇甚麼。春風昨夜入門來。便見千花生。碓業。上堂。千家樓閣一霎秋風。祇知襟袖涼生。不覺園林落葉於斯薦得。觸處全真。其或未然。且作寒溫相見。上堂。釋迦老子道爾所國土中。所有衆生若干種。心如來悉知。何以故。如來說諸心皆爲非心。是名爲心。要會麼。春風得意馬蹄疾。一日看盡長安花。僧問。先佛垂範。禁足安居。未審是何宗旨。師曰。瑠璃盞內。拓須彌。僧便喝。師便打。

杭州府淨慈混源曇密禪師。天台盧氏子。依資福道榮出家。十六圓具。習台教業。參大慧於徑山。次謁雪巢。一此菴元入閩。留東西禪。無省發之泉。南參教忠。聞舉香嚴擊竹。因緣豁然契悟。述偈呈忠。以玄沙未徹語詰之。無滯忠曰。子方可見妙喜。卽辭往梅陽。服勤四載。住後。上堂。諸佛出世。打劫殺人。祖師西來。吹風放火。古今善知識。佛口蛇心。天下衲僧。自投籠檻。莫有天然氣槩。特達丈夫。爲宗門出一隻手。主張佛法者麼。良久曰。設有也。須斬爲三段。上堂。德山小參。不答話。千古叢林。成話。欄問話者。三十棒。慣能說訶說。誇時有僧出的。能破的。德山便打。風流儒雅某甲話也。未問頭上著枷。脚下著匣。你是那裡人。一回相見。一傷神。新羅人把手笑欣欣。未跨船舷好與三十棒。依前相厮。誑混源。今日恁麼批判責。情好與三十棒。且道是賞是罰。具參學眼者。試辨看。上堂。舉雲門問僧。光明寂照。徧河沙。因緣頌曰。平地擺魚鰕。遼天射飛鷗。跛脚老雲門。千錯與萬錯。後示寂。塔於本山。

吉安府青原信菴唯禪師。福州長樂李氏子。幼出閩。依盱江禪悅廣。獲僧服。一日。廣以佛國白五十三知識。頌授諸維那師。侍其旁。聞止住林。有時要見十方佛。無事閒觀。一片心之句。便得要領。廣異之。還闔謁鼓山。佛心才及東禪月菴。果西禪嬾菴。需諸老時。晦菴住龜山。師往叩。一日夜半。摸索淨巾。次恍然大徹。黎明趨方丈。呈偈曰。業識茫茫本無所據。昨夜三更回頭一覷。一段靈光。本來獨露。菴領之復出嶺。見顏已菴於薦福。入室。應對敏捷。顏厲聲曰。者福州子。被人教壞了也。未幾復往梅陽。見大慧慧曰。如何是佛師。曰。覲面相逢。更無別有。慧曰。如何保任。師曰。饑來喫飯。困來打眠。既而隨慧北還。住育王。遷徑山。慧一日問。許多人入室。幾人道得著。幾人道不著。師曰。唯裡只管看。慧忽展手曰。我手何似佛手。師曰。天寒且請和尚通袖。慧遽打一竹篋曰。且道是賞你。罰你。師遂以佛祖機緣。頌十數則呈慧。其世尊初生。曰。撞出頭來。早自錯。那堪開口更稱尊。當時若解深藏舌。免得閒愁到子孫。慧爲擊節。後開法天台。真如遷報。

恩豫章上藍吉州青原。僧問三聖道。我逢人則出。出則不爲人意。旨如何。師曰。移華兼蝶。至曰。興化道。我逢人則不出。出則便爲人。又作麼生。師曰。買石得雲饒。上堂。舉僧問雲門。樹凋葉落時。如何。門曰。體露金風。師曰。雲門袖頭打領。腋下剗襟。不妨好手。子細看來。未免牽絲帶綫。或問報恩。樹凋葉落時。如何。只向他道來。年更有新條。在惱亂春風。卒未休。上堂。拈拄杖曰。十方國土中。唯有一乘法。者箇是橫泉。拄杖子。那箇是一乘法。卓一下曰。千峰勢倒。巖邊止。萬派聲歸。海上消。宋光宗紹熙壬子六月。示疾。十九日。書偈曰。末後一句。覲面分付。擬議思量。世諦流布。遂跏趺而逝。羅湖瑩仲溫狀其行。

東林顏禪師法嗣

荊州府公安遜菴祖珠禪師。南平人。上堂。不是心。不是佛。不是物。漚盡野狐涎。趨翻山鬼窟。牛田淺草裡。打起焦尾大蟲。太虛寥廓中。放出遼天俊鶻。阿呵呵。露風骨等閒拈出。衆人前畢。竟分明是何物。咄咄。上堂。玉露垂青草。金風動白蘋。一聲寒鴈叫。喚起未。

惺人

汀州府報恩法演禪師果州人上堂舉俱胝豎指因緣頌曰佳人睡起懶梳頭把得金釵插便休大抵還他肌骨好不塗紅粉也風流

杭州府淨慈肯堂彥充禪師於潛盛氏子幼依明空院出家首參大愚宏智正堂大圓諸老後聞東林示衆曰我此間別無玄妙祇有木札羹鐵釘飯任汝咬嚼師竊喜之直造焉陳所見林曰據汝見處正坐在鑒覺中師於是遂將從前所得底一時颺下一日聞僧舉南泉時人見此一株華如夢相似語默有所覺曰打草祇要蛇驚次日入室林問那裡是巖頭密啓其意處師曰今日捉敗者老賊林曰達磨大師性命在汝手裡師擬開口林攔胸一拳師大悟直得汗流浹背點首自謂曰臨濟道黃檗佛法無多子豈虛語邪遂呈頌曰爲人須爲徹殺人須見血德山與巖頭萬里一條鐵林然之住後上堂世尊不說說迦葉不聞聞卓拄杖曰水流黃葉來何處牛帶寒鴉過遠村上堂舉雪峰示衆盡大地是箇解脫門因甚把

手拽不入師曰大小雪峰話作兩橛既盡大地是箇解脫門用拽作麼上堂一向與麼去法堂前草深一丈一向與麼來脚跟下泥深三尺且道如何卽是三年逢一閏鷄向五更啼上堂舉已菴先師道坐佛牀斫佛脚不敬東家孔夫子却向他鄉習禮樂師曰入泥入水卽不無先師爭奈寒蟬抱枯木泣盡不回頭卓拄杖曰灼然有不回頭底淨慈向升子裡禮汝三拜上堂三世諸佛無中說有蘭蕩拾花針六代祖師有裡尋無猿猴探水月去此二途如何話會儂家不管興亡事盡日和雲占洞庭元菴受智者請引座曰南山有箇老魔王爛爛雙眸放電光口似血盆呵佛祖牙如劍樹罵諸方幾度業風吹不動吹得動雲黃山畔與嵩頭陀傳大士一火破落戶依舊孟八郎賺他無限癡男女開眼堂堂入鑊湯忽有箇衲僧出來道既是善知識爲甚賺人入鑊湯只向他道非公境界後示寂塔於寺之南菴金華府智者元菴真慈禪師潼川李氏子初依成都正法出家具戒後聽講圓覺至四大各離今者妄身

當在何處畢竟無體質同幻化因而有省作頌曰一
顆明珠在我者裡撥著動著放光動地歸以呈其師
師舉狗子無佛性話詰之師曰雖百千萬億公案不
出此頌也其師以爲不遜乃叱出師因南遊至廬山
圓通挂搭時已菴爲西堂爲衆入室舉僧問雲門撥
塵見佛時如何門曰佛亦是塵師隨聲便喝以手指
胸曰佛亦是塵師復頌曰撥塵見佛佛亦是塵問了
答了直下翻身勸君更盡一杯酒西出陽關無故人
又頌塵塵三昧曰盞裡飯桶裡水別寶崑崙坐潭底
一塵塵上走須彌明眼波斯笑彈指笑彈指珊瑚枝
上清風起已菴深肯之

成都府昭覺紹淵禪師上堂銚瓶盤釵釧作一金攪
酥酪醍醐成一味直是主賓道合內外安和放行則
細雨濛濛把住則朔風凜凜且道放行爲人好把住
爲人好復曰等閒一似秋風主無意涼人人自涼
上堂舉僧問雲門樹凋葉落時如何門曰體露金風
師曰雲門具逸羣三昧擊節叩關向閃電光中與人
解粘去縛不妨好手細檢將來大似與賊過梯昭覺

卽不然忽有問樹凋葉落時如何只答他道落霞與
孤鶩齊飛秋水共長天一色上堂舉趙州初見南
泉問如何是道泉曰平常心是道曰還假趣向也無
泉曰擬向卽乖曰不擬爭知是道泉曰道不屬知不
屬不知知是妄覺不知是無記若真達不疑之道廓
然如太虛空無有障礙師曰奇怪趙州雖是沙彌初
學一撥便轉南泉如善射者發箭箭箭中的若不是
趙州也大難承當是他便能向平常心是道處撥轉
關捩子去却胸中物喪却目前機頭頭上明物物上
顯信脚行信口道等閒拈出著著有出身之路以何
爲驗豈不見僧問如何是祖師西來意庭前柏樹子
萬法歸一一歸何處我在青州作一領布衫重七斤
如何是趙州東門西門南門北門與人解粘去縛抽
釘拔楔坐斷天下人舌頭穿過天下人鼻孔且不是
釘關底言語排疊底章句推人在死水裡者箇便是
沙彌底樣子應當學欲行千里一步爲初白曰青天
快著精彩

徽州府簡上座參大慧於徑山時已菴爲首座一日

爲衆入室問師一二三四五六七。明眼衲僧數不出。你試數看。師便喝。菴曰：七六五四三二一。你又作麼。生師擬對。菴便打曰：你且莫亂道。師於言下有省。述偈曰：你且莫亂道。皮毛卓豎寒。只知梅子熟。不覺鼻頭酸。頌狗子無佛性。話曰：趙州老漢。渾無面目。言下乖宗。神號鬼哭。年僅三十而終。

蘇州府崑山資福遂翁處良禪師。山陰劉氏子。十三游方。初爲妙喜侍者。長從已菴。願爲書記。能善文詞。人咸以良書記稱。嘗居秀州法喜院。拈香爲已菴嗣。再歲。廬會稽海山。尤太常守。臨海起師。領紫囊。次領崑山薦嚴資福。淳熙丁未六月戊寅。以疾逝。遺言藏骨廬山智林寺。寺爲已菴與師所同建也。

西禪需禪師法嗣

福州府鼓山木菴安永禪師。閩縣吳氏子。弱冠爲僧。首謁懶菴於雲門。一日入室。菴曰：不問有言。不問無言。世尊良久。不得向世尊。良久處。會隨後便喝。師當下契悟。作禮曰：不因今日問幾喪目前。機菴許之。師住後。上堂要明箇事。須是具鑿石火。閃電光底手段。

方能峻峻巖頭。全身放捨。白雲深處。得大安居。如其覷地。覓金針。直下腦門。須迸裂到者。裡假饒見機。而作不犯鋒鋒。全身獨脫。猶涉泥水。祇如本分全提一句。又作麼生。道擊拂子曰：淬出七星光。燦爛倒拈天。下任橫行。上堂舉睦州示衆曰：諸人未得箇入處。須得箇入處。既得箇入處。不得忘却。却老僧曰：恁麼說話。面皮厚多少。木菴則不然。諸人未得箇入處。須得箇入處。既得箇入處。直須颺下。入處始得。上堂拈拄杖曰：臨濟小斯兒。未曾當頭道著。今日全身放憨。也要諸人知有。擲拄杖下座。僧問：須彌頂上翻身。倒卓時如何。師曰：未曾見毛頭星。現曰：恁麼則傾湫倒嶽去也。師曰：莫亂做。僧便喝。師曰：雷聲浩大雨點全無。乾道癸巳八月卒。瘞骨于鼓山之西崦。

溫州府龍翔栢堂南雅禪師。上堂瑞峰頂上樓鳳亭邊。一杯淡粥。相依百衲。蒙頭打坐。二祖禮三拜。次位而立。已是周遮達磨老臊胡。分盡髓皮一場狼籍。其餘之輩。何足道哉。栢堂恁麼道。還免諸方檢責也無。拍羅牀曰：泊合停囚長智。上堂大機實直。截大用。

貴顯發縱有嚙鐵機。一錘須打殺何故。我王庫內無如是刀。上堂紫藤伸拳。笋破梢楊華飛盡綠陰交。分明西祖單傳句。黃栗留鳴燕語。巢者裡見得諦信得及。若約諸方決定明窓下。安排龍翔門下直。是一槌。毬殺何故。不是與人難共住。大都緇素要分明。

福州府天王志清禪師上堂。豎起拂子曰。只者箇天不能蓋地。不能載徧界徧空。成團成塊。到者裡三世諸佛向甚麼處摸。索六代祖師向甚麼處提持。天下衲僧向甚麼處名邈。除非自得。自證便乃敲唱。雙行雖然如是。未是衲僧行履處。且作麼生是衲僧行履處。是非海裡橫身入。豺虎叢中縱步行。

延平府劍門安分菴主。少與木菴同肄業。安國後依懶菴。未有深證。辭謁徑山大慧。行次江干。仰瞻宮闕。聞街司喝侍郎來。釋然大悟。作偈曰。幾年箇事掛胸懷。問盡諸方眼不開。肝膽此時俱裂破。一聲江上侍郎來。遂徑回西禪。懶菴付以伽黎後。菴劍門化被嶺表學者。從之所作偈頌。走手而成。凡千餘首。盛行於世。示衆者一片田地。問汝諸人。且道天地未分已

前在甚麼處直下徹去。已是鈍置你不少。更若擬議思量。何啻白雲萬里。驀拈拄杖打散。示衆上至諸佛下及衆生。性命總在山僧手裡。山僧有沒量罪過。還有檢點得出者麼。卓拄杖一下曰。冤有頭債有主。良久左右顧視曰。自出洞來無敵手。得饒人處且饒人。示衆十五日以前。天上有星皆拱北。十五日以後。人間無水不朝東。以前以後總拈却。到處鄉談各不同。乃屈指曰。一二三四五六七八九十。十一十二。十三十四。諸兄弟。今日是幾。良久曰。本店買賣分文不賒。

東禪岳禪師法嗣

福州府鼓山宗逮禪師上堂。世尊道應如是。知如是見如是。信解不生法相。遂喝曰。玉本無瑕。却有瑕。杭州府徑山寓菴德齋禪師。與化人初住徑山。至山門彈指一下便入。

福州府鼓山石菴知昭禪師。僧問。坐斷雲山事已彰。可憐雲水自茫茫。今日石門通一綫。端然衣錦便還鄉。且道還鄉一曲作麼生。唱師曰。罕遇知音日。祇如

未跨石門一句作麼生。道師曰：百禪碎曰已跨石門。又作麼生。師曰：依舊却圖。圖曰：直得大頂峰點頭。劣。巔峰震動。師曰：未爲分外。曰：祇今晏國師撫掌呵呵。大笑曰：幸得與老師相見也。師曰：不是冤家不聚頭。僧禮拜。師曰：放汝三十棒。上堂：昔在東溪日華開。葉落時。幾擬以黃金鑄作鍾子期。古人恁麼道。大似焦桐挂壁。罕遇知音。白雲今日幸遇李深卿陳仲齡。二知音到來。正值六合風清。萬籟俱息。不免再理朱絃。試彈一曲。橫按拄杖曰：諸人還聞麼。聞卽不無。且道是何曲調。卓拄杖曰：太古希聲。無限意。知音知後更誰知。上堂語是。誘默是。誑不語不默。轉增虛妄。喝一喝。春風吹落桃李華。淡煙疎雨籠青嶂。頌趙州。鎮州蘿蔔話曰：些兒活計。口皮邊點著。風馳紫電旋。謾說鎮州蘿蔔。大何曾親見老南泉。

西禪淨禪師法嗣

福州府乾元鈍菴宗穎禪師。上堂。卓拄杖曰：性燥漢。祇在一槌靠拄杖曰：伶俐人不勞。再舉而今莫有伶俐底麼。良久曰：比擬張麟兔亦不遇。

興化府華嚴別峰雲禪師。初住福州支提。次遷福泉華嚴。上堂。千種言萬般解。只要教君長不昧。且道不昧箇甚麼。喚作竹筴則觸。不喚作竹筴則背。上堂。彌勒大士朝入伽藍。暮成正覺。總似者般鈍漢。有甚用處。直饒隔山望見。支提雙童峰。便回去。腳跟下好與三十。上堂。舉真淨道也。無禪也。無道也。無玄也。無妙快活。須明者一竅。師曰：旣無禪道。又無玄妙。甚處得者一竅。若有一竅。可明如何得快活去。諸人卽今要得快活麼。便下座。上堂。過去諸如來。斯門已成。就是甚語話。現在諸菩薩。今各入圓明。惡人之罪。未來修學人。當依如是法。莫鈍置他。好其奈茫茫宇宙人無數。幾箇男兒是丈夫。

福州府中濟無禪立才禪師。上堂。雪竇道三分光陰。二早過靈臺一點不措磨。貪生逐日區區去。喚不同頭爭奈何。雪竇老漢。顛顛頂頂。懽懽何。更添三十年也。未會禪在。然雖如是。土曠人稀。試聽下箇註脚。瞎却摩醯三隻眼。南北東西路不分。千林落葉無人掃。獨自松門展脚眠。上堂。舉趙州喫茶去話。師曰：

趙州逢人喫茶。誰知事出急家。翻手作雲。作雨順風。
撒土撒沙。引得洞山無意。智問佛也道三斤麻。示
衆南海波斯持密呪。千言萬語。少人知。春風一陣來。
何處吹落桃華三四枝。

開善謙禪師法嗣

建寧府仙州山吳十三道人。每以己事叩諸禪宿。無
所入。及開善歸。結茅附近。日勤參究。紹興庚申三月
八日。夜釋然啓悟。占偈呈善。曰元來無縫罅。觸著便
光輝。既是千金寶。何須彈雀兒。善答曰。碎地折時真。
慶快死生凡聖盡。平沉仙州山下呵呵笑。月老風高
萬古心。

續燈正統卷之十

續燈正統卷十一

南海普陀嗣祖沙門西蜀 性統 編集

臨濟宗

大鑑下第十八世

育王光禪師法嗣

杭州府靈隱妙峰之善禪師吳興劉氏子。世居彭城。
上世皆登臘。仕師生執綺中。資性高潔。年十三辭家。
受業於德清齊政院。凡經論一見輒了。大意謁諸方。
參佛照於鄒山。於風幡話契。旨照贈以偈。曰今日與
君通一綫。斬釘截鐵起吾宗。嗣是入武康結廬。妙高
峰下。十年後分座鴈山。能仁出世。台州慧因遷洪福。
萬年諸刹。退居臯亭。劉寺者又十年。復領明之瑞巖。
蘇之萬壽。常之華藏。晚居靈隱。靈隱密邇行闕。輪蹄
湊集。師掩戶無所將迎。公卿貴人或見。但寒溫而已。
僧問如何。是不入衆流。句師曰。烏龜鑽破壁。曰如何。
是體妙無私。句師曰。百疋馬中一頭驢。曰如何。是瞬
目揚眉。句師曰。花雨巖前石點頭。問如何。是奇特。
事。師曰。紫薇花下紫薇郎。曰學人不會。師曰。三十年。

後上堂應物現形如水中月信手拈來一時漏洩以拂子擊禪牀左邊曰者裡是鑊湯爐炭復擊右邊曰者裡是劍樹刀山前面是觀音勢至後面是文殊普賢中間一著還知落處麼又擊一擊曰毗婆尸佛早留心直至而今不得妙上堂舉雲門普請搬柴次乃拋下柴辦曰一大藏教祇說者箇師曰大小雲門只見錐頭利不見鑿頭方上堂談玄說妙事如麻添得時人眼裡沙赤骨律窮挨得入潑狼潑賴是生涯懸羊頭賣狗肉喫官酒臥官街笑倒籬根破草鞋示衆久參高士眼空四海鼻孔掇天見也見得親說也說得親行也行得親用也用得親只是未曾識老僧拄杖子在何故將成九仞之山不進一簣之士師將示寂澡身跌坐書偈曰來也如是去也如是來去一如清風萬里書畢而逝實宋理宗端平乙未九月二十八日也壽八十四臘七十一火浴獲舍利無數瘞於靈隱之西岡

杭州府淨慈北磻居簡禪師字敬叟潼川龍氏子世業儒依邑廣福院得度閱訖菴語有省後參佛照機

契追隨一十五年出世台之般若遷報恩光孝大參真西山時爲江東部使者以東林力致不可乃退隱飛來峰北磻十年故稱北磻起應雲之鐵佛西余常之顯慶碧雲蘇之慧日湖之道場後奉旨遷淨慈寺上堂識得一萬事畢了事荷僧一字不識直饒恁麼未稱全提禹力不到處河聲流向西上堂以大圓覺爲我伽藍身心安居平等性智喫官酒臥官街當處死當處埋本來無位次何用强安排上堂舉密師伯與洞山在餅店坐次密於地上畫一圓相謂洞山曰把將去山曰拈將來保寧勇曰非但二老提不起盡大地人亦提不起師曰北磻敢道保寧計窮力盡上堂雲巖二十年在藥山只明此事澄潭不許蒼龍蟠趙州四十年不襍用心除二時粥飯是襍用心處兔子何曾離得窟上堂舉子湖一日入僧堂曰有賊有賊見一僧便捉住曰在者裡僧曰不是是某甲湖托開曰是卽是祇是汝不肯承當師曰子湖收處太危放去太急淨慈則不然家賊難防家財必喪卓拄杖曰只可錯捉不可錯放上堂先佛照道

棒頭撥弄活衲僧。正法眼藏增高價。北磬則不然。棒頭撥弄活衲僧。正法眼藏瓦解冰消。且道與先佛照。是同是別。舉世尊初生。話頭曰。一聲哇。地便吒哩。突出如斯大闢提。此土西天起殃害。堂堂洗土不成泥。舉楞嚴六解一亡。話頭曰。六用無功。信不通一時分付與春風。篆煙一縷閒清晝。百鳥不來華自紅。宋理宗淳祐丙午春。示疾索筆書偈。紙尾復書四月一日珍重六字。至期索浴罷。假寐而逝。壽八十三臘六十二。塋全身於月堂昌塔側。遵遺命也。有北磬集十九卷行世。

杭州府徑山浙翁如琰禪師。台州周氏子。上堂。舉乾峰因僧問十方薄伽梵。一路涅槃門。未審路頭在甚麼處。峰以拄杖畫一畫曰。在者裡。僧請益雲。門門拈起。扇子曰。扇子踴跳上三十三天。築著帝釋鼻孔。東海鯉魚打一棒。雨似盆傾。會麼。師曰。唱愈高和愈峻。還他二老。若是十方薄伽梵。一路涅槃門。總未踏著。在上堂拈拄杖曰。蔣山喚者箇作拄杖子。諸人亦喚者箇作拄杖子。還有緇素也無。闌干雖共倚。山色

不同觀。作維摩贊曰。毗耶示疾放憨癡。添得時人滿肚疑。不是文殊親勸破。者些毛病有誰知。寧波府天童無際了派禪。師上堂。三十五月圓當戶。雖然匝地普天要。且秋毫不露對景憑誰話。此心令人翻憶寒山子。上堂。諸人十二時中上來下去。折旋俯仰起居問訊。瞞崇恩一點不得。只今坐立儼然。賓主交參。面面相覷。崇恩亦瞞諸人一點不得。既然彼此不相瞞。爲甚麼自作障礙。喝一喝曰。因風吹火。用力不多。上堂。昨夜安排一段禪。天明起來都忘却。而今打鼓衆雲臻。對面臨時旋捏合。乃回顧侍者曰。記取者一著。佛涅槃上堂。釋迦老子昔向今辰。入大寂定。堪笑天下叢林。刻舟求劍。二千餘年。區區不已。崇恩今日不動神機。擬轉瞿曇鼻孔。不圖打草驚蛇。只要大家相見。汝等諸人各宜子細觀瞻。莫教錯過。遂合掌曰。不審不審。上堂。佛法在你日用處。在你著衣喫飯處。在你語言醇酢處。在你行住坐臥處。在你屙屎送尿處。擬心思量。便不是了也。咄。啼得血流無用處。不如緘口過殘春。題郁山主像贊。

曰策蹇溪橋蹉跌時。悞將豌豆作眞珠兒。曹不解藏家。醜笑倒楊岐老古錐。

福州府東禪性空智觀禪師。上堂舉僧問鹽官如何。是本身盧舍那。官曰。與老僧過淨瓶來。僧將淨瓶至。官曰。却安舊處。著僧再問。官曰。古佛過去久矣。師曰。盲者難以與乎文彩。瞶者難以與乎音聲。著僧既不薦來。機鹽官只成虛設。雲門道無朕迹。扶鹽官不起。雪竇道直得一手指天。一手指地。爭得無也。扶鹽官不起。以拂子畫一畫曰。前來葛藤。一時畫斷。且道如何。是本身盧舍那。擲拂子下座。上堂舉寶壽開堂曰。三聖推出一僧。話師曰。衆中商量道。三聖有奔流度刃之作。向平地上湧波瀾。寶壽用疾焰過風之機。向虛空裡轟霹靂。二老各出一隻手。扶豎臨濟正法眼。藏與麼說話。要作臨濟兒孫。且緩。緩東禪道。蚊子如何擎大柱。藕絲焉可繫須彌。若是臨濟正法眼。藏端的向二人邊滅却。

湖州府上方朴翁義銛禪師。天資奇逸。辯博無礙。上堂舉僧問趙州。狗子還有佛性也。無州曰。無。頌曰。狗

子佛性無還他大丈夫。是非雖入耳。壁上挂葫蘆。贊達磨像曰。一言已出。驢難追。賴得君王放過。伊楊子江心航折。葦浪頭何似問頭危。

寧波府育王空叟宗印禪師。西蜀人。初住湖州崇先保壽僧。問如何。是本來身。師曰。風吹日炙。曰。意旨如何。師曰。釘釘膠粘。上堂大道坦然。離名離相。剷除則失旨。建立則乖宗。從上佛祖古今。知識顯大機。彰大用。盡是關空鎖夢。過犯彌天。印上座裂破面皮。還免得麼。良久拍禪牀曰。不入驚人浪。難逢得意魚。上堂二由一。有一亦莫守。平地上死人無數。一心不生。萬法無咎。屎窖裡頭出頭沒。孤迥迥峭巍。巍華須連夜發。莫待曉風吹。上堂鐵崑崙兒。喫一擲。南海波斯舞不輟。夜半失却攔腰帛。笑倒東村王大伯。拍禪牀下座。上堂舉僧問長沙。如何是上上人行履。處沙曰。如死人眼。曰。上上人相見時如何。沙曰。如死人手。師曰。死人眼。死人手。金烏飛玉兔走。直截根源。取之左右。張翁醉倒臥官街。元是李翁喫私酒。杭州府淨慈退谷義雲禪師。福州閩清黃氏子。幼業

儒從山堂淳祝髮偏參至吳首謁鐵菴一次參佛照於靈隱隨遷育王歷十年居第一座出住香山五年徙台州光孝又遷鎮江甘露平江虎丘萬壽及淮南長蘆晚補育王後退居香山朝命起蒞淨慈僧問三聖道我逢人則出出則不爲人意旨如何師曰東斗西移曰興化道我逢人則不出出則便爲人又作麼生師曰南斗北轉上堂奔流度刃疾焰過風啐啄同時崖州萬里有底道如人學射久習則巧殊不知未數已前中的早涉迂回了也趙州到茱萸靠却拄杖卽且置只如孚上座道聖箭折也意作麼生喝一喝曰若不同牀睡焉知被底穿上堂舉首山拈竹筥曰喚作竹筥則觸不喚作竹筥則背汝等諸人喚作甚麼葉縣省近前掣竹筥拗作兩橛拋向階下却是甚麼山曰瞎縣便禮拜師曰臨濟一宗掃土而盡宋寧宗開禧丙寅五月示寂壽五十八臘三十五塔於寺之北隅

杭州府徑山少林妙嵩禪師建寧人上堂舉僧問睦州如何是展演之言州曰量才補職曰如何是不展

演之言州曰伏惟尙饗師曰睦州古佛善應來機雖然如是只得八成或問徑山如何是展演之言卽向他道問十答百有甚麼難如何是不展演之言喝一喝曰且莫尿窖沸

寧波府育王秀巖師瑞禪師上堂舉道吾曰高不在絕頂富不在福嚴樂不在天堂苦不在地獄相識滿天下知心能幾人妙喜曰高在絕頂富在福嚴樂在天堂苦在地獄誰知蓆帽下元是舊時人大衆二老隨機應用卽不無若是衲僧門下未夢見在且道衲僧門下作麼生良久曰不是知音者徒勞話歲寒

上堂舉灌溪參臨濟濟下禪牀揭住溪曰領領濟乃托開師頌曰雨散雲收後崔嵬數十峰倚闌頻顧望回首與誰同上堂舉演化問報慈如何是真如佛性慈曰誰無化不契復請益護國國曰誰有師曰誰無誰有全機道言下翻身不唧啗直饒未舉已先行錯認箴箕作熨斗呵呵呵若人自解倒騎驢一生不著隨人後

寧波府育王孤雲權禪師上堂舉僧問雪峰古澗寒

泉時如何。峰曰：「瞪目不見底。」曰：「飲者如何？」峰曰：「不從口入。」僧又問趙州。古澗寒泉時如何。州曰：「苦。」曰：「飲者如何？」州曰：「死。」師曰：「一人隨波逐浪，一人截斷衆流。檢點將來，總欠會在今日。」有人問育王古澗寒泉時如何。只對他道：「須是親見雪峰。」飲者如何。問取趙州。有送僧歸鳳山。偈曰：「鳳凰山下鳳凰兒，文彩纔彰羽翼齊。鐵網縵天攔不得，歸心已在碧梧枝。」

寧波府天童海門師齊禪師初住台州瑞巖奉旨遷天童。每晨起童行捧香盒隨師各殿堂逐一行香畢還方丈。望佛作回向語曰：「上來持誦大方廣佛華嚴經一部，回向真如云云。」曰：「以爲常而舉寺未嘗信師，乃謂衆曰：『汝以八十一人各執經一卷聽老僧誦。』衆依教師在座上誦其八十一人各聞所誦皆與手中所執一字一句毫無差漏。衆疑方釋知爲華嚴大菩薩再世者也。」

石菴正珣禪師歸湖上有偈曰：「鳥不驚飛水不流，碧潭空濶冷涵秋。一絲頭上無香餌，風輟蘆花落釣舟。」

南康府雲居率菴梵琮禪師上堂。恐百丈野狐話頌

曰：「百丈野狐石女無夫，一回淚出滄海乾枯。」浴佛上堂。且喜今朝降獨尊，率菴無物慶生辰。只將一霎薔薇露，洗出湖山淨法身。

杭州府靈隱鐵牛印禪師上堂。舉南泉曰：「王老師自小養一頭水牯牛，擬向溪東放，不免食他國王水草。向溪西放，亦不免食他國王水草。不如隨分納些些，總不見得頌。」曰：「不如隨分納些些，喚作平常事已差。」

綠草溪邊頭角露，一蓑煙雨屬誰家。

華藏演禪師法嗣

湖州府何山月窟慧清禪師上堂。舉天台韶初參法眼因僧問：「眼如何？」是曹源一滴水。眼曰：「是曹源一滴水。」韶聞豁然開悟。頌曰：「曹源一滴水，相屬饒接業。鷄雀空啾啾，驢驢已千里。」

天童全禪師法嗣

寧波府育王笑翁妙堪禪師慈谿毛氏子。廣額平頂，骨氣清豪。從野菴欽受業，依息菴觀於金山。參松源獄於靈隱，皆不契。時無用居天童，徑造其室，用問行脚僧游山。僧曰：「行脚僧用曰如何？」是行脚事。師以

坐具便。臧用曰：此僧敢來者，裡捋虎鬚，俾參堂用一日以狗子無佛性話問師。師擬開口，用以竹筴劈口，便敲師。應聲呈偈曰：大塗毒鼓轟天震，地轉腦回頭。橫屍萬里用領之，卽命侍香已而報恩。約致師分座後，出世妙勝次遷金文移光孝及台之報恩。閩之雪峰未幾，詔住靈隱。開山大慈次遷瑞巖。應江心無何，淨慈詔下，丐辭不允。明年荆湖總臣奏令僧道買紫衣師號，俾以師號住持。師憤然謂曰：若是則千金之子皆可主法，我道殆矣。奏疏殿陛上書廟堂，其議遂寢。詔徙天童，力辭東歸。翠巖育王虎席復有旨起師，再辭不許。乃奉詔表章大覺祖述妙喜，秩然有序。上堂膏雨及時，江山如洗，幽鳥語喬林，殘紅隨遠水。可憐盲聾瘖瘂人不識此方真教體。舉寶壽開堂三聖推出僧話，頌曰：一人客路如天遠，一箇歸心似箭輕。彼此征途雖有異，須知同日到天庭。舉汾陽識得拄杖子行脚事畢，話頌曰：平地無因立話端，揭天聲撼怒濤寒。直饒識得拄杖子，也是封皮作信看。時天童除書再至，大參趙公復請主淨慈，悉謝之，示疾。

書偈曰：業鏡高懸七十二年，一椎擊碎大道坦然。置筆泊然而逝。杭州府靈隱石鼓希夷禪師舉瑯琊覺法華舉相見話頌曰：聞名不如見面，見面不如聞名。此地無金二兩，俗人沽酒三升。舉南泉曰：文殊普賢昨夜三更起，佛見法見，每人與二十棒。越出院也。趙州曰：和尚棒教誰喫。泉曰：且道王老師過在甚麼處。州禮拜而出。頌曰：春風吹落碧桃花，一片流經十萬家。誰在畫樓沽酒處，相邀來喫趙州茶。和梁山遠十牛圖頌一尋牛只管區區向外尋，不知脚底已泥深。幾回芳草斜陽裡，一曲新豐空自吟。二見跡枯木崖前，差路多草窠裡，輾覺非麼。脚跟若也隨人去，未免當頭蹉過他。三見牛識得形容，認得聲戴嵩。從此妙丹青徹頭徹尾，渾相似。子細看來未十成，四得牛牢把繩頭莫放渠。幾多毛病未曾除，徐徐薰鼻牽將去。且要回頭識舊居。五牧牛甘分山林寄，此身有時亦踏馬蹄塵。不曾犯著他苗稼，來往空勞背上人。六騎牛還家，指點前坡卽是家。旋吹桐角出煙霞，忽然變作還鄉曲。

未必知音。肯伯牙七忘牛存人欄內。無牛趁出山。煙
蓑雨笠亦空閒。行歌坐樂無拘繫。贏得一身天地間。
八人牛俱忘。慚愧衆生界。已空箇中消息。若爲通後
無來者。前無去未審。憑誰繼此宗。九返本還源。靈機
不墮有無功。見色聞聲不用聖。昨夜金烏飛入海。曉
來依舊一輪紅。十入鄺垂手者。漢親從異類來。分明
屬領與驢肥。一揮鐵棒如風疾。萬戶千門盡豁開。

福州府雪峰滅堂了宗禪師上堂。空索索冷水。冰清
虛之理。畢竟無身爲甚麼。却有許多煙雨。會得麼。若
會得七種供養諸人。若會不得滴水難消。
寧波府雪竇野雲處南禪師上堂。百計推尋了不見。
面一時休去。在處逢渠。長連牀上喫粥。喫飯取飽爲
期。我且問你。常住一粒米。是幾番過手。上堂斬釘
截鐵。特地乖張。就下平高。衲僧笑具皇覺到此有理。
難伸未審。諸公如何理論。上堂摩醯正眼。照然赫
然。一處該通。萬機頓赴。縛虎擒龍。驚天動地。且平常
一句。又作麼生。莫把是非來辨我。浮生穿鑿不相干。
順天府薊州盤山思卓禪師上堂。拈拄杖曰。登山渡

水。全藉者人。擲拄杖曰。相見易得好。共住難爲情。
上堂寂寂惺惺。有氣死人。惺惺寂寂。無用頑石。嚙下
載清風。付與誰。

育王璞禪師法嗣

寧波府育王妙智從廓禪師長溪林氏子。幼穎悟。不
妄言。年十五。薙染見佛心。才懶。菴需後依大圓璞。有
得服勤。數載圓撫。之以爲類。已得參妙。喜於回雁峰。
下復隨侍。徒育王。及圓繼席。徑山師典第一座。丞相
沈公以廬山請出世。而一香乃爲大圓拈出也。次遷
育王。孝宗卽位。利寶塔詣行在。安奉禁中。觀堂
召師對碧琳堂。問舍利從何發現。師曰。從陛下聖心
發現。上大悅。賜師妙智禪師號。日本國王閱師偈語。
自言有所發明。歲修弟子禮且送材。建舍利殿。師晚
投老於烏石山。立笑月菴。作終焉計。淳熙庚子。示微
恙。說偈而逝。壽六十二。臘四十七。塔於菴之寢室。

雪峰然禪師法嗣

如如顏丙居士有僧舉趙州見南泉有主沙彌話問
者。士以頌答曰。解把一莖茅草。喚作丈六金身。會得

頭頭皆是道。眼中瞳子面前人。頌子湖狗話曰。貧家無所有。只養一隻狗。便是佛出來也。須遭一口。

大鑑下第十九世

青原禪師法嗣

吉安府青原淨居正菴宗廣禪師。僧問不在內。不在外。不在中間。且道在甚麼處。師曰。逢人不得錯舉。曰。還有請益分也。無師曰。弄巧成拙。僧禮拜。師曰。却較些子。上堂。父子相承。住此山叢林。軌則沒多般主。賓色色皆仍舊。薆召大眾。且道仍舊後如何。一炷清香。答聖顏下座。上堂。不用愛聖。聖是假名。不用厭凡。凡是妄立。但得聖凡情盡。自然物我雙忘。正恁麼時。憑誰委悉。拈拄杖曰。石女穿鍼。山色秀木。人牽線。海雲生。乃卓一卓下座。

鼓山永禪師法嗣

杭州府淨慈晦翁悟明禪師。福州人。上堂。舉夾山會下一僧到高亭。纔禮拜。亭便打僧曰。特來禮拜師。何打。又拜。亭又打。趣出。僧回舉似夾山。山曰。會麼。曰。不會。山曰。賴汝不會。汝若會。卽夾山口啞去。應菴曰。高

亭一期忍俊不禁。爭奈拄杖放行太速者。僧當時若是箇漢。莫道高亭夾山便是達磨出來也。斬爲三段。何故。家肥生孝子。國霸有謀臣。師曰。高亭夾山門庭施設。各得其宜。但中間一人較些子。明果與麼道也。是鞏縣茶瓶。嘉定丁丑。師纂修聯燈會要。傳于叢林。

靈隱善禪師法嗣

杭州府徑山藏叟善珍禪師。泉州南安呂氏子。年十三。依郡之崇福落髮。十六遊方。至杭。受具。謁妙峰於靈隱。入室。悟旨。後出世。住里之光孝。升承天。次遷安吉之思溪。圓覺。福之雪峰。復以朝命移育王。與徑山據室者。裡是問訊燒香了。來老僧身邊立地。底所住麼。默子你自鈍。置猶可。莫來鈍置老僧。示衆古者道知之一字。衆妙之門。又有道知之一字。衆福之門。只者二門入得。更須出得。三世諸佛出不得。六代祖師出不得。天下老和尚出不得。何故。變鐵成金。易變金成鐵。雖上堂。慧大地是紫磨金色。身諸人每日開眼。覩見釋迦老子心。肝舉步踏著釋迦老子鼻孔。說有說無。是誑說。生說滅。是謗說。卽心非心。是妄不。

誑不謗不妄春風吹落桃李華。澹煙疎雨籠青嶂。

上堂春雪寒春宵短古佛心破燈盞正法眼乾紙撚抖擻精神只管看到北斗西移南斗東轉上元依舊正月半。上堂靈雲見桃華悟去立沙道敢保老兄未徹香嚴聞擊竹悟去仰山道祖師禪未會禪和家十箇五雙道我此一門全無肯路與麼亦未知立沙仰山舌頭落處在要見二大老麼醉我落花天借他管絃裡。除夕小參舉僧問古德年窮歲盡時如何德曰依舊孟春猶寒師曰古德怎麼答話只恐諸人忘却今日忽有人問年窮歲盡時如何拈棒便打待他道因甚麼打某甲卽向他道你更要我道孟春猶寒那。嘗自題其像曰參禪無悟識字有數眼三角似燕山愁胡面百摺如趙婆呷酢一著高出諸方敢道飯是米做。送忍書記偈曰鬢絲不可織寒衣。煮字那能療得饑別欲與君安樂法正忙却未有閒時。生宋光宗紹熙甲寅十月十二日示寂於景炎丁丑五月二十一壽八十三闍全身於南塔院。杭州府淨慈東叟仲穎禪師上堂切忌隨他覓無勞。

向已求縱橫活鱗鱗有放還有收是甚麼一葉落天下秋。上堂迷生寂亂悟無好惡奉化縣裡契此翁凸箇肚矮雙足拖箇布袋十字街頭憨憨凝凝落落魄魄何似老龍牙手裡把柄破木杓。上堂拈拂子畫一畫曰伏羲發天地之祕未明者消息又點三點曰瞿曇示圓伊之形未明者消息者消息如何辨的不見道冬至乃書雲節擊拂子。上堂上不在天下不在地中不在人喝一喝曰且道若一喝落在甚麼處若也知得也有賓也有主也有照也有用若也不知參退巡堂喫茶。上堂搥動鼓衆斯聚耳同聞目同觀超乾坤越今古夫何故五月五是端午。上堂行者行坐者坐左之右之無可不可甘露園中蒺藜黃檗樹頭蜜果纔與麼不與麼不與麼却與麼善買之家不停滯貨。

吉安府吉水龍濟友雲宗蓋禪師廬陵王氏子幼喜趺坐年十二從寶壽海室涼出家十九薙髮受具二十二參妙峰於靈隱值佛涅槃日上堂峰拈拄杖曰釋迦老子來也諸人還見麼微妙淨法身具相三十。

二放下拄杖曰見你諸人不會入涅槃去也師於言下豁然契悟尋登吉水之東山佛頂得修山主故址木食澗飲影不出山嘗自咏曰山僧有分住煙蘿無米無錢莫管他水似瑠璃山似玉眼前儘有許來多後峰以法衣竹篋并自題肖像寄師曰妙峰孤頂草離離橫按竹篋三尺鐵只許佛頂龍濟知父子不傳真秘訣師嘗榜門曰除却眼耳鼻舌身意那箇是你自己若也道得許你親見龍濟其或未然且居門外雪巖嘗對曰和尚曾接得幾人師曰山僧從來不曾按牛頭喫草歲暮僧問臘月三十日到來時如何師曰門前無索債人元至元丁亥七月二十七日忽示疾集衆囑後事彈指一聲曰只此是別衆語也將二鼓衆請偈師索筆書曰一燈在望更無言說大地平沈虛空迸裂書畢泊然而寂世壽八十臘六十一全身塔於峰巔

淨慈簡禪師法嗣

寧波府育王物初大觀禪師鄞縣橫溪陸氏子參北磬於淨慈領旨典文翰晚住育王上堂一東二冬你

儂我儂暗中偷笑當面脫空雖是尋常茶飯誰知米裡有蟲夜來好風吹折門前一株松上堂用黑豆法換人眼睛如恒河沙會火爐頭話能有幾箇九九三世諸佛不知有翻身踢倒五須彌何用法身藏北斗藏北斗分明向外揚家醜上堂達磨止宗禪僧巴鼻无塞虚空無處回避堪笑迷流白日青天開却眼只管瞋睡更有黃面老人不識好惡入泥入水却道我於然燈佛所無一法可得而爲我授記何異好肉剜瘡空華求蒂畢竟如何悉喇悉喇既順世塔於寺之西菴

徑山琰禪師法嗣

杭州府徑山偃溪廣聞禪師侯官林氏子母陳世業儒季父爲沙門諱智隆住宛陵光孝往依之十八得剃染初見鐵牛印少室睦無際派諸老甚久後參浙翁於天童鍼芥雖投自知未穩及再參雙徑一夕坐簷間聞更三轉入堂曳履而蹶如夢忽醒翌朝造室翁舉趙州洗盂話師將啓吻翁遽止之遂當下廓然紹定戊子出仕四明小淨慈次歷主香山萬壽雪

寶育王淨慈靈隱徑塢八席 開爐上堂舉趙州示衆老僧三十年前在南方火爐頭有箇無賓主話直至如今無人舉著師曰森羅萬象明暗色空日夜舉揚趙州古佛不是不知只爲貪程太速 上堂楊岐眼裡睛臨濟頂中髓一不成二不是點著不來白雲萬里 佛成道上堂錯錯六載草繩空自縛了了開得眼來天大曉古今天地古今日月古今星辰拍掌一下曰劍去久矣切忌刻舟 上堂雲門放洞山三頓棒嚼飯餞嬰兒黃檗打臨濟三頓棒按牛頭喫草只今不犯絲毫有箇方便良久曰大事爲你不得小事自己擔當 上堂非風幡動仁者心動浣盆浣盆非風鈴鳴我心鳴耳漆桶漆桶古往今來和泥脫鑿有甚麼限還知萬壽落處麼劫石有銷日虛空無盡時 上堂十字街頭石幢子無你遮護處一聲江上侍郎來無你回避處衲僧家朝出暮入脚前脚後也須仔細忽然築著磕著淨慈拄杖別有分付 上堂一升三合拄杖頭邊萬水千山草鞋跟底未言先領誰家龜裡無煙掣起便行是處井中有水莫道空來

又空去許多途路不相孤 上堂繞禪牀一匝揮香案一下轉藏已竟講經已竟若具看經眼目方知落處其或未然依經解義三世佛冤離經一字還同魔說 上堂趙州喫茶去金牛喫飯來龍門多上客有人續得末後句許你入阿字法門 上堂一句絕離微因圖無縫罅善財七日尋覓不得趙州五年分疎不下靈山今日快便難逢爲通一線六月賣松風人間恐無價 宋理宗景定癸亥六月十四日示寂世壽七十五僧臘五十八
蘇州府虎丘枯椿曇禪師上堂舉大梅嘗問馬祖如何是佛祖曰卽心是佛師曰要知馬祖落處麼水向石邊流出冷風從花裏過來香
杭州府徑山淮海原肇禪師通州靜海潘氏子母陳幼從邑利和寺出家年十九受具參浙翁於徑山翁問汝何處人師曰淮東翁曰泗洲大聖爲甚麼在揚州出現師曰今日又在杭州撞著翁曰且喜沒交涉師徐曰自遠趨風翁以師警敏欲大激發未許參堂纔見便曰下一轉語來擬開口卽喝出師以書上又

以頌呈末句曰空教回首望長安翁曰者裡是甚麼所在師曰謝和尚挂搭於是密就入室之列命掌記室翁既寂師出世里之光孝遷吳城雙塔金陵清涼天台萬年蘇之萬壽永嘉江心而四明育王虎席廟堂以師補處復遷杭之淨慈靈隱徑山其住徑山值歉餘逋券山積僧殘屋老未幾樓閣盡霄雲衲踵至不減浙翁全盛氣象俄示疾囑其徒曰爲吾祈一穴於東澗見生死不忘奉師之意六月初十日浴訖書偈而逝嘗讀達磨像曰踏翻地軸與天關合國人追不再還去去一身輕似葉長江千古浪如山

寧波府天童弁山阡禪師舉李大夫翔參藥山因緣頌曰貴耳而賤目背手抽金鏃仰面看青天箭過新羅國送僧歸鄉偈曰奪志南方問正因正因一字不曾聞七零八落袈裟角惹得凌霄幾片雲觀音像讚曰螺髻屈蟠春島碧綠衣零亂曉雲寒尋聲只麼隨流去說甚眞觀清淨觀

金華府雙林介石朋禪師上堂舉明招一日天寒上堂衆纔集招曰風頭稍硬且歸煖室商量便歸方丈

衆隨至立定招曰纔到煖室便見瞋睡以拄杖一時趣下頌曰稍硬風頭早已乖更將煖室自沉埋反令千古成踪跡枉喫羅山白飯來因見郁山主畫像旁僧索讚師信筆書曰拾得明珠笑眼開爲言塵淨轉生埃若無直下承當者孤負闍黎一撲來佛成道日示衆六載將身草裡埋當時有眼幾曾開果然見得明星現未到門庭冷似灰

杭州府靈隱大川普濟禪師明州奉化人上堂舉僧問睦州如何是祖師西來意州曰一隊衲僧來一隊衲僧去師頌曰一隊衲僧來一隊衲僧去打破睦州關大地無寸土題世尊出山相曰龍章鳳質出王宮肘露衣穿下雪峰智願必空諸有界不知諸有自来空送僧偈曰雲遮劍閣三千里水隔瞿塘十二峰抖擻尿腸都說了莫教錯認甕爲鐘蜘蛛頌曰一絲挂得虛空住百億絲頭殺氣生上下四圍羅織了待無漏網話方行師嘗纂修五燈會元蘇州府虎丘東山道源禪師福建連江黃氏子肄業郡之白雲游歷兩浙見知識二十餘員末後到蔣山

見浙翁室中翁卽心卽佛話有省出世奉化清涼遷
蘇州虎丘上堂拈拄杖曰德山棒臨濟喝總是用
過了底閒家廢具且道虎丘將甚麼爲人卓拄杖曰
不假鉗鎚烹佛祖慣將折筯攪滄溟擲拄杖下座
題蜺子像曰紙錢堆裡可憐生臭口纔開便葛藤蕩
盡鬼家窮活計至今古廟絕人行建安徐直翁帥
三山以雪峰起師至建寧光孝寺遺偈而化淳祐己
酉九月二十九日也壽五十九

寧波府大慈芝嚴慧洪禪師。越州新昌人。姓朱。誕時。母夢前石佛入臥內而生。年十六。從石佛淨因。薙染。謁浙翁於蔣山。翁問。汝何處人。師曰。越州翁曰。近離甚處。師曰。淨慈。翁曰。如何。是行脚事。師擬議。翁色莊曰。汝前來答我。一分曉。問著行脚事。則茫然。爲何所疑。師曰。今日來見和尚。翁曰。念汝新到。參堂去。翁遷天童。師再參室中。舉不是心。不是佛。不是物。話師曰。毒龍行處。草不生。翁曰。且喜沒交涉。師曰。入水見長人。翁便喝。後應丞相忠獻越王之命。出世崇報寺。上堂。住山懶慢。百事無成。教爲剩語。禪亦強名。擊拂。

子曰夜來春睡重。不覺到天明。住石佛上堂。紅塵堆裡四經秋。驗盡諸方盤脫丘。忽地船頭輕撥轉。却來屋裡販揚州。欄衫翻著曲唱還鄉坐。斷千差壁立萬仞直。得韶光溢目。故園桃李爭妍。瑞氣騰空。本地風光顯現。若也頓開千眼。何妨把手同歸。其或未然。善財一去無消息。樓閣門開竟日閒。上堂若論此事。如春行大地。物物皆春。若是焦芽敗種。又爭怪得。臨終書偈曰。六十三年前。六十三年後。臘月火燒山。崖空俱出醜。跏趺而逝。

寧波府壽國夢牕嗣清禪師山陰于氏子出家天章
佛涅槃上堂佛眞法身猶若虛空因甚二月十五日
却向雙林樹下做盡死模樣良久曰竹影掃階塵不
動月穿潭底水無痕上堂舉白雲端示衆若端的
得一回汗出一莖草上現瓊樓玉殿若未端的得一
回汗出縱有瓊樓玉殿却被一莖草蓋却師曰要知
白雲老人落處麼曾從塞北經塵戰敢向江南說陣
圖上堂德山入門便棒臨濟入門便喝逼龜成兆
終不能靈寶陀者裡寂然不動感而遂通良久曰馬

無千里謾追風。上堂舉曹山辭洞山洞山曰子向甚麼處去。曹曰不變異處去。曰不變異處豈有去耶。曹曰去亦不變異。師曰雲藏無縫襖鳥宿不萌枝。上堂春風如刀春雨如膏裁剪不得處桃花色轉嬌。靈雲一見不疑去。謝郎舞棹更呈撈。上堂歸宗斬蛇祕魔擎叉禾山打鼓趙州喫茶十字街頭開鋪席。見錢買賣且無賒。上堂三十年來尋劍客幾回棄落又抽枝自從一見桃花後直至如今更不疑。師曰尋常春夢無奇特獨有靈雲說向人只如立沙道諦當甚諦當敢保老兄未徹在又作麼生若不同牀睡焉知被底穿。上堂萬里無寸草頭上漫漫出門便是草脚下漫漫夜行只管貪明月不覺和衣渡水寒。處州府遂昌龍溪文禪師示衆無相無形本寂寥擬擡眸處轉迢遙蒲團靜倚無餘事窓外一聲婆餅焦。

續燈正統卷之十一

續燈正統卷十二

南海普陀嗣祖沙門西蜀 性統 編集

臨濟宗

大鑑下第十九世

天童派禪師法嗣

寧波府天寧無鏡徹禪師舉僧問嚴頭浩浩塵中如何辨主頭曰銅沙鑼裡滿盛油話頌曰百萬雄兵入漢關威如猛虎陣如山單刀直取顏良首不是關公也大難

福州府金鰲峰定禪師題立沙像曰青蓑不肯換金章千古風流屬謝郎釣得錦鱗人不薦夜寒沙上聽鳴榔

育王印禪師法嗣

湖州府道場別浦法舟禪師嘗作魚籃觀音讚曰月眉斜印海門孤逐浪隨波不丈夫雙手向人提掇起却將魚目換明珠

無極觀禪師題世尊出山像曰王宮不住箇癡獸半夜逾城真怪哉苦行六年誰采你計窮只得出山來

育王瑞禪師法嗣

寧波府瑞巖無量崇壽禪師舉白侍郎問鳥窠如何是佛法大意窠曰諸惡莫作衆善奉行侍郎曰三歲孩兒也解與麼道窠曰三歲孩兒難道得八十老人行不得頌曰惡無相貌善無形皆自心田長養成不露鋒鋦輕點破菩提煩惱等空平舉世尊夜觀明星悟道機緣頌曰明星現處眼皮穿漢語胡言萬萬千暴富乞兒休說夢誰家竈裡火無煙

何山清禪師法嗣

福州府雪峰北山信禪師舉世尊觀星悟道機緣頌曰六年凍得眼無光一見明星雪後霜擔水出山頻喚賣不知江海白茫茫

育王堪禪師法嗣

饒州府薦福無文燦禪師吉安泰和柳塘人從育王得法理宗寶慶丁亥六月受請住薦福次遷開先紹定己丑復主薦福據室山僧今日開地獄門普請盡大地人造地獄業證地獄果若有一人成佛作祖我誓不成正覺上堂拈香畢乃曰天高地厚日盈月

戾全提半提天地懸隔燦上座平生只會著衣喫飯聞人說佛法二字如風過樹頭如水澆頑石今日裂破面門喚作長老也欲與諸人論說一上無端冒五六月大熱行二千里修途一時打失了也雖然賴有拄杖子在拈拄杖曰拄杖子試說看卓一下曰清平世界切忌譌言當晚小參鼓棹揚帆駕沒底船橫行海上神頭鬼面用無文印勘驗諸方二千里遠來住山單單地提持此事舉拂子曰看看印文已露劃一劃曰錦縫已開若佛若祖若聖若凡盡向者裡一印印定直得盡乾坤大地風颯颯地衆中忽有箇犯衆出來道長老你且莫大驚小怪我在威音王佛世已證是三昧又作麼生以拂子擊禪牀下座上堂雲門放洞山三頓棒黃檗打臨濟三頓棒減竈添兵傷鹽費醬一不成單二不成兩多少蘆華對蓼紅時人只看絲綸上上堂諸佛法門祖師要妙夜來四簷雨說得盛水不漏汝等諸人若向者裡承當者裡保任以手搖曳曰料掉料掉開爐併謝著舊踏田上堂趙州無賓主話田地穩密底開口便道著信脚

便踏著若是東西不辨南北不分未免被人侵疆越界薦福門下總是田地穩密底人拈起香匙放下火筴一天真因甚如此公驗分明上堂臨濟處半杓挂山處半杓玉本無瑕妄自雕琢有年無德老睦州無端拶折雲門脚端午上堂符不書藥不採起死禁不祥拈拄杖曰幸有者箇在卓一下曰滿院熏風夏日長人在藕華香世界開先結夏小參大華藏海渺無邊際江河溪澗流入其中咸失本名魚龍蝦蟹游泳其中咸失本性三世諸佛於中成等正覺一切衆生於中流浪生死現前大衆於中成就無功用學拈拄杖卓一下曰開先拄杖子一口吸乾了也三世諸佛一切衆生現前大衆畢竟向甚麼處行履良久曰曹溪波浪如相似無限平人被陸沉冬至小參滴水冰生未可歇去崖崩石裂正好進程直饒會得一綫長要且未會長一綫直饒會得長一綫要且未會一綫長所以鄉談相似州縣不同開先則不然擾擾匆匆晨雞暮鐘喚冬作夏喚夏作冬一綫短長誰管得雪霜盡處是春風再住薦福當晚小參

去去實不去是法住法位來來實不來世間相常住山僧屈指五載重到東湖荷盡已無擎雨蓋春風猶在柳梢頭無一絲毫去來相無一絲毫新舊相見則與諸人共見聞則與諸人共聞箇中忽有箇出來道無文將常住物作自己用固有之你也忒煞忒煞腹元來衆中有人在復舉德山小參不答話鉤在不疑之地時有僧出著了也山便打果然僧曰某甲話也未問因甚便打不識痛癢漢山曰你是甚處人第二下鐵鎚來也僧曰新羅人和聲送出山曰未跨船舷好與三十棒雷聲浩大雨點全無大衆大小德山龍頭蛇尾却引者僧向草窠裡頭出頭沒當時待他道某甲話也未問因甚打某甲脚跟下痛與三十何故爲人須爲徹上堂風蕭蕭雨蕭蕭大高地厚水濶山遙達磨大師無端游梁歷銀二祖大師平白失了一臂水潦和尚不合喫馬大師一踏天下大禪佛枉自喫了四藤條說著令人恨不消上堂佛祖未興時天然一句子不東不西不橫不豎諸僧家東敲西嚼從朝至暮橫也無奈何豎也無奈何拍膝一下曰

若向者裡進得一步。自然和聲送出。兩手分付。若祇向冊子上學得來。印板上脫將去。山無重。數水無重。數。結夏上堂。百不知百不會。飽喫飯。熟打睡。要得尅期取證。須證知是三昧。師嘗與其友知無聞書。曰。住院何足道哉。近年敕差堂除者。何限可挂齒牙者。能幾人。使吾有口。可以吞三世諸佛。則曲肱牀終身不坐。又何嫌無聞。以爲何如。某昔者入衆。見識字人多。不修細行。遂決意不作書。記諸老據位。稱師者。又多看不上眼。遂無意出世。今皆不遂其初矣。住院十年。名爲長老。只是舊時燦上座。飲食起居。與堂僧無異。相從衲子。歲不下百數十人。遇五日。搥鼓陞堂。以平時在諸老間。所得細大法門。隨分東語西話。斷不敢以脫空語籠罩學者。亦不敢以過頭語欺謾學者。說到無巴鼻。無滋味處。欣然自笑。聽者不必解笑也。士大夫多相知。然所知者。不過謂其讀書也能文也。解起廢也。硬脊梁也。蓋臆毛幾莖。則知者鮮矣。

大鑑下第二十世

淨慈明禪師法嗣

太原苦口良益禪師參淨慈。慈問曰。近離甚處。師曰。瑞光慈。曰。正與麼時。光在甚麼處。師便喝。慈曰。且止汝道。西湖水深多少。師擬議。慈便打。趲出久之。契悟。獻投機頌曰。臨機一句不露絲頭。吹毛纔展。大地全收。慈曰。從上心印。汝今得之宜處。深谷俟時。行化咸淳。癸酉。出住中山靈鷲上堂。臨濟德山。雲騰致雲。趙睦二州。合水和泥。拆東籬補西壁。眼觀東南意。在西。北一箇箇。祇有愛壁之心。且無割城之意。引得後來一些沒勾。當底長老。連類比事。磨梭合縫。說黃底說黃。論黑底論黑。黑白地上一堆。一擔看來。真箇好笑。若是喉中有氣。底斷不走。恁般蹊徑。時有數僧競出。師拈拄杖。一時打散。

徑山珍禪師法嗣

杭州府徑山元叟行端禪師。臨海何氏子。母陳世業。儒師生而秀拔。十二從族叔茂于餘杭。化城院得度。十八受具戒。一切文字。不由師授。初參藏叟於徑山。叟問甚處人。師曰。台州叟。便喝。師展坐具。叟又喝。師收坐具。叟曰。放汝三十棒。參堂去。師於言下頓悟。後

典第一座于徑山元大德庚子出世湖之資福特旨
賜號慧文正辨禪師次主中竺皇慶壬子遷靈隱有
旨設水陸會于金山命師說法事竣入覲便殿加賜
佛日普照陞辭南歸養高于良渚之西丘至治壬戌
徑山虎席請師補處焉僧問如何是正法眼師曰十
字街頭石敢當日只者便是麼師曰月似彎弓少雨
多風上堂舉僧問趙州狗子還有佛性也無州曰
無又僧問狗子還有佛性也無州曰有師曰若以無
爲究竟後來因甚道有若以有爲諦當前面因甚道
無者裡捉敗趙州許你天上天下上堂心不是佛
兔馬有角智不是道牛羊無角驀拈拄杖畫一畫曰
一夜落華雨滿溪流水香上堂秋風涼秋夜長未
歸客思故鄉拍禪牀曰自是不歸歸便得五湖煙景
有誰爭上堂邊戍朝鳴角空山夜答鐘人人皆共
聽何處不圓通元宵上堂并謝監收浴主維那千
粒萬粒從一粒生只者一粒從甚麼處生千燈萬燈
從一燈起只者一燈從甚麼處起識得一燈千燈萬
燈燈燈不疑識得一粒千粒萬粒粒粒無礙三脚驢

子弄蹄行踏破無邊香水海拈拄杖卓一下曰頂門
也少者一下不得問新到何方聖者甚處靈祇僧
曰臨朕礎師曰杜撰禪和如麻似粟參堂去問住
僧棋盤石斫破你腦門盃盃池浸爛你脚板僧擬答
師便喝問僧壁開華嶽連天秀放出黃河徹底清
卽且置平實地上道將一句來僧擬開口師便打
師以呵叱怒罵爲慈誘之誨以不近人情行大公之
道凡有利物皆陰爲之沒齒不言生宋寶祐乙卯
以至正辛巳八月四日示微疾沐浴更衣書偈訣衆
曰本無生滅焉有去來水河發焰鐵樹華開投筆垂
一足而化留龕七日顏色如生世壽八十七僧臘七
十六以是月十一日奉全身塋於寂照塔院分爪髮
建塔化城

淨慈穎禪師法嗣

温州府江心一山了菴禪師臨川金氏子貌瘠而弱
年十五業程文有聲去從金谿常樂院祝髮游方謁
偃溪聞荆叟王簡翁敬諸老皆相脗合東叟領南屏
命師掌記偶經神祠見紙灰旋起脫然忘所證亟以

白叟叟詰之有緒爲印可焉。游天台衆請開法寒巖。踰三年遷仙居紫籙。又十年遷疎山。因事卽擢退鼓。江淮總統會諸山以開先迎師至叢林鼎新。又十年遷住江心。少拂意卽棄去。會廬山月澗明迎師歸東溪。明寂衆復以開先請師力却不可勉應之。上堂靜悄悄。鬧浩浩。渾不涉階梯。已踏向上道。萬里無寸草。出門便是草。撞著賣柴翁。便是栽松老。琉璃殿上月團圓。珊瑚枝上日杲杲。上堂逢堯舜則陳典謨。要立生涯遇桀紂則用殺伐。盡掃窠臼。吾輩人乾曝曝硬糾糾。淨裸裸赤灑灑。何曾有許多事。可怪陳睦州見僧入門便道現成公案。放汝三十棒子細看來。也是窮急計生。上堂拈拄杖曰。此拄杖子。西天四七東土二三天下老和尚拈弄不出。今日落在開先手裡。無頭無尾。能放能收。離相離名。能縱能奪。雖然如是也。只爲中下之機。忽遇上上人來時如何。以拄杖畫一畫曰。放過一著。皇慶壬子十一月二十六日。遘疾危坐。閱七日命具浴更衣書訣衆語泊然而逝。闍維收五色舍利如菽無數。目睛齒牙頂骨俱不

燼時改作豫章烏遮塔。江西行省丞相幹赤命以舊藏世尊舍利奉于中。遣使分師之目睛舍利貯之銀盒陪塋焉。其餘分塋東溪。

寧波府奉化嶽林有堂益禪師。温州人。開法婺之天寧。遷饒之薦福。後主明州太平復陞彰聖。晚住岳林。上堂古者道我者裡無法與人。只是據款結案。彰聖者裡亦無法與人。亦不據款結案。拈拄杖曰。如何是佛。赤腳踏蓮花。如何是佛。向上事。雕梁畫棟。擲下拄杖便歸方丈。二月十五日上堂擊拂子曰。彰聖今日將三十年前冷灰裡爆出底烏豆。換老胡眼睛去也。喝一喝曰。設有一法過於涅槃。我此一喝不作一喝用。上堂魯祖面壁。麻谷閉門。二大老雖與天寧相去數百年。今日要各與他二十拄杖。何故。譬如油蠟作燈燭。不以火點終不明。示衆諸上座。出息不保入息。二六時中切莫將身心別處。禪用饒你掉臂。也是祖師西來意。脚尖頭也踢出一尊古佛來。不如無事好。上堂舉黃龍三關話師曰。黃龍老漢頭匾。所以說漳泉福建話。逼真謾得天下人。過謾漳泉福

建人不過。上堂以手指左邊曰。者是香爐。指右邊曰。者是華瓶。能以一義作無量義。以無量義爲一義。

陳尊宿織蒲鞋。鄧師伯打瓦鼓。上堂。諸上座。步步

是諸人證明處。須是自肯方可歸家穩坐。若不然者。蟻蛄腹蟹水母目蝦。上堂。五千四十八卷。只作一

句道。却遂起身曰。立地待諸人搆取便下座。上堂。

一切世間諸所有物。皆卽菩提妙明元心。石脾入水。卽乾出水。卽溼獨活。有風不動。無風自搖。臨終書

偈曰。八十三年。甚麼巴鼻。栢樹成佛。虛空落地。茶毗舍利。瑩然齒牙數珠不壞。

金華府智者雲屋自開禪師。括蒼葉氏子。烏巨行九世孫也。初參荊叟。珏於靈隱。次謁東叟。穎於淨慈。掌記室。一日因撰佛成道疏。曰。發見精於午夜。叟曰。何不道。泯見精於午夜。師不覺股栗汗下。如發蒙。薛徹見叟垂手爲人處。自是韜晦甚堅。雖雙林遷智者。兩提鋤斧。乃爲人所強耳。皇慶壬子十月二十五日。與客語笑。次忽命侍僧取筆書偈而逝。

無方安禪師法嗣

枯木榮禪師有三祖贊曰。風恙纏身世。莫醫家貧遭劫。更堪悲。誰知覓罪了無處。正是賊歸空屋時。

育王觀禪師法嗣

杭州府徑山佛智晦機元熙禪師。豫章唐氏子。師與兄元齡俱習舉業。齡旣登第。師乃從西山山明祝髮。將遊方。母具白金爲裝。師謂財足喪志。辭之。依物初於玉几。初與語。驚異。後謁東叟。穎於南屏。典記室。至元間。楊璉眞加奉旨。取育王舍利。躬詣師求記。因招與俱。師辭曰。我有老母。兵後存亡不可知。遂辭歸江。西。元齡死。難獨母在堂。師奉之以孝。聞元貞丙申。出世百丈。至大初。繼席淨慈。上堂。雲門道箇普字。盡大地人不奈何。殊不知雲門四稜踢地。當時若與震威一喝。待他惡發。徐徐打箇問訊道。莫怪觸忤。好非但扶起此老。管取話行天下。上堂。三界無法。何處求心。白雲爲蓋。流水作琴。古今無間。誰是知音。擊拂子曰。一曲兩曲無人會。雨過夜塘秋水深。上堂。獨坐大雄峰。寒灰撥不紅。一星螢火出孤鶴。過遼東。結制上堂。以手作結布袋勢。曰。南山今日結却布袋。

口了也。汝等諸人各各於其中身心安居平等性智。忽有箇衝開碧落。撞倒須彌底。莫道結子不堅密。良久曰。漫天網子百千重。舉太原字間角聲悟道話。頌曰。琴生入滄海。太史遊名山。從此揚州城外路。令嚴不許早開關。延祐甲寅復遷徑山。已而杖策歸南屏。而百丈大仰爭來迎。請師不獲。已遂返仰山。居三年。將示寂。手書辭所與遊者。復書偈訣。衆擲筆而化。當元仁宗延祐己未閏八月十七日。世壽八十二。全身瘞於金鷄石下。復分爪髮塔於淨慈西隱。

徑山聞禪師法嗣

杭州府徑山雲峰妙高禪師。福之長溪人。世業儒。母阮夢池上。嬰兒合爪坐蓮華。心手捧得之。覺而生。師因名夢池。神彩秀徹。嗜書力學。尤耽禪典。依雲夢澤。薙染受具。戒首參癡絕。次見無準。後之育王。見偃溪。典藏鑰。一日溪舉譬如牛過窓欄。頭角四蹄都過了。因甚尾巴過不得。師劃然有省。遽曰。鯨吞海水盡。露出珊瑚枝。溪曰也。只道得一半。會溪遷南屏。師與俱。後出世住宜興。大廬繼遷江陰。勸忠書川何山奉朝。

命居蔣山十三載。德祐乙亥寺被兵。軍士有逼師求金者。以刃擬師。師延頸曰。欲殺即殺。吾頭非汝礪刃石辭色了無怖畏。軍士感化。棄刃而去。元至元庚辰。遷徑山。先是寺罹回祿。草創纔什一。不數年遂還舊觀。示衆前念是凡。後念是聖。一刀兩段。更莫遲疑。是以涅槃會上。廣額屠兒放下屠刀。便言我是千佛。一數雖然。若無舉鼎拔山力。千里烏雕不易騎。示衆言前辨旨。句下明宗。東計山熾然說法。湛漬水專爲流通者。裡構得未免。通相鈍置。若或尙存。觀聽擾擾。匆匆晨雞暮鐘。上堂聲色爲無生之煬。毒受想乃至人之坑阱者。般說話阿誰不知。然粗糲易飽。細嚼難饑。上堂世界未形。乾坤泰定。生佛未具。覩體全真。無端鏡容大士。向鷹巢躍出。壁破面皮。早是遭人描邈。那更缺齒老胡。不依本分。遙望震旦。國有大乘根器。迢迢十萬里來。意在攬行奪市。直得鳳樓鼓響。阿闍鐘鳴。轉喉觸諱。插足無門。合國難追。重遭揭露。新蔣山迫不得已。跨他船舷。入他界分。新官不理舊事。畢竟如何。拍禪牀曰。戌樓靜貯千峰月。寒草閒。

鋪萬里秋。上堂五峰峭峙到者須是其人一鏡當空。無物不蒙其照。祖師基業依然。猶在衲僧活計。何曾變遷。著手不得。處正好提撕。措足無門。時方堪履踐。直得山雲澹泞。澗水潺湲。一曲無私。萬邦樂業。正恁麼時。功歸何所。車書自古同文軌。四海如今共一家。至元戊子春。僧錄楊輦真加奉旨。集江南教禪諸德。朝覲論道上。問禪以何爲宗。師進奏曰。禪也者。淨智妙圓。體本空寂。非見聞覺知之所可知。非思量分別之所能解。上又曰。禪之宗裔。可歷說乎。師曰。禪之宗裔。始於釋迦世尊。在靈山會上。拈金色波羅華。普示大衆。惟迦葉一人微笑。世尊曰。吾有正法眼藏。涅槃妙心。分付於汝。迦葉受囑。由此代相授受。而至菩提達磨。達磨望此東震旦國。有大乘根器。航海而來。止少林九年。而得慧可。不立文字。直指人心。見性成佛。是爲禪宗也。上嘉之。師因從容奏曰。禪與教本一體也。譬如百千異流。同歸於海。而無異味。又如陛下坐鎮山河。天下一統。四夷百蠻。隨方而至。必從順承門外而入。到得黃金殿上。親觀龍顏。方可謂之

到家。若是教家。只依文字語言。不達玄旨。猶是順承門外人。若是禪家。雖坐破六七箇蒲團。未得證悟。亦是順承門外人。謂之到家。俱不可也。是則習教者。必須了達玄旨。習禪者。必須頓悟自心。如臣等今日親登黃金殿上。親觀龍顏。方可稱到家人也。上喜。賜食而退。陞辭南歸。會徑山復危。焚惑師爲竭力營建。煥然一新。癸巳六月十七日。書偈而逝。師生於嘉定己卯二月十七日。世壽七十五。僧臘五十九。塔於寺之西麓。

湖州府何山鐵鏡至明禪師。福唐長溪黃氏子。首謁堯叟。薨於嘉禾。天寧復見偃溪。於淨慈久之。獲印證。訪清溪。沉於虎丘。藏叟珍於雙徑。至元辛巳出世。何山移大梅。大德庚子復歸何山。上堂著意馳求。驢年見面。盡情放下。警爾現前。香嚴聞擊竹聲。徹見本來面目。卽不問且道。恁麼熱向甚麼處回避。歸堂喫茶去。上堂原野秋陰。寒蟬悉吟。楓林落葉。片片赤心。達磨頂門無骨兒。孫海底摸鍼。忽然摸著時。如何誰道龍王宮殿深。上堂達磨不來東土。官路少人。

行二祖不往西天私酒多人喫何山門前一條大路
南來北往知是幾多只是中間一塊石頭未曾有人
踏著衆中莫有踏著者麼擲下拄杖曰看脚下上
堂今朝八月二十五記得洞山離查渡落在雲門網
子中有屈至今無處訴豎起拂子曰雲門大師來也
合喫何山手中棒且道過在甚麼處不合鼓弄人家
男女仁宗延祐乙卯十一月十五日呼其徒囑後
事索紙大書曰絕羅籠沒回互大海波澄虛空獨露
擲筆脩然而逝壽八十六

寧波府天童止泓鑒禪師初住信州真如移席天童
上堂諸佛不真實說法度羣生菩薩有智慧見性不
分明白雲無心意灑爲世間雨大地不含情能長諸
草木古德與麼提唱於四諦法中開鑿人天不妨善
巧若據衲僧分上何啻白雲萬里上堂拈拄杖曰
一有多種二無兩般枯桑知天風海水知天寒拄杖
子聞與麼道不覺忻笑曰出身猶可易脫體道應
難擲拄杖下座舉太陽玄問梁山如何是無相道
場山指大士幘子曰者是吳處士畫底玄擬進語山

急索曰者是有相底那箇是無相底玄遂有省便作
禮山曰何不道取一句玄曰道即不辭恐上紙筆山
笑曰此語上碑去在頌曰眞空無相絕名模空底精
兮畫底粗道即不辭難上紙西天鬚子沒髭鬚

天童旰禪師法嗣

九江府廬山圓通雪溪禪師題輿化像曰中原一
寶有來由拶得君王引幘頭到此若無青白眼當機
誰敢謾輕酬

雙林朋禪師法嗣

杭州府靈隱悅堂祖闡禪師南康周氏子端平甲午
八月一日生年十三依郡之嘉瑞僧偃薙髮受具一
日閱華嚴至惟一堅密身一切塵中現忽有省卽往
見別山智於蔣山山問近離何處師曰江西山曰馬
大師安樂否師又手進前曰起動和尚未幾至杭見
斷橋倫於淨慈慈問臨濟三遭黃檗痛棒是否師曰
是慈曰因甚大愚肋下築三拳師曰得人一牛還人
一馬慈領之慈逝栢山介石補其處一日石室中舉
庭前栢樹子話師擬議石抗聲曰何不道黃鶴樓前

鷲鷲洲師言下頓悟。即命侍香久之。歸廬山東巖。日住圓通。延師分座。九江守聘師出世。西林至元甲午。遷開先。又遷東林。元貞初。奉詔入對。稱旨。賜璽書。通慧禪師號并金襴法衣。大德乙巳。遷住靈隱。嘗勸一僧曰。微塵諸佛在你舌頭上。三藏聖教在你脚跟底。何不警地。僧罔措。師便喝。問僧釋迦彌勒是他。奴他是阿誰。僧擬對。師便打。問新到何處來。曰閩中。師曰。彼處佛法如何。住持曰。饑即喫飯。困則打眠。師曰。錯。僧曰。未審和尚此間如何。住持師拂袖歸。方丈至。大已酉。一日集衆訣別。說偈曰。緣會而來。緣散而去。撞倒須彌。虚空獨露。乃泊然而逝。世壽七十六。僧臘五十三。

靈隱濟禪師法嗣

寧波府天童石門來禪師。嘗作剪刀頌曰。渾鋼打就冷光浮。兩刃交鋒未肯休。直截當機爲人處。何曾動著一絲頭。

寧波府雪竇野翁炳同禪師。新昌張氏子。參大川。一日入室。次川舉臘月火燒山。話師擬開口。川遽拈竹。

筓挂之師。豁然悟旨。後縛茅仗錫。峰日腐戶書法華。嘗有老來非厭客。靜裡欲書經之句。晚應雪竇。送僧之華頂。見溪西偈曰。高高峰頂屹雲中。八十溪翁眼界空。相見莫言行脚事。累他雙耳又添聾。成宗大德壬寅中秋日。陞座辭衆而逝。

天寧徹禪師法嗣

岳州府灌溪昌禪師。山居偈曰。開來石上翫青松。百衲禪衣破又縫。今日不憂明日供生涯。只在盞盂中。

雪峰信禪師法嗣

紹興府大慶尼了菴智悟禪師。生福州王氏。幼禮祥山普升。得度。誦維摩經至諸佛國土。亦復皆空。豁然頓悟。時北山退漳之南院。閒居鼓山西菴。師往參叩。山問上座甚麼處住。師曰。不住南臺江邊山。曰。畢竟住在甚麼處。師不審。便行。山叱曰。走作甚麼。合喫山僧手中棒。師面熱汗下。次日復往。請益曰。某甲昨日祇對和尚。有甚麼過。山厲聲曰。更來者。裡覓過。在師釋然曰。月明照見夜行人。山顧旁僧曰。看渠根器不凡。遂贈以偈。有相逢若問其中事。風攪螺江浪拍天。

之句後出世蘇之西竺一日癡絕來訪乃問子悟處如末山見大愚忽然撞著灌溪來時如何師曰大海不讓細流癡絕一笑而已寶祐戊午住大慶僧問灌溪道我在臨濟爺爺處得半杓末山孃孃處得半杓畢竟是有是無師曰八花毯子上何用繡紅旗上堂拈拄杖曰天垂十二闌干角風滿三千世界中熟惱變成清淨境禪心頓覺悟真空靠拄杖曰有甚共語處上堂太陽門下日日三秋明月堂前時時九夏古人恁麼道未免坐在者裡大慶即不然山轉疑無路溪回別有村上堂柳絮飄風杏葉沐雨好箇生機快須薦取以拂子擊禪牀曰咄三十年後不得錯舉

薦福燦禪師法嗣

福州府支提愚叟澄鑒禪師寧德張氏子參無文於薦福遂得入室後出世白雲至元辛卯世祖敕住支提賜號通悟明印大師其示寂曰沐浴更衣書偈曰八十二年落賺世緣躍翻筋斗應跡西乾擲筆危坐而逝

續燈正統卷十二

續燈正統卷十三

南海普陀嗣祖沙門西蜀 性統 編集

臨濟宗

大鑑下第二十一世

太原益禪師法嗣

汾州後渡普慈禪師初參徑山端高峰妙各有契處後北還遊燕如五臺禮文殊感大士放光居臺二年入太原參益和尚問曰行脚高士發足甚處師曰五臺尚曰文殊與汝說甚麼師曰脚下草鞋唱成一百文尚曰脚跟爲甚麼不落地師曰且喜老漢見得親切尚曰老僧罪過師喝一喝而出自此常造室中久之益囑曰汝緣當在本處他後設大法藥宜號後渡禮謝歸汾州天曆己巳出住祥符上堂靈鋒寶劍覲露現前照夜神珠隨機變轉誰家竈裏無煙不曾欠多欠少只爲面前路徑稍窄一身毛竅太多障蔽自己一段光明慶劫已來空被埋沒如今事不獲已爲諸仁略露些子光銚俾汝等樂業榮家乃以拄杖橫肩曰看看老漢入葛藤窩裏去也至正壬寅六

月一日偶示微疾沐浴更衣書偈曰性海波澄太虛寥廓報與諸人無法可說端坐而逝閱世八十有八夏六十有五葬全身于祥符之西崦

徑山端禪師法嗣

杭州府靈隱竹泉法林禪師別號了幻台之寧海黃氏子依法安太虛同出家因看睦州語有省往參元叟於中竺機契俾掌藏鑰行省左丞相請主萬壽遷中竺至佛殿曰撥塵見佛誰知佛亦是塵罕逢穿耳客多見刻舟人上堂法是常法道是常道拶破面門點即到雪峰一千七百人善知識朝夕只觀三箇木毬趙州七百甲子老頭陀見人只道喫茶去中峰居常見兄弟相訪只是敘通寒溫燒香叉手若是金毛師子子三千里外定諸譌至元戊寅遷靈隱上堂舉僧問趙州萬法歸一一歸何處州曰我在青州做一領布衫重七斤師曰趙州雖則善用太阿截斷者僧舌頭未免傷鋒犯手靈隱則不然忽有僧問萬法歸一一歸何處只向他道今日熱如昨日上堂古杭管內靈隱名山肇建於東晉咸和年間慧理

法師爲第一代今日上元令節諸處放燈知事直歲各各照管風燭便下座爲森監寺秉炬森羅及萬象一法之所印即今爲汝拈却金剛圈栗棘蓬了也喚甚麼作一法二由一有一亦莫守火裡烏龜作師子吼大龍翔虛席星吉大夫三返往還幣聘師辭不赴避會稽山中行院知不可強乃具疏請師仍領靈隱三年退處了幻菴至正乙未春感微疾二月二日集衆敘平生行脚本末且誡衆曰佛法下衰無甚今日宜各努力吾世緣止於斯矣索筆書偈曰七十二年虛空釘橛末後一句不說不說遂奄然而化留龕十日顏色不變葬全身於松源塔西

杭州府徑山古鼎生銘禪師奉化應氏子受業金峽得度會竺西坦主天童往依之典內記復走闔歸浙適元叟住靈隱師往參謁一日入室請益黃龍見慈明因緣叟詰曰只如趙州道臺山婆子被我勘破慈明笑曰是罵耶你道二老用處是同是別師曰一對無孔鐵鎚叟曰黃龍直下悟去又且如何師曰也是病眼見空華叟曰是不是師擬進語叟便喝師當

下廓然年五十四始出主隆教遷寶陀次中竺至正丁亥遷徑山順帝錫師慧性文敏宏覺普濟禪師號僧問祖意教意是同是別師曰破畚箕禿蒼蒼帶僧禮拜曰謝師指示師曰昨夜三更失却半天明起來失却火問如何是佛師曰秤鎚蘸酢曰如何是向上事師曰仰面不見天曰記得僧問雲門如何是佛門曰乾屎橛又作麼生師曰雲門不是好心曰乾屎橛與秤鎚蘸酢相去多少師曰鑊湯無冷處僧擬進語師便喝上堂將十方世界安向諸人眼睫上絲毫不動把四大海水傾向諸人脚跟底涓滴不流會醫還少病知分不多愁上堂舉大愚示衆大家相聚喫莖蕒若喚作一莖蕒入地獄如箭射師曰宗師爲人如蠱毒之家置毒於飲食中未嘗不欲斷人命根雖然是冤對者能有幾人中竺用貞良謂師嘗闡化是山請歸了幻菴至正戊戌將遷寂遺書囑丞相外護復書偈曰生死純真太虛充滿七十九年搖籃繩斷擲筆而逝茶毗舌根數珠皆不壞舍利無數徑山隆教寶陀三處分而塔焉世壽七十九僧臘五十

五有四會語錄暨外集行世

台州府天台國清夢堂曇噩禪師慈溪王氏子祖父皆名宦母周師幼有遠志稍長博通經史藻思濬發年二十三白母出家訪道吳楚渡江從雪庭傳於長蘆遂剃染受具昭慶教相諸宗靡不研究及雪庭遷靈隱師往依侍踰年雪庭寂元叟由中竺來補其席一見膺契卽命掌內記至元己卯出世慶元之保聖遷慈之開壽台之國清最後住象山之瑞龍上堂豎拂子曰只者箇在瀉仰則父慈子孝用劍刃事施陷虎機在臨濟則大機大用卷舒擒縱殺活自由在曹洞則家風綿密金鍼玉綫明投暗合在雲門則孤危鋒峻格外提持言前定奪在法眼則箭鋒相拄心空法了情盡見除五家提唱雖則金聲玉振邁古超今然而總是門庭施設直截一句不曾道著且道作麼生是直截一句高聲曰看脚下上堂一二三四五六七七六五四三二一黃河九曲出崑崙摩訶般若波羅蜜嘗誡諸徒曰研究空宗當外形骸忘寢食以消累劫宿習然後心地光明耳自是日惟一食

終夜凝坐。達旦。洪武庚戌。徵江南有道僧。館於天界。師居首。奏對罷。上憫師老。賜令還山。癸丑二月甲申。無疾忽戒浴。易衣集衆。說偈曰。吾有一物。無背無面。要得分明。涅槃後看。言畢危坐而逝。世壽八十有九。門人智嚴等。茶毗以骨石塔於國清。

嘉興府天寧楚石梵琦禪師。明州象山朱氏子。元貞丙申六月丁巳。母夢日墜懷而生。方襁褓有神僧摩師頂曰。此兒佛日也。他日當振揚佛法。燭照昏衢。因以曇曜字之。早失怙恃。九歲入永祚寺。受業十六。受具戒。族祖晉翁洵自崇恩遷道場。師依之爲侍者。繼典藏。鑰一日閱楞嚴。至緣見因明。暗成無見。不明自發。則諸暗相永不能昏。處有省歷。覽群籍恍如宿契。時元叟唱道。雙徑師往參之。問如何。是言發非聲。色前不物。叟遽曰。言發非聲。色前不物。速道速道。師擬進語。叟震威一喝。師錯愕而退。會英宗召高禪金書大藏。師應詔入京。一夕睡起。聞彩樓鼓聲。豁然大悟。拊几笑曰。徑山敗缺。處爲我識破了也。因成偈曰。崇天門外鼓騰騰。剗剗虚空就地崩。拾得紅爐一點雪。

却是黃河六月水。後歸徑山。叟迎笑曰。西來密意。喜子已得之矣。處以第二座。泰定中出世。海鹽福臻天曆戊辰。遷天寧。至元乙亥。遷杭報國。上堂僧問。不愁念起。惟恐覺遲。如何。是覺。師曰。牛角馬角。曰。如何。是念。師曰。四五二十。也不識。問。一大藏教。是箇切脚。未審切箇甚麼字。師曰。切箇不字。曰。只如不字。又切箇甚麼字。師曰。莫錯舉。似人曰。謝師指示。師曰。石羊頭子向東看。問。佛祖因緣。卽不問君。臣慶會事如何。師曰。瑞草生嘉運。靈花結早春。曰。如何。是君師。曰。莫觸龍顏。曰。如何。是臣。師曰。量材補職。曰。如何。是臣。向。君師曰。赤心片片。曰。如何。是君。視。臣師曰。如月入水。曰。如何。是君。臣道合。師曰。俱。問。晷運推移。曰。南長至。阿那箇是常住。法師曰。冬不寒。臘後看。曰。教學人如何履踐。師曰。獨木橋子。問。西天以蠟人爲驗。未審此間以何爲驗。師曰。驗甚麼。盃曰。和尚豈無方便。師曰。鷄子過新羅。問。一年將盡。夜萬里未歸。人還許歸去也。無師曰。十里長亭。五里短亭。曰。與麼則不歸去也。師曰。直須歸去。曰。作麼生。是到家一句。

師曰天寒日短兩人共一盤。問曰從東上月向西沒作麼生是不遷義師曰柳絮隨風自西自東曰年年是好年日日是好日師曰瞎老婆吹火。問護明大士未降王宮釋迦老子在甚麼處師曰眨上眉毛曰謝師答話師曰恰值拄杖不在。問盡大地是箇佛身向甚麼處安居禁足師曰錦上鋪華又一重曰竹密不妨流水過山高豈礙白雲飛師曰隨語生解漢。問如何是先照後用師曰劈開華嶽連天色放出黃河到海聲曰如何是先照後用師曰劍爲不平離寶匣藥因救病出金瓶曰如何是照用同時師曰定光金地遙招手智者江陵暗點頭曰如何是照用不同時師曰三月懶游華下路一家愁閉雨中門僧禮拜師曰更問一轉豈不好。問大悲菩薩用許多手眼作甚麼師曰春風不裏頭。修佛殿次師問掌事僧者殿是甚麼年中蓋造僧擱露柱曰何不祇對和尚師曰克繇耐耐倒來者裡捋虎鬚三十棒一棒也不恕曰容某甲伸說便禮拜師曰且放過一著。爰草次僧問有根草任和尚爰無根草作麼生爰師

鋤地一下僧便放身倒師曰諸方火葬我者裡活埋僧起走師呵呵大笑。上堂未離兜率已降皇宮未出母胎度人已畢三世諸佛歷代祖師天下老和尚說心說性舉古舉今總是無風匝匝之波實情好與二十拄杖新福臻今日不是盡法無民打頭不遇作家到底翻成骨董若相委悉拈却炙脂帽子脫却鶻臭布衫其或未然明朝後日大有事在。上堂巖頭道須是一一從自己胸中流出與我蓋天蓋地去恁麼道被他掘窖深埋了也茫茫宇宙人無數那箇男兒是丈夫男兒丈夫相去多少待你出窖來却向你道。上堂彌勒真彌勒分身千百億時時示人時人自不識拈拄杖曰衝開碧落松千尺截斷紅塵水一谿。上堂米裡有蟲麥裡有麪廚庫僧堂山門佛殿蓋子撲落地樓子成七片。上堂若論生佛未具以前一段大事只在諸人脚跟下動便踏著只是不知起處你道從甚麼處起掀翻四大海踢倒五須彌正覓起處不得豈不見東山演祖道山僧昨夜入城見一棚傀儡不免近前看或見端嚴奇特或見醜陋

不堪動轉行坐青黃赤白一一見了仔細看來元來
青布幕裡有人山僧忍俊不禁乃問長史高姓他道
老和尚看便了問甚麼姓師曰誰家別館池塘裡一
對鴛鴦畫不成上堂眉毛雖長不礙眼鼻孔雖高
不礙面諸佛雖悟無二心衆生雖迷無二見見不見
倒騎牛兮入佛殿上堂兎角不用無牛角不用有
兩兩不成雙三三亦非九夜來空手把鋤頭天明面
南看北斗上堂大樹太皮裏小樹小皮纏若不同
牀睡焉知被底穿上堂驢事未去馬事到來貓兒
上露柱鐵鋸舞三臺大唐天子呵呵笑移取眉毛眼
上栽上堂舉祖師道在胎名身處世名人在眼曰
見在耳曰聞在鼻嗅香在舌談論在手執捉在足運
奔徧現俱該法界收攝在一微塵識者知是佛性不
識喚作精魂師曰書頭教孃勤作息書尾教孃莫瞋
睡還識孃面麼玉容寂寞淚闌干梨花一枝春帶
雨喝一喝上堂一道圓光阿誰無分貓兒若無分
爲甚麼解捉老鼠若有分爲甚麼做貓兒千年田八
百主浴佛上堂清淨法身簸土揚塵圓滿報身倚

富欺貧千百億化身弄假像真三身中浴那一身謝
三孃秤銀上堂頭上是天脚下是地青山是青山
白雲是白雲你若會得有馬騎馬無馬步行若不會
夜行莫踏白不是水便是石上堂無手人行拳無
舌人解語忽若無手人打無舌人無舌人連忙道箇
不必良久曰只箇不必天下衲僧跳不出上堂箇
箇抱荊山之璧人人懷滄海之珠斡旋佛祖樞機提
掇衲僧巴鼻盡謂頂門眼正肘後符靈殊不知靈龜
負圖自取喪身之兆出格一句作麼生朝霞不出市
暮霞行千里上堂黃檗手中棒剗內作瘡大愚肋
下拳喫鹽救渴速則易改久則難追選佛若無如是
眼假曉千載亦奚爲喝一喝上堂拈却盃盃匙箸
喫飯不得屏却咽喉唇吻出氣不得色身安法身不
可不安法身色身是一是二華須連夜發莫待曉風
吹上堂俱胝豎一箇指頭雪峰輓三箇木毬石鞦
張弓架箭華亭短棹孤舟鳳凰山無法可說不妨坐斷
杭州就中却有箇好處好在甚麼處四五百條華柳
巷二三千所管絃樓上堂大事未明如喪考妣大

事已明如喪者。妣你道有成。禪無成。禪常因送客處。憶得別家時。上堂聞聲悟道。塞却你耳根。見色明心。換却你眼睛。蒲團上端坐。鍼眼裡穿綫。西風一陣。來落葉兩三片。至正甲申遷禾之本覺丁亥帝師錫號佛日普照慧辯禪師。適符昔日神僧之言。後自光孝退歸天寧上堂。一毫吞却山河大地。則易山河大地。吞却一毫。則難也不難。也不易。鋪箇破席。日裡睡料。想上方兜率宮也。無如此日炙背。築西齋爲終老計。自號西齋老人。洪武戊申秋九月。詔江南大浮屠十餘人於蔣山建大法會。命師陞座說法。上大悅。己酉春復召師說法。賜齋文樓下。親承顧問。暨行出內府白金。以賜庚戌秋。上以鬼神情狀幽微難測。意召問僧中博通三藏者。師與夢堂噩行中仁等應詔至京館大天界寺。師授經據論成書。將進。忽示微疾。越四日沐浴更衣。索筆書偈曰。眞性圓明本無生。滅木馬夜鳴西方日出書畢。謂夢堂曰。我去矣。堂曰。何處去。師曰。西方去。堂曰。西方有佛。東方無佛。耶。師乃震聲一喝而逝。時辛亥七月二十六日也。上聞嗟

悼久之。時禁火。葬以師故。特從闍維例。火餘齒舌數珠不壞。舍利五色紛綴遺。豁弟子文晟奉豁及諸不壞者歸西齋塔焉。計世壽七十五。僧臘六十三。杭州府徑山愚菴智及禪師字以中。別號西麓。蘇之吳縣。顧氏子。幼出家。穹窿海雲院受具。聽賢首法師講法界觀。未終篇。輒笑曰。眞法界圓同太虛。但涉言詞。卽成膾法。縱獲天雨寶華於我。奚益哉。遂謁笑隱於建業。隱文章道德傾動一時。師微露文彩。得交相延譽。有嶼上人訶曰。子才若此。不思擔荷正法。乃甘作驢壇奴隸乎。師舌噤不能答。旋歸海雲。胸襟礙塞。目不交睫者踰月。忽一日見秋葉墜庭。豁然有省。走雙徑謁寂照呈所證。照可之。至正壬午出世昌國之隆教。尋領普慈。戊戌遷淨慈。後領徑山。僧問不與萬法爲侶者。是甚麼人。師曰。十字街頭石敢當。僧擬再問。師曰。更要第二杓惡水在。問如何。是賓中賓。師曰。君向瀟湘我向秦。曰。如何。是賓中主。師曰。常在途中不離家。舍曰。如何。是主中賓。師曰。常在家舍不離途。中曰。如何。是主中主。師曰。橫按鎮鄒全正令太

平寰宇斬癡頑曰賓主已蒙師指示向上宗乘事若何師曰三年一閏九日重陽問衆生爲解礙菩薩未離覺和尚作麼生師曰天寒日短兩人共一盤問釋迦已滅彌勒未生正當今日佛法委付何人師曰老僧打退鼓曰前無釋迦後無彌勒還有參學分也無師曰風不來樹不動問佛法禪道相去多少師舉手曰展則成掌握則成拳僧禮拜師曰狂狗趁塊問如何是清淨法身師曰月色和雲白松聲帶露寒問竺土大仙心東西密相付如何是密付底心師曰九秋黃葉亂飄金日和尙莫將境示人師曰老僧罪過問擬心卽差動念卽乖不擬不動還有過也無師曰有曰畢竟如何則是師曰莫認自己清淨法身問如何是毗盧師師曰斷跟草鞋曰如何是法身主師曰尖簷席帽曰學人不曾師曰現成行貨有甚麼不會僧擬議師便喝問至道無難唯嫌揀擇不揀擇時如何師曰遇飯卽飯遇茶卽茶僧禮拜師曰放汝三十棒問蓮華未出水時如何師曰寒則普天普地寒曰出水後如何師曰熱則普天普

地熱曰如何是佛法大意師曰門前一湖水問心佛及衆生是三無差別還端的也無師曰的曰不是心不是佛不是物是箇甚麼師曰不識問佛身無爲不墮諸數因甚有千百億化身師豎拂子曰你道者箇是第幾身僧擬進語師便喝問元正啓祚萬物咸新如何是新年頭佛法師曰日日香華夜夜燈曰蒲團靜倚無餘事永日寥寥謝太平師曰知恩方解報恩問如何是本身盧舍那師曰不離閻黎所問曰如何保任師曰彼自無瘡勿傷之也問不起一念時如何師曰道者合如是曰與麼則依而行之師曰虛生浪死漢問如何是一句中具三玄師曰萬仞峰頭駕鐵船曰如何是一玄中具三要師曰眼裡瞳人吹木叫問如何是和尙家風師曰吹折門前一株松曰學人不問者箇風師曰汝問甚麼風曰家風師曰我者裡大功不豎賞問牛頭未見四祖時如何師曰深山藏毒虎曰見後如何師曰淺草露群蛇曰見與未見時如何師曰日出東方夜落西問三世諸佛不知有狸奴白牯却知有未審知有箇

甚麼師曰師姑元是女人做。問聲聞見性如夜見月菩薩見性如晝見日和尙見性如箇甚麼師曰黃河九曲水出崑崙曰直指人心見性成佛還端的也無師曰問取達磨大師僧擬議師曰鷄子過新羅問達磨未來時如何師曰眼在鼻上曰來後如何師曰脚在肚下。問如何是學人自己師曰脚板大如手掌曰如何是衲僧行脚事師曰緊捎草鞋。問如何是先照後用師曰拈起少林無孔笛等閒吹出萬年歡曰如何是先照後用師曰彫弓已挂狼煙息萬里謠謠賀太平曰如何是照用同時師曰泥牛吼處天關轉木馬嘶時地軸搖曰如何是照用不同時師曰猶握金鞭問歸客夜深誰共御街行。上堂冬至月頭賣被買牛冬至月尾賣牛買被一年三十六旬有六日以閏月定四時成歲移易一絲毫不得東頭買貴西頭賣賤三十年後破草鞋向甚處著。上堂時維三月節屆清明不寒不暖半陰半晴落華啼鳥一聲聲鷺拈拄杖曰穿却解空鼻孔敲瞎達磨眼睛踏破草鞋赤脚走好山猶在最高層。佛成道日上

堂舉趙州問南泉如何是道泉曰平常心是道州曰還假趨向否泉曰擬向卽乖州曰不擬爭知是道泉曰道不屬知不屬不知知是妄覺不知是無記若真達不疑之道廓如太虛豈可強是非耶師曰王老師過犯彌天將釋迦世尊六年雪山千苦萬辛所得無上大道等閒華劈殆盡合與二十拄杖當時趙州眼光爍破四下面被熱瞞則且置今日衆中莫有爲世尊拔本底麼如無隆教不是爲他閒事長無明忝爲遺教遠孫未免出隻手去也拽拄杖下座一時打散。上堂拈拄杖曰十地驚心二乘罔測卓一卓曰子承父業賺殺多少人靠拄杖下座。上堂趙州道箇洗盂去其僧豁爾知歸鳥窠吹起布毛侍者當下領旨阿呵呵囉囉哩達磨老臊胡打落當門齒。上堂世尊三昧迦葉不知迦葉三昧阿難不知阿難三昧商那和修不知普慈三昧諸人不知諸人三昧各各不知所以道譬如河中水川流競奔逝各各不相知諸法亦如是喝一喝曰將謂合有與麼說話。上堂舉雪峰問德山從上諸聖以何法示人山曰我宗

無語句亦無一法與人。雪峰從此有省。後有僧問雪峰曰：和尚見德山得箇甚麼，便休去？峰曰：我當時空手去，空手回。東山演曰：白雲今日說向透，未過者有兩箇人從東京來問他，甚處來？他却道：蘇州來。問伊蘇州事如何？他道：一切尋常。雖然如是，瞞白雲不過。何故？只爲語音不同。畢竟如何？蘇州菱邵白藕師曰：老東山可謂長於譬喻，詞不逼切。雖然如是，要且只說得德山雪峰影子邊事。若是齊眉共躡，竝駕齊驅，未敢相許。何故？閩蜀同風，肚裡有蟲。佛涅槃上堂：湖光瀲灩晴偏好，山色空蒙雨亦奇。淨法界身無出沒，不須惆悵怨芳時。上堂舉東山演示衆曰：祖師說不著，諸佛看不見。四面老婆心爲君通一綫。師曰：若教頻下淚，滄海也須乾。上堂今日又是八月一。萬壑千巖儼秋色，牛帶寒鴉過別邨。善財何處尋彌勒？有誣師以事詣部使者，不滿意，文致其罪。師竟不與之辯，且毫無愠色。踰年，省憲白師冤復，劄請再住徑山。入院拈劄曰：前佛性命，後佛紀綱。總在者裡，凜然如朽索之馭六馬，危乎猶一髮之引千鈞。若非

大丞相赤手提持，全肩擔荷，何處更有今日？諸人還委悉麼？車不橫推，理無曲斷。帝師錫號明辨，正宗廣慧禪師洪武癸丑詔有道沙門十人集大天界師居首，以病不及召對，賜還穹窿。戊午九月，索筆書偈而逝。茶毗火焰五色，香氣襲人。齒牙數珠皆不壞，遺骨紺澤如青瑠璃。舍利交綴塔於所居之陰，復分爪髮歸徑山，葬於無等才塔右。壽六十八，臘五十一。蘇州府萬壽行中至仁禪師，自號澹居士，又號熙怡叟。鄱陽吳氏子，父仲華爲江州廣文師。生五歲，俾從州之報恩寺真牧純受業。七歲得度，識見超穎。會西土指空赴英宗召，懇報恩見師，異之，授以毗尼。屬令參元叟，叟視師軒渠一笑，師罔措，遂失展。尼師壇叟叱曰：參堂去。次日叟問何處人，師曰：鄱陽。叟曰：鄱陽湖深多少？濶多少？師展手作量勢，叟曰：不是。不是。師曰：合取臭口，遂命掌記室。叟嘗謂人曰：仁書記虎而翼者也。後出世，斬之德章，遷越之雲頂，崇報吳之虎丘萬壽。嘗室中拈木枕子問僧者，箇是甚麼？僧曰：也知和尚老婆心切。師擲枕於地，僧擬議，師便喝出。

示衆幻軀將逼從心。年松下經行石上眠。珍重北山龍象衆。普通年話幾時圓。上堂。疊疊遠山青。迢迢江水綠。盡日小吳軒倚闌。看不足。驚喚侍者曰。收取拂子便下座。上堂。禪性無生。離生禪想。禪性無住。離住禪寂。五臺山上雲。烹飯佛殿堦前狗尿天。利竿頭上煎餿子。三箇粥。孫夜簸錢。洪武初。上以鬼神之事問師。師以佛旨撰書而對。上大悅。癸丑。蒲圻魏觀爲蘇郡守。三致書延師。與復萬壽使。三返師乃應。晚歲養閒於松林蘭若。洪武壬戌三月望。示疾十九日。同參如愚仲訊候曰。師行矣。諸子在旁盍賜一言。爲末後訓乎。師曰。十方薄伽梵。一路涅槃門。曰。與師諱交五十秋矣。此別直詣淨土相見。師厲聲曰。盡大千界是箇淨土。何處不相見。良久索筆書偈泊然而逝。世壽七十四。僧臘六十七。

續燈正統卷之十三

續燈正統卷十四

南海普陀嗣祖沙門西蜀 性統 編集

臨濟宗

大鑑下第二十一世

徑山端禪師法嗣

杭州府徑山復原福報禪師台之寧海方氏子。母張出家。杭良渚崇福時石湖美主淨慈師從。祝髮受具。戒參徑山元叟。叟問近離甚處。師曰淨慈。叟曰來作甚麼。師曰久慕道風。特來禮拜。叟曰趙州見南泉作麼生。師曰頭頂天腳踏地。叟曰見後如何。師曰饑來喫飯困來打眠。叟曰何處學得者。盧頭來。師曰今日親見和尚。叟領之出世慈谿廬山。次遷越州東山。四明智門。洪武初。驛召道行沙門。師赴京館天界。屢入內庭應對稱旨。留三年。仍賜還智門。後兩主徑山焉。上堂。舉一不得。舉二放過。一著落在第二。古人怎麼說話。正是抱賊叫屈。東山卽不然。舉一不得。舉二放過。一著落在第七。到者裡更須知有向上一路始得。如何是向上一路。良久曰。莫戀寒巖異草。青坐却白。

雲宗不妙。上堂一葉落天下秋。一塵起大地收。誰謂北鬱單越不是南瞻部洲。剛自騎牛更覓牛。上堂語是謗。默是誑。還有二俱不涉者麼。拍禪牀曰。泊合停囚長智。上堂終日著衣未嘗挂著一縷絲。終日喫飯未嘗齧著一粒米。似地擎山。不知山之孤峻。如石含玉。不知玉之無瑕。不著佛求。不著法求。不著僧求。拈拄杖曰。有時乘好月。特地過滄洲。一日病革。侍者請偈。師叱曰。吾世壽尚有三年。已而果然。及化之日。忽拍手曰。阿呵呵。大眾是甚麼。看取竟。寂世壽八十四。僧夏六十四。全身瘞寂照之右岡。

杭州府靈隱性原慧朗禪師。別號幻隱。台州黃巖項氏子。依樂清寶冠寺魯山出家。首參竺元道於紫籜山。繼詣徑山謁元叟。叟問東嶺來。西嶺來。師指脚下草鞋曰。者是三文錢買得的。叟曰。未在更道。師曰。某甲只恁麼未審。和尚作麼生。叟曰。念汝遠來放汝三十棒。師大悟。出世鄞之五峰。遷金峨。洪武壬子召天下高僧建會。鍾山師與季潭泐與焉。季奉旨住天界。師居第一座。提綱舉要。得表率叢林。體明年舉。師主

金山戊午陞靈隱。浴佛日上堂。舉藥山因遵布衲浴。佛次山問你祇浴得者。箇還浴得那箇麼。遵曰。把將那箇來。山便休去。師曰。者一箇那一箇。一一從頭都浴過。藥山布衲謾商量。仔細看來。成話墮。成話墮。轉請譌。拍禪牀曰。武林春已老。臺榭綠陰多。佛誕上堂。世尊纔生。下一手指天。一手指地。周行七步。目顧四方。曰。天上天下。唯吾獨尊。真成大人相。不是小兒嬉。雲門曰。我當時若見一棒打殺與狗子喫。貴圖天下太平。要作老胡種族。直須恁麼。始得法昌曰。好一棒太遲。生未離兜率。脚跟下好與一椎。豈到今日。雖然。如是大似賊過後張弓。將謂鬚鬚亦更有赤鬚鬚。黃面老子末上賣。僧固是。旁若無人。雲門法昌雖則見義勇。爲爭奈。剗去刻舟。以拄杖畫一畫曰。還會麼。一把柳絲收不得。和煙搭在玉闌干。上堂今朝閏五月初一。依舊日從東畔出。衲僧箇箇解知音。短咏長吟皆中律。梅雨晴樹陰密。林下優游何得失。無位真人赤肉團。等閒靠倒維摩詰。佛涅槃日上堂。涅槃生死等是空。華佛及衆生。皆爲刺語。諸人到者裡。

作麼生。良久拍禪牀曰。但見落花隨水去。不知流出洞中春。浴佛上堂。香嚴道。去年貧。未是貧。今年貧。始是貧。去年貧。尚有卓錫之地。今年貧。錫也無。衆中若有箇漢出來道。長老錯了也。今朝四月八。是佛生日。如何舉此公案。山僧只對他道。住持事繁。便下座。爲碧峰和尚。闍維奠茶。五臺山拾得來。誠非凡種。關西子沒頭腦。却是靈根。惟茲一盞清茶。蕩滌衆生熱惱。只如則川。拋下茶籃。仰山撼動茶樹。畢竟明甚麼邊事。乃度盞曰。踏翻生死海。靠倒涅槃城。室中

垂語曰。昨夜蓮華峰。被蜉蝣食却半邊。你因甚麼不知冷泉亭。吞却壑雷亭。卽不問南高峰。北高峰。鬪額是第幾機。衆莫有契者。無何遭誣罔。被逮或勸師。早自爲計。師不顧。怡然詣所司。未鞠卽廝下。說偈端坐而逝。時洪武丙寅六月二十三也。壽六十九。坐夏五十八。

杭州府上竺我菴本無禪師。黃巖人從淨慈方山落髮。依寂照於中竺。掌綱維。有舅氏教庠老成。挽之更宗。於是見湛堂澄于演福。研精教部。寂照惜其去作。

偈寄之曰。從教入禪。今古有從禪入教。古今無一心三觀門。雖別水滿千江。月自孤。後出世弘教。旣爲湛堂嗣。仍爇一香報寂照。不以跡異。而二其心也。寂照示寂時。師住四明延慶。照特遣書囑其力弘大蘇少林二家宗趣。餘無他言。師於祭筵拈香。乃曰。妙喜五傳最光焰。寂照一代甘露門。等閒觸著肝腦裂。冰霜忽作陽春溫。我思打失鼻孔。日是何氣息。今猶存天風北來。歲云暮。掣電討甚空中痕。後臨終無疾坐。蛻于白雲臺。

蘇州府開元愚仲善如禪師。吳江人。上堂。佛身充滿于法界。普現一切群生前。爲甚麼滬濱居民黃老之流。迎之而風濤駭吐。像卽沉沒。吳縣朱膺東靈帛尼請之。而靈相峩峩雙泛。試就提捧。忽爾升舟。今山中所奉維衛迦葉二石相。是也。豈非隨緣赴感。靡不周而恒處此菩提座乎。然雖如是。若作恁麼會。大蟲看水磨。不作恁麼會。眞州望長蘆。恁麼不恁麼。總拈却又作麼生。清平世界不用譌言。示菴菴僧偈曰。國師萬代善知識。鴈宕草菴天下聞。得在其中居住者。

生難遭想報深恩。度牒親從天上降。得來何翅萬黃金。時中若不修僧行。孤負皇王一片心。晚年因法門。從子璵瑩中住。萬壽關一室。延之養老。及相本空繼席待之。尤至。故得優游以樂其道。嘗居葑門。直指菴人因稱之曰直指和尚。將終呼諸子訣別。泊然而逝。

杭州府靈隱樸隱天鏡元滿禪師會稽倪氏子。狀貌魁偉。性度坦夷。世間機穽不識爲何物。初從雪庭立祝髮。從昭慶濡受具戒。又從天岸濟習台衡止觀。嗣有遠志。乃謁無見于華頂復遊玉几叩石室。室令參元叟于不動軒入門。叟爲厲聲一喝。師不覺汗下。黏縛盡脫。遽稽首三拜而已。叟命居侍司。尋掌記室。至正丙申。出世里之長慶陞天衣洪武壬子。詔天下名桑門建會鍾阜。師應召入內。從容問道。賜食而退。丙辰繼席靈隱。上堂聲不是聲。觀音三昧色不是色。文殊法門聲色無礙。普賢境界拈拄杖畫一畫曰。大鵬展翹蓋。十洲羅遊燕雀空啾啾。上堂卽心卽佛。嘉州牛喫禾。非心非佛。益州馬腹脹。不是心不是佛。

天下覓醫人。灸豬左膊上。良久曰。啼得血流無用處。不如緘口過殘春。未浹旬。嬰誕坐謫陝西至寶應。謂從者曰。吾報身頗異常。時殆將盡。乎夜宿寧國寺。其住持總虛了者與師有舊。相見甚驩。師曰。我骨有所託矣。是夜聚譚飲食如常。翌旦忽合爪端坐。泊然而逝。時洪武戊午正月九日也。法孫梵譯携骨以還。骨間舍利叢布如珠。於浴佛日結龕于祖隴之側。瘞焉。壽六十七。臘五十有五。

台州府護聖延原啓禪師。臨海人。爲書生時。拜叔父堅上人于里之寶藏寺。偶閱首楞嚴經。至山河大地皆是妙明心中所現物。處置卷軸繹良久。豁然有省。白父母求出家。禮寂照爲師。服頭陀行。久而益勤。出世護聖後。退居東堂。七年著有書曰大普幻海。曰法運通略。曰贅談。曰疣說。曰儒釋精華。總若干卷。又作佛祖大統賦。終時壽四十三。

蘇州府萬壽佛初智淳禪師。送忠侍者偈曰。鳥窠吹起布毛侍者。當下悟去。一對無孔鐵鎚。賣弄鬼家活計。若是靈利阿師。別有天然氣宇。恢張本地風光。顯

出納僧巴鼻以大千攝入毫端將須彌納向芥子直踏毗盧頂上行千手大悲攔不住

寧波府天寧歸菴仲猷祖闍禪師鄞縣陳氏子從佛智匡剎染參寂照于徑山得旨出世蘆山遷香山陞郡之天寧上堂卽心卽佛非心非佛不是心不是佛五臺山上雲蒸飯佛殿塔前狗尿天刹竿頭上煎餛飩子三箇獼猴夜簸錢上堂若論第一句三世諸佛道不得六代祖師道不得天下老和尚道不得山僧道不得大衆道不得拈拄杖曰拄杖子道得麼道得也是第二句元宵上堂十五日已前脚頭脚尾黃金蓮十五日已後白牯狸奴成隊走正當十五日樓臺上下火照火車馬往來人看人好大衆且道好在甚麼處衆眼難瞞便下座

江心萬禪師法嗣

□□府報恩無方智普禪師桂陽龍氏子住後上堂六月行人口吐煙區區只爲利名牽爭如林下無心客一覺和衣到曉眠拍禪牀曰乾明不惜口業爲你說破臘月三十日閻老子要問你索飯錢在上堂

春色濃春日融園林暖野花紅昔日靈雲一見透脫色空而今諸人總見因甚不悟若也不悟眼被色籠擊拂子曰錯教人恨五更風

南康府雲居小隱師大禪師終日方丈危坐澹如也剎餘鬚髮侍者鐺生爭取藏之信次卽生舍利嘗有示信禪人偈曰信是道元功德母藥如有驗不消多有人直下承當得佛祖安能奈爾何

徑山熙禪師法嗣

江寧府大龍翔集慶寺笑隱大訢禪師九江義門陳氏子從郡之水陸院芟染自幼開爽絕倫初見一山萬旣而遣詣百丈參晦機機一見器重命掌記室一日問黃龍旣得旨於泐潭及見慈明氣索汗下過在甚麼處師抗聲曰千年桃核裡覓甚舊時仁又室中侍立次機舉野狐話詰曰不落因果便墮野狐身不味因果便脫野狐身且道利害在甚麼處師擬答機遽震威一喝師當下渙然冰釋因同參苦問師答頌曰百丈野狐野狐百丈埋作一坑伏惟尙饗後出世湖之烏回遷杭之報國中竺至順庚午文宗以潛邸

爲大龍翔集慶寺妙簡名德開山師首膺其選賜號廣智全悟大禪師復驛召赴闕入見奎章閣賜坐咨問法要及順帝御極待遇益隆後以老病求退優詔不許敕外臺護視使安居終老上堂安養國中水鳥樹林悉皆念佛知足天上樹相撐觸演說苦空豎拂子曰山僧拂子穿却諸人鼻孔諸人向甚處出氣嚮入新寺上堂第一義諦明如杲日寬若太虛萬彙森然纖塵不立若乃明今舉古無非節外生枝立主立賓何異虛空釘橛然聖旨建寺諸官臨筵不可只恁麼休去還有共相激揚底麼問答不錄乃曰釋迦世尊捨金輪而登佛位今上皇帝從佛位而御金輪收攝三千刹海於一印中具足八萬法門於一毫上如華嚴會上菩薩得無盡福德藏解脫門於一器中出生種種美味飲食又於衆會仰觀空中而雨種種珍寶隨衆生心悉令滿足然後得其寶者盡證法門食其味者咸成妙道無一塵而不具足佛事無一法而不圓滿正宗即今崇建寶坊闡揚法施諸天音樂不鼓自鳴梵唄詠歌自然敷奏十方菩薩咸集道場

八部天龍同伸慶讚還有不歷化城徑登寶所者麼遂擊拂子曰四海已歸皇化裡時清休唱太平歌上堂孤峰頂上目視雲霄無乃埋沒已靈十字街頭和泥合水且貴流通正眼拈拄杖曰釋迦已滅彌勒未生正當今日千聖命脈列祖鉗鎚總在新報國手裡拈起也七穿八穴頭頭現無邊妙身放下也鑑地輝天處處彰寶王刹海說甚麼谿山各異雲月是同至化無爲功不宰蕩然一片古皇風復舉誌公人傳語思大曰何不下山教化衆生去一向目視雲漢作甚麼思大曰三世諸佛被我一口吞盡何處更有衆生可度師曰思大被誌公一拶直得倒退三千進退兩序上堂心空及第選佛何必選官荷負叢林爲衆一以爲己報國爲法擇人量材授職如樂奏九成左右進退無不合度只如一喝分賓主照用一時行諸人作麼生甄別喝一喝曰九萬里鵬纔奮迅三千年鶴便翱翔上堂言發非聲色前不物著甚來由聲色裡睡眠聲色裡坐臥却較些子所以道即此見聞非見聞無餘聲色可呈君箇中若了全無事體

用何妨分不分。驀拈拄杖曰：水流黃葉來何處？牛帶寒鴉過遠村。卓拄杖下座。上堂：舉黃龍南室中垂語曰：我手何似佛手？我脚何似驢脚？人人有箇生緣。那箇是上座？生緣師曰：黃龍三關如商君立法。法雖立而先王之道廢矣。故當時出其門者甚多，得其傳者益寡。使其恪守慈明家法子孫，永致斷絕。僧侍立。次師展兩手曰：八字打開了也。爲甚麼不肯承當？僧曰：恐鈍置和尚。師曰：許多時沒一點氣息，便打問衆曰：青州布衫重七斤，古人已道過了也。畢竟萬法歸一，一歸何處？一僧出曰：東廊頭西廊下。師曰：甚麼處？見趙州僧擬議，師曰：棒下不成龍。僧參師曰：豎拂拈椎，古人榜樣擎叉舞劍，列祖條章，衲僧門下合作麼生？僧珍重，便行。師曰：不消一剎。問僧甚麼處來？曰：遊山來。師曰：笠子下拶破，洛浦徧參底作麼生？曰：未入門時已呈似和尚了也。師曰：卽今爲甚麼不拈出？僧擬議，師便打。至正甲申五月，示微疾，作手書別交游囑其徒，以兩朝所賜金幣作萬佛閣上報國恩。二十四日，書偈趺坐而寂。其年秋八月十有六

日葬於石頭城塔院之後岡，壽六十一。臘四十六。洪武甲寅遷葬於撥雲山，與康僧會古塔相鄰。江寧府保寧仲万天倫禪師，象山張氏子，幼而岐嶷，投廣德天寧竺源剎落源俾，其見虎丘東州永偶過旃檀林，同一僧看傳燈錄，僧曰：千七百則公案渾如生鐵鎖子，一般只要鎖匙入手。師言下點首默契，乃參晦機於淨慈，纔入門，機曰：湖山靄靄，湖水漾漾，浸爛你鼻孔，塞破你眼睛，因甚不知？師曰：通身無影象，步步絕形蹤。機曰：未在。更道。師拂袖便出，機俾居侍司，旋掌藏鑰。師憚其繁嘆曰：世降道衰，人根浮薄，卽宿師碩德，具大知見，猶不爲學者信服，無他，蓋表裡不純故也。自是遂縛茅於吳興桃華塢，一日灌園，次忽驟雨疾風，摧折林木，霹靂一聲，胸中疑礙頓釋，乃曰：大奇大奇也。大奇掇轉虛空，顛倒騎蟪蛄，吞却五須彌，曩於南屏室中，屢叩老和尚終不肯爲我說，使當時說破安有今日？耶。元泰定丁卯，出主廣德東泉遷明之佛巖，笑隱居龍翔，招師分座說法。南臺治書吐魯學師主保寧。僧參師曰：好箇師僧，恁麼行脚。

僧曰撥草瞻風豈圖別事師曰喫得棒也未僧擬議師便喝問如何是和尙家風師曰誰人看不見問如何是一相三昧師曰青黃赤白問如何是鳳臺境師曰鳳臺有甚麼境上堂初三十一中九下七七九六十三九九八十一朝往西天暮歸唐土一馬生三寅石牛欄古路臘八上堂昨夜觀明星悟道後園風打籬笆倒曉來無蹟可追尋雪山依舊生青草上堂言無展事語不投機承言者喪滯句者迷與麼也不得不與麼也不得與麼不與麼總不得你有拄杖子我與你拄杖子你無拄杖子我奪却你拄杖子上堂舉僧問雲門久雨不晴時如何門曰剗師曰雲門一剗猿啼巴峽熊耳峰高石頭路滑師晚年卜築鳳臺之西曰新菴將終謂淨覺曇曰欲以後事相浼今日何日覺曰二十九日師曰月窮日不宜去明日五月一吾行矣至期召門人付囑舉手作別端坐而逝壽六十六臘五十一

寧波府育王石室祖瑛禪師吳江陳氏子幼出家普向寺年十五祝髮受具戒初從虛谷陵于仰山聞徑

山晦機道望亟往投之一見契合遂留掌記後出世明之隆教遷杭之萬壽明之雪竇育王謝天童平石砥問疾有偈曰是身無我病根深慚愧文殊遠訪臨自有巖華談不二青燈相對笑吟吟吟法身徧在一切處噉飯噉空得自由太白鄮峰煙雨裡筍輿來往亦風流晚年得痿痺疾造一龕曰木履日坐其中不涉世事至正癸未三月見一蓑衣婦人扣頭請師應身為國王師曰吾不願生天王家逾十七日跌坐而化臨終偈曰五十三年弄巧成拙踏破虛空赤腳行萬象森羅笑不輟闍維遵治命以遺骨煨之炭盡益以香薪百煉不回鎔作金銅色扣之有聲附葬於三藏道法師塔右

杭州府中竺一關正遠禪師鄱陽方氏子參晦機于淨慈機問甚處人師曰鄱陽機曰鄱陽湖水深多少師曰瞪目不見底機曰恁麼則浸爛衲僧鼻孔也師曰終不借和尙鼻孔出氣機曰畢竟借誰鼻孔出氣師曰恭惟和尙萬福機肯之命充侍者逾二年往依中峰于天目復謁徑山元叟典記室笑隱主中竺俾

師分座出世金陵崇因帝師授以佛日普照之號遷鳳山資福院主報國再遷中竺示衆心不是佛智不是道一念涉思惟全身入荒草所以道目前無法意在目前不是目前法非耳目之所到古今天地古今日月古今山河古今人倫頭頭顯露物物全彰不從千聖借不向萬機求內外絕承當古今無處所恁麼解會猶是錯認驢鞍橋作阿爺下領雖然既是泗州大聖因甚麼在揚州出現良久曰參後示寂世壽五十七僧臘四十四

紹興府天衣業海子清禪師上堂三歲孩兒抱華鼓八十翁翁輓繡毬嬌羞老醜都呈露直得諸人笑不休山僧昔在南屏山下糞掃堆頭拾得一領破爛衫子抖擻將呈天目不爲顧采後過崇德撞著惡辣漢被渠搭破七孔八穿收拾歸南屏深藏四十餘年不將輕與外人無端今日來天衣比看破舊相似顏色一般著來嫌袖大抖擻覺天寬直得十峰齊起舞雙澗共鳴湍盡看當場飽老不知笑倒傍觀遂大笑拈拄杖畫一畫曰更把一枝無孔笛等閒吹出萬年歡

復舉三聖逢人則出話師曰二大老竊得臨濟些子家私各自賣弄檢點將來好與一坑埋却同參至上堂颯颯涼風景同人訪寂寥煮茶山水燒鼎洞中樵慈祖將常住物作人情天衣則不然供佛嬾拈華延賓不煮茶莫嫌無禮數冷淡是僧家師出世天衣時年已八十六矣

嘉興府祥符梅屋念常禪師華亭黃氏子父文祐母楊夢老僧託宿因而有娠元世祖至元壬午三月十二日誕生是夜神光燭室異香襲人既長喜孤坐年十二依平江圓明院體志出家十四薙髮受具至大戊申佛智晦機自江西百丈遷淨慈師往參承值上堂舉太原孚上座聞角聲悟道因緣頌曰琴生入滄海太史遊名山從此揚州城外路令嚴不許早開關師於言下豁然有省投丈室呈所解佛智頌之俾掌記室延祐乙卯智遷徑山師職後版表率一衆丙辰奉朝廷遴選出世祥符至治癸亥赴京出入金門討論墳典自帝師以下皆尊愛之南還主姑蘇萬壽所著有佛祖通載二十二卷行世

杭州府淨慈元菴會藏主臨安人參晦機於淨慈居蒙堂因修涅槃堂有偈曰涅槃一路盡掀翻觸處工夫見不難洗面驀然摸著鼻繡鍼眼裡好藏山晦機稱賞之

松江府南禪寶洲覺岸禪師吳興吳氏子從獨孤明落髮受具與梅屋同出佛智之門一日偶爲衆演楞嚴至七徵心處忽淨瓶水騰湧注師懷聽衆驚愕師笑曰此偶然耳

徑山高禪師法嗣

九江府東林古智喆禪師都昌巢氏子初住興國興聖遷東林上堂過去諸佛已說未來諸佛當說現在諸佛今說且道畢竟說箇甚麼卓拄杖下座上堂盡令提綱聖凡罔測放開一線道普請同參良久曰薰風自南來殿閣生微涼上堂明來暗謝智起惑亡黑牛臥死水癩馬繫枯椿何似東村王四老黃昏伸脚睡一覺到天光山僧與麼道切忌錯承當上堂祖師道圓同太虛無欠無餘三條椽下七尺單前切忌依他作解莫有向天外出頭底麼乃曰巡堂喫

茶禮暹道者塔偈曰觸骸元自有靈光雪竇何曾抖尿腸截斷婆婆三寸舌至今雙劍倚天長

杭州府中竺一溪自如禪師閩人幼值元兵下江南遭遊卒挾至浙遺之臨安胡氏收養令伴子讀師隅立默識無所失胡氏因子之既長俾隸里中無相寺爲僧參雲峰於徑山遂得旨初住萬壽天曆年中竺笑隱訢奉詔開山龍翔因舉代住者三人御筆獨點師名住未幾化去茶毗多靈異其居萬壽時寺後有大家黃氏者重師道行嘗供伊蒲塞饌一日請歸其家進供愈勤乃開私帑所藏金玉示師師歸語徒衆曰彼黃氏以帑中寶示我將欲誘我死去爲其子耳出家兒視金玉當如瓦礫古來墮此轍者頗多非但爲其子爲其牛馬者有之遂與黃氏絕

杭州府徑山本源善達禪師仙居柴氏子早年同及菴信行脚誓不歷職初見雪巖於仰山尋還浙參徑山雲峯入室有省峰可之適慧雲虛席命師補處後遷保寧淨慈徑山皆有成績可紀居常不設臥榻夜則焚香然燭端坐達旦率以爲常又體所稟與人異

遇嚴寒則衣絺綌大熱則衣絳絮嘗以盃資建大圓院於東路半山接待雲侶一日自知時至會衆敘平生行脚事畢端坐而寂

寧波府天童怪石奇禪師示衆此事如人饑渴相似說飲說食豈能救療直須自飲水自喫飯方有實効處示衆舉從上先德痛切語要爲諸人開發顯示諸人倘能向者裡虛却心不卽法相不離法相一聞頓悟便是涅槃會上廣額屠兒放下屠刀立地成佛底時節是卽是不得恁麼會言多去道轉遠且截斷葛藤喝一喝下座示衆參禪本無難易只要具大信根有決烈志萬機休罷千聖不携坐斷諸緣不存一法如太虛空了無朕迹如須彌盧屹然不動無上眞乘方可希冀

龍巖直首座諸方屢聘高臥不起常作樂閒歌其略曰卽心是佛無心是道萬事但隨緣自覺身心好院子從來不要住便是佛也不要做律亦不曾持戒亦不曾破放行把住總由人執法修行驢拽磨要行便行要坐便坐也不精進也不懶惰一卷無字經逐目

爲功課有時深深海底行有時高高山頂臥幾生修得做閒人肯爲虛名被羈鎖云云

何山明禪師法嗣

寧波府恭都寺者廉介自持日誦法華因聆鐵鏡上堂語遂得心要嘗夜坐有偈曰點盡山窓一盞油地爐無火冷如秋話頭留向明朝舉道者敲鐘又上樓鐵鏡因陞堂特稱賞之臨終無疾更衣坐逝闍維舌根不壞人爭奇之

天童鑒禪師法嗣

湖州府道場玉溪思珉禪師象山張氏子首參雲峰于徑塢次謁止泓于天童泓問近自何來師曰徑山泓曰未離徑山一句作麼生道師曰平如鏡面險似懸崖泓曰昨夜山前因甚虎較大蟲師擬進語泓與一掌師忽有省一日侍次泓舉外道問世尊不問有言不問無言世尊良久意旨如何師叉手進前泓曰外道讚歎曰世尊大慈開我迷雲令我得入又作麼生師曰君子愛財取之有道泓喜其類己令典藏元大德庚子出世郡之吉祥遷金文大梅保福帝師賜

佛心明妙之號至順壬申廣教府聘主鑒之雙林元
統甲戌行省選住道場示衆此事如鐵壁銀山如
大火聚湊泊不得回避不得你輩合作麼生直饒脚
不點地別有通霄活路也是不快漆涌上堂依經
解義三世佛冤離經一字卽同魔說拈拄杖卓一下
曰六月不熱正穀不結至元丁丑四月示微疾至
二十八日書偈而逝

蘇州府萬壽竺田汝霖禪師四明昌國王氏子從慈
溪永樂寺梅澗福祝髮受具參止泓于天童典侍者
一日室中舉趙州狗子無佛性話師忽然有省已而
見悅堂闍於靈隱堂命典記室其受業師祖方會赴
隆興上藍以師侍行因遊百丈謁晦機機命分座未
幾繼會席出世上藍久之陞明之雪竇閱三載松江
澱山虛席屈師俄寺燬師爲新之晚主萬壽僅一載
臨寂更衣書偈訣衆而逝當至正乙酉五月廿五茶
毗設利五色如菽粟者不可勝數壽六十六臘五十

靈隱闍禪師法嗣

九江府東林無外宗廓禪師南昌魏氏子久依悅堂

一日室中舉溪聲盡是廣長舌因緣機契遂授記萌
出世雲居晚遷東林送僧之東吳偈曰佛是西天老
比丘何緣臥倒在蘇州憑君此去輕扶起問取二千
年話頭臨終集衆說偈曰吾年七十一世緣今已畢
挨倒五須彌夜半日頭出語畢而逝

續燈正統卷之十四

續燈正統卷十五

南海普陀嗣祖沙門西蜀 性統 編集

臨濟宗

大鑑下第二十二世

後渡慈禪師法嗣

洛京相國一言道顯禪師鴈門人生而岐嶷穎悟英
特年十二自願出家父母難之師曰兒志決矣未可
強留遂落髮於郡之西山聽圓覺至知幻卽離章順
然默契恍若舊識乃辭師師曰汝志宗門正其時也
遊汾州謁後渡渡一見器之命入侍寮一日渡舉竹

篋問曰。畢竟喚作甚麼。師方進語。渡鶩頭。便打。忽然大悟。便禮拜曰。和尚且止。古人道。佛法無多子。非虛語也。渡曰。汝今方知吾意。耶師曰。和尚大恩。碎身難報。渡囑曰。汝年且幼。時至理彰師執勞。座下一十七載。洪武丙辰。出住汝州風穴。上堂。臨濟燒黃檗。禪板。福起蕭牆。香巖哭瀉。山拄杖。勾賊破家有般。漢聞風穴。與麼道。暗自差排。道老漢辱他先聖。破釜沉舟。箇樣師僧。何堪共語。山僧亦有先師所付底。正欲舉似諸仁。隨拈拄杖曰。看看且道。與古人差多少。乃擲下拄杖。永樂癸巳五月十三。忽告衆曰。吾將行矣。囑諸弟子。皆法門大事。泊然而化。壽八十有五。夏七十有七。塔於汴京之南阜。

徑山銘禪師法嗣

嘉興府天寧西白力金禪師。蘇之姚氏子。幼依寶積院出家。造徑山。見古鼎銘。銘舉德山見龍潭。因緣示師。師繹之久。而有契。至正丁酉。出世瑞光。洪武初。遷淨慈。辛亥春。詔住天界。壬子冬。敕建無遮大會。命師陞座。車駕幸臨。一日示微疾而逝。塔于嘉興城西。

徑山及禪師法嗣

杭州府靈隱空叟悟禪師。洪武庚戌。住崇寧。閱八年。遷中竺。會靈隱。虛席師補焉。居無何。以前住持舊事。逮至京病卒。於途。臨終書偈曰。我年五十五。嘗把虛空。補踏斷死生關。夜半日卓午。門人道淨等。依法茶毗。舌根數珠不壞。奉骨歸壙。靈隱東岡。復分餘骸。葬西溪九曲之原。時洪武年辛未五月三日也。

杭州府天龍斯道道衍禪師。長洲姚氏子。諱廣孝。自號逃虛子。年十四出家。於妙智菴。元季兵亂。遨遊江湖。深自韜晦。參徑山愚菴。及盡得心髓。掌內記三年出世。普慶遷天龍。嘗自題肖像曰。看破芭蕉拄杖子。等閒徹骨露風流。有時搖動龜毛拂。直得虛空笑點頭。洪武中以高僧。應選侍文皇於燕邸。永樂中以佐命功。上欲官之。不可。一日召見。上潛令人以冠服被體。進爵。太子少師。亟命宣謝。不得已拜命。故人皆以少師稱。然終不蓄髮。戒行尤謹。賜妻妾。堅辭弗受。嘗有閒居詩曰。春燕雛成辭舊壘。午雞啼罷啄陰階。讀此可以想見。師半矣。後病篤。上幸其第。問後事。對曰。

出家人復何所戀強之終無言遂泊然而化世壽八十有五上贈榮國公諡恭靖所著有道餘錄一卷行世有贊靈谷定巖成道影曰以此見定巖指槐爲柳不以此見定巖認辰作斗然則何以見定巖廓太虛而爲量湛秋水以爲神其于說也無說而說其於聞也無聞而聞行猶霜潔貌若春溫榮領非常巨刹欽承莫大鴻恩名無遠而不屈德不孤而有鄰是誠謂先龍翔新大師之嫡孫也耶

萬壽仁禪師法嗣

杭州府徑山南石文琇禪師崑山李氏子出家紹隆菴禮智興爲師行中仁住雲頂師往從之鍼芥相契初住蘇州普門次遷靈巖三主萬壽永樂初詔天下儒釋道流之精通文義者纂修永樂大典師應詔書成陞辭南還主席徑山上堂僧問法筵已啓法鼓已鳴四衆雲臨請師祝聖師曰日月爲天眼須彌作壽山曰世尊出世天雨四華和尚出世有何祥瑞師曰一牛飲水五馬不嘶曰恁麼則熙怡的旨傳千古寂照宗風播四方師曰好事不如無乃曰如來出世是擔屎漢祖師西來是賣卜人自餘德山臨濟洞山雲門潞山雪峰玄沙南泉趙州輩各逞機鋒互分照用盡是販私鹽賊新普門者裡一時與他掃蕩何故

幸逢堯舜世自合樂無爲復舉僧問楊岐如何是佛岐曰三脚驢子弄蹄行曰莫只者是麼岐曰湖南長老師曰大小楊岐被若僧一問未免手脚俱露上堂十方無異路爲甚麼南尋天台北尋五臺目前無異草爲甚麼桃華紅李華白良久曰打破祖師關都是自家底靈巖上堂盡大地是自己森羅萬象從何而有會不得底三十拄杖會得底亦與三十拄杖諸方盡是粥罷上堂靈巖寺裡參浪喫茶上堂今朝七月初一門前金風漸灑特地打鼓陞堂一字也道不出露柱禮拜釋迦燈籠問訊智積獨有無事衲僧依然眼橫鼻直敢問大衆那箇是無事衲僧良久曰業長三尺萬壽謝頭首兼祈雨上堂伶俐衲僧轉轆轤地對賓客側身而立結衆緣化炭化糧聽闌雞鼓翅而鳴看茶瓢從地蹕跳卓拄杖曰夜來江上雨分作萬家流解夏上堂圓覺能出一切法一切法未嘗離圓覺螻蟻知雨而封穴石蛙應節而揚葩粘手粘脚底有甚數十字縱橫底有甚數上堂舉古德曰日出心光耀天陰性地昏不知天地者剛

道有乾坤與麼說話古今徹悟者如稻麻竹葦錯會者亦如稻麻竹葦以拂子畫一畫曰阿耨達池深四十丈濶四十丈除夜小參龍樹滿盛盞水迦提擲下繡鍼德山隔江招手高亭橫趨而去朝鳴鐘暮擊鼓風動塵起鵲噪雅鳴無一處不是者箇時節今當臘月三十夜敢問諸人還會得麼有際天之雲濤方可容吞舟之魚有九萬里風乃可負垂天之翼佛涅槃上堂釋迦老子從兜率天託生大術胎中早是染却生死重病及乎降生便乃一手指天一手指地可見是攢簇不得底迨見明星出現豁然大悟道正是病眼見空華四十九年三百餘會廣說略說直說曲說顯說密說豈非熟睡饒譚語至於臨末稍頭摩胸告衆曰汝等善觀吾紫磨金色之身瞻仰取足毋令後悔若謂吾滅度非吾弟子若謂吾不滅度亦非吾弟子病入膏肓莫能療治非但世醫拱手便是耆婆神醫只得倒退三舍北山遠孫今日却要爲他療治若療治不得後代兒孫永失恃怙若療治得便見紫磨金色之身巍巍堂堂煒煒煌煌觸處顯現擊拂子

曰柳色黃金嫩梨華白雪香徑山上堂森羅及萬象一法之所印前面是盍孟峰後面是凌霄峰中間是佛殿喚甚麼作一法良久曰國一祖師元是崑山人上堂馬大師道自從胡亂後三十年不少鹽醬此地無金二兩俗人沽酒三升上堂但參活句莫參死句頭頭上顯物物上明是死句舉步踏著南辰轉身觸翻北斗是死句作麼生是活句蘇州街雨過著繡襪衆擬議擲拂子下座上堂目前無法意在目前不是目前法非耳目之所到洗硯池頭雲冉冉埋雞塚上草離離室中垂語曰道源不遠在甚麼處祖師西來爲甚麼事菩提無樹誰爲立名僧問如何是賓中賓師曰扶杖傍人門曰如何是賓中主師曰堂前倚露柱曰如何是主中賓師曰性命屬他人曰如何是主中主師曰手握金剛杵見僧庭中過師厲聲曰屋簷埤下來也僧仰望師曰鷄子過新羅見僧入門便曰你者踏州縣漢脚跟下好與三十棒曰某甲話也未問便蒙賜棒師曰待你開口堪作甚麼僧擬議師便喝出僧參展坐具師曰我者

裡無殘羹餽飯。不用使破炊巾。日和尙慈悲。師曰笑。倒門前青石幢。師凡四坐道場。皆有成績。可觀。晚年引退卜地。寂照塔左結廬以居。壽七十餘示寂。

有增集續

傳燈行世

龍翔訢禪師法嗣

江寧府天界覺原慧曇禪師。天台楊氏子。母夢明月墮懷。吞之有娠。生貌癡如稍長。依越之法果大。均出家。年十六爲大僧。聞笑隱主中竺。往參叩備陳求道之切。隱斥曰。從門入者。卽非家珍。道在自己。奚向人求耶。師退而有省。一日聞舉百丈野狐話。豁然大悟。曰。佛法落吾手矣。隱曰。汝見何道理。師展兩手曰。不直半文錢。隱領之一日。師入門。隱問何處來。師曰。遊山來。隱曰。笠子下。搗破洛浦遍參底。作麼生。師曰。未入門時。呈似和尚了也。隱曰。卽今因甚不拈出。師擬議。隱便喝。師從此脫然。又一日。隱展兩手曰。我八字打開也。你因甚不肯承當。師曰。休來。鈍置。隱曰。近前來爲汝說。師掩耳而出。後隱主龍翔。俾師分座。至正壬辰。出世。牛首祖堂三年。遷清涼廣慧。上堂一句。

子墨漆黑。無把柄有準。則良久曰。會麼。確搗東南磨。推西北。上堂。經有經師。論有論師。龍河今日放一綫道。分科列段去也。拈拄杖卓一下曰。且道是何章句。上堂者。箇現成公案。古今領解者。雖多錯會者。亦不少。所以金鑰不辨玉石不分。總似今日達磨一宗教。甚麼人擔荷。龍河者。裡直下分。辨去也。張上座。李上座。一箇手臂長。一箇眼睛大。良久乃嘯一聲下座。示衆。春風浩浩。春日遲遲。黃鶯啼在百華枝。箇中無限意。消息許誰知。僧問。心意識過捺不住時。如何師厲聲喝曰。是誰過捺。室中謂僧曰。二六時中。無你啄啗分。無你趣向分。會麼。僧罔措。師曰。未明三八九。難免自沉吟。帝師授淨覺妙辨禪師。號乙未。年遷保寧。丙申。王師定建業。師謁於轅門。上一見嘆曰。眞福德僧也。命主蔣山。踰年改龍翔爲大天寧寺。詔師主之。設廣薦法會。命師陞座說法。車駕幸臨。恩數優洽。御書天下第一禪林。洪武戊申。賜紫衣及金襴方袍。御制誥命授演梵善世利國崇教大禪師。住持大天界寺。統諸山釋教事。當是時。遴選有序。詮衡。

至公宗社有志之流山林抱道之士聯鑪而起庚戌夏六月庭議西域未臣伏上以彼國敦尚佛乘特詔師往師承命即日登途自閩之洋凡歷國邑莫不聞風來歸辛亥秋七月至合刺國布宣天子威德館佛山寺其王待以師禮九月師示微疾王臣咸來相慰須與沐浴更衣謂左右曰某幻緣已盡不能復命矣跏趺端坐夜參半師問曰日將出否曰未也已而復問至再四曰日出矣師怡然而逝世壽六十八僧臘五十三踰五日顏色如生王斲香爲龕築壇茶毗之薪火滅盡舍利無數舌根齒牙不壞收舍利靈骨及不壞者附瘞其國辟支佛塔中甲寅九月同行還朝奏陳其事上嗟悼之敕天界蔣山二寺住持宗泐等以師之遺衣藏於雨華臺之左有五會法語行世江寧府天界善世全室宗泐禪師字季潭台之臨海周氏子元仁宗延祐戊午七月十七日生八歲從中竺笑隱受業十四薙髮二十具戒一日隱問國師三喚侍者侍者三應汝意如何師曰何得剗肉作瘡隱曰將謂汝奇特元來無所得師喝一喝隱擬拈棒師

拂袖便出尋參元叟於徑山叟留掌記室後出世宣之水西洪武戊申遷中竺四月十五日入寺上堂金剛王劍橫揮千妖屏跡爍迦羅眼洞照萬有潛形到者裡卷舒在我殺活臨時直得千歲巖中天踣跳錢塘水東海逆流諸人還知有也無舉拂子曰庭前石筍抽條也會見高枝宿鳳凰復舉南泉初入院大衆透進方丈僧問端居丈室將何指示於人泉曰昨夜三更失却牛天明起來失却火師曰大小南泉不唯瞞人亦且自瞞新天竺用處也要大家知忽有人問端居丈室將何指示於人劈脊便棒且道與古人是同是別卓拄杖下座辛亥遷雙徑是年冬詔徵江南有道浮屠十人詣京就太平興國寺建廣薦法會列師居首上齋戒御製章疏車駕親臨服皮弁服搢玉珪北面禮佛羣臣各衣法服以從先是上命師撰獻佛樂曲進呈御署曲凡八章曰善世昭信延慈法喜禪悅徧應妙濟善成敕太常歌舞以節奏之復命師陞座說法窮理盡性徹果該因顯密淺深無機不被上大悅未幾總持西白金以母老告退舉師自

代上命師主天界。嘗欲師蓄鬚髮。以官之師。再懇得免。後以逆黨坐罪。著做散僧。執役至鳳陽槎峰建寺。徐察其非。召還。上賜詩有勸翁去。此問誰禪。朝夕常思在目前之句。高皇后薨。臨塋忽風雨雷電。暴作。帝不樂。召師至。曰。今太后將就塋。爲朕宣偈。送之。師應聲曰。雨落天垂。淚雷鳴地。舉哀西天。諸佛子同送。馬如來上意稍解。後以老求退。賜歸槎峰。渡江示疾於江浦石佛寺。謂左右曰。人之生滅如水。一漚漚生。漚滅復歸於水。何處非寂滅之地。耶。言訖復顧侍者曰。者箇齋者。茫然。師曰。苦遂寂時。洪武庚子九月十四日也。春秋七十四。闍維舍利。無算塔於撥雲山。笑隱訢窳塔波之右。

杭州府中竺用彭嬾翁廷俊禪師。久依笑隱出世。明之龍峰。次遷瑞巖。後主中竺。據室拈拄杖曰。室中若無棒頭。取證底我。拄杖子。誓不喚作拄杖子。有麼。僧出師曰。敕點飛龍馬。跛鼈出頭來。佛涅槃日上堂。古德道。涅槃後有大人相。釋迦老子涅槃久矣。大人相在甚麼處。以拂子打圓相曰。還見麼。容顏甚奇妙。

光明照十方。我適曾供養。今復還親覲。上堂。近來衆中兄弟聰敏者多。徹到者亦不少。莫不自謂得之於心。應之於手。臨機見境。踢將出來。活潑潑地。不費纖毫氣力。到龍峰門下。正好從頭按過。拈拄杖卓一下。曰。譬如油蠟作燈燭。不以火點。終不明。上堂。眞淨道。天心得自在。盛夏復清涼。衲僧如薦得珍重法中王。卽今孟秋改旦。盛夏已退。清涼復生。且問諸人。天心還得自在也。未直饒自在。更須識取法中王始得其或未然。昨昨前頭大有熱在。謝首座知客侍者。直歲上堂。索犀牛扇子。無風起浪。問眉間挂劍平地。干戈二俱。莫涉別有條章。撲碎玻璃。蓋子拈起。無柄饒頭。淺鋤明月。深種白雲。時時歌堯舜之風。日日樂羲皇之化。且知恩報恩。一句作麼生。道九萬里鵬纔展翼。一千年鶴便翱翔。上堂。函蓋乾坤。天光迴照。截斷衆流。伏惟尙饗。隨波逐浪。放汝一綫道。如此著語。還契得雲門意麼。拈拄杖曰。一卽三。三卽一。火向水中焚。石從空裡立。以拄杖卓一下。喝一喝。上堂。釋迦世尊。未離兜率。已自七錯八錯。何況達磨。航

海東來其錯猶甚俊。上座既是他家兒孫。只得將錯就錯。拈拄杖曰。三世諸佛。歷代祖師。總在新瑞巖。拄杖頭上。提向上機。指其中事。只要諸人。明自本心。證自本法。驀忽一箇半箇心法。雙忘管教他。穿山渡口。虎齧大蟲。剪月亭前。蛇吞鼈鼻。雖然祇如廣額屠兒。放下屠刀。道我是千佛一數。且道是從本心中發現。耶。從本法中發現。耶。以拄杖畫一畫曰。天下有星皆拱北。人間無水不朝東。臘八上堂。晝見日夜見星。大地衆生。阿誰不曉釋迦老子。捏目生華。剛道於中有箇悟處。二十一日杜口不言。幸自可憐。生四十九載。脫空謾語。著甚死急。噓一聲下座。上堂拈拄杖。卓一下曰。大衆會麼。良久曰。欲得不招無間業。莫謗如來正法輪。便下座。上堂春山疊亂。青春水漾。虛碧寥寥。天地間獨立。望何極。好諸禪德。不經一事。不長一智。結夏小參。結却布袋口。三世諸佛。歷代祖師。天下老和尚。眼不得妄視。耳不得妄聽。口不得妄言。足不得妄舉。一禁禁住。無絲毫走作。謂之圓覺伽藍。九旬禁制。酢甕中蟲子。有甚出頭分。殊不知此道。

如淨日輪昇太虛。空無幽不燭。如塗毒鼓。輕輕一搥。聞者皆喪。雖然。只如道居有破。有居空破。空二幻既空中。亦不立。畢竟喚甚麼作塗毒鼓。喚甚麼作淨日輪。喝一喝曰。大丈夫兒。合自由信脚。踏翻知見窟。解夏小參。秋江清淺時。白露和煙裊。本無迷悟人。只要今日了。既是本無迷悟。又要了箇甚麼。好諸禪德。頂門正眼。照古照今。腦後神光。無內無外。雖則人人本具。各各現成。其奈妄想執著。不能了此。茲值聖制。將圓僧欲自恣。便從今日了。將去不妨。七穿八穴。十字縱橫。若了不去。三十年後。換手搥胸。莫言不道。除夕小參。一年將盡。夜萬里未歸人。咄。寐語作麼。即今簇簇上來。兀兀立地。面面相看。眼相對。阿那箇是未歸人。樓上已吹新歲角。聽不出聲底。分明聽取。窓前猶點舊年燈。見不超色底。端的見來。是箇皮下有血。誰家竈裡無煙。說甚麼到與未到。歸與未歸。雖然否極泰來。結交頭一句子。也要諸人共委。拈拄杖卓一下曰。梅萼香傳春谷暖。松風聲度夜堂寒。舉五通仙人問世尊。如何是那一通公案。拈曰。那一通。

既不識者。五通敢保。未徹不見。道射人先射馬。擒賊須擒王。舉外道問佛。不問有言。不問無言。話拈曰。外道饑求王膳。世尊和盤托出。阿難索短不搆。深泉却向鞭影裡著倒。舉傳大士講經公案。拈曰。大士講經。揮尺一下。百千三昧。無量妙義。已自昭彰。誌公道講經。竟言多去道轉遠。舉盤山作街坊公案。拈曰。歌聲哭聲。在在有之。因甚盤山聽得。便解悟去。良久曰。開池不待月。池成月自來。洪武建元。寓鍾山端坐。而逝。茶毗舍利無數。塔於杭之南屏。

九江府廬山圓通約之崇禎禪師。毗陵陳氏子。首參元叟。嗣見佛慧。次走中竺。參笑隱。隱舉無位真人話。師不覺釋然。下拜。隱曰。汝何所見。而便作禮。師曰。更無第二人。隱曰。從門入者。不是家珍。師曰。和尚慎毋壓良爲賤。留侍十餘年。盡得其道。後住南禪。次遷圓通。育王洪武壬子秋。召高僧建大會於鍾山。師應詔至。便殿上問佛法大意。師以偈酬之。上大悅。賜食上。前師假寐。鼻息作聲。鄰座引裾覺之。上笑曰。此老人無機心。真善知識也。後示寂。塔於石耳峰。生於元成。

宗大德甲辰

嘉興府資聖克新仲銘禪師。鄱陽廬里余氏子。久依笑隱於大龍翔掌內。記至正間。住嘉禾資聖時。了菴退居南堂。與師雅相契。合泊菴示寂。師爲文祭之。略曰。哲人云亡。宗教陵替。予來醉李。惟師宿契。或往或來。於今五歲。論覈道真。窮根極底。又曰。矧彼妄庸。傲然高位。利鬻豪爭。善類喪氣。老成眞萎。馳焉何恃。師嘗却宣讓王之命。有偈曰。數椽茅屋。萬株松蒲。榻高眠海。日紅不是賢王。招不起山人。只合住山中。所著有雪廬稿。

杭州府靈隱介菴用眞輔良禪師。吳縣范文正公十葉孫也。自幼聰穎。經書若素。習十五從迎福院。薙髮受具戒。參方天平。白雲杓。指見笑隱。遂詣龍翔相見。問答頃情。解頤忘石。室瑛主育王。令掌藏鑰。至正壬午。出世嘉禾資聖。歷十三載。遷越之天章。尋移中竺。最後補靈隱。嘗示衆曰。達磨一宗。凌夷殆盡。汝等努力。如救頭然。百千法門。無量妙義。於一毫端。可以周知。如知之變大地爲黃金。受之當無所讓。否則素餐。

之愧。答將誰歸。歲月流電。向上事請各急著眼。洪武辛亥正月十五日。親理後事。謂左右曰。翌日巳時。吾逝矣。及期。澡浴端坐。書偈而寂。世壽五十五。僧臘四十。闔維齒牙舌根不壞。設利無算。瘞歸雲塔中。

杭州府淨慈竹菴清遠懷渭禪師。南昌魏氏子。實全悟俗姓甥也。幼誦書攻文。不待師授。悟挽致座下。不數年。其學大進。一日。悟垂問。衆罕對者。師直前應對。悟叱之。師氣不少沮。詰難再四。師皆不少滯。悟乃謂之曰。吾四十年接人。非不夥。能弘大慧之道。唯爾與宗泐耳。悟既寂。虞文靖歐陽玄雅重師。文行僉曰。是無忝於舅氏也。師曰。佛法與世法。不相違背。吾故以餘力及之。將光潤其宗教耳。苟用此相夸。豈知我哉。元至正末。避地匡廬。悍兵來索金帛。師瞋目呵之。曰。僧家何有是物耶。兵怒欲害之。師引頸就刃。兵不敢嘆息而去。師出世四坐道場。住淨慈。則入聖朝矣。鍾山之會名德咸集。後退居良渚。問道益至。洪武乙卯十二月。示徵恙召弟子。囑以後事。怡然而逝。壽五十九。茶毗不壞者三法語有四會錄。詩文有集。行世。

萬壽霖禪師法嗣

杭州府淨慈孤峰明德禪師昌國朱氏子。母夢僧珎託宿覺而有娠。幼好跏趺端坐。諸父明上座奇之。挾至金鷲。俾侍滌掃。年十七得度。爲大僧。遊方首謁竺西坦。聆上堂語。有省。復造淨慈。見晦機。機問甚麼物。恁麼來。師曰。胡張三黑李四機拈棒。師拂袖徑出。復抵雙林。見明極。俊會日本遣使迎。俊師送至海濱。適晤竺田於明州。田挽師歸雪竇。處以第一座。一日。田上堂。舉隱山泥牛入海。公案音聲如雷。師不覺廓然。述偈呈田。田歎曰。人天眼目。儼然猶在。自是提唱宗乘。稱性而說。嘗與仲方倫結菴桃華塢。相與激揚。足不踰戶者五年。後出住松江東禪。再遷集慶。保寧湖之道場。杭之淨慈。帝師授圓明定慧之號。洪武壬子。退居道場竹林菴。一日。示微疾。戒飭其徒曰。汝等一眞圓性。與如來等世相。起滅無異。石火電光。晝夜勤行。毋生退轉。吾沒後。當遵佛制。依法茶毗。勿令衣麻而哭。言畢。書偈泊然而逝。世壽七十九。僧臘六十二。茶毗頂骨不壞。舍利叢布。灰燼中建塔瘞於東岡。

大鑑下第二十三世

相國顯禪師法嗣

西京小菴行密禪師初以白衣禮一言師凡見便禮拜言一日謂曰道人禮拜且止佛法在甚麼處師方舉首忽聞板聲鳴言曰只是師從此入遂求度言曰汝誠精進宜名行密力參座下三年言偶舉南泉三不是等問語未絕師曰畢竟如何言笑曰已多了也師言下得大安樂言曰佛法下衰正宜潛隱毋拘城隍得安身處最爲佳耳宣德丙午午出住西京小菴入院上堂句能刻意能刻句意句交馳無你立處吹糠見米退一取三汝諸人脚下還有許多般也無乃拈拂子擊案兩下又示衆云天無私覆地無私載上是白雲青天下是石頭土塊靈鷲山中拈花金色尊者破顏正是與賊人過梯一箇渾沒縫底弄得七穿八穴莫怪張郎底是李郎底却不是乃冷笑一聲天順戊寅八月十一日告衆曰吾自住此二十餘年不曾將一字腳點染諸方隨拈拄杖曰者箇交與何人衆無對倚杖而化

天寧金禪師法嗣

江寧府保寧敏機慧禪師吳興人得法西白出世嘉禾祥符尋主保寧宋文憲公濂嘗爲師作冲默齋記

竺曇敷禪師法嗣

杭州府淨慈佛鑑簡菴希古師頤禪師住杭之崇福徙萬壽明永樂中徵修大典師應詔事竣敕主淨慈宣德壬子忽語衆曰吾行矣書偈曰須彌一拳大海一口海竭山崩鳥飛兔走遂危坐而寂塔雷峰之陽

雙林闇禪師法嗣

杭州府徑山月江宗淨禪師蘭谿倪氏子十七從正覺院文譯受業誦楞嚴至如人以手指月示人是人因指應當見月處豁然有省往參雙林正菴菴問黃檗打臨濟你作麼生會師曰按牛頭喫草菴奇之命典維那後出世徑山示衆坐斷凌霄已十年拖犁拽杷飽蒼煙如今休去便休去嘯月吟風樂自然晚退居東堂正統壬戌十月三日示疾當午集衆說偈曰祖師門下客開口論無生老我百不會日午打三更泊然而逝壽六十七臘五十全身塔於圓照菴

天界曇禪師法嗣

江寧府靈谷定巖淨戒禪師吳興人參覺原於天界原舉桶縮爆因緣問師師擬議原厲聲曰早遲八刻了也師言下大悟洪武初詔住靈谷舉長慶道總似今日老胡有望保福道總似今日老胡絕望話頌曰平展機籌不用誇抑揚元屬當行家曹溪波浪如相似那得兒孫若稻麻有續刻聯珠頌古行世

天界勸禪師法嗣

寧波府天童佛朗湛然自性禪師雲陽韓氏子出家於深陽慧照菴禮慧海智爲師一日海問父母未生前那箇是你本來面目師不能對自此懷疑者七年時得旌川草菴一幻生福二友切磨之力菴一日舉有句無句如藤倚樹話問師師擬議菴壁脊便打師憤然徹夜不睡天明聞敲火筋聲豁然洞徹乃謂草菴曰夜來公案今日要與汝決斷菴握拄杖問句歸何處語未絕師劈手奪菴杖拗作兩橛擲向窓外曰別處燒徑入堂臥幻生聞特問曰且喜性兄大事了畢也師喝曰賊不打貧兒家一日問菴祖意教意是

同是別菴曰秋樹飄黃葉寒天掘地爐師曰我且不問他後謁天界全室舉此話問曰某昔年曾問一師友祖意教意是同是別他道秋樹飄黃葉寒天掘地爐今日請和尚決斷室曰病翁年來腕無力拄杖牀頭且靠壁師曰有人不肯和尚與麼道室拈拄杖打曰待他露柱眼自開鐵蒺藜槌當面擲師便禮拜後出世里之普光明洪武丁巳遷常州永慶公選住撫州疎山復被旨住持天童僧問牛過窓欄頭角四蹄都過了因甚尾巴過不得師曰盤脫丘曰恁麼則昔時大慧今朝佛朗也師曰莫認六龍城作舅家曰的旨師分付回程事若何師曰急須吐却上堂一卽三三卽一是聖是凡分不出木人著錦衣石女風流急慣操沒絃琴能吹無孔笛深深海底行高高峰頂立露柱來稽首虛空齊應拍萬象側耳聽大家笑一擲且道笑箇甚麼飯籬裡餓死人不肯自家開口喫饒你到三十三天本來饑苦爭消得卓拄杖曰吽吽便下座上堂今朝十月旦衲子修冬辦撥開爐焰火更莫問柴炭渴飲銅汁羹饑餐鐵釘飯大眾還

知囊無繫蟻之絲。厨乏聚蠅之糝。麼到與麼地。不可
繫。懶卓拄杖下座。謝頭首上堂。布毛纔吹化。現無
邊華藏世界金槌在。握縱擒一切諸佛。如來撲碎茶
甌。遍地金聲。玉振掣漏燈。蓋觸處耀古騰今。兎角杖
挑大千日月。龜毛拂轉塵劫法輪。還見佛國山。踣踖
撞破汝諸人鼻孔。敲瞎汝諸人眼睛。麼喝一喝。曰。春
風夏雨。應時來。李白桃紅次第開。上堂。去年今日
居楞伽山。彼四衆喜此處少一人。今年此日居佛國
山。此四衆喜彼處少一人。擊拂子曰。一身爲無量身。
無量身爲一身。行則普天普地。行坐則徧一切處。坐
說甚麼。東西南北。他方此界。雖然。此猶在化城。且道。
寶所一句作麼生。便下座。上堂。貪瞋癡戒定慧。戒
定慧貪瞋癡。無明解脫知見。解脫知見無明。一切衆
生諸佛。諸佛一切衆生。月落山無影。風來樹有聲。大
千無對待。露柱闌縱橫。喝一喝下座。上堂。今朝十
月初一。衲子備炭開爐。汝善知時識節。吾不吝也之
乎。生佛已前。茅草令清風自在。滿皇都。一日有一
峰。會下數僧到。師問汝等。是寧和尚弟子否。曰。是師

曰。借問汝家事。得麼。曰。得。師曰。錯。復問。峽富山前三
草二木。晝夜作師子吼。是一峰。語否。曰。是。師復曰。錯。
僧無語。師曰。汝等何得五戒也不持。晚年退歸。普光
作終焉計。

成都府大隋無初德始禪師。日本信州神氏子。幼聰
穎。遇羣兒嬉戲。輒引去。見僧。則喜動顏色。從州之天
寧出家。受具。博極羣書。已而念覺阿之爲人。得請命
其王。隨國使宣聞溪詣闕。使還。師願留華。夏上許首
參。全室掌內記久之。盡得其道。會室有西域之行師。
遊古幽都。憩慶壽時。當洪武壬戌。適獨菴衍來。蒞寺。
事衍視師。爲猶子。相與激揚。臨濟宗旨甚相得。庚午
師告去。禮娥眉獻王。命出世。彭州大隋。瓣香爲全室
拈出矣。一住七年。法席甚盛。永樂壬辰。特旨卑領龍
泉寺。師高提祖印。勤辯方來。一出言象之表。平昔喜
賑卹貧困。薄己厚人。善於誘物。宣德戊申九月。無病
端坐。書偈寂於退處之金剛室。茶毗。獲舍利百餘。弟
子輩爲建塔。瘞焉。

薦嚴義禪師法嗣

杭州府淨慈祖芳道聯禪師。四明鄞縣陸氏子。年十四。禮崑山薦嚴悅堂。願得度。秉戒於鄞之五臺。還侍物。先義於薦嚴。有所造詣。洪武丙辰。侍佛心住靈谷天界。曇延居記室。穆菴康恕中。愠木菴聰咸。作忘年交。後出世台之廣孝。遷紫籙及麻峪。景山明之補陀。越之能仁。末主淨慈。壬申。淨慈厄災。惑師爲一新蜀王。賜袈衣。孟益永樂丙戌。朝廷徵師爲釋教總裁。嗣還築室湖濱。曰藕華居。丁亥。以事赴召。至京。上令住五臺祐國寺。未及陞陞。忽語左右曰。吾世緣殆盡。後三日沐浴更衣。跏趺而化。當己丑七月三日也。歸塋藕華居之陰。世壽六十四。僧臘五十。有知逸語錄行世。

道場德禪師法嗣

杭州府靈隱無文本聚禪師。四明定海謝氏子。年十四。出家。郡之五臺寺。剃染。習毗尼。聞孤峰旺化。保寧往叩之。峰問汝和梁山十牛頌。試舉看。師擬對峰。遽掩其口曰。牛在甚麼處。師曰。已犯和尚苗稼了也。峰曰。未。在更道。師掩耳而出。峰異之。命爲侍者。時仲

芳倫退居寺右新菴。師往來決擇。至正丙午。開法姑蘇。覺嚴洪武中。宜興靜樂院。請師易講。爲禪。未幾。詔徙蔣山。於孝陵之東。賜額靈谷。敕物外義住。持命師居第一座。爲衆表率。乙亥。補靈隱居。五載。建文己卯。春。示微疾。蒙室範堂。洪候問。值師氣喘。洪曰。趙州道諸人被十二時辰。使老僧使得十二時辰。和尙作麼。生師竦身曰。喚甚麼。作十二時辰。洪曰。爭奈氣急。何。師震聲一喝。問左右。今朝是幾日。二月二十七日。乃索筆書偈曰。吾年七十有五。涅槃生死。不墮虛空。背上翻身。靠倒飛來。小朵擲筆。泊然而化。闍維頂骨不壞。舍利無算。門人宗衍等。斂諸不壞塔於雙桂菴。分爪髮。瘞於靜樂。

續燈正統卷之十五

續燈正統卷十六

南海普陀嗣祖沙門西蜀 性統 編集

臨濟宗

大鑑下第二十四世

小菴密禪師法嗣

二仰圓欽禪師禾之秀水人。遍參諸方。毫無所契。入西京謁小菴於旅舍。菴問浙中有箇伶俐人。汝還見麼。師曰。圓欽鈍漢。菴曰。我要箇鈍漢。作監收。汝還知麼。師罔措。菴曰。數千里來。可惜錯過。師遂猛參。一日見鼠從架上過。撲翻油盞。忽爾頓契。走見菴曰。某已捉得了也。菴搥住曰。道道。師曰。一粒鼠糞。污却鍋羹。菴曰。瞎漢。參堂去。成化甲午。師居二仰四十餘年。足不越閭。四方尊宿高其行。師一味謝絕塵世。力追汾州高峰之為人。末後智有來參。師歷示本色。鉗錘俾深入閭奧。始授大法。

靈谷謙禪師法嗣

江寧府靈谷潔菴正映禪師金谿人。泉州開元席。闍舉得師。師奉敕以戊寅六月入院。開堂。僧問。法筵

肇啓四衆。具瞻皇恩。佛恩如何。報答。師曰。甘露泉開。流大地。師報恩一句。蒙師指西來祖意。若爲宣師曰。庭前石塔。從寒空曰。與麼則徧界不曾藏也。師曰。汝見箇甚麼。曰。某甲終不敢自瞞。師曰。眼花不少。問。如何是和尙爲人。一句。師曰。兎角。杖挑天上。月龜毛拂。散海濱。雲曰。恁麼則人天胥慶。四海歸仁也。師曰。且合取口。乃曰。山僧比蒙天語。以清心潔已四字。敕住此刹。諸人還知聖意麼。只者四字。是傳佛心印。是鎮海明珠。山僧南來。特拈出。普施大衆。要須知世法。佛法。落霞與孤鶩齊飛。古佛今佛。秋水共長天一色。天心罔測。山益高而海益深。聖語難窮。天溥蓋而地溥載。諸人還會麼。莫是不染世塵。麼。莫是不貪法味。麼。莫是不飲無爲酒。不坐涅槃牀。麼。若恁麼會。非固不非。是則不是。山僧今日不敢久闕。爲諸人當陽指出。去也。乃拈拄杖卓一卓曰。木人舞出法堂前。一任炎天飛白雪。師居後百廢俱新。永樂壬午。朝京回。諸山舉住福州雪峰。法道之振。不減眞覺。洪熙甲辰。奉旨住南京靈谷。宣德改元。卒。有語錄。題名古鏡三。

昧行於世

淨慈聯禪師法嗣

杭州府普明立中成禪師錢塘孫氏子年十三投慈光若山出家首謁祖芳芳室中舉臘月火燒山話師呈頌曰白雲迷却舊行蹤臘月燒山火正紅忽地慈風來扇發冷水水處煖烘烘芳器之後於北郭建普明寺以接方來未幾請歸慈光正統辛酉六月十三日上堂住世今年八十一老病隨緣且遣日今年記著後年事後年記著今朝日至癸亥如期坐化壽八十三茶毗舍利無算建塔於普明

杭州府淨慈照菴宗靜禪師號恬軒叟郡之高氏子自幼薙落本山適祖芳聯領院事師依之久乃得旨旋典藏鑰永樂辛卯應選出住護國尋遷雪竇正統乙丑僧錄以淨慈虛席舉師補之丁卯朝廷頒賜大藏師謝闕謝恩止於彌陀寺示微疾謂左右曰吾緣止矣沐浴更衣危坐而寂世壽七十六僧臘六十塔於藕華之祖丘

大鑑下第二十五世

二仰欽禪師法嗣

壽州無念智有禪師蜀之漢州人發足南方遊四明登天目後參二仰仰問曰行腳甚處師曰南方仰曰彼中佛法如何師曰山川無異仰曰我手何似佛手師良久仰曰莫道無異後看與化打維那機緣始浩然大徹作偈曰與化打維那平地遭殃禍昨夜南山雲飛向北山來仰見爲之助喜曰不孤到此至嘉靖初闡化壽州十有三年而終焉

大鑑下第二十六世

無念有禪師法嗣

荊山懷寶禪師渚宮人遊壽州謁無念念曰蹤懸遊州畢意爲著何事師曰生死大事求師拔度念曰汝是荊州人麼師曰是念曰闍黎卽今在甚麼處師擬對念曰若便恁麼猶較些子佛法不是商量參堂去師自此潛心座下念一日喚曰闍黎師應諾念曰在甚麼處師於言下領旨乃曰和尚大慈真人天師也念滅度後師於嘉靖三十七年以法付鐵牛遠公隱終南

大鑑下第二十七世

荊山寶禪師法嗣

秦嶺鐵牛德遠禪師自印心於荊山後菴居秦嶺一日身披紅布袴頂笠揮鋤地中朝陽來參見曰者漢好似一頭軍師曰看箭陽作躲箭勢師近前携手行至一菴乃曰我乃徑山之裔在此待人數十年矣汝今既來當爲我求人中興祖道留住三月付偈曰就身能打劫劈筈善奪窩三玄從此出三要不可多採竿影草主賓分獅子迷蹤奈我何

大鑑下第二十八世

鐵牛遠禪師法嗣

敘州府朝陽月明聯池禪師郡之范氏子係范郡司馬之後也幼居林下一日有僧過訪不遇因題聯於壁曰阿彌陀佛閒也念忙也念念得佛也無念也無無也無扭落鼻孔最上乘禪朝亦參暮亦參到禪亦寂參亦寂寂亦寂劈開面門師見之忽然厭世便祝髮就之彼僧已先去矣遂杖笠南遊苦辛萬狀單以是聯爲提撕話久之洛伽道逢一僧偉儀殊相師

在前失脚念佛一聲僧曰此敲門瓦子著他何用師遂問拋却後如何僧曰棄落歸根來時無口師始豁然復遊少林會無言語默深契但師懷念佛祖道脈擔荷非易終不自肯竟入關中過秦嶺受鐵牛之囑語載鐵牛章由峨眉返敘州居郡之朱提山朝陽洞二十年聚雲來參師問曰如何是古佛心雲即拱手云請師尊重又問不用音聲與色身將何喚作本來人雲便出令一僧參只者是僧曰只者是還參箇甚麼師曰放汝三十棒又應一座主請至祭壇指壇問曰此是甚麼所在主曰北壇師曰久聞北壇原來在者裡主罔措崇禎十一年十二月二十四日端坐而逝師壽六十有六全身塔於洞之傍

大鑑下第二十九世

朝陽池禪師法嗣

忠州聚雲吹萬廣真禪師敘州宜賓人姓李氏其先三世爲婆羅門父無後禱佛生焉降神之日大士八人臨其舍一人指語父曰此八寶應真出興於世母卽厭腥食素三年離乳至十五歲在牕下與同學讀

書偶覽菊華歎曰此華今歲凋零來春發生嘗聞生死事大無常迅速讀書寧免生死竟絕學登少歲參浩翁久之返里得大慧錄並獲正法眼藏如臨舊物朝暮參禮如有所失後遇一僧見訪問曰如何是佛師擬對曰不是再進曰不是師被者一割塵念如灰至午值僧磨刀次急問如何是佛僧云我今日磨剃刀師於言下有省次入朱提參朝陽月明和尚深蒙敲擊卽以白衣歸爲祖母說法祖母逝後服闋二年方謀出家先是有篋衣道者謂里人曰此處不久當有至人出世師果於萬曆四十一年癸丑秋踰城入山禮月明和尚受具一日明謂曰汝猶有一句未曾師卽問是那一句曰不用音聲色身默然良久與我現出真空來師拂袖便出乃自惟曰此事不可草草是中必有玄要遂辭之別山汲水伐薪自炊自力經行危坐脇不至席苦參三載復入朱提親近月明和尚師纔拜起便問曰畢竟如何現出明引師手掩其口豁然大悟乃曰縱然奇特終是尋常明遂出臨濟正宗源流付之後閱華嚴至入法界品毗目仙人執

善財手一須臾間歷過佛刹微塵數世界參見微塵諸佛法法不昧至事事無礙法界始解圓悟示張無盡用處從此五宗諸講悉皆妙契初住郡之翠屏得法者四人俱先化去乃杖策入吳涉海過閩踵粵至萬曆戊午開法瀟湘之湖東還蜀住忠州之聚雲巴臺夔州之寶峰巽龍上堂劈面迎風掌當胸輓肚拳具眼衲僧向者裡用得猶是三五一輪在在光輝火樹銀花時時燦爛若也半明半暗未夢見在呵呵不是法門無面目只怕蜈蚣太多足喫上堂一不做二不休殺人須究親下手捉賊要識真領頭平息了萬事丟一顆明珠衣下收焰山疊嶂從茲破愛海波濤信不流卓拄杖下座上堂出衆者三十棒不出衆者三十棒出衆者三十棒有僧出衆問話不契乃曰直下三玄已露何曾三要無施落花流水空去殿前古栢當機管盆上堂颯颯淅淅風繞樹寒夜深林裡霽雲煙錢飛粉蝶千家紙露溼綺羅萬淚衫獨有長空輝月面斗牛銀漢玉闌干小參高麗喚云看箭遂以拂子向東指云者一箭射透十方世

界一切衆生性靈只令山頭翻巨浪海底熱烽煙枯木口喃喃觸骸淚漚漚又以拂向西指云者一箭射斷十方世界一切衆生命根只令撒手墮懸巖吐舌如扁擔打碎頻伽瓶扯斷紅絲線又以拂向上指云者一箭射開十方世界一切衆生慧眼只令頂門光亞豎竈直走金蛇百千手臂百千執萬億毫端萬億華此是涅槃經上三點老僧今日用作三箭却也當箭卽入富△卽箭僧問命根射斷後如何師曰斬釘截鐵進云如何是衲僧鼻孔掉轉師曰斑竹筒問如何是父母未生前面目師曰黑漆桶問僧僧是自己又歸箇甚麼僧云和尚也須歸方丈師云用歸作麼僧趨前而立師云好箇臨終西方境僧云用臨終作麼師曰我是死了不曾埋底僧曰若活來西方則無也師曰如佛度一切僧曰既是死了不曾埋底又如何答得話師曰唐以劉瓚爲秦王傳僧問一句當軒八萬門永絕生死如何是絕生死句師曰毗盧頂上行師寓金陵觀音菴朝宗禪師來參師問曰甚處來宗曰天童師曰天童近日何如宗曰大家

在者裡師曰不要脫空宗曰和尚何不往天童去師便喝宗曰落在甚麼處師便打師出世三十年雖嚴冷孤峻而又柔易雍和室中聽人不擅許可故其椎拂之下所得之士類皆銅頭鐵額能世其家者生平所記語錄之外訓世羣集總計三十種近百卷流布宇內偶示疾山神夜哭樹木摧折病中歌唱自娛三月前謂侍僧曰我臨終須大喝而去崇禎十二年己卯七月三十索筆書偈曰朝打三千暮打八百要會聚雲眉毛出血投筆危坐至午果大喝一聲而逝師壽五十有八臘三十闍維煙至松窠結爲五彩荷香徧地起骨得黃金鎖子三莖齒化爲紫色五色舍利三百餘顆入土者無數平都地藏院迎十二顆建塔餘皆塔於本寺三目山之陽

大鑑下第三十世

聚雲真禪師法嗣

忠州治平慶忠鐵壁慧機禪師營山羅氏子家世以一經傳多科甲師生而貌偉氣骨不凡八歲父見背卽隨母持齋是夕見黃龍長數十丈凌霄騰於師頂

師指謂兄。兄曰：龍也有精唐學術者，見師相而異之。視師指掌中有龍鳳蓮華鱗魚鳥獸文，稱許不置。師方就童塾業，鉛槧日記數百行，漸能工篆隸，且膾炙人口。里中名俊咸稱之曰：此羅氏龍文也。時有元白道者，隱邑之大蓬山，師往來叩問雅意。玄學道者石扇巖戶，辟穀半載，師慕之母兄爲師親迎，師辭之。兄曰：汝清姿映玉，瑤藻過人，淡墨紅綾，木天一鳳，奈何作出塵想，從黃冠遊耶？師曰：人各有志，從所願耳。遂於天啓壬戌二月十九潛遁，圖入山計行次大竹，築室松間，掩關危坐，無晝夜。日食米二握，沸湯淡飲，五味俱斷。關中三載，心形益暢，目中屢矚異相，種種疑情頓起，欲扣元白以釋其惑，出關訪之，而白去終南路多阻，師方薙髮束包行脚，竟抵終南，參聚雲。雲曰：奚往？師白：以終南尋道者事。雲笑曰：子真昧於尋師者，師見雲丰儀迥異，神光陸離，願居弟子之列。雲曰：若向來事道固善矣，猶落傍蹊，子欲予言夏後可也。夏滿欲求開示，妬者恐師暗承衣盃，每以計隔之。忽雲出方丈，師跪乞雲大笑而去，師自泣曰：遇至人而

不得一授，遂欲捐軀赴水。僧有諷以從講肆者，師至聽畢，復參聚雲。未幾聞朝陽老人來鄆，陵師侍雲朔舟往見。隨衆參禮，因請益朝陽。陽曰：只者是。師曰：只者是。還參甚麼？陽曰：放汝三十棒，參扣久之，未得開悟，轉增迷悶。從前之志，漸漸稍息。欲辭雲南下，雲曰：子有徑山之往，子可稍待一日，命入侍寮。乃問曰：不許夜行投明，須到你如何？會師纔開口，雲厲聲曰：者是甚麼？所在汝還如是見解？速道速道。師彈指一下，雲曰：快參後侍雲往金陵，聞密雲悟禪，師唱道：天童師欲暫辭適浙，雲曰：天童接人固直截孤硬，但恐一去便不遇老僧宗旨，負汝數年辛苦矣。於是奉侍還蜀，乃命師總院事。自疑此生果與禪無緣乎？遂盡力院中。經七日，隨衆念誦畢，登場忽覺渾身骨碎，大笑不止。遂拈偈進呈：是夜普茶次，雲以臨濟四喝出三，爆竹召衆曰：會麼？師便喝。雲曰：不是。師又喝。雲曰：是何等音聲？師復喝。雲歸方丈，命師入問。玄要宗旨，口呈一頌，雲不之印。復力究三年，忽一日大徹，無論玄要宗旨，祖意教意，有庖丁解牛之勢，入室密啓雲笑。

曰汝會老僧意麼。師曰和尚大慈爲人徹底自後開堂。師皆首衆焉。崇禎己卯。師繼席聚雲。後遷鄧都地藏涪州。吟翁石砬三教長溪雲集萬縣雲來梁山慶忠忠州雲巖南濱寶聖晚年罷寶聖席將謀退隱。忠人士依戀不忘。請主龍昌院。龍昌係唐白香山植柳處。先記云柳茂寺與柳衰寺。敗師至而柳復新。蓋今治平也。開法上堂。方丈已出了。座已登了。香已拈了。還要觀甚麼第一義。且向第二頭著眼。豎拂子云。三世諸佛也不識。汝等還會麼。汝等既未會。山僧喚作甚麼。若無山僧喚底。怎知汝等未會。若無汝等未會。怎知三世諸佛不識。三世諸佛爲汝等出世。山僧爲三世諸佛出世。更有爲山僧出世者麼。速道。速道。一僧出衆云。踏破梅梢月。休云火煉丹。師曰。撞木鐘。進云。踏破了也。師曰。撞木鐘。僧歸衆。師曰。撞木鐘。又僧出。師曰。問話且止。須聽吾偈。聚雲新木鐘。扣擊得玲瓏。千聖齊掩耳。雪火一爐紅。若是伶俐衲僧。自具一付快便手脚。纔見宗師。眼目定動。早已錯過了也。所以下雨地必滑。天晴日光遂。喝中主賓棒下縱奪。

敲骨取髓。痛下針錐。立節要關。拈一放一。謹嚴高古。細密簡明。末後轉身。異類親切。只得葫蘆。茗帚四方。八面一場打闕。且道如何。是山僧。即今爲人處。有意掩爐。還點雪。無心張弩。更開弓。上堂。一棒一條痕。久雨復還晴。一摑一掌。血淒風驚。落葉須彌頂上著。錐子海底波斯痛。不徹到此方知世界寬。珊瑚枝枝撐著月。上堂。橫按拄杖云。慣弄靈蛇之勢。赫赫萬層活捉生馬之威。昂昂千里撒繆天網。打稱意魚放。破空矢落。冲霄鶴點。即到即到。即到。不點正與麼時。且問是誰家風。月卓一卓。曰。一箇星子。三隻脚。家家秤錘。五箇眼。僧競出問話。師下座。以拄杖一時打散。舉眉首座立。僧上堂。黃面瞿曇。拈示自是桃華貪結子。金色頭陀。破顏錯教人恨。五更風。一人傳虛。百人傳實。直至於今。郎當不少。今日不著。便與伊重打算。節候不相饒。錯過成疾患。成何等疾患。只爲鐵老漢口門太寬。除非汝等一齊擡舉。眉山出來塞却。猶較些子。上堂。貴買朱砂。畫月打牛打車。不別僧。檻欣籠。奈何磨磚作鏡。爭得鳧脰天然不長。截鶴續之則。

疾召大衆云。且道阿膩吒峰。今日有幾人作舞。上堂。天可載地。可覆山。可滾水。可烈日。可冷月。可熱。惟。有佛法。不可說。設或可說。也是捫鐘捫箭。上堂。年來不欲施慧智。豎箇空拳也。努力。朝粥午飯。信口餐。早眠晏起。沒瞌睡。雲水諸方。去來西來。大意誰相。憶啓我毗尼。兩片皮開口。令人成笑具。上堂。世界。恁麼濶。爲甚鐘聲。披七條。三三五五。七七八八。鳥豈。是鸞鹿。焉爲馬。白雪陽春。爲誰歌。無端畫地之乎也。喝一喝。云。東桃西李。柳花楊花。文縣令請上堂。擊。禪牀。三下。云。起去。拂一拂。曰。伺候著。良久。曰。隙。晷偷。光。杖。兎角星。芒射眼。拂龜毛。不是山僧。行正。令。崑崙。崑屈。舜若。逃喝。一喝。曰。畫公。打口鼓。喝退堂。聲下座。上堂。天一半地一半。蘇州有常州。有打破蔡州城。踢倒黃旛綽。不笑牛首。伏義則罵孔明。諸葛惡。惡四。時無春夏。一雨便秋冬。上堂。天之高也。奚足高地。之厚也。奚足厚海之深也。奚足深空之大也。奚足大。惟有拄杖子。頭頭越格卓。一卓。曰。今日。郎向二施主。有齋。解夏上堂。今歲結衆。一夏大似三人證龜成。

驚且道。是何三人。莫是總府袁寶善麼。莫是副戎王。一喝麼。莫是善士。傳性一麼。莫是月維二知事麼。如。明鏡當臺。囑諸人。一點不得。還見麼。主山高。案山低。左青龍。右白虎。年年三百六月。月二十五。逆數順數。數到牛首山。雲巖寺大殿裏。恰似佛。幻三月前。鞞底。鹿皮鼓。上堂。迦文如來。未能鄭重。口角四十九年。拋沙撒土。歷代祖師。未能鄭重。口角牽藤引蔓。公案。不獨千七百則之多。天下大和尚。未能鄭重。口角施。伎倆。使機關。恰似把火燒空。彌猴弄月。且道。即今人。天座上。又作麼生。良久。曰。喜得老僧無口。師六十。歲衆。請陞座。甲子三百六。看看今日。足過此。更如何。滿散清齋粥。前三三後三三。豐干子歸去來。作接引。勢下座。問僧。昔日潤侍者。今朝松西堂侍者。西堂。相去多少。云。鐵腳波斯三隻眼。銅頭羅刹一根鬚。師。曰。如何。是侍者事。曰。與和尚過杯茶來。師曰。如何。是。西堂事。曰。大衆不得亂語。師曰。著。眉山三山侍師。山行次。師指二鵲巢。曰。且道。子在那一窠。三山曰。放。過某甲。罷眉山曰。者邊放。過那邊放。不過三曰。請道。

看眉曰兒孫得力祖父不知師曰怎麼又爭得眉曰
婆心太切師曰我也未卯三作抱勢眉曰且莫僥倖
師歸方丈師在聚雲作參頭告香請普說師插香
依式請問因緣雲曰還知落處也未師曰野火泛鐵
船雲歸方丈謂書記曰卽此一語徑山血脈猶在雲
示衆曰識得兵中意快活過一世那裡是他快活
處衆下語不契持以問師師曰殺人不眨眼僧問
如何是祖師西來意師曰人遠話近又問達磨面壁
意旨如何師曰他是異鄉人問如何是玄旨師曰
葫蘆葫蘆問如何是正法眼師曰烏龜開夜市
問一切智通無障礙時如何師曰船子和尙汎華亭
師主法三十二年十坐道場自親炙嗣法外公侯
藩郡文武士夫登其門者不啻百十餘人凡演化之
地屢有異跡四方之供者傾倉倒廩似非人力所能
至於勸扶祖道荷負大法提挈正宗酷類洞山文履
踐明驗水操玉潔宛如積翠南英邵武故出其門者
英逸高遠司理陳蝶菴曰奇表雖同滿月慈心不比
死灰蓋師不愧古人矣先是師童子時相者言師掌

中有龍鳳蓮華鱗魚鳥獸文云是帶果行因淨土儼
然在握當時名德咸以法身大士無量壽如來之化
跡往往見師於假寐中或於陞堂說法中突然自謂
曰豐干子歸去來一談一笑間不覺露出風采康熙
戊申秋八月二十一日偶示微疾凡來問安者或談
六波羅蜜而尙精進或以遊戲而豎指掌危坐經行
了無病意至九月二十一日遺偈別諸檀越事畢索
浴整衣命衆雲集乃曰日前諸事分示明白大衆勤
理佛事謹守遺規卽是報德便取涅槃門人請留遺
語師張目索筆大書曰盡力難說出驢年想不來信
口道箇偈非是強安排豐干子觀自在歸去來吽吽
只當打箇瞌睡呵呵乃顧首座曰我去卽來瞑目而
逝師壽六十有六臘五十闍維得黃金鎖子數莖髮
變化爲琉璃雙目變爲青白色齒骨不壞五色舍利
無數嗣法門人三山來遵遺命迎師靈骨一半建塔
高峰餘皆塔於寺西白鹿洞之旁正錄外著有藥病
隨宜慶忠等集傳於叢林

續燈正統卷之十六

續燈正統卷十七

南海普陀嗣祖沙門西蜀 性統 編集

臨濟宗

大鑑下第三十世

聚雲真禪師法嗣

忠州萬松三目慧芝禪師。郡之劉氏子。落髮於本郡東明次參聚雲。雲示以本色。鉗錘力究。數年方明心要。初總院事後。充西堂。雲著源流唱和歌。付之出住。聚雲上堂。貝葉樓前扣午鐘。東風迎我華臺上。懸羊雖是助春光。何似堤柳舒金網。莫妄想欲會大意。西來須聽山僧平。空捏謊不是謊。一樹眉毛額下橫。十箇指頭共兩掌。上堂生死關頭。鬼神莫覷。魚遊水底。搖腮鳥踏虎空鼓翅。石鞦韆打楊華。冰稜煙騰火氣。何以盡情道。破爲報今朝解制。上堂今朝仲冬十五。好看禾山打鼓。一椎粉碎。虛空費盡。麻纏索補。以拂子擊禪牀三下。臘八上堂。子夜明星未出時。日輪已挂兩莖眉。靈雲乍見桃花笑。且喜從前自不欺。上堂敲竹篋云。一聲擊破目前機。是誰惺惺是

誰迷。青青竹映晴天日。影入寒江上上機。上堂睜眼。看不見。側耳聽不著。却聞鐘鼓。敲復觀黃葉落溪聲。山色轉法輪。總說別說。塵刹說且道。說箇甚麼。喝一喝。上堂石人作揖。闡威儀。鼻念真經。眼麻迷。東村駭殺蒼頭老。笑落春梅第幾枝。上堂依經解義。三世佛冤離經別說。卽成魔說。依也不得。離也不得不依。不離作麼生。六月炎天凍雪花。枯椿樹上結冬瓜。虛空嚼啐無餘粒。達者咸言是作家。上堂血濺梵天至極之談。龜哥眼赤。鸚鵡嘴彎。今日有來與劉老師打箇同參。鼻頭上著艾。脚版下出煙。趙州東司不說法。新婦騎驢阿家牽。上堂舉聚雲老人道。迷去猿猴探水月。悟來蘭蕩拾華針。師云。老人太煞道破。喝一喝。云。迷不迷。悟不悟。三脚驢兒爬上樹。石人把火燒龍池。賓主相逢。不回互。不回互。蒼頭老兒退三步。上堂卓拄杖云。一面登翻。一面行。殘梅落罷。正初春。貓兒也解當巡。炤單爲心腸。毒似人。良久以拄杖畫。喝一喝。下座。上堂談心。論性好肉。剗瘡。良久默然。虛空掘窟。只饒六十痛棒。許多受他熱瞞。

道甚一觀明星至今錯會不少但凡老鼠不咬飯盆
得來無漏猫兒不守舊窟窟運神通到者裡海底泥
牛踏翻銀河斗柄不爲分外天邊玉兔闖入蟪蛄眼
睛許透重關如斯證得不必內收外折截短裁長設
或未然教中毗尼如法信受 上堂卓拄杖云會麼
竺土爛葛藤支那別撰記不似萬年藤橫豎撐天地
未會的喚作孟哥季哥會得來不是張三李四是箇
甚麼擲拄杖云提起話長 晚住萬松上堂木人吹
鐵笛石虎撞金鐘蝦蟆打口鼓蟬蟹舞師公別是一
般清子弟等閒不與世人同雨沙自是心相應響聲
只作耳邊風召大衆有打鼓弄琵琶者麼 僧問離
名離相以何爲宗師曰蟬螟眼裡推石輓曰學人不
會師曰蟬蟹腔中好泛船 問如何是境師曰字水
屏山綠如何是人師云聚雲有老僧如何是奪人不
奪境師云佳人面帶十斗粉如何是奪境不奪人師
云朝罷歸來打單裙如何是人境兩俱奪師云漁人
夜半水中坐如何是人境俱不奪師云賣花人引蝶
相隨 同四大分離者箇在甚麼處師云此去臨江

一渡河云虛空也解開口師云漁人鼓掉春波亂
問如何是吹毛劍師喝一喝 問鑿壁偷光事若何
師云開門見山 同三身中那一身說法師豎起拂
子進云久雨不晴是何意旨師云常門一路滑 同
西來大意卽不問今日開堂事若何師云石女持鏡
江干照進云者句是承嗣聚雲的那句是中興大慧
的師云泥牛向火水中紅
寶峰三巴掌鐵眉慧灑禪師北直隸真定府趙州栢
鄉縣李氏子始落髮於天台無盡楊禪師會下無盡
所行乃杜多行鍊磨遊山師從之者十有六載崇禎
六年率衆義眉飯僧轉夔門值兵亂徒悉被害師僅
以身免返忠城會郡牧少游馬公少游以書送聚雲
雲見卽曰是我家人來了師願領灑掃行初半載暗
行立學夜則面佛危坐伏月裸身露日問其故曰晒
晒不生蟲耳時鐵壁和尚爲首座指入方丈雲示以
話頭苦參一載一日雲上堂師出問如何是佛雲曰
拄杖撐著月如何是祖雲曰橫肩兩樣看如何是超
佛越祖雲曰提起三十棒師不覺大喝雲撫掌三下

座令參至二十五日。無門可入。座打數次。師自誓曰。就參死了。罷從此工夫。日勝一時。時刻無間。一日七炷香。不知去處。忽然省悟。白座呈偈。座徵曰。見箇甚麼。師曰。我名三巴掌。和尚座引見雲。雲驗之。機鋒俊逸。應聲偈語了。無滯礙。雲將示滅。書有鐵眉三巴掌。實老僧趙州萬里外弟子之囑。出住華嚴上堂。豎拂子曰。看。又看不見。尋又尋不看。往返無蹤跡。空向我摸索。擲下拂子曰。冷處著把火。上堂。句句有眼。名為禪。鼻唇直掛萬人看。金針繡出鴛鴦帳。大地山河共一天。上堂。十箇指頭。是五雙。綿州附子。漢州薑。會得海底撈明月。露地白牛角生光。上堂。日月照臨。不到天地覆載。不著含元殿上。問。長安直捷。便是逍遙路。南山高北山低。日出東來。又轉西。昨夜霜風。露消息。吹落林華三五枝。示衆曰。用事無別一隻草鞋爛。前後兩半節。費了多少線。如何是爛底道理。雙頭驢兒三隻角。一根龜毛重九斤。除夕茶話。去年有箇三十日。今年有箇三十日。來年有箇三十日。大眾且道。喚作甚麼。老僧喚作過去現在未來若

有箇阿師出來云。過去未來。即不問。請和尚道。箇現在底老僧。即與三掌云者。一掌是佛。陀者。一掌是達磨者。一掌是僧伽。那阿師無對。佛陀達磨僧伽。明朝元旦。各下一語來。你看佛也空空。無說祖也默默。無言僧也忘言。兩眼紅似血。衲僧又作麼生。山僧生得粗魯。那管初一十五。問來舉起巴掌打底。是佛是祖。僧問。爐韞弘開。未審雲來有甚消息。師云。半夜巖頭孤月靜。曰。和尚如何出手。師云。一聲高樹老猿啼。曰。學人分中得箇甚麼。師云。毫毛出大樹。問。第一義。即不問。開堂事作麼生。師云。緊水灘頭拋繡毬。曰。恁麼則學人有賴。師云。有緣遇著無緣錯過。平山和尚問。坐脫立亡工夫。如何做。師云。默然。全無事。逍遙路可登山云。默然。消息錯會者多。師云。有錯的。不錯的。山云。如何是錯。師云。黑山藏鬼窟。如何是不錯。師云。烏龜炭裡走。問。和尚巴掌打在甚處。師云。須彌山曰。太遠。生師云。近而不遠。僧擬議。師云。鷄子過新羅。僧禮拜。師便打。問。如何是體。師云。坐下如何。是用。師云。起去。體用雙彰。時如何。師云。老僧無丈人。

古孝廉問和尚巴掌既長因甚打不著峭然師云豈但峭然古云長底如何師云打到平都古云短底如何師云打盡天下古云究竟響師拍手三下破山禪師過訪豎指曰者一指與巴掌是同是別師曰一樹梨華靠粉牆崇禎甲申秋同工部熊自福入施衛一座主夢神人報曰淨掃殿堂迎趙州祖翌日師至師生平不識一字至於陞堂入室一舉一措暗應先德出之自然故當時名宿皆尊師爲趙州後身丙戌轉錫南濱瑞光洞楚鳳衛侯牟公閱師錄嘆曰錯過此老遣使迎師師辭以疾公令僧俗以肩輿迂焉是時浙提陳公贊伯方及冠殷勤請法師授以偈雲禱市集至無所容蓋師之直捷接人鉗拂不倦所感召也順治庚寅十月初十日以法付門人耳菴泊然而化壽六十五臘三十有二塔於觀音山熊耳菴後

大鑑下第三十一世

慶忠機禪師法嗣

成都府石樓燈昱禪師益州人久參慶忠侍忠遊江上一夕月崖居士指舟頂圓相問曰馬船亦具三十

二應師曰只作得仰山半箇兒孫忠曰如何是全底師曰若要全辜負仰山忠曰其奈圓相何師曰和尚亦辜負弟子忠曰那裡是辜負處師曰三十二應響乃印之

忠州東明眉山燈甫禪師彭山張氏子少時隨祖母食素初遊西山參鑑隨隨教觀心念佛師問曰正觀心時教誰人念隨曰者居士且觀心著次扣衡旨禪師旨便擊磬一椎師如放下百斤擔子遂將世業冷如死灰決志出家一日與內室揮鋤地中偶自嘆曰解脫之期得在何時室曰君要去即去何必在口師便長揖而別至夜自剃髮髮尋造大衾洪椿坪雖在稠人中孜孜以一椎磬在念乃下山參尋知識至夾江遇一關主師問曰在此作麼主敲靜版三下掩却關師於此稍有所進乃於北坪效高峰死關乃自誓曰若話頭不開道不入手必不出關自丁丑二月一日入關至十九日忽如迅雷震地舉身都碎含笑未已隨即出關復返椿坪偶樓喜二上座自平山來得慶忠錄讀至木鐘玲瓏處從前所有洞然無滯遂順

舟謁慶忠於平山入室。次山顧師曰：汝是義山僧麼？師曰：是山曰普賢。與汝說甚麼？師曰：恰遇和尚入室。山曰：委的恁麼說？師曰：有功則考無功考箇甚麼？山曰：驀頭三竹笠。從是灰心座下一日。師問：無絃琴有韻撫者是誰？山作鳴琴聲。師曰：不犯宮商和曲調作麼？生彈山曰：撼碎去。師曰：恁麼則石鞞夜吹笙。山曰：不是好手。出住三教。繼遷靈峰圓通石峰與隆東明草堂開化八席。先聚雲諱曰：上堂。秋風秋雨底離甚麼名相惱得龜哥？眼紅眨地。把爲仰雲門法眼。曹洞翻湫倒嶽。輾作一團東湧西沒。獨是小厮兒眼疾手快。跳入杖頭。祖印上放身大笑曰：快活快活。今日當陽用得親鐵牛隊隊黃金角。上堂。昨夜摩醯首羅會觀音大士。哩哩囉囉不休。拄杖子旋來報道。夢釋偉上座自南浙來不參禪。不打坐。三教靈峰慣白拈手。言罷穩貼貼地。站在面前。索箇偈子與伊解。交去老僧卽與一偈曰：有心聞不得無耳却知音。圓通掉背去。和天徹地傾。巴掌老和尚示寂。上堂。卓三卓曰：驢頭不鬪馬嘴。從三掌中得來。且放過虎張。

聲勢從班步下聽來不堪計較。直饒未出茅廬三分已定。如龍如鬼。底死退活走底。咄。看破了也。除夕上堂。小盡二十九。大盡三十日。鼠聞牛角尖到頭知委悉。無鬚鎖子兩頭搖。赤眼烏龜吹鐵笛。明日又新春。不用舊年曆。上堂。倒曳遼天拄杖。牢拴三耳草鞋。漫云結解爲期。尙有末後一著。今與汝等解開布袋。於中竹頭木屑囊藏不少。若遇虛空落地處。一任抖擻。解制上堂曰：佛華經破故紙。文殊普賢田庫奴五十三員。花酒店善財百一十城。脚跟未動毗盧七處九會。磕睡未醒。咄。毗盧了善財了。文殊普賢了。若凡若聖。乃俗乃僧。無不了了。卓一卓曰：了不可得。僧俗凡聖不可得。文殊普賢不可得。善財不可得。毗盧不可得。不可得亦不可得。到者裡莫謂聲聞二乘不見不聞。佛眼觀亦無分。問：未生事如何？師云：劫風吹不起。曰：已生後如何？師云：逆水泛輕舸。曰：前後際斷又如何？師云：提起三十棒。曰：卽今在甚麼處？師便打。問：空劫前是誰承當？師曰：王大耳曰：相見得麼？師曰：沒頭腦。曰：仲冬嚴寒。伏惟尊重。師打曰：雪火。

恰投機。問四十九年未曾說一字。教從何來。師曰：如蟲禦木，曰如何。演唱。師曰：風和萬籟清。問如何。是雲門。宗師曰：辣。如何。法眼。宗師曰：瞎。如何。是滄仰。宗師曰：恰。如何。是臨濟。宗師曰：煞。如何。是曹洞。宗師曰：密。師晚年罷席祖山，遊鄂城，訪臥雲，退休於齊安之燕雲山雪堂。所著有草堂規制、金剛大義、折疑略釋、栗園典要三字經說、內篇詮釋等書，傳於叢林。忠州福城山慶雲衡山燈炳禪師合江馮氏子，落髮於寶峰洞，然禪師偶得四家評唱，至無義味處，輒自喜之。適萬和尚宗風大振，時師方年少，即隨業。師禮聚雲，未幾即許入堂。經三七日，無門可入，乃對露柱曰：吾此身若不與露柱同體者，誓不肯休。從暮至旦，果獲如一。一日偶舉曰：佛殿入燈籠，牛皮靴露柱無二無二分，無別無斷。故未六十日，忽然前後際斷。走見雲雲曰：子雖入矣。三句四喝。四賓主又當何如。師又茫然。時慶忠老人爲目座。一日隨忠山行，次見磊石三座。忠曰：此不是三句前行。又見四人。忠曰：此不是四賓主。師當下釋然。即拜之曰：元來得恁麼。近後

二年先聚雲滅度。慶忠廬墓師晨夕侍焉。不踰年，忠受平山請，師充第一座。時方在焉。鄴陵以蜀東第一名勝，四方龍象一時會集者千有五百人。師雖於稠人中更勤接納。是時石樓昱眉山甫汾陽覺喬松億咸受煅煉焉。除夕，忠問師：汝還脚忙手亂麼。師曰：大盡三十日，忠曰：意旨如何。師曰：小盡二十九。出住吉祥上堂：六三六四六五吉祥。大震法鼓，黃梅三擊。祖意旛華，羅列飛舞。今乃諸護法建普利道場，特請山。陞座。舉揚般若。若論般若，若無說無聞，向何處開口。只聽得一尊宿在山僧拄杖頭上道：大乘井索小乘錢，索有漏，簾籬無漏。木杓德山臨濟，無故入門，便棒喝。差甚麼。使者雲：行功曹傳奏大地草木咸放光。明天龍鬼神歡喜，信受卓拄杖曰：知麼。野人恒面壁。三星拱吉祥。午日示衆：石鞦韆破虛空，冤屈崑崙。叫苦痛殺海上王郎，到處敲鑼動鼓。喝一喝，家家蒲劍倚天寒。報道今朝是端午。僧問曹洞宗旨，師指黑白二犬曰：者不是。曰：那箇是正位。師曰：鷄向五更啼。問如何。是未生前事。師曰：我不曾與汝同參。如

何是已生後事。師曰：我曾與汝同參，日和尙怎麼得大自在。師曰：我怎麼得大自在。問：一心不異萬法，一如如何是萬法之源。師曰：飯盃子。僧看夾山參船子語。師曰：者漢若不是道，吾幾乎半途而廢。曰：那裡是他底。半途師指夾山語曰：如何是法身。師曰：木魚兩箇口，如何是法眼。師曰：香爐三隻脚。問：念佛底是誰。師曰：鷄鳴犬吠。問：和尙將甚麼爲人。師曰：虛空頭戴角。曰：若遇盲聾瘡癰三種人來，如何。師曰：玉兔嚼寒水。僧禮拜。師撫禪牀曰：茫茫宇宙人無數，幾箇男兒是丈夫。康熙丁未，師遊江浙，至雙徑掃大慧祖塔。二載乃歸，退住忠之慶雲。庚申六月十八日，示微疾，說偈而逝。世壽七十，僧臘五十三。門人性丑，分靈骨一半附葬于高峰祖塔之左，餘皆塔於本寺之西岡。

忠州高峰開禧三山燈來禪師，蜀墊江曾氏子。自幼業儒，少列黌序，長食饌堂，數次棘闈，咸推名匠。居恒喜讀佛書，及先德語錄，遇無意味話，輒欣好不已。樂與緇輩往來，有僧傳聚雲古音王傳，並平山錄巴掌

和尙錄讀之心，醉嘗自矢曰：吾異日必爲聚雲兒孫。越數年，從本邑弔巖山南浙二師祝髮，避兵江南止東明寺。聞慶忠住石峰，師奉書於忠，忠復書有似忍賢座，不過之語。師讀之，嘆曰：者老漢婆心太切，遂入山參禮。半月被南師強之入夜，郎會伯兄憲副公宦旋接之返蜀。每謂師曰：修行固善，但出處大事未可。草草師笑而不答。戊子再謁慶忠於青山，時笑亭維那夢人持黃緞一端供忠，忠命亭大書以此成正覺五字。晨輿白忠，忠曰：是必有繼佛真乘者來。次日師果至，忠一見便曰：汝莫是曾不波耶。師曰：和尙莫眼花。華忠晒之。眉山首座解禪相贈三日後，命參堂忠示以沒得話頭語，又戒不許看一文字。時巴掌和尙亦在山中，得以朝暮請益。青山巖冷枯淡，坡事繁重，師不以爲難，苦參兩月了無入處。一夕啓掌和尙曰：某近日坐不得行不得，睡不得，飲食不得，昏悶幾於欲絕。此事倘若無緣，直可罷休。掌曰：汝果到此耶。不久有消息了快參師，佩其語功倍於前。自戊子冬廿六日至己丑三月廿六夜，適笑亭維那閱大慧錄至巖

陽問趙州一物不將來。州答放下著。師伸首見之。不覺肢節俱解。乃撫案大笑曰。悔。悔。亭曰。汝見箇甚麼。便乃爾。師驚與一掌。亭盡力一推。師卽趨。方丈忠曰。作麼。生師撫掌一下。忠曰。落在甚麼處。師拂袖便出。一日侍忠與掌山行。次見浮雲飛度。師問曰。落在甚麼處。忠向空一指。云。看。掌打師一掌。師方貼然。己丑十月。掌應施州鳳衛侯。請師請充記室。及到施州。掌將盃袋付耳菴。先期化去。留偈示師。師方通嗣法。書於忠。忠諭曰。巴掌既卸擔。於汝好好擔著。近載始出。山省忠於靈峰入室。次忠曰。末後句。響。師擬對忠曰。不是。遲二期。再進。忠曰。不是。不是。忠知其未穩。示以本色。鉗錘。師忘寢食者三晝夜。一宵開靜後。忽然穎脫。次早入室。忠不與語。周旋竟期。亦不與語。至夜忠登榻。師作禮出。脚纔跨門。忠遽問曰。末後句。作麼。生。師方進語。翌日。忠上堂曰。也大奇。也大奇。末後句。妙難思。汝諸人知麼。那門外漢。不是。山僧悄地引則機緣。又爭得進門聽。吾偈全身放下。隱山隈。頭角纔成。喜兩開。展轉由吾相分。付雷轟電掣。出潛來。卽命

首衆順治甲午歲。出住忠州崇聖。次遷梁山之興龍。五雲縉祿。連驟向化。侯譚公以夔州之曇華迎師。道望彌著。復創忠州之高峰。戊申入浙。領嘉禾之天寧。上堂。喝一喝曰。雷以動之。嘯一聲曰。風以散之。卓拄杖曰。雨以潤之。畫○相曰。日以暄之。此是衲僧機關。因甚。註以義經。妙義祇緣華野。鄧居士具贊化才。猷於茲。飯衆祈嗣。越例與諸人露箇消息。還見麼。先天弗違。後天奉若。彩鳳五色毛。祥麟一隻角。上堂。松直棘曲。鳬短鶴長。眉先鬚後。舌柔齒剛。點頭三下。自肯承當。承當箇甚麼。續麻滿筐。上堂。三山不會佛法。逢著虛空一擲。拄杖眉長丈三。拂子眼橫尺八。四四三三七七八八。上堂。江水湯湯。河流蕩蕩。風敲翠竹。日照堤楊。觸境觀不足。明明無回互。卓拄杖曰。莫將黃葉當金錢。貓兒原解捉老鼠。上堂。此事如鬧市裡。颺石頭著。首者便知。山僧今日。颺下石頭了。也還有著首者麼。上堂。上太人丘乙巳。圓是規方。是矩。看將來。無彼此。麥裡麵。兮穀裡米。止止佳作。仁也可知禮。上堂之乎也者。難措一辭。良久默然。

和盤托出。委悉麼。家有犢牛兒。價直十二兩。上堂。一不成。單二不雙。六門緊閉。沒收藏。有時鬧市街頭。過三歲孩兒。喚作娘頭。短小尾粗長。既無背面。又絕肝腸。若人識得。打他無妨。罵他無妨。慶忠老和尚。圓寂。上堂。喝一喝。云。此是先師三十年來把釣持竿。一句喝一喝。云。此是先師六十六後收綸轉棹。一句且承先啓後一句。又作麼生。良久。云。活水曲如帶。翠山列似屏。時時聚雲雨。在在雙徑雲。法雲密布。法雨淋漓。呿。呿。呿。丘乙己。上大人。蓮社永開。佐治平復。喝一喝。小參。長三短五。七縱八橫。頭正尾正。眼全足。全會得分。文不直。不會疑。則別參。蒼天山僧生在。萬曆四十二年。小參者。一句。西天四七。東土二三。都來沒起口處。山僧爲汝道破。逢人切忌錯舉。小參雲。行雨施品。物流形。太和元氣。草木皆春。今朝是二月一了。看那金風到處。勾者萌甲者拆。萬物欣欣。盡向榮。面目本來不借。借不借。爲君決生前鼻孔。何曾別。非青非黃。非赤非白。名之不能狀之。不得無物可倫。無形可埒。因地一聲。怎麼來。踏破東南與西。

北不問天寬。何嫌地窄。十方世界。露全身到處釋迦。與彌勒。舉拄杖曰。還見麼。擲下曰。翻身踢倒五須彌。大地虛空如潑墨。珍重。示衆口不解說。蜈蚣無脚。耳不解聞。木馬懸鈴。眼不解見。瞎驢磨麵者。箇只尋常。秦時被鑊鑕。○看雨打梨華。風吹柳線。①②示衆。石龍驗人有三句。第一要迸開頂門。第二要扭轉鼻孔。第三要脫體逍遙。須是不動唇皮。分明道答。還有同生同死底麼。僧問。如何是清淨法身。師云。泥猪。獺狗。問。路逢達道人。不將語嘿對。未審將甚麼對。師云。今日見兩人。昇野豬。問。如何是三世諸佛。師云。馬牛羊。問。如何是超生死。不相干。句。師云。山菌子。問。如何是生前面目。師云。描不成。畫不就。商州牧沈赤肩居士。初任新寧參師。師痛加錐劑。士低首良久。師云。曾見夾山參。船子機。緣麼。士云。見師云。試舉看。士舉至夾山辭行。頻頻回顧。處師。驚豎掌云。將謂別有耶。士當下釋然。後見猫捕鷄。鷄飛入草中。師取磚一塊。置地云。是甚麼。士作鷄鳴聲。師云。者話猶未圓。在士將磚一脚踢去。師乃印可。曹秋嶽

沈赤肩同師坐次。話及布帛和尚機緣。師向獄案云。乞我一文錢。獄云者一文。急忙拈不出。在赤肩云。請向弟子乞看。師云。你做窮官底人。向你乞箇甚麼。晚居天寧。二載緇素。景從晨夕。參請師與唱酬。無倦一時。達者稱爲大慧。再來康熙己酉。編梓聚雲三世語錄。附楞嚴大藏。卽返蜀。爲慶忠建塔於高峰。乙丑歲七月十五日。集衆謂曰。汝等當計聞同門。十八日午時。吾行矣。至期。命門人舁龕至丈室。親書得大自在。額懸於龕首。端坐龕中。手書遺偈云。行年七十有二。開堂四十有三。生死瞥然。無與去來。有甚相干。老僧直實而道。一任諸人疑者。疑信者信。參者參。雖然如是。也不得放過。咦。擲筆泊然而逝。闔維齒牙不壞。舍利盈坎。附葬於慶忠塔右。與衡山塔并遵治命也。有六會語錄。宗旨纂要。松林閑評三十卷。行世。梁山太平三空燈杲禪師。蓬州鄭氏子。初爲郡吏。一旦投華銀山南宗律師披剃。卽下山參聚雲。時慶忠爲首座。師嘗扣之忠。出世平都吟。翁東明青山師皆總院事。當時名宿如破山明眉山甫咸下之。蓋其機

辯穎逸。出入宋元。自印心於忠。後出住棲賢。一日燒畚次丈雪。禪師過訪。師曰。水鎖雙溪。峰高萬仞。向甚處去。雪曰。行路倦了。上棲賢歇歇去。師曰。看狗子。及至雪曰。請和尚奉禮。師曰。適纔相見了也。傍僧曰。莫眼花。師喝曰。非汝境界。雪曰。果然名不虛傳。師曰。喫茶去。一日師遊忠路。與敏樹禪師談及時事。樹曰。萬事俱要造化。好師把住曰。梅花不在樹枝上。白雪豈從天降來。且道還是造化。不是造化。樹曰。普天匝地。師曰。須向者裡。評論始得。四方屢請陞座。說法師叱曰。我三空非布販子。禪待五百人。方說小參。衆不盈千者。誓不上堂。後迎忠於太平。忠一日謂曰。諸方號汝爲牙爪。平時有甚機緣。麼。師曰。古今語錄。塞海堆山。放過某甲一人。罷師生平戮力叢林。分寸不蓄。與衆甘苦一事。稍拂抽杖便行。康熙癸卯。尋匡山至隆興。方伯余公迎居署內。晨夕問道。未及一載。偶一字相違。宵夜遁去。公命人急追之。已渡江矣。丙午三月二日。行化廬州。病新起。語衆曰。八苦交煎。四大分散。如是而已。待僧曰。和尚到此何如。師曰。老僧豈在古

人之下。今將行矣。吾平生不離大海衆。滅後以骸骨付諸水濱。言畢而逝。

梁山高峰。喬松燈億禪師。鄰水馮氏子。兒時每嘆曰。儼和尙去。父兄俱以和尙呼之。時有方士過門。謂父曰。此子命相不凡。非池中物。十七歲披剃於本邑慧空菴。未久遇業師復初。初自兩都回。言南方禪席師拜會。下同住邑之延福寺。寺嘗開經論師。雖聽習大意明了。而已躬下事未得。穎脫時時在。念後於五龍菴遇一禪客。以青州公案。雲門屎橛等語。每每相問未決。造華銀山謁南宗宗南堂丈中。見聚雲老人像。又得一貫別傳五冊。從頭細看。覺有所得。遂約同志數人。放舟東下。至平山。聞聚雲化去。遂參慶忠。時廬墓次年。忠應平都請。師願入侍寮。一日入室。次師纔入。忠曰。我不曾教汝。師珍重。便出。脚纔跨門。豁然領旨。自此傾誠座下。一十五載。初住白巖上堂。以拄杖橫肩曰。會麼。具眼者出來。山僧有箇驗處。僧問。如何是萬物咸新句。師便打。如何是舜德堯仁句。師亦打。乃曰。山花似錦。澗水如藍。乾坤浩蕩。日月高懸。擲

◆喚字羅刹

拄杖下座。上堂。連喝四喝曰。喚作金剛王寶劍。得麼。喚作踞地獅子。得麼。喚作探竿影草。得麼。喚作一喝。不作一喝。用得麼。咄。臨濟老漢。口門太窄。示衆。韶陽餅。諗老茶。猶是止饑接渴。臨濟喝。德山棒。且非正令。全提僧問。如何是正令。全提師曰。拈案子。山來曰。學人不會。師曰。還安舊處著。示衆。撒手那邊。回頭者。畔聞鐘登殿。擊鼓陞堂。是即是。且屙屎放尿。畢竟在甚麼處。請下一語。謾道沒閒工夫。好會麼。以拂子作。相云。參。師將往永興寶善居士問。和尚向甚麼處去。師曰。岸南永興曰。那邊事作麼。生。師劈面一掌。士亦作掌勢。師曰。我打你也。打士拱手。師便行。王太守問。僧月到樹留影。風停水不波。是何意旨。僧舉似師。師曰。會麼。曰。不會。師曰。石山子上虎耳草。一居士問。玉筍牙筍。是同是別。師曰。放下著。士放下。師曰。是同是別。士罔措。

續燈正統卷之十七

續燈正統卷十八

南海普陀嗣祖沙門西蜀 性統 編集

臨濟宗

大鑑下第三十一世

治平鐵壁慧機禪師法嗣

汾陽覺天燈啓禪師山西汾陽李氏子世錦衣脫白至蜀謁慶忠於平山依止十年忽爾開悟作偈曰跋涉勞心十載餘誰知家國盡丘墟而今喜得真消息平空白地結茆廬忠印之 出住楚華嚴寺皖國劉公請上堂師陞座公纔禮拜起師便下座 示衆一句通時句句通諸人因甚不玲瓏閑談雜話偏然好問到生前兩目盲黑夜雨白晝風紅日西去又復東箇中何事頻相詢老虎元來是大蟲 午日示衆上苑紅榴似火枝頭黃鳥如花中天節至隱蛙蝦打起鶯兒莫話一任龍舟競渡管他鼉鼓聲嘩我儂瀟灑樂煙霞坐臥經行無價 師嘗作十二時歌傳於叢林略曰鷄鳴丑三箇老婆黑夜走忽然驚得木馬嘶抖擻又聽金牛吼一無舌一無口虚空撲地翻筋斗

但只恁麼非恁麼管他知有不知有平旦寅只聞鷄狗吠天明無人北去傳渠信有客南來問我津鼻頭痛喜還嗔野鴨去也不須尋玄提玄唱從茲定全放全收契獨尊日出卯那管他人醜與好臨流放曠沒高卑策杖逍遙隨拙巧也無憂也無惱從來一老一不老若人問我西來宗饑時喫飯寒加襖食時辰不求安飽不求榮萬緣放下無些子大地山河一口吞平息了莫厭貧綠水青山入眼塵十箇指頭兩隻手看來不是等閒人禺中已摸著鼻頭無一事不向如來行處行男兒自有冲天志末法時勿造次閒居不妨頻遊戲大鵬入海老龍驚默默無端鼓雙翅日南午三更打罷月華吐匝地紅輪出海南驚惺曹山主中主甜瓜甜苦瓜苦不學道吾執笏舞釣魚船上謝三郎原是玄沙者老虎日跌未曹山之酒原不醉喫得三杯兩盞通打破愁城伸脚睡出乎類拔乎萃道人不賤亦不貴贏得春光度寸陰從來諸聖原無位晡時申絕煙野老來負薪到家不問廬陵米鍋裡無茶口內嗔明白了衣下珍眼中瞳子面前人鬧市臨

流稱大隱竿頭慣釣赤稍鱗。日入西下坡路兒君知否。明朝日出事如何。依舊三三還是九。象王行獅子吼。狐狼野干無處走。今日當陽漏逗開。舌頭原來不出口。黃昏戌獨坐。茆菴勝石室。靜觀跛足須彌山。好笑長房千里術。忘却年不記日。只知屎橛千聖出。懶下禪牀。被人嗔文殊也曾遭貶叱。人定亥柴門雖設無內外。呼童討火月爲燈。照徹單前無被蓋。喜還悲否。還秦竹樹相敲生萬籟。曹溪之路少人行。若是知音還不會。半夜子悟觀明星樹宗旨。惱恨雲門棒下來。至今敗闕成何濟。山是山水是水。遇直逢曲無彼此。三更六代法衣傳。五葉一華誰敢擬。

忠州玉山竹菴般若燈譜禪師。郡之羅氏子。少列贊序。適慶忠闡化玉山。師參扣有年。未幾室氏亡。故循亦薙髮。一日忠於崇聖上堂。師出問。九重鐵鼓如何。一箭便穿。忠曰。鼓響。師作呈勢。忠曰。穿也。穿也。師便禮拜。遂結菴於玉山之南。數年復開九峰焉。

忠州牛首雲巖野雲燈映禪師。鄧陵冉氏子。參慶忠於平山。一日忠與僧論議。忠曰。如汝是善打底人。設

有三人與汝藝同。齊把住門。你如何出去。時僧下四十九轉語。皆不契。適師從外歸。忠舉似師。師喚曰。外邊行者何人。忠視師。師曰。出也。忠頷之。忠閱頌古。次師曰。和尚也被他瞞。忠曰。汝又作麼。生師便喝。忠曰。來者裡。呌喚師曰。者裡不呌。向何處。呌。忠曰。汝當時跳巖跳坎。只爲父兄難汝。而今也去尋箇事。幹師作禮。忠付以偈曰。退後棲身地步寬。殷勤好去到牛山。客來切忌忘優待。翠竹青松一任看。

潭州萬峰汝翁重真。至善禪師。蜀渝州江津江氏子。少師文定公淵之後也。生時母夢天鼓狀如日輪。響入丹墀。祖父夢僧携蒲團至庭。翌午而師生。八歲父守夔州。師隨父詣任。授以鄒魯章句。輒能記之。未久聞慶忠道。播南濱。師隨父詣寺。先是忠夢大江一舟。二人鼾寢於內。忠登舟。舟卽化龍。越山而過。黎明忠語首座曰。今日看有何人來。未午而師隨父至。忠異之。父果以師落髮作沙彌。三年從上座喬公諸經論。律悉能背誦。十三歲善頌。偈遇事指物應口。而成十五歲。閱大慧祖錄。至竹筴子話起疑。甲午參三山和

尙於崇聖看萬法歸一一歸何處與竹篋子話自春及夏如醉如醒及忠轉江南師得朝夕參請於中秋夕與二僧擎茶偶壺蓋墜地忽爾前後際斷走見忠忠詰至婆子燒菴話師應聲稍遲忠曰未也子雖有得此處尙不能去不見道末後一句始到牢關把斷要津不通凡聖向老僧未開口前領得錯過了也經二年一日閱聚雲錄至舉長沙問惠安公案雲曰若是寶峰則不然有問百尺竿頭如何進步向他道此去忠南二百里如云不會但道水路一半陸路一半師當下豁然從前所得一時淨盡走質於忠忠舉數諸譌師皆達旨遂印之命掌記室康熙初命師南下初住龍會遷長龍主萬峰上堂拈拄杖云辨龍蛇眼擒虎兇機固是衲僧日用尋常事新長龍號令初行條章約法不同小小所有僧堂裡風穴厨堂裡雪峰客堂裡重顯磨房裡法演侍寮裡洪準淨房裡佛日一齊歸向拄杖頭上任渠寬行大步隨緣自在也未得十分安穩且道奇特在甚麼處靠拄杖曰有意氣時添意氣不風流處也風流上堂譬如鴈過長

空影沉寒水天衣老人似抱脏叫屈看來看來真個真個何以故一二三四五屈指河沙數雪竇聞之倒退三千里緩緩只道得箇拈却一去却七上下四維無等匹臘八上堂縱橫截毗盧之印斷送渾家別脫開少室之門風情越量若也於斯提去何勞扣戶椎門更若殢齒粘牙未免重樓次第先佛儀式權且聽著迎慶忠老人舍利還山上堂拈拄杖東觀西觀曰長龍不濟到處覓先師靈骨乃舉舍利曰者箇若是孤負先師者箇不是孤負長龍是與不是一筆勾下汝諸人還見師翁麼復云今辰比丘如法爲先老和尚修設清供山僧特爲舉揚須知此供不從天得不從地得不從人得畢竟從甚處得良久曰釋迦既然皆拱手何愁彌勒不揚眉解制上堂破落門戶件件缺短蓋古之常兄弟東去西去總爲雲堂少剩不消老汾一陌紙兩塊肉斷送情魂慶快平生還知麼舊閣閒田消息在蒼池夜靜月華來示衆露一縷於千聖頂額之上塵塵爾利爾擲一塵於萬億利海之中恢恢焉恍恍焉遠發千鈞弩倒弄金

剛王也。須退後三步。稍僧門下事。非小小拈竹筴曰。者箇不屬塵。不屬縷。猛火燒虛空。須彌藏北斗。便恁麼去。猶落今時窠臼。未免喪我兒孫。須是從前所得。無量解脫。一時蕩盡。灑灑地作箇無依無倚道人。火不曾燒著。口風不曾吹倒樹。無邊無中。無前無後。泥蛇飛入畫屏間。野狐變作獅子吼。卓一卓。示衆。高亭直超而去。孤負德山趙州洗盃盂了。瞞他作者。直須揭却頂蓋。剝絕根株。一一妙明。一天眞風。清皇路月映江樓。猶是無風匝匝之波。務要掀天作用。整葦纈。網挽他。渾沱未墜之緒。今日不免爲諸人約法三章。第一不得權實。並用第二不得賓主。齊來第三不得照用。雙舉。須向古德未局已前。驀行一步。庶得祖風不墜。千古生光。還有具如是操略也。無有則出來爲古人雪屈。時聞版聲。鳴師拍案下座。示衆龍以角聽蟻。以身聽人以耳聽。普賢大士以心聽。拈拄杖曰。此以誰爲聽。昨夜北風起。寥聞打牕聲。師侍慶忠於五雲。一日忠入侍寮。曰。善侍者莫在此閒坐。師曰。爭敢忠曰。莫瞌睡麼。師作臥勢。忠便打師便喝。

忠曰。元來此處有人。師便禮拜。至晚忠復謂師曰。國師三喚侍者。侍者三應。甚麼處是侍者。孤負處。師進曰。始終作家。忠曰。還有與古人雪屈底麼。師曰。有誰是雪屈者。師掩耳出。謁破山和尚於金城山。曰。近離甚處。師曰。高峰山。曰。高峰近日如何。師垂下一足。山曰。上座。師曰。不識。山曳杖歸。方丈師拂袖便出。僧自瀉山來。師曰。瀉山近日何如。曰。儘利害。師曰。利害在甚麼處。曰。只爲婆心太切。師曰。還知此間麼。曰。請師垂示。師便打曰。更利害。師曰。汝若恁麼會。連我也是瞎漢。隨後又打。問僧。瀉山和尚爲甚鼻孔缺了半邊。僧指師鼻曰。恰似師曰。汝若喚者箇作是入地獄如箭。曰。畢竟作麼。生師曰。洞庭無蓋。因僧舉臨濟兩堂首座齊下喝等語。話猶未了。師便喝。僧擬議。師拈拄杖推出。復喝一喝。忠州治平竺峰幻敏禪師。鄧陵徐氏子。生而英俊。敏慧過人。十歲薙髮於母兄佛喜野雲二師。與萬峰善禪師同作沙彌事。慶忠當時慶忠會下。以善敏二沙彌頗有機辯聲。振一時。師雖年少。沉默寡言。識者知

其必成大器。先是人傳善公善。偈忠入堂。值善圍火。次令偈善曰。赤光閃灼。紫焰盤旋。既能點雪。又燦金蓮。忠打一掌。歸方丈。復指燈命師作偈。師曰。光如閃電。虛空可徹。未來作燈。是銅是鐵。時三目和尚見之。徵曰。是銅是鐵。師曰。火裡波浪起。忠吳之問。汝名甚麼。師曰。幻敏。忠曰。幻敏已前。師曰。海底青天。外忠曰。幻敏已後。師曰。佛法永無窮。忠曰。甚麼處見。師曰。靈峰山下。在安期。目曰。期解後如何。師曰。虛空大地。目曰。落在甚麼處。師頓足曰。有足頓。無足頓。箇甚麼。師曰。和尚也莫太認真。忠大笑。目復問。善善曰。火裡煉真金。忠曰。大眾何不。看二沙彌。答話。師閱經。次忠曰。眼中常見如是經典。只者是爲復別有。師曰。和尚直須。怎麼會。忠曰。離却紙墨。道將來。師曰。東邊風也。不多。忠曰。者小師。師自五雲歸。忠曰。聞汝慣打人。師曰。和尚仔細。忠曰。汝走路穿甚麼。師曰。草鞋。忠曰。獐牙生也。未師翹足。忠曰。那箇。善師曰。問者話作麼。忠曰。三空說汝。掌他。要將汝來處。治師曰。早與他說過了也。忠曰。作麼。生說。師曰。盜一賠九。忠曰。吾助汝。速

來善曰。童真汝宜。童行師事。忠二十一年。忠滅度。衆請治平。繼席。上堂。山僧自入者。箇社火場頭。惟具一行鐵脊骨。一箇不變心。至於禪道佛法。毫無些子。留滯胸中。填塞肚裏。今日被衆和尚。以老人轉棒之故。無端舉向人天衆前。睜眼看者。張耳聽者。畢竟道箇甚麼。以爲承先啓後。良久曰。枝頭柳映千春茂。樹裏華飄萬古香。入塔歸上堂。一番景過一番新。梅綻金舒巧樣呈。惟有者些。渾四序都盧。無變亦無更。作麼生。是無變。無更底道理。莫是寶塔重新。總持不動。喚作無變。無更得麼。錯。莫是舍利流輝。眼存青白。喚作無變。無更得麼。錯。莫是新長老。搖唇鼓舌。重打葛藤。四衆等法。誼如故。道念恒存。喚作無變。無更得麼。錯。若會得者。三錯堪報。老人莫報之恩。可了老人未了之業。其或未然。再揚家醜。鸞豎拳云。四四三三七七八八。佛成道日。結制說戒。上堂。問聖明。統御萬國咸寧。道合君臣。河清海晏。正恁麼時。和尚又作麼。生師曰。慣弄靈蛇勢。赫赫萬層日。祇如本郡文武官宰紳衿。四衆等迎請和尚。開場選佛。且道以何利

益檀度師曰。活捉生馬。威昂千里。曰。恁麼則壽如山。福如海。瓜瓞連綿。簪纓藹藹。去也。師曰。諦當更諦。當問聚雲。心印臨濟。綱宗如何。是臨濟第一句。師曰。前三三後三三。如何。第二句。師曰。七不成。八不就。如何。第三句。師曰。茶斟三箇。棗曰。恁麼不獨。禪僧咸有。慶文經武。緯盡恩榮。師曰。且喜小出大遇。問至道真乘。本無言說。應機接物。須賴激揚。至道真乘。即不問應機接物事。如何。師曰。曹溪有路人。皆到曰。即今隴畔寒梅新發。秀山頭瑞雪鬪芳妍。未審是神通妙用法爾。然。師曰。信是誰人得。得來曰。恁麼從此治平揚法。化千邦。萬國荷真風。師曰。今日恰遇同參。乃拈拄杖卓一卓云。恁麼恁麼。幾度頻臨江上望。黃梅花向雪中開。不恁麼不恁麼。嫩柳搖金線。且要應時來試看。釋迦老子明星一點。奇哉三漢。譬說喻說。論教論宗。以至調跛驢。醫瞎馬。不過應箇時節。又看歷代宗師。說甚麼。謹嚴高古。細密簡明。親切轉身異類。末後拈塵柄。說脫空。不過應箇時節。祇如現前文武。紳衿護法。四衆請山僧開爐選佛。結百二十期。致令他

人割地爲限。又令披五條七條二十五條一歸依二歸依三歸依。路從平地險。人向靜中忙。道是應時節。不應時節。良久復卓拄杖云。本是瀟湘江上客。自西自東自南北。復舉波斯匿王問世尊。勝義諦中。還有世俗諦否。若言其有。智不應一。若言其無。智不應二。一二之義。其義若何。佛言。大王。汝於過去龍光佛時。曾問此義。我今無說。汝今無聞。無說無聞。是名一義。二義。看他波斯匿王。意欲連科。及第世尊。即將名覆金甌。今日衆中。若有問第一義諦。山僧但拍掌呵呵。何故。自從舞得三臺後。拍拍原來總是歌。忠州桐山普門燈顯禪師。涪陵夏氏子。少從應院初參。萬松有年。適松化去。慶忠應白巖之請。師謁焉。一日同衆侍立。次忠舉默然良久。話驗衆。師曰。大似屋裡販揚州。忠曰。莫道無事好。師曰。和尚也是無端。忠便打師。便喝。忠曰。異時不得孤負老僧。師作禮而退。復侍慶忠於五雲。一日病起。呈偈曰。改頭換面。幾生來。此日無端眼豁開。分付目前皮袋子。何妨馬腹與驢胎。忠曰。那箇是你開底眼。師豎起拳頭。忠曰。放下。

著師纔放下忠曰又在甚麼處師曰明日金城寺裡有齋忠曰放汝三十棒師珍重便出忠主席南城命師作監寺一日入方丈忠豎起拂子師便喝忠曰因甚卽喝師曰無奈院事甚繁忠遂印之 出住桐山上堂拈拄杖曰洪波浩渺白浪滔天珊瑚林裡擁金毛無漏國中懸明月觀面承當得來錯過了也還知麼歲曆已頒新日月無勞更唱太平歌卓拄杖一下下座

夔州天元體如燈慧禪師郡之李氏子參慶忠於太平一日聞忠舉香嚴擊竹話師於言下有悟乃吟地曰原來只是恁麼顙頂多少英傑忠曰道甚麼師豎起拳頭忠曰是甚麼師於忠面前墜地三下拂袖便出 住後上堂若論此事明明現成豈在陸堂拋沙撒土爲垂示耶但願諸人真實履踐自有入手時節卽今還有真實履踐者麼出來與山僧相見僧問濟北宗旨諸家各答不同和尚作麼生師曰不打者鼓笛進曰旣爲宗師何得如此師便打僧問如何是第一句師曰虛空眉拖地如何是第二句師曰海底角

接天如何是第三句師曰崑崙騎象走如何是金剛王寶劍師曰那吒帶血腥如何是踞地獅子師曰狐踪絕跡如何是採竿影草師曰莫作兩樣看如何是一喝不作一喝用師曰金剛與泥人擦背如何是賓中主師曰烏鷄石上飛如何是主中賓師曰風吹松韻清如何是主中主師曰空谷石點頭又僧問臨濟賓主與洞山宗旨同別師曰一隊胡孫夜簸錢如何是正中偏師曰青山臥白雲如何是偏中正師曰雪嶺烏龜走如何是正中來師曰月移水底天如何是兼中至師曰寒梅夜發鴛鴦樹如何是兼中到師曰百昌已播舊時春如何是君師曰皇極開天運如何是臣師曰將相貴忠貞如何是君向臣師曰塞外不迎君如何是臣奉君師曰赤心惟報國如何是君臣道合師曰明良喜啓會聚風雲如何是誕生王子師曰九龍方吐水尊貴自天然如何是朝生王子師曰聖紫禁嵩呼徧端然致太平如何是末生王子師曰聖種賢才各不同如何是化生王子師曰腐草若無心螢光何處是如何是內生王子師曰不見妖梅放還

疑上苑香僧再進師。喝曰：「飯袋子好似些水老鴉捕魚。圖吞圖吐，何曾得些受用來？」夫五家宗旨，非是教人冊子上記來，徒銜虛名，須知言句乃救病之良方。貴親證親悟，師家答處，乃應病授藥，所謂醫不執方，合宜而用。豈是局定死蛇頭，令人墮坑落壑？豎拄杖云：「三句四喝，賓主偏正五位，君臣五位，王子都。」在山僧者，裡汝還一口吞得下麼？韓獪休逐塊，獅子慣咬人。卓一卓下座。

巫陽慈祥燈遠禪師，本邑人。上堂舉南嶽因僧問：「如鏡鑄像，像成後光向甚麼處去？」嶽曰：「如大德爲童子時相貌，何在？」僧曰：「祇如像成後爲甚麼不鑑照？」嶽曰：「雖然不鑑照，瞞他一點不得。」頌曰：「新月如鉤，一線懸白雲淡處，露中天相看，疑謂寒光薄箇裡，誰知一鏡圓。」

天峰燈南禪師，忠州雷氏子。示衆舉南嶽因馬祖闡化江西，遣僧往探之。乃命曰：「待伊上堂時，但問作麼生伊道的語記。」將來僧至馬祖，一如教問，作麼生。祖曰：「自從胡亂後三十年，不少鹽醬僧回舉，似嶽嶽然。」

之頌曰：「知子莫若父，當仁不讓師。拋戈卸甲後，千里暗投機。」

惺微燈法禪師，上堂舉青原參六祖，首問：「當何所務？」卽得不落階級。祖曰：「汝曾作甚麼來？」原曰：「聖諦亦不爲。」祖曰：「落何階級？」原曰：「聖諦尙不爲，何階級之有？」頌曰：「金殿苔生劫外春，更闌人靜月華明。威音那畔絕消息，豈著今時麟閣勳？」

天寧燈九禪師，讚達磨像曰：「對御談玄一字無，九年冷坐石頭枯。親將皮髓平分後，那箇男兒不丈夫？」慶忠燈向禪師，示衆舉雲蓋僧乞瓦，因緣頌曰：「當初乞瓦向官人，一問曾酬雲蓋僧。公案于今重拈出，不妨偏地布金塢。」

大川燈濟禪師，上堂舉三祖懺罪，因緣頌曰：「風恙纏身已不堪，何緣懺罪究根源。因知罪性本空故，秋水無痕月皎然。」

暉白燈桂禪師，舉風幡話，頌曰：「迷悟關頭洵不同，廊廡暮夜剎幡風。二僧若也知消息，推倒長干使化龍。」四維禪師，舉三祖僧璨大師自二祖授法，深自韜晦。

居無常處。積十餘年。人無知者。四祖道信時。爲沙彌。禮祖問曰。願和尚慈悲。乞與解脫法門。祖曰。誰縛汝。曰。無人縛。祖曰。何更求解脫乎。信于言下大悟。頌曰。無人覩著。歷多年。爲法深藏。氣骨寒。執意沙彌。無忌憚。妄將一語廣流傳。

天長禪師南賓冉氏子。久事慶忠。志修淨業。忠囑以偈云。根苗奇異。迥非同。不屬西兮。不屬東。節候到時。馨自若。佛生一體。有無中。師呈偈云。佛生一體。無彼無此。從苗辨地。識人因語。佳作仁可知禮。

妙德尼燈鑑禪師。舉六祖本來無一物話。頌曰。本來無物惹塵埃。米熟功成獨倩篩。衣盞夜傳三鼓後。一花五葉至今開。

工部熊汝學。月崖居士。豫章豐城人。適懷宗皇帝。毀大內銀銅佛。俄以事感帝。悟命公入蜀。採買銅鉛。時慶忠住平都。法席大震。公扣焉。先是忠夢一人。帳前拜謁。傍僧曰。是和尙弟子來了。詰旦果至。忠示以東山水上行話。不踰年。有悟獻臨濟宗旨頌曰。霹靂晴空風舞礫。山門走入燈籠中。問予臨濟之宗旨。今

日牙疼未與通。忠曰。著著著。又頌曹洞宗旨曰。潛行密用及相續。曹洞家風立又立。舌上有機織出錦。目前無我寫成篇。古人落在今人手。今日熱似昨日天。要會二師真面目。直須抹却五圈圈。聚雲老人諱。日拈香流水。常存今古脈。高山不斷去來雲。青青巖桂華香遠。歲歲秋風雨。露痕。今日是先師翁忌辰。法孫燈紹萬里希。違拈香禮塔。無物供養。生平善笑。聊以爲敬。阿呵呵。且道笑箇甚麼。忠問一穗三子是。何義士曰。三界大師。四生慈父。曰。何不說法。士曰。說法已久。自是和尙不聞。曰。我若聞。非真說法也。旁僧曰。居士說法。竟士指栗蓬。忠謂僧曰。汝無故架禍於人。士呵呵大笑。忠頷之。爲聚雲慶誕。前月忌辰。將甚去。今朝生日。自何來。火燒不死金剛眼。賺煞諸方盡活埋。咦。我若不是兒孫。直教罵得骨出。爲敘州朱提山朝陽池和尚立石記曰。月明老人得法於鐵牛。傳大慧心印。兀坐朝陽。二十餘年。待其人而後行。聚雲吹萬師翁。獨得其宗者。繼往開來。今有我師鐵壁矣。水部尙書熊汝學爲老人三傳法子也。水木之

思勒石垂遠。章皇帝命以御史大夫未就隱終南。總憲吳天谷保泰燈朗居士順天人撫蜀按涪陵見慶忠隨宜錄作書遣使迎忠。忠不往。公親詣山中問道。未久辭忠。忠召公公應諾。忠良久公於言下領悟。回南濱致書於忠曰。得待吾師慶快平生。但世緣相迫。暫作六月之息。居士一呼弟子回首相會時。看說箇甚麼。一日諭寮屬曰。爾等莫謂本院尊大。最尊大者和尙耳。本院見鐵大師後。方知吾孔聖朝聞之道。自今以後。矢志食素。將身許國。以酌太祖三百年養士之恩。爾等各宜熏修。遵崇三寶。語罷。該屬等稽首再拜。泣淚如雨。

按察文菴菴居士早歲登第。夙慕禪學。及官按察。一日聞衙司喝退堂聲。有省拈。偈呈忠曰。踏著秤錘原是鐵。從前錯認定盤星。積卷如山休擬議。且聽當陽喝一聲。

長陽侯胡屏山居士讀五祖像曰。黃梅路接破頭山。遇箇小兒非等閒。佛性答來真奇特。栽松能不憶他年。

副戎王一喝居士久參慶忠。一日忠上堂云。主山高案山低。左青龍右白虎。年年三百六月月二十五。逆數順數。數到牛首山雲巖寺大殿裡。恰似佛幻三月前。轆的鹿皮鼓。公于座下躍然打口鼓。忠呵呵大笑。公拂袖便出。

萬松芝禪師法嗣

忠州萬松雲巖燈古禪師。郡之江氏子。少列饗序。初參萬松於華嚴三載。始薙髮。請益於松。松示偈曰。閃灼電光寒。忻然出寶匣。曠劫無明根。一時都抹殺。次年請充第一座。松滅後。衆請繼席。萬松上堂。門有路。金蛇飛電掣。戶無私鐵馬弄雲騎。脫或未然。拄杖自有分曉打。○相佛身充滿於法界。○普現一切群生前。○隨緣赴感靡不周。靠拄杖曰。而恒處此善提座。衆中有超宗出格者。麼出來爲汝決擇。僧纔出師。便喝僧以具搭肩歸。衆師復喝。乃曰。有問有答。冰壺推石。輟無問無答。雪屋守泥毬。答亦問問亦答。看看轆轤兩頭大。輟出長街童穉歡。當家兒子實瀟灑。上堂豎拂子云。這時節。寒凜冽。獐犬威欄獸。

掣雪人火裡笑嘻嘻。石女低頭拜不歇。拜不歇。啞人嚼水稜。冷熱向誰說。擊拂子云。虛空拔楔太煞。郎當眼裡添沙。全沒交涉。佛誕上堂。周行目顧。指地指天。血口無端。章成話墮。將謂乾土擦壁。那曉泥水通身。惹得後代兒孫。年年燒浴。歲歲舌饒。愈增葛藤。重添垢膩。今日爲伊拔除。不免大家觸忤。卓拄杖云。還識這杓惡水麼。示衆。舉永嘉大師云。從他謗。任他非。把火燒天。徒自疲我。聞恰似飲甘露。銷鎔頓入不思議。永嘉恁麼道。是卽是。未免推過別人。山僧則不然。誰爲謗。誰爲非。把火燒天。也不疲。無耳人聞。傾甘露。昨夜飄梧動地輝。示衆。行脚學人。脚跟點地也。未不然。先要具一付潔淨肚皮。一雙青白眼。睛脊梁硬似鐵。脚板快如風。把自己如糞如泥。猶冤猶敵。然後遊人間世。幻視萬緣。把住作主。有時崖下一食樹。下一宿。遇饑寒處。變逆千態。萬狀不動其心。到此方叫做行得。脚底人畢竟又看這一番。是爲著何事。須要照管脚跟脚底。瞥爾踏破艸鞋。踢翻土塊。始不負行脚一遭。至於檀度信施。國王水艸。在在處處。一任

隨分受用。別有一句路上逢人。莫道山僧不曾與汝說得。示衆。出家無別法。真實要離親割愛。畢竟親如何。離愛如何。割視骨肉。如生冤家。謂之難。把自己如真仇敵。謂之割。於是投在法門。拜箇師長。勿論寒暑。勿論勞逸。勿論變常。勿論順逆。服勞奉事。左右追隨。凡應對灑掃之宜。迎賓待客之緒。無別巨細。都要應酬。縱使幹不來。做不上。莫起厭煩。勿生退墮。更不可一時離師。一日違衆。或有時省親事。長先期告假。刻日就歸。日久月親。廼師觀其志向。察其行履。果是法門種艸。然後教他受戒。學佛步步進道。自茲至壯。至老善始善終。此一生算得過。百生千生。萬德莊嚴。亦復如是。所謂一子出家。九族生天。信矣。宜矣。若漫心法門。爲清淨。向裡許混光陰。圖便宜。不曉佛爲何人。法爲何物。僧爲何務。師長如何承奉。大眾如何酬對。有功有施。有勞有怨。逞血氣弄精魂。譬如烏鴉身在虛空心。在糞艸。行是俗行。說是俗說。混俗和光。靡所不至。師長不能言。善友不敢責。日復一日。愈趨愈下。爲僧至此。久久自陷泥犁。且不得度。欲求一子出

家九族生天得乎古德云絲毫失度便招黑暗之愆。雲頃邪言即犯禁空之醜。我爾大衆安肯虛消信施。自恣放縱者耶。山僧感傷末法不覺吐露至此。一衆須知。爲慶忠老和尚拈香。喝一喝曰。三歲孩兒弄花鼓。又喝一喝曰。牛頭沒馬頭。回復喝一喝曰。不道不道。大衆者裡見得滿眼滿耳盡是老人現前。底受用。縱爾年變月遷亦無增減。今日乃我法伯老人三九之期。畢竟將甚麼作供。以手撫案曰。四三一二五。木馬逐風舞。六七八九十。日大吉。利信受奉行。可知禮。師生平律身以嚴其所說法。絕不許人記錄。見之必火。貌古形疎。政黃牛之類也。

忠州聚雲覺樹燈世禪師。郡之丘氏子。少爲書生。謁萬松於楞伽。得度。命入侍寮。經年始徹源底。自印心後。混跡浯江者十有六年。康熙丙午。慶忠移錫龍昌。以聚雲久虛命師主之。忠涅槃後。師上堂拈香曰。今朝初九道是老人二九。今朝二九却是初九。即今大衆設齋賓也有主也有。且道賓主混融時。作麼生是供養一句。良久曰。舌頭原來不離口。

岫巖燈燎禪師上堂。舉婆子燒菴因緣。頌曰。枯木寒巖異草青。凝眸坐却白雲深。一朝鐵樹花開。徧冰雪紅爐烈燄騰。

寶峰麗禪師法嗣

忠州天寧耳菴燈嵩禪師。鄧陵毛氏子。始謁慶忠於平山。忠命掌記室。次參寶峰於熊耳。隨請第一座。峰滅後。出住靈峰。上堂。百尺竿頭流赤水。蠅螟眼淚哭雙疼。葫蘆好似東瓜樣。畫餅充饑豈是真。喝一喝。上堂。撫掌云。三世諸佛歷代祖師盡在山僧手中。粉碎去也。且作麼生折合。又撫掌一下。上堂。羅漢走出山門。土地却歸正殿。撞倒我佛。頻伽直當王四家大鐵鎖。茶話若喚作茶欺三世佛祖。不喚作茶背趙州公案。舉杯曰。畢竟喚作甚麼。放杯撫掌三下。爲巴掌和尚畢九拈香。九九八十一。古今同此曆。吾師無去來。分明只是。示衆。靈峰北頭南牛欄。沒半邊王三布衫。破打出大泥團。喝一喝云。是甚麼。掉頭峰上看。不見五更天。示衆。舉道吾云。高不在絕頂。富不在福嚴。樂不在天堂。苦不在地獄。相識滿。

天下知心能幾人。徑山杲祖云。徑山即不然。高在絕頂。富在福嚴。樂在天堂。苦在地獄。誰知席帽下。元是舊時人。二老今日高低。落在靈峰手裡。饒他不過。各與三十拄杖。罰出三門去。若有人問汝等。但道低聲低聲。示衆。今朝六月初一。諸佛也須忌諱。直饒伶俐衲僧。最怕當頭一句。那一句。縱使道得分明。恰似東京王矮子屎糞氣。師以五宗示五相。隨申五頌。磊磊落落老神仙。一劈華山億萬年。大鵬一激三千里。傾湫倒嶽不爲顛。南山起雲北山雨。自古長江不繫船。一抑揚擡捺事紛紛。不及當然一句親滿眼。滿耳真消息。隨機隨用絕留停。岸回驚水急。良馬見鞭行。果是毗盧真教主。何須累劫更修因。從來不向外邊行。父子相知有幾人。從體起用須知孺子。攝用歸體必取老成。窄路相逢人不語。多時不遇有知音。此處不從他處會。必須夢裏再還魂。深深宮不見五雲封。夾路桃華滿樹紅。粉牆白虎應須辨。炭裡烏龜事莫窮。仙女却如貧女好。野人番令主人同。不言不語真君子。一腔風月在其中。●知恩識義人間少。

反眼無情世上多。鐵臉閻羅全不懼。嘗將白眼看婆娑。據起便行兮。却爲眞子四野謳歌兮。口似懸河一句任從三貫二。莫教鷄子過新羅。丙申秋偶示疾。以衣盍親炙學侶等。託高峰來和尚。以續嗣焉。未幾跏趺而化。闍維得舍利七粒。塔於天寧之東。提督陳世凱燈靜居士。贊伯湖廣施州衛人。弱齡穎異。因父迎寶峰說法于熊耳。公朝夕參叩。峰開示偈語。輒記憶不忘。一語不愜于懷。則端坐究參。無晝夜。必求惺悟而後已。歷官至提督。公事之餘。恒與緇衲唱酬。當時名宿咸禮下之。公六十誕。普陀遣使以祝公答之。以偈曰。金剛不壞方爲壽。舍利光明始見眞。萬法到頭渾似夢。性原了處是長春。

續燈正統卷之十八

續燈正統卷十九

南海普陀嗣祖沙門西蜀 性統 編集

臨濟宗

大鑑下第十七世

虎丘隆禪師法嗣

寧波府天童應菴曇華禪師。鄞州江氏子。生而奇傑。年十七。於東禪去髮。首依水南。遂染指法味。因遍歷諸老門。牆至雲居禮圓悟。悟一見痛與提策。及入蜀。指見彰教。教移虎丘。師侍行。未半載。頓明大事。去謁此菴分座。連雲開法。妙嚴屢遷。巨刹住歸宗。日大慧在梅陽。有僧傳師垂示語。慧見以偈寄贈曰。坐斷金輪第一峰。千妖百怪盡潛蹤。年來又得真消息。報道楊岐正脈通。其歸重如此。上堂。九年面壁。懷却東土兒孫。隻履西歸。鈍置黃面老子。以拄杖畫一畫曰。石牛欄古路。一馬生三賓。上堂。德章老瞎禿。從來沒滋味。拈得口。失却鼻。三更二點。唱巴歌。無端驚起梵王睡。喝一喝曰。我行荒草裡。汝又入深村。上堂。臨濟在黃檗處。三度喫棒。底意旨。你諸人還覩得透。

也未直饒。一咬便斷也。未是大丈夫漢。三世諸佛口挂壁。上天下老和尚。將甚麼喫飯。上堂。十五日已前。水長船高。十五日已後。泥多佛大。正當十五日。東海鯉魚打一棒。雨似盆傾。直得三千大千世界一切衆生。悉皆歡喜。謂言打者一棒不妨。應時應節。報恩不覺通身踊躍。遂作詩一首。舉似大衆。蜻蜓許是好蜻蜓。飛去飛來不暫停。被我捉來摘却兩邊翼。恰似一枚大鐵釘。上堂。若作一句商量。喫粥飯。阿誰不會。不作一句商量。屎坑裡蟲子笑殺闍黎。拈拄杖曰。拄杖子。罪犯彌天。貶向二鐵圍山。且道薦福還有過也。無卓拄杖曰。遲一刻。上堂。明不見。暗不見。明明暗雙忘。無異流俗阿師。野干鳴師子。吼師子。吼野干。鳴三家村裡臭糊。獼猴價增十倍。驪龍領下明月珠。分文不直。若作衲僧巴鼻。甚處得來。三十年後。換手搥胸。未是苦在。上堂。飯籬邊漆桶裡。相唾饒你潑水。相罵饒你接葉。黃河三千年一度清。蟠桃五百年一次開。花鶴勒那。咬定牙關。朱頂王呵呵大笑。歸宗五十年前。有一則公案。今日舉似諸人。且道是甚麼。

公案王節級失却帖。上堂喫粥喫飯不覺嚼破舌頭。血濺梵天。四天之下。霈然有餘玉皇大帝怒發追東海龍王。向金輪峰頂鞠勸頃刻之間。追汝諸人作證見也。且各請依實供通切忌回。避倘若不實喪汝性命。上堂趙州喫茶我也怕他。若非債主便是冤家。倚牆靠壁成群隊。不知誰解辨龍蛇。上堂五百力士揭石義。萬仞崖頭撒手行。十方世界一團鐵。虛空背上白毛生。直饒拈却炙脂帽子。脫却鶻臭布衫。向報恩門下正好喫棒。何故半夜起來屈膝坐。毛頭星現衲僧前。上堂三世諸佛眼裡無。筋六代祖師皮下無。血明果咬定牙關。踣跳也出他圈。積不得何故南泉斬貓兒。上堂參禪人切忌錯用心。悟明見性是錯用心。成佛成祖是錯用心。看經講教是錯用心。行住坐臥是錯用心。喫粥喫飯是錯用心。屙屎送尿是錯用心。一動一靜一往一來是錯用心。更有一處錯用心。歸宗不敢與諸人說。破何故一字入公門。九牛拽不出。上堂良工未出玉石不分。巧冶無人金沙混。襍縱使無師自悟。向天童門下正好朝打三

●問難同

千暮打八百。驚拈拄杖曰。喚作拄杖。玉石不分。不喚作拄杖。金沙混襍。其問一箇半箇善。別端由管取。平步丹霄。苟或未然。卓拄杖曰。急著眼看。僧問。婆子問巖頭。呈機舞棹。則不問。且道。婆手中兒子甚處得來。巖頭扣船舷三下。意旨如何。師曰。焦磚打著連底凍。曰。當時若問和尚。如何對他。師曰。一棒打殺曰者老和尚。大似買帽相頭。師曰。你向甚處見巖頭。曰。剗師曰。杜撰。禪和曰。婆生七子六箇不遇知音。祇者一箇也不消得。擲向水中。又且如何。師曰。少賣弄。曰。巖頭當時不覺吐舌。意作麼生。師曰。樂則同。歡。問。僧問。雲門。如何是清淨法身。雲門曰。華藥欄。此意如何。師曰。深沙努眼睛。問。祇者是埋沒自己。祇者不是。孤負先聖。去此二途。和泥合水。處請師道。師曰。玉筋撐虎口。曰。一言金石。談來重。萬事鴻毛。脫去輕。師曰。莫謾老僧好。問。人皆畏炎熱。我愛夏日長。薰風自南來。殿閣生微涼。時如何。師曰。倒戈卸甲。虎丘忌日。拈香曰。平生沒興。撞著者無意。智老和尚。做盡伎倆。湊泊不得。從此卸却干戈。隨分著衣喫飯。二十年

來坐曲木懸羊頭賣狗肉。知他有甚憑據。雖然一年一度燒香。曰。千古令人恨轉深。師於室中能鍛鍊耆艾。故世稱大慧與師居處爲二甘露門。嘗誡徒曰。衲僧家著草鞋住院。何啻如蛇蛇戀窟乎。宋孝宗隆興癸未六月十三日。奄然而化。塔全身於本山。

大鑑下第十八世

天童華禪師法嗣

寧波府天童密菴咸傑禪師。福州鄭氏子。母夢廬山老僧入舍而生。幼穎悟。出家不憚遠遊。徧參知識。後謁應菴子明果。應菴孤硬難入。屢遭呵。一日入室。菴問如何。是正法眼師。遽曰。破沙盆菴領之。踰年辭回。省親菴送以偈曰。大徹投機句。當陽廓頂門。相從今四載。徵詰洞無痕。雖未付盆袋。氣宇吞乾坤。却把正法眼。喚作破沙盆。此行將省覲。切忌便躲跟。吾有末後句。待歸要汝遵。後出世衢之烏巨。次遷祥符蔣山華藏。未幾詔住徑山。復遷靈隱。晚居太白。僧問。虛空消殞時如何。師曰。罪不重科。上堂。牛頭橫說豎說。不知有向上關。楸子有般漆桶。輩東西不辨南北不。

分便問如何。是向上關。楸子何異開眼尿牀。華藏有一轉語。不在向上。向下千手大悲摸索不著。雨寒無處曬眼。今日普請布施大衆。良久曰。達磨大師無當門窗。上堂。世尊不說說。拗曲作直。迦葉不聞聞。望空啓告。馬祖卽心卽佛。懸羊頭賣狗肉。趙州勘菴主。實賈賤賣。分文不直。祇如文殊是七佛之師。因甚出女子定。不得河天月。暈魚分子。櫛葉風吹鹿養茸。上堂。卓拄杖曰。迷時祇迷者。箇復卓一下曰。悟時祇悟者。箇直饒迷悟雙忘。糞掃堆頭重添攪搗。莫有向東涌西沒。全機獨脫處。道得一句底麼。若道不得。華藏自道去也。擲拄杖曰。三十年後。上堂。舉金峰示衆曰。老僧二十年前有老婆心。二十年後無老婆心。時有僧問如何。是二十年前有老婆心。峰曰。問凡答凡。問聖答聖曰。如何。是二十年後無老婆心。峰曰。問凡答凡。不答凡。問聖不答聖。師曰。烏巨當時若見。但冷笑兩聲者。老漢忽若瞥地。自然不墮凡聖窠臼。上堂。舉婆子燒菴話。師曰。婆子洞房深穩。水洩不通。徧向枯木上糝華。寒灰中發焰。箇僧孤身。迥迥慣入洪。

濤等閒坐斷潑天潮。到底身無涓滴水。子細簡點將來敲枷打鎖。則不無二人。若是佛法未夢見。在烏巨與麼提持畢。竟意歸何處。良久曰。一把柳絲收不得。和煙搭在玉闌干。上堂。動絃別曲。葉落知秋。舉一明。三目機銖兩如王秉劍。殺活臨時。猶是無風匝匝之波。向上一路。千聖把手共行。合入泥犁地獄。正當與麼時。合作麼生。江南兩浙。春寒秋熱。上堂。盡乾坤大地。喚作一句子。擔枷帶鎖。不喚作一句子。業識茫茫。兩頭俱透。脫淨裸裸。赤灑灑。沒可把。達磨一宗。掃土而盡。所以雲門道盡。乾坤大地無纖毫過。思猶是轉句。不見一法。始是半提。更須知有全提底時節。大小雲門。劍去久矣。方乃刻舟。後示寂塔於寺之中峰。

衢州府光孝百拙善登禪師。和州烏江閔氏子。僧問。世尊生下一手指天。一手指地。曰。天上天下。唯吾獨尊。意旨如何。師曰。一人傳虛。萬人傳實。曰。有意氣時。添意氣。不風流處。也風流。師曰。讚歎也。讚歎不及。曰。只如雲門道。我當時見一棒打殺與狗子喫。貴圖天

下太平。畢竟具甚麼眼目。師曰。腦後薦取。上堂。白。日開浩浩。夜後靜悄悄。長廊走波波。步步無欠少。不識主人翁。全身入荒草。撞著傳大士。問訊維摩老。臥疾毗耶城。幾箇知天曉。若是過量人。不向那邊討。爲甚麼如此。喝一喝。曰。下坡不走快。便難逢。

南書記福州人。久依應菴於狗子無佛性話。豁然契悟。有偈曰。狗子無佛性。羅睺星入命。不是打殺人。被人打殺定。菴稱其脫略。紹興末。示寂於歸宗。

侍郎李浩居士。字德遠。號正信。幼閱楞嚴。如遊舊國。造明果投誠入室。應菴堪其胸。曰。侍郎死後。向甚麼處去。士駭然汗下。菴喝出。士退。參不旬日。徑躋堂奧。以偈寄同參嚴康朝曰。門有孫臏。舖家存甘贊。妻夜眠還早起。誰悟復誰迷。有鸞胭脂者。亦久參應菴。頗自負。士贈以偈曰。不塗紅粉自風流。往往禪徒到此休。透過古今圈。禮後却來者。裡喫拳頭。湖州府長興教授嚴康朝居士。嘗問道薦福雪堂。及見應菴。始得旨。嘗有頌曰。趙州狗子無佛性。我道狗子佛性有。驀然言下自知歸。從茲不信趙州口。著精

神自抖擻隨人背後無好手。騎牛覓牛笑殺人。如今始覺從前謬。

大鑑下第十九世

天童傑禪師法嗣

杭州府靈隱松源崇嶽禪師處州龍泉吳氏子。幼卓犖。不凡。年二十三棄家首造靈石妙繼。見大慧杲於徑山慧隱堂。稱蔣山應菴爲人徑捷。師聞不待旦而行。既至朝夕咨請。一日菴問世尊有密語迦葉不覆藏。汝作麼生。師曰鈍置和尚。菴厲聲一喝。師便禮拜。菴大喜。說偈勸使祝髮。隆興甲申得度於臨安之白蓮。徧參諸大老。罕當其意。乃入閩。見木菴永。永舉有句無句如藤倚樹話問。師曰裂破。永曰瑯琊道好一堆爛柴。師曰矢上加尖。永曰觀公下語。老僧不能過其如未在他日拂柄在手。爲人不得。驗人不得。師曰爲人者使博地凡夫一超入聖域固難矣。驗人者打向面前過不待開口已知渠骨髓何難之有。永舉手曰明明向汝道開口不在舌頭上。後當自知。逾年見密菴於衢之西山。隨問卽答密菴但微笑而已。

保壽夜

師切於究竟至忘寢食。密菴移蔣山華藏徑山師皆從之。會入室次問僧不是心不是佛不是物。師侍側豁然大悟。乃曰今日方會木菴道開口不在舌頭上。自是機辯縱橫。密菴遷靈隱。師遂分座旋出世。平江澄照徙江陰之光孝。無爲之治。父饒之薦。福明之香山。平江之虎丘。慶元丁巳被旨補靈隱。上堂大凡扶豎宗乘須具頂門正眼。懸肘後靈符。只如寶壽開堂三聖推出一僧。寶壽便打三聖道與麼爲人。瞎却鎮州一城人眼去。在保壽擲下拄杖便歸。方丈二尊宿等閒一挨一拶。發明臨濟心髓。殊不知性命總在者僧手裡。還有檢點得出者麼。昔年覓火和煙得今日擔泉帶月歸。歲旦示衆元正改旦萬事成現有時放行有時坐斷不惜兩莖眉和坐盤撥轉佛法世法都盧一片。既是佛法世法如何得成一片。但辦肯心必不相賺。示衆古者道拈起也天回地轉放下也草偃風行。治父則不然拈起也乾坤黯黑放下也瓦礫生光。忽有一箇半箇。驀然敲瞎頂門眼。達磨一宗未至寂寥。示衆舉臨濟如蒿枝拂公案雪竇拈

曰臨濟放處太危。收來太速。師拈拄杖曰。臨濟據令而行。不知孤負黃檗雪竇盡力擔荷也。只見得一邊。且道薦福節文在甚麼處。擲下拄杖。示衆。學汾陽曰。識得拄杖子行脚事畢。師曰。汾陽雖則開口見膽。爭奈落在第二頭。嘉拈拄杖曰。者箇不得喚作拄杖子。漆桶參。上堂。舉保寧勇上堂。大方無外。大圓無內。無內無外。聖凡普會。瓦礫生光。須彌粉碎。無量法門。百千三昧。拈拄杖曰。總向者裡會去。蘇盧蘇盧。悉利悉利。師曰。大小保寧業識茫茫。不奈船何。打破屏斗。示衆。明眼衲僧。因甚打失鼻孔。有賊無賊。○後居靈隱六年。晚退居東菴。臨寂作手書別諸公卿。又遺書嗣法少室。歷掩室。開囑以珍重大法。復書偈曰。來無所來。去無所去。瞥轉玄關。佛祖罔措。踟躕而寂。實嘉定己巳八月四日也。得年七十有一。坐夏四十。奉全身塔於北高峰之原。

夔州府臥龍破菴祖先禪師廣安王氏子。聞緣老宿住。昭覺往參。扣語契令奉圓。悟香火一日。從方丈前過緣。問菴頭有人麼。師曰。無人。緣劈胸一拳曰。你

師忽有省。出峽從德山涓祝髮。尋受具。徧叩諸方。抵蘇之萬壽。值雪夜。坐自念行脚數年。未得安穩。正悶。悶不已。忽聞鐘動。趨後架。舉首見照堂二字。疑情頓釋。既而見水菴。一於雙林。水曰。師子尊者。被鬪賓斬却頭。且置。你道西天鬚子爲甚麼無鬚。師曰。非雙林不舉此話。水曰。作家禪客。師曰。心不負人。而無慚色。水遂以手拓開。師曰。勘破了也。迨水菴謝事。往參密菴。於烏巨菴。命典客。一日菴室中。舉不是風。動不是幡。動話師豁然大悟。次日菴遇師於寮前。謂師曰。你總不得作伎倆。試露箇消息來。師應聲曰。方丈裡有客。菴呵呵大笑。泊菴遷。蔣山師侍行。親炙。凡五載。辭還蜀。菴送以偈曰。萬里南來川。驀驀奔流度。刃叩玄關。頂門敲瞎。金剛眼去。住還同珠走盤。師至夔門。尙書楊輔以臥龍請師出世。未幾棄去。復遊吳中。首衆於徑山靈隱。後住常州薦福。真州靈巖。蘇州秀峰。穹窿湖州資福。最後約齋張公。鑑請爲廣壽。慧雲開山。凡六坐道場。上堂。楊岐乍住屋壁疎。滿牀盡撒雪。珍珠縮却頂。暗嗟吁。翻憶古人樹下居。楊岐鬪勝不

關劣秀峰關劣不關勝秀峰乍住沒親疎箇箇盡懷
滄海珠滿眼湖山看不足釋迦彌勒是他奴上堂
密菴先師道有問冬來事京師出大黃食他一粒米
失却半年糧秀峰則不然有問冬來事京師出大黃
只圖一粒米却得百年糧或被知事道長老長老莫
道百年糧只得半年不少也得只向他道但辦肯心
決不相賺上堂舉東山道如何是禪閬浮樹在海
南邊近則不離方寸遠則十萬八千畢竟如何禪
師曰穹窿也有箇道處如何是禪閬浮樹在海南邊
撐天拄地拄地撐天巧說不得只要心傳畢竟如何
禪禪上堂不是心不是佛不是物山僧忍俊不禁
爲諸人作箇撇脫拈拄杖卓一下曰流水暗消溪畔
石勸人除却是非難上堂十五日已前明似鏡十
五日已後黑似漆正當十五日又且如何鶯遷喬木
頻頻語蝶戀芳叢對對飛示座主偈曰見猶離見
非真見還盡入還無可還木落秋空山骨露不知誰
識老瞿曇師將示寂作手書別交游復書偈曰末
後一句已成切怛寫出人前千錯萬錯書訖端坐而

逝實嘉定辛未六月九日也時客寓徑山遺命散骨
林間住持石橋收骨建塔於別峰塔之右壽七十六
臘四十九

饒州府薦福曹源道生禪師南劍人分座雲居出世
饒之妙果徙龜峰上堂佛法二字人人知有狼毒砒
霜那容下口直饒透過威音前也是癡狂外邊走山
僧已是拖泥帶水諸人合作麼生喝一喝上堂今
朝八月十五天色半晴半雨幾多門外遊人不覩月
圓當戶也好笑又堪嗟爭似西湖寺裡一隊古佛參
退歸堂喫茶上堂春風東扇西扇春雨似晴不晴
淺碧深紅爛鋪錦繡鶯聲燕語互奏笙簧一一揭示
圓通妙門頭頭流通正法眼藏擬心湊泊依前萬水
千山直下知歸便見七穿八穴拍禪牀下座上堂
雨雪落紛紛簷頭水滴滴良哉觀世音草裡跳不出
也大屈水底烏龜鑽鐵壁咄上堂月生一拶倒銀
山并鐵壁月生二土宿騎牛穿關市月生三屋頭幽
鳥語喃喃不是葛藤露布亦非入理深談正恁麼時
賓主交參一句作麼生道萬仞懸崖垂隻手百華叢

裏現優曇。上堂。平日清晨三月朝南山蒼翠插雲霄。不須更覓西來意。門外數聲鶯語嬌。拍膝一下曰。好大哥。詠靈雲石偈曰。雲去雲來非有意。雲來雲去亦無心。有無截斷靈何在。突兀一峰青到今。晚住薦福。逾月示寂。

寧波府天童枯禪自鏡禪師。福州長樂高氏子。首參木菴永水菴。一或菴體諸老。後謁密菴於靈隱。鍼芥相契。開法隆興。上蓋遷建康旌忠撫州白楊。福州太平西禪寶慶乙酉。被旨陞靈隱。復移天童。上堂有句。無句如藤倚樹。樹倒藤枯。句歸何處。良久曰。長憶江南三月裡。鷓鴣啼處百華香。上堂。一拽石。二搬土。夜半日輪正。卓午老安曾。牧瀉山牛。南泉不打鹽官鼓。報君知。莫莽鹵火裡。唧唧吞却虎。上堂。舉鶴林因僧扣門。林曰。阿誰。僧曰。是僧。林曰。非但是僧。我者裡佛也不著。曰。因甚。佛來也不著。林曰。無他。棲泊處。師曰。天童若有人扣門。卽大開了。待他入來。便攔胸攔住。曰。道道若擬開口。便與劈胸一拳。在者裡轉得身。吐得氣。便請明牕下安排。

杭州府淨慈潛菴慧光禪師。上堂。舉趙州狗子佛性無話。頌曰。狗子無佛性。全提摩竭令。纔擬犯鋒銑。喪却窮性命。化鹽偈。合水和泥一處烹。水乾泥盡雪華生。乘時索起。遼天價。公驗分明。孰敢爭。

太平府隱靜萬菴致柔禪師。潮州陳氏子。母黃妙喜南遷。道經潮。其祖父還延禮甚謹。母因夢僧入舍。遂懷妊。及誕。父母誓不以俗累羈師。甫十歲。俾從壽受業。越九載。芟染初見木菴永於鼓山。會菴陞座。曰。國師再來也。師微笑。有省。次參密菴於蔣山。菴室中。舉釋迦彌勒。猶是他奴。且道他是阿誰。師曰。無地頭漢。菴曰。千聞不如一見。師便毆一拳。菴擒住。厲聲曰。者小鬼子。見箇甚麼。胡打亂打。師曰。更要喫一拳。在菴連揮兩拳。曰。打者無地頭漢。師豁然大悟。無何以母老。歸省。旋出世廣法。後移太平。隱靜上堂。起道樹詣鹿苑。不是向上機。傳少室續曹溪。未爲正法眼。直得無依無欲。無一法當情。猶落第二見。放過一著。卷舒在我。縱奪臨時。於把住處。放行露柱燈籠活鱖。鱖於放行處。把住釋迦彌勒是他奴。卓拄杖曰。且道是放。

行是把住一氣不言含有象萬靈何處謝無私。上堂舉天衣懷曰。鴈過長空影。沉寒水話頌曰。長空孤鴈一聲秋。獻寶波斯鼻似鈎。風捲白雲歸別嶂。黃昏月挂柳梢頭。上堂毗盧師法身主。若要動地放光。且來搬柴運土。頃將謂忘却。上堂百丈不再參馬祖。爭得三日耳。聖臨濟不到大愚焉。知老婆心切。仰山將得鎮海明珠。爲甚到東寺面前。叉手當胸却道無理。可伸無言可對。咄。直饒傾下一栲栳。敢保老兄猶未徹。上堂饑荒老鼠。敲葫蘆。巧計猢猻倒上樹。要透報恩。向上關。直須一步低一步。既是向上關。因甚却要一步低一步。待你踏著。却向你道。上堂東山道空門有路人。皆到到者方知。旨趣長心地。不生閒草木。自然身放白毫光。師曰。東山只解無中覓。有不解有裡尋。無隱靜則不然。空門有路人。難到到者方知。礙處通石上栽華。還結果。須知元不假春風。將臨終集衆。囑曰。老僧生平無長物。只依海衆常例。安寢堂兩日足矣。復書偈。端坐而化。世壽七十。臘五十。

杭州府靈隱笑菴了悟禪師。姑蘇人。學僧問睦州。以一重去一重。卽不問。不以一重去一重。時如何。州曰。昨日栽茄子。今日種冬瓜。公案頌曰。昨日栽茄子。今日種冬瓜。一聲河滿子。和月落誰家。江寧府蔣山一翁慶如禪師。福州長樂范氏子。上堂春雨如膏。春雲似鶴。春鳥關關。春泉濯濯。揭却觀音腦蓋。踢倒慈氏樓閣。切莫將錯就錯。拍禪牀曰。參。上堂過去諸如來。斯門已成就。一盲引衆盲。現在諸菩薩。今各入圓明。蝦跳不出斗。未來修學人。當依如是法。賺殺一船人。上堂意能刻句句。能刻意意句。交馳討甚巴鼻。盡力道不得底句。不是河南便是河北。禪僧聞得與麼告報。十箇有五。雙鼻孔裡冷笑拈拄杖曰。雲居拄杖子。黨理不黨親。卓一下曰。雪巢初冷夜。雲鬢未梳時。上堂霜明萬壑。月皎千家。達磨不會。却返流沙。拍膝曰。好大哥。歸堂喫茶。上堂天地造化。有陰有陽。有晦有明。聖人治世。有禮有樂。有刑有政。禪僧門下有殺有活。有擒有縱。其擒也縱也。殺也活也。總在黃龍指甲縫裡。汝若擬議。不消一掐。

然雖如是笑我者多。晒我者少。上堂一句截流。萬機寢削。且道是那一句。良久卓拄杖曰。歸堂喫茶。上堂。久雨忽晴。天清地寧。雲收嶽面。月落波心。拈拄杖卓一下曰。恁麼會去。達磨一宗掃土而盡。上堂。諸佛不出世。人人舉足踏著。祖師不西來。人人滿口道著。既踏著。又道著。畢竟是箇甚麼。有般漢東西不辨。南北不分。便道明明不覆藏。切忌從他覓。殊不知拋却真金。隨群撮土。上堂。豁開戶牖。當軒無人。撼動雷門。憑誰側耳。裴相國印心於老黃檗。溫伯雪目擊於魯仲尼。衲僧門下。猶在半途。知縣學士。今日到來雲居。如何與伊相見。拈拄杖畫一畫曰。萬重關鎖。盡一劍倚天寒。晚年退隱南昌西山。示寂塔於定林。壽六十八。夏四十九。

蘇州府承天鐵轅允韶禪師。上堂。一五二五。機輪無阻。南山起雲。北山下雨。有底却道。錦上鋪花。有底又道。泥裡洗土。有底又道。離此二途。便見丹霄獨步。若總如斯論量。山僧未敢相許。畢竟如何。良久曰。逢人不得錯舉。師住泉州光孝開堂祝聖白槌畢。師曰。

喚甚麼作第一義。莫有旁不甘者麼。出來道看。時有僧出問。話語未竟。師拈拄杖卓一卓曰。住住。今日開堂。不比尋常佛事。設問答到。彌勒下生。勾鎖連環。盛水不漏也。祇是空鼓粥飯氣。于自己了沒交涉。所以道。問不在答處。答不在問處。問答交馳。如青天轟霹靂。看者不容眨眼。那堪更向言中定旨。句下分宗。大似緣木求魚。守株待兔。殊不知我宗無語句。亦無一法與人者。裡徹去。皇恩。佛恩。一時報畢。其或未然。更為錦上鋪華。復卓拄杖一下下座。佛涅槃日上堂。老漢當年臘月八。三更半夜頭狂發。剛把長釘釘眼。睛直至如今無人拔。山僧今日下毒手。為他拔去也。看便下座。

杭州府直祕閣學士張鑑居士。字功甫。別號約齋。聞鐘聲得悟。述偈曰。鐘一擊耳。根塞赤肉團。邊去箇賊。有人問我。解何宗。舜若多神面目。黑後捨宅建寺曰。慧雲請破菴。先開山。疏曰。捨林居為阿蘭若。夫豈小緣請。宗師據曲。承牀只因大事幾度偏。參遭密菴打失鼻孔。一朝拈出。向冷泉捋下面皮。不謂馨香奚煩。

鄭重辭青松於北澗。穿幾重出岫之雲。封綠水於南湖。祝萬歲如山之壽。寧宗嘉定壬申。復請滅翁相繼闡法。今專祠尙在。

續燈正統卷之十九

續燈正統卷二十

南海普陀嗣祖沙門西蜀 性統 編集

臨濟宗

大鑑下第二十世

靈隱獄禪師法嗣

寧波府天童滅翁天目文禮禪師。杭臨安阮氏子。家天目之麓。故號天目。六歲携籃隨母採桑。俄念携之者誰。遂有出家志。年十六。依真相寺智月剃落。往淨慈參混源。源舉現成公案。汝三十棒話不契。乃謁育王佛照。照問。怎麼來者。那箇是汝主人。公師豁然領旨。一日。照問。是風動。是幡動。者僧如何。師曰。物見主眼。卓豎照曰。不是風動。不是幡動。甚處見祖。師師

曰。揭却腦蓋。照喜其俊邁。命典書記。回杭聽一心三觀於上竺。時松源嶽唱道。薦福室中問僧。不是風動。不是幡動。擬議卽棒。出師聞頓忘知解。遂往見之。獲印可。辭去。巡禮江淮間。祖塔時。浙翁琰主蔣山。學師立僧嘉定壬申。張約齋請師開法。慧雲次遷溫之能仁。未幾退歸錢塘之西丘。趙節齋微服過訪。師與語終日而去。翌日奏請師住持淨慈室中。每舉南山。竺筍東海鳥。鹹話學者擬議。師便打。莫有湊泊之者。後遷福泉。晚居天童。上堂。法不孤起。仗境方生。境既不生。法從何立。龍湫瀉千尺瀑布。且不是境。鴈峰聳萬丈高寒。且不是法。明眼衲僧到者。裡合作麼生。直饒個儻分明。山僧棒折也未放在。何故殺人刀。活人劍。上堂。事事無礙。青山掩映斜陽外。法法無差。檻前古木開群鴉。君不見太原孚上座走天涯。揚州五更聞畫角。吹斷落梅花。直至如今未到家。冬至上堂。黃鍾纔起時。九數從頭數。相將幽谷鶯啼。次第雕梁燕語。田父祭勾芒。叢祠敲社鼓。農父狎牛。郎村姑教蠶婦。光陰老盡世間人。冬至寒食一百五。宏智

忌日上堂夜明簾外寶鑑堂前元無象帶豈有偏圓
正恁麼時畢竟誰居正位古渡無人霜月冷蘆花風
靜鷺鷥眠。上堂長頸鳥喬林不棲橫飛天外穴鼻
牛山田耕了直上峰頭天下衲僧仰望不及何故嘉
州打大象。上堂投子道迎之不見其首隨之罔眺
其後大似徐六擔版天童則不然仰之彌高俯察非
遙橫塘宿鷺斜飛起幾隻銀瓶挂樹梢。上堂衆生
本不曾迷夜闌鷄向五更啼諸佛本不曾悟秋清鴈
度長空去拍膝一下曰西窓昨夜月華明涼颺已到
梧桐樹。元宵上堂昨夜摩騰法師偏點蓮燈助佛
光明直得善信真人失却光彩太白龍王出來道我
從龍種上尊王佛時住此山未聞有者箇消息于是
空中打箇閃電變作滿天黑風暴雨還委悉麼我見
燈明佛本光端如此。僧問牛頭未見四祖時如何
師曰牛頭曰見後如何師曰牛頭牛頭。僧問和尚
見佛照時如何師曰石中有玉曰見松源後如何師
曰沙裡無油。來上座問某甲有狀告投和尚師曰
對頭在那裡來曰和尚便是師曰老僧與汝有甚麼

冤讐來無語師捉住曰冤家冤家。問新到汝名甚
麼僧曰智虎師退身作怕勢僧擬議師便歸方丈
僧問觀方知彼去去者不至方意旨如何師曰前不
構村後不迭店。舉楞嚴諸可還者自然非汝不汝
還者非汝而誰頌曰不汝還兮復是誰殘紅流在釣
魚磯日斜風定無人掃燕子銜將水際飛。師尤躩
於易乾淳諸儒大闡道學師與之遊直示心法朱晦
菴問毋不敬師叉手示之楊慈湖問不欺之力師答
以偈曰此力分明在不欺不欺能有幾人知要明象
鬼全提句看取升階正笏時其曉人類如此。師主
五刹通不過八九年而投閒於夏渚之西丘歲月尤
多然群衲參叩無異領衆時也將入寂謂侍者曰誰
與我造箇無縫塔者曰請師塔樣師良久曰盡力畫
不出遂怡然脫去闍維弟子收舍利并遺骨附葬於
應菴塔左壽八十四臘六十八
湖州府道場運菴普嚴禪師題趙州像贊曰無端提
起七斤衫多少禪人著意參盡向青州做窠窟不知
春色在江南。舉洞山冬夜喫果子公案頌曰洞山

玷辱家風。首座埋沒自己。雙雙繡出鴛鴦。寸舌扶持不起。

鎮江府金山掩室善開禪師。上堂。學密菴破沙盆話。頌曰。法眼拈來早。自謾無端錯。對破沙盆。而今偏界難遮掩。殃害叢林子又孫。

□□府華藏無礙覺通禪師。青苗會上堂。破一微塵。出大經。鳶飛魚躍更分明。不將眼看將心看。已是重敲火裡冰。指黑豆味平生。直須劫外話。豐登緣成白。雪桑重綠。割盡黃雲稻正青。

溫州府龍翔石巖希璉禪師。潮陽馬氏子上堂。學廣慧璉與楊大年夜話。次慧曰。祕監曾與甚人道話來。公曰。某曾問雲巖諒監。寺兩箇大蟲相較時如何。諒曰。一合相。某曰。我祇管看未審恁麼道。還得麼。慧曰。者裡則不然。公曰。請和尚別一轉語。慧以手作拽鼻勢。曰。者畜生更踣跳在公於言下。脫然無疑。遂述偈曰。八角磨盤空裡走。金毛師子變作狗。擬欲將身北斗藏。應須合掌南辰後。師曰。內翰攀南辰倚北斗。廣慧轉天關。翻地軸。寥寥千古許誰知。斷絃須是鸞膠。

續 僧問。昔日佛照光因宋孝宗宣問。釋迦佛入山六年。所成何事。光曰。將謂陛下忘却。此意如何。師答以頌曰。大根大器大熏修。警轉機輪向上頭。萬億斯年惟一佛。雪山元不隔龍樓。

台州府瑞巖少室光睦禪師。舉曹山霞因。僧侍立。次山曰。道者可煞熱。曰。是乃問。祇如熱向甚麼處回避。山曰。向鑊湯爐炭裡回避。曰。祇如鑊湯爐炭裡又作麼生回避。山曰。衆苦不能到。師頌曰。瞎却頂門三隻眼。鑊湯爐炭裡優遊。若言衆苦不能到。端的何曾有地頭。題四祖像贊曰。破頭峰頂紫雲飛。三却天書老翠微。滯貨雖然無用處。不應分付小孩兒。

湖州府道場北海悟心禪師。舉黃檗在鹽官殿上禮佛時。唐宣宗爲沙彌。問不著。佛求不著。法求不著。僧求長。老禮拜。當何所求。檗曰。不著。佛求不著。法求不著。僧求常禮如是事。彌曰。用禮何爲。檗便掌。彌曰。太麤生。檗曰。者裡是甚麼所在。說麤說細。隨後又掌。頌曰。曾施三掌觸君王。佛法何曾有寸長。麤行沙門封斷際。至今無地著慚惶。學唐文宗蛤蜊因緣頌曰。

合水和泥底事忙被渠點破大乖張雖然契得君王意爭奈全身入鑊湯

寧波府雪竇無相範禪師上堂舉趙州道纔有是非紛然失心還有答話分也無僧舉似洛浦浦扣齒又舉似雲居居曰何必僧回舉似趙州州曰南方大有人喪身失命僧曰請和尚舉趙州方舉前話僧指旁僧曰者箇師僧喫却飯了作恁麼語話師頌曰坐底見立底立底見坐底咄哉老趙州白日眼見鬼

台州府瑞巖雲巢岳禪師舉經題咒字話頌曰以字不成八字非常陽拈起大家知釋迦老子舌無骨黃葉將來嚇小兒舉靈雲見桃花話頌曰三月桃花爛漫紅靈雲打失主人翁隨邪逐惡玄沙老半是真情半脫空

寧波府雪竇大歇仲謙禪師義烏應氏子幼讀傳大士心王銘矢志出家初參息菴菴器而抑之曰汝儒者習氣不除焉能學道要到大休大歇田地須是如木偶人去師蒙激發益自奮勵一日忽有省遂以大歇自名後依松源嶽室中舉祕魔擎叉話師豁然

大悟出住後舉應菴問密菴如何是正法眼密曰破沙盆話頌曰白玉琢成泥彈子黃金鑄就鐵崑崙千年滯貨無人買未免如今累子孫送維那偈曰與化當年打克賓叢林千載話猶存雲黃有棒且高闊只麼煎茶送出門

杭州府淨慈谷源道禪師舉丹霞然初參石頭剗佛殿前草公案頌曰石頭剗草驗英豪懜懜丹霞眠不高若解轉身行活路至今應不累兒曹

蘇州府虎丘菴藜曇禪師初住四明延慶遷蘇之穹窿震澤普濟鎮江甘露真州長蘆後住虎丘上堂舉僧問香林如何是衲衣下事林曰臘月火燒山師曰兔子何曾離得窠若有人問延慶如何是衲衣下事只對他道就船買得魚偏美踏雪沽來酒倍香上堂念念釋迦出世時時彌勒下生頓超天地未分之前不歷階梯掀翻寶所便怎麼去可以開無量法門可以演百千妙義薦拈拄杖卓一下曰無量法門百千妙義盡向者裡百襍碎了也還知虎丘落處麼靠拄杖曰祖禪不了殃及兒孫舉靈雲見桃花話頌

日三月桃華是處開。靈雲雙眼盡塵埃。謝郎重整釣鼇手。未免將身一處埋。

諸菴肇禪師舉松源示衆曰。明眼衲僧。因甚打失鼻孔。有賊無賊。○話頌曰。殺人一萬。損三千。獨弄單提機。不全萬頃滄波。明月夜一聲短笛釣魚船。贊二祖像曰。覓心無處自欺謾。甘受齊腰深雪寒。三拜起來依位立。誰知徧界是波瀾。華亭懷古活計都盧一釣舟。錦鱗入手便抽頭。我來不覩師親訓。柳岸依依蘸碧流。

祕監陸游居士字務觀。號放翁。山陰人。嘗謁松源於靈隱。問心傳之學。可得聞乎。源曰。既是心傳。豈從聞得。士點首默契。呈偈曰。幾度驅車入帝京。逢人一例眼雙青。今朝始見宗門別。說有言無要眼聽。

臥龍先禪師法嗣

杭州府徑山無準師範禪師。蜀梓潼雍氏子。九歲依陰平山道欽出家。紹熙甲寅。登具戒。明年遊成都。坐夏正法請益。睹堂高弟堯首座坐禪。法堯曰。禪是何物。坐底是誰。師於是晝夜體究。一日如廁。有省。明年

謁佛照于育王。照問何處人。師曰。劍州。照曰。帶得劍來麼。師隨聲便喝。照笑曰。者烏頭子也。亂做久之。復至靈隱。時破菴居第一座。同遊石笥菴菴之道者。請益。胡孫子捉不住話。菴曰。用捉他作麼。如風吹水。自然成紋。師侍旁有省。未幾破菴掃塔。天童師偕往。復拉石溪月同遊。台鴈至瑞巖。雲巢留師分座。夜夢偉衣冠者持把茅見授。翌日。明州清涼專使至。師受請入院。見所謂伽藍神。姓茅衣冠與所夢無異。陞堂開法。一香供破菴焉。三年遷焦山。次遷雪竇。又三年被敕移育王。又三年領嵩山少林。次補徑山。明年寺燬。師不動容。經意是冬十月。旨下召入內廷。上御修政殿。引見。師奏對詳明。上賜金襴僧伽黎。復宣詣慈明殿。陞座說法。上垂簾而聽。賜佛鑑禪師號。三年寺成。閱六年復燬。而多助雲至不數年復還舊觀。僧問趙州道。三十年前在南方行脚。火爐頭有箇無賓主。話直至如今無人舉著。此意如何。師曰。舌頭拖地曰。畢竟如何。は無賓主話。師曰。言滿天下曰。祇如玄沙聞得。乃曰。者老漢脚跟未點地。在又作麼。生師曰。一

坑埋却曰可謂焦磚打著連底凍赤眼撞著火柴頭。師以拄杖劃一劃。上堂五峰門下百種全無禪牀。迫窄堂供蕭疎脚下踏著底破磚頭碎瓦片面前撞見底王獐獍李麻胡恁麼薄福住山眞箇孤負老胡良久曰雖然如是更點分明。上堂一夏已滿無事不辦遂府盜孟邛州磁碗。上堂靈山指月曹溪話月通代相傳證龜成鼈範上座尋常一張口挂在壁上。今日無端入者行戶未免拈出多年曆日說似諸人。且要郭大李二鄧四張三知得江南兩浙春寒秋熱。示衆若論箇事直是省要奈何諸人自作艱難自作障礙所以尋常東廊西廊見諸人和南問訊山僧便乃低頭相接其實無他只要諸人識得長老是西川隆慶府人氏若也識得便與諸人打些鄉談說些鄉話如今且未問你識得長老且各自知得自家鄉井也得還知麼。明州六縣奉化八鄉。淳祐戊申秋築室明月池上。榜曰退耕乞老于朝。己酉三月且陞堂示衆曰山僧既老且病無力得與諸人東語西話今日勉強出來將從前所說不到底盡情向諸人

面前抖擻去也。遂起身抖衣曰是多少十八日集兩序區畫後事親書遺表及遺書十數封言笑如平時其徒請遺偈乃執筆疾書曰來時空索索去也亦條條更要問端的天台有石橋移頃而逝停龕二七日奉全身塋於萬年正續之側去寺四十里塔曰圓照杭州府靈隱石田法薰禪師眉山彭氏子生而慧敏年十六從丹稜石龍山法寶院出家二十二薙髮受具戒游方至石霜禮雷遷塔述偈曰一念慈容元不隔何須特地肆乖張平高就下婆心切憐得雷公一夜忙師名由是大著聞穹窿破菴道望遂往依菴菴室中學世尊拈華迦葉微笑話師曰焦磚打著連底凍赤眼撞著火柴頭菴異之師於是決志依棲與無準曰相激礪久乃辭去事遍參靈隱嶽淨慈充華藏演咸稱賞之後出世蘇之高峰次遷寒山會蔣山盧席廟堂以師補之寶慶初遷淨慈端平乙未復遷靈隱。上堂一徑直二周遮衲僧會得萬別千差庭前閒縱目春盡尙餘華老翳不合過流沙拍膝一下便下座。上堂大道體寬無易無難相頭買帽此土西

天。上堂識得心。山嶽沉握。金成土握。土成金。脚前脚後。現成行貨。少室峰前。交點不過。上堂石中有玉沙。裡無油。德山臨濟。未出常流。却憶寒山子。時臨古渡頭。上堂見聞覺。知行住坐。臥。上眉毛。早已蹉過赤脚。唱山歌路上。無人和。上堂把定重關。諸人性命在山。僧手裡放開一綫。山僧性命在諸人手裡。而今也不把定。也不放開。山僧卽是諸人。諸人卽是山僧。三十年後。莫道蔣山和泥合水。示衆。劍刃翻身。猶是鈍屋頭。問路太無端。楚鷄不是丹山鳳。何必臨風刷羽翰。淳祐甲辰三月。望示衆。但得本。莫愁末。喚甚麼作本。喚甚麼作末。松栢千年青不入。時人意牡丹。一日紅。滿城公子醉。山僧恁麼道。若有不肯底。是我同參。弟子師俊。繪師像求贊。有曰。末後一句。分付廚山衆。訝之。先是師嘗建接待院於西溪。日寶壽明日。忽示疾。又明日。退歸寶壽。趨辦終焉。計訣衆而逝。窆全身於院後。壽七十五。臘五十三。南康府雲居卽菴慈覺禪師。西蜀人。舉雪峰因闍王問。擬欲蓋一所。佛殿去時如何。峰曰。大王何不蓋取。

一所空王殿。王曰。請師樣子。峰展兩手。雲門曰。一舉四十九話。頌曰。空王殿樣子。雪峰展兩手。添得老韶陽。一舉四十九。總是面南看北斗。讚船子道影曰。三十餘年在藥山。鬼家活計。豈能傳。當時不得夾山老。你且耐煩撐破船。舉僧問葉縣省。如何是密用心。處縣曰。關市裡。輓毬子。曰。意旨如何。縣曰。普請大家看。話頌曰。輓毬關市大家看。一陣清風吹面寒。定亂不須雙刃劍。活人何必九還丹。師嘗遊雲居。夜宿告曰。師於此山。只有一粥之緣。明日午後。到山。晚參罷。會且過。有二僧相繼。新到。例遣。擯逐。師竊訝之後。數年雲居。盧席州符起師補處。師忻然承命。且徵前夢。方至瑤田莊。未入院而寢焉。寧波府大慈獨菴道儋禪師。贈製鞋者偈曰。透底工夫。做已圓。須知密處。自心傳。脚跟著地。隨他轉。踏到驢年也未穿。

薦福生禪師法嗣

杭州府徑山癡絕道冲禪師。武信長江荀氏子。以進士業。應詔不利。遂於梓州妙音院。受業。游成都。講肆習經。論紹熙壬子。出峽往。謁松源嶽于薦福。以歲儉不果。會曹源生出世。妙果師造見。聆入門語。有省。參

堂俾侍香朝夕老拳痛棒不少貸平生知見至是絕無影響曹源徙龜峰師侍行又三年以偈辭遊浙有尙餘窮相一雙手要向諸方痒處爬之句至浙值松源主靈隱門嚴戶峻八閱月不得入室或以失士告源曰我已八字打開自是他當面錯過師聞徹見曹源嘻笑怒罵皆爲人善巧方便嘉定己卯由徑山第一座應嘉禾光孝請香拈曹源是時此菴元覺菴眞逢菴原無相範石谿月等皆在會中道聞於朝忠獻衛王以堂帖除蔣山居十有三載嘉熙己亥鼓山來聘未行雪峰牒至領事半年而天童詔下衆集如海兼攝育王住持事上堂天童用底來育王用不著育王用底歸天童用不著雖然如是用不著處用有餘一箭雙鵰隨手落結夏上堂圓覺伽藍塵塵有路坐斷去來頓空今古那裡十三者邊十五後先不差毫髮許堪笑黃面瞿曇至今不知落處上堂有一人一念頓證墮在佛數有一人累劫闡提不願成佛且道那箇合受人天供養良久曰蝶穿芳徑雙眉溼蜂掠殘華兩股肥上堂盡乾坤大地無絲毫許

隔是汝諸人橫擔拄杖繞四天下行脚道我無處不到無事不知且道西天那爛陀寺戒賢論師今日說甚麼法便下座上堂僧問心佛及衆生是三無差別如何是過去心師曰放待冷來看曰如何是現在心師曰你問我答曰如何是未來心師曰後次上堂向你道曰如何是過去佛師曰去年梅曰如何是現在佛師曰今歲柳曰如何是未來佛師曰顏色馨香依舊曰如何是過去差別智師曰拂子擊禪牀左邊曰如何是現在差別智師曰拂子擊禪牀右邊曰如何是未來差別智師曰拂子中間點一點僧曰心佛衆生無向背十方刹海一毫收便禮拜師乃曰過去心不可得現在心不可得未來心不可得三世既不可得喚甚麼作差別智若人見得徹去三世諸佛無一時不在諸人頂額上轉大法輪更來者裡挨肩竝足討甚麼盤下座以拄杖一時打散未幾被旨遷徑山一日忽手書龕記并遺書且曰無準忌在三月十八吾十五行矣不能拈香修供令搥鼓陞座辭衆舉世尊臨入涅槃告衆曰汝等善觀吾紫磨金色之

身瞻仰取足。毋令後悔。今日卽有明日。卽無師曰。世尊四十九年。作盡伎倆。及至臨行。求生不得。求死不得。山僧今日。要行便行。要去便去。八臂那吒。攔不住。至夜分起坐。侍者請偈。師曰。末後一句。無可商量。只要箇人。直下承當。移頃而逝。壽八十二。臘六十一。茶毗舍利。五色者無數。遵遺命。奉骨歸葬。金陵玉山菴。學者分其半塔於菴蒲田。玉芝菴。

天童鏡禪師法嗣

寧波府育王寂窓有照禪師。福之閩縣鄧氏子。從九峰榕菴慧得度。時枯禪唱道。怡山師往見之。禪問。自從一見桃花後。直至如今。更不疑。那裡是他不疑處。師大笑。趨出。禪深肯之。禪遷靈隱。師掌內記。已而見大梅石巖虎丘。蒺藜鄧峰。無準金山。大歇。皆深契合。以母老。歸省。謁雪峰。擬絕留。掌記室。閩帥請開法。東山大乘移福之黃檗。時左史竹溪林希逸從師。論心法。拳拳服膺。有老來得友如師。少別去伊誰伴我閒之句。次補江心。後遷玉几。朝廷降金帛。鼎建舍利寶塔。僧問。如何是佛。師曰。八吉祥。曰。如何是法。師曰。

六殊勝。曰。如何是僧。師曰。面目現在。上堂。六塵不惡。還同正覺。鷓鴣鳴。鷓鴣噪。鷓鴣江北江南。潮生潮落。春風三月。花草香善。財何處尋。樓閣喝。上堂。如何是道。木頭如何是禪。碌磚古德與麼垂示。十箇五雙。恬不爲事。殊不知正抓著。鄧峰痒處。何故建造殿宇。恰用得著。

杭州府淨慈清溪沅禪師。上堂。達磨西來。一坐具地。被他神光。禮了三拜。一時占了。致令後代兒孫。各自分疆列界。衲僧家。撥草瞻風。朝吳暮越。南天台。北五臺。拄杖頭。草鞋底。幾曾踏著也。未良久。曰。踏著卽禍事。

泉州府法石愚谷智禪師。山居偈曰。栗色伽黎千百結。倚松捫腹看雲飛。有人問我居山趣。向道春深筍蕨肥。

福州府西禪月潭圓禪師。開爐上堂。人人盡守甕中天地。覆天翻我。不然。直下一椎星火。迸螺江燒却。謝郎船。

□□府報恩太古先禪師。上堂。若論此事。不涉心思。

意想非干默照忘懷。要得洞然明白。須是汗出一回。且道汗出後如何。驀喚侍者曰。將扇子來。上堂夜。冷。清霜重。風來寒更多。因循時節。過自己事。如何。拍禪牀曰。不是知音者。如何舉向他。上堂。衲僧家。游方。行脚。撥草瞻風。第一須識路徑。始得路徑不錯。東西南北。到處爲家。稍涉迂回。五里單牌。十里雙堠。那裡更在那裡。擲下拄杖曰。看脚下。

荊州府公安虎溪錫禪師上堂。心心淺處。實甚深。道道幽遠。無人到。急行踏不著。緩行成錯過。少林幾坐。華木春。却憶西來胡達磨。

紹興府岳翁淳禪師佛誕偈曰。毗嵐毒種。毒華開。添得雲門醉後杯。今日柯橋風色惡。淡煙疎雨洗黃梅。

隱靜柔禪師法嗣

蘇州府虎丘雙杉元禪師。學宋太宗夜夢神人勸發。菩提心。凌晨宣。廷臣問。菩提心作麼生。發。群臣無對。雪竇顯代曰。實爲今古罕。聞別峰印代曰。王言如絲。其出如綸。話頌曰。萬里謳歌聖化成。條風塊雨樂樵耕。不因嵩嶽三呼後。無象誰知真太平。舉密菴破。

沙盆話頌曰。五陵公子少年時。得意春風躍馬蹄。不惜黃金爲彈子。海棠花下打黃鸝。書冷泉兩廊畫壁曰。一一塵中堅密身。改頭換面轉精神。誰知東壁打西壁。總是靈山會上人。

續燈正統卷之二十

續燈正統卷二十一

南海普陀嗣祖沙門西蜀 性統 編集

臨濟宗

大鑑下第二十一世

天童禮禪師法嗣

寧波府育王橫川如珙禪師。永嘉林氏子。父崇夫。有處士名季父。爲沙門曰正則。師年十五。從其祝髮。受具戒於廣慈。初參石田薰。癡絕。沖無所入。繼登太白。謁滅翁咨決。所疑。翁舉南山箴。笋東海鳥。賊話。師擬對。翁便打。師豁然。有省。久之。爲斷橋所重。請分座。復舉出世。鴈山之靈巖。次遷能仁。瑞光至元癸未。被旨。

住育王。僧問：「如何是教外別傳底句？」師曰：「不落玄妙。」曰：「怎麼則一超直入如來地？」師曰：「且緩緩。」問：「如何是學人行履處？」師曰：「你適纔從甚處上來？」曰：「如何得報四恩？」師曰：「你且從適纔路上下去。」問：「如何是聞復習根？」師曰：「一不成，二不是。」曰：「如何是塵消覺圓？」師曰：「漏木杓破筵簍。」問：「僧問趙州如何是祖師？」西來意州曰：「庭前栢樹子。」問：「慶雲雲曰：庭前無栢樹。」一等是問，西來意爲甚？所答不同。師曰：「不是。」闍黎問：「老僧也不知。」上堂：「地大水大火，大風大。若一念無疑，地不能礙；若一念無愛，水不能溺；若一念無瞋，火不能燒；若一念無喜，風不能飄。如此即是無依道人，佛從無依生，若悟無依，佛亦無得。」中秋上堂：「馬祖與百丈智藏南泉，旣月各呈自己見解，於月有甚交涉？月輪有圓有缺，孤光透徹，謂之月光菩薩。照破山河大地，昏暗開一切衆生心地，昏暗老僧出母胎時，正當今夜拈却門前大案山，放你諸人東去西去。」上堂：「魯祖三昧最省力，纔見僧來便面壁；育王三昧更省力，纔見僧來便合掌。南山北山如牛拽磨，

脚瘦草鞋寬，地肥茄子大。」上堂：「妙明心印，印佛則一手指天，一手指地，印法則狗銜敎書，諸侯避道，印僧則箇箇盂口向天，還有自印者麼？若能自印，則行住坐臥一一明了。」上堂：「本無纖塵法礙你眼晴，何得自昧東西不辨，南北不分，千聖不傳底事，只在你目前，不可錯過。」上堂：「先佛有頂額一機，祖師有末後一句，總向諸人面前拈出，破知解窠窟，截生死根株，正體獨露，妙用全真。一塵中現寶王刹，毛端上轉大法輪。」開爐上堂：「僧出曰：丙丁童子來求火。」師曰：「歸去生柴帶葉燒。」乃曰：「古鏡濶一丈，火爐濶一丈，火燄爲三世諸佛說法，三世諸佛立地聽你諸人長連牀上坐地聽。」上堂：「百千三昧門，百千神通門，百千妙用門，你總入不得，爲你被三昧礙，神通礙，妙用礙，直饒不礙也入不得。」夜參：「少室無門戶，如何便得通夜深寧？」耐立聽我話。西東室中垂語曰：「南山筆笋，東海烏賊，有僧遽掩師口，曰：請和尚更道。」師以手托開曰：「朝看東南暮觀西北。」舉黃龍三關話頭，曰：「佛手驢脚容易見，最難道處是生緣黃梅不是周。」

家子七歲傳衣便會禪。舉魯祖面壁話。頌曰。人來面壁。成何事。要得心。開現本源。空劫已前。諸佛子。話頭不舉。自然圓。師痛宗教。濫觴古響。瘡癢於是引宗。據祖屏。遏時學。崖岸標立。不隨俗好惡。其住育王能仁。皆自公選。不依阿苟榮。一日謂衆曰。病叟今年六十六。死日將至。火化好。土化好。西堂唯菴曰。山前。有片荒地。師卽命疊石爲塔。復自銘曰。天生一穴。藏吾枯骨。骨朽成土。土能生物。結箇葫蘆。挂趙州壁。永脫輪迴。超三世佛。將示寂書。訣衆語而化。世壽六十八。僧臘五十三。時至元己丑三月十八日也。奉全身瘞焉。有三會語錄行世。

杭州府淨慈石林行鞏禪師。初住安吉上方。遷思谿法寶隆興。黃龍吳郡。承天後。住淨慈上堂。橫眸碧漢。萬國風清。垂手紅塵。千峰日出。纔恁麼。便不恁麼。所以道。我此法印。爲欲利益世間。故說在所游方。勿妄宣傳。橫按拄杖曰。佛滅二千二百單。六載沙門行鞏。今於茗甯盡頭。鼓鐘清處。顯示此印。絲毫無有妄者。卓拄杖曰。謹白。上堂。山靜課華峰。股重林空含籊。

笋肌明。倚欄不覺成癡兀。又得黃鸝喚一聲。思溪恁麼道。好喫拄杖六十。何故爲他。不合隨聲逐色。上堂。水鄉水廓地多溼。六月華蚊業如鐵。夜半起來笑不輟。煩惱不輟作甚麼。牀頭一柄扇。無端又打折。上堂。三家村裡牛動尾。巴搖拂子曰。與者箇相去多少。擲拂子曰。泊合停囚長智。上堂。雪峰輓毬。禾山打鼓。祕魔擎叉。道吾作舞。一切賢聖。皆以無爲。法而有差別。喝一喝。下座。示衆。盡大地是箇金剛正體。向甚處著。上座芭蕉聞雷而抽。且道是有情。是無情。南屏山下壁立三關。透不過者。一錯。百錯。透得過者。千難萬難。忽有不甘底出來。道既透得過。因甚麼也。難去明日來。與你仔細相看。問僧如何。是你自己。僧擬對師。便推出。舉黃龍見慈明。因緣頌曰。錯錯戲海驪龍。冲霄俊鶴。老慈明無著。摸笑裡重重。露柱索佛手。一展日月昏。大江從此風濤惡。嘉興府天寧水谷衍禪師。上堂。朔風何蕭蕭。吹彼茁。下衣家業久荒蕪。遊子胡不歸。人生百歲豈長保。昨日少年今已老。翻憶寒山子。十年歸不得。忘却來時。

道。上堂。劫石可消。恩情難斷。拍膝一下。曰。蒿塚青松。下年年挂紙錢。上堂。冷風疎雨。做新年。寂寞寒冰古澗邊。暖閣地爐煨榾柮。送窮不用火燒錢。聖節上堂。心正安六國。通天地。澗車書同風。從虎雲從龍。深惟海高惟嵩。萬靈無處參化工。但知一氣復鴻濛。擊拂子下座。

蘇州府虎丘雲畊靖禪師上堂。我若不說破。恐汝不回頭。我若說破。又恐諸人日後罵我去。上堂。山僧若真正。舉揚河步亭。無汝著脚分。且抑下威光。隨汝根器。未說超宗異目。若知得虎丘山高一百三十尺。舍利塔是隋朝建立。也許汝有箇入處。甘心下劣。又爭怪得老僧。上堂。龍門無宿客。箇箇無退步。底道理。矮疎山三千里外賣布單。跛雲門被拶折脚。一等恁麼行脚。豈是等閒。不似汝輩只管悠悠過日。浴佛上堂。我觀如來前際。不來後際。不去今亦不住。且道大殿裡香湯沐浴。箇甚麼。若也會得。手中杓子拈放自由。其或未。然明年此日。依舊胡潑亂潑。上堂。冷如水。霜細如米末。水不能漂。火不能熱。王母畫下。

雲旗翻子。規夜啼山竹裂。上堂。古人道。依經解義。三世佛。冤離經一字。還同魔說。依與離。既不可得。畢竟如何。卓拄杖曰。漁人只看絲綸上。不見蘆華對蓼紅。上堂。拈拄杖曰。雲畊看山。翫水。拄杖子亦看山。翫水。雲畊渾身病苦。拄杖子亦渾身病苦。雲畊脫體輕安。拄杖子亦脫體輕安。卓拄杖曰。擘開華嶽。易除却愛憎難。

道場巖禪師法嗣

杭州府徑山虛堂智愚禪師。四明人。首參運菴。顏言下了。旨出世。嘉禾興聖。遷光孝。葵之寶林。明之顯孝。延福瑞巖。育王柏巖。杭之淨慈。咸淳末。被旨住徑山。歷住十剎。室中垂語曰。己眼未明。底因甚。將虛空作布衲著。畫地爲牢。因甚。透者箇。不過入海算沙。底因甚。向鍼鋒頭上翹足。僧問。聲前一句。不墮常機。轉位就功。如何。相見師曰。問訊不出手。曰。且道。天子萬年。又作麼生。師曰。瑞草生嘉運。靈華結早春。曰。直得九州四海雷動。風飛。師曰。出門惟恐不先到。上堂。春風如刀。春雨如膏。衲僧門下。何用切切。上堂言。

而足終日言而盡道言而不足終日言而盡物且道
道與物是一是二若道是一爲甚麼客山高主山低
若道是二怎奈云天地一指萬物一馬箇裡縑素得
出還你草鞋錢其或不然但願來年蠶麥熟羅睺羅
兒與一文 結夏上堂有一人曰消萬兩黃金同此
聖制只是無人識得若有人識得許伊曰消萬兩黃
金 上堂寶林初無門牆與人近傍亦不置之於無
何有之鄉只要諸人如鐵入土與土俱化然後可以
發越其如運糞入者吾末如之何 上堂舉松源臨
寂告衆曰久參兄弟正路上行者有只不能用黑豆
法臨濟之道將泯絕無聞傷哉師曰鷲峰老人大似
倚杖騎馬雖無僵仆之患未免旁觀者醜 晚住淨
慈入院日參徒問答次忽天使傳旨問趙州因甚八
十行脚虛堂因甚八十住山師乃舉趙州行脚到臨
濟話頌曰趙州八十行脚虛堂八十再住山別有
一機恢佛祖九重城裡動龍顏天使以頌回奏上大
悅 舉東寺示衆心不是佛智不是道劍去久矣爾
方刻舟話頌曰昨日因過竹院西鄰家穉子隔溪啼

山寒水肅半黃落無數歸鴉卜樹棲 舉大慈上堂
曰山僧不解答話祇解識病時有僧出慈便歸方丈
話頌曰輕如毫末重如山地角天涯去復還黃葉隕
時山骨露水邊依舊石生斑□□□十月初八日
示寂塔於徑山直嶺下曰天然高麗國嘗請師供養
八載問法弟子嘗隨千指嘉靖間王遣法嗣來山掃
塔

寧波府天童石帆衍禪師舉陸亘大夫問南泉何姓
泉曰姓王曰還有眷屬也無泉曰四臣不昧曰王居
何位泉曰玉殿蒼生曰玉殿蒼生時如何泉曰不居
正位話頌曰金鴨香消更漏深沉沉玉殿紫苔生高
空有月千門照大道無人獨自行 舉大顛擯首座
因緣頌曰一串摩尼觀面當機賺殺首座疑殺昌黎
弄盡許多窮伎倆春秋元自不曾知

金山開禪師法嗣

杭州府徑山石溪心月禪師西蜀眉州人舉僧問九
峰如何是學人自己峰曰更問阿誰曰便恁麼承當
時如何峰曰須彌還更戴須彌話頌曰自家冷煖自

家知祖意何須更問誰全體承當全體是須彌頂上
戴須彌。舉晦堂因黃山谷問捷徑處乞師指示堂
曰祇如仲尼道二三子以我爲隱乎吾無隱乎爾太
史居常如何理論谷擬對堂曰是不是谷迷悶不
已一日侍堂山行時方巖桂盛放堂曰太史聞木樨
香麼谷曰聞堂曰吾無隱乎爾谷釋然卽禮拜曰和
尙得恁麼老婆心切堂笑曰祇要公到家耳頌曰渠
儂家住白雲鄉南北東西路渺茫幾度欲歸歸未得
忽聞巖蕙送幽香。舉龐居士有男不婚有女不嫁
話頌曰收拾山雲海月情團圓鼻直眼眉橫龜毛拂
子兔角杖敲得虚空噪噪聲。舉龐公訪大同提策
籬因緣拈曰普濟把定被龐公痛處一錐直得左轉
右側前依後隨策籬提起處處相呼作舞時若言依樣
畫貓兒定把黃金鑄子期。僧問如何是佛師曰矮
子看戲。送僧還雙林偈曰未到雙林見舊遊眉橫
新月眼橫秋寒喧未舉宜先問因甚橋流水不流宋
□□□□六月初九日示寂

華藏通禪師法嗣

杭州府徑山虎舟普度禪師維揚江都史氏子稍長
無處俗意母識其志俾依郡之天寧出家會與畢將
運舟遇共語畢大奇之曰此兒短小精悍音吐如鐘
他日法門爪牙也携歸武林從東堂院祖信受業經
五年去參方初見鐵牛印於靈隱時無礙唱道薦福
師特往叩礙問不與萬法爲侶者是甚麼人師曰金
香爐下鐵崑崙礙曰將謂者矮子有長處師曲躬作
禮曰謝和尙證明天童晦巖光大慈石巖璉虎丘石
室廼相見皆器異。淳祐初出世金陵半山次遷潤
之金山潭之鹿苑撫之疎山蘇之承天景定間補天
竺旨陞靈隱咸淳乙丑詔住徑山上堂邪人說正法
正法悉皆邪正人說邪法邪法悉皆正卓拄杖曰邪
耶正耶又卓一卓曰說耶不說耶向者裡揀辨得出
黃金爲屋未爲貴玉食錦衣何足榮。上堂萬法是
心光諸緣惟性曉本無迷悟人只要今日了既無迷
悟了箇甚麼卓拄杖曰千言萬語無人會又逐流鶯
過短牆。上堂舉雲門示衆曰汝等諸人在此過夏
山僧深不欲向你道惜取眉毛好師曰雲門靈龜曳

尾拂跡跡生靈隱卽不然汝等諸人在此過夏山僧直截向你道口是福門。舉臨濟道有一人論劫在途中不離家舍有一人離家舍不在途中那箇合受人天供養話頌曰兔馬有角牛羊無角寸尺毫釐天地寥廓潘闐倒騎驢擲殺黃番綽住徑山值火餘志圖恢復將有緒俄示微恙索筆大書曰八十二年駕無底船踏翻歸去明月一天擲筆而逝時□□四月二十四日也全身塔寺東十里眾慮塢之陽

瑞巖岳禪師法嗣

蘇州府萬壽訥堂辯禪師上堂釋迦老子降誕王宮初生下來不妨令人疑著及乎道天上下天下唯吾獨尊敗闕了也後來冷地羞慚四十九年三百餘會救搭也救搭不來收拾也收拾不上諸仁者要見釋迦老子底敗闕處麼是非只爲多開口煩惱皆因強出頭上堂你也在者裡我也在者裡人夫交接兩得相見時清休唱太平歌一貫文羅三斗半米二貫五百文買一箇大絹好諸禪德雖然如此廚中有剩飯路上有饑人上堂僧問古德萬境來侵時如何德

曰坐却著古德有障斷狂瀾底手段未免勞心費力或有問金山萬境來侵時如何只向他道我既無心於萬物何妨萬物常圍繞上堂我若與你說破將後必然罵我我若不與你說破又恐你因循蹉過忽有箇漢出來道長老話墮了也只向他道老僧罪過寄無準偈曰鼈與猿交割不開兄呼弟應似忘懷及乎說到諸訛處又却心肝不帶來

蘇州府虎丘清溪義禪師送僧偈曰台山萬疊入眉青途路同行各奔程清曉鷄啼茅店月是誰先起喚師兄

雪竇謙禪師法嗣

蘇州府承天覺菴夢真禪師宣州人八歲爲僧十九受具二十行脚所見尊宿皆不能了決慕無準遂登徑山叩見每到室中輒戰怖且忘却話頭自此不去入室晝夜只是坐禪一日廊下行聞火板鳴有省自以爲得於是入室準問你是喫粥喫飯僧參禪學道僧師抗聲曰喫粥喫飯僧準曰更須飽喫始得師曰謝和尚供養自此只是看狗子無佛性話既無入作

處乃過雪竇。見大歇。歇問甚處來。師曰。徑山來。歇曰。火後事作麼。生師曰。五峰依舊。插天高。歇曰。那事還曾壞麼。師叉手向前曰。幸喜不曾動著。遂挂搭歸堂。一夜更深。舉首見琉璃燈。豁然大悟。從前所得一時冰消瓦解。次日入室。歇舉如何。是佛三脚驢子。弄蹄行聲未絕。師曰。一任踴跳。歇曰。甚處與楊岐相見。師曰。當面蹉過。歇曰。猶隔海在。師拍手呵呵大笑而出。久之。開法永慶。遷連雲。陞何山。主承天。上堂。將心學佛。攝入魔宮。擬心參禪。墮在陰界。直饒嫌佛不肯。做被拄杖子穿過。觸麼。恁麼。看來。直是無你用心處。拍案曰。携取詩書。歸舊隱。野花啼鳥一般春。上堂。庭前翠竹青青砌。下黃花鬱鬱喚作真。如體又是般。若用喚作般若。用又是真。如體忽有箇出來道。我見從上佛祖說了萬千體。用不似承天者。樣蹊蹊。莫是智過佛祖耶。杜撰臆說耶。卓拄杖曰。好向暮天沙上望。西風驚起鴈行斜。上堂。韶國師道通玄峯頂。不是人間心。外無法。滿目青山。大眾韶國師好箇頌子。只是打成兩橛。承天亦有箇頌。雙峨峰頂上是青天。

夜半捉烏鷄。伸手不見掌。喝一喝。上堂。三伏熱不似人心熱。行路險不似人心險。萬斛清風碧玉盤。不知誰共倚闌干。忽有箇出來道。長老正恁麼時。如何是祖師西來意。向他道。作賊人心虛。舉世尊初生雲門曰。我當時若見一棒打殺與狗子喫。貴圖天下太平。話頌曰。生來自恨錯同條。鐵鑄心肝也合消。還你獨尊三界內。奈何今日又明朝。至元間有賢首宗講主。奏請江南兩浙名利易爲華嚴教寺。奉旨南來抵承天。次日師陞座。博引華嚴旨要。縱橫放肆。問拆諸師論解。纖微若指諸掌。講主聞所未聞。大沾法益。且謂承天長老。尙如是矧。杭之鉅刹大宗師耶。因回奏遂寢前旨。

□□府慧巖象潭泳禪師。舉無著至五臺。與老翁喫茶。次翁拈起玻璃盞。問南方還有者箇麼。著曰。無翁曰。尋常將甚麼喫茶。著無對。因緣頌曰。五臺凝望思遲遲。白日青天被鬼迷。最苦一般難理會。玻璃盞子喫茶時。

一關溥禪師。舉馬祖。令僧問大梅曰。和尙見馬祖師。

得箇甚麼。便住此山。梅曰。大師道。卽心卽佛。我便向者裡住。因緣頌曰。只將馬祖鎗刀子。裂破縵天鐵網羅。碧沼夜敲荷葉雨。至今貧恨一身多。

台州府國清溪西澤禪師。普說其略曰。參玄上士。行脚高流。撥草瞻風。到一處所。便乃供下。入門口款。謂之生死事大。無常迅速。衆兄弟生死。若是有從古至今。無有一人能免生死。若是無爭。奈目前遷變。何生死亦有。亦無不有。不無當恁麼時。還有漏網底麼。既是走透無門。臘月三十日。撞到面前。畢竟如何。支準等是踏破草鞋。歲月飄忽。不可把玩。要須窮教去處。分明與前來入門口款相應始得。示衆便只恁麼歇去。則適來說出許多。絡索甚處。安著直饒諸人一時不受。打疊得淨盡。山僧却有箇古話。舉似諸人。記得長慶道淨。潔打疊了。却須近前來。就我覓有一棒到你。當生慙愧。無一棒到你。又作麼生。雪竇曰。淨潔打疊了。却須近前來。就我覓有一棒到你。則屈著你無一棒到你。與你平出二大老。好一棒未免作得失論。量天封則不然。淨潔打疊了。却須近前來。就我覓

有一棒到你。華鋪錦上。無一棒到你。霜加雪上。且道前頭爲人。後頭爲人。辨明得出。後次挂牌時。却來通吐一上。

寧波府雪竇霍山昭禪師。上堂。卽心卽佛。嘉眉果圓。懷裡有狀。非心非佛。筠筴衰虔。吉頭上插筆。不是心。不是佛。不是物。漳泉福建。頭匾似扇。只可聞名。不可見面。

淨慈道禪師法嗣

蘇州府禹壽高峰巖禪師。題初祖像曰。開旗展陣。入梁邦。未覩天顏。早已降縱。有神通難轉。欸翩翩一葦渡長江。

徑山範禪師法嗣

袁州府仰山雪巖祖欽禪師。一字慧朗。閩漳州人。五歲出家。十六薙染。十八行脚。初參雙林泊妙峰善石田薰諸老。無所發明。聞滅翁住淨慈。懷香請益。翁示臨濟三頓痛棒話。亦無所入。遂上徑山謁無準。銳志咨參。封被脇不至。席者數載。一日上蒲團。忽然面前豁開如地。陷時中淨。躲躲地靜悄悄地。浮逼逼地動。

相不生者半月餘。自茲坐定。礙膺十年。尋常入室。遇舉主人公話。便可打趺跳若教。舉起衲僧巴鼻。佛祖爪牙更無下口處。後同忠石梁過天目。擡眸見古栢觸著向來所得境界。和底一時颺下。礙膺之物始爆。然而散從此不疑生。不疑死。不疑佛。不疑祖。徹見徑山老人立地處。後出世潭之龍興。次遷湘西道林處。州佛日台州護聖。湖州光孝咸淳己巳。始主席仰山。上堂。少林一曲五傳。至於六祖。山深水寒。發太古之清音。調翻南嶽九世。至於慈明。唱高和峻。奏絕聽之希聲。所以佛法盛於江西。湖南恢恢然浩浩然。不可得而名焉。豈料三百年來。土曠人稀。道隨時變。黃鍾大呂寂而不作。鄭音衛響亦乃不聞。欽上座固無長處。既在浙江那畔。被一陣業風吹到潭州城裡。只得改腔換調。向十字街頭重翻此曲去也。且道是何節拍。擊拂子曰。萬年歡復舉趙州曰。金佛不度爐。木佛不度火。泥佛不度水。真佛內裡坐。師曰。揭示如來正體。發明向上宗猷。趙州固是好手。單是不合強生節目。新龍興見處。又且不然。金佛度爐。木佛度火。泥佛

度水。真佛。切忌話。忽有箇漢出來道。你恁麼正是強生節目。拍膝一下曰。將謂無人證明。上堂。一見便見。一得永得。展手曰。撒開兩手。大家看畢竟。明是何物。潭州內外有一十八座城門。白日行人。千萬萬往來。來一任東西南北。謝首座維那上堂。人天眼目。佛祖綱維。千差萬別。一以貫之。如何見得。克賓法戰不勝。南泉斬却猫兒。上堂。春日曉燒痕。青布穀催耕處。處鳴雖然底事。最分明。只是不得將眼看。并耳聽。何故。纔有一絲頭。便有一絲頭。上堂。石門巖嶮。玉峽潺湲。未到此間。不妨疑著。到則到矣。平展一句。又作麼生。古路鐵蛇橫。浴佛上堂。四月八生。悉達九龍。吐水浴金。驅雲門一棒要打殺。是大神。呪是大明。呪是無上。呪汝等諸人。還見黃面老子麼。以拄杖一時打散。上堂。杜鵑啼血。滿華枝底。事恩恩苦。勸歸歸到。故鄉還似客。村村綠暗與紅稀。函蓋乾坤句。隨波逐浪句。截斷衆流句。向者裡薦得。一串穿却楊岐驢子三隻脚。上堂。纔恁麼不恁麼。有來絲沒來絲。十里灘頭。廖胡子釣得一雙紅鱗錦。

尾放下却是條鯨。因甚如此斷岸孤舟。上堂落華三月雨。殘夢五更鐘。聲色都消盡。玄關又一重。却不得道更須直下盡底掀翻。何故須彌山。上堂是亦割非。亦割令下無私棒頭有眼。因思黃檗道汝等諸人與麼行脚。何處有今日。也是睦州擔板。上堂水不洗水。金不博金。青天白日。自古自今。山僧到者。裡直是插手不入。汝等諸人還信自己是仰山麼。曹溪波浪如相似。無限平人被陸沉。上堂道在日用日用不知。饑只喫飯。寒只添衣。晴天暖日。挂枯梨點檢。豁頭梅樹向陽偷放南枝。上堂春雨溟濛春雲變。驟忽然杲日當空。天不能遮。地不能載。正恁麼時。如來禪且置。祖師禪未在。因甚如此。只許參不許會上堂呼六爲五。破二作三。眼觀東北。意在西南。仰山門下却不用者般茶飯。何故佛法不怕爛。上堂純清絕點。正是眞常流注。打破鏡來。未免一場狼藉。不若遇飯喫飯。遇茶喫茶。曉來獨立空庭外。閒對寒梅幾樹花。上堂熏風自南來。殿閣生微涼。諸佛出身處。切忌錯商量。縱使言前薦得句。外承當。仰山敢道

未在何故。嫩竹敲風。鳴翡翠。菱荷翻雨。潑鴛鴦。上堂海水不可斗量。虛空不可尺度。淨地不可撒沙。爛泥不可著脚。者四轉語轉轉有落處。且道落在甚麼處。東京大相國寺裡有樹芭蕉。風吹雨打。一似破袈裟。上堂有句無句。如藤倚樹。白鷺下田。千點雪黃鸝上樹。一枝花。三千里外賣却布單。不遠而來。因甚放下泥盤。呵呵大笑。毗婆尸佛早留心。直至如今不得妙。上堂禪樹上。叫喧喧。道門前。風浩浩。冷地思量。眞好笑。且道笑箇甚麼。等閒拾得鄭州黎。看來却是青州棗。上堂箇事本成現。覓則不可見。白圭本無瑕。琢磨翻成玷。執之以實法。空中生閃電。視之爲等閒。脚下添紅綫。珍重學道人。好好看。方便作麼生。急須著眼看。看仙人。莫看仙人手中扇。僧問如何是德山棒。師曰穿過你。觸髅曰如何是臨濟喝。師曰還聞麼。問如何是滄仰宗。師曰父慈子孝。曰如何是臨濟宗。師曰迅雷不及掩耳。曰如何是曹洞宗。師曰三更不借夜。明簾曰如何是雲門宗。師曰體露金風。曰如何是法眼宗。師曰山自青。木自綠。曰五家宗派

蒙師指向上宗乘事。若何師曰：頭頂天，腳踏地。師憫綱宗失據，因爲提挈，拈頌激揚，敲唱見諦。超宗一時宗風爲之振起。元世祖賜賚尊禮，至元丁亥寄竹篋，璽拂及綠水青山，一同授記，與高峰原妙以讚示曰：上大今已無人，雪巖可知禮也。虛名塞破乾坤，分付原妙侍者，壽七十餘示宋。

續燈正統卷二十一

續燈正統卷二十二

南海普陀嗣祖沙門西蜀 性統 編集

臨濟宗

大鑑下第二十一世

徑山範禪師法嗣

杭州府淨慈斷橋妙倫禪師台州黃巖徐氏子。母劉夢月而孕。年十八落髮，永嘉廣慈院初見谷源道，於瑞巖聞舉麻三斤話，疑之。徧叩諸方，一日於雲居見山堂閱楞嚴，至蚊蟲螻蟻無有言說而能辦事，釋然。

有省曰：趙州栢樹子話可煞直截，然不以語人，旋謁無準於雪竇，準問從何處來，師曰：天台曰：還過得石梁橋麼？師曰：一腳踏斷了也。自是人呼爲斷橋。一日準以狗子因何有業識，令師下語，凡三十轉不契，師曰：可無方便乎？準以眞淨所頌示之，師竦然良久，聞板聲通身汗下，於是脫然無疑。準移育王雙徑，師皆分座出世。祇園遷瑞巖，國清後主淨慈。上堂：荊山有玉，獲得者不在荊山；赤水有珠，拾得者不在赤水。衲僧有無位眞人，證得者出入不在面門。薦拈拄杖橫按曰：會麼？幽州江口石人蹲。上堂：舉慈明室中安一盆水，盆上置一劍，劍畔安一繡草鞋，凡見僧來，便指擬議，便打。因緣頌曰：百華叢裡躍龍鞭，過俊逸風流有許多未第儒生。偷眼觀，滿懷無奈舊愁何。上堂：德山低頭夾山點頭，俱低頭豎起手指，頭玄沙築破脚，指頭拈拄杖曰：都來不出山，僧拄杖頭何以見得。卓拄杖曰：一葉落，天下秋。上堂：舉達觀穎曰：七佛是性，謙萬法是心奴。且道：主人翁在甚麼處？自喝曰：七佛已下出頭，又自諾曰：各自祇候。師曰：喚七佛爲

性。隸指萬法是心。奴達觀自謂有出身路。及乎自喝。自諾。又是奴隸邊事。主人翁何曾夢見大衆要見主人。翁麼。以拂子拂一拂。曰。曉來一陣春風。動開徧園林百樣華。將終與衆入室。罷作手書。辭諸山及魏國公公。饋藥不受。又使人問師。曰。師生天台。因甚死淨慈師。答曰。日出東方。夜落西。遂嗒然而化。世壽六十一。僧臘四十四。塔於□□□□。

寧波府天童西巖了慧禪師。蓬州羅氏子。垂髫與群兒戲。必喜爲佛塔像。一日。玉掌山祖燈至其舍。師向之合掌。父母以師資宿契。遂令出家。燈授以般舟三昧。非其志。辭往成都。謁環菴。照於昭覺。覺器之。屬令南詢。乃參浙翁琰於徑山。聞高原泉爲人徑直。往叩之。適原赴台之瑞巖。師與俱往。一日。原問山河大地。是有是無。師擬開口。原卽喝出。復以偈呈。原曰。沒交涉。師一日。偶書白楊示衆語。原閱之。笑曰。寫字與做言句。儘得爭奈。沒交涉。何師憤然。原曰。汝緣不在此。可往雪竇。見準公。師秉命造謁。自陳來歷。準呵曰。熟睡去。旣而令充不釐務侍者。一日。準謂師曰。覩不

透處。只在鼻尖頭道不著處。不離脣皮上討之。則千里萬里。師抗聲曰。將謂有多少。準遷育王。師侍行。盡得其要。逮準移徑山。師居第二座。蘇州牧節齋趙觀文。舉師開法定慧。次遷永嘉。能仁江州東林。後至天童。佛涅槃上堂。拈拄杖召衆曰。黃面瞿曇。乃竺乾猛將。以慈悲爲弓矢。以智慧爲戈矛。統百萬雄兵。勇不可當。布三百餘陣。勢不可敵。如是四十九年。演出五千餘卷兵書。雖流落人間。未嘗有一字漏泄。因與生死魔軍爲冤。爲對。遂於跋提河邊築一巨城。題名涅槃於其城中。先以紫磨金。驅犒賞諸兵。令其瞻仰取足。再三撫諭。而又散以八斛四斗珍珠。其謀意無他。必欲普與盡大地衆生。打破生死牢關。共行通天活路。得到大安隱。大解脫場。而後已。豈謂二千餘載。猶未遂其志。未奏其功。山僧旣知其力。盡計窮不免。拔劍相助去也。以拄杖畫一畫曰。四海浪平。龍睡穩。九天雲淨。鶴飛高。芙蓉長老至上堂。舉唐芙蓉訓。訪實性大師實性上堂。右邊拈拄杖。向左邊曰。若不是芙蓉師兄也。大難委悉。話頭曰。陪盡老精神。杯盤

越樣新誰知村店酒難勸玉樓人。舉渤潭常面壁坐南泉。至乃撫常背。常曰阿誰。泉曰普願。常曰如何。泉曰也尋常。常曰汝何多事。因緣頌曰面壁堆危引客過。問誰那更問如何。道尋常已成多事。檢點儂家事更多。依妙峰於靈隱時。嘗題兩廊畫壁曰。幸是十方無壁落。誰將五彩畫。虛空善財眼裡生。華賢去却一重又一重。晚年退居幻智菴。將終戒執事已。問曰。今何時。對曰。二鼓矣。遂放身而逝。實宋理宗景定壬戌三月十一日也。壽六十五。夏四十七。

杭州府靈隱退耕寧禪師。初住嘉興崇聖。次遷蘇之報恩。慧曰。承天萬壽。後遷靈隱。上堂曰。前無法意在目前。雨餘山色翠。風暖鳥聲喧。拍禪牀曰。堪笑老胡無轉智。少室峰前坐九年。上堂舉石門。因僧問。年窮歲盡時如何。門曰。東村王老夜燒錢。師曰。王老燒錢。言端語端。綿包特石。鐵裏泥團。上堂極目千峰鎖。翠滿空柳絮飛。綿可憐。無位真人一向草宿露眠。啞三春看又過。何日是歸年。舉僧問趙州和尚。何姓。州曰。常州有。曰。甲子多少。州曰。蘇州有。頌曰。蘇州

有常州。有三月江南啼鷓鴣。堪笑有年無德漢。被人拶著強分疎。舉巖頭問欽山。如何是真言。欽曰。南無佛陀耶。頌曰。隨機有問隨機答。不是禪兮不是玄。後代無端翻譯出。却將梵語作唐言。

寧波府天童別山祖智禪師。蜀順慶楊氏子。年十四得度。初聞僧誦華嚴彌勒樓閣入已還。閉遂恍如夢覺。便得頌靈雲見桃花。因緣有萬綠叢中紅一點。幾人歡喜幾人愁。之句。徧叩浙翁琰。無際派高原泉。淳菴淨妙峰善諸老。最後見無準於雪竇。準知是法器。待之彌峻。時或棒喝交下一語。不少貸。師擬對輒噤。不能發。緣是知解都喪。久之作而言曰。吾生平伎倆。皆死法也。今見此翁。始行活路。既而準移徑山。命師分座。宋嘉熙戊戌。出住洞庭天。王寶祐丙辰。天童煥州帥吳公潛奏師。道行師被旨。携一囊一盞。至縛郭以居。寧郡久不雨。師禱之。輒應。緣是人情奔湊。不三年。百廢具舉。天童始還舊觀。上堂舉世尊將入涅槃。文殊請再轉法輪。世尊咄曰。吾四十九年未嘗說一字。汝請吾再轉法輪。是吾曾轉法輪耶。公案頌曰。

老漢平生大脫空。將無作有誑盲聾。臨行一語方眞實。也是閻黎飯後鐘。景定庚申九月旦。忽示衆曰。雲澹月華新。木脫山露骨。有天有地來。幾箇眼睛活。有省問者。師曰。不及相見。各自努力。越十日。夜分呼侍者。囑後事。叉手而寂。壽六十有八。夏五十四。塔全身於中峰密菴。窣堵波之右。

福州府雪峰環溪一禪師。舉大通智勝佛十劫坐道場。佛法不現前。不得成佛道。話頌曰。劫初鑄就毗盧印。古篆雕蟲尙宛然。堪笑堪悲人不識。却嫌字畫不完全。題慈布袋讚曰。逢人乞一文。袋裡敵國富。不是下生遲。嫌佛不肯做。舉卽心卽佛話頌曰。卽心卽佛。砒霜狼毒起死回生。不消一服。

寧波府天童月坡明禪師。舉僧問雲門。久雨不晴時。如何。門曰。割師頌曰。雲門者。一割吹毛。光透匣。若不是張華。徒勞眼眨。舉良遂參麻谷。因緣頌曰。携鋤不顧。便好回去。誰人敢道。你是座主。舉離四句絕百非話頌曰。離四句絕百非。遍相推過。幾曾知者。僧擔一擔。懣懣。換得兩頭泥。渾歸。舉薰風自南來。

殿閣生微涼。公案頌曰。賣扇老婆手遮日。一種風流。出當家。說與途中未歸客。何須向外喫波吒。

寧波府雪竇希叟紹曇禪師。西蜀人。出世佛隴上堂。僧問。向上宗乘事。若何。師曰。簷頭滴。滴分明歷。歷乃曰。西子湖邊泛渺茫。一堤寒綠鎖垂楊。誰知業債難逃。避開眼。隨人入鑊湯。到者裡。如何。卽得擬欲爛熳黃。獨不顧紫泥未免蹈古人脚。跡擬欲關空鎖夢塞路斷。橋又恐坐在葛藤窠裡。不如隨分納些些。俯順時宜去也。拈拄杖曰。豎窮三際。橫亘十方。靠拄杖曰。碧眼黃頭。會不得野梅風。定暗浮香。上堂。三月春云暮。韶華似酒濃。鶯啼楊柳雨。蝶弄海棠風。若作境會過山尋蟻迹。不作境會度水覓魚蹤。畢竟如何。故鄉歸路遠。日暮泣途窮。住雪竇上堂。一宿覺。二擔土脚未踏門。丰骨已露等閒舉。一步危徑結寒華。信彩示一機。斷崖飛瀑布。雖然要跨乳峰門。卽易要入乳峰室。卽難何故。鴻飛冥冥。弋人何慕。上堂。發得一機活。出得一言當。萬里無片雲。青天合喫棒。不待春風著意開。暗香已在梅花上。舉僧問南泉。師居

方丈將何指南泉曰昨夜三更失却牛天明起來失却火話頌曰奴顏婢膝走人間羞見羊裘七里灘文叔雖爲天子貴子陵元作故我看寄天童偈曰翁翁八十再生牙爛嚼虛空吐出查撒向玲瓏巖畔樹枝枝葉葉是曇華

福州府雪峰絕岸可湘禪師舉僧問曹山雪覆千山爲甚麼孤峰不白山曰須知有異中異曰如何是異中異山曰不墮諸山色頌曰言中彼此帶幽玄盡向言中辨正偏孤負一條官驛路茫茫沉在月明前舉僧問歸宗如何是玄旨宗曰無人能會曰向者如何宗曰有向卽乖曰不向者如何宗曰誰求玄旨又曰去無汝用心處曰豈無方便門令學人得入宗曰觀音妙智力能救世間苦曰如何是觀音妙智力宗敲鼎蓋三下曰子還聞麼曰聞宗曰我何不聞僧無語宗以棒趁下頌曰三聲鼎蓋普門開苦海勞生喚不回九十春光今已半空飛華片點莓苔漁浦接待偈曰吳山那畔越山前有飯充饑有榻眠到此便能休歇去帝鄉猶隔一潮船

紹興府光孝石室輝禪師上堂舉城東老姥與佛同生不欲見佛公案頌曰平生不願佛相逢十指尖頭現紺容夾路桃花風雨後馬蹄何處避殘紅

台州府國清靈叟源禪師上堂舉僧問趙州眞如凡聖皆是夢言如何是眞言州曰俺部臨陵師曰趙州禪只在口皮邊看他與麼也是喚鐘作甕忽有問國清却向他道饑時但喫飯且道與古人是同是別良久曰西天梵語此土唐言上堂炎自炎涼自涼法無二法不用商量只如人人鼻孔在面上則固是知有我更問你別沼荷香何似深村稻香防意如城偈曰六門長鎖舊封疆已是攀緣萬慮忘昨夜貧家忽遭劫元來禍起自蕭牆守口如瓶偈曰明明只在鼻孔下動著無非是禍門直下放教如木揆青天白日怒雷奔

九江府廬山東林指南直禪師送僧還成都偈曰智不到處道一句一句當機便到家宿鷺亭前風擺柳錦官城畔雨催華

靈隱薰禪師法嗣

杭州府淨慈愚極慧禪師參石田於靈隱。一日室中舉雲門念七話。連舉十數轉。無人下語。忽有一僧纔跨門。田遽曰。雪峰輓毬師侍旁。豁然領情。遂衝口說偈曰。雲門念七。雪峰輓毬。白蘋紅蓼。明月孤舟。田頌之。住北禪曰。謝劍南儒藏主雲谷慶藏主無則珍藏主上堂。舉白雲開堂拈香曰。衆中衣盃道友。有一言半句利益我者。同伸報謝。山僧乍住二三故人。遠來相訪。又非一言半句者。比豈無片香。以爲供養。燒楓香是著菩提。邊事燒黃熟是著說佛。說祖邊事而今猛熾。一爐也要盡大地人知道。浙西管內嘉興府川原道地。且道燒底是甚麼香。良久曰。不下閣。送寧禪人偈曰。心未寧時爲汝安。落花小雨釀春寒。斷橋流水孤山路。楊柳絲絲拂畫欄。杭州府中竺雪屋珂禪師上堂。枯桑知天風。海水知天寒。且道納僧知箇甚麼。知道飯是米。做直饒恁麼。閻羅老子索飯錢。有日在。師以宋鼎旣遷。卽謝寺事。金山賢默菴雅和師且尊其道行時。元兵下江南。默菴被總兵伯顏脇置幕中。從至武林。默菴言於伯

顏請師住靈隱。親持請疏扣門。師抽關露半面。問曰。汝爲誰。默菴曰。和尚故人某甲也。師落關曰。我不識你。蓋師雖處世外。而以忠節自持。故不屑靈隱之命。斷江恩有詩曰。雪屋今亡四十年。高風凜凜尙依然。伯顏丞相拜牀下。不肯爲渠來冷泉。

徑山冲禪師法嗣

福州府神光北山隆禪師示衆。卽心卽佛。有水有竹。屋便好。非心非佛。不襪不冠。身自繇。不是心。不是佛。不是物。閒倚闌干立。清曉紅芭蕉。引碧牽牛。禮鏡清塔偈曰。慣問門前甚麼聲。池蛙笑汝自蛙鳴。年來荒却天華寺。正令方纔一半行。

□□府高臺。此山應禪師上堂。舉大隨菴側有一龜。僧問。一切衆生。皮裹骨者。箇衆生因甚。骨裹皮。隨拈草履覆龜背。上僧無語。師頌曰。休將皮骨強分張。得六藏時。且六藏隻履盡。情都蓋了。者僧無事可思量。寧波府天童簡翁敬禪師上堂。舉大梅卽心卽佛話。頌曰。郎心葉薄。妾水清。郎說黃金妾不應。假使偶然通一笑。半生誰信守孤燈。學文殊問菴。提遮女生。以何爲義。話頌曰。問處分明答處端。當機覩面不相

設死生生死元無際月上青天玉一團

育王照禪師法嗣

湖州府道場龍源介清禪師福州長溪王氏子得度於義興法藏齊造育王謁寂窓入室契旨典侍司復掌藏鑰出世四明壽國遷開壽遷道場上堂三春云暮綠暗紅稀動爲境轉靜爲法迷不以色蓋不以聲騎風前閒聽杜鵑啼上堂終日忙忙那事無妨顯而不露隱而不藏大衆且道如何是隱而不藏底道理玉梅結子浮青樹石筍抽條上綠窓

大鑑下第二十二世

育王珙禪師法嗣

蘇州府崑山薦嚴竺元妙道禪師寧海陳氏子幼患右目母携禱觀音像師仰見像之右目有小蛛窠乃爲揭去目患遂愈父母以爲於佛有緣俾投杭之六和正嚴得度嚴令學百法論師曰一法不學學百法乎遂謁育王橫川珙一日聞舉乾屎橛話豁然大悟呈偈曰雲門乾屎橛光明照十方鄮峰纔發足五日到錢塘珙謂衆曰此子再來人也至元己丑出主邑

之慈源遷崑山薦嚴一晚與衆會茶舉東坡訪玉泉泉問大儒高姓士曰姓秤泉曰是甚麼秤士曰稱天下長老底秤泉喝一喝曰且道者一喝重多少士無語師命衆代語時別源源遽起剪燭了堂一咳嗽一聲師笑曰源藏主剪燭一侍者咳嗽一僧請師自代師曰泊不過此又一晚新古帆上方丈請益趙州無字話師厲聲曰夜深下去古帆歸堂惡發曰不與我說便休何用見瞋或以告師師曰他向後自悟去在古帆聞之當下廓然仁宗詔陞黃巖鴻福賜號定慧圓明延祐丙辰淨慈靈隱兩刹爭欲致之俱不就年逾七十懷紫籙之幽絕乃往終焉

江寧府保寧古林清茂禪師年十三爲大僧聆老宿舉高菴勸僧語不覺洩淚交下乃知有出生死超聖凡一著子淬志參訪徧歷門庭橫川居育王師往叩鎚拂之下始知觸淨出世吳之開元遷鄱陽永福後主金陵保寧上堂僧問毛吞巨海芥納須彌是禪僧分上事不是禪僧分上事師曰拈却門前大案山日鯨吞海水盡露出珊瑚枝師曰金剛腦後鐵蒺藜

曰只如教中道我得無諍三昧人中最爲第一如何是無諍三昧師曰放你三十棒曰仁義盡從貧處斷世情偏向有錢家師曰知恩者少負恩者多問記得昔日舉上座到瑯琊問近離甚處舉曰兩浙瑯琊曰船來陸來舉曰船來瑯琊曰船在甚處舉曰埠下意旨如何師曰開口見膽曰瑯琊云不涉程途一句作麼生道如何是不涉程途底句師曰前不構村後不迭店曰只如舉上座以坐具據云杜撰長老如麻似粟又作麼生師曰焦頭打著連底凍曰後來瑯琊問侍者此是甚麼人者曰舉上座瑯琊遂親下且過問云莫是學師叔麼莫怪適來相觸忤作麼生是觸忤處師曰爛泥裡有刺曰舉喝云長老何年到汾陽我在浙中早聞你名見解如此何得名喧宇宙瑯琊遂作禮曰某甲罪過那裡是他罪過處師曰若不登樓望焉知滄海深曰後來大慧道二老相見如日月麗天龍象蹴踏未審還端的也無師曰土上加泥又一重曰瑯琊後遇慈明舉此話明曰舉見處纔能自了而汝負墮如何爲人爲復肯伊不肯伊師曰一點水墨

兩處成龍曰可謂龍得水時添意氣虎逢山勢長威獅師曰無人處斫額望汝問如何是佛師曰釘釘膠黏曰如何是祖師西來意師曰蟻子不食鐵曰如何是正中偏師曰草滿法堂曰如何是偏中正師曰苔封古殿曰如何是正中來師曰獼猴帶席帽曰如何是兼中至師曰日上月下曰如何是兼中到師曰截水停輪曰五位君臣蒙指示夜明簾外事如何師曰趁曉不歸家黃昏候日出上堂若說佛法供養大衆未免鬚眉墮落若說世法供養大衆入地獄如箭射去此二途畢竟說箇甚麼三寸舌頭無用處一雙空手不成拳小參舉僧問靈雲如何是佛法大意靈曰臨鵝砧井底種林檎僧曰學人不會靈曰今年桃李貴一顆值千金大慧道者箇公案從古至今無人拈出山僧不惜口業更爲諸人註破臨鵝砧臨鵝砧井底種林檎今年桃李貴一顆值千金師曰大衆靈雲答者僧話且道與臨濟在黃檗問佛法的的大意三度喫六十拄杖是同是別若道是同法無同相若道是別佛法豈有兩般常愛大慧道我者裡蚌

蛤禪開著口便見心肝五臟只者便是雖然也是大都城裡撮馬糞漢。小參古人道九旬禁足魚遊網三月安居鳥入籠生殺盡時蠶作繭如何透得者三重卓拄杖曰將成九仞之山不進一簣之士。開元入寺小參舉雪峰問德山從上諸聖以何法示人山曰我宗無語句亦無一法爲人後有僧問雪峰和尚見德山得箇甚麼便休去峰曰我當時空手去空手歸五祖拈曰如今說向透未過者有兩人從東京來問伊近離何處却曰蘇州便問蘇州事如何伊曰一切尋常雖然謾山僧不過何故只爲語音不同畢竟如何蘇州羨邵伯藕師曰從門入者不是家珍自己流來還同瓦礫老東山依模脫鑿殊不知二大老正是食飽傷心雖然既是東京來因甚却說蘇州話上堂舉洞山冬夜喫菓子次問秦首座曰有一物上拄天下拄地黑似漆常在動用中動用中收不得過在甚麼處秦曰過在動用中山遂喚侍者掇退菓子桌師曰者箇說話在今諸方每至冬夜未嘗不拈出註解一上然於正文未嘗道著一句有底道洞山只見

錐頭利不見鑿頭方抑屈人作麼有底道秦首座不得菓子喫要且盡大地人皆不得喫成人者少敗人者多殊不知洞山有偏正回互不犯底手脚直饒秦首座道不在動用中也不得他菓子喫在良久曰水流黃葉來何處牛帶寒鴉過別村。除夕小參今夜年盡月盡日盡世事悠悠何時是盡明朝年新月新日新千變萬化又見重新所以道窮則變變則通垂釣四海只釣獐龍三千威儀八萬細行諸人固是不知若得聲和響順各守祖父田園知道飯是米做免向瞎驢邊滅却吾宗卓拄杖曰從前汗馬無人識只要重論蓋代功。永福入寺小參紅塵鬧市十字街頭百草頭邊孤峰頂上若作佛法商量入地獄如箭射直得萬機休罷千聖不携聲前非聲色後非色檢點將來正是髑髏前妄想偈使打破髑髏揭却腦蓋踢倒須彌踏翻大海脚跟下推勘得出也是落七落八通方上士出格高人除非自作生涯終不守他窠窟現前大眾冀善參詳山僧二千里水陸間關來此聚頭不爲別事。冬至重建寢堂小參豁開戶牖重

新舊日規模。當軒者誰坐。斷聖凡途轍。碧眼胡僧。措釋迦彌勒。猶是他奴。燈籠露柱。掀眉文殊。普賢權作走使。描不成畫不就。撲落非他物。華簇簇錦簇簇。縱橫不是塵。連得便去。山河并大地。踏著便瞋。全露法王身。自古自今。說玄說妙。縑素不分者。如稻麻竹。葦就理就事。變通逸格者。能有幾人。伶俐漢沒窠臼。知是般事。便休且道。知底是甚麼事。寒來暑往。陰極陽生。庭前玉樹華開。早也勝東山水上行。卓拄杖喝一喝。上堂舉育王夜參曰。少室無門戶。如何便得。通夜深寧耐。立聽我話。西東師召大眾。也有權也有實。也有照也有用。只是不得恁麼會珍重。除夕小參。一年三百六十日。今夜方始到頭。是汝諸人於自己。分上事。亦須知有到頭時節。若未得到頭。直須向前決擇。豈不見大隨參七十餘員。善知識具大眼目者。只一二人。且如何是具大眼目者。五祖海上參尋數十員尊宿。泊至浮山圓鑑會中。直是開口不得。後到白雲。敲破一箇鐵酸餚。方得百味具足。遂云。華發鷄冠媚。早秋誰人解染紫。絲頭有時風動頻。倚似

向堦前。關不休。喝一喝曰。修心未到無心地。萬種千般逐水流。保寧入院小參。當軒大坐。百市千重一句。全提該天。括地。佛眼覷不見。海口難宣。今古不同途。凡聖罔測。直得麒麟現。瑞鳳凰來。儀山色呈祥人。煙襖還其奈。梁竇公蹉過。達磨雖曰觀音。大士傳佛心印。畢竟不識者。箇消息是汝諸人。還猛省麼。卓拄杖曰。若不同牀睡。焉知被底穿。小參舉死心示衆曰。行脚高人。解開盜囊。卸却包笠。去却藥忌。一人所在也。須到半人所在也。須到無人所在也。須親到師曰者。般說話。如黑石蜜中。邊皆甜。雖然不因夜來。鴈爭見海門秋。除夕小參。今宵歲盡。何曾盡明日。年來實不來。三十六旬如轉轂。幾番潮去又潮回。機輪轉處。掣電猶迷。大用現前。誰當辨的。廓情塵於未兆。忘至理於言詮。人人鼻孔。撩天各各。安家樂業。文殊普賢。起佛見法。見貶向二鐵圍山。燈籠露柱。突出金剛眼睛。呵呵大笑。麻三斤。乾屎橛。諸人若作佛法商量。入地獄如箭射到者。裡言思道。斷心行處滅。一種平懷。泯然自盡。正與麼時。如何良久曰。東風昨夜消

殘雪枯樹枝頭又著花。結制小參明日結夏來臨。只管悠悠過日。及乎打鼓陞堂。直是思量不出。諸人簇簇上來。未免將南作北。七佛以前。初無者箇消息。七佛以後。雖有者箇消息。終是不能圓悟。如來無上菩提。不能證入。圓覺伽藍。身心安居。平等性智。以致諸人九十日內。惟務口體。不務修持。背覺合塵。虛延歲月。五祖道達。磨大師信。脚來信口。道後代兒孫。翻成計較。計較得成。天清地寧。雲門扇子。踣跳上三十三天。築著帝釋鼻。孔東海鯉魚。打一棒。雨似盆傾。楚鷄不是丹山鳳。愛向梧桐樹上鳴。嘗垂示曰。向上更有事在。露出獅子爪牙。其間別有商量。未免當門按劍。只者靈鋒。阿誰敢擬。師辭鋒峻。拔手眼。卓越應菴而後。師始第一人。乎骨續宗門。統要示寂保寧。紹興府天衣斷江覺恩禪師。慈溪顧氏子。依雲門廣孝祝髮。從明之延慶。聞習四教。儀七日能通。聞嘆異往。參育王橫川室中機。契掌內記。德業日彰。一時賢士大夫。皆樂與之遊。出世。蘇之天平。後遷開元。及明之保福。越之天衣。一日室中衆侍立。次忽扶杖而言。

曰。老僧嵌空倚杖。藜分。明畫出。須菩提。顧左右曰。會麼。良久。擲下拄杖。倚蒲團而逝。

淨慈鞏禪師法嗣

杭州府靈隱東嶼德海禪師。台州臨海陳氏子。年十四。從蜀僧安石出家。參石林鞏。鞏於承天林間。如何是汝自己。師擬議。林便推出。師懷疑。一日入室。林問。盡大地是金剛正體。何處著上座。師擬對。林便打。從此徹證。林遷淨慈。命居侍司。一日室中舉國師三喚侍者。話師曰。不是。失却猫兒。定是失却狗子。林曰。是狐。負是不孤。負師曰。瞞人自瞞。林以竹筴擊之曰。亢吾宗者。海子也。至元庚寅。出世天台寒巖。大德乙巳。遷姑蘇寒山。至大己酉。再遷崑山東禪。辛亥。敕賜金襴法衣。皇慶癸丑。復遷中竺。延祐乙卯。詔主淨慈。至山門曰。清淨慈門。一湖秋水。入得入不得。虎蛟大蟲。蛇吞鼈鼻。室中垂語曰。手握利刃劍。因甚。糊獃子不死。嚙破鐵酸餡。因甚。路上有饑人。魚以水爲命。因甚。死在水中。衆答皆不契。嘗頌俱胝。豎指。因緣曰。深深無底。高高絕攀。思之轉遠。尋之復難。泰定乙丑。復遷。

靈隱丁卯九月示微疾召弟子付囑訖跏趺而化世壽七十二僧臘五十八帝嘗賜號明宗慧忍禪師塔於育王後山之麓

嘉興府天寧竺雲景曇禪師浦江嚴氏子久依石林後住婺之治平蘇之北禪禾之天寧上堂金烏東上玉兔西沉伶俐衲子東討西尋忽然撞破虛空曠劫只在如今卓拄杖下座僧問三賢未達十聖難知如何是此宗師曰無孔笛豈拍板曰知音者誰師曰聾人爭得聞曰也知和尚慣有此機師曰鷄子過新羅問如何是涅槃心師曰須彌山曰如何是差別智師曰四大海

蘇州府虎丘東州壽永禪師送僧偈曰動靜無非一大禪何須更透未生前故園千里今歸去陸有征途水有船舉張約齋入道話頌曰一擊鐘聲透耳根三千刹海一時昏賊從赤肉團邊去明日依然不離門

徑山愚禪師法嗣

蘇州府虎丘閒極雲禪師久依虛堂於徑山居第一座一日寶葉源請益虎堂德山末後句曰苦謂之有

德山焉得不會若謂之無巖頭又道德山未會乞和尚慈悲指示堂曰我不會汝去問首座源詣師值師遊山歸索水濯足源亟進水復委身為師摩挲因仰面舉前話叩之師乃掬水澆潑曰有甚麼末後句源不契復上見堂堂曰首座如何向汝道源舉似前話堂曰那那我向你道他會得源於是釋然領旨舉興化酬唐莊宗中原寶價因緣頌曰君王寶自難酬價興化何曾敢借看天地既無私蓋載至今留得鎮中原舉陸亘問南泉弟子家中一片石也曾坐也曾臥擬鐫作佛得麼泉曰得亘曰莫不得麼泉曰不得因緣頌曰坐臥曾經幾度春半封苔蘚半籠雲無稜無縫難提掇空把肝腸說向人

紹興府定水寶葉妙源禪師象山陳氏子秉具觀方遇僧流逐物遺道者則憂見於色虛堂以不肯下吳潛潛怒繫之獄以辱之師奉事惟謹有疑輒問隨問而解久之廓然一日虛堂曰源乎汝今太平矣及堂領徑山俾師首衆後出主平江薦嚴遷泉州水陸次遷定水舉世尊五通仙人因緣頌曰那一通你問我

口是禍門。招因帶果。慚愧慈悲大法王。丙丁離壬不屬火。上堂舉張拙參石霜霜問秀才高姓曰。姓張名拙。霜曰。者裡覓巧。尙不可得。拙自何來。拙言下大悟。話頌曰。進前峭壁三千丈。退後懸崖十萬重。珍重。天唐張拙。老鐵鎚無縫舞春風。後居雲頂。以至元辛巳。示寂。塔雲頂。世壽七十有五。

徑山月禪師法嗣

□□府南叟茂禪師。舉嚴頭擺渡婆子。拋兒話頌曰。鄂渚渡邊窮鬼子。全機錯在扣舷時。何如別下一轉語。救取婆婆第七兒。舉夾山參船子話頌曰。無相無瑕。便倒戈只因輕信智頭陀。若還不到華亭上。鐵鑄船橈奈汝何。舉龐居士下橋喫撲靈照相扶話頌曰。孝順藏忤逆。人前醜莫遮。今生親骨肉。宿世惡冤家。

徑山度禪師法嗣

杭州府徑山虎巖淨伏禪師。淮安人。至元間嘗召見。有偈進上。其略曰。過去諸如來。安住祕密藏。現在十方佛。成道轉法輪。未來諸世尊。一切衆生是由妄想。

執著結煩惱。蓋纏迷成六道身。枉受三塗苦。惟念過現佛不敬。未來尊與佛結冤讐。或烹宰殺害。不了衆生相。全是法性身。昔有常不輕禮拜於一切。言我不輕汝。汝等當作佛。若能念自他同是未來佛。現世增福壽。生生佛國上。覽大悅。問從上帝王有戒殺者。否。師曰。宋仁宗一日語羣臣曰。朕夜來饑甚。思欲燒羊。因慮後來遂爲常例。寧耐一時之饑。不忍啓無窮之殺。羣臣皆呼萬歲。上嘉納。即受帝師戒。寧波府天童竺西坦禪師。問僧從何方來。曰。金鷲師曰。金鷲山高多少。僧曰。不見頂。師呵斥之。一日陞座。舉世尊拈華公案。其僧言下有省。

續燈正統卷之二十二

續燈正統卷二十三

南海普陀嗣祖沙門西蜀 性統 編集

臨濟宗

大鑑下第二十二世

仰山欽禪師法嗣

杭州府西天目山高峰原妙禪師吳江徐氏子母夢
僧乘舟投宿而孕纔離襁褓即喜跌坐年十五投嘉
禾密印寺出家十六薙髮十七受具二十二首謁斷
橋倫倫令參生從何來死從何去話於是脇不至席
口體俱忘雪巖寓北磻師懷香往謁方問訊即被打
出閉却門再往始得親近令看趙州無字巖一日忽
問阿誰與你挖箇死屍來聲未絕便打如是者不知
其幾會巖赴南明師上雙徑夢中忽憶斷橋室中所
學萬法歸一一歸何處話疑情頓發時值少林忌隨
衆諷經次擡頭觀五祖眞讚曰百年三萬六千朝反
覆元來是者漢驀然打破挖死屍之疑解夏詣南明
巖一見便問阿誰與你挖箇死屍到者禪師便喝巖
拈棒師把住曰今日打原妙不得巖曰爲甚打不得

師拂袖便出翌日巖問萬法歸一一歸何處師曰狗
舐熱油鑊巖曰你那裡學得者虎頭來師曰正要和
尙疑著巖休去過雪竇見希叟雲雲問那裡來師拋
下蒲團雲曰狗子無佛性上座作麼生師曰拋出大
家看雲乃自送歸堂及巖挂牌道場開法天寧師皆
隨侍一日巖問日間浩浩時作得主麼師曰作得主
睡夢中作得主麼師曰作得主正睡著無夢無想無
見無聞時主在甚麼處師無語巖囑曰從今日去也
不要你學佛學法也不要你窮古窮今但只饑來喫
飯困來打眠纔覺來却抖擻精神我者一覺主人公
畢竟在甚麼處安身立命師遂奮志入龍巖越五載
因同宿僧推枕墮地作聲廓然大徹自謂如泗州見
大聖遠客還故鄉元來只是舊時人不改舊時行履
處德祐丙子春入西天目之師子巖即洞營小室丈
許榜曰死關後出住師子院 開堂僧問十方同聚
會箇箇學無爲此是選佛場心空及第歸龐居士恁
麼道還有爲人處也無師曰有曰畢竟在那一句師
曰試從頭問看曰如何是十方同聚會師曰龍蛇混

雜凡聖交參曰如何是箇箇學無爲師曰口吞佛祖眼蓋乾坤曰如何是選佛場師曰東西十萬南北八千曰如何是心空及第歸師曰動容揚古路不墮悄然機曰恁麼則言言見諦句句朝宗師曰你甚處見得僧喝師曰也是掉棒打月曰此事且止只如西峰今日十方聚會選佛場開畢竟有何祥瑞師曰山河大地萬象森羅情與無情悉皆成佛曰旣皆成佛因甚學人不成佛師曰你若成佛爭教大地成佛曰畢竟學人過在甚麼處師曰湘之南潭之北曰還許學人懺悔也無師曰禮拜著僧禮拜師曰師子較人韓獪逐塊示衆百千諸佛歷代祖師乃至天下老和尚以拂子擊禪牀曰總向者裡墮坑落塹還有跳得出底麼又擊一下曰三生六十劫上堂無邊刹境自他不隔於毫端十世古今始終不離於當念只如山僧每日在張公洞裡橫眠豎睡或歌或咏諸人還知麼諸人每日在選佛場中東行西行或瞋或喜山僧還知麼若也彼此知得不免分身碓搗拔舌犁耕若也彼此不知管取釋迦拱手彌勒歸依因甚如此

不見道知之一字衆禍之門上堂萬法歸一一歸何處乃顧視左右便下座上堂盡十方世界是箇盜孟諸人喫粥喫飯也在裡許屙屎放尿也在裡許行住坐臥乃至一動一靜總在裡許若也識得達磨大師只與你做箇洗脚奴子若也不識二時粥飯將甚麼喫參結制上堂大限九旬小限七日龔中有細細中有密密密無間纖塵不立正恁麼時銀山鐵壁進則無門退之則失如墮萬丈深坑四面懸崖荊棘切須猛烈英雄直下翻身跳出若還一念遲疑佛亦救你不得此是最上玄門普請大家著力山僧雖則不管閒非越例與諸人通箇消息㊀㊁㊂雪巖忌拈香昔年瞎却我眼今朝穿却你鼻冤冤相報無休莫若克己復禮遂插香以袖掩面作哭聲復以坐具搭左肩上作女人拜曰非惟和光同塵免得遞相鈍置室中垂語曰大徹底人本脫生死因甚命根不斷佛祖公案只是一箇道理因甚有明與不明大修行人當遵佛行因甚不守毗尼果日當空無私不照因甚被片雲遮却人人有箇影子寸步不離因

甚踏不著盡大地是火坑。得何三昧。不被燒却。元貞乙未十二月初一日黎明。陞座辭衆曰。西峰三十年。妄談般若。罪犯彌天。末後有一句子。不敢累及諸人。自領去也。衆中還有知落處者麼。良久曰。毫釐有差。天地懸隔。辰巳間復說偈曰。來不入死關。去不出死關。鐵蛇鑽入海。撞倒須彌山。泊然而寂。遺命塔全身於死關。壽五十八臘四十三。

衡州府靈雲鐵牛。持定禪師太和。磻溪王氏子故宋尙書贊九世孫幼清。苦剛介。有塵外志。年三十謁西峰。宵菴得聞別傳旨。尋依雪巖。居槽廠。服杜多行。一日嚴示衆曰。兄弟家做工夫。若也七晝夜一念無間。無箇入處。斫取老僧頭。做箇屎杓師。默領勵精奮發。單持正念。目不交睫者七日。至夜半忽覺山河大地。徧界如雪。堂堂一身。乾坤包不得。有頃聞擊木聲。豁然開悟。徧體汗流。且詣方丈。學似巖巖反覆詰之。無少疑。遂命爲僧。一日巖上堂。舉亡僧死了。燒了。向甚麼處去。自代曰。山河及大地。全露法王身。師於言下大悟。卽出衆作禮曰。適來和尚舉揚般若。驚得法堂

前石獅子笑舞不已。巖曰。試道看。師曰。劫外春回萬物枯。山河大地一塵無。法身超出如何。舉笑倒。西天碧眼胡巖。敲卓子曰。山河大地一塵無者。箇是甚麼。師作掀倒勢。巖笑曰。一彩兩賽。一日入室。次巖曰。親切處。道將一句來。師曰。不道。巖曰。爲甚麼不道。師拈起香盒曰。者箇不直半文錢。巖曰。多口。漢巖巡堂次。師以楮被裹身而臥。巖召至方丈。厲聲曰。我巡堂汝打睡。若道得。卽放過。道不得。卽趁下山。師隨口答曰。鐵牛無力。懶耕田。帶索和犁。就雪眠。大地白銀都蓋。覆德山無處下金鞭。巖曰。好箇鐵牛也。因以爲號。一時行輩靡不推服。至元戊子。至鄱縣桃源山。成棲遯。意未幾。縣尹入山問道。執弟子禮。遂大唱雪巖之宗。大德癸卯正月十五日。示寂。壽六十四臘二十六。全身塔於寺北三十里沙潭。其徒別流逕走浙江。謁虞文靖公。集求師塔銘。虞問先有鐵耶。先有牛耶。逕曰。先師親見仰山來。虞笑曰。吾試爲汝模畫之。杭州府徑山西白虎谷希陵禪師。義烏何氏子。年十九薙髮於東陽資壽院。秉戒已往。雙林謁虛舟遠次。

依東叟穎於淨慈掌內記石林補處師職侍者一日往叩雪巖於北磻巖舉黃龍見慈明因緣詰之對答脗合巖然之及巖遷大仰乃招師居第一座一日巖問臨濟在黃檗三度喫六十拄杖因甚向大愚肋下築拳師曰鈍置殺人巖便打師拂袖而出至元丙戌巖將示寂撫師肩曰吾以此擔累汝師曰終不向者裡活埋却未幾巖化去衆隨請師繼席常垂三語以驗來學曰三乘十二分教拈向一邊蝦蟇口裡道將一句來狗子聞哇聲因甚敲破庫堂前露柱賴徑橋吞却集雲峰是第幾機鐵關樞行脚時嘗叩師值冬至小參師舉雲門餠餅因緣關呈四偈以進師問你是誰關曰樞上座師曰從那裡來關曰雲門師曰你是頭是狂關曰和尚眼在甚麼處師便喝關亦喝師揮一拳關進前迎住曰打即且置雲門餠餅意作麼生師奮手掠去關帽關曰錯師連揮數拳關曰拳頭無眼向後遭人檢點在師去關七條踏翻在地攔腰數棒曰教你知我手段關曰屈棒屈棒師高聲喚曰直歲鎖者漢送庫司著歲饑師每食必與衆共

一日與客語過夜半饑不自勝侍者請取勺粟爲飯師曰不可常住豈住持人得私延祐丙辰行省稟旨迎師主徑山僧問過去心不可得現在心不可得未來心不可得此意如何師曰親不相贈師早年嘗夢遊淨慈羅漢堂至東南隅忽見一尊者指楣梁間詩曰一室寥寥絕頂開數峰如畫碧於苔等閒翻罷貝多葉百衲袈裟自剪裁師初不解及自仰山遷雙徑始驗仰山有貝多葉經徑山有楊岐衣以一出處皆前定也先是世祖召對說法稱旨賜號佛鑑禪師大德中加賜大圓迨主徑山仁宗加號慧照大辯至治壬戌四月十二日手書囑外護戒飭弟子說偈訣衆示寂於不動軒全身瘞菖蒲田世壽七十六僧臘五十七有瀑巖集及語錄行世建昌府能仁天隱牧潛圓至禪師高安姚氏子父兄皆前進士師志慕空宗咸淳甲戌年十九投仰山慧朗受染服勤數載元元貞間出住能仁二載棄去所著牧潛集有送妙智上人入浙序其略曰昔龍安悅公既首衆於洞山猶以已道爲未至更匿其名潛出

求之於食飲笑談之間。聞素公一言之異。則虛己自降。踴躍爲咨詢。禮不以貶名爲嫌。卒能於立談之頃。獲其終身之所欲。豈獨雲菴之道。恃以不墜。使素公不賴悅以見於世。世亦不識其爲何類人矣。蓋名者道之表也。古之人有其表。則求其實以應之。而今之士。反以表害實。一居其名。則崇高之勢。傲然不可復屈。雖內揆其不慊。亦安肯降心以求其所未至耶。噫。此古今所以異道。之所以衰歟。云云。大德戊戌。示寂於廬山。世壽四十有三。謫二十有四。

袁州慈化鐵山瓊禪師。十八歲出家。首參雪巖於大仰。一日室中舉耶吒太子析骨還父。析肉還母。因緣有省。述偈曰。一莖草上現瓊樓。識破古今閒話頭。拈起集雲峰頂月。人前拋作百華毬。值巖示寂。尋謁東巖。東問心不是。佛智不是。道上座作麼生。會師曰。抱賊叫屈。東曰。不是心。不是佛。不是物。是甚麼。師曰。肩間迸出遼天鷲。復謁蒙山。山請分座上。堂冬在月頭。賣被買牛。冬在月尾。賣牛買被。卓拄杖者。裡無尾。無頭。中道齊休。行也休。休坐也休。休住也休。休臥也休。

休睡眠。豁開五雲現。瑞光風霽月。無處不週梅。綻枯枝。古渡頭。風前時復暗。香浮雖然。到此向上一路。萬里崖州。何以見得。靠拄杖休。休後示寂。塔於觀音閣後。瓊嗣嚴山異傑列此。

淨慈倫禪師法嗣

台州府瑞巖方山寶禪師。一日爲衆挂牌入室。垂語曰。南泉斬却猫兒時。如何。衆下語皆不契。適有一僕在旁曰。老鼠做大師曰好。一轉語只是不合。從你口裡出。示無見傷。曰。道人得得出山來。盡把胸襟對我開。坦坦平平如鏡面。澄澄湛湛絕纖埃。忽然得箇轉身句。袖捲寒雲便歸去。萬八千丈華頂峰。一笑裂開鐵面具。家山到後絕思惟。拗折枯藤拄竹扉。糞火堆中消息好。芋香便是道香時。

□□府□□絕家鑒禪師。學洞山不安。因緣頌曰。洞山有路透雲巖。絕處教通到者。難拄杖頭邊。開活眼。方知不隔一毫端。示衆舉投子問僧。連日好雨。且道雨從何處來。僧無對。後閱華嚴經有省。頌曰。陌路遊人競採芳。不知眼底度春光。夜來一陣落花雨。一

百十城流水香

□□府□□永宗本禪師舉夾山參船子公案頌曰
笑中棄却竹林寺將謂華亭有許多窮性命於橈下
喪看來成敗自蕭何

□□府□□竹屋簡禪師舉坐上座聖箭因緣頌曰
青絲雙勒玉驄嘶。淡白春衫綠帶圍。夜半歸來華底
月。金鞭敲落亂紅飛。又曰九重城裡本非遙。射折重
重箭。倍饒忽遇三軍圍繞處。分明有路直通霄。舉
臨濟訪平田公案頌曰。目前條路平如砥。何不堂堂
掉臂行。揀撥老婆牛性發。赤身挨棒可憐生

天童慧禪師法嗣

寧波府天童東巖淨日禪師南康都昌廖氏子。幼絕
羣。十五祝髮廬山之香林。首參仰山石霜。次入浙叩
癡絕不契。登徑山見無準。準深器之。後謁西巖慧於
天童。其提示一乘於準。遂密契其旨。俾守藏後爲開
先。無文璨第一座。繇是譽聞日彰。景定中出主圓通。
繼領東林。至元壬辰遷育王。未幾歸隱雪竇。大德庚
子主天童。師生宋嘉定辛巳終於元至大戊申。將示

寂書偈曰。天爲蓋兮地爲函。吾奚爲乎塔與蓋。灰吾
骨兮山河言已矢。兮勿錢越。二日沐浴端坐而逝。就
化。窗根不壞。塔於西巖之清風塢。壽八十八。臘七十
有一

無學元禪師法嗣

江寧府蔣山月庭忠禪師舉僧問。白雲舊歲已去。新
歲到來如何。是不遷義。雲曰。眉毛在眼上。頌曰。落葉
已隨流水去。春風未放百華開。青山面目依然在。盡
日橫陳對落暉。舉文殊三處度夏。迦葉白椎欲攢
因緣。頌曰。錦衣公子遊春慣。白首佳人懊恨多。彼富
尙嫌千口少。自貧無奈一身何。舉慈明冬日揭榜
示衆話。頌曰。畫上畫下畫短畫長。明明揭露浩浩商
量。何似京師出大黃。

育王彌禪師法嗣

寧波府育王東生德明禪師甬東劉氏子。年十六依
仗錫月潭澄。剃染。首謁希叟。曇於雪竇復參頌極。彌
彌舉文殊是七拂之師。因甚出女子定不得。罔明因
甚出得。師曰。春色無高下。花枝自短長。彌器之命掌

藏鑰出世育王。賜號佛日普光。頌船子覆舟公案。曰。清世悠悠。據要津。一橈活計。重千鈞。朱逕路上行人少。滄海難同方寸深。後示寂。瘞洞雲塔。壽八十四臘六十七。

淨慈傳禪師法嗣

嘉興府三塔石湖至美禪師金陵畢氏子。生而穎粹。無經世意。出家崇目院。宋咸淳年得度。受具。銳志徧參。如玉澗。瑩雲峰。高月坡。明皆預其席。栴上首最後見。無文傳於淨慈師。以傳爲有道。傾心事之。盡揭源底。元世祖至元丁亥。出世吳之雙塔。未幾遷禾之三塔。不數年。凡叢林大觀俱畢備焉。既而又被旨住平江之靈巖。又遷鄱陽之永福。四明之育王。至順辛未。主淨慈所。至孝。孝以弘道建立爲己任。曾弗少懈。忽一日。召衆囑後事。以前三塔東所築幻修菴更名四禪。誠以名實相稱者處之。端坐至夜半。泊然而逝。壽七十有四。

大鑑下第二十三世

薦巖道禪師法嗣

台州府瑞巖空室恕中無愠禪師。本郡臨海陳氏子。從徑山寂照。薙落髮。方首謁靈石於淨慈。次參一元。靈逾年。歸覲照。照命居擇木寮。後遊四明。見太白砥典藏。一日。偕木菴聰大宗興往台州紫籙。謁竺元道。擬以無字話問。纔開口。被元一喝。師豁然大悟。直得通身汗下。呈頌曰。狗子佛性無春色。滿皇都。趙州東院裡。壁上挂葫蘆。元笑曰。怎麼會又爭得。師拂袖便出。絲絃感激。問語同參曰。此事如人飲水。冷暖自知。決不在言語文字上。我輩若不遇者老漢。幾被知解埋沒一生。他日設有把茅蓋頭。當不忘所自。後古鼎銘主徑山。招師歸蒙堂。日涉玄奧。且爲學者矜式。無何以避兵。還四明。初出住象山之靈巖。次主黃巖之瑞巖。時夢堂噩居瑞龍。覲師爲寂照嗣。師曰。素志有在。不可奪也。開堂日。拈香曰。古人出世拈香。酬法乳也。今人出世拈香。酬世恩也。愠上座總不然。昔年行脚到紫籙山中。參箇老布衲。彼亦無法可授。我亦無法可受。只向無授受中拈出。供養前住崑山薦巖禪寺竺元道和尚。不圖報德。酬恩。只要大家知委。偈問。

如何是瑞巖境。師曰。風吹不入。曰。如何是境中人。師曰。水灑不著。曰。人境已蒙。師指示向上宗乘事。若何。師曰。真不掩偽。曰。諸法寂滅相。因甚。舟行岸移。雲駛月運。師曰。好箇消息。只恐錯會。曰。兩重公案。師曰。海水不生水。問維摩丈室。不以日月爲明。和尚丈室。以何爲明。師曰。物見主眼。卓豎曰。摩竭掩室。毗耶杜詞。相去多少。師曰。一坑埋却。曰。德山入門。便棒。臨濟入門。便喝。畢。竟明甚麼邊事。師曰。塞北千人帳。江南萬斛船。問如何是函蓋乾坤句。師曰。猛虎口裡活雀兒。曰。如何是截斷衆流句。師曰。金剛手中入楞棒。曰。如何是隨波逐浪句。師曰。李白捉月。張騫乘槎。小參靈巖峭絕。到者應難。已。到者享用安樂。未到者。玲竅孤露。孤露底。正好踏步向前。享。用底。直須退步。就已。所以。道事無一向。有時拈頭作尾。有時拈尾作頭。收放縱橫。寧存軌則。摩竭掩室。毗耶杜詞。雖曰正令。全提要且未臻其極。山僧今夜入門之始。聚首之初。與汝諸人約法三章。第一不得起佛見。第二不得起法見。第三不得道不起佛見。法見若也。依而行之。

管取眉毛厮結。慕拈拄杖曰。明眼漢沒窠臼。高高處觀之。不足低低處平之有餘。卓拄杖曰。鐵牛不喫欄邊草。直向須彌頂上眠。謝專使上堂。達磨大師十萬里西來。要作箇馳書達信漢。及手面對梁王。盡力只道得箇不識拈拄杖曰。有賓有主。有禮有樂。手面分開。白月團圓。頂門撼動。黃金鐸。上堂。明月照高巖。懸水響前嶺。耳目一何清。冥然了心境。咄哉觀世音。擔雪來填井下座。上堂。祖師意無別法。下地走穿却鞋上牀眠。脫却襪只恁麼太諸譌不恁麼無合煞。瀉山水牛百丈野鴨帶水拖泥不足觀。腦後圓光最輝赫。喝一喝。上堂。風不來樹不動。心不生境不到。僧問雲門。如何是佛。門曰。乾屎橛。僧問楊岐。如何是佛。岐曰。三脚驢子弄蹄行。好大衆向道是龍剛。不信果然奪得錦標歸。上堂。禪和家道我無有。不知無有不曾忽有問。如何是行脚事。便口如匾擔。病在於何。病在。多知多解。恁麼參學。不如三家村裡種田漢。有問。今歲稼穡如何。一一道出。如瓶瀉水。蓋其無知解。故無揀擇。故秋氣正寒。各自歸堂珍重。上堂辭。

親割愛剃髮染衣入此門來合爲何事若也如慚識愧是真出家一出塵俗恩愛家二出三界火宅家三出羶惑煩惱家四出細惑無明家出得四種家始稱衲僧家且道如何是衲僧家撞著冤家惡口小家上堂惟一堅密身一切塵中現拈拄杖曰釋迦老子來也三百六十骨節八萬四千毫竅一一放大光明照徹恒沙國土於其中間若聖若凡有情無情被其光者無不證大涅槃獲大安樂得大受用靠拄杖曰此時若不究根源直待當來問彌勒示衆巖寺春深草樹肥幾回特地啓柴扉行人只在青山外杜宇聲聲喚不歸上堂赤肉團上有一物昭昭靈靈恍恍惚惚隨事變通了無拘束要知來處分明不離舉足下足今時叢林中聞與麼道便道說老婆禪殊不知雲無心而出岫水盈科而或流遇高山而必止至大海而方休拍禪牀一下上堂諸佛出世是第二頭祖師西來是第三首饒你向威音那畔別立生涯百草頭邊全明殺活布袋裡老鴉未知有出身一路在且作麼生是出身一路拈拄杖曰祝融峰頂上露

滴萬年枝開山忌拈香未見巖頭口似磤磤既見巖頭眼如木突本然埋拄地撐天何勞置問主人翁呼來喚去猶欠惺惺乃插香曰相逢不下馬各自奔前程散忌上堂法不孤起仗境方生今日是開山空照祖師入般涅槃之晨山僧將不可說不可說恒河沙世界作一筵席百億須彌廬山作一盤飯百億香水海作一盃羹聊陳供養正恁麼時且道將此筵席向甚麼處鋪設若向世界上鋪設世界已成筵席若向虛空鋪設虛空又如何鋪設衆中莫有出手措置者麼如無山僧自出手去也豎拂子曰恒河沙世界百億須彌山百億香水海華簇簇錦簇簇總在拂子頭上不寬不隘無欠無餘大衆且道空照祖師還來受供也無受與不受且置你道他如今在甚麼處安身立命豈拂子曰家家門前赫日月太平不用將軍威結夏小參回覺伽藍人人具足在天同天在地同地自是諸人探頭太過不能構得故勞釋迦調御曲開方便門立期立限如逼生蛇化龍要汝親證親悟龐公道十方同聚會箇箇學無爲此是選佛場

心空及第歸好大衆。箭不虛發。發必中的。語不虛發。發必全真。鍼眼魚吞。却嘉州大象。即不問且道。可大師三拜得。隨還端的也。無拍禪牀。曰。一年春又過。臺榭綠陰多。上堂相逢不拈出。舉意便知有。打失雙眼睛。留得一張口。孤峰頂上。呵佛罵祖。竅鑿頂門十字街。頭掣風掣顛。符懸肘後。長沙虎子。湖狗拈起。麤辣。藜好與劈脊。上堂坐深井者。不知太虛之寬。廣忘偏見者。方明至理之圓。融與麼說話。譬如大地作射垛。挽弓所向。無不中的。衆中忽有人出來。道如斯舉唱。今古罕聞。山僧喚侍者。點一盃茶。供養他。更有出來。道如斯舉唱。未護全提。亦喚侍者。點一盃茶。供養他。且道。還有爲人處也。無良久。曰。雪壓難推。澗底松風吹不動。天邊月。室中垂問。穩坐家堂。主人翁。因甚不識。掀翻大海。擱碎須彌。平地上。因甚擡脚不起。眼光爍破。破四天下。自家眉毛。落盡。因甚不見。一日。謝事入松巖。巖爲秋江湛隱處。萬山之巔。人跡罕至。師唯獨處。洪武甲寅夏。日本國遣使入貢。響師道風。奏請師化其國。上召至闕。師以老病辭。上憫而

不遣留處。天界全室。泐延致丈室。時宋景濂方在翰林。詣師談道。是冬奉詔東還。甲子門人居頂住。鄧之翠山迎師。就養四方。叩謁者無虛日。一日示微疾。諄諄勉衆以祖道爲重。索筆書偈曰。七十八年無法可說。末後一句露柱。饒舌咄。書畢端坐而逝。時洪武丙寅七月十日也。壽七十有八。臘五十有九。遺命闍維煅骨散。木竹間居。頂不敢遵。乃於唐魯之原。奉骨瘞焉。師奉師推謹常侍寂照立至三鼓不命不敢退

杭州府徑山大宗興禪師。台州人。嘗與恕中木菴三人結伴參方。罷遊紫籙。累歷名刹。後遷徑山。臨終忽嘆曰。夫三十婦六齡畢。竟偶不成。遂坐脫去。

寧波府天童了堂一禪師。至正壬午。住台之紫籙。次遷天寧。天童上堂。僧問。昔日寶壽開堂。三聖橫身相爲。臨濟住院。普化盡力扶持。畢竟明甚麼邊事。師曰。兩頭俱坐斷。一劍倚天寒。曰。與麼則五位君臣齊列。下三玄戈甲。一時收。師曰。錯下名言。僧喝。師曰。亂統禪和如麻。似粟。乃曰。拈一莖草作丈六。金身將丈六金身作一莖草。好大衆。不是苦心人。不知便下座。

上堂最初一句末後一機直下。搆得燈籠露柱動地放光。其或未然。竹山今日失利。示衆樵歌來。疊嶂帆影落汀洲。胡猱戴席帽。直上樹梢頭。七星劍五雲樓毬打人。兮人打毬萬事難。把玩魚吞水面漚。上堂長柴烏芳樹不棲。摩斯迦滄溟不入。龍泉與鉏斧同鐵利。鈍懸殊良驥與驚駘。同途遲速有異。以拂子畫一畫曰。華須連夜發。莫待曉風吹。小參靈光不昧。萬古徽猷。智鑑洞明。十虛普應。時臨亞歲。節屆書雲。擊動法鼓。大眾雲集。一天真。一一明妙。更說箇甚麼。若說有法。又被有礙。若說無法。又被無礙。若說不有不無法。又被不有不無礙。若說不有不不無法。又被不有不不無礙。雲從龍。風從虎。聖人作而萬物覩。日可冷。月可熱。衆魔不能壞。眞說以拂子畫一畫曰。黃檗樹頭懸蜜果。無言童子唱巴歌。問文殊與普賢。萬法悉同源。如何是同源底。法師曰。胡張三黑李四曰。一毛吞巨海。於中更何言。師曰。不勞懸古鏡。天曉自鷄鳴。曰。是非不到處。還有句也。無師曰。情知你亂會。問名假法。假人空法。空請師直指師。

曰。曾問人來曰。無根樹子向甚麼處栽。師曰。更深猶自可。午後更愁人。曰。只在目前爲甚麼。再三不覩。師曰。千年常住一朝僧。

續燈正統卷二十三

續燈正統卷二十四

南海普陀祖沙門西蜀 性統 編集

臨濟宗

大鑑下第二十三

保寧茂禪師法嗣

蘇州府靈巖南堂了菴清欲禪師。台州臨海朱氏子。初出世。中山之開福。繼遷本覺三主靈巖。開堂。日僧問。丹山鸞鳳九苞文。地位清高隔五雲。四海具瞻時一見。願聞眞唱答明君。師曰。千峰朝岱嶽。萬派滄溟曰。萬方有道歸明主。一句無私利有情。師曰。黃河九曲水出崑崙。曰。祝贊已蒙師指示。向上宗乘事若何。師曰。眼不見鼻孔。問曹溪流非止水。一滴忽來。

千波競起時如何師曰退後退後曰平生不解藏人善到處逢人說頂斯師曰莫謗山僧好問天不言四時行地不言萬物生學人有疑願聞開示師曰萬人遐仰處紅日在天心曰野老不知堯舜力擊打鼓祭江神師曰眼見如盲口說如啞曰千古華山山脚下又添潘閬倒騎驢師便喝問仲冬嚴寒年年事晷遲推移事若何師曰昨夜日輪飄桂華今朝月窟生芝草曰仰山近前又手意旨如何師曰奴見婢殷勤曰香嚴叉手近前又作麼生師曰大家厮漏酒曰去此二途請師別道師曰無人處祈願望汝問單傳直指已涉離微坐斷千差請師答話師曰破鏡不重照落華難上枝曰便怎麼去時如何師曰烏龜鑽敗壁曰卽色明心附物顯理時如何師曰賴馬繫枯橋曰三九二十七牛頭南馬頭北如何是接手句師曰百華深處鷓鴣啼問一不做二不休時如何師曰水底撈明月曰退一步又作麼生師曰相逢盡道休官去林下何曾見一人問如何是佛師曰面前案山子曰法卽不問如何是僧師曰三頭兩面得

人憎僧禮拜師却問曰如何是法僧曰明年更有新條在惱亂春風卒未休師曰泊不問過問陰極陽生則不問祖師門下事如何師曰石筍抽條長丈二曰牛頭未見四祖時如何師曰華陰山前百尺井曰見後如何師曰祝融峰頂萬年松曰去此二途願聞法要師曰休將閒學解埋沒祖師心問舉一不得舉二放過一著落在第二時如何師曰懷州牛喫禾益州馬腹脹曰雲門扇子踣跳上三十三天築著帝釋鼻孔東海鯉魚打一棒雨似盆傾又作麼生師曰西川斬畫像陝府人頭落問牛頭未見四祖時如何師曰處處綠楊堪繫馬曰見後如何師曰家家門首透長安曰見與未見時如何師曰鮎魚上竹竿俊鷓鴣不及問說法不應機總是非時語作麼生得應機去師曰夜半起來失却牛天明起來失却火問如何是通宗通途師曰東去西去曰如何是叶帶叶路師曰南來北來問蟻螟蟲吞却虎時如何師曰賞你大膽曰怎麼則退身三步師曰漳泉福建頭匾如扇僧擬議師便打一任舉似諸方問如何

生不孝。問臘人水鐵彈子。卽且置。如何是金剛圈。栗棘蓬。師曰。我早知你吞透不下。曰。豈無方便。師喝曰。棒上不成龍。問佛未出世時。如何。師曰。釋迦自釋迦。曰。出世後如何。師曰。彌勒自彌勒。曰。承師有言。釋迦不受然燈記。畢竟受甚麼人記。師曰。自家肚皮自家畫。問離四句絕百非。請師直指西來意。師曰。拈燈籠來。佛殿裡將山門安。燈籠上曰。還有爲人處也。無師曰。若無舉鼎拔山力。千里爲難。不易騎。問雲門放洞山三頓棒。意旨如何。師曰。沙裡無油。曰。鳥窠吹起布毛。又作麼。生師曰。石中有髓。上堂。夜來州中琴堂上。般雜劇。也有端嚴奇特。也有醜陋不堪。鬼面神頭。亦自好笑。且道笑箇甚麼。我觀世間人。是箇大雜劇。所謂文武醫卜士農工商。各逞己能。互相欺誑。逗到臘月盡頭。不覺一場敗闕。具眼旁觀。掩口不暇。喝一喝。曰。元正啓祚。萬物咸新。岸柳搖金。梅破玉萬邦。一氣轉洪鈞。下座。巡堂喫茶。上堂。絕羅籠脫羈鎖。雖是善因而招惡果。咄。老松源與麼說話。唱

教門中足可觀光。要作臨濟兒孫。未得在開福。莫有長處麼。擊拂子曰。星河秋一鴈。碁枰夜千家。上堂。舉松源云。衆古者道拈起也。天回地轉。放下也。草偃風行。治父則不然。拈起也。乾坤黯黯。放下也。瓦礫生光。忽有一箇半箇。驀然黖瞎。頂門眼達磨。一宗未至寂寥。在師曰。老松源只見錐頭利。不見鑿頭方。壽山卽不然。拈起也。南山起雲。放下也。北山下雨。不拈不放。時如何。三級浪高。魚化龍。癡人猶戾夜塘水。上堂。南泉斬貓。趙州戴草鞋而出。興化法戰克賓設鑽飯。便行是皆發揮。本有靈光。要且不信別人鼻孔出氣。所以前日首座說法。高聳人天。今朝道伴相過。光揚宗眼。且道山僧鼓兩片皮。成得甚麼邊事。拍禪牀曰。從前汗馬無人識。只要重論蓋代功。清明上堂。冬至寒食一百五。今朝正是三月六。山又青。水又綠。一聲欸。乃漁家曲。山僧昨日偶爾郊行。作得一偈。舉似大衆。華冠不整。舍那衣。禿帶還隨。破番箕。五箇老婆。三箇醜。一雙紅杏。換消梨下座。上堂。藥山久不陞座。院主椎鐘。擊鼓分明。盡底掀翻。猶道一詞不措。

本覺據令提綱。不作者般調度。今朝月旦拈香。纔開向上一路。誰敢射虎不真。枉發千鈞之弩。滿散青苗上堂。佛以一音演說法。衆生隨類各得解。靈山會上退席五千逝。多林中半響半啞。眼空四海。必有商量。心洞十方。孰辨真假。卓拄杖曰。綠楊陰裡戴高牛。芳草渡頭韓幹馬。喝一喝下座。上堂。春日晴黃鶯。鳴大藏小藏。鼻孔眼睛。木馬嘶泥牛。舞壽山不打者。破鼓便下座。上堂。一大藏教束之高閣。長期短期。無繩自縛。莫更紛紛。紆紆直須灑灑。落落楊岐一頭驢。只有三隻脚。潘闌倒騎。歸欄殺黃番。綽五味拈來。鑽秤錘。別有香風滿寥廓。喝。上堂。八月秋何處。熱達磨老臊胡。有語非干舌。齧鐵破關。斬釘截鐵。父子雖親不傳。未是神仙妙訣。喝。上堂。正覺山前明星現。時釋迦世尊與大地衆生。一時成佛。祖師門下。蹉口道著佛字。噉口三日前行。不到末後。太過各與二十拄杖。忽有箇不顧危亡底漢。出來道。本覺與麼判。斷合喫二十拄杖。山僧却須分付。明窓下安排何故。佛滅二千歲。比丘少慚愧。上堂。如來不出世。亦無

有涅槃。以本大願力。示現自在。法拈拄杖曰。不是大願力。卓拄杖曰。不是自在。法學起也。千身彌勒。放下也。隨處釋迦。只爲諸人。眨上眉毛。却入娑羅雙樹間去也。靠拄杖曰。見之不取。千載難忘。至正丁未八月二十五日。示寂於秀之南堂。世壽七十。寧波府瑞雲清涼實菴松隱懋禪師。奉化鄭氏子。幼喜習禪。年十八投杭之傳法寺。希顏出家。既剃落。稟戒昭慶。慧參方見南澗。泉於雲居。一夕松下經行。聞巖泉聲微。有所觸。泉命往永福。謁古林林問來作甚麼。師曰。生死事大。特求出離。林曰。明知四大五蘊。是生死根本。何緣入此革囊。師擬對林。便打。師豁然悟入。久之。林命典第一座。逾年回浙。會月江印主道場。延師分座說法。至正壬午。出主明之瑞雲。一日有僧問。答未竟。以手拍地而笑。師曰。滯貨何煩。拈出僧驢一聲。師厲聲便喝。一住十五年。後退隱東堂。影不出山。元明良師之猶子也。迎歸天童。之此軒。一日示微疾。集衆訣別。衆請偈。師舉手指目曰。此中廓然。何偈之爲。端坐憑几。握右手爲拳。枕頤而逝。火葬有天華

之祥舍利無數塔於瑞雲西岡世壽八十五僧臘七十諡佛光普照大師

溫州府僊嚴仲謀猷禪師謝藏主侍者上堂一默相酬雷轟電激三呼領旨玉轉珠回七十三八十四築著磕著礙塞煞人拈拄杖曰昨夜西風枕簟涼無數蟬聲噪高樹

蘇州府定慧大方因禪師至正丙申春出世定慧時方兵興占住佛屋繙徒戚戚師曰何不休去歇去嗣是語嘿跌宕不可測識一日謝院事僑居靈巖華首座寮盛稱總管周侯義卿之賢且曰我將火化須侯作證明戊戌九月八日侯以郡事登靈巖師聞欣然出迎陪侯夜話曰某將此月十四日即此山火化侯其爲我證明兼吾教下衰侯念爲法外護慎無忘此言至十三日復以偈寄侯曰昨日巖前拾得新明朝幻質不能存慇懃寄語賢侯道碧落雲收月一痕侯未深信師復以偈別衆是夜請於華乞以燥薪疊高棚仍借一龕坐去翌晨登殿與衆僧別即升柴棚燥薪得火烈焰熾然於大火聚中且祝香曰靈苗不屬

陰陽種根本元從劫外來不是休居親說破如何移向火中栽於烈熾中度數珠與華曰聊當記憶如是四衆始驚信拜禮煙焰所至多舍利且聞異香薪盡舌根齒牙不壞侯聞驚惶不已爲悼章二建塔於靈巖其別衆偈曰前身元是石橋僧故向人間供愛憎憎愛盡時全體現鐵蛇火裡嚼寒冰具如鄭明德詩中

紹興府龍華會翁海禪師台之臨海人年三十棄家投徑山虎巖祝髮初挂搭栴檀林或議其舉止山野乃發憤往天目參中峰久之無所入時東州居虎丘古林居開元東嶼居寒山師出入三老之門有年後出住龍華拈香嗣古林年九十三往育王守橫川祖塔偶損左足艱於步履日牀坐每至清夜朗吟古人偈語其徒文渙曰和尚一生參學至此不能受用託吟詠自遣耶師笑曰大慧道癡子呻吟便不是耶渙乃禮拜既寂火化異香襲人塔於□□□

靈隱海禪師法嗣

杭州府徑山悅堂顯禪師出家於婺之寶林得法東

嶼初住崑山之東。禪次遷萬壽。陞淨慈後主徑山。璽書錫金襴法衣。法語失錄。

建寧府斗峰大圭正璋禪師。福州福清人。禮湖南絕聽祝髮。參東嶼。聞頌俱胝。豎指話。言下頓悟。遂上方丈。呈所得。嶼曰。作麼師。曰。古今現成事。何必涉思惟。嶼曰。既不涉思惟。汝更來者。裡作麼師。曰。請和尚證明。嶼俾頌。狗子無佛性。話師遽曰。狗子佛性無。顯著眼睛。枯警爾。翻身轉。噉。悉哩。蘇。嶼撫而印之。後結茅斗峰。漸成叢席。上堂。顧視左右。良久曰。黃金雖貴。入眼成塵。便下座。上堂。玉宇霜清。瓊林葉落。一句全提。萬機寢削。作者好求無病藥。上堂。舉青州布衫話。頌曰。昨夜三更裡。雨打虛空。溼狸奴。知不知。倒上樹梢立。元旦。上堂。元正啓祚。萬物咸亨。喚作新年頭。佛法瞎却你眼。不喚作新年頭。佛法結却我舌。畢竟作麼。生便下座。臨終說偈曰。生本不生滅。亦無滅。幻化去來。何用分別。大衆珍重。不在言說。遂合掌而逝。

蘇州府樞塘明因天淵湛禪師。嘗依鳳山一源分座。

說法。一日。呈秉拂語曰。翔鳳山前行。看白雲乍舒乍捲。鳳泉亭畔坐聽流水。或抑或揚。眼處作耳處佛事。耳處作眼處佛事。便見非唯觀世音。我亦從中證鳳山。指便見兩字。曰。有此二字。便是別人說話。師不覺解頰點首。禮謝而退出。語人曰。還丹一粒。點鐵成金。堂頭老漢之謂也。

寧波府育王大千慧照禪師。永嘉麻氏子。年十五出家。邑之瑞光禮了定落髮。受具。後首謁晦機於淨慈。一日。閱真淨頭陀石被莓苔裹。擲筆峰遭薛荔纏。語默識惡解。遂謁東嶼。於薦巖。嶼問。東奔西走。將欲何爲。師曰。特來參禮。嶼曰。天無四壁。地無八荒。汝向甚麼處措足。師拍案而退。嶼復召至。反覆勘辨。遂留執侍。天曆戊辰。出世樂清之明慶。示衆佛法。欲得現前。莫存知解。參禮看教。皆爲障礙。何如一法不立而起。居自在乎。德山棒。臨濟喝。亦有大不得已爾。至正乙未。遷寶陀。未幾。主育王。室中垂三關語。以驗來學。一曰。山中猛虎。以肉爲命。何故不食其子。二曰。虛空無背。向何緣有。東西南北。三曰。飲乳等四大海水。

積骨如毗富羅山何者是汝最初父母越九年退居
妙喜泉上築室曰夢菴掩關獨處凝塵滿案泊如也
洪武癸丑十月沐浴更衣索紙書偈恬然坐逝世壽
八十五僧臘七十茶毗牙齒目睛不壞設利五色塔
於夢菴之後

杭州府徑山月林鏡禪師本郡人受業於無傳久依
東嶼因參本來人有省述偈曰本來人本來人無腦
無頭作麼尋焉然揪著箇鼻孔細看元來是白丁時
有老宿晚視曰可是師與一摑由是名振叢林後主
徑山至元己卯示寂壽八十六塔凌霄東崖

寧波府育王雪窓悟光禪師字公實蜀新都楊氏子
初出世白馬繼遷開元育王復領天童虞文靖公集
嘗贊師爲佛果一枝鳳毛麟角宋文憲公濂有四會
語錄序讀之可以見師之半

天寧曇禪師法嗣

三空道人自幼具丈夫志不爲富貴所奪見竺雲雲
示趙州無字話俾參閱數年一日復見雲問生死到
來時如何雲曰生是誰耶死是誰耶空乃低頭問訊

雲覺其異於常乃再以前話徵之空又低頭問訊雲
呵之曰切忌死在者裡空拈起總子曰數珠一百人
不數日示微疾說偈而化火後得舍利無算

徑山伏禪師法嗣

杭州府徑山南楚悅禪師隆興人上堂問聲悟道見
色明心裏拈拄杖曰者箇是色卓一下曰者箇是聲
諸人總見總聞且道那箇是明底心那箇是悟底道
喝一喝曰貪他一粒米失却半年糧敕證佛慈法喜
禪師

寧波府育王月江正印禪師郡之慈水劉氏子年十
三禮月溪受業後參虎巖遂獲印可出住舊之道場
繼遷育王僧問如何是千丈舍那身師曰肥不露肉
瘦不露骨曰如何是丈六紫磨金色身師曰切忌認
奴作郎曰和尚且莫壓良爲賤師曰山僧從來柳下
惠問有句無句如藤倚樹此意如何師曰無齒大
蟲當路坐曰疎山道忽若樹倒藤枯句歸何處巖安
呵呵大笑又作麼生師曰曹娥讀夜碑曰後來明招
爲他點破還端的也無師曰臨崖看澣眼特地一場

愁曰今日學人問和尚樹倒藤枯句歸何處未審如何指示師喝一喝僧禮拜問朝離東土暮往西天是甚麼人師曰十字街頭石敢當曰昨日有人從天台來因甚向南嶽去師曰鮎魚上竹竿曰有一人常在途中不離家舍有一人離家舍不在途中且道孰優孰劣師曰兔馬有角牛羊無角曰恁麼則庭前一葉落天下盡知秋師曰知時別宜堪作闍黎問達磨面壁意旨如何師曰餓飯泥茶爐曰六祖踏碓又作麼生師曰兔子喫牛糞曰一人道不識一人道不會意在甚麼處師曰鳳林吒之問師唱誰家曲宗風嗣阿誰師曰風吹石臼念摩訶曰恁麼則已得真人好消息人間天上更無疑師曰水底捉麒麟曰如何是奪人不奪境師曰西天人不曾唐言曰如何是奪境不奪人師曰有馬騎馬無馬步行曰如何是人境兩俱奪師曰新羅打鼓大唐齋曰如何是人境俱不奪師曰鬧市裡拋碌顛曰人境已蒙師指示向上宗乘事若何師曰有水皆含月無山不帶雲曰只如楊岐道踏著秤錘硬似鐵啞子得夢向誰說須彌頂

上浪滔天大洋海底遭火熱明甚麼邊事師曰如驢覷井如井覷驢問如何是金佛不度爐師曰蘇嚧蘇嚧曰如何是木佛不度火師曰悉利悉利曰如何是泥佛不度水師曰趙州東院西曰如何是真佛內裡坐師曰嵩山破竈墮問如何是一生二師曰元首明股肱良曰如何是二生三師曰黃河三千年一度清曰如何是三生萬物師曰山河無隔礙光明處處通曰只如新年頭佛法還有者箇消息也無師曰樊噲踏鴻門都寺辦齋上堂雲門喫餅餠較著帝釋鼻孔雲峰喫鉢鉢較著僑梵盃提舌頭諸人二時過堂喫粥喫飯合作麼生忽然敲破一箇鐵酸餚方知帝釋鼻孔即是僑梵盃提舌頭僑梵盃提舌頭即是帝釋鼻孔不見道一切智智清淨無二無二分無別無斷故喝一喝請頭首上堂善哉三下版知識盡來參既善知時節吾今不再三古人與麼道大似按牛頭喫草雲峰則不然善哉三下版收足上蒲團脊梁生鐵鑄透過祖師關一氣轉一大藏教背手拈却須彌山七處徵心無心可覓八還辨見無見可還

夢入天宮猶未醒金鷄啼上玉闌干 行化歸上堂

有佛處不得住無佛處急走過三千里外逢人不得錯舉趙州老人似抱橋柱澡洗把纜放船山僧一出四十餘日有佛處與他錐破卦文無佛處也曾勘過歷了三州五縣逢人也曾錯舉來只是土曠人稀知音者少摘楊華摘楊華青山忽憶便歸去塵世要看還下來 上堂麻三斤乾屎橛蠟人冰鷺護雪貓有歎血之功虎有起屍之德趙州親見老南泉臨濟未是白拈賊 青苗會上堂常啼菩薩賣却心肝學般若則易破一微塵出大經卷則難破一微塵出大經卷則易攝大千經卷入一微塵則難一掬水可以漲滔天之浪一簣土可以成九仞之山也不易也不難青山長伴白雲閒 赴育王上堂挖犁拽杷幾經年鼻孔撐天不受穿業債依然逃不得又吹鐵笛過鄞川 臘八上堂我觀大地衆生具有如來智慧德相但以妄想執著不能證得釋迦老子與麼道大似蠅螟蟲向蚊子眼睛上昨窠向十字街頭揚聲大叫道士曠人稀相逢者少檢點將來也是噀酒糟漢

上堂舉僧問五祖一大藏教是箇切脚未審切甚麼字祖曰盍囉孃應菴問密菴如何是正法眼密曰破沙盆師曰聞蜀同風肚裡有蟲 上堂不著佛求不著法求不著僧求燈籠發笑露柱點頭雲門拈出胡餅投子道箇油油腰纏十萬貫騎鶴上揚州 上堂熏風自南來殿閣生微涼老妙喜錯認驢鞍橋作阿爺下領帶累多少人向者裡卜度還知諸佛出身處麼黃河三千年一度清卓拄杖下座 上堂朝忽忽暮忽忽盍盍開口只要噀空南泉打破鍋子甘贄禮拜烝籠擊拂子曰萬里八九月一身西北風 結夏小參瑯琊點出五病西院商量兩錯井蛙不足以語東海夏蟲不可以語冰霜若是揜空俊鶻便合乘時止灤困魚徒勞激浪是故從上若佛若祖天下老和尚莫不向刀山劍樹上鑊湯爐炭中成等正覺拔濟有情若約山僧看來也是秤錘蘸酢喝一喝 解夏上堂初秋夏末兄弟家東去西去如壯士展臂不假他力師子遊行不求伴侶蓋爲人人脚跟下有條通天活路三世諸佛六代祖師天下老和尚與你把手

共行豈不見雲門大師問洞山近離甚處查渡夏在甚處湖南報慈幾時離彼八月二十五門曰放你三頓棒洞山次日上方丈問昨蒙和尚放三頓棒不知過在甚麼處門曰飯袋子江西湖南便恁麼去山於言下大悟雲門提出倚天長劍凜凜神鋒不易洞山敢將赤身挨他白刃正與麼時如何金烏啄破瑠璃殼玉兔衝開碧海門至正間奉旨金山建水陸大會命師陞座說法特降御香綵報晚年菴居榜曰松月自號松月翁

天童坦禪師法嗣

江寧府天界寺中懷信禪師明奉化姜氏子年十五出家爲大僧竺西坦由華藏遷天童師往質疑室中舉與化打克賓因緣問師師曰俊哉獅子兒西領之俾掌維那職後出世明之觀音遷補陀詔賜廣慧妙悟智寶弘教禪師至正間遷中竺繼住天童御史臺奉疏命主大龍翔集慶寺明兵下金陵僧徒竄散師宴坐一室上親幸嘉之敕改龍翔爲大天界寺一日晨興沐浴更衣趺坐謂左右曰吾歸去矣遂瞑目侍

僧撼之請說偈師瞑目叱之遂握筆書曰平生爲人列翠七十八年漏洩今朝撒手便行萬里晴空片雪書畢復瞑己酉八月廿四日也時上統兵江陰夢師謁見問師來何爲對曰將西歸告別耳上還聞師遷化與夢符異之詔出內府帛幣助喪且命卜藏龜之地於伏牛舉龜之日上親致奠送出郡門茶毗舍利如菽貯以寶瓶光發瓶外世壽七十八臘六十四寧波府天寧舜田明牧禪師台之黃巖人出家仙居正學寺首參天童竺西西問達磨不來東土二祖不往西天意旨如何師曰金不博金水不洗水西吳之謂左右曰此法門爪牙也復徧參名宿古林茂竺元道東州永元叟端東嶼海咸器重之時日溪泳居天寧師相與激揚元泰定初出世天台淨慧次遷仙居廣度處州連山尋隱居鴈山丞相列怯里不華強起主天寧錫號佛智普慧禪師并錫金襴法衣師氣肅如秋嘗卽中峰關室以居蓄一鶴自號鶴松主人一日鶴忽死師以詩悼之踰年師亦示寂

玉山珍禪師法嗣

江寧府蔣山曇芳忠禪師。南康人。因寺菑。翌日。梁王登山。謂師曰。興復若何。師曰。賴有大檀越在。王曰。寺既燬矣。佛依何住。師曰。古佛過去。今佛再來。主大喜。復笑而言曰。衲子所謂蔣薄粥者何也。師曰。將謂殿下忘却。後王賜號廣慧圓悟大師。

續燈正統卷二十四

續燈正統卷二十五

南海普陀嗣祖沙門西蜀 性統 編集

臨濟宗

大鑑下第二十三世

天目妙禪師法嗣

杭州府天目中峰明本禪師。錢塘孫氏子。母夢無門開道者。持燈籠至其家。覺而生。師神儀挺異。具大人相。喜踟躕。能言。卽歌梵唄。凡嬉戲。必爲佛事。九歲喪母。十五決志出家。甫冠。閱傳燈至菴摩羅女問曼殊。明知生是不生之理。爲甚麼却。被生死之所流轉。有

疑已而往參高峰。峰孤峻嚴冷。不假辭色。見師獨權然許爲祝髮。一日誦金剛至荷擔如來處。恍然有解。時年二十有四。當至元丙戌。明年從高峰薙染。又明年受具戒。未幾觀流泉有省。詣峰求證。峰爲打趺出。旣而民間譌傳。官選童男女。師因問。忽有人來問。和尚討童男女時如何。峰曰。我但度竹篋子與他。師於言下洞然。徹法源底。峰爲書眞贊付師曰。我相不思議。佛祖莫能識。獨許不肖兒得見半邊鼻。或問高峰諸弟子優劣。峰曰。若初院主等一知半解。不道全無。如義首座固是莖老竹。其如七曲八曲。惟本維那却是竿上林梓楠。他日成材。未易量也。迨峰遷化。師領院事。以王臣問道爲煩。因謝事。遨遊江湖。或船或菴。居無定處。咸榜曰。幻住仁宗。聘召不至。賜金襴袈裟。并佛慈圓照廣慧禪師號。復敕師子禪院爲師子正宗禪寺。時宣政院虛靈隱徑山待師。師皆不就。先是駙馬太尉潘王王璋當遣人問法。以爲未足。復請旨親費御香入山參謁。師爲陞座。普說英宗特旨降香。賜金襴伽黎師。每斥學者。但尙言。道不求實。悟嘗示

人命根此。豈可以心意識卜度而爲得哉。若然。則阿難不假再修二祖不勞斷臂。何則。彼阿難二祖聰慧過人。意識明了。如汝所解者。彼豈未聞耶。蓋是心不妙悟。則見地不脫。若見地不脫。則動是情意。意識輒作一團。在處依草附木。承虛接響。致使上味醍醐。蘊在不淨器中。變成毒藥。一切時中。如箇不解脫鬼相似。見人說心說性。便乃扶籬摸壁。湊泊將去。纔見人舉起。沒巴鼻。捩轉面皮。突出牙爪。處未免意識不行。便乃渾圖吞棗。如此等輩。日用一心中。常有二主互相起滅。有時緣般若。則忘世諦。緣世諦。則忘般若。自不知是脚跟下。蹉過却。謂我工夫未熟。履踐未純。便乃糟修白業。作有漏因。以爲資助。又有一等顛預佛性。籠侗真如者。遇一切境界。只作一箇道理。硬自排遣。乃至破律儀。犯禁戒。皆無忌憚。及乎弄到差別境中。排遣不行。處自不知。是當面著謾。却謂我力量未克。聞見不廣。便乃參求古教。該博見聞。又或忘形死心。停機息念。以資狂慧。如上二種學者。蓋爲自無正念。沉是打頭。不曾遇著箇敲猪狗手。脚底宗師與之潌。

蕩坐在病中不自覺。知終日肆口而談。縱舌而辯。總是隔靴抓癢。如此參學。要於生死岸頭。一念相應。如吹網欲滿。非愚即狂。近世爲人師者。往往不能窮源。只欲學人速得知解。暖熱門庭。多將箇瑞巖主人公。臨濟無位真人。卽心卽佛。他是阿誰等語。與人打交。輒亦不顧他立脚未穩。恐他不能領解。又向他道。參底是誰。學底是誰。要見本性底是誰。只欲他便向者裡認箇光影。使其擎拳豎指。進前退後。不離當處。便是西來大意。學人不識好惡。墮他窠臼。如油入麵。不得出頭。誠可哀憫。良由不知衆生心中。圓淨湛然。元無汙染。只爲情生智隔。相變體殊。一妄督與萬緣各立。外則妄見山河大地。明暗色空。內則妄見四大五蘊。見聞知覺。乃至八萬四千塵勞。及與菩提真如。涅槃佛性等相。皆不出此一妄而有。然此妄念若欲去除。須是工夫純熟。脫落根蒂。坐斷聖凡。勘然開悟。不然。饒你見超二祖。慧過阿難。正坐在第八識中。以識去識。以妄遣妄。如避身影於日中。滅眼華於空裡。徒自勞神。轉成差別。所以從上諸老宿。不奈伊何。拈出

一把折柄刀子。刺在伊命根上。待伊捱到轉身不得處。奮命一挨。卒地斷爆地折。妄消想滅。見謝執忘。便見森羅萬象。廓爾平沉。聞見覺知。當處解脫。併百千世界融歸一心。自然法法全真。頭頭露然。雖如是。若要向衲僧面前開口吐氣。更須朝打三千。暮打八百。待伊死骸體上。活眼重開。方有語話分。小參大道。在目前。山是山。水是水。玄機超物表。聖非凡。非凡一念洞然。萬機廓爾。水晶宮。秋容澹。森羅萬象。吞吐明月珠。雪松齋。浩氣沉沉。屏几六牕。交徹寶絲網。無一物不彰。至化無一事不演。真乘莊周。雖蝶夢枕邊。敢保其富機罔措。子韶固蛙聞月下。未許其觀面。施呈者一著子。名不得。狀不得。卽其知處。已陷重圍。事亦然。理亦然。與麼會時。早沉識海。所以道。神光獨耀。萬古微猷。入此門來。莫存知解。且不知知解底。句如何。指陳玉宇。秋高無界限。金園春事。政敷朕示。衆慧剎單。提日用中天然元。不犯磨礱。神號鬼哭。喪魂膽。徧野尸橫。不露鋒。古人與麼說話。已是自傷已命了也。殊不知我王庫內。無如是刀。臘八示衆。

玄玄絕待妙妙無依獨露真常全彰至體名不得狀
不得雪老水枯理無礙事無礙天荒地迥萬里雲收
五夜四方星燦長空揭開咸音那畔腦門圓陀陀光
灼灼獨睹觸體背後眼光淨裸裸赤灑灑勒回三萬
劫風飛雷厲之神機突出五千軸海涌雲屯之寐語
大衆釋迦老子來也。卽今在諸人眼睛裡仰見明星
頂額上成等正覺。諸人還覺眉毛動也。無如其未委
各請歸堂。示衆。龍牙云。學道之人不識真。只爲從
前認識神。無量劫來生死本癡人。喚作本來人。本上
座今日爲伊翻歇去也。學道之人不識真。用識作麼。
只爲從前認識神。也不較多生死本。卽不問如何是
本來人。喝一喝。曰。切忌錯下註脚。至治癸亥八月十
五。說偈辭衆曰。我有一句分付大衆。更問如何。無本
可據。置筆安坐。而逝世壽六十一。僧臘三十七。奉全
身塔於本山之西岡。天曆己巳。文宗敕證智覺塔曰。
法雲元統甲戌。賜廣錄三十卷入藏。號普應國師。
杭州府天目正宗。斷崖了義禪師。德清楊氏子。年十
七。聞誦高峰上堂語。遂往參謁。侍峰於死關。峰令看

萬法歸一一歸何處。話因名從一。他日峰爲衆舉牛
過窓欄。話師聞有疑。曰。夕體究偶過盍孟塘。見松枝
雪墜有省。詣峰呈頌。曰。不問南北與東西。大地山河
一片雪。聲未絕。峰痛棒打出。不覺隕身崖下。人意其
必死。同學捫蘿救之。無所損。乃自誓七日取證。未至
期。豁然大悟。復馳至死關。大呼曰。老和尚今日護我
不得也。復說偈曰。大地山河一片雪。太陽一照便無
蹤。自此不疑諸佛祖。更無南北與東西。東峰乃上堂曰。
山僧二十餘年布縵天網。子打鳳羅龍。不曾遇得一
蝦一蟹。今日有箇螻蛄蟲。撞入網中。固是不堪上眼。
三十年後向孤峰絕頂。揚聲大叫去在。且道。叫箇甚
麼。舉拂子曰。大地山河一片雪。師謂同學曰。盡大地
有一人發真歸元。從一皆知之。峰歎其俊快。尋回省
親。乃奉母入武康。上栢結茅。以居。養親事畢。還山見
峰。峰曰。大有人見你拖泥帶水。師曰。兩眼對兩眼。遂
爲蘿落。改名了義。峰旣示寂。師益韜晦。頽然居下版。
四衆累請。乃勉住師子正宗焉。示衆。若要超凡入
聖。永脫塵勞。直須去皮換骨。絕後再甦。如寒灰發燄。

枯木重榮豈可作容易想我在老和尚處多年每被大棒打徹骨髓不曾有一念遠離心直至如今纔觸著痛處不覺淚流豈似你等歡喜踴躍較著些子苦味便乃掉頭不顧殊不知苦味能除百病大凡工夫若到省力時如順水流舟只要稍公牢牢把舵纔有絲毫異念生管取喪身失命若到純一處不可起一念精進心不可起一念懈怠心不可起一念求悟心不可起一念得失心纔有念生即有一切邪魔入你心腹使你顛狂胡說亂道永作魔家眷屬佛也難救你戒之戒之 順帝元統癸酉除日謂侍者曰有一件事天樣大你還委悉麼良久曰明日是年朝正月六日詣法雲塔西指空地曰更好立箇無縫塔其晚與禪者談笑如平時至夜分乃曰老僧明日天台去也若曰某甲隨師去師曰你走馬也趁我不及翌旦踟躕而化世壽七十二僧臘四十九藏全身於獅子巖後之雲深菴化之日雷砰雨射白晝晦暝及葬雪華繽紛林木縞素送葬者數千初中峰會葬齋次師謂衆曰後十二年更爲老僧一會衆未深信至是始

驗至元丙子七月朝廷欽師道行敕諡佛慧圓明正覺普度大師

杭州府大覺布衲祖雍禪師明州寧海人侍高峰最久躬事春巒貌甚黑瘠黧而少文初爲院主後首衆提唱超卓辛卯鶴沙羅提舉爲高峰施巨莊贍衆峰力辭霍乃別營大覺請師領寺事及峰臨寂乃囑師以後事焉嘗有山居偈曰就樹縛茅成屋住拾荊鋤戶傍溪開是他懶瓚無靈驗惹得天書三度來高風遠韻槩可想見云後於中竺桂子堂書偈坐逝處州府白雲山禪智寺空中以假禪師得旨高峰後棲遲白雲四方禪侶聞風來赴屢滿戶外至元丙子夏一日援筆書偈曰地水火風先佛記掘地深埋第一義一免檀那幾片柴二免人言無舍利擲筆趺坐而化

靈雲定禪師法嗣

南昌府般若絕學世誠禪師示衆有志之士趨衆中柴乾水便僧堂溫暖三年不出門決定有大受用有等纔作工夫覺得胸次輕安目前清淨便一時放下

作偈作頌口快舌便將謂是大了當悞了一生可惜
前來許多心機中途而廢三寸氣斷將何保任衆兄
弟若欲出離生死參須實參悟須實悟閻羅大王不
怕你能言能語

徑山陵禪師法嗣

金華府寶林桐江紹大禪師嚴州吳氏子世居桐江
因以爲號幼入里之鳳山剃染受具戒參虛谷于徑
山佩服心印歷事徧參一日曰吾今而後乃知法之
無異味也遂罷參翻大藏凡三過內外學咸通其旨
東嶼居淨慈命典藏鑰至順壬申出世里之烏龍後
遷雲黃寶林法會稱極盛一日示微疾鳴鼓集衆敘
謝衆請偈師接筆擲地曰縱書到彌勒下生寧復離
此言畢而化世壽七十四僧臘五十八闍維舍利如
紺珠齒牙不壞有三會語錄

杭州府徑山竺遠正源禪師歐陽文忠公之裔世居
南康年二十七棄家薙染受具參方首謁虛谷谷學
龍潭吹滅紙燭話問意旨如何師曰焦石可破層氷
谷曰破後如何師曰探索乃知谷曰所知者何事師

擬對谷劈脊便棒師悚然噉旨後出世觀音與聖次
補道場靈隱後遷徑山賜號佛慧慈照普應禪師以
至正辛丑六月示寂全身塔于徑山弟子分爪髮舍
利藏于道場世壽七十三僧臘四十五

道場信禪師法嗣

湖州府福源石屋清珙禪師常熟溫氏子生咸淳初
幼依崇福寺薙染受具戒首參高峰峰示萬法歸一
一歸何處話令參服勤三年無所發明辭峰峰曰溫
有瞎驢淮有及菴宜往見之因至建陽參及菴菴問
何來師曰天目菴曰有何指示師曰萬法歸一一歸
何處菴曰汝作麼生會師無語菴曰此是死句甚麼
害熱病底教汝與麼師拜求指的菴曰有佛處不得
住無佛處急走過意旨如何師不契菴曰者也是死
句師不覺悚栗汗下一日入室菴再理前話師曰上
馬見路菴呵曰汝在此六年猶作者箇見解師發憤
而去中途忽舉首見風亭豁然有省遂返語菴曰某
甲今日會得活句也菴曰汝作麼生會師曰清明時
節雨初晴黃鶯枝上分明語菴領之因復親炙久之

辭去菴門送之曰他日與汝同龕未幾菴遽道場師復依之典藏鑰悅堂間主靈隱師居第二座罷參後結菴湖之霞霧山喜吟咏有山居諸偈至順辛未四月出住當湖福源。上堂把住也鋒銳不露放行也十字縱橫水雲深處相逢却在千峰頂上千峰頂上相逢却在水雲深處今朝福源寺裡開堂演法昨日天湖菴畔壘土耕煙所以道法無定相遇緣即宗可傳真寂之風仰助無爲之化正與麼時如何拈拄杖卓一下曰九萬里鵬纔展翼一千年鶴便翱翔。謝專使并三塔和尚首座都寺上堂睦州峻臨濟喫棒不是好心楊岐逼慈明晚參不是好心趙州訪道吾不是好心福源專使逼人住院且道是好心不是好心珊瑚枕上兩行淚半是思君半恨君。謝殿主淨頭上堂一身清淨則多身清淨一世界清淨則多世界清淨東司頭臭氣佛殿裡蓬塵且道從甚麼處得來以手掩鼻曰又是一點也。中秋謝藏主上堂天上月正圓人間月方半諸人恐未知打鼓普請看道是如來藏裡摩尼珠又似賓頭盧尊者手中瑠璃盃。

此也不可辯也不可辯天風吹露溼桂花香漫雲邊廣寒殿。上堂我有一句子欲與諸人說破又恐諸人罵我不與諸人說破又恐諸人疑我且道如今說即是不說即是撫膝曰知我罪我吾無辭焉。上堂黃梅俾老盧踏碓石頭議梁山不爲有一丈蓬可以使八面風無三尺鞭難以控千里馬伊蘭園裡不生旃檀黃檗樹頭討甚蜜果。上堂動若行雲止猶谷神水中鹹味色裡膠青細雨漫衣看不見閒花落地聽無聲。上堂所聞不可聞所見不可見昨夜五更風吹落桃華片蒼苔面上生紅霞百鳥不來春爛熳。上堂喫飯要止饑飲水要止渴著衣要免寒歸鄉要到家學道要到三世諸佛開口不得處參禪要到歷代祖師插脚不入處若不如此倚他門戶傍他牆壁聽人指揮喫人洩唾總不丈夫福源與麼說話良藥苦口忠言逆耳。上堂是聖是凡入門便見波斯鼻孔開眼便見蚌蛤心肝開口便見諸人兩莖眉毛橫在眼上因甚看他不見明眼人前三尺暗。上堂臘月一水生骨虛明自照不勞心力白鷗寒鴈蘆

華無處尋他蹤蹟。待得日暖冰融。水面寬。依舊飛來照破湖光碧。上堂卽心卽佛。也不是。非心非佛。也不是。不是心。不是佛。不是物。也不是。怎麼也不是。不是。怎麼也不是。怎麼總不是。子細看來。直教你無用心處。正好用心。卓拄杖曰。藕穿平地爲荷葉。笋過東家作竹林。住持七年後。以老引退。復歸天湖。至正間。順帝降香幣。皇后賜金襴法衣。聞天湖之風者。莫不心爽神慕。以爲眞得古先德遺型。至正壬辰七月二十四。云微疾。中夜集衆訣別。衆請後事。師索筆書偈曰。青山不著臭屍骸。死了何須掘土埋。顧我也無三昧火。光前絕後一堆柴。書畢擲筆而逝。闍維舍利五色塔于天湖之原。以及菴之塔配之。示不忘同龕意也。壽八十一。臘五十四。高麗國師太古愚骨侍師得旨。王聞欽渴。表達朝廷。敕證佛慈慧照禪師。仍乞移文江浙。請淨慈平山林入天湖分師舍利之半歸國供養。

金華府羅山正覺石門至剛禪師。世居山麓。得法遊歷。罷歸里建寶坊。文其楣曰正覺。歲除日。謝道德。

首座順侍者看病上堂。歲事除年華畢。尊莫尊乎道。貴莫貴乎德。覺卽般若。因顧卽菩提。佛當知種豆不生麻。因果自然明。歷歷然。雖如是。且道如何見得。八福田中。看病第一。小參。踏翻生死海。涓滴不留。推倒涅槃城。纖塵不立。且是不勞餘力。如壯士揮戈鋒銳。不犯如人善射。毫髮無差。自然處處逢源。頭頭合轍。不假修證。本自圓成。盡大地是勝妙覺場。徧法界是眞如實地。悟取人人有分。了知箇箇無虧。一念不生。入三摩地。一塵不動。轉大法輪。自利利他。俱登彼岸。全身放下。總得自繇。到者裡說甚涅槃生死眞如佛性。了無一法當情。直得十方坐斷。今日舉揚般若。端爲追薦上峰最菴主。不動脚跟。高超樂土。不勞舉念。卽證無生。擊拂子曰。見徹本來無隱蔽。紛紛桂子散天香。臨終訣衆偈曰。七十六年了然寬廓。撈破虛空。須彌倒卓。

杭州府淨慈平山處林禪師。本郡仁和王氏子。生時有異徵。年十二。父母命投廣嚴寺出家。十七受具戒。參方母爲治裝。使行謁及菴於金華。菴留居侍司一。

夕菴燃紙燭舉示師曰龍潭吹滅汝作麼生師方擬答菴遽以手掩其口從此悟入菴遷道場命典藏鑰未幾秉拂陞座機如餅瀉衆咸惺伏泊菴示寂往依虛谷陵于仰山陵處以第二座皇慶癸丑出世大慈定慧瓣香爲及菴嗣復開山當湖福源再遷中竺至正癸未行宣政院使請主淨慈十八年中殿堂鐘鼓爲之一新丞相達識鐵陸爾請移靈隱正謀起廢值張吳自蘇入杭師謂衆曰吾緣盡矣乃還淨慈更衣沐浴集衆說偈而化當辛丑五月一日世壽八十三僧臘六十六敕諡普慧性悟禪師塔淨居菴右

匡山源禪師法嗣

杭州府海門天真惟則禪師別號永樂老人吳興費氏子母夢異僧分衛到門覺而有娠及誕異香襲人髫年禮杭之祐福高林壽爲師年十六受具戒二十三遊方謁楚石千巖無見無聞等一十八員尊宿因緣不契後之匡廬遇無極極終日不語無所啓發一日值極如廁師急趨前問曰如何是祖師西來意極擒住曰道遠師豁然頓悟于是遨遊江湖平山居靈

隱招致典藏後因受業老病遂歸省侍四方學者嚮至固請開法開堂日僧問作麼生是佛祖爲人處師曰狗舐熱油鐺曰和尚今日開堂還有爲人處麼師曰猛虎當途坐曰豈無方便師震威一喝問如何是日面佛師曰今日雲生曰如何是月面佛師曰夜來再看上堂舉明果道十五日已前提水放火十五日已後鵲噪鴉鳴正當十五日風恬浪靜國泰民安有一句到你啞却我口無一句到你瞎却你眼十字街頭潘四郎頭不梳面不洗知他是凡是聖師曰應菴老漢大似倚富欺貧賣弄不少海門即不然十五日已前明不離暗十五日已後暗不離明王宣十五日明暗頓忘古今絕待你諸人向甚麼處體究擊拂子曰閒中不契林泉樂坐久但閒風雨聲臘八上堂威音王已前未曉一法一字時早是超佛越祖黃面老子因甚臘月八夜方始成道者噯酒糟漢惑亂世間何有了期海門今日點破了也汝諸人即今道得也未良久卓拄杖曰將謂胡鬚赤更有赤鬚胡上堂顧左右曰著甚死急雖然到者裡也不得

放過喝一喝便下座。上堂道：「火被火燒，說水被水溺，會禪被禪縛，以手指左邊，曰：『却被者僧勘破。』」臘八上堂，晝見日，夜見星，登舟疑岸動，捏目便華生。老瞿曇昔年到而不點，則上座今日點而不到，諸人要見明星麼？以拂子打圓相喝一喝便下座。上堂：「我若向上舉揚如下戈箭，佛來祖來俱中汝等，向何處逃避？若能具此眼目，堪爲人天之師，如或不然，自救不了。倘有人問我西來祖意，只向他道：『今日輸了一轉語。』」也還有人免得此箭麼？卓拄杖下座。上堂：「我坐汝立，誰得誰失？縱然佛祖到來，亦難辨的。以拂子打圓相曰：『咄！天下衲僧跳不出。』」上堂：「蟋蟀鳴曉庭，芙蓉照秋水，遙望海天晴。鷗鷺多如雨，若也別解參，隔越三千里，往往事從叮囑起。」洪武初，詔徵天下高僧赴京，天界住持西白金首以師名薦，俄以足疾請歸。癸丑仲春，示微疾，一日侵晨告衆，遂瞑目而逝。茶毗獲舍利無數，頂骨牙齒舌根不壞。閱世七十有一，坐夏五十有八。弟子智旻等建塔于本山永樂甲午，更名天真，宣德甲寅，敕賜海門禪寺。

瑞巖寶禪師法嗣

台州府華頂無見先覩禪師仙居葉氏子，生咸淳間。從古田屋薤染初參藏室，珍于天封，次謁方山寶于瑞巖，築室華頂，乾乾朝夕一日作務，次渙然省發平生所疑。一日水釋趨白方山，山說偈印之，復歸華頂，一坐四十夏，足不越戶限，關娑羅軒以導來學。示衆風冷冷日杲杲，薔薇花開滿路香，池塘一夜生春草，堪悲堪笑老瞿曇。四十九年說不到，阿呵呵拍禪牀下座。示衆：「若論此事，一大藏教註不及，天下老和尚拈提不起，直饒有傾湫之辯，倒嶽之機，到者裡一點也用不著。諸仁者，饑則喫飯，困則打眠，熱則乘涼，寒則向火，一一天真，一一明妙，何得踏步向前論禪論道？將魚目爲珠，認橘皮作火，不見道大機須透徹，大用須直截，不識東家孔丘翁，却向他邦尋禮樂，卓拄杖一下。」元統甲戌五月望日，遺書謝道侶說偈踟躕而逝。闍維，白乳如注，舍利凝結成五色彩，瘞于所居之西錫號眞覺塔曰：「寂光壽七十，薦五十。」寧波府松巖秋江元湛禪師久從龍象遊，後參方山。

得旨偶遊松巖愛其清勝不忍去遂趺坐石上俄有二虎踞坐其側若護衛狀師命之伏枕其背熟睡山民異之卽其處剏建精藍師居之干涉世事法施之外澹如也將化別衆就龜說偈曰洗浴著衣生祭了跏趺宴坐入龜藏華開鐵樹泥牛吼一月長輝天地光復謂衆曰十五年後寺當火啓龜則火可止至期果然衆亟開龜師神色如生爪髮俱長

杭州府鳳山一源靈禪師寧海人從徑山雲峰苴染參方山於瑞巖充堂司一日入室請益趙州勘婆話山曰維那你試下一語看師曰盡大地人無奈者婆子何山曰山僧則不然盡大地人無奈趙州何師當下如病得汗後住鳳山上堂舉世尊陞座文殊白椎公案師曰世尊已是錯說文殊已是錯傳新鳳山今日已是錯舉會麼字經三寫焉成馬一日見僧擲選佛圖師示偈曰百千諸佛及衆生休向圖中強較量心印當陽輕擲出堂堂安坐寂光場復曰古人無剪爪之工汝輩後生忍唐喪光陰且擲圖選佛到極合煞時擲得一箇印出便懽喜道我成佛了殊

不知一切時一切處皆是汝成佛處汝却不知鍼工丁生天台人參瑞巖方山管蒙印許有詠瑠璃偈曰放下放下提起提起一點靈光照天照地

天童日禪師法嗣

寧波府天童平石砥禪師送愷藏主省徑山叟偈曰山頭老漢八十一我此東南大法城雙鬢又添新歲白片言能使古風清爲人不用鑿虎術養子寧忘砥牘情明月堂前坐深夜餘光分得到長庚

高峰日禪師法嗣

日本國南禪夢窓智曜國師本國勢州源氏宇多天王九世孫九歲出家十八爲僧每夢遊中國疎山石頭二刹一老僧授以達磨像遂名疎石乃決志參方初謁無隱範次見一山寧備陳求法之誠山曰我宗無語句亦無一法與人師曰豈無方便乎山曰本來廓然是大方便師疑悶不輟復謁高峰峰曰一山有何指示師述前語峰厲聲喝曰何不道和尚漏逗不少師於言下有省益自奮勵一夕坐久忽倚壁身踣豁然大悟作偈有等閒擊破虚空骨之句呈似峰

爲印可。乃出無學元公淵源以畀之。後於本國大弘
宗教。賜號普濟國師。師志在煙霞。出世非所願。聘至
皆力辭之。其國主起師。主南禪。入見。引坐求退。王曰。
吾非有他欲。期朝夕問道耳。復強師入。天龍錫師號。
手書後於兜率內院示寂。世壽七十九。僧臘六十。全
身塔于院之後。存日所剪爪髮。瘞雲居者。髮中累累
生舍利。

續燈正統卷二十五

續燈正統卷二十六

南海普陀嗣祖沙門西蜀 性統 編集

臨濟宗

大鑑下第二十四世

天童一禪師法嗣

杭州府徑山杲菴敬中普莊禪師。台之仙居袁氏子。依天童左菴。茂染久之。不契。出遊。參了堂於天寧堂。問何來。師曰。天童。堂曰。冒雨衝寒。著甚死急。師曰。正爲生死事急。堂曰。如何是生死事。師以坐具作撼勢。堂曰。敢來者。裡捋虎鬚。參堂去。一日。室中舉庭前栢樹子話。師擬開口。堂劈口便掌。從此悟入。初出世。撫州北禪。後遷雲居。洪武癸酉。詔徵天下高行。沙門師應詔對揚稱旨。是年秋。銜命祀廬山。禮成。詔主徑山。僧問。如何是雲居境界。師曰。路轉溪迴。空院靜。曰。如何是境中人。師曰。太平時代。自由身。曰。人境已蒙師指示。願聞一句接初機。師曰。無毛鷄子貼天飛。問。路逢達道人。不將語默對。時如何。師曰。達道者方知曰。和尚何得干戈相待。師曰。捉賊不如嚇賊。曰。明眼人

瞞他一點不得。師曰。情知你不是好心。問。新到我者。裡虎狼塞路。荆棘參天。上人到來有何忙事。曰。特來禮拜和尚。師曰。入門一句。則不問。脚跟下草鞋甚處得來。僧擬議。師便喝。又問。昨離何處。曰。廬山。師曰。不勞再勘。師嘗勘僧曰。近奉公文。務要打點上座。僧曰。某甲不是好細。師曰。也須勘過。始得。曰。和尚莫倚勢欺人。師展手曰。把將公驗來。僧擬議。師便掌一僧曰。久聞和尚有此機要。師曰。山僧失利。一僧問。承聞和尚有打點之機。是否。師熟視曰。汝來自首。那曰。學人掀倒禪牀去也。師曰。汝是甚處人。曰。高著眼。師曰。者依草附木底精靈。鉢草次僧問者。片田地幾時刻得乾淨。師舉起鋤頭曰。未審上座喚作甚麼。僧無語。師拋下鋤頭曰。者片田地幾時刻得乾淨。問。騎虎頭。收虎尾。中間事作麼生。師曰。渠儂得自由。曰。只如古人道。我也弄不出意旨。如何。師曰。入水見長人。徑山上堂曰。僧問。九重天上承恩澤。五髻峰頭據祖關。四海禪流齊側耳。願聞一曲萬年歡。學人上來請師舉唱。師曰。須彌頂上擊金鐘。曰。與麼則過量

人明過量事。太平時唱太平歌。師曰：「毫釐有差，天地懸隔。」曰：「和尚遠辭京國，近到徑山，如何是不動尊師？」曰：「待盃盂峰趺跳，卽向汝道。」曰：「適聞疏中道千年枯木逢春，一代曇華現瑞，可謂誠實之言。」師曰：「汝用許多心識計較作麼？」曰：「龍象筵開，當此日等閒掣取錦標。」師曰：「不是龍門客，切忌遭點額。」僧請益師曰：「汝自己分上，少箇甚麼？」却來請益。僧擬對師曰：「只知貪程不覺蹉路。」問：「如何是祖師西來意？」師曰：「盃盂口向天。」曰：「此是古人底。」師曰：「老僧用得恰好。」曰：「如何是奇特事？」師曰：「千年田八百主。」曰：「學人不曾。」師曰：「至今將不去，留與老農耕。」問：「如何是道？」師曰：「木落崖石出。」曰：「只如先德云：『山上有鯉魚，井底有蓬塵。』意作麼？」師曰：「見之不取，思之千里。」上堂舉雲門曰：「平地上死人無數，出得荊棘林是好手。」時有僧曰：「恁麼則堂中上座有長處。」門曰：「蘇嚧蘇嚧。」師曰：「雲門與麼道，雲居則不然。」平地上活人無數，入得荊棘林是好手。忽有人出來，說長說短，拈拄杖劈脊便打。何故？水流湮火就燥，禍福無門，惟人自召。示衆：「宗師家不」

得已一言半句，無非爲學者抽釘拔楔，解粘去縛，如善舞太阿，自然不傷其手。近代據師位，訓學徒，記持文字，崇飾語言，誇耀後來，增長惡習，不知有自己出身路。如衣壞絮行，棘林中不能自由。少林直指之宗，於此墜地，良可痛傷。汝輩行脚，各須帶眼，莫教墮他網中，出頭不得。只如古人道：「入此門來，莫存知解。」若約山僧見處，直饒知解，頓忘猶是門外漢。到者裡，須辨縑素，始得珍重。上堂觸目不會，道運足安知路？古人與麼道，大似勞而無功。山僧見處，也要諸人共知。驀拈拄杖卓一下，曰：「但得雪消盡，自然春到來。」浴佛上堂，眞佛無形，浴箇甚麼？毗藍園裡，妄見空華。雲門令行，不到今日。驀拈拄杖，召大衆曰：「今日事作麼？」生昆明池裡，失却劍曲江江上，撈得鋸卓拄杖下座。上堂老僧開荒時，於法堂基上掘得一箇鋤斧。子久聚兄弟，若有用得著者，兩手分付。若是荷負不去，老僧收得來，著甚死急？不如颺向擲堆頭，從他日炙風吹去也。驀拈拄杖卓一下，曰：「鞭起鐵牛耕大地，誰能井底種林檎。」上堂舉盤山示衆：「心月孤圓，」

光吞萬象。光非照境。境亦非存。光境俱忘。復是何物。洞山曰。光境未忘。復是何物。師曰。二尊宿弄物。不知各各與二十拄杖。不見道。見義不爲何勇之有。冬至上堂。舉洞山冬夜與泰首座喫果子。次問曰。有一物。明如日。黑如漆。常在動用中。動用中收不得。過在甚麼處。坐曰。過在動用中。洞山令侍者撥退果。桌師曰。當斷不斷。反招其亂。若是徑山。見他道過在甚麼處。便與掀翻果桌。亦使旁觀知有宗門。爪牙雖然也。須腳踏實地。始得。拈拄杖曰。不向藍田射石。虎何人知。是李將軍。卓拄杖下座。上堂。一迷一切迷。一悟一切悟。一暗一切暗。一明一切明。所以道具足。凡夫法。凡夫不知具足。聖人法。聖人不會聖人。若會。卽同凡夫。凡夫若知。卽是聖人。到者。裡塵勞煩惱。菩提解脫。縛作一塊。且道。非非想。天卽今有幾人。修因證果。拈拄杖曰。一年三百六十日。一日日從今日始。拄杖子亦從今日始。卓拄杖曰。擊碎三玄三要。門普天匝地清風起。上堂。舉玄沙因鼓山至。畫一圓相。山曰。人人出者。箇不得。沙曰。情知你向驢駝馬腹裡作活。

計山曰。和尚又作麼生。沙曰。人人出者。箇不得。山曰。爲甚。和尚恁麼道。却得某甲恁麼道。却不得。沙曰。我得你不得。師曰。玄沙與鼓山。難兄亦難弟。若要出得者。箇總欠悟在。雪竇曰。只知貪觀白浪。不知失却手。撓縚素眼。何在。薦拈拄杖。畫一畫曰。一把柳絲。收不得。和煙搭在玉闌干。浴佛上堂。舉藥山因遵布衲浴佛話。師曰。藥山能縱不能奪。布衲能奪不能縱。總未具超宗眼在。黃龍南曰。二尊宿一出。一入。未見輸贏三十年後。不得錯舉。早是錯下名言。徑山見處也。要諸人共知。今日殿中。普請浴佛者。箇那箇不得動著杓柄到手。更莫顛顛擊拂子曰。將此深心。奉塵刹。是則名爲報佛恩。永樂癸未十月二十三日。示寂於不動軒。世壽五十八。僧臘四十五。闍維煙焰所至。舍利如貫珠。塔于凌霄之陽。

壽昌源禪師法嗣

寧波府天童元明原良禪師。寧海周氏子。初住瑞巖。後遷天童。有侑宏智祖塔辭曰。嗚呼山不讓塵。故能成其高。海不讓流。故能成其深。師非宿備六度。萬行。

之願輪則曷由樹斯大法之功於古今聖人出興作百世師千載一時惟師得之巍巍宰堵鎮茲東谷洞上一宗直規復昭告菲詞深勒崖谷願師再來爲法作則

徑山悅禪師法嗣

寧波府慈谿定水見心來復禪師南昌豐城王氏子至正壬午祝髮于邑之西方寺走雙徑謁南楚久之乃得證入無何避兵會稽遂主慈谿定水凡廢者煥然一新以干戈間阻不能省母作室于潤東名蒲菴取陳尊宿義後遷鄞之天寧杭之靈隱舉馬祖遣人送圓相上徑山話頌曰緘回特地謝殷勤海月山雲見處親莫怪南陽太饒舌乾坤誰是不疑人舉僧問馬祖離四句絕百非話頌曰一幅水綃五色新玉梭巧織鳳池春鴛鴦繡出從君看不把金鍼度與人舉文殊維摩各說不二法門話頌曰妙喜天中問疾過機先勘破老維摩利塵常說虚空聽一默相酬早是多舉文殊令善財採藥話頌曰是藥拈來會得麼神方不必問耆婆若言殺活全工巧大地羣

生病轉多舉靈雲見桃花玄沙未徹話頌曰盡向長安踏早春紫騮隨處逐芳塵年年歌管東風裡解識桃花有幾人洪武戊申召至京賜食內庭慰勞優渥適建鍾山大會敕師陞座說法復命蜀王椿從師問道有答蜀王問參禪法要書一千餘言又答晉王問禪要書五百餘言所著有蒲菴集及蒲菴外集行世

靈隱明禪師法嗣

杭州府淨慈休菴無旨可授禪師台州臨海李氏子年十二依季父沙門仲智於石門寺十九得度爲大僧參普覺於靈隱問答之頃疑情頓釋至正丙戌出世台州安聖閱五年遷隆恩又二年補真如明年行宣政院選主龍華一坐十三夏洪武癸丑杭郡侯命主中仁至則淨慈諸勤舊相與力爭屢却不聽不得已強居二載退臥竹院一日示疾召左右曰吾逝矣左右進觚輪師麾去曰吾宗本無言說泊然而寂世壽六十九僧臘五十火浴齒牙質珠不壞設利光瑩色如金晶其徒斂諸不壞并遺骼歸龍華塔而藏焉

天界信禪師法嗣

溫州府江心覺初慧恩禪師久依孚中信信居護龍河上師嘗分座說法後信示寂師出世建業之聖泉次遷永嘉雅山未幾江心虎席牧守請主之所著有
三會語錄

天目本禪師法嗣

金華府義烏伏龍無明千巖元長禪師蕭山董氏子年七歲從諸父比丘曇芳於富陽法門院十九薙髮受具戒學律於靈芝會行丞相府飯僧中峰適在座遙見師呼而問曰汝日用如何師曰念佛峰曰佛今何在師擬議峰厲聲叱之師作禮求示法要峰以狗子無佛性話授之縛茅靈隱脇不沾席者三年一日聞雀聲有省亟往見峰峰復叱之師憤然歸夜靜忽鼠翻食猫器墮地作聲恍然開悟復往質峰峰曰趙州何故云無師曰鼠餐猫飯峰曰未也師曰飯器破矣峰曰破後如何師曰築碎方巖峰乃微笑囑曰善自護持時節若至其理自彰師受囑隱天龍之東菴笑隱主中竺力薦起之宣政院脫歡亦遣使見迫師

皆不諾居亡何諸山爭相勸請師度不爲時所容遂杖錫踰濤江東至義烏之伏龍山山如青蓮華乃卓錫巖際曰山有水吾將止焉俄山泉溢出作白乳色師遂依大樹以居時泰定丁卯十月也初山有禪寺名聖壽久荒廢師入山鄉民咸夢異僧來遂相率爲伐木構精廬尋因舊號成大伽藍朝廷三遣重臣降香錫號佛慧圓鑒普濟禪師并賜金欄法衣僧問如何是祖師西來意師曰野馬入牛欄問如何是佛師曰今日好雨曰如何是道師曰此去義烏不遠問如何是賓中賓師曰當胸叉手問他人曰如何是賓中主師曰堂上坐來曰正午曰如何是主中賓師曰有時歡喜有時嘆曰如何是主中主師曰橫按鐵鐺無佛祖問如何是露地白牛師曰草裡臥曰甚麼人騎得師曰無髭鬚鬚子曰三身中那身說法師曰賣油婆子水梳頭曰德山棒臨濟喝意旨如何師曰惡人先做大問如何是和尙家風師曰無力豎拳頭問達磨面壁意旨如何師曰有口開不得問浩浩塵中如何辨主師舉拳示之曰辨後如何師

曰你主在甚麼處。問釋迦彌勒猶是他奴未審他是阿誰。師曰糞掃堆頭破苴帚。曰學人不會。師曰問取淨頭。上堂僧問如何是第一句。師曰有口如啞。曰如何是第二句。師曰有眼如盲。曰如何是第三句。師曰棒折也未放你在。乃擲下拂子曰。此是老僧第二句。如何是第一句。便下座。上堂僧問如何是奪人不奪境。師曰日照山河影動搖。曰如何是奪境不奪人。師曰背水陣圓增勇健。曰如何是人境俱奪。師曰任是鋒刀常坦坦。假饒毒藥也閒閒。曰如何是人境俱不奪。師曰野老不知堯舜力。鼙鼙打鼓祭江神。僧禮拜。師曰有麝自然香。何用當風立。乃曰轉山河國土歸自己。則易轉自己歸山河。國土則難拈了也。父母未生前道將一句來。示衆今朝初。一上殿已畢。喝囉怛那。西方日出。示衆舉德山托鉢因緣。拈曰。末後句子。德山巖頭雪峰。總跳不出。乃喝一喝曰。大丈夫當作眞王。何以假爲。示衆良久曰。大衆會麼。會則事同一家。不會則萬別千差。臨濟道我在黃檗喫六十痛棒。如蒿枝拂相似。如今更思量一頓誰

爲下手時。有僧出曰某甲下手。濟度杖與僧僧擬接。濟便打看他的。顯示者些子。無你近傍處。豈常情所能測。老僧尋常痛口罵你痛棒打你。你不作無明。會便作佛法會。又何曾夢見我先祖門風。所以古人云。臨濟之道。將墜于地。痛哉。正與麼時。合作麼生。超群須是英靈漢。澈勝還他師子兒。示衆傳大士曰。夜夜抱佛眠。朝朝還共起。起坐鎮相隨。語默同居止。分毫不相離。如形影相似。欲識佛去處。只者語聲是。玄沙曰。大小傳大士。祇認得箇昭昭靈靈洞山聰。曰且道。衲僧家日裡還曾睡也。無保寧勇曰。要眠時即眠。要起時即起。水洗面皮光。啜茶湑却柴。大海紅塵生平地。波濤起呵呵。阿呵呵。哩哩哩。囉哩三尊宿。大似徐六擔版。傳大士又俗氣不除。若論向上宗乘。總欠悟在。且道無明具甚麼眼目。不見道直須揮劍。若不揮劍。漁父棲巢。示衆今朝臘月二十五。雲門一曲會無譚。爭似無明調轉。高等閒唱出千山舞。大地爲琴。虛空爲鼓。拍拍相隨。聲聲相助。汝諸人須聽取。白雪陽春何足數。箇中端的孰知音。寥寥永夜松風

度。示衆舉文殊普賢起佛見法見。被世尊威神。貶向二鐵圍山。師曰。大衆不起。佛見法見。還免得貶向二鐵圍山麼。世尊也是憐兒不覺醜。示衆舉瑯琊覺有句無句。如藤倚樹。樹倒藤枯。好一堆爛柴。大慧曰。作賊人心虛。雖然如是。恩大難酬。師曰。一人作佛法。商量一人作世諦。流布檢點。將來總欠悟在。無明見處也要諸人共知。有句無句。如藤倚樹。樹倒藤枯。響。示衆江月照松風吹。面面青山展笑眉。經有經師論有論。師莫怪老僧無法說。勞汝諸人立片時。

示衆一喝。分賓主。照用一時行要。會箇中意。曰。午打三更。諸禪德與麼說話。四稜場地了也。乃喝。一喝曰。且道是賓是主。是照是用。又喝。一喝曰。只者是賓。只者是主。只者是照。只者是用。又喝。一喝曰。且不是賓。且不是主。且不是照。且不是用。是箇甚麼。又喝。一喝曰。進前求解會。特地斬精靈。示衆龍門水急。一句截流。茅屋風高。千山起浪。三世諸佛。望風結舌。六代祖師。祈頌有分。天下老和尚。仰羨不及。是汝諸人到者。裡作麼生。與無明相見。薦拈拄杖曰。與麼與麼人。

境俱奪。不與麼不與麼。照用同時。卓一下。曰。龍生金鳳子。衝破碧瑠璃。喝一喝。示衆世尊拈華。眼裡撒沙。迦葉微笑。全身落草。達磨面壁。皇天苦屈。二祖安心。老鼠居金德山。行棒莽莽蕩蕩。臨濟下喝。喫鹽止渴。僞山水枯。泥裡洗土。仰山插鉢。性命難逃。俱胝豎指。是何道理。雪峰轉毬。老不知羞。石鞏張弓。詭譎盲聾。趙州勘婆。大有諸譌。玄沙未徹。話作兩橛。者一隊不啣。嚼老凍膿。生前齒。莽死後顛。預罪犯彌天。髑髏徧野。無明忍俊不禁。與渠一坑埋却。拈拄杖卓一下。曰。直得十方世界風凜凜。地法堂前何止草深一丈。汝諸人向甚麼處出氣。良久曰。擬心湊泊。二鐵圍山放之自然。七穿八穴。復卓一下。客至上堂。披衣登法座。道者是高僧。將謂多奇特。元來百不能。西風吹細雨。落葉滿空庭。有客來相訪。青山自送迎。日本國請法衣上堂。舉石門聰曰。西天二十八祖。盡得傳衣付法。東土六祖之後。得道者多。只傳其法。不傳其衣。無明則不然。衣以表法。故謂之法衣。人能弘道。故謂之法身。無處不徧。無處不明。故謂之法眼。高峰老

祖法衣一頂。今日對衆請與高麗國金剛山供養去也。幻住先師法衣一頂。我得來三十年矣。如今大拙首座又要請歸供養。雖然如是。從上諸祖各各有三十棒分。無明亦有三十棒分。衆中莫有下得者。般毒手者麼。有則出來。如無他時。後日不得向背地裡叫苦叫屈。擊拂下座。元順帝至正丁酉六月十四日。示微疾沐浴更衣。集衆說偈曰。平生饒舌。今日敗闕。一句轟天正法眼。滅奄然而逝。世壽七十四。僧臘五十六。弟子用陶龕奉全身。瘞于青松菴。諡佛慧鑑禪師。

蘇州府師子林天如。惟則禪師吉安廬陵談氏子。受業禾山。得法中峰。住後。僧問。佛佛授手。祖祖相傳。畢竟傳箇甚麼。師曰。脚未跨門。與你三十棒了也。問。達磨不來東土。二祖不往西天。還有爲人處也。無師曰。有曰。如何是爲人處。師曰。浴院裡燈籠笑破半邊口。曰。莫便是學人轉身處麼。師曰。上天無路入地無門。曰。今日多幸。得聞師子吼也。師便喝。僧禮拜。師曰。拜則任你拜者。一喝不曾倒地。在。問。如來一音演。

說法衆生隨類各得解。未審和尚如何爲人。師曰。蝦蟆踣跳上天。蚯蚓薰過東海。曰。怎麼則超佛越祖去也。師曰。你向那裡見得。曰。今古應無墜。分明在目前。師曰。杜撰禪和。華嚴會僧問。無邊剎境。自他不隔於毫端。既有自他。如何不隔。師曰。懷州牛喫禾。益州馬腹脹。曰。十世古今。始終不離於當念。既有始終。如何不離。師曰。天下覓醫人。灸猪左膊上。曰。此會翻宣教典。毋勞說禪。且望和尚直談教文。師曰。山僧無兩箇舌頭。曰。一眞法界。十種玄門。還有自他。終始也。無師喝曰。那得許多骨董來。曰。既無許多骨董。畢竟華嚴所說何義。師曰。說華嚴曰。離却法界玄門。華嚴經在甚處。師曰。在你諸人手裡。曰。與麼則信受奉行去也。師曰。贈你三文買草鞋。問。德山小參。不答話。問話者三十棒。意作麼生。師曰。我者裡不打有問。即答曰。無法可說是名說法。又作麼生。師拈棒。僧便走。師曰。作賊人心虛。問。禪門一派。分爲五宗。其間還有優劣也。無師曰。五五二十五。曰。臨濟一宗。兒孫徧地。他有何長處。師曰。細魚敲斷鷓鴣脚。白鷺驚飛上樹。

梢曰。涅槃心易曉。差別智難明。五宗異同。請師開示。師曰。退身三步。示衆。趙州道箇。無字開口見心肝。因甚。諸人自生障礙。有僧請益曰。蠢動含靈皆有佛性。爲甚。狗子獨無。師曰。莫說狗子。直饒你問他。釋迦彌勒。還有佛性也無。他也道。無。僧曰。趙州禪在口唇邊。因甚。只會道箇無字。師曰。趙州見處。只到者裡。僧曰。和尚不肯。趙州那師曰。是。僧曰。趙州是古佛。因甚不肯。他師曰。趙州在那裡。隨後便喝。示衆。諸方有海靈禪。海蚌禪。鐵剗禪。老僧者裡。却似水上葫蘆。觸著便動。捺著便轉。活鱖鱖地。無你奈何。處。昨日一陽來。復見說生根了也。諸人爲我提起看。示衆。有時伸出佛手。有時放出驢脚。錯有時拍禪牀。有時掣香桌。錯有時舌生毛。唇生醃。拄杖長年靠壁角。臨濟德山鼻孔一時穿却。錯。諸禪德向者三箇錯處。認得老僧。請你喫無麤鉢。示衆。臨濟大師道我者裡。是活祖師。西來意。一切臨時要用。便用。遂拈拂子搖曳曰。我者裡也是活底。要用。便用。一切臨時且道。與臨濟底。是同是別。擊一擊擲下曰。臨濟大師猶欠者一

著在。示衆。佛祖行不到處。行取一步。佛祖說不到處。說取一句。召衆曰。一鋪是九里。三鋪廿七里者。箇是佛祖行不到處。老僧行到今日。初三明。日初四後。日初五者。箇是佛祖說不到處。老僧說到喝一喝曰。寧與有智人。厮罵。莫與無智人說話。示衆。舉譬如牛過窓欄頭角四蹄都過了。惟有尾巴過不得。師曰。者箇是東山演祖。不了事處。老漢參方三十年。也有兩件不了底事。是甚麼兩件事。饑來要喫飯。困來要打眠。示衆。跛者命在杖。渡者命在舟。有來由沒來由。一身還有一身愁。衲僧門下。奪食驅牛。擬著眼看。便與閉却戶牖。擬開口道。便與塞却咽喉。夜廊無月。不點火。露柱從教撞破頭。示衆。慈悲不是佛。忿怒不是魔。明州布袋橫拖豎拖。人人自屎不覺臭。淨潔地上。正好放屙。金窠草窠。相去幾何。歲寒落葉。無人掃。一任門前堆積多。示衆。天如老漢。一箇默。僧爭奈。諸人認他不著。道他卓卓巍巍。他却磊磊磔磔。道他磊磊磔磔。他又卓卓巍巍。或時做善知識模樣。談玄說妙。或時現三頭六臂。發瞋發惡。如是等處。一一

認他不著。殊不知老漢不在諸人眼睛裡。却在諸人鼻孔裡。諸人不信。伸手摸看。總饒摸他不著。也摸著自家鼻孔。示衆舉臨濟道。我在黃檗先師處。喫六十痛棒。如蒿枝拂相似。師曰。好箇頑皮。癩骨不知痛癢。底癰漢。何似近代兒孫。箇箇皮下有血。動著他絲毫不得也。奇哉。示衆舉百丈野狐因緣。師曰。前云不落後。云不昧。引得野狐。隨群逐隊。喝當時。若下得者。一喝前後五百生。一時粉碎。示衆釋迦老子。推不開。達磨大師。趕不出。引得一晦之田。三蛇九鼠。盡道呼蛇。易遣蛇難。拍膝曰。有甚麼難。家有白澤之圖。必無如是妖怪。示衆女子臨出嫁時。治家作活之法。一一請教父母。惟有生子養子。不待教而自能。所以俗書曰。未有學養子。而後嫁者也。誠哉近代宗門。衲子則不然。先學說法。然後學做佛。寧可不做得佛。不可不會說法。怪哉。師不領院事。居恒隨機開導。行省平章咸稽顙執弟子禮。屢起浙江諸名山。堅却不赴。遁跡吳淞間。弟子就吳中構地結屋如叢林。規制名師子林。居十有三年。道價日振。元至正甲午帝

師錫以佛心普濟文慧大辯禪師號兼賜金襴法衣。示寂後塔于水西原。日本國建長古先印原禪師。本國相州藤氏子。藤爲國中貴族。師生有異徵。年十三。父母頓捨出家。航海南詢。初謁無見于天台。見指參中峰。峰命給侍。師屢呈見解。峰呵之曰。根塵不斷。如纏縛。何師退而悲泣。食寢俱廢。峰憐其誠。因語之曰。此心包羅萬象。迷則生死。悟則涅槃。生死之迷。固是未易驅斥。涅槃之悟。猶是入眼金塵。當知般若如大火聚。近之則焦。首爛。額惟存不退轉一念。生與同生死。死與同死。自然與道相符。脫使未悟。千釋迦。萬慈氏。傾出四大海水入汝耳根。總是虛妄。塵勞皆非。究竟師聞悚然。汗下一日。有省。趨告峰曰。印原撞入銀山鐵壁去也。峰曰。既入銀山鐵壁。來此何爲。師釋然領解。峰因囑曰。善。自護持。復參虛谷。陵古林。茂東嶼。海月江印。諸老咸以師子兒稱之。會清拙澄歸國。載師同返。遐邇欽敬。初出主甲州之慧林。歷遷八剎。後住相州之建長。一日示疾。謂侍者曰。時至矣。可持觚翰來。乃曰。吾塔已成。未

書額耳大書心印二字端坐而逝時甲寅春正月也。初門人欲畫師像預索讚語師作一圓相題其上曰妙相圓明如如不動觸處相逢是何面孔世壽八十僧臘六十七。

般若誠禪師法嗣

建寧府高仰山古梅正友禪師貴溪丁氏子依末山本受業後參絕學發明宗旨流寓江淮垂三十年入閩初主南浦之天心泰定甲子建陽簿蔣德懋泊長者陳益宗捨園作菴迎師開山數額大覺妙智室中每舉狗子無佛性話鉗錘不少假借。結制上堂仰山結制尋常活計眼裡放光鼻孔對氣遇饑而餐遇困即睡諸方撒土揚沙高仰心空及第。解夏上堂九旬禁足特地成錯三月安居無繩自縛布袋解開乾坤寥廓放去若龜毛收來懸兔角試將兩眼挂虚空一陣涼風生殿角。上堂九旬禁足又過一半心地未明如牽火鑽光陰莫虛度了却閒公案平地無端捉得賊老僧出來爲汝斷。小參月落山頭慘雲橫谷口陰欲明生死事直見本來人還有會得。

本來人底麼良久曰夜靜不勞重借月玉蟾常挂太虚空。師生於元至元乙酉寂於元至正壬辰說法二十九夏住世六十八秋全身塔于本山。

智者義禪師法嗣

杭州府淨慈德隱普仁禪師蘭谿趙氏子年十歲依寶石秋潭受業十四祝髮二十參方時了然義弘道智者寺師往叩機鋒觸發旋命侍香復見南楚於雙徑分座說法至正乙未出世西峰淨土戊戌明高帝親帥六師至婺州幸智者寺詔師主之甲辰遷淨慈一日示微疾屈指計曰今夏五月矣左右曰然師曰八月八日最良吾將逝矣至期整衣端坐而逝世壽六十有四僧臘五十有山居詩三會語錄行世。

淨慈林禪師法嗣

杭州府止菴德祥禪師本郡人與同菴俱爲平山嗣德業風雅爲時賢所重一日將涅槃衆請說偈師忽倚座曰者一隊噇酒糟漢我爭如你何竟趨寂。江寧府天界同菴易道夷簡禪師洪武戊午主南屏淨慈兵燹之餘殿堂鐘鼓爲之一新父子繼席傳爲。

盛事二十五年壬申奉旨主大天界寺

海門則禪師法嗣

湖州府弁山白蓮南極懶雲智安禪師嘉興沈氏子出家海寧淨妙調天真發明別傳之旨。韜光晦迹交聘不赴。晚居弁山之白蓮示衆萬法歸一。無孔鐵鎚當面擲。一歸何處。抹過西天。並此土青州布衫重七斤。寒巖古木。瑤華春仁者殷勤問端的。孃生鼻孔從來直。倘然言下解知。歸九九方明。八十一後退歸淨妙。示寂塔于弁山之南。阡所著有南極語要。

華頂觀禪師法嗣

處州府白雲福林智度禪師麗水吳氏子。年十五從禪智寺空中假難染習。定楞伽菴。越數夏。出遊七閩。旋還里之白雲築室以居。曰福林。後參靈石芝於淨慈。謁斷崖義於西峰。俱不契。聞無見說法。華頂往叩之。曰。西來密意未審。何如見。曰。待娑羅峰點頭。却與汝道。師擬進語。見便喝。師曰。娑羅峰頂白浪滔天。華開芒種後。葉落立秋前。見曰。我者裡無殘羹餞飯。師曰。此非殘羹餞飯。而何見。領之。遂服動數載。辭去見。

囑以大法師佩服之。復往長沙。見無方普雲居。謁小隱大至正甲午。還福林。尋主龍泉之普慈。移茆山。遷武峰。明洪武己酉。詔徵天下高僧。建法會。蔣山師應詔。事解嚴。還至杭。居虎跑。秋趨華頂。明春示微疾。仍回福林。五日忽沐浴。索筆書偈曰。無世可辭。有衆可別。太虛空中。何必釘橛。擲筆而逝。壽六十七。臘五十。三閩維舍利。五色齒牙。數珠皆不壞。建塔壙於西院。

天童砥禪師法嗣

寧波府大梅護聖無作文述。禪師明之慈溪人。幼不御不潔。讀書入口成誦。子史百家無不徧覽。一日閱佛書。忽心融神會。如素習者。白父母從東溪牧落髮。就大用諱具戒。首參元叟東嶼。皆以器許之。然不自許可。遂入天童。見怪石與語契。合典藏鑰。甚得深旨。出世住鳳躍山等慈寺。次遷大梅。爲衆說法。脫略窠臼。一時名緇奇衲風靡。而至帝師錫以覺智。圓明號。後歸老福昌。而士夫名宿益勤過從焉。年七旬。畏煩。退居花嶼湖。居恒臨衆甚嚴。主接賓則又津津然。喜見眉目。示寂於元皇慶癸丑九月也。

卷二十六

續燈正統卷二十七

南海普陀嗣祖沙門西蜀 性統 編集

臨濟宗

大鑑下第二十五世

伏龍長禪師法嗣

蘇州府鄧尉萬峰時蔚禪師。溫州樂清金氏子。襁褓中見僧。輒微笑。合掌十六得度。十九至杭。受具。戒參虎跑止巖。巖令參。不是心。不是佛。不是物。話抵明州。達蓬山。佛趾寺。側卓菴。晝夜力參。一日聞寺主舉。瀉山。踢倒淨瓶。話。薰地觸發。說偈曰。顛顛倒倒。老南泉。累我工夫費半年。當日有人親在側。如何不進劈胸拳。遂往謁。無見於華頂。見囑師住山。仍返達蓬。單丁十載。後造千巖。巖曰。將甚麼來。與老僧相見。師豎起拳曰。者裡與和尚相見。巖曰。死了燒了。向何處安身立命。師曰。漚生漚滅。水還在。風息波平。月印潭。巖曰。莫要請益。受戒麼。師掩耳而出。明日普請砍松。次師拈圓石作獻珠狀。曰。請和尚酬價。巖曰。不直半文錢。師曰。瞎巖曰。我也瞎。你也瞎。師曰。瞎瞎。即呈偈曰。龍

宮女子將珠獻。價直三千與大千。却被傍觀人打破。誰知不直半文錢。巖謂左右曰。蔚山主頗有衲僧氣息。遂命居第一座。一日巖陞座。舉無風荷葉動。決定有魚行。語師出衆。震聲一喝。拂袖便出。乃卓菴於蘭溪之嵩山。凡九載。巖寄以偈曰。鬱鬱黃花滿目秋。白雲端坐碧峰頭。無賓主句。輕拈出一喝。千江水逆流。三爲手書招之。愛重彌至。旋昇以法衣頂相。僧問。如何是嵩山境。師曰。四面好山擎日月。一湖秋水浸青天。曰。如何是境中人。師曰。三仙描不就。終不與君傳。問。如何是日前事。師曰。眉毛眼上橫。曰。莫是他安身立命處也。無師曰。錯認定盤星。二僧參師。問。那裡來。僧曰。隴西。師曰。我聞隴西有鸚鵡。是否。僧曰。是。師曰。還會吟詩作賦麼。僧曰。會。師曰。會吟甚麼詩。試道看。僧無對。師便打。曰。妄語。漢汝不從隴西來。第二位道看。僧作舞勢。師曰。似卽似爭。奈口口不同。自代曰。上大人。丘乙己。開堂拈香畢。乃曰。千聖難明。不了。因遞代相傳。古到今。今日嵩山重舉。似鐵樹華開。別是春向無影樹下打眠。宏開飯店於虛空背上。

經行大闡宗乘塵塵刹刹全彰物物頭頭合轍擊碎
魔王窠臼斷送衲子命根不作奇特商量不作玄妙
解會直得淨名杜口共贊昇平巖頭密啓咸宣至化
正與麼時祝聖報恩一句作麼生道一片精光輝字
宙直教萬國奉君恩 上堂舒兩手曰大開方便門
便從者裡入復握拳曰閉却牢關說家裡話且道不
開不閉一句又作麼生歛僧伽黎便下座 上堂三
世諸佛如是說歷代祖師如是說天下老和尚如是
說嵩山亦如是說若有不如是說者與他三十棒若
有如是說者亦與他三十棒何故卓拄杖曰嵩山門
下令不虛行 上堂月頭是初一光明漸漸出月尾
是三十光明何處覓假饒老釋迦也道拈不出拈得
出萬事畢有人道得出來道看如無嵩山與諸人露
箇消息展兩手曰我見燈明佛本光瑞如此 後遊
姑蘇鄧尉喜其山水盤結遂駐錫焉未幾四衆咸集
成大伽藍名曰聖恩明洪武辛酉正月二十九日集
衆曰老僧時節至矣卽說偈曰七十九年一味杜田
懸崖撒手杲日當天語畢泊然而寂奉全身瘞於院

西岡塔曰永光世壽七十九僧臘六十
松江府華亭松隱唯菴德然禪師里之張氏子幼從
無用責祝髮徧叩諸方未有所契後於千巖會中聞
上堂語豁然悟入石屋珙謂師曰子緣當在華亭因
書松隱二字授之於是歸里築室於郭壩之陽遂名
松隱足不踰閭者三載管刺血書華嚴有天華滿庭
之異感居民爲建寶坊泊千巖遷化衆請繼席 開
堂曰僧問遠離松水來據龍峰海衆臨筵請師祝聖
師曰萬年松在祝融峰曰祝聖已蒙師指示列祖家
風事若何師曰冬到寒食一百五日莫便是和尚爲
人處也無師曰斧頭是鐵作曰恁麼則龍門無宿客
也師曰早已點額曰若不登樓望焉知滄海深師曰
你道老僧眉毛有幾莖曰一堂風冷澹千古意分明
師曰蹉過不少問承古有言向上一路千聖不傳還
端的也無師曰那裡得者消息來曰賣金須遇買金
人師便喝曰金屑雖貴落眼成瞞又作麼生師曰好
向繡湖湖上看月明夜夜散金波曰三十年後此話
大行師曰杜撰禪和如麻似粟曰大衆證明學人禮

拜師乃曰第一義諦已被東白和尚一槌擊碎了也。未免向第二義門露箇消息。山僧數年搓得一條龜毛索子。今日拈來。將三世諸佛西天四七東土三三天下老和尚鼻孔一串穿却。且道山河大地草木叢林森羅萬象有情無情甚處得來。良久曰。莫將閒學解埋沒祖師心。復舉三聖道。我逢人則不出。出則便爲人喪化道。我逢人則出。出則不爲人師。曰者兩箇老漢同門。出入宿世冤家。人一向孤峰頂上臥月眠雲。一人向十字街頭揚塵簸土。點檢將來。二俱漏逗。各與三十拄杖。且道新龍峰與麼提持。是賞渠是罰渠。薦拈拄杖卓一卓曰。天上有星皆拱北。世間無水不朝東。上堂曰。可冷月可熱衆魔不能壞。眞說有來由。無途轍。六月炎炎撒冰雪。文殊無處著渾身。普賢特地呈醜拙。是眞說非眞說。若無閒事挂心頭。便是人間好時節。喝一喝。謝藏主維那上堂。天無門地無戶。俊快衲僧一任來去。藏裡摩尼照徹十方洞裡桃花千葩競吐。假劫外之春風。應今時之律呂。海神夜半看鮫珠。眼光挂在扶桑樹。喝一喝。結制上

堂煖氣相接。正在斯時。深深冷灰裡撥著星兒之火。向死柴頭上發機燎起。五天烈焰燒却舜若多神面皮。敢問諸人作麼生回避。擲拄杖下座。上堂達磨西來不立文字。直指人心。見性成佛。大衆作麼生說箇見性成佛底道理。良久曰。幸是無瘡勿傷之也。結制上堂。蠟人爲驗。始於今日。九十日中。推功辨的。黃面老瞿曇結住布袋頭。百萬人天咸皆受屈。松隱結制總不恁麼。以手作搖櫓勢。曰。山僧卽今駕無底鐵船。普請大衆同入大圓覺海遊戲去也。喝一喝曰。看取定南鍼。歲旦上堂。元正啓祚。萬物咸亨。薰拈拄杖曰。拄杖子。昨夜抽條今朝吐蕊。花開五葉。香徧大千。且道還當得新年頭佛法也。無卓拄杖一下。喝一喝。臘八上堂。明星一見出山來。剛道孃生兩眼開。不是觸醯乾得盡。爭知春色上桃腮。上堂德山棒臨濟喝拈放一邊。諸人脚跟下道將一句來。以拄杖畫一畫曰。毗婆尸佛早留心。直至如今不得妙示。衆佛是衆生界中了事。漢衆生是佛界中不了事。人若欲決了此事。但向十二時中。四威儀內。折旋俯

仰與人酬酢處。看是甚麼道理。忽爾妄想滅知見。忘突出自家一段光明。洞徹十虛。無絲毫隔礙。始知佛與衆生本性平等。一身清淨。多身清淨。一世界清淨。多世界清淨。無一塵不是真如境界。無一刹不是解脫道場。所以永嘉道一月普現一切水。一切水月一月攝諸佛法身。入我性。我性同供如來。合斯言豈欺我哉。示醫士話頭一則。耆婆藥大藏諸經和劑方。抹過二途開口笑。不勞鍼砭起膏肓。化燈油劫初一點光明種。猛烈工夫拶出來。瀉入碧琉璃裡。去三千諸佛笑顏開。洪武初。以有道徵。未幾以病還。嘗曰。學佛法人。無徒恃見地。一知半解。濟得何事。顧力行何如耳。戊辰四月十四。示寂塔全身於松隱。金華府清隱蘭室德馨禪師義烏方氏子。年二十五。投伏龍祝髮。執侍數載。始徧參諸方。久之歸覲千巖。至正壬辰。乃結茅城西。榜曰清隱會嚴。遷化後。出主聖壽蘇平仲。嘗過訪。寒溫外不措一辭。蘇曰。千巖老師見客口如懸河。師今默然何也。師曰。道無隱顯焉。有語默。昔吾先師未嘗不言。然而未嘗言。今吾未嘗

言。然而未嘗不言也。蘇乃擊節稱賞。洪武壬子十一月十四日。示微疾。集衆訣別。端坐而逝。留龕七日。顏色如生。茶毗。五色舍利無數。世壽七十。僧臘四十。有六□□□□□□。杭州府天龍水菴無用守貴禪師婺州甄氏子。十八歲投康侯山。苾芻泰定間遊浙西。適千巖居龍華。師叩之。默有所契。龍華去天龍密邇。大道平力圖起廢。挽師與嚴主之會。嚴去義烏。師與俱焉。至正丙戌。謁中峰羣疑。頓釋。旋居嘉禾。一夕夢大道曰。我已棄人間世。師驚疑。拏舟訪之。由是復主天龍。辛丑八月一日。忽索筆書偈曰。一蝸臭殼內外穢惡。撒手便行。虛空振鐸。天龍一指。今猶昨。擲筆而逝。行省丞相達識鐵木爾爲主後事。築慈濟堂院於天龍西岡。奉全身瘞焉。師生平不畜長物。寒暑一衲。律身甚嚴。嘗墮一齒。弟子函積中生舍利五色。世壽七十有二。僧臘五十有五。金華府華山明叟昌菴主浦江人。縛茅里之華山。往謁千巖。嚴示以入道旨要。旋歸。晝夜孳孳。不忘一日。

忽辭衆說偈曰。生本無生。滅亦無滅。撒手便行。長空片月。語畢端坐而逝。時洪武丙辰十月三日也。

江寧府天王山般若法秀禪師。嘗居葵之聖壽爲第一座。元大德末。棲遲此山。至正甲午。明洪武主渡江。單騎入山。與話相契。時遣繆總制者。送供焉。師久之遊廬山。莫知所之。而所居佛龕亦蕪矣。洪武丁卯。上憶其事。詔工部侍郎黃立恭諭之曰。然渡江來。曾謁法秀禪師。與語卓有識見。今其亡矣。爾可選一辦道僧。卽舊地重新創建一菴。以見朕意。立恭乃舉僧紹義。引見。受命而去。于其山蓮菴上立菴。賜名般若禪院。左春坊鄒濟作般若禪院記。紀其事甚詳。

高仰友禪師法嗣

鎮江府金山慈舟濟禪師。西竺作禮曰。某甲拏得賊來。請和尚決斷。師曰。賊存甚麼處。竺拍案一下。師往復徵詰。復曰。諸佛不說。列祖不傳。除却搖唇鼓舌。瞋目揚眉。還我到家一句來。竺默然。師曰。去聖時遙。尙有此子。善自護持。

一峰寧禪師。西竺呈見。解師爲勘驗。示偈曰。青山疊

疊雨濛濛。師子金毛撥不鬆。我也自知時未至。十回放箭九回空。

白蓮安禪師法嗣

湖州府碧巖空谷景隆禪師。姑蘇洞庭龍山陳氏子。初見懶雲。後於虎丘禮石菴祝髮。會菴遷靈隱。師相隨七載。因往天目禮祖塔。憩錫歲餘。忽有省入。還懶雲雲爲助喜。後住碧巖。僧問如何。是佛法的大意。師曰。此問最親切。曰。觀露堂。堂時如何。師曰。途路未爲真。曰。南人如問雪。我道是楊花。師曰。喚鐘作甕。又爭得。晚年於西湖修吉山下地爲生。曠築室以居。名曰正傳塔院。復自製塔銘。其略曰。嗚呼。死生一夢。骨塔奚爲。蓋表佛法流芳。靈蹤不斷。卽幻明真。以致佛祖命脈。源遠流長矣。幻身雖滅。佛性不遷。後之來者。見窣堵峻。巒峰巒。巒蒼翠。鳥鳴喬木。泉瀉幽巖。不馳外境。不執內心。盡忘愛惡。陶然泰和。始知法界爲身。空爲口。萬象爲舌。晝夜說法。未嘗間歇。於此見得明透。得徹如醉忽醒。廓然領悟。便見佛祖不曾涅槃。老僧不曾圓寂。大圓鏡中。覲面相見。西來祖意。兩

乎分付如古師嗣雲門青師嗣太陽無前後無去來大千沙界自他不隔於毫端十世古今始終不離於當念。懶雲和尚是景隆受業師之受業師景隆心法受印可於懶雲即南極安禪師也得臨濟正傳二十世上。芥天真則無極源雪巖欽前後嗣法亦無定規理實古今詣實爲至銘曰廓周法界空蕩無涯群靈昇墜恒無已時佛祖垂應爲導爲師宿膺微幸值斯化儀不善弘道隨力所宜卒於武林骨空山崖窅堵奠安山同壽期以幻歸幻有爲無爲成住壞空斯道坦夷正統八年癸亥春景隆五十二歲其所著有空谷集尙直尙理編

福林度禪師法嗣

江寧府天界古拙俊禪師姑蘇松陵人年十三投越州日鑄寺出家十五祝髮受具戒首謁石屋珙次見三衢懶收得禪定工夫復往叩古梅於高仰禮拜起依實供通梅打趺出如是三度被打遂結伴歸里立限壁觀九年每三年燃一指歷燃三指一日忽然瞥地乃往參福林法戰相契遂留首衆時年二十八矣

衆推出世師遁跡出山留偈曰半載相依唱祖機幾番談道奉嚴威。出山便說歸時路又是重添眼上眉。豁光巖壑三十餘年有平生最愛隈巖谷三十年來懶送迎之句洪武間奉旨剃度千僧至繁昌衆請東廬山開堂示衆禪之一字亦是強名云何曰參在信而已擬議即乖開口即錯若是發心不真志不猛利者邊經冬那邊過夏今日進前明日退後久久摸索不著便道佛法無靈驗却向外邊記一肚抄一部如臭糟糞相似是者般野狐精直饒到彌勒下生有甚交涉真正道流若要脫生死須透祖師關祖關透生死脫不是說了便休要將從上諸祖做箇樣子趙州四十年不雜用心爲甚麼事長慶坐破蒲團七箇爲甚麼事香林四十年方成一片爲甚麼事乃至歷代眞實履踐尅苦勵志爲甚麼事山僧今日口喃喃地引古驗今爲甚麼事諸禪德既有從上不惜身命積功累德妙悟親證底樣子何不發大勇猛起大精進對三寶前深發重願若生死不明祖關不透誓不下山如是發頭截斷千差路頭不與萬法爲侶向長

連牀上七尺單前高挂。益囊壁立千仞。寬立限期。急下手。脚盡此一生。做教徹去。若辦此心。決不相賺。我今爲汝保任。此事終不虛也。永樂丁亥。復奉旨于天界終老焉。

大鑑下第二十六世

鄧尉蔚禪師法嗣

蘇州府鄧尉山寶藏普持禪師萬峰付偈曰。大愚肋下痛還拳。三要三玄。絕正偏臨。濟窟中獅子。子燈燈續燄。古今傳後。繼席聖恩。爲第二代。虛白參師。問心不是佛智。不是道汝。云何會白。向前問訊。叉手立師。呵曰。汝在此許多時。還作者見解。白乃發憤。至第二夜。大徹師示寂。後塔于萬峰之側。

武昌府九峰無念勝學禪師。隨州應山陳氏子。九歲從本州寶林緣受業。初謁無聞。聞示以高峰。一歸何處。話遂入嵩山。苦心研究。一日有省。述偈有萬象全彰。一鏡中之句。乃奮志徧參。後抵姑蘇。見萬峰于喝下。領旨。峰付偈曰。五派傳來臨濟宗。入門一喝露全鋒。老婆心切能容易。試看泥蛇化作龍。後住九峰明。

洪武壬戌。孝慈皇后賓天。楚王聘諸山名衲。集於洪山。見師驚異。特留邸館。請問法要。上召見便殿。賜坐應對。稱旨。禮遇優渥。欲留主京刹。師力辭。命中官送還九峰。丙子。御製懷僧無念詩。文一軸。命中官賁送。諭慰彌至。敕曰。前者僧無念戒行精於皎月。定慧穩若巍山。暫來一見。此去常懷懷之不已。遣人就見。特以松實松華供之。兼以詩文勞之。師亦以偈進曰。萬機之暇。究真玄。百草頭邊。大有禪。毛孔徧含塵刹土。毫端現出性中天。定同坐看雲橫谷。行樂閒觀石湧泉。林下衲僧何以報。祝延聖壽萬斯年。中官回奏上。大悅。永樂甲申。一日。集衆說偈曰。世尊七十九。無念八十年。踏翻華藏海。依舊水連天。泊然而逝。奉全身塔於師子巖。諡清福廣慧禪師。

杭州府東明海舟普慈禪師。蘇州常熟錢氏子。幼出家。破山聽楞嚴。至但有言說。都無實義。處有疑。往參萬峰。問但有言說。都無實義。如何是實義。峰劈頭兩棒。欄胸一踏。踢兩踢曰。只者是實義。師起曰。是。是。太費和尙心力。峰然之。嗣以偈付之曰。龜毛付燭與。

兒孫兎角拈來問要津。一喝耳聾三日去箇中消息。許誰親復囑曰。子當匿跡護持。莫輕爲人師範。師領旨結廬洞庭山塢。二十九年一日過訪東明。明曰。和尚曾見甚人。師曰。見即見一人。說出恐驚人。明曰。但說何妨。師曰。萬峰明與論宗旨。喜甚。乃曰。東明一席。敢煩和尚相繼也。慧岳不出月亦去也。明至二十八辭衆。廿九夜示寂。當正統辛酉六月也。師欲歸洞庭衆堅請。乃繼其席。上堂舉僧問睦州。一言道盡時如何。州曰。老僧在你。益靈裡。師曰。者僧如出林虎。被睦州收入重網深坑裡埋却了也。時有僧問未審那裡是他重網流坑處。師曰。你禮拜著。僧拜起。理前問師哭曰。我爺哪我孃。哪僧罔措。師直打出。上堂舉僧問智門。如何是般若體。門曰。蚌含明月。曰。如何是般若用。門曰。兔子懷胎。師曰。古人如此問答。饒你通身是眼也。覷不見通身是手也。摸不著還委悉麼。以拂作圓相曰。一念不生全體現。六根纔動被雲遮。舉雪峰因僧禮拜起。峰打五棒。僧曰。某甲有甚麼過。峰又打五棒。師拈曰。前是殺人刀。後是活人劍。無奈者。

僧不悟。若悟管教雪峰喫拳有分。舉黃檗見趙州來。便閉却方丈門。州入法堂。叫曰。救火救火。槩開門捉住曰。道道州曰。賊過後張弓。話頌曰。一擒一縱兩施能。戟去鎗來展大勳。彼此機關誰識得。至今疑殺李將軍。舉巴陵示衆。祖道不是風動。不是幡動。旣不是風幡向甚處著。有人與祖師作主。出來與巴陵相見。頌曰。商鞅立法太嚴酷。連累鄰邦人。膽寒如有縱橫無犯者。秦王高拱樂函關。舉趙州訪茱萸。纔上法堂。萸便曰。看箭州亦曰。看箭。萸曰。過州曰。中頌曰。季春茱萸生前徑。三月桃花茂小園。可惜芳春人不識。樹頭百舌更能言。沈貫問圓覺經云。修多羅教如標月。指若復見月。了知所標。畢竟非月。此理如何。師舉手曰。經也。月也。指也。貫罔措。師拍案一下。曰。月落寒潭。貫有省。乃曰。吾師之道。非凡情所能測。師年臘並尊出世。僅十載。遽唱滅臨終說。偈曰。九十六年在世七十四載。爲僧中間多少諸訛。今日一齊鎖。殞釋迦至我。有不可數老和尚。乃以拂作圓相曰。都向者裡安身。咄。擲拂而逝。當景泰康午。門人塔全。

身於東明左側

蘇州府鄧尉山果林榮禪師。虎白參師。擲蒲團曰。汝試道看。白曰。只此消息。本無言說。破蒲團上。地迸天裂。師曰。且道裂後如何。白擬議。師便打出。

松隱然禪師法嗣

道安禪師。失錄姓氏。矢志礪行。有乃父風。常行般舟三昧。永樂丙申。示寂。遺偈曰。不會掘地討天也。解虛空打。槩驚起。須彌倒舞。海底蝦蟆吞月。踏翻生死大洋。說甚溫生溫滅。世壽七十有七。

金山濟禪師法嗣

建昌府新城壽昌西竺。本來禪師。崇仁裴氏子。七歲出家。觀音寺年十三。參一峰。執侍七載。一日聞讀清淨經。有省偈曰。幾年外走喪真魂。今日相逢迥不同。身伴金毛石獅子。回頭吞却鐵崑崙。崑崙寂走見慈舟。於金山禮拜起。便問某甲。拏得賊來。請和尚斷。舟曰。賊在何處。師拍案一下。舟便喝。復舉香巖上樹。話反覆徵詰。有當乃承印。可初住劍江。壽聖寧藩致書聘。師三返不赴。僅答問道。書授慧光普照。頓悟圓通之

號永樂乙酉。開法壽昌。上堂拈香畢。乃曰。天日高明。暑漸隆。榴花噴火。耀庭中。衲僧眼裡。真機露。無位真人。覲面逢。直下知端的。擬議隔千重要。達己躬事。黃龍最上峰。便下座。後往閩之杉關。重開福田。壬寅十月八日。忽索筆書偈曰。者箇老乞兒。教化何時了。顛倒倒。只隨流。是聖是凡。人莫曉。咄。來來去去。去海湛空。澄風清月。皎書畢。跌坐而逝。世壽六十八。僧臘五十五。奉全身於法堂供養。

天界俊禪師法嗣

□□府東普道林。無際明悟禪師。別號蠶骨。蜀之安岳通賢鎮莫氏子。年二十棄家。初習禪。定工夫。後參樓山清。清舉趙州無字話。師當下有省。行住坐臥。常在定中。一日。坐次。忽然光明洞照。無一毫可得。占偈有。虛空包不住。大地載不起。之句。西江悟首座。指見無念會。念謝世。遂參古。禮禮拜次。知謂侍者曰。者僧有福。德相拈拄杖。靠椅坐。命師供說。行脚師爲直。斂矚曰。你且去。我不知你者樣工夫。一日復上方丈。端嚴聲一喝。拈拄杖作打勢。師呈身就棒。矚曰。我棒頭

有眼不打者。般死漢。拽拄杖便出。師拱立不動。矧復還坐。薰割問曰。大地平沉。你在甚麼處。師曰。全露法王身。矧曰。萬法歸一。一歸何處。速道。速道。師曰。不道。矧曰。因甚。不道。師曰。亘古亘今。矧曰。亘古亘今。卽且置。你在西川甚麼物。怎麼來。師不語。良久。矧曰。啞子得夢向誰說。一日。矧爲更號。無際。師曰。怎麼則無際。亦未在天下。老和尚盡向者裡成道。歷代祖師盡向者裡成佛。卽今有說。佛說祖底出來。盡教伊出門去。不如某甲者。裡麴麴打睡。矧笑曰。者漢此後不受人瞞去也。走馬燈偈曰。團團馳走不停留。無箇明人指路頭。滅却心中些子火。刀鎗人馬一齊休。門下法嗣七人。有付法偈曰。我無法可付。汝無心可受。無付無受心。何人不成就。

河南府伏牛物外無念圓信禪師。金臺高氏子。生宣德己酉。九歲出家。受具首見。無際于隆恩。有省。入天須己卯。歸牛山結茅。辛巳復詣繁昌參月幻。幻問何處來。師曰。牛山。幻曰。人在者裡。牛。師曰。覷面不相識。全體露堂堂。幻曰。雖然爭奈頭角不全。在師曰。某

甲今日山行。困幻復拈起竹筴曰。喚作竹筴。則觸不喚作竹筴。則背上座。作麼生。師曰。有勞神用。幻曰。未。在更道。師便進前。奪竹筴擲於地。幻軒渠大笑。師曰。某甲罪過。便作禮。幻乃撫而印之。師菴居三十載。開法伏牛。僧問。龐居士道。一種沒絃琴。惟師彈得妙。今日請和尚彈看。師欸嗽一聲。僧曰。不會。師曰。鐘作鐘鳴。鼓作鼓響。曰。意旨如何。師曰。馬祖去世久矣。問如何是卽心。卽佛。師曰。富兒易嬌。曰。非心非佛。又作麼生。師曰。窮抗難滿。曰。某甲不會。師曰。若道卽心。卽佛。大似好肉剜瘡。若言非心非佛。何異灸瘡加艾。直饒道不是心。不是佛。不是物。也是平地喫交。且道畢竟如何。良久曰。坐來拭几添香火。粥罷呼童洗盃盂。

江寧府祖堂幽棲性天如皎禪師。四明周氏子。從正菴中。染往謁古矧。一夕推簾見月。有省。乃曰。元來恁麼。翌旦。趨見矧。便震聲一喝。矧曰。貧人得寶。邪。師曰。寶卽不得。卽非寶。矧曰。憑何如是。師趨前問訊。叉手而立。矧曰。還我向上。一句來。師遽掩耳便出。復

呈偈曰。午夜推簾月一灣。輕輕踏破上頭關。不須向外從他覓。只麼怡怡展笑顏。矧爲助喜度嶺至西坑。築菴影不出山者二十年。宣德壬子赴武林虎跑請後應。祖堂幽棲臨終示衆曰。文章佛法空中色。名相身心柳上煙。唯有死生眞大事。殷勤了辦莫遷延。大衆且道如何了辦。良久曰。吾今無暇爲君說。聽取松風澗水聲。語畢而逝。弟子奉全身塔于菴左。壽七十。

何密菴居士法嗣

揚州府素菴田大士僧問補陀路向甚麼門出。士曰。上座卽今從甚麼門入。僧曰。抑勒人作麼。士曰。看脚下。僧擡頭進前三步。士曰。錯。僧便退後三步。士曰。錯。復曰。且道是你錯是我錯。僧曰。未學已前早知錯了。也。士曰。正好喫棒。僧無語。士曰。若到諸方分明舉似去。示衆近來篤志參禪者。少纔提箇話頭。便被昏散。二魔纏縛。殊不知昏散與疑情。正相對治。信心重則疑情必重。疑情重則昏散自無。工夫斯得之矣。咄。

續燈正統卷二十七

續燈正統卷二十八

南海普陀嗣祖沙門西蜀 性統 編集

臨濟宗

大鑑下第二十七世

鄧尉持禪師法嗣

杭州府東明虎白慧岳禪師。楚王氏子。父爲丹陽稅課司。遂家焉。幼穎悟。年十四。從妙覺湛然受業。適作務。次然問汝在此作甚麼。師曰。切蘿蔔。然曰。汝只會切蘿蔔。師曰。也會殺人。然引頸。師曰。降。將不斬。然異之。會然遷撫之疎山。師聞。唯菴唱道松隱。將往。見至一小菴。自誓曰。此行若不徹證。決不復回。一定六日。忽舉首睹松豁。然有省。遂返晝夜危坐。端如鐵轡。諸方因號曰鐵脊。後抵姑蘇。鄧尉謁果林林。指令參寶藏。具迷悟由。藏曰。佛法如大海。轉入轉深。那裡泊在者。裡一日。室中侍立。藏問心不是。佛智不是。道汝云何。會師向前問訊。叉手而立。藏呵曰。汝在此許多時。猶作者般見解。師遂發憤。寢食俱廢。至第二夜。遽然徹證。遂述偈曰。一掌打破太虛空。百億須彌不露踪。

借問箇中誰是主。扶桑涌出一輪紅。藏笑曰。時節若至。其理自彰。雖然也。須善自護持。師受囑辭去。於天目之平山堂。結侶坐千日。長期後。遊安溪古道。山峰巒秀拔。遂有終焉志。一住三十餘載。影不出山。宿禡爭趨成。大精藍。宣德乙卯。敕額東明禪寺。嗣領衆重修淨慈大殿。正統辛酉六月廿七。忽集衆敘謝訣別。衆請偈。師曰。一大藏教。無人看。著爭用得者。幾句閒言語。廿九辰刻。跏趺而逝。茶毗舍利。無算塔於本山東塢。壽七十。臘五十有五。

壽昌來禪師法嗣

建寧府天界雪骨會中禪師大闡參師。問何處來。闡曰。逼塞虛空。都無來去。師曰。既無來去。阿誰陀皮袋到者。裡闡曰。內外俱空。皮袋何有。師曰。如何是祖師西來意。曰。西來豈有意。邪。師曰。臘月三十日到來。向何處安身立命。曰。信腳踏翻乾坤。獨露師乃示以偈曰。的是金毛親出窟。法輪轉入塵。來一聲驚地。遙空吼野。犴聞之腦裂開。

道林悟禪師法嗣

安慶府桐城投子楚山幻叟荆壁紹琦禪師。蜀之安唐雷氏子。幼從玄極通受業。首參無際。一日聞版聲。有省。復參壞空。有賊不打。貧家一段語。正統癸亥。再參無際。際問數年以來。在甚麼處。住師曰。廓然無定。際曰。有何所得。師曰。本自無失。何得之。有。際曰。者是學得來底。師曰。一法不有。學自何來。際曰。莫落空耶。師曰。我尙非我。誰落誰空。際曰。畢竟事作麼生。師曰。水落石出。雨霽雲收。際曰。莫亂道。只如佛祖來。也不許縱爾橫吞。藏海現百千神通。到者裡。更是不許。師曰。和尙。雖則把住。要津其奈。勞神不少。際拍膝一下。師便喝。際曰。克家須是破家兒。恁麼幹。疊也。省力。師掩耳而出。至晚復召師。詰曰。汝將平昔次第發明處。說來看。師從實具對。際曰。還我無字義來。師呈偈曰。者僧問處偏多事。趙老何曾涉所思。信口一言都吐露。翻成特地使人疑。際曰。如何是汝不疑處。師曰。青山綠水。燕語鶯啼。歷歷分明。更疑何事。際曰。未在。更道。師曰。頭頂虛空。腳踏實地。際乃記前焉。壬申抵金陵。訪月溪海舟。出住後僧問。如何是天柱境。師曰。潤

潤雲歸晚山高日出遲曰如何是境中人師曰額下眉遮眼腮邊耳搭肩曰如何是天柱家風師曰雲甌炊松粉水鑑羹月團問如何是祖師西來意師曰海神撒出夜明珠曰學人不曾師曰文殊失却波羅盞問如何是佛師曰生鐵秤鎚曰如何是法師曰石頭土塊曰如何是僧師曰黑漆拄杖景泰乙亥遷投子上堂僧問遠離皖山來據投子海衆臨筵請師祝聖師曰鼎內長生篆峰頭不老松曰祝聖已蒙師的旨投子家風事若何師曰提瓶穿市過不是賣油翁曰只如祖師道不許夜行投明須到還端的也無師曰雖然眼裡有筋爭奈舌頭無骨曰趙州道我早猴白渠更猴黑意作麼生師曰不因弓矢盡未肯豎降旗問和尚今日陞座說法未審有何祥瑞師曰麒麟步驟丹霄外優盃華開烈焰中曰如何是祖師西來意師曰雪消山頂露風過樹頭搖問寶劍未出匣時如何師曰神號鬼哭曰出匣後如何師曰佛祖吞聲曰出與未出時如何師曰無鬚鎖子兩頭搖僧提起坐具師便喝僧擬議師便打乃曰毒蛇頭上揩

癢猛虎口裡橫身也須是恁般人始得適來者僧大似一員戰將敢來者裡奪鼓攪旗惜乎龍頭蛇尾死在棒下若解轉身活路自然不犯鋒銳所以道弄蛇須是弄蛇手不會弄蛇蛇敵殺復舉法燈開堂曰蓋爲清涼老人有未了公案話畢師曰大凡宗師出世先要拈出已見然後方可定斷古今看他法燈如此作略美則美矣了則未了幻叟今日亦爲蠶骨老人有未了公案出來爲渠了却若有問蠶骨老人有甚不了公案應聲便喝他若眼目定動連棒打出大衆山僧恁麼提持且道與法燈用處還有優劣也無若縑素得出許他是箇同參上堂拈拄杖曰只者些子諸譌多少師僧到者裡開口不得思量不及舉揚不出卽今落在山僧手裡橫也由我豎也由我提起放下卷舒殺活總由我以拄杖空中點一點曰正當恁麼時從上佛祖天下老和尚到者裡只得乞命有分衆中莫有爲佛祖出氣者麼良久卓拄杖一下曰敲瞎金剛正眼靠倒空王寶座汝等諸人討甚麼盤便下座上堂衆集師斂衣就座良久曰大衆分明

記取便下座。示衆選佛場開定祖機。辨明邪正在鉗鎚。禹門浪暖風雷動。正是魚龍變化時。衆中莫有衝波激浪者麼。良久以拂子打圓相曰。機先一著。觀面全提。擊禪牀一下曰。句外一言。和盤揭露。不許停思。顧佇那容擬議分疎。眨得眼來。劍去久矣。縱饒佛祖到來。也只攢眉有分。何故。蓋爲非言路可通。非心識可測。若是英俊衲僧。向未舉以前。便當點首一笑。猶較些子。近世人心不古。學者不務真參實悟。惟是接響承虛。以學識依通爲悟。明穿鑿機緣爲參。究破壞律儀爲解脫。資緣據位爲出世。以致祖風凋弊。魔說熾然。塞佛祖之坦途。瞽人天之正眼。使吾祖教外別傳之道。於斯委地。大覺世尊於二千年外。早已識得衆生心。病預設多方。曲垂規則。故曰末世衆生。希望成道。無令求悟。惟益多聞增長。我見又曰衆生未悟。作何方便。普令開悟。所以結制安居。冠期取證。過三期日。隨往無礙。故知解結之有時也。諸大德於九十日中。還曾證悟也。無已悟者。且置勿論。未悟者。則此一期。又是虛喪了也。若是真正道流。以十方法界。

爲圓覺期場。無論百日千日。結制解制。但以舉起話頭爲始。一年不悟。參一年。十年不悟。參十年。乃至二十年三十年。盡平生不悟。決定不移。此志直要見箇徹頭徹尾。真實究竟處。方是放參之日。所謂時節若至。其理自彰。豈虛語哉。驀豎起拂子曰。還知落處麼。幻叟今日不辭饒舌。更爲諸人下箇註脚。猛火鑄成金彈子。當機捏碎。乃渾圓等閒得失。俱拈却。風送潮音出海門。師到園見冬瓜。問園頭者。箇無口。因甚長得如許大頭。曰某甲不曾怠惰。一時師曰。主人公還替你出些力氣也。無頭曰。全承渠力。師曰。請來與老僧相見。頭便禮拜。師曰。者猶是奴兒婢子在。頭轉身拈篋縛架。師乃呵呵大笑。回顧侍者曰。菜園裡有蟲。性空首座請益。蒙山三關語曰。蠅螟蟲吸乾滄海魚龍蝦蟹向何處安身立命。師曰。長安路上金毛臥。曰水母飛上色。究竟天入摩醯眼裡作舞。因甚不見。師曰。五鳳樓前鐵馬嘶。曰蓮湖橋爲一切人直指明眼人。因甚落井。師曰。明月照見夜行人。曰請師頌出。師曰。好與痛棒。曰棒則甘。頌頌則乞。師不吝師乃。

大笑頌曰。當機把斷。聖凡津擬。議知渠屈。未伸欲識。蒙山端的。旨垂鉤意。在釣金鱗。天順丁丑。由匡廬。歸蜀韓都侯。於方山建雲峰寺。迎師住持。成化癸巳。三月中。示微疾。衆請末後句。師展兩手曰。會麼。復曰。今年今日。推車撞壁。撞破虛空。青天霹靂。阿呵呵。泥牛吞却老龍珠。澄澄性海。溫華息泊。然而逝世。壽七十。僧臘六十一。建塔天成。

雲南府古庭歸化善堅禪師。本郡昆明丁氏子。十九參栢巖宣德庚戌。走金陵。參無隱道。道示以萬法歸一。一歸何處。話苦心窮。究未有所入。乙卯抵貴州。雍蘿山入蜀。脇不至席者數年。始大悟。正統間。袖香走隆恩。參無際。際曰。子見處。因甚。與老僧不同。師展兩手曰。者箇非別際。頌之一日。辭際。際曰。甚處去。師曰。十字街頭。訶佛罵祖。去際曰。子還來否。師曰。不違和尚尊顏。禮拜便行。初遊金臺。止大容山。復南還。住金陵天界。天順間。遷皖桐浮山。示衆汾陽無業道。古德道人得意。後茅茨石屋。向折脚鑪。煮飯喫過。二三十年。名利不干。懷財寶不爲念。天忘人世。隱跡巖叢。

君王召而不來。諸侯請而不赴。豈同吾輩貪利愛名。汨沒世途。如短販人有少希求。便忘大果。誠哉是言。我等惟掠虛頭。妄自尊大。無明三毒。潛結于心。逆惡境緣。知無解脫。據實而論。且莫管你是知識。非知識。除却一切。施爲動靜。語默文字。生死到來。畢竟作麼生。脫去不得。認著箇死搭搭。向良久。處妄想不得。執著箇轉轉。轉向活脫處。狂蕩但有絲毫差別。見覺直饒你脊梁。似生鐵鑄。就機辯如懸河。瀉水未免闕老子。打入阿波波。阿吒吒。八寒八熱。萬死萬生。灼然灼然。擊拂子曰。昨夜蟪蛄吞六合。虛空撲碎落巖前。復召大衆曰。珍重。後歸里古庭。建歸化禪林。以弘治癸丑七月二十日。示寂。古庭與盤龍南北竝峙。至今二大士肉身存焉。

田素菴大士法嗣

□□府佛跡。願菴真禪師。示衆青山疊疊。綠水滔滔。於斯會得獨步高。超雖然。也是尋常茶飯。古人道。欲窮千里目。更上一層樓。機不離位。墮在毒海。語不驚群。陷於流俗。若向擊石火裡。辨緇素。掣電光中。明殺

活可以坐斷千差。壁立萬仞。諸兄弟還知有恁麼時節也。無今時諸方說禪。浩浩盡謂脚跟點地。鼻孔撐天。究竟具正眼者。落落罕聞。所以偏正不一。各立異端。堅執已解。弗通實理。所謂正法難扶。邪說競興。古人道信有十分。則疑有十分。疑有十分。則悟有十分。可將盡平生眼裡所見耳裡所聞。惡知惡解。奇言妙句。禪道佛法。貢高我慢等心。徹底傾瀉。莫存毫末。只就未明未了公案上。立定脚跟。豎起脊梁。無分晝夜。無參處參。無疑處疑。直得東西不辨。南北不分。默椿椿地。却如箇有氣底死人。相似心隨境化。觸著還知打破。觸破不從他得。豈不慶快平生者哉。

大鑑下第二十八世

東明岳禪師法嗣

江寧府東山翼善海舟永慈禪師。成都余氏子。生洪武甲戌。幼孤。見僧輒喜。一日聞生死事大。遂發心出家。奮志參尋。知識首見太初。初問父母未生前。那箇是汝本來面目。師即從東過西。叉手而立。初曰。未。在更道。師曰。兩眼對兩眼。宣德丁未。出峽遊燕京。南詢

至武林。謁東明。問無相福田。衣何人合得。披明便掌。師曰。作麼明。又掌。師曰。一掌不作一掌用。又如何。明復掌。師曰。老和尚名不虛傳。遂展具三拜。未幾復遊金陵。正統丁巳。太監袁誠請師住持翼善。庚申五月二十八日。東明遣偈曰。分付慈海舟。訪我我無酬。明年之明日。西風笑點頭。明年辛酉。東明如期果寂。成化丙戌。師示寂。壽七十三。臘五十。餘塔於寺左。蘇州府水心月江覺淨禪師。姑蘇范氏子。年十五從古拙苾芻永樂壬寅參峴山宗。後見東明。親依最久。一日問如何是祖師西來意。明曰。你那裡去來。師進前曲躬曰。和尚那裡去來。明便喝。師亦喝。明打出後菴。居天目。天順間遷里之水心。成化己亥正月十九日。戒飭徒衆說偈而逝。壽七十九。臘五十一。

天界中禪師法嗣

邵武府君峰大闡慧通禪師。建寧邵氏子。從斗峰祝髮。往參雪骨中。一夕有省。成偈曰。手把龜毛索。毗盧頂上推。三千諸佛祖。一串穿將來。且詣丈室中。見中曰。還我話頭來。師復衝口曰。坐斷恒沙界。全心一物。

無浮雲都散。盡獨耀一輪孤。中可之後住君峰二十餘年。清遠之風從化者衆。弘治辛酉二月十七日。集衆說偈曰。人生七十古來稀。更添一歲事尤奇。若問老僧何處去。虎空獨露笑嘻嘻。沐浴更衣。趺坐而逝。

投子琦禪師法嗣

順天府涿州金山寶禪師。參楚山。山問。面南看北斗。且道明甚麼邊事。師曰。和尚合取口好。山曰。未在。師曰。瞞別人。即得。山曰。如何是透關眼。師振聲一喝。山曰。向上一機。又作麼生。師曰。青天日。卓午山。曰。未夢見。在師曰。木童拈玉綫。石女度金鍼。山曰。轉身一句。速道。速道。師曰。雨添山色秀。風來竹影移。山拈拄杖。師便喝。拂袖而出。山曰。放汝三十棒。師轉身作禮曰。謝和尚慈悲。山曰。子雖有滔天之浪。且無滿水之波。師俛首默然。山肯之。

□□府唐安湛淵齋禪師。依楚山最久。一日入室。次山問。如何是至理一言。師曰。有口說不得。山曰。松風流水爲甚麼。却說得。師曰。爲渠無口。山曰。你道他說些甚麼。師曰。和尚適來問甚麼。山曰。祇如絕音響處。

還有說也。無師曰。有則灼然。有只是聞不及。山曰。聞卽且置。你道他說箇甚麼。師乃豎起拳頭。山曰。還有聞得及者麼。師以手指香爐曰。是渠却聞得。山曰。因甚。渠却聞得。師曰。爲渠有耳。山曰。汝亦有兩耳。爲甚聞不得。師曰。雖然聞不得。瞞他一點不得。山曰。放汝三十棒。師便禮拜。

襄陽府大雲興禪師。久侍楚山。一日山出郡歸衆途。迎山曰。我不曾下山。亦未嘗出郡。且道甚麼處去。來。師曰。大衆久立。請和尚。回寺。山曰。那裡是寺。師曰。鐘聲響得好。山呵呵大笑。師便禮拜。後山付偈曰。躬自西州定宗旨。親從投子付袈裟。他年出世提綱要。不立孤危是作家。

順天府房山石經海珠祖意禪師。掩關次。一日楚山到關前。擊門一下。曰。請關主相見。師斂手鞠躬而立。山曰。趙州無字作麼生。師曰。只爲婆心切。肝膽向人傾。山曰。不涉有無時如何。師曰。某甲到者。裡却不曾。山曰。待汝出關與汝一頓。師曰。某甲卽今亦不在關內。山指關門曰。爭奈者箇何。師便喝。山曰。天氣炎蒸。

善加保護師便禮拜

□□府長松大心真源禪師三池張氏子謁楚山問從上佛祖言不及處行不到處請師直指山拈拄杖曰。響師便喝山便打師又喝山又打師便禮拜一日室中侍立次山曰向父母未生前道一句來師曰道不得山曰因甚道不得師曰他沒口山曰大好沒口師曰謝師答話

□□府松潘大悲崇善一天智中國師彭縣人體貌奇異年十二從月光受業後居松潘一日楚山過其廬師述悟由山曰如何是無字意師曰出匣吹毛劍寒光射斗牛山曰趙州因甚道無師曰波斯嚼冰雪不覺齒牙寒山曰拈過有無如何湊泊師曰夜深誰把手同共御街遊山曰向上奇特一句作麼生師曰秋夜家家月春來處處花一雙青白眼何用撒泥沙山印可之

□□府中溪隱山昌雲禪師參楚山山問汝名甚麼師曰昌雲山曰號響師曰隱山山曰雲在山中隱如何又出山師曰只因夜來鶴帶過嶺頭關山曰化爲

霖雨時如何師曰徧潤寰區山曰忽被猛風吹散時如何師曰依舊青天白日山呵呵大笑

順天府房山石經豁堂祖裕禪師成都巨氏子久從楚山遊一日山閱經次師詣前曰和尚看底是甚麼山喝一喝曰你道是甚麼響師亦喝山舉起經曰百千三昧無量妙義皆從者一卷經流出且道者一卷經從甚處得來師彈指一下山便休去

□□府三池月光常慧禪師簡州李氏子參楚山山曰久聞上座嘗覽大藏是否師曰和尚莫謗某甲好山曰白底是紙黑底是墨畢竟如何是經師曰和尚太殺不本分山曰作麼生是不本分底道理師曰經響山曰似卽似是卽未是師便禮拜

□□府翠微悟空禪師關西人久依楚山一日入室次山問踏翻大地無寸土徹底窮源事若何師曰有星皆拱北無水不朝東山曰還假履踐功用也無師曰履踐則不無功用卽不可得山曰只箇不可得處亦不可得子又作麼生師擬進語山震威一喝師曰恩大難酬便禮拜

江寧府高座古溪覺澄禪師。蔚州人。從雲中天暉昶
變染。閱大藏。歷五寒暑。於無字話染。指乃叩月溪。復
往投子。見楚山。親炙久之。得盡其旨。隱固始之南山。
有年。明天順間。住金陵高座。結制小參。三條椽下。
坐堆堆。把定身心。若死灰撥出爐中些子。火驚天動。
地一聲雷。還有不惜眉毛者麼。良久。乃曰。有時三世
諸佛與火爐說法。覓火和煙得。有時火爐說法。三世
諸佛諦聽。擔泉帶月。歸於斯會。得芥子納須彌。也得。
須彌納芥子。也得。正眼觀來。兩箇火爐。三世諸佛。結
住于青州布衫一粒芥子。百億須彌。收歸於雲門。朝
餅兩堂。雲水穿叉。穿不得。較又較不得。大眾正當恁
麼時。畢竟作麼生。還會麼。拍案曰。眉間拶出金剛。燄
露柱。燈籠盡放光。成化癸巳八月九日。集衆訣別。端
坐而逝。少頃。衆泣。師復開目曰。不須如是。復瞑目長
往。

珪菴祖玠侍者。因病次楚山。入寮躬視時。值心上座
來山。顧師曰。如何是心。師曰。開口不容情。山曰。未在。
師返顧心曰。何不禮拜和尚。心便就禮一拜。山休去。

後病革。有痛苦聲。山曰。平日得力句。到者時節。還用
得著麼。師魁首山曰。既用得著。又叫喚作麼。師曰。痛
則叫喚。則笑。師曰。只如三寸氣斷。向何處安身立命。
師曰。雨過天晴。青山依舊。山曰。從今別後。再得相見。
否。師曰。曠劫不違。今何有間。山曰。恁麼則子不曾病。
耶。師曰。病與不病。總不相干。山復執師手曰。者是甚
麼。師便合掌曰。某當行矣。振身端坐而逝。

廣善潭禪師法嗣

鳳陽府槎山護國無用文全禪師。濟南商河劉氏子。
年十九。投靈巖祝髮。初見月天。次參別傳。有省。入傳。
問虛空粉碎。大地平沉。汝在甚麼處。安身立命。師曰。
昨夜泥牛吞皓月。今朝木馬吐清風。傳曰。一歸何處。
響。師曰。一自白牛歸雪嶺。直至如今不見蹤。傳領之。
復往金山。謁無極極囑師。見寶月月。問有草鞋錢麼。
師曰。青山不露頂。曰。如何是應物現形。師曰。孤光明
月。普天輝。萬象森羅全體現。一日月入堂坐。次叫曰。
寒寒。師便搬火爐向前。月曰。如何是火爐邊事。師敲
火爐三下。月微笑而出入室。次月拈拄杖子。者是拄

杖子且道主在甚麼處。師奪拄杖擲地叉手而立。月曰。看者。漢撞却拄杖子了也。師拂袖便出。月爲印可。後出世槎山。上堂。法不孤起。仗境方生。道本無言。因言顯道。今來龍象交參。諸山共處。感皇上之洪恩。賢士大夫之護佑。安立禪期。助斯聖化。命山僧舉揚宗眼。令末運得種善根。雖然。猶未是衲衣下事。且作麼生是衲衣下事。僧問三乘。卽不問。直指事如何。師曰。雙峰頂上。鶴棲樹九。龍山下。烏啼花。曰。西來祖意。蒙師指。東土相傳事。若何。師曰。嶺上青松千古秀。瀾邊流水萬年清。問如何。是白水境。師曰。一片荒田。堆四野。三間茅屋。壯諸山。曰。如何。是境中人。師曰。白虎頭邊。天子廟。黑龍潭上。帝王基。曰。人境兩忘時。如何。師曰。蘇武不知青。班意七郎常。恨白鴉。歸僧禮拜。師拍案一下。

江寧府崇福大慧覺華禪師維揚劉氏子。初見海舟有省。復參寶月於繁昌。獲印證。住後上堂。舉拂子曰。威音那畔。只是者箇。如今目前也。只是者箇。若喚作拂子。瞎却人天眼目。不喚作拂子。亦瞎却人天眼目。

大眾畢竟喚作甚麼。若也直下見得。便知迦葉微笑。得紹如來傳燈二祖。覓心堪續祖宗正脈。驚豎拂子曰。還見得麼。良久曰。千聖不能識。擊拂子下座。

河南府伏牛翠峰德山禪師。關陝西夏人。幼質於年三十始出家。從雲南牛首海爲弟子。海寂師得遍參而礙膺之物。終苦未除。因古峰指參。寶月潭潭曰。子期心固遠。特欠一番微骨。在過此從死中活來。向人出言吐氣。始有著落。不然。總沒交涉也。師聞於是。入伏牛苦心六年。始得大悟。出世辦香爲潭公拈出也。異日在都門吉祥時。以衆廣朝廷聽。譏言致怒。師爲捨衆歸。伏牛衆益盛。說法凡三十年。一日謂衆曰。歸歟。歸歟。吾北人歸化。首丘願也。遂還京居。延壽未幾。示寂。年八十有一。弟子奉全身。瘞於寺。普同之後。有贊師像曰。有風斯清。有月斯明。猗歟翠峰玉振金聲。

大岡澄禪師法嗣

杭州府天真毒峰季善禪師。鳳陽吳氏子。父宦遊廣東雷陽。而生。年十七出家。初遇源明。明示以無字話。師當下便能領解。舉陳明明曰。我二十年看箇無字。

如蚊子上鐵牛。子纔學做工。夫便有許多知見。復曰。觀子根器。雖異。切莫被人哄去。作長老。悞汝大事。師蒙誨。誓此生以悟爲期。正統壬戌。入川。參無際。會際赴召入京。遂掩關。關中不設臥具。惟置小凳。昏重。并去。竟一日。聞鐘聲。有省。說偈曰。沉沉寂寂絕施爲。觸著無端吼似雷。動地一聲消息盡。觸體粉碎夢初回。其時適際遷化。遂依月溪。溪曰。佛法不是鮮魚。怕爛。却那日。惟東敲西擊。暗垂勘驗。一日。侍溪園中。坐次。溪曰。你向來看甚麼話。頭師曰。無字。溪曰。如何是無。師曰。如今看來。恰似口金剛。王寶劍。溪曰。如何是金剛。王寶劍。師曰。寒光燄燄耀古騰今。溪曰。還我劍來。師曰。擬動則犯他鋒。銳。溪曰。橫按當軒時。如何。師曰。佛來也。殺。祖來也。殺。溪曰。老僧來。嚮。師曰。亦不相饒。溪曰。殺後如何。師曰。且喜天下太平。溪曰。畢竟如何。是無字意。師曰。賊賊分明。溪曰。賊即且置。還我賊來。師曰。六六三十六。溪曰。未在更道。師曰。夜短睡不足。日長饑有餘。溪曰。牛過窓櫺頭。角四蹄都過了。因甚。尾巴過不得。師曰。了無一法。當情瞥爾。通身露地。溪

曰。你即今向甚麼處安身立命。師曰。何處不稱尊。後辭溪。抵浙。掩關。天目。萬峰菴。月溪亦蒙旨。欽賜歸金。陵。大岡。遣書召師。付囑。師適因事他出。溪臨委。息命。送衣拂界之師。住山。凡四十餘載。天順間。建西湖之三塔。泊天目之招明。吳山之寶蓮。南山之甘露。成化初。掩關石屋。後住慈雲嶺。天真。僧問。如何是和尚家風。師曰。前江潮急。魚行澀。後嶺峰高。鳥泊難。僧請益曰。高峰。道海底泥。牛銜月走巖前。石虎抱兒眠。鐵蛇鑽入金剛眼。崑崙騎象鷺鷥牽。此四句內。有一句能殺能活。能縱能奪。若人檢點得出。一生參學事畢。未審是那一句。師曰。待汝悟。即向汝道。曰。不會。師曰。不見道。你有拄杖子。我與你拄杖子。你無拄杖子。我奪却你拄杖子。示衆。寶劍全提。日用中高揮大抹。肯從容。卷兮現。膽迎風。喪舒也。觸體偏地。橫萬死萬生。渾不顧。一鎗一騎。便收功。趙州性命分明也。血刃參天。不露鋒。以拂子拂一拂。曰。虛空廓徹。無消息。萬里無雲。天漢碧。拶得須彌入藕絲。彌勒釋迦齊叫屈。倒騎鐵馬。逐西風。驚得泥牛從海出。諸仁者。若作

奇特會孤負已靈不作奇特會抱贓叫屈且作麼生會良久曰解藏天下於天下始見林梢挂角羊成化壬寅示寂於天真塔建本山

太原府五臺山普濟孤月淨澄禪師西河張氏子首參月溪溪令看趙州無字話三日有省溪異之復入蜀獨居飛雪山三年一日炊飯定去覺時飯已成醎以地坐久足爲冷濕所侵不能起得人荷至後山調息始愈一日坐木上聞爆竹聲豁然大悟自是一切時中洞然明妙謁廣福呈所得福問大死底人却活時如何師曰眉毛橫眼上鼻孔大頭垂曰大地平沉虛空粉碎汝又向甚處安身立命師曰雲消山巖露日出海天清明天順丁丑還清涼代王延詣內掖問道尊禮之令旨建寺於華嚴谷額曰普濟命師住持有山居偈曰甘貧林下思悠悠竹榻高眠枕石頭格外生涯隨分足都緣胸次一無求自住丹崖綠水傍了無榮辱與閒忙老僧不會還源旨一任山青葉又黃臨寂坐脫於本山

江寧府大岡夷峰寧禪師付法偈曰祖祖無法付人

人本自有汝證無授法法法無前後

潼川州蓬溪智林天淵福湛禪師以勤苦入道獲記月溪及開堂弘化大爲楚蜀禪學所歸壽七十七寂時有倒騎鐵馬吼西風明月清風一樣同之句蓋辭世偈也有天淵錄二卷行世

續燈正統卷二十八

續燈正統卷二十九

南海普陀嗣祖沙門西蜀 性統 編集

臨濟宗

大鑑下第二十八世

西禪瑞禪師法嗣

棠城贊文洪印禪師古渝棠城張氏子禮雪峰蓄養有年因峰遷化未獲印可遠扣楚山值定王薨世三周除禪請山陞座師出問雷音動地選佛場開一會靈山儼然未散未審皇恩佛恩如何補報山曰蕩蕩皇風清六合明明佛日照三千師曰祝讚已聞師的

目拈花微笑意如何。山曰：機前有語難容舌，獨許頭陀一笑傳。師曰：玉梅破雪紅，葉凋霜適官家除禪之辰。乃鶴駕仙遊之日，未審薨世主人金容即今何在。山豎拂曰：在山僧拂子頭上。成等正覺放大光明，與如來共轉法輪。汝還見麼？師曰：與麼則徧界絕遮藏也。山曰：要且有眼覩不見。師曰：只者覩不見處，不隔纖毫。山曰：未是妙。師曰：未審如何是妙？山曰：二邊俱抹過，始見劫前人。師曰：蒙師點出金剛眼，死去生來不更疑。山曰：俊哉！禱子透網金鱗，出語標宗，不委西禪之嗣，更須保任，切勿自欺。師曰：人天證明，謝師印可。

性空無極聞和尚，嘗作顯宗歌曰：達此宗無今古，拶破虛空還自補。聲色堆頭妙覺場，放去收來無間阻。體中妙夜半，木人臨鏡照波斯。南岸嚼寒冰，塞北湖兒街市開。用中玄石女吹笙，碧樹巔趙州葫蘆挂東壁。村中王老夜燒錢，玄中玄妙中妙寶。絲網裡鬪明珠，須向暗中通一竅。海潮音熾然說，師子筋琴彈白雪。兩岸青山笑點頭，百年古調翻來別。問嗣投子琦便列此

古庭堅禪師法嗣

太原府五臺山顯通大巍淨倫禪師，雲南康氏子。生宣德丁未，正統間從無極泰茂染古庭居浮山。師往叩室中機契，後住顯通。上堂：無孔鐵鎚當面擲，黑漆崑崙攔路坐。莫有挨拶得入，拈弄得出底出來？道看僧問如何是臺山境？師曰：不是天晴便是下雨。曰：如何是境中人？師曰：金剛窟裡萬菩薩。曰：未審尋常所說何法？師曰：清風吹幽松，近聽聲愈好。問：如何是佛法的大意？師曰：今年調雨水，農家好春麥。問：如何是祖師西來意？師曰：待飯仙山轉身，卽向汝道。乃曰：拈砒霜作醍醐，亦曾有也。撒珍珠如瓦礫，誰箇不然？開眼上樹，特地喪全身。夢昇兜率，也是揚家醜。未動情思，轉魔女。盡成菩提寶器，不勞腕力。指娑婆，便爲妙喜淨邦。長水潯嶽，積而來。瑯琊覺冰消而去，信腳踏翻琉璃。穿等閒擊碎珊瑚枝。上堂：三聖震威一喝，正法眼裡撒沙。南泉白刃高揮，古佛家風掃土。何必不必探竿，豈在人手。湘南潭北，塔樣脫體持來。不萌枝上放春，回烈燄堆中飛片雪。有斯作略，可

謂其人誰家井底無天到處波心有月上堂體相
用三大齊彰塵塵攝入因果智五周頓證法法圓融
百城煙水不出一毫十世古今匪移當念紅藕華開
聞水香觸著蠅螟蟲半邊鼻青山低處見天濶展開
瘦蛟子一莖眉百川競注水體不流萬竅共號風本
自寂金師子不勞踞地水牯牛隨分納些動容滿目
家山依舊青天白日冬至示衆五頂瓊瑤堆千松
珠玉枝盡臺山泉石煙雲飛樓浦殿總是文殊一隻
智眼真光是汝諸人常在於其中經行及坐臥還知
從不曾動著渠一莖眉毛麼若也與麼見得便爾攝
大千於毫端廣塵沙於法界其或未然切忌東卜西
卜我爲汝諸人真實告報今朝冬至一陽生珍重
示衆山高海濶月朗風清松蒼石白夏暑冬寒如是
歷歷分明一一成現且道衲僧分上成得箇甚麼邊
事莫有道得底麼不妨出來道看若無老僧自道去
也拈拄杖便下座示衆演祖道有則奇特因緣舉
似諸人欲說又被說礙不說又被不說礙大小演祖
大似靈龜曳尾一言既落人耳如何諱得老僧也有

一則奇特因緣索性舉似大方令他倚門傍戶者一
箇箇壁立千仞便下座示衆老僧者裡也不說東
村李大郎太儉也不說西村王二姊太奢也不會安
角呼兔也不會添足畫蛇早起一盂白粥午後一盃
清茶誰管他陳年爛葛藤冷地開華展兩手曰汝等
諸人來者裡討甚麼乾木查山居吟曰無事山房
門不開土堦春雨綠生苔此心將謂無人委幽鳥一
聲何處來後示寂於本山

佛蹟眞禪師法嗣

處州府白雲無量滄禪師示衆二六時中隨話頭而
行隨話頭而住隨話頭而坐隨話頭而臥心如栗棘
蓬相似不被一切人我無明五欲三毒之所吞噉施
爲動靜通身是箇疑團疑來疑去終日默椿椿地聞
聲見色管取因地一聲去在雖然切忌喚鐘作甕喝
一喝

和菴忠禪師法嗣

寧波府用剛宗軟禪師示衆大凡做工夫只要起大
疑情不失正念千疑萬疑祇是一疑纔有間斷卽落

空也見汝等做工夫未曾半月一月打成一片焉得不走。作果若真疑現前撼搖不動自然不怕惑亂又不得起一念歡喜心。纔有絲毫異念卽打作兩橛。只管勇猛忿將去。終日如箇死漢子相似。到者般時節。那怕甕中走却鼉大衆忽然甕中捉著鼉時如何切忌認奴作郎。

大鑑下第二十九世

金陵慈禪師法嗣

江寧府高峰寶峰明瑄禪師吳江范氏子。俗業鋤因海舟令造塔院足傷索酒舟曰幸傷足若斫去頭雖千醒汝能喫不。師媿遂求爲僧。一日燒火般柴次舟曰是甚麼師曰是柴舟曰是柴將去燒師致疑通夕不寐忽爲火燎去眉毛面如刀刈以鏡照之大悟趨見舟舟拈棒師奪棒曰者條六尺竿多時不用今日又要重拈舟大笑師呈偈有笑裡藏刀子細看句舟曰卽此偈可紹吾宗遂以偈付之有臨濟兒孫獅子子之句後住金陵高峰寺天奇瑞參師問甚處來奇曰北京師曰只在北京爲復別有去處曰隨方瀟灑。

師曰曾到四川麼曰曾到師曰四川境界與此間何如曰江山雖異雲月一般師舉拳問四川還有者箇麼曰無師曰因甚却無曰非我境界師曰如何是汝境界曰諸佛不能識誰敢强安名師曰汝豈不是著空曰本瑞終不向鬼窟裡作活計師曰西天九十六種外道汝是第一奇拂袖便出師喜爲克家種草堪支吾道遂書偈付之曰濟山棒喝怒如霆殺活臨機手眼親望解凡情俱坐斷曇華放出一枝新師於成化辛卯臘月九日示寂塔全身於東明寺左。

九江府廬山雲溪碧峰智瑛禪師少壯苦不識字晚年信口成章時多稱之囑門人智素偈曰見徹孃生親面目允宜勤守護天真爪牙養就崢嶸日哮吼一聲百獸驚。

君峰通禪師法嗣

邵武府君峰清祥上座久依大闢一日忽有省呈偈曰法性空無礙平等觀自在截斷兩頭機是名超三界闡爲是之。

思南府正法雪光禪師族趙氏徧歷諸方至靈峰度

夏間舉嚴陽尊者問趙州公案。有省舉似寂照。照曰。無功用處。正好用功。莫認些子光影。有悞生平。復結冬於景德。一日定中。聞巖瀑聲。觸發默舉。從上佛祖機緣。一一透得。遂往參潔空。從頭舉似已空。曰。不見道。莫謂無心。云。是道無心。猶隔一重關。道了便入。寢室師自是茫無意緒。懷疑不決。一日見寒山詩。吾心似秋月之句。凝滯頓釋。後菴居古山。臨終書偈而逝。

天寧宣禪師法嗣

杭州府徑山天才英禪師示衆默堂老人。平地上湧起波濤。虛空裡敲出木楔。中人毒氣。回來剛道親見寶月。不知瞎却多少人眼睛。啞泊合饒舌。

大岡寧禪師法嗣

杭州府天目寶芳進禪師付法偈曰。眞性本無性。眞法本無法。了知無法性。何處不通達。

性空聞禪師法嗣

荊州府圓通夢菴懶牧湛覺禪師。長安曲江張氏子。幼慕禪悅。從藍田秀苒染矢志。究明生死朝夕孜孜。至於寢食俱廢。一日有省。往見性空求決擇。既而蒙

印證明。成化丙戌。開法圓通上堂。選佛場草深三尺。空王殿浪捲千尋。圓通有一句子。圓圖吐不出。吐出。不圓圖。若有人檢點得出。許他具一隻眼。

淨慈休禪師法嗣

杭州府昭慶幻寄雪庭禪師仁和桂氏子。成化癸巳。謁休休於仙林。一見契合。因閱楞嚴。至於一毫端。現寶王刹。有疑後詣江陰乾明寺觀萬佛閣金碧嵯峨。忽有省明。弘治戊申除夕。聞鐘聲從前履踐不覺瓦解。述偈曰。圓響心非聞大千。同一照抹過上頭關。更不存玄妙。乙卯休休應淨慈請。師復依侍。乃蒙印可。年四十開法昭慶。上堂。心不是境。境全是心。觸處不逢渠。何肯汝。所以心不自心。鄰雞唱曉。露觀音境。不自境。庭樹花開。吐光影。塵中總是自來賓。堂內主人須喚惺。良久曰。切忌瞌睡。便下座。上堂。洪鐘有口元無舌。一擊全聲四海聞。拶得錦鱗頭角露。竚看平地卷風雲。舉嚴頭示衆。吾教意如塗毒鼓。擊一聲。遠近聞者皆喪時。有小嚴問。如何是塗毒鼓。頭以手按膝。亞身云。韓信臨朝底。嚴無語。頌曰。烏藤攪動。

四溟水。鰕蟹魚龍喪膽魂。進退觸波遭點額。那堪踣
跳聽雷崩。舉雪峰示衆。飯籬邊餓死人。無數海水
裡。渴殺人無數。至雲門云。通身是飯。通身是水。話頌
曰。小店梨花酒。正香。牧童指出幾人。嘗任渠點滴。不
沾口。已是渾身臥醉鄉。舉南泉見鄧隱峰來。指淨
瓶曰。淨瓶是境。你不得動著。境與我將水來。峰將瓶
傾水於泉前。泉休去。頌曰。落英片片逐東風。狼藉春
光滿地紅。設使向前收拾得。除香猶有隔牆東。舉
僧問玄沙。如何是學人自己。沙曰。用自己作麼。話頌
曰。平生不作江南夢。怪殺人來說鷓鴣。衣錦未能歸
故國。三家村裡覓皇都。舉洞山初言。無展事。語不
投機。承言者喪。滯句者迷。話頌曰。白圭三復瑕難掩。
一默如緘語路差。稍變動已迷家。萬頃秋光天水碧。
一聲漁笛隔蘆花。又嘗有詠黃鸝詩曰。多情自信
惜春光。飛入園林錦繡鄉。記得小窓驚我夢。滿庭紅
杏帶斜陽。

大鑑下第三十世

寶峰瑄禪師法嗣

安陸府荊門州天奇本瑞禪師。南昌鍾陵人。父江堂
母徐氏。年廿二棄家。遠投荊門。無說能薙髮。能示萬
法。歸一一歸何處。話令參。後遇高郵全首座。同往襄
陽途中。偶聞婦人呼猪聲。全曰。阿孃牆裡喚。哪哪途
路師僧會也。麼撈破者些。關板子孃孃依舊是婆婆。
師矍然汗下一日。病甚有暉禪者。勉師曰。病中工夫。
切不可放過。因舉大慧在徑山。患背瘡。晝夜叫喚。或
問慧還有不痛底。麼慧曰。有曰。作麼生是不痛底。慧
曰。痛殺人。痛殺人。師於言下豁然。透得孃孃依舊是
婆婆。意旨又一日。聞山鹿叫喚。會得日用之中。無不
是底道理。遂往蜀中謁楚山。問某甲。閒時看來了然
明白。及至臨機。因甚茫然。山曰。毫釐有差。天地懸隔。
後遊金陵。路次忽然如從夢覺。從前所得一場懣懣。
遂參寶峰於高峰。鍼芥相契。遂蒙印證。語具寶章中住後
落堂開示。祖師西來。不立文字。直指人心。見性成佛。
更無別法。若向者裡。知箇落處。定也有分。慧也有分。
宗也有分。教也有分。佛法世法。無可不可。腰纏十萬
貫。騎鶴上揚州。其或不然。定也不是。慧也不是。宗也

不是教也不是蓋爲不識本心名爲狂妄。經云虛妄浮心多諸巧見不能成就圓覺方便。諸佛諸祖惟傳一心不傳別法。汝等不達本心便向外求於妄心中起妄功用如邀空華欲結空果。縱經塵劫只名有爲。須知所謂見性成佛者見性不是見他人之性成佛不是成他人之佛。決定是汝諸人本有之性與十方法界秋毫不昧。人人本具箇箇不無。但向二六時中一切處回光返照。看是阿誰不得執定一處。須是於一切處大起疑情。將高就下。將錯就錯。一絲一毫。毋令放過。行住坐臥時便看者。行住坐臥底是誰。見色聞聲時便看者。見底聞底是誰。覺一觸時便看者。覺底是誰。知一法時便看者。知底是誰。乃至語默動靜周旋往返一一返看。晝夜無疲倦。倘若一念忘了便看者。忘了底是誰。妄想起時便看者。妄想底是誰。你道不會只者不會。底又是阿誰。現今疑慮你看者。疑慮底又是阿誰。如是看來。看去萬境不能侵。諸緣不能入。得失是非都無縫罅。明暗色空了無彼此。山河大地日月星辰盡聖盡凡。都盧祇是一箇誰字。更無別

念上下無路。進退無門。山盡水窮。情消見絕。豁然爆地一聲方知。非假他求。咄示衆。閒花野草露真機。劍號巨闕。蛟蝶穿園。拍板扉珠。稱夜光兩岸。蘆花齊點。首雲騰致雨。一條江水伴鷗飛。露結爲霜。山僧於此盡情吐露。更有一句尙未曾道。會麼。那邊不坐空王殿。爭肯耘苗向日輪。寂後門人於弘治十一年戊午建塔於衛輝府輝縣白鹿山之白雲寺左。

雲溪瑛禪師法嗣

九江府匡山天池林隱靜菴智素禪師東萊趙氏子。生景泰甲戌八月十八。早年父母俱喪。十五從五臺天成寺大用祝髮。謁雲溪得旨。後住天池。上堂體露金風。光皎潔一色明明。無間歇。羶羊挂角。覓無蹤。海底蟾蜍吞却月。荊藩請住東山上。堂在天天高。在地地厚。一毫端上應時納。佑此猶是者邊事。且道那邊事。作麼生。拊几曰。釋迦睡重。彌勒起遲。下座。

吉菴祚禪師法嗣

嘉興府天寧法舟道濟禪師郡之思賢里張氏子。年二十一投天寧爲行者。時默堂宣受寶月記。歸自繁

昌師往謁服勤久之復詣東禪從昂祝髮參吉菴菴門庭孤峻師能朝夕咨叩一日聞磬聲豁然洞徹尋趨方丈菴曰子著賊也師曰賊已收下曰賊在甚處師振坐具曰狼藉狼藉曰者掠虛漢狼藉箇甚麼師一喝歸衆菴可之未幾長安覺王寺請居第一座室中秉拂機用莫能湊泊嘉靖初住金陵安隱僧問如何是安隱境師曰三山半落青天外二水中分白鷺洲曰如何是安隱家風師曰石虎山前鬬泥牛水底眠曰不會師曰用會作麼精嚴寺晚參精嚴寺裡撞鐘府譙樓上撞鼓同時顯大神通穿透千門萬戶大衆還問麼若道不聞爭奈鐘鼓分明人人有耳若道聞將甚麼聞卽今鼓絕鐘消聞底事又作麼生試道看卓拄杖曰黃金自有黃金價終不和沙賣與人陸五臺問畫前元有易不師曰若無伏羲將甚麼畫臺曰畫後如何師曰元無一畫臺曰現有六十四卦何得言無師曰莫著文字臺曰請和尚離文字發一爻看師召居士臺應諾師曰者一爻從何處起又問至人無夢何也師曰常人於現前虛幻分別境

界不知全體是夢認爲實有而以昏昧想心繫念神識紛飛境界爲夢所謂寤寐俱夢夢中復作夢也至人於自心境界如實而知故於現前虛幻境界妙用冷然通徹無礙而睡夢亦自明明而知歷歷而覺所謂寤寐一如者也故至人無夢之說非有無之無乃是無夢無非夢夢與非夢一而已矣又問夢裡須臾何以歷涉萬里師彈指一下曰千里萬里只在者裡問聖人有妄念不師曰無曰既無妄念何用兢兢業業師曰兢兢業業故無妄也問爲政如何得無倦師曰榮辱得喪毀譽是非一切不管但虛其心行其所無事則無倦矣問終日喫飯何故不曾餓著一粒米師曰喫飯底人居士還曾見不問四方上下有窮盡不師曰居士試返觀自己心量有窮盡不士良久曰實無窮盡師曰世界亦然又問地獄實有不師曰人作了惡歷歷自知雖經久遠憶持不忘便是業鏡自心明知自惡不能自釋便是法王心地不空地獄實有心若空了地獄隨空示禪人偈曰工夫不問四威儀聽板聞鐘好下疑打破未生時面目好來爐畔

受鉗鎚道本無爲豈屬修有修頭上更安頭虛空若使重加柄野草閒華正好愁將謂衣中有寶珠衣穿方信寶珠無前年尙有無珠說今日無珠說也無內不尋思外不求大千沙界一毫收塵塵刹利蓮華藏認著依然是外頭後遷弁山晚退歸天寧嘉靖庚申秋示寂壽七十四臘五十二茶毗塔禪悅堂

天通顯禪師法嗣

湖州府天池月泉玉芝法聚禪師嘉禾富氏子母馮生弘治壬子子月晦日兒時每藉地趺坐折草念佛母曰此兒佛弟子也稍長通經史年十四從資聖堅受業受具後矢志參學夙夜匪懈一日閱壇經有省往謁吉菴不契復見法舟舟多所啓發一日聞僧舉僧問大顛如何是見性顛曰見卽是性不覺釋然一笑述偈曰湖光倚杖三千頃山色開門五六峰觸目本來成現事蒲團今不鍊頑空未幾結制於漏澤之雲峰忽憶雪巖問高峰正睡著時無夢無想無見無聞主人公在甚麼處話便見得生死一致寤寐一如一日聞友人誦天通夢居碧峰寺裡有如來之句遂

詣碧峰纔見便問碧峰寺裡有如來莫便是和尙不峰曰上座還見麼師曰縱見也是金屑落眼峰曰者漢死去多少時汝來爲他乞命便歸方丈次日峰上堂舉古德曰打破大唐國覓箇不會佛法底也無又曰向南方走了一轉拄杖頭不曾撥著一箇會佛法底此二語甚有誦誦試爲酬一語看師曰前不構村後不迭店峰曰未得更道師曰不遇知音者徒勞話歲寒峰曰有甚得力句試舉看師遂呈二偈峰曰未免落人圈禮師曰如何得不落人圈禮峰便掌曰是落不落師豁然大悟平昔所蘊皆氷釋已而侍峰過杭遊南屏至宗鏡堂峰登座曰此處正好說法師曰說法已竟峰便下座顧師問曰還記得我所說底法麼師曰劍去久矣峰領之遂爲印可後出住天池示衆至道無爲非有爲無以造其深絕學無學非力學無以臻其極譬猶玉之在璞珠之在淵非剖鑿探求終無以獲故趙州三十年不雜用心香林四十年方成一片孜孜矻矻廢寢忘餐惟欲究明大事此皆參禪學道之榜樣也奈茲禪林秋暮法道荒涼遂妄

隨邪無復自振。惟知粥飯現成。不愧虛消信施。或遊心異學。肆志辨聰。或穿鑿機緣。馳求義解。是皆唐喪光陰。徒增業識。如舍父窮子。飄零無據。可勝嘆哉。若是英靈。漢直須於生死岸頭。猛著精彩。一念純真。纖塵不立。如遇怨敵。單刀直入。不顧危亡。如墮深井。念念無他。但求出路。若能具如是深心。管取到家有日也。上堂舉趙州勘二菴主公案。頌曰。鋪席經過。只一般爭知死貨。活人拈東行賣。貴西行賤。看破方知不直錢。上堂釋迦世尊降誕於毗藍園中。一手指天。一手指地。周行七步。目顧四方。曰。天上天下。唯我獨尊。已是漏逗不少。末後拈華示衆。曰。吾有正法眼藏。涅槃妙心。分付摩訶迦葉。露布重彰。便恁麼休去。猶較些子。使再揚家醜。以聾瞽後昆。豈予之所願哉。只如衆兄弟。久參練達者。舉著便知。寧堪矢上加尖。若是初參。晚進。不免曲垂方便。還有問話者麼。僧問。金軀初降。九龍吐水。聖誕重逢。未審有何祥瑞。師曰。金鳳銜花。呈瑞彩。錦鸞翻調。奏新簧。曰。周行指顧。示真機。今日如何露消息。師拈拄杖曰。拄杖子上透三。

十三天。築著帝釋鼻孔。下透十八重地獄。擊破閻羅王頂門。俯應群機。萬象森羅。咸稽首宣揚。般若大地山河。側耳聽。僧曰。恁麼則。昔時靈鷲。今日天池。師曰。一道神光。輝宇宙。莫將今古較疎親。便下座。陸五臺問東土一千七百善知識。即今總在甚麼處。師指庭樹鳴蟬曰。者裡也。有一箇士曰。聲響便是麼。師曰。喚作聲響。即聽過也。士又指石問。無情說法。只如者箇作麼說。得師曰。居士喚者箇作甚麼。士曰。石頭師曰。又道說不得。師於嘉靖癸丑五月十九日示寂。世壽七十二。僧臘五十八。有語錄二卷。行世。

金臺覺禪師法嗣

杭州府徑山萬松慧林禪師。郡之仁和沈氏子。從天自平野。獲聞心要。後遊金陵。聞僧誦丹霞上堂語。遂大徹。時伏牛空幻。寓廣德師。往謁呈所見。即蒙印可。後住徑山。一日辭衆書偈曰。七十六年萍踪。何倚本無去來應緣而已。書畢而逝。

天目進禪師法嗣

嘉興府東塔野翁曉禪師。無趣空參。每呈見解。師皆

不諾。一日謂趣曰：我有一言要與汝說。趣聳耳而聽。師但笑而不語。趣再四懇請。師復笑。趣始具威儀作禮。跏而哀懇。師乃曰：祖師西來直指人心。見性成佛。實在直下體究。子若果信得及。可放下萬緣。參箇一歸何處。趣從此死心看話頭。經三載。一日聞雞鳴。有省。詣師求證。師反覆徵詰有緒。乃付以大法偈曰：非法非法。非性非性。非心非心。非付汝心。法竟。

壽堂松禪師法嗣

建寧府斗峰古音淨禪師。本郡建陽蔡氏子。幼卓犖不羈。每嘆世間有求皆苦。年二十五從東峰祝髮。初見大闡。無所啓發。次謁性空。關主得遇宿禪。靜晃鄰席。一日見晃。閱古梅語錄。中有僧上方丈曰：某有箇入處。梅便打出。僧又進方丈。梅復打出。晃笑曰：者僧實有悟處。只是大法未明耳。師聆晃語。便起身設禮。求示入道旨要。晃曰：佛性雖人人本有。若不以智慧攻化。只名凡夫。今欲成辦此事。直須盡掃葛藤枝蔓。只將一句無義味話頭。自疑自問。自逼自拶。不肯求人說破。不肯依義穿鑿。決要命根頓斷。親證親悟。

如此晝三夜三。迫勒將去年深月久。忽然心華發明。如雲開見日。古人公案一一洞了。始知無禪可參。無佛可做。頭頭上了。物物上通。如人到家不問路也。師蒙示誨。卽死心研究。看萬法歸一。一歸何處。話復過滇南。參壽堂抵雞鳴灘。忽然大悟。泊見壽堂鍼芥相投。卽承記。蒞歸隱斗峰。正德壬申遷瑞巖。示衆學道人。當截斷諸緣。屏息雜念。單提本參話頭。於行住坐臥。苦樂逆順。一切時中。不得忘失。凡靜中所見善惡影象。皆緣不正思。惟致見種種境界。若是正因。禪子做工夫。當睡便睡。一覺便醒。起來抖擻精神。摩娑兩眼。較定牙關。捏緊拳頭。專心正念。切切思思。疑來疑去。到水窮山盡時節。忽然疑團迸散。頓見自己一段本地風光。非從外得到者。箇時節纔名入門。亦名得地。更要求明眼宗匠。決擇不可便休。一法不明。直須辨明一理。不通直須通透。假使悟後不能通達。化門古人謂之坐在百尺竿頭。不能透徹一切智海。懸崖撒手。自肯承當。絕後再甦。欺君不得珍重。

續燈正統卷二十九

續燈正統卷三十

南海普陀嗣祖沙門西蜀 性統 編集

臨濟宗

大鑑下第三十一世

荊門瑞禪師法嗣

德安府隨州關子嶺龍泉無聞絕學明聰禪師邵武
奚氏子母吳十七出家二十受具習止觀唯識論一
日有宿衲相詰曰大通智勝佛十劫坐道場佛法不
現前不得成佛道其意如何師依文而答宿譏訶之
師從此疑情頓發坐臥不安經六載一日聞馬嘶大
悟遂往見天奇奇可之 住後上堂僧問雲門如何
是一代時教門曰對一說龍泉則不然若有問如何
是一代時教劈脊便打曰合取狗口 僧問如何是
本來面目師曰石香亭曰便恁麼去時如何師曰喪
却了也 問今朝四月八日天下叢林皆慶如來聖
誕未審如來何處降生師於几畫圓相示之 笑嚴
寶侍師圍爐次師曰人人有箇本來父母子之父母
今在何處嚴曰一火焚之師曰恁麼則子無父母耶

嚴曰有則有佛眼覷不見師曰子還見不嚴曰不見
師曰爲甚不見嚴曰若見卽非眞父母師曰善哉嚴
復以偈呈曰本來眞父母歷劫不曾離起坐承他力
寒溫亦共知相逢不相見相見不相識爲問今何在
分明呈似師師遂付以偈曰汝心卽吾心吾心本無
心無心同佛心佛心非吾心復囑曰汝當護持緣熟
智愚皆度後示微疾訣衆說偈趺坐而逝全身塔於
寺右

漢陽府□□古嚴禪師中年雙目失明笑嚴參師問
何所來嚴曰親從關子嶺來師曰無聞老兄好麼嚴
曰好師曰如何見得好嚴曰老來康健師曰爭見得
康健嚴曰著衣喫飯坐臥經行師曰與麼則不出常
情嚴曰要且常情莫測師仰面大笑翌日嚴入室師
曰嶺頭老兄先師嘗許他悟處見骨只是太朴無博
學嚴曰和尚博學乎師曰老僧亦非博學嚴曰恁麼
則一同也師曰亦有不同處嚴曰如何是不同處師
曰他有眼我無眼嚴曰和尚若無眼爭得見渠無博
學師又大笑囑曰子器非凡深根固蒂廣作利益非

汝而誰惜吾衰老不及見矣。嚴拜謝而去。

河南府嵩縣伏牛濟菴大休實禪師新鄭李氏子。幼投寶珠受業。年二十訪老宿古心心示萬法。歸一一歸何處。話令參尋入火場打三有省。述偈曰。法身本無相。法相本來空。會得者消息處處顯。家風後往謁天奇。途遇天真月印二禪客。同至關子嶺。奇問你三人一路麼。師曰。雖然一路來。處不同。奇曰。如何是你本來面目。師便珍重。奇曰。未在。更道。師便喝。奇曰。父母未生前。喝箇甚麼。師無語而出。自後數呈伎倆。奇皆不諾。一日侍奇於承天。奇問藏身處。沒蹤蹟。沒蹤蹟處。莫藏身。你作麼。生會。師曰。當堂不正坐。那赴兩頭。機奇爲助喜。住後陞座。須彌作舞。海水騰波。龍象交參。人天共聚。大地山河同宣妙句。三賢十聖共證菩提。眉藏寶劍。起寒光。袖隱金鎚。行正令。明殺活顯全機。舉拂子曰。還有明眼衲僧不顧危亡。向前一肩擔荷得麼。便下座。笑嚴參問。如何是祖師西來意。師豎起拂子。嚴曰。此外更有指示也。無師擲下拂子。嚴便禮拜。復敘及參關子嶺話。師曰。怪道親見作

家來。嚴便喝。少頃師又問。無聞別來四十年。未知近日鼻孔如何。嚴曰。與和尚鼻孔一般。師曰。上座還見老僧鼻孔麼。嚴曰。見。師曰。向甚麼處見。嚴曰。兩眼下口門上。師曰。有秘密句。曾向上座道麼。嚴曰。曾。道師曰。試舉看。嚴曰。合取臭口。師拈拂子。嚴便拂袖而出。

天池素禪師法嗣

襄陽府大覺圓禪師漢川人。儀貌豐碩。聲如洪鐘。參靜菴默有所契。菴付以偈曰。一枝正法眼。列祖邇傳來。付汝待時至。馨香徧九垓。師受囑。後隱居襄西。笑嚴菴來求依。侍師曰。上座錯了也。老拙平生溫飽自適。別無所長。爽曰。某等生死事大。語未竟。師約而笑曰。老拙亦有生死。何獨爾有爽曰。某恨晚進。多無恒志。和尚豈拒人哉。師曰。出家兒本自無事。爾何無事。生事少間曰。粥飯自辦。始得一日。室中舉外道問佛。不問有言。不問無言。世尊良久。外道大悟。語曰。問既不涉。有無良久。亦是閒名。正恁麼時。外道悟箇甚麼。嚴擬進語。師遽以手掩其口曰。猶挂唇齒在。嚴乃釋然曰。可謂東土衲僧不及西天。外道占偈曰。自笑

當年畫模則幾番紅了。幾番黑。如今謝主老還鄉。那管平生得未。得師稱賞之後。無疾而化。世壽七十三。僧臘五十三。

天寧濟禪師法嗣

嘉興府胥山雲谷法會禪師嘉善懷氏子。投大雲寺。及染時。法舟拖室。天寧師往。參舟示以念佛是誰話。一日齋次。食器墜地。豁然有省。於是入天界。韜晦三年。復菴棲霞。千佛嶺下。又移天開巖。弔影如初。凡客見無論貴賤。皆問以日用事。略敘寒溫。必展蒲團。令坐返觀。終日無雜話。別時必叮嚀曰。人命無常。莫空過日。再見必問別後用心如何。以故歸向者日多。僧問如何是祖師西來意。師曰。有水皆含月。無山不帶雲。曰。莫更有奇特處麼。師曰。切忌喚龜作鼈。問如何是吾人直捷用心處。師曰。舉不顧。即差。悞。悞。思量何劫悟。居常不設臥具。晝夜危坐。四十餘年。如一日。萬曆乙亥正月五日示寂。壽七十五。臘五十六。塔於大雲寺右。

嘉興府精嚴東谿方澤禪師嘉善任氏子。首謁天寧

法舟。舟一日室中舉龍潭見天皇悟主何處。不是指示汝心要話。師言下有省。後獲印可。解制秉拂。佛法雖徧一切世間。而未嘗有絲毫透漏。你作麼生結。雖無絲毫透漏。亦未嘗有絲毫囊藏。你又作麼生解。故知百丈曲引。初機爲此方便之辭。其實莫能結莫能解也。設使有箇孟八郎漢出來道。我能向百丈結不得處。一結結斷。直使天下衲僧忘前失後。求出無門。亦能向百丈解不得處。一解解開。直使天下衲僧七縱八橫。自由自在。却甚奇特。諸上座。彼旣丈夫。我何不爾。良久擊拂。子一下曰。吽。

天池聚禪師法嗣

紹興府浮峰普恩上座山陰金氏子。年十歲往從延福鑑湖受業。至十九。忽念生死事大。奮志尋師。初至大慈叩首座。無際際示以心生則種種法生之語。師當下有所契入。呈偈曰。返本還源。便到家。亦無玄妙。可稱誇。湛然一片真如性。迷失皆因一念差。復見法舟於天寧。呈所見。舟可之。又謁萬松林於烏石峰。松問何來。師曰。天寧松曰。有何言句。師舉前話。松曰。不

是不是師曰天寧道是和尙如何道不是松曰天寧則是我則不是師疑不決後參玉芝復舉前話芝曰是與不是未出常情二俱契棒有分師曰如何是出常情句芝與一掌師當下豁然平昔凝膺一時融釋芝曰汝既如是當善護持復以偈囑曰莫向支流辨濁清是非盡處出常情鐵鞭擊碎珊瑚月會看東山水上行

東塔曉禪師法嗣

嘉興府敬畏無趣如空禪師本郡秀水施氏子生弘治辛亥十月十八幼慕宗乘留心體究同法舟濟參訪數載後見野翁徹法源底 啓闢示衆自結玄關自活埋自吾閉也自吾開一拳打破玄關竅放出從前者漢來 元宵示衆畫角聲中薦得觀音未是作家彩燈影裡捉得室利謾誇好手恁麼告報與諸人未免笑破虛空口諸人若也未瞥然再看鼇山顛倒走參 小參衆立定師喝一喝曰禍出私門便歸方丈 示衆言前薦得已天涯句下承當路轉除一擊鐵圍如粉碎海天空濶鴈行斜 除夕小參時窮何

似日窮好日若窮來歲亦然三十六旬窮過了東村王老夜燒錢老漢雖無一物也要應箇時節因緣乃拈拄杖曰只者箇無窮無盡歷劫經年今夜隨時送去免教涉蔓相牽擲下拄杖曰歷劫得來今斷送拍雙空手接新年 示衆佛是衆生屋裡了事人衆生是佛屋裡不了事漢誠能以佛與衆生一時放却則了與不了並爲剩語卓拄杖曰但於事上通無事見色聞聲不用聾 端陽示衆佳節端陽何曾訂約五月五日年年撞著風搖蒲劍碧楞楞日照榴華紅灼灼道在時節因緣豈論正法末法向來著意馳求通身是草今日信手拈來無不是藥豎拂子曰大眾且道此藥治甚麼人的病擊拂子曰不但老維摩藥王藥上也須一劑 示衆豁開頂門眼照徹大千界既作法中王於法得自在便下座 一日湖邊步月謂一僧曰明月與清風水天同一色人人在此中只是出不得僧曰打草驚蛇作麼師曰上座又作麼生曰看脚下師大笑曰將謂胡鬚亦更有赤鬚胡 萬曆己卯仲冬謂門人性冲曰來歲仲秋十五六間吾行

矣。子宜知之。庚辰八月十六日。沖如斯而至。師集衆說偈曰。生來死去空。華死去生來。一夢皮囊付與丙丁公。白骨斷橋隨衆阿。呵呵。明月清風吟弄語。畢端坐而逝。壽九十。

石門海禪師法嗣

德安府隨州七尖峰大休宗隆禪師。青州益都賈氏子。依郡之石佛薙髮。後寓成都北寺爲典座。一日出街挑水。忘所行。忽頭撞壁。有省。衝口成偈曰。大地山河體性空。那分行走與西東。偶然撞著無私句。萬水千山總一同。因就河南乾明寺無盡室中呈所得。無盡乃印以偈曰。道高不假修。德重事理周。一枝正法眼。付與隆大休。住後垂三關語以示學者。一日吹毛寶劍被石人持去。挂在萬仞峰頭。四壁無路如何取得。二曰。有一如意珠。被木人擎來。拋向大海波中。不假舟航。如何覓得。三曰。盡大地是箇火坑。燒却了也。惟有一莖眉毛在。未審是何人見得。在菜園次僧問。如何是西來意。師指菜曰。黃瓜茄子。僧不契。下山見一尊宿。宿曰。你從何處來。僧曰。尖峰來。曰。大休

有何言句。僧舉前話。尊宿合掌曰。真大慈悲。嘉靖壬寅十一月八日。集衆書偈曰。三際握來爲拄杖。十方原是舊袈裟。泥牛石虎知消息。踏破虛空便到家。置筆端坐而逝。

華山定禪師法嗣

廣信府鸞湖養菴廣心禪師。字無它。上饒鄭氏子。偶過戚屬會道者。談四生義。遂了物我平等大意。萬曆乙亥。從洛太平寺剃染。南還至焦山度臘。聞江中推船聲。有省。述偈曰。夜靜江空濶。船推因因聲。不知何所往。擔子半邊輕。次走見華山。拈一段生緣。六不收。話有疑。猛提七日。始得身心脫然。歸里住靈山中。臺除夕觀。閩山野火始大。悟嘗畫大圓相於壁曰。內寫莫教塗黑。外寫勿使傷白。若能向圈裡圈外下得註脚。許你學道無疑。後遷鸞湖。己亥。以無異典。元座室廊。嘗置無門鎖。以驗方來。鎖旁書偈曰。上古留傳鎖。憑君智鑰開。若無開鎖法。相見不須來。僧問。嘗聞明心見性。未審性作麼生。見師曰。今日有客忙。不暇向汝道。客去。僧仍理前問。師曰。適來對客見麼。曰。

見師曰向汝道不暇還在此作麼。問打破虚空時如何。師舉手約退曰。走開走開。僧走。師曰。可惜許。癸丑說法建陽東山。董巖天啓丁卯三月朔。示微疾。至二十八丑刻召衆至。說偈曰。八十餘年幻夢中。鐵牛耕破太虚空。臨行一句相分付。半夜金烏帶日紅。偈畢端坐而逝。壽八十一。臘五十三。塔唐帽山。

斗峰琴禪師法嗣

建寧府斗峰天真道覺禪師。本郡建安張氏子。看萬法歸一。一歸何處。話有省。占偈曰。一手拍兮一手鼓。無位真人越格舞。口中唱出無腔歌。三千諸佛同一母。往見古音音賞之。旋囑以大事。

大方寬禪師法嗣

河南府伏牛無礙明理禪師。汾州和氏子。參松竹大方。隨衆打七。有一聲虚空碎。獨露法中王之句。後同月菴大圓入終南。一日菴舉高峰銀山鐵壁話。師頓悟。述偈曰。一覺心空疑便消。拈來放去自逍遙。云云。過謁大方。方曰。伏牛打七。卽不問終南。靜室意如何。師曰。伏牛打七。泥團土塊。終南靜室。放大光明。方震

威一喝曰。卽今光明何在。師向前一掌。方呵呵大笑曰。如是如是。

大鑑下第三十二世

龍泉聰禪師法嗣

順天府善果月心笑巖德寶禪師。金臺吳氏子。生正德壬申臘月望日。弱冠聽講華嚴。至十地品。不覺身心廓然。歎曰。千古同一幻夢耳。遂決志出家。從廣惠能祝髮。明年受具。雖深信。知有不肯自休。徧謁大川月舟古春古拙諸老。後至關子嶺。參無聞。問十聖三賢。已全聖智。如何道不明。斯旨聞乃厲聲曰。十聖三賢。汝已知如何。是斯旨速道。速道。師連下數語。皆不契。遂發憤寢食俱廢。一日携籃臨澗洗菜。忽一菜葉墮水。旋轉捉不住。因有省。提籃喜躍而歸。聞立簷下。問是甚麼。師曰。一籃菜。問曰。何不別道。師曰。請和尚別問。來至晚。入室。聞舉玄沙。敢保老兄未徹。話。師曰。賊入空室。聞曰。者則公案不得草草。師喝一喝。拂袖便出。未幾復往。見濟菴古巖大覺輩。諸老皆器重之。再參無聞。乃授記。薈復親炙。年餘辭去。回翔湘漢間。

後抵金陵寓淨海牛首高座等處數載還里居圓通次遷南寺鹿苑慈光善果諸刹。端陽上堂大慧道今朝又是五月五大鬼拍手小鬼舞。驚然撞著桃符。神兩手槌胸叫冤。苦大慧老漢大似少箇禁方向青天白日見神見鬼。笑巖巖則不然。今朝正是五月五雲從龍。兮風從虎。山僧要與現前諸大聖。凡賭箇賭信手拈來百草頭。甜者甜兮苦者苦。拈拄杖曰。驚然突出者一條穿過從上諸佛祖是你現前諸人。百樣俱有爲甚麼只少者一條。忽有箇見義勇爲底憤憤地向前道和尚且莫壓良爲賤。若論者一條敢道人。人不欠分毫。乃擲下拄杖曰。汝宛不知何妨。尖上更加尖堆上重添土。上堂男兒固奮衝天志。莫若從頭放下。來直把髑髏枯死盡。仍教死眼豁然開。上堂舉南嶽一日遣僧去探馬祖。且囑曰。待渠上堂時便出問作麼。生看渠有何言句。可記將來。僧往一如所教。馬祖曰。自從胡亂後三十年不少鹽醬。僧回舉似嶽嶽深肯之師曰。馬大師三十年不少鹽醬。方可聚徒說法。山僧者裡三十年不曾見箇鹽醬。汝等在者

裡討甚麼。盃以拄杖一時越散。上堂當門一隻箭。來者看方便。擬通問如何。穿過髑髏面。僧參問從上千七百老凍儂某甲。今日一串穿來。獻與和尚。伏請判斷。時門外忽犬吠。師遽顧侍者曰。看是甚麼客來。侍者出問話。僧罔措。師曰。上座適纔問甚麼。僧擬重舉師與連棒打出。一日有二尼參禮拜起。左右各立。師曰。女子如來前入定有錢不解。使臺山婆子薦直去。解使却無錢。你道者兩箇老婆禪如何得恰好。去尼左者走過右邊。右者走過左邊。合掌相向各噓一聲。師曰。與麼非但解老婆禪。更會鼓粥飯氣。尼曰。和尚惜取眉毛好。師曰。山僧眉毛且置。周金剛買油糞點心。食到口邊。被婆子奪却。劉鐵磨請過山往臺山大會齋。過山不起等是者。箇時節你道爲甚麼取舍不同。二尼作禮曰。某等若不來禮拜和尚爭得見古人神通大用。師曰。好各與三十棒。恰值拄杖不在。且歸茶堂喫茶。僧問如何是文殊普見三昧。師曰。死人眼曰如何。是觀音普聞三昧。師曰。死人耳曰如何。是一言道盡底句。師曰。死人口。一僧請益現

世爲人輕賤。是人先世罪業應墮惡道。話師曰。汝有疑否。曰。有疑。師曰。有疑則爲人輕賤無疑。則應墮惡道。僧沉吟。師曰。會麼。曰。不會。師曰。把你不會底來看。曰。不會。教某甲把出箇甚麼。師曰。汝之罪業。劃然消矣。僧禮謝而去。問玄沙不出嶺。保壽不渡河。落第幾機。師曰。總落第二機。曰。如何。是第一機。師曰。玄沙不出嶺。保壽不渡河。曰。畢竟得箇甚麼。師曰。灼然畢竟得箇甚麼。問祖意教意。是同是別。師曰。柳影橫塘魚上樹。槐陰罩地馬登枝。僧曰。與麼則形影兩分。曲直自顯。去也。師曰。未曾飽食廬陵米。徒把蒲團認作天。僧參問承聞諸佛出世爲一大事。因緣如何。是。大事。因緣。師曰。著衣喫飯。屙屎放尿。僧不肯。不拜。而出。師喚回。示以偈曰。諸佛出於世。唯爲大因緣。屙屎並放尿。饑餐困打眠。目前緊急事。人只欲上天。談玄共說妙。遭罪復輸錢。僧慚惶作禮而去。有兩官人遊山入門。哦曰。茂松修竹。回顧見師。便問。如何。是。道人家。風師曰。茂松修竹。曰。有何旨趣。師曰。自家觀不足。留與客來看。有士人閱師淨土偈。乃問佛

說是經。則有六方諸佛出。廣長舌相作證。吾師說偈。有何人證。師曰。居士舌頭亦不短。又問。何爲不思議功德。師曰。前街人喚犬。後巷罵貓。兒又問。老師今年高壽。師曰。論年不見箇輩。腥作麼不槁瘦了。僧問。處處入法界。念念見遮那。如何是遮那。師曰。淨地不須屙。舉趙州問投子。大死底人却活時如何。子曰。不許夜行。投明須到。話頭曰。三十六物都灰燼。只遺一雙枯眼睛。置向九衢深夜。後無光明處。作光明。舉世尊拈華公案。頌曰。師資妙契。芥投鍼似海。如何無處尋。石火光中。曾著眼。始知佛祖不傳心。舉經題八字。頌曰。黑白未分已墮偏。那堪擬議費鑽研。西乾此土諸賢聖。鼻孔撩天總被穿。示座主荷鉏到處費工夫。三兩文錢足可圖。鉏得他家田地。淨自家田地。盡荒蕪。示僧法中幽趣。眼中賢向上。玄機境上塵。黑漆桶邊籬子。斷太平國內自由人。靜坐寒巖此病難。男兒爭肯自相瞞。轉身一步無多子。始信塵含法界寬。室中垂語曰。佛未出世。祖未西來。元無佛法。世法之名。迴出黑山鬼窟一句。作麼生道。又佛

既出世祖已西來佛法世法相爲建立不犯化門道將一句來又佛生凡聖對待之門世法佛法名言強立總拈過一邊禪僧本分一句試道將來又尋常問語言問答甚平易甚不思議剛被人問箇如何是汝本有底佛性爲甚麼却反眼豎口啞又既爲佛子志階佛地因甚一箇佛字最不喜聞 晚年退居京城柳巷於萬曆辛巳正月十六日示寂奉全身塔於小西門外世壽七十僧臘四十八

漢陽嚴禪師法嗣

九江府廬山大安禪師襄陽郝氏子幼禮古宗祝髮於梅林宗與古嚴同出天奇之門而嚴居終南龍象景附宗因使師就嚴參學焉師至一語投機輒授衣盡後栖廬嶽三十年道風藹著楚人事之尤謹新都汪伯玉嘗從師質疑多有開發萬曆己卯五月初說偈示寂弟子就廬傍築浮屠以藏舍利世壽七十有三僧臘五十有

石州洪禪師法嗣

太原府五臺山龍樹菴寶應禪師一日晨興觀明星

有省述偈曰日出東山月沉西嶂昨日今朝曾無兩樣

太原府五臺山楚峰禪師居祕魔巖十餘載木食澗飲人不堪其憂師恬如也一日聞火爆聲大悟占偈曰眼睛突出死柴頭赫赫神光照四洲觸處現威人不委幾回春去又逢秋

玉堂和尚僧問如何是道師曰看脚下曰如何行履師曰驚直去

敬畏空禪師法嗣

蘇州府車溪無幻古湛性冲禪師秀水張氏子初見無趣遂有所契尋棄家從趣苴染趣一日舉徑山三玄三要頌徹骨徹髓道一句三玄三要絕遮護之句問曰此二句中。山僧欲取一句爲法你道取那一句好師曰和尚適纔問那一句趣瞋目叱曰得恁無記性師曰祇爲和尚徹骨徹髓趣曰不然爲汝一人即得爭奈大衆何師曰取即不辭孤負先聖喪我後人趣領之師在徑山集無趣語錄一日歸觀趣曰一向作得些甚麼事師曰某甲買得一段田收得原本契

●有下題有
風字

書特請和尚僉押即將集本呈上。趣接得展看曰者是我底你底。嚮師曰和尚不得攙行。奪市趣便將集本擲下。師便趨出。少頃呈偈。趣曰者是你作底麼。師曰某甲不解鼓粥飯氣。若謂有所作孤負和尚不少。趣點首。住後示衆大道無向背。至理絕言詮。迥出三乘高超十地。萬法不到處。特地光輝生。佛未分時。靈源獨耀。不落見聞。不隨聲色。直下無一絲毫頭。徧界全彰。奇特事直饒棒頭取。喝下承當。猶是曲爲今時。更或光境俱忘。契心平等。究竟亦非的旨。所以道向上一路。千聖不傳。學者勞形如猿捉影。到者裡絕行絕解。絕照絕用。絕理絕事。若倚天長劍。凜凜神威如鐵牛。之機羅籠不住。今日明眼人前。不敢囊藏被蓋。八字打開去也。拈拂子曰。諸上座。還委麼。羅古騰。今只者是大千沙界一閒身。示衆孤峰頂上。濶步大千十存街。頭知音少。遇不禮維摩詰。不尊傳大士良久。曰出頭天。外看誰是箇般人。示衆大道體寬長空。絕跡按下雲頭。別通消息。同生同死。風行草偃。且道把住爲人好。放行爲人好。良久曰乾坤一

合地胡餅日月兩輪天氣。示衆明明百草頭。明明祖師意。笑殺老龐公。至今猶瞌睡。魯祖見人便面壁不解寒。溫祕魔走到便擎叉。全無禮義。南山鼈鼻不若死。鱸西院鐮刀。渾如鈍鋸。且道大悲如何爲人。輪王總未拋三寸徧界先聞刀斧聲。示衆三界唯心。萬法唯識。卓拄杖曰。昨宵時雨。滴空塔一片綠苔。俱打濕。浴佛上堂。毗藍園裡。曾呈醜古佛堂前。又露形不是日光三昧力。如何洗得你身清。大衆釋迦老子今日誕生。未審此時還曾落地也未。一僧出曰。落地了也。師曰。你見甚麼人說。僧無語。師曰。杓卜聽虛聲。僧問。清虛之理。畢竟無身時如何。師曰。道者合如是。曰。向上更有事也。無師曰。雪隱鷺鷥飛始見。柳藏鸚鵡語方知。問和尚百年後向甚麼處去。師曰。千株松下百草頭邊。燒火次僧問如何。是自性天真。佛師曰。與我般一束柴來。僧肩柴至。又問師曰。者奴子好惡也不識。便打。問如何是最上一乘。師曰。藤穿篾縛。曰。意旨如何。師曰。三十年後。僧參師問何處來。曰。廬山師曰。古人道不向廬山尋落處。象

王鼻孔漫揀天。如何是廬山落處。曰。請和尚尊重。師便低頭休去。火炮團圓無縫。罅綿密不通風。一點無明發分身利土中。示人動口全拋一片心。思量處不知音。百千年外看家話。倒腹傾腸說與君。起念求心心卽念。頓然無念念無心。九重之內常爲主。徹古該今不動尊。盡心竭力作工夫。內外推尋實總無。正恁麼時無計可忽。聞村內一聲鳩。卽心卽佛隔皮言。非佛非心亦是權。端的要知真實處。直須吐盡野狐涎。師菴居二十餘載。萬曆庚戌受徑山請。不數月疾作。仍返車溪。辛亥冬示寂。茶毗塔於徑山。世壽七十二。僧臘三十。

鷺湖心禪師法嗣

廣信府弋陽畧山慧濟次齋智季禪師。饒州樂邑程氏子。生萬曆戊子十一月三日。產地無聲。至月滿始啼。年二十五染病甚苦。有禪者告以生死不明。其苦過上。遂決志出俗。投雲谷喜祝髮。二十七參鷺湖心。看念佛是誰話。有省。一日湖學二鼠侵藤。話師問枯藤斷了。向甚處安身立命。湖隨將熱茶劈面一潑。師

豁然大悟。遂承付囑。崇禎甲申開報畧山。順治己丑遷峰頂。丁酉衆請就畧山開堂。結制上堂。今朝結起布袋口。七七從來四十九。假若離斯擬別求。昧却衣珠向外走。喝一喝。曰。是野干鳴。是獅子吼。上堂佛法從來本現成。吾人日用實相應。只因不剔雙眉起大地。純金不識金。上堂拈拄杖。曰。者箇喚作拄杖。卽觸不喚作拄杖。卽背。且道喚作甚麼。卓一下。曰。點開千聖眼。超出萬機先。僧問。如何是滌仰宗師。曰。深藏不肯露。父子慎風規。如何是臨濟宗師。曰。棒下無生忍。臨機不見師。如何是曹洞宗師。曰。金鍼穿玉綫。繡出錦鴛鴦。如何是雲門宗師。曰。孤標高迥出佛祖。類難齊。如何是法眼宗師。曰。白雲歸碧岫。紅日照青山。問向上宗乘。請師拈出。師曰。風吹牌子動。續燈正統卷三十

續燈正統卷三十一

南海普陀嗣祖沙門西蜀 性統 編集

臨濟宗

大鑑下第三十三世

善果寶禪師法嗣

常州府宜興龍池一心幻有正傳禪師。溧陽李氏子。年二十二投荊溪靜樂院樂菴。菴染菴示以本分事。師遂矢志。曰。若不見性明心。決不將身倒睡。一夕聞。琉璃燈華燄。爆聲有省。學似菴菴。領之未幾。菴遷化。師直造燕都。謁笑巖於觀音菴。巖問上座何來。師曰。南方巖曰。來此擬需何事。師曰。但乞和尚印證心地。工夫巖曰。若果識得心地。何須印證。師曰。雖然不得。不舉似一過。巖曰。參堂去。師珍重。便出。至晚入室。方具述所以。巖驚踢出。隻履曰。向者裡道一句看。遂把話頭。一時打斷。懨懨而出。通夕不寐。翌日巖出。方丈見師。猶立簷下。募喚上座。師回顧巖翹一足。作修羅障日月勢。師豁然悟旨。後禮辭巖。乃書曹溪源流付之。復贈一笠曰。覆之毋露圭角。師受囑徑往臺山縛

茅祕魔巖。居十有三載。會太常唐鶴徵問道。懇師南還。住荊溪龍池。六載復遊燕都。寓普照。後仍歸龍池。上堂。無上法王有大陀羅尼門。名為圓覺。驚豎拂子曰。鶴子已飛天外去。默即偈向月邊尋。上堂。一切法不有一切法不無。若能如是。會水上按葫蘆。佛誕上堂。今晨四月八日。是我釋迦如來示生降誕之時。山僧忽然思量。思量二千五百餘年。已來不知有多少路。見不平之輩。務要別尋一箇人來。與我釋迦老子比勝負。較優劣。殊不知我釋迦如來。是何等一箇面孔。汝諸人還知得我釋迦如來。脚跟立地處麼。還曾夢見我釋迦如來。頂相麼。良久曰。舉手扳南斗。翻身倚北辰。出頭天外看。誰是箇般人。驚豎拂子曰。雲門大師來也。擲拂子便下座。上堂。老僧者。裡不問久參。晚進。貴要正知正見。知見若正了。生死如反掌。自不落他。斷常有無二乘。偏見更有甚麼商量。若有僧問。作麼生是正知正見。但向他道。老僧在你脚下。良久。喝一喝下座。僧問。如何是祖師西來意。師曰。屋北鹿獨宿。曰。不會。師曰。溪西雞齊啼。問如何

是奇特事。師曰：蝦蟆捕大蟲，曰：恁麼則不奇特也。師曰：貓兒捉老鼠，僧禮拜師，便喝曰：老和尚爲甚麼放某甲不過？師厲聲曰：老僧有事，你且去。有士人舉僧問雲門：如何是諸佛出身處？門曰：東山水上行。問意作麼生？師曰：無孔笛。幾人解吹？士曰：弟子得否？師曰：得。士曰：如何是諸佛出身處？師曰：西河火裡坐。士大夫從師遊，師每舉門前冷落車馬稀，老大嫁作商人婦。二語罕有契者。山居偈曰：五峰雲頂古文殊，盡日踟躕總笑余。半點苦寒禁不得，躊躇未了又躊躇。師風度簡易，神觀凝肅，以法道爲己任，而機用妙密，迴出常情。於萬曆甲寅二月十二日示寂。先一日有僧自臺山來，師與劇談宿昔，抵暮索浴，衆察師意，懇請遺訓。師舉所著帽者三衆，無語。師撫膝奄然而逝。世壽六十六，僧臘四十四。茶毗靈骨塔于本山之右。

江寧府靈谷曇芝禪師參笑巖，問曰：古人道打破鏡來相見，未審打破鏡向甚麼處相見？巖曰：慚惶殺人。師於言下釋然領旨，遂忘却禮拜舞蹈而出，服勤數

載。巖付偈曰：微笑拈華第一機，相傳八八未知非。今將從上非非法，分付英賢力荷歸。

太原府五臺瑞峰三際廣通禪師久侍笑巖室中，機契付以偈曰：一念不生諸數滅，萬機休罷十方空。界空數滅，遍澄海諸佛衆生影現中。後居臺山壽昌，經謁問臨濟大師，道佛法無多子，畢竟是何意旨？師曰：向道無多子，又覓甚意旨？曰：玄沙道敢保老兄未徹。在未審甚處是靈雲未徹？處師曰：却是玄沙未徹。曰：趙州道臺山婆子我爲汝勘破了也，且道婆子甚處是趙州看破處？師曰：却是婆子看破。趙州昌黎頌師曰：知是般事，便休。老僧不解恁麼。

嘉興府天寧幻也佛慧禪師會稽史氏子，母夢僧託宿而娠。年十四，禮天台松谷受業。一日晨課至白毫宛轉五須彌處，忽有悟舉呈谷谷奮挺逐之，於是偏參諸方，機契笑巖，遂爲笑巖室中子。出住燕山天寧優曇苑，晚南還寓天寧上堂，簫吹鳳至，琴奏鶴來，益展龍降，杖携虎伏，因緣會遇，針芥相投，正恁麼時，莫有道得底麼？良久曰：鐘聲徹曉，鷄唱黃昏，若欲了知。

也不消得。庵穆栗臨婆訶。示衆西來大意。乾屎橛。多少人。敲噉不徹。當時我悔來遲。好與推他一跌。管教他喫得進。漏不出。免使兒孫費唇舌。喚日出千山。曉春回大地。華柳煙門外。綠遊子未歸家。喝。示衆生一乾坤死一乾坤。聖一法界凡一法界。何曾謾得諸人。若也謾得。那討甚麼是非。好惡賢善財能灼然些子。謾不得。欠不得。你道是甚麼境界。會麼。滿目塵埃。千聖眼一身落魄。五宗心。僧參師曰。甚處神祇。何方靈聖。曰。金粟師曰。在彼作甚麼。曰。司園師曰。蔬菜割時。還叫痛麼。僧作負痛聲。師曰。老僧刀也未下。叫喚作麼。曰。今日親見和尚。師曰。盲人摸象。師生平丈室。倏然不廢萬行。凡利物邊事。靡不樂爲。然皆出自以緣。未嘗干謁。天啓丙寅。月將示寂。檢曆示侍僧曰。過二日。可侍僧驚問。師曰。吾將有所適。侍僧涕泣固留。師笑諾曰。更留三日。亦可至期浴出更衣。跏趺榻上。適報製龕工竣。遂趨寂。壽九十一。臘七十八。□□□□□□□□□□

徑山冲禪師法嗣

嘉興府興善南明慧廣禪師海寧韓氏子。出家本寺。參無字話。有疑。請益車溪後入雙徑。於地拾片紙。有觀方知彼去。去者不至。方之句。有省。往呈溪溪可之。住後。示衆箇般奇特事。難言。驚直阜亭。跳上天帝釋鼻梁。遭磕破。波斯痛倒海門前。雙徑示衆。前年鼻孔無半邊。去年年兩眼不能全。今年年三十精骨獻青天。我禪已說了。汝等作麼生。參。聞谷問了。卽業障本來空。爲甚麼師子尊者被罰。賓國王斬却師。曰。本來空。曰。爭奈頭何。師曰。本來空。曰。爲甚麼國王一臂墮地。師曰。本來空。泰昌改元。仲冬廿七。囑後事畢。奄然而逝。骨瘞徑山曹同塔。

大鑑下第三十四世

龍池傳禪師法嗣

寧波府天童密雲圓悟禪師常州宜興蔣氏子。父曦母潘。兒時喜兀坐。若有所憶。持者長讀壇經。知有宗門事。一日過山灣。突見堆柴有省。年三十乃投龍池祝髮。時中看得心境。兩立請益於池。池曰。你若到者田地。便乃放身倒臥。師昏惑。池無他示。日惟罵詈師。

益慙坐臥不寧。一日自外歸。過銅棺山頂。忽覺情與無情。煥然頓現。覓纖毫過忌。不可得時。池居燕都。普照師往覲池。曰。汝離三載。還有新會處麼。師曰。有池。曰。何不呈似老僧。師曰。一人有慶。萬民樂業。池曰。汝又作麼。生師曰。圓悟特來省覲。和尚池曰。念子遠來。放子三十棒。師珍重。便出。又嘗侍立。次池曰。忽有人問汝如何。抵對師向前。豎起拳。池亦舉拳。曰。老僧不曉得者。箇是甚麼。師曰。莫道和尚直是三世諸佛。也不曉得。南還事徧。參會池。再主龍池。師歸侍池。上堂。舉拂子。問諸方還有者。箇麼。師出。震聲一喝。池曰。好喝。師連喝兩喝。歸位立。池曰。更喝一喝。看師便出法堂。次日池召入室。曰。老僧昨夜起來。走一轉。把柄都在手裡了。汝等爲我扶持。佛法師曰。若據圓悟。扶持佛法。任他○○○○。都來總與三十棒。莫道分明爲賞。罰池。於是以衣拂付之。萬曆丁巳。師出繼席龍池。天啓壬戌。遷天台。通玄甲子。遷金粟。崇禎庚午。赴閩。黃檗辛未。領育王。四月。陞天童。上堂。開方便門。示眞實相。拈拄杖。擊香几。曰。方便門開也。豎拄杖。曰。

眞實相示也。諸人還委悉麼。若也見得。徹去便可以拈拄杖。作丈六金身。用將丈六金身。作拄杖子。用然後。拄杖子。踣跳上三十三天。築著帝釋鼻孔。東海鯉魚。打一棒。雨似盆傾。汝諸人切莫向古廟裡去。躲一棒。打折你驢腰。莫言不道。上堂。六月日頭眞箇熱。赤肉團邊。如火逼試。問現前諸兄弟。無位眞人。徹未徹。若也徹。向無陰陽地上。豎去橫來。若也未徹。未免明日熱。如今日熱。上堂。一葉落。天下秋。一塵起。大地收。今朝七月六日。無論一葉落。不落。而天下秋。衆兄弟已備知矣。舉拂子曰。一塵起也。作麼生。是大地收的道理。擲拂子曰。若知撲落。非他物。始信縱橫不是塵。上堂。豎拄杖曰。舉一不得。舉二放過。一著落在第二。擲下杖曰。老僧落二去也。且一又如何。舉便下座。解制上堂。八月一結制畢。腰間包頭上笠。通玄寺裡放開門。行脚衲僧。攬先出。爲人拶著。要翻身。切莫被他穿却鼻。復舉洞山曰。秋初夏末。兄弟東去。西去。亂走作麼。直須向萬里無寸草處。去坐斷路頭。石霜曰。出門便是。草奴兒婢。殷勤太陽曰。直饒不出門。

亦是草漫漫地同坑無異。土者隊老古錐。總被山僧折倒了也。諸人還知出身處也。無若也。知得日消萬兩金。不爲分外。其或未然。萬古碧潭空界月。再三撈。攪始應知喝一喝。上堂到座前。作病勢曰。老僧氣喘不能說法。遂咳嗽吐痰於地曰。衆兄弟試道道看。良久衆默然。師乃以脚抹却歸方丈。上堂今朝五月五日知事頭。首要老僧陞座。應箇時節。老僧再三思量。無可計較。何也。雄黃燒酒固是不宜。要且無錢買糯穀。思量到計窮力極。忽然得箇富不有餘貧無不足的平等法門。正可與世移風易俗。遂擎起兩拳曰。只將者兩箇大糲子供養大衆。一任橫敲豎敲。忽然敲著自家底。管取人人飽足。免得窮厮煎。餓厮炒。爲甚如此。到底輸却自家寶。上堂諸人盡道解制。殊不知天童之制。結解不結。解總不必論。祇如老僧終日趕著諸人。不般磚便擔瓦。不運土便擡石。見你們稍遲縮。不是喊便是罵。汝諸人作麼生會。還知老漢爲人處麼。良久曰。三生六十劫。普請上堂。據衆兄弟擔了飯米來。伴悟上座。各要明己躬下事。固

不合輕易動靜。然而諺有之曰。有例不可滅。無例不可興。百丈創叢林。立規矩。有普請例。諸方尊宿亦有普請。說所謂作則均其勞。饑則同其食。以今觀之。似乎不然。作者應當作閒者。應當閒。致令古風凋喪。法門淡薄。無他。蓋主法者阿容之過也。要且者般事。無處得藏。竄所以謂之大道。謂之公案。擔荷者般事。須是者般漢。若是畏刀避箭。躲懶偷安。不足爲伴。雖然却有箇驗處。且道以何爲驗。良久曰。打鼓普請看。問如何是奪人不奪境。師曰。百萬軍中斬顏良曰。如何是奪境不奪人。師曰。取了荊州放魯肅曰。如何是人境兩俱奪。師曰。殺却陳友諒并吞數十州曰。如何是人境俱不奪。師曰。當今天下太平。國王萬歲曰。料揀已蒙師指示。全提向上事。若何。師以拄杖擲曰。速退速退。問如何是五眼圓明。師曰。老僧者裡祇有兩隻。問學人到此一月不見堂頭。時如何。師曰。者老漢甚處去也。僧擬議。師便打。問如何是三寶。師曰。一頓胡餅兩頓粥曰。不問者三寶。師曰。老僧日日奉持。問狹路相逢。觸體粉碎。正恁麼時。無位真人。

在甚麼處。安身立命。師曰。天上天下。唯我獨尊。曰。恁麼則萬里無雲。一輪迴照去也。師曰。脚跟下好與三十棒。問。如何是暗中明。師曰。東村王老。夜摩肩曰。如何是明中暗。師曰。南海波斯。晝洗面曰。明暗相去幾何。師曰。分身兩處看。問。大悟底人。還有憎愛也。無師曰。能愛人能惡人。曰。此是情家世間之說。豈大悟出世之事。師曰。汝是甚麼人。僧擬議。師喝出。師凡六坐道場。二十五年。宗風大振。其接人。無論初機積學。唯以本分鉗錘。不少假借。故席下多英傑者。其一去一就。纖毫不苟。崇禎辛巳。國賊康宇田公爲皇貴妃。資紫衣入山。請師陞座。說法復命。命旨住持金陵報恩師。以衰老遜謝。壬午春。拽杖歸通玄。七月三日。示微疾。五日作書辭護法。六日有僧自都中來。問喝作喝。會棒作棒。會入地獄。如箭射畢。竟作麼生。會師便打。僧禮拜。師曰。千句萬句。皆從自了。自己不了。喫棒不。七日晨興。巡閱匠工。如平日。及午歸丈室。登榻跏趺。未竟。泊然而逝。世壽七十七。僧臘四十八。塔全身於天童之南。幻智菴右隴。

常州府磬山天隱圓修禪師。本郡宜興閔氏子。依龍池剎。染參父母。未生前話。一日讀楞嚴至佛叱阿難。此非汝心處。默有所省。但於乾峰一路涅槃門話。有疑。後聞驢鳴。豁然大悟。於是徧謁妙峰幻也諸老。既而復歸龍池。一日入室。問歷歷孤明時如何。池曰。待你到者田地。與你道。師便喝。池曰。汝還起緣心麼。師拂袖便出。久之受印。可泊池遷化。師於萬曆庚申。縛茅磬山。不數載。漸成精藍。次遷法濟。後住茗之報恩。上堂。一塵不立。猶在半途。截斷衆流。尙居門外。且到家。一句作麼生。顧視左右曰。數聲清磬。是非外一箇閒人。天地間。上堂。禪非解會。追絕功勳。妙體湛然。眞機獨露。不可以心思。不可以意想。不可以言宣。不可以默照。不可以色見。不可以聲求。說甚麼親明星。方可悟道。聞擊竹。遂乃明宗。似者般漢。到衲僧門下。棒折猶未放在。且道。衲僧有甚長處。卓拄杖曰。丈夫自有衝天志。不向如來行處行。上堂。資生貴圖求。富參禪貴圖求。悟求悟。若似資生。箇箇成佛。作祖。大小高峰。末後兩句曰。咄。甜瓜徹蒂甜。苦瓠連根苦。恰

似首尾不相照應。報恩則不然。資生何必求富。參禪何待求悟。若裡直下承當。人人超佛越祖。喝一喝。卓拄杖曰。炎天汗流。脊解衣林下涼。小參畢。南院一棒話畢。乃曰。風穴當時悟。則不無爭奈。落在第二頭。山僧若作南院待他道。和尚此間一棒作麼商量。劈脊便打。管教渠七通八達。雖然。今時有等莽鹵漢。便作一棒會埋沒。先聖瞎人眼目不少。諸人又作麼生會喝。一喝曰。劍爲不平。離寶匣。藥因救病出金瓶。示衆山僧住箇破院子。多病不能爲汝等提持佛法。賴土木瓦石爲諸人轉大法輪。發大機用。諸人切不得當面蹉過。若蹉過。只知事逐眼前過。不覺老從頭上來。示衆舉雲門到灌溪。有僧舉溪語曰。十方無壁落。四面亦無門。淨裸裸。赤灑灑。沒可把。問門作麼生虧你。記者一絡索。門曰。舉即易出也。大難薦頭一點。僧曰。上座不肯和尙。與麼道。那逐句尋言。門曰。你適來與麼舉。那還著於本人。僧曰。是好不識羞門。曰。你驢年夢見灌溪。復與一拶。僧曰。某甲話在。猶自不知。門曰。我問你。十方無壁落。四面亦無門。你道大梵

天與帝釋商量甚麼事。慣得其便。僧曰。豈干他事。隨語生解。門喝曰。逐隊喫飯。漢果然。果然者。僧不惟孤負灌溪。亦且蹉過雲門。若是伶俐。衲僧達其端倪。不妨一生參學事畢。今日衆中還有救得者。僧底麼。山僧爲汝證據良久。曰。更聆一頌。當場體用得全機。著分明。何更疑。只爲從前皆學解。到頭難作克家兒。一日。驀地入堂。一喝衆駭然。無語。師四顧而出。次晚乃召衆曰。山僧昨晚爲汝等立在萬仞巖頭。命如懸絲。今晚爲汝等用老婆禪。亦命如懸絲。復喝一喝曰。且道今日者。一喝與昨日。一喝是。同是。別會得者出衆道看。一僧出纔禮拜。師拈棒劈脊便打。僧起。師曰。速道。速道。僧擬議。師復打。僧退。師卓拄杖曰。瞎漢。乃曰。臨濟道。我有時一喝。如金剛王寶劍。有時一喝。如踞地獅子。有時一喝。如探竿影草。有時一喝。不作一喝用。遽喝一喝曰。且道者。一喝是金剛王寶劍。耶。是踞地獅子。耶。是探竿影草。耶。是一喝不作一喝用。耶。者裡會得。方作得我臨濟兒孫。若會不得。切忌亂統。以拄杖旋風打散。問如何是理藏鋒。師曰。虛空撲

落地曰如何是事藏鋒師曰湖州蘿蔔宣州薑曰如何是理事藏鋒師曰有水皆含月無花不帶春曰如何是俱不涉理事藏鋒師曰無手人行拳 問既是師子兒爲甚麼被文殊騎却師曰理能伏豹 問山嶽傾頽爲甚麼煙霞不散師曰捨大戀小曰獨臨玉鏡爲甚麼眉目不覩師曰打破鏡來相見 問如何是正法眼師曰腦後看曰與麼則飲光生面重開煥殘榴飛處笑顏新師曰過那一邊曰只如大悲千眼阿那箇是正眼師拈起拄杖曰還見麼曰傑侍者喚作破沙盆還有報恩分也無師曰無曰恁麼則瞎驢滅却風猶振臨濟綱宗千古感師曰賴遇閣黎 師於崇禎乙亥九月廿三示寂塔全身於報恩順治戊戌遷葬荊溪海會之左壽六十一臘三十七

紹興府雲門雪嶠圓信禪師鄞縣朱氏子年九歲聞僧誦水鳥樹林皆悉念佛念法念僧語遂知信向佛乘二十九棄家訪秦望禪山主禪學他心問僧何處來僧曰天竺心曰我聞有三天竺你從那一竺來速道速道其僧茫然無對師聞舉疑情頓發次日拽杖

登石高聲提曰從那一竺來速道速道忽然前後際斷如空中迸出日輪相似乃說偈曰石貼背脊骨翻身脇肋骨仔細看將來動也動不得復喝曰張三殺人李四償命次往天台擡頭見古雲門三字豁然大悟述偈曰一上天台雲更深脚跟踉蹌斷草鞋繩比丘五百無蹤影若見他時打斷筋遂返縛茅雙髻峰一日謁雲棲呈偈曰不解西方不學禪偶來塵世只隨緣三間茅屋傍溪住兩扇竹窓關月眠碎盡衲衣那有結養長頭髮欲成顛自從會得西來意白雲飄飄六月天後參龍池室中機契萬曆乙卯住靜徑山千指菴崇禎戊寅開法廬山開先癸未結制嘉興東塔晚住雲門僧問如何是雙髻家風師曰一堆土竈幾箇峰頭曰大師法嗣何人師曰遠山終日看雲裡鐵牛嘶曰如何是祖師西來意師曰破二作三曰意旨如何師曰常言俗語 問月生雲際時如何師曰甚麼時節曰樹凋葉落時如何師曰鳥不宿 問四大分散時向甚麼處去師曰棺材裡曰意旨如何師曰深埋黃土僧禮拜師便喝出 上堂四十年來恁麼

行斬開碧落血腥。其中果有希奇事。獅子遊行不問程。稽首燈王如來。普願微塵國土衆生。同入般若波羅蜜門。大衆且道。般若波羅蜜門作麼生入。舉拂子曰。鑒。陸座見身無實。是佛身了。心如幻。是佛幻了。得身心本性。空斯人與佛何殊。別信上座則不然。鮎魚水底聚鷄子。貼天飛會得箇中意。成佛更無疑。崇禎乙亥。開府余大成。司理黃端伯等。訪師請於徑山大殿上堂。咄咄。徑山乃唐宋已來之徑山。擊拂子曰。八十一人在此。經過非今日之徑山。非一日之徑山也。千年常住一朝僧。今日祖令當行。十方坐斷。且道還有祥瑞也。無鐘樓生耳。朶佛殿又懷胎。黃公問如何。是鐘樓生耳。朶師拈起香曰。會取者箇曰。如何。是佛殿又懷胎。師曰。產下也。黃禮拜曰。須是和尙始得。師乃曰。今承衆護法。命山僧登於此座。理荒殘之祖席。扶陳爛之頽綱者。箇喚作狗尾續貂。那管家。家門前火把子。釣魚船上謝三郎。卽不問。媳婦騎驢阿家牽。道將一句來。還有入道得麼。良久曰。一拂擊開金殿月。萬家無箇不光明。卽日赴齋於寒翠樓。

齋畢。師謂衆曰。山僧今年六十六。復輪指曰。丙丁戊己庚。良久曰。怪道把人牽來拽去。元來水牯牛入命宮。拖泥帶水。東觸西觸。雖然且喜。水足草足。一日示微疾。書訣衆曰。小兒曹生死路上須追遙。皎月水霜曉。喫盃茶坐脫去了。書畢擲筆而逝。當順治丁亥八月二十六日也。世壽七十八。臘四十八。全身塔於雲門右麓。

湖州府淨名抱朴大蓮禪師。臨安駱氏子。年十五投青山妙嚴祝髮。二十二受具。雲棲久遊講席。一日自念。教相旨趣。雖有理會處。生死岸頭。全用不著。遂入徑山坐禪。三七日中。廓然洞徹。述偈曰。自幼失親娘。徧覓於他鄉。驀然一相見。更不再思量。解制往參龍池。問自遠趨。風乞師指示。池曰。老僧牙齒疎缺。師曰。親切處更乞一言。池據座。師喚侍者點茶來。池曰。上座不妨伶俐。師曰。某甲耳聾。池休去。一日辭去。池曰。老僧猶有語言未盡。在師曰。和尚言雖未盡。其意某甲已知。池曰。且道老僧意作麼生。師便喝。池曰。再喝。喝看。師轉身便出。池以源流拂子付之。住後僧問。

佛是何義師曰覺義曰佛還迷否師曰迷曰既覺云何復迷師曰不迷又問作麼曰也須問過師拈棒打出問如何是奪人不奪境師曰蚊蝶穿華影曰如何是奪境不奪人師曰掀眉掃白雲曰如何是人境兩俱奪師曰彼此無消息曰如何是人境俱不奪師曰推窓看月明熊魚山問萬法歸一一歸何處師舉茶盃曰請茶曰我在青州作一領布衫重七斤意作麼生師曰脫殼烏龜飛上天問如何是麻三斤師曰斤兩分明日用相應頌曰○並行黑白却同年④芳草茸茸到處眠○一旦秋空雲翳盡●夜深何處是家園師於崇禎己巳八月二十四日示寂塔於□□□□□□□□□□□□□□□□

興善廣禪師法嗣

建寧府普明駕湖妙用禪師海寧鄭氏子年十二出家禾之興善從南明廣受業秉具雲棲偶一日閱思益梵天經有省述偈呈廣廣呵之執侍數載終覺礙膺後閱五祖演下載清風話始得釋然一日廣舉香嚴偈問師師擬答廣便喝師將啓口廣又喝師頓領

立旨廣付以偈曰無傳無受法無傳無受心付與無手者掣斷虚空筋崇禎己卯入閩重建普明辛巳冬始開法示衆若論佛法山僧無下口處今日新山門拏我拄杖子浪蕩遊戲穿過果子嶺直到火燒橋失脚一跌落在深溪幸有舊佛殿背來相救不惟相救且騎却頂歸來新山門叫屈要山僧判斷新山門舊佛殿各與三十拄杖理不曲斷還有證據者麼良久擲下拄杖曰一任旁人道長短大家歸去暖房中斷拂老人住靈峰師晉謁衆請陞座舉拂子曰會麼卽心卽佛猶是誑訛非心非佛可無趨向不是心不是佛不是物穿花蝴蝶深深見取不得捨不得不可得中只麼得點水蜻蜓款款飛大衆還知普明恁地舉蹋抓著靈峰癢處麼是他能濶步大方踢倒諸聖頂額峭巍巍孤迥迥有時把住有時放行有時放行中把住有時把住中放行栴檀林裡純是栴檀獅子窟中無非獅子衆中忽有箇伶俐漢出來道靈峰底蘊無端爲普明露布山僧但向道祇因曾與同牀睡是故深知被底穿卓拄杖下座同雲門信託新月

次門指問那半箇在那裡去了。師良久曰。會麼。門曰。也只得半箇。師却問那半箇在那裡去了。門亦良久。師曰。也只得半箇。門乃呵呵大笑。介菴進再參。纔跨門。師曰。是甚麼。進擬答。師震威一喝。進掩耳便出。師可之。一日示疾告衆曰。大凡禪衆上者。參禪學道中者。乘戒俱急。次者。肯心辦道。其餘碌碌不足齒也。病朽亦從此過來。今風火將散。乃得覩破一機。不被昔緣纏縛。你且道是那一機。清風鴈落聲。秋雨梧桐脈脈。山復索筆著偈曰。生也錯。死也錯。鐵牛掣斷黃金索。擲筆曰。咄。遂泊然而逝。當崇禎壬午十月十一辰時也。壽五十六。臘四十四。門人介菴進一初元奉靈骨建塔於禾之興善。

續燈正統卷三十一

續燈正統卷三十二

南海普陀嗣祖沙門西蜀 性統 編集

臨濟宗

大鑑下第三十五世

天童密雲悟禪師法嗣

長沙府瀉山五峰如學禪師臨瀘任氏子。少歲失怙。從五臺天齊薙髮。圓具於澄律師。遂徧歷諸方。參天童於金粟。一夕話次。童驚伸脚曰。你作麼。生師以脚踢之。童笑曰。未在。師曰。和尚道看。童倒臥。師曰。也只是困。童曰。又與麼去也。師禮拜。一日辭行。童握拂曰。喚作拂子。則觸。不喚作拂子。則背。不得拈起。不得放下。不得下語。不得無語。不得錯舉。若不錯舉。卽分付汝。師連跳曰。要不要。童曰。猶是亂叫亂跳。更試舉看。師轉身曰。某甲去也。童乃付後。掩關弘濟。寺僧問。如何是烏龍一滴水。師曰。盧酒。萬象僧擬議。師以杖趁曰。不宿死屍。問釋迦出世。端爲何事。師曰。貧兒思舊債。僧禮拜。師曰。何不再問。僧拂具。便出。師曰。癡漢又怎麼去也。僧參。師敲門。一下。僧擬開口。師卽閉却。

門問文殊起佛見法見聲未絕師曰闍黎當受山僧頂禮僧擬開口師以手掩却師出關率衆至烏龍潭以拄杖探水曰因甚龍不見侍者向前禮拜師便打者便喝師以兩手掩耳者打筋斗而立師哂之師至大瀉同慶寺祖塔坐次明維那禮塔來師曰禮者枯骨作麼明曰將謂忘却便禮拜師遂起去一日普請擇菜明維那曰我要止靜去師曰那裡不是靜明打師一掌師曰作麼明曰那裡不是靜師大笑癸酉春出山抵金陵中丞余集生請駐錫祇陀林緇白聽法者萬指未幾染微恙至七月二十二日午刻書偈擲筆而逝法嗣養拙明迎歸靈骨建窆塔波於大瀉之麓

蘇州府鄧尉山漢月法藏禪師生緣梁溪蘇氏自幼圓顙於本邑德慶及長讀高峰錄有疑歷十餘秋至三峰掩死關聞折竹聲忽然大徹時天童旺化金粟師往謁焉值童上堂舉僧問古德朗月當空時如何德曰猶是階下漢僧曰請師接上階德曰月落後相見童乃顧師曰且道月落後又如何相見師拂具便

出開爐卽命首衆住後上堂僧問如何是第一玄師曰不是涅槃心如何是第二玄師曰亦非正法眼如何是第三玄師曰三世諸佛只自知六代祖師口難宣僧作禮師曰汝既知時節吾今不再三乃舉盤山曰向上一路千聖不傳慈明曰向上一路千聖不然徑山曰向上一路熱盃鳴聲師曰不傳不然熱盃鳴聲我今無說汝亦無聞下座以拄杖旋風打散上堂年年冬寒夏熱朝朝夜暗晝明使得十二時辰看看能有幾人喝一喝曰太平本是將軍致不許將軍見太平病起上堂山僧前日通身是病晝夜攢簇不得何啻四百四病正當病時病亦是病藥亦是病病那知更有箇不病者及至病退身安從前寒熱衆苦相貌總不知向甚處去也三百骨節八萬毛竅一抖得乾乾淨淨徧覓病源了不可得始信者髑髏皮袋裡面直是安置伊不得病與不病是甚麼閑大衆祇是一箇身子且道因甚有兩樣喝一喝曰夜塚髑髏原是水客盃弓影竟非蛇箇中無地容生滅笑把遺編篆縷斜上堂未離兜率已降王宮未出母

胎度人已畢。拈起拄杖曰。者上座甚麼劫中成佛來。僧出衆曰。容某甲說道理得麼。師曰。大喻三千小喻八百。祇要恰者上座。意便了。僧曰。拘留孫佛劫中某却與者上座同參。直至如今。團不圓。分不開。無數知識出世。例皆懺懺放過。和尚明鑒。是神通是三昧。師曰。眼若不睡。諸夢自除。僧掀倒几案。師下座。顧大衆曰。三峰今日死中得活。上堂。露柱脚跟穩。密燈籠眼界光明。閱徧五湖。禪客握草盡作黃金。驀然。枕子墮落。壓殺堅牢地。神一向點胸點肋。到此漫不關情。山僧真實相告。又道平地陷人。喝一喝曰。海枯終見底。人死不知心。師舉百丈再參馬祖。被祖一喝。丈直得三日耳聾。頌曰。盡道英雄志。可伸長驅席捲見精神。葫蘆谷斷燎天火。一馬爲龍得幾人。僧問。如何是安隱境。師曰。石幢倒卓。門前水樹骨橫撐。殿後山曰。如何是安隱家。風師曰。黑袈裟下雲承座。白柳標邊風逗人。曰。如何是安隱禪。師曰。坐到月圓香未過。臥教日出粥方粘。曰。如何是安隱事。師曰。鐘聲過後催廚版。經韻消時接夜香。曰。無眼耳鼻舌身意。

旨如何。師曰。牀下龍眠雲。半夜石邊鳥宿露。初更問未雨。已前時如何。師曰。凍草帶殘雪。寒花夾野雲。曰。正雨時如何。師曰。陰陰煙霧裡。落落數家村。曰。忽然傾倒時如何。師曰。大江初漲白。孤嶼不停雲。曰。雨收雲散又作麼。生師曰。芒屨携短杖。隨意過橋東。師室中。骨舉竹篋子。話勘驗學者。稍或擬議。便痛打出。崇禎乙亥七月。示疾侍者問。如何是身後事。師曰。牀頭老鼠偷殘藥。壁上孤燈照舊衣。者復問。師舉手曰。放下幔子著。遂酣睡。至中夜索浴。更衣而逝。塔建本山。

破山海明禪師。西蜀寒氏子也。弱冠得度。從慧法主聽楞嚴。咨疑不決。遂出蜀。住破額山。單丁三載。忽於經行之際。見一平世界。不覺墮巖。損足。至半夜翻身。痛劇。忽省。叫曰。屈屈一居士。曰。師脚痛。耶。師劈面掌曰。非汝境界。尋參博山雲門。後謁天童。童問。那裡來。師曰。雲門曰。幾時起身。師曰。東山紅日出。童曰。東山紅日出。干汝甚麼事。師曰。老人大猶作者箇語話。童曰。你者些絡索。從那裡得來。師震威一喝。使出次。

日同僧入方丈。童命禪首坐。師曰：「昨日走得今日走不得也。」童曰：「作賊人心虛。」師曰：「是賊議賊。」童頷之。命蒞第二座。入室。次童問：「內不放，出外不放，入正恁麼？」時以何爲界。師曰：「竿頭絲綫從師弄，不犯清波意自殊。」便出。崇禎己巳，出世禾之東塔。入院上堂，拈香祝聖畢，復拈曰：「此一瓣香，斧斫不開，刀劈不破。一任風吹雨打，遂成乾屎橛。撞著忤逆兒孫，不辭拈出。蔡向爐中供養，現住金粟廣慧傳曹溪正脉三十四世密雲悟和尚用酌法乳，歛衣坐曰：「香已拈了，更要說箇甚麼？」山僧素志本欲深棲巖竇，隱跡過時，不意撞夥鐵面皮居士，善具辣手，慣會拏雲。拽入者，保社開張，臭口說幾句燥皮胃話，以光法門。山僧自揣愚劣，不會打葛藤，只好舉則古人住院因緣，以塞來命。昔日箇禪師入院曰：「圓通不開生藥鋪。」單只賣死貓頭，不知那箇無思算，喫著通身冷汗。流者老漢住院，還有箇死貓兒頭賣，弄腥羶，遂引蒼蠅成群作隊。山僧今日到院也，無死貓頭賣，亦無生藥鋪開，以手作擊餅勢曰：「單單只有者箇太衆，且道者箇是甚麼曹。」

山好頭酒破山喫著曹山酒，醉得通身俱是口。瞎禿光兒罵上天，又來拈棒打頭狗。驀拈拄杖卓一卓曰：「還知麼？」和則途中受用，不知則世諦流布。喝一喝下座。後住夔州萬峰太平禪寺。據室曰：「萬峰山頂別人間，上有梧桐開合歡，不是假鷄棲泊處。」箇中唯許鳳凰參。顧視左右曰：「有麼？」時一居士向前問訊。師曰：「鷄棲鳳巢，非吾同類。」上堂，僧問：「不參禪，不念佛，只學無心應萬物。」師曰：「那裡是汝無心處？」進曰：「無心豈有處？」師驀頭一棒曰：「者箇聖僧無語。」乃曰：「者箇事二乘膽喪，十地魂驚。所以古人道：『有一物明歷歷，黑漆漆上挂天下挂地。』常在動用中，動用收不得。大衆旣在動用中，爲甚麼收不得？速道速道。」上堂，值驢鳴。師曰：「平地起骨堆，虛空墮地走。撞著瞎驢鳴，將謂獅子吼。震威一喝下座。」石帆岳司馬問法。臘多。少師豎一拳，岳勃然變色曰：「我東南水窟地方，人民老實，莫在者裡惑亂人。」師曰：「貧道行脚十五年，今日惑亂者一箇岳。」岳曰：「惑亂我則可，只恐惑亂愚人。」師曰：「阿誰是愚人？」岳瞪目視之曰：「我也是路見不平，見你。」

年幼未是你做底時節。師曰：釋迦老子初出母胎，指天指地，難道也是年幼未是時節麼？岳曰：所以雲門要一棒打殺我。今日一棒打殺你，且作麼生？師乃作怕勢曰：貧道性命幾乎喪在門下。岳躍然拜別。僧問：如何？一六開天。師曰：竹密山齋。冷曰：如何？二五成性。師曰：荷開水殿香。問：迷者迷，醒者醒，如何是獨脫一句？師曰：八角磨盤空裡走。曰：不會。師曰：不會別參。曰：參箇甚麼？師曰：八角磨盤空裡走。問：學人終日喫飯，不曾齧著一粒米，時如何？師曰：一箇斑鳩九隻鳥。月潭法主問：還是悟有悟無？師曰：放下有無來，向你道。主作聽勢。師曰：慣會裝聾作啞。主曰：我是真聾。師曰：真龍何不上天去？師不安，維那問曰：和尚尊候如何？師曰：七七八八。那曰：七七八八還是好耶？不好耶？師曰：一任卜度。康熙六年丁未，示寂於梁山雙桂堂。世壽七十一，僧臘四十四。有語錄十二卷行世。

杭州府徑山費隱通容禪師。閩之福清何氏子。年十四，依鎮東慧山落髮。首參壽昌提無字話工夫純切。

遽忘寢食。忽一日覺身世俱空，話頭脫落。目前虛逼逼地問昌曰：今日看破和尚家風了也。昌曰：汝有甚麼見處？師便喝。次參雲門。博山往返至再，不能了手。天啓壬戌，聞天童寓吼山，師冒雨往謁。問：觀面相提事，若何？童便打。師曰：錯。童又打。師震威一喝。童復打。師又喝。至第七棒，平生伎倆，知見泮然。水釋後，上天台省覲。童問：熏風自南來，殿閣生微涼。汝作麼生會？師曰：水向石邊流出，冷風從花裏過來。香曰：難此又如何？師曰：放和尚三十棒。曰：除却棒，又作麼生？師便喝。曰：喝後。響師曰：更要重說。偈言：童休去，既而隨童赴黃檗。未幾，命師繼席焉。開堂日，僧問：昔從黃檗去，今向黃檗來，作麼生道？箇無來去底事。師曰：頭頂天，腳踏地。曰：黃檗消息更如何？師便喝。曰：砂盆雖破，家風猶在。師曰：與闍黎無干。問：如何是奪人不奪境？師曰：打教觸體穿。曰：如何是奪境不奪人？師曰：掀翻坐具。地曰：如何是人境兩俱奪？師曰：一并收下。曰：如何是人境俱不奪？師曰：一任踉蹌。上堂：今朝初一，好箇消息。若還不會，又是明日。所以道：舉一不得舉。

二放過一著落在第二山僧舉一了也是汝諸人如何委悉便下座。上堂向上無門撥不開折旋俯仰幾多回等閒踏倒珊瑚樹格外風光特地來如是則轉短壽爲長年改栗柄爲禾莖不是曩劫培成亦非今時造就且道端的在甚麼處千紅萬紫從君看那把春風度與人。上堂全身擔荷赤體提持要是夙有器骨英靈漢子於尋常日用活卓卓地不將奇特言句貼於額頭玄妙理致蘊於底裡專用格外鉗錘獨距宗門牙爪生擒猛虎活捉驀龍縱有言超佛祖行過舍那入此閻域未免橫身拶出其餘之輩觀心作念著意思惟塵寂光生而有神穎妙慧自作去就畢竟構他語脉不上要有者等丁卓始可別行教外單傳直指主持棒喝全行正令而以從上瞎驢蹄角相似且正當恁麼時回機就位一句作麼生道本來不借修行得那說心明與法通卓拄杖下座。臘八上堂凍餓雪山欲斷腰明星忽現便成妖當時我若同斯會劈脊攔腮定不饒何以家無白澤之圖必無如是妖怪雖然如是還有爲釋迦老漢出氣者麼有

則不負今日供養其或不然莫怪山僧措死蛇頭好遂以拄杖一時打散。住天童上堂入大寶剎登大法壇吹大法螺擊大法鼓演大法義顯揚臨濟宗猷提持向上一路指縱則萬別千差透脫固一字也無到者裡先師面目現在太白風規猶古摧邪挽正據真勦僞直得四海沸騰五嶽起舞佛祖於是歡呼龍象自此奔馳乃至若貴若賤是凡是聖四衆普集俱在一處人天交接兩得相見都教箇箇機契單傳人悟同本得然則即此大寶剎大法壇鐘鼓喧天法雷震地靈山勝會宛然見深沐皇恩不等閒便下座。住徑山上堂天空地濶山高水長如鵬博萬里扶搖自在朝陽峰下祥光滿目晏坐當軒八面玲瓏盡孟峰頂香積成堆更有大人擁護其間頭頭彰寶所一一顯真機心目所知手足所到無非是格外乾坤古佛家風從緣薦得而地優曇就體消停荆棘橫生所以學道人貴手緣境會心從心了境心境一如方名解脫始信古人謂通玄峰頂不是人間心外無法滿目青山忽然灑落時又作麼生山月如銀牽我興

開行不覺到峰西卓拄杖下座。小參舉雪峰示衆曰：南山有一條鼈鼻蛇，汝等諸人切須好看。師曰：蛇無頭不行，長慶曰：今日堂中大人喪身失命。師曰：張開蛇口，雲門以拄杖攬向面前，作怕勢。師曰：露出蛇斑，僧舉似玄沙。沙曰：須是我殺兄始得。師曰：與蛇搯癢，雖然如是我却不與麼。僧曰：和尚作麼。生沙曰：用南山作麼。師曰：跳出蛇窟。乃曰：當時雪峰會裡者，一群蛇今日被山僧挑向拄杖頭上，要教他生也得，要教他死也得，要教他不生亦得要教他不死亦得。所謂把住則四方無路，放行則草叢裡轉現前兄弟。還有與古人出氣者麼？有則出來爲蛇畫足，無則山僧放者。一群蛇斂殺汝諸人去也。以拄杖一時打退。小參舉古人曰：百丈三日耳聾，不在馬祖一喝邊。黃檗吐舌不在百丈耳聾處，是汝諸人還識百丈黃檗麼？若識得他二人到方丈來喫一鍾茶。一僧隨後至曰：裝聾作啞。師曰：那箇裝聾是誰？作啞僧無語。師曰：將成九仞，猶欠一簣。師問靈機曰：與化打克賓。意旨如何？機曰：憐兒不覺醜。師曰：既打趣，何謂憐兒。

機曰：也要和尚具隻眼。師便掌曰：要我具隻眼，那機曰：不是某甲恁麼道，爭見得和尚？又一日問機曰：世尊拈花，意旨如何？機薦豎一拳。師曰：不得喚作拳頭。又作麼？生機打師一拳。師打機一棒。曰：且道是實是。罰機曰：少賣弄。師領之。師每問衆曰：衣帶下一錢清風，意旨如何？僧多答。師皆不諾。於順治庚子二月十九日寂於福嚴壽六十九。依法闡維得舍利光燦者無數。嗣法弟子輩分散舍利建塔。金粟福嚴黃檗諸處有語錄二十卷行世。

嘉興府金粟石車通乘禪師金華朱氏子。依天真海藏脫白，稟具顯舉，徧參諸方，終不自肯。後謁天童於金粟，頓契玄旨。呈偈曰：我手何似佛手，赤腳蓬頭便走直透向上玄。關管教合取狗口童肯之執侍七載。先出世杭之隆慶，次繼席金粟。上堂諸佛出世爲一大事，因緣達磨西來直指人心，見性成佛。金粟不諳老婆禪，只要諸人棒下見血。若也恁麼會得，觸處逢渠。纖毫不立，垂手人間。和光化物，既然觸處逢渠。且道渠是阿誰？毫釐有差，天地懸隔。喝一喝。上堂。

僧問人天交接兩得相見。如何是相見底事。師曰。相逢不相識。如何是賓中主。師曰。對面未相許。如何是主中賓。師曰。一棒沒疎親。如何是主中主。師曰。腦後撥乾坤。賓主已蒙師指示。頂頰一著事。如何。師曰。穿過鼻孔。僧禮拜。乃曰。問在答處。互作主賓。答在問處。同氣相親。且問諸人。無問無答。合作麼生。直饒神光不昧。萬古唯眞。若恁麼會。驢年未夢見在大衆。畢竟作麼生。道。熏拈拄杖。畫一畫曰。畫斷多年爛葛藤。括地清風赤骨體。上堂。玄機透徹。左右逢源。以心契心。流通正脉。統三界以爲家。作四生之依怙。宏開不二之門。揭示頂門正眼。放出陝府鐵牛。踏殺嘉州大象。正當恁麼時。且道甚麼人證據。顧左右曰。任從滄海變。終不與君通。上堂。少室眞機。人天普育。直指父母未生面目。大衆有眼皆見。有耳普聞。且作麼生。是未生前面目。良久曰。牆外鳥啼聲已碎。盡在搖頭不語中。喝一喝。上堂。不寒不熱。火柴頭撥動些兒。爆地流從此一番親煅煉。縱橫無礙任悠悠。若也見得不須畫地爲牢。其或未然。燒却眉毛有幾莖。解

制上堂。拄杖本無彼此。越出一群獅子。驀然擲地翻身。休得人前露齒。騰騰獨步大方。不涉和泥。合水正當恁麼時。還有翻擲底麼。擲拄杖曰。橫身芳草綠。回顧落花紅。小參扶揚宗乘。須恁麼人知恁麼事。具格外眼。透頂透機。敲骨取髓。不落窠臼。如奔流度刃。石火電光。非眞獅子。那堪翻擲。豈不見臨濟初至河北。住院時對普化克符。二上座曰。我欲於此建立黃檗宗旨。汝二人可成禪我二人便珍重下去。三日後普化問曰。和尚。三日前說甚麼。師便打。又三日後克符問曰。和尚。打普化作甚麼。師亦打。三尊宿一揆一拶。摩觸家風。威神凜凜。天魔膽喪。文殊普賢。削迹吞聲。天下老和尚。聞風結舌。正恁麼時。且道還有建立宗旨底麼。良久喚侍者。應諾。師打曰。普請喫茶。僧問。如何是父母未生前。師曰。無孔鐵錘。曰。生後如何。師曰。觸體粉碎。問。向上一句。卽不問歷代相傳事。若何。師曰。鼻孔拖地。曰。如何是無得無傳底。句。師便掌問。如何。塵中能作主。師曰。撒手見青天。曰。如何化外自來賓。師曰。一棒一條痕。崇禎戊寅春示疾。

僧問此後向甚處與和尚相見師曰徧界不曾藏僧作禮曰恁麼則向者裡相見去也師曰莫錯認遂泊然而逝世壽四十有六塔於本山之左

贛州府寶華朝宗通忍禪師毗陵望族幼習儒業念生死弱冠投靖江獨知披剃遂謁天童於金粟童舉大千禪師垂語曰山中猛虎以肉爲命何故不食其子被童逼拶坐臥不安經兩旦驀然除去礙膺之物趨見童下語曰惟人自肯乃方親童曰亦未在師笑曰和尚只做得大千兒孫便出已而問童自答曰自肉食不盡方大徹翌日童上堂師問直下知歸則不問如何大用現前一句童纔拈棒師指曰者老漢伎倆不忘一釣便上拂具而出出住曹山上堂僧問如何是心識不到處師曰逼塞虚空日轉機不圓時如何師曰橫抽寶劍乃舉世尊因文殊起法見佛見被世尊威神攝向二鐵圍山白雲端和尚曰大衆世尊當時無大人相如今有向承天者裡起法見佛見承天終不敢動著他何謂如此但得雪消去自然春到來五祖演和尚曰白雲則具大慈悲遂拍手曰

曼殊室利普賢大士不審今後更敢也無自曰一度被蛇傷怕見斷井索世尊白雲五祖三大老將謂扶堅綱宗要且未透末後句在曹山則不然忽有向者趕起法見佛見每人分半院與他何謂如此一掌不獨拍兩掌鳴聒聒同死亦同生還如虎戴角卓拄杖下座住曹溪上堂拈香畢乃曰諸佛諸祖惟以一大事因緣不用開口不用動念直下一一天真一明妙祇貴直截契證超越死生不離見聞緣超然登佛地所以世尊於明星祇得一觀六祖於金剛經直用一聞諸公若也得恁麼一回去便堪傳佛心印方爲佛祖嫡骨兒孫所以靈山會上世尊拈花迦葉微笑便乃親傳世尊之印謂之正法眼藏西天四七東土二三傳至第三十三世本山六祖大師謂之吾有一物後得南嶽讓禪師道箇喚作一物則不中便乃親傳六祖之印自讓爲始直下傳至三十五世不肖孫通忍於天童和尚自肉食不盡言下打破漆桶親蒙印授潛心操履有年方乃深契佛祖之道方不愧爲六祖嫡孫所以本山乃六祖說法之地今日承南

都諸護法會合本省現任諸護法命本山耆舊不遠三千餘里。迎不肖歸祖師之舊室。登祖師之舊堂。陞祖師之舊座。舉揚祖師底現成舊公案。直令千年舊事。頓現目前。曹溪一會。儼然未散。試問諸人。既是現成舊公案。又用舉作甚麼。迴機同本。得一舉。一回新。復舉六祖傳衣盃之後。隱於四會。獵中十五年。一日忽念說法時。至遂至廣州法性寺。暮夜風揚。利巖聞二僧對論。一曰。旛動。一曰。風動。往復不已。祖曰。不是風動。不是旛動。仁者心動。一衆竦然。二僧平地起干戈。一得一失。六祖按牛頭喫草。雙放雙收。檢點將來。總欠一著。在豎拂子。召大衆曰。還見麼。只者本來真面目。風旛未動。絕安排下座。浴佛上堂。舉徑山大慧禪師上堂曰。毗藍園裡不曾生。雙林樹下何曾滅。不生不滅。見瞿曇眼中。又是重添屑徑山老人雖然把斷要津。大似只見錐頭利。曹溪則不然。毗藍園裡不生。生雙林樹下。不滅。滅生。生滅滅見。瞿曇分明惡水。當頭潑。眼既無屑。又用水潑作麼。若是接物利生。打頭也少者。一杓不得。乃顧左右喝。一喝曰。你諸人。

因甚一箇箇水漉漉地下座。元旦上堂。召大衆曰。無位真人。又添一歲了也。你們今日到處與人拜年。還曾與無位真人拜拜也。未若也拜得方知。恩大難酬。若也未曾寶華。今日爲諸人立箇榜樣。乃起身拱揖曰。恭喜恭喜。喜便下座。復有僧問。正當拱揖時。無位真人在甚麼處。師曰。不見道。兒孫得力。室內不知。小參僧問。明歷歷露堂堂。更有甚麼師曰。猶是鬼窟裡底活計。僧打一圓相曰。脫體無依去也。師曰。依舊跳不出。問譬如本色真金。未入洪爐煅煉時。如何。師曰。光明燦爛。曰。煅煉後如何。師曰。燦爛光明。曰。石頭土塊。還堪煅煉也。無師打曰。且道是真金。是土塊。問曰。輪正當午。虛空絕點埃時。如何。師曰。喚甚麼作曰。輪曰。更無別箇。師曰。添了一點也。僧一喝。師打曰。更無別箇。尙道添了一點。又喝作甚麼。僧無語。乃曰。曰。輪正當午。虛空絕點埃。若道更無別箇。早添一點了也。所以認箇明歷歷露堂堂。猶是鬼窟裡底活計。到者裡。須有箇透脫處。方得光明燦爛。燦爛光明。情與無情。一時成佛。真金土塊。煅與未煅。向甚麼處分。若

也未透須是全身放下。不教一物存留。自然一踏到底。倘不放下。未免迷頭認影。若已透得。亦不可放過。倘一放過。所謂一刻不在。如同死人。直得如大死却活一般。無一點氣息。無一毫滲漏。二六時中。似水合水。似空合空。方有少許相應。分曹溪今日說平實禪。汝等諸人。還委悉麼。菴內不知菴外事。歸家穩坐絕商量。小參僧問。巍巍堂堂。激激湛湛。當下不能承當。未審過在甚麼處。師曰。只爲多了者些閒家具。曰。檢點將來。也不多。師打曰。爲甚麼不承當。僧無語。師乃曰。若論此事。須是雲開日出。方得無分別智現前。從無分別中。終日分別。正分別此。無分別底。謂之無舌人語。以無分別中能生種種分別。謂之根本智。從無分別智後。得有分別。所以有分別智。謂之後得。恁麼也不得不恁麼。也不得恁麼。不恁麼。總不得者。裡何處著得。思惟分別來。若也透得。豈不是無分別智。恁麼也不得不恁麼。也不得恁麼。不恁麼。總不得。只者豈不是分別。然正分別此。無分別底。所以曰善能分別。諸法相於第一義。而不動。喚作竹筴。則觸不喚

作竹筴。則背不得。有語不得。無語不得。動意。根下卜度不得。颺在無事甲裡。不得向舉起處承當。一切總不得。速道速道。纔開口。便打出者裡。又何處著得。思惟分別來。若也透得。豈不是無分別智。喚作竹筴。則觸不喚作竹筴。則背不得。有語不得。無語不得。向意根下卜度不得。颺在無事甲裡。不得向舉起處承當。纔開口。便打出。只者豈不是分別者。無分別底。所以從上古人。亦有領略其旨。未能得到無分別田地。命根不斷。活了不死。不得受用。所以道。如人斫樹。須根上一刀。則命根方斷。又有得到無分別境界。一坐坐住。快活自在。更不理會。雖或解截斷天下人舌頭。不解無舌人語。總皆死了。不活。所以曰懸崖撒手。自肯承當。絕後再甦。欺君不得。到者裡。截斷天下人舌頭。正是無舌人語。無舌人語。正截斷天下人舌頭。若非死盡偷心。因地一下。透脫淨盡。安得有此真實受用。從上爲人方便。已盡情向諸人傾倒了也。只是者下子。無人替汝著力珍重。師遊琵琶街。回僧問。如何是善知識。師曰。琵琶街上。行曰。如何不是善知識。師

曰你不信也去行一行來。問如何是寂然不動師曰七縱八橫曰如何是感而遂通師曰推門落臼居士問月缺一條還補得麼師曰補得曰將甚麼補師曰但將缺底補。問狗子佛性趙州因甚道無師曰一字入公門九牛拔不出。天主教問人是佛否師曰是佛曰以何爲佛師曰自性卽佛曰師還拜佛否師曰拜佛曰若然則拜自己也師曰西天外道果然靈利曰世間那有自己拜自己底事師曰疑則別參。宛委王鎮國請齋於金陵報恩寺時司寇錢勳卿張璽卿趙廷尉葉問卿同泰如講主契玄僧錄俱在座講主曰達磨西來不立文字後來以楞伽四卷印心也是自相矛盾師曰將謂楞伽經是文字麼主無語一衆大笑。問債女離魂那箇是真底師便打僧無語師曰會麼僧擬議師又打曰切忌私奔。師問僧那裡人曰蘇州師踢椅曰是甚麼僧無語師曰虎丘山也不識乃叱出。順治戊子示寂弟子依法荼毗頂骨牙齒衣環不壞建塔於龔公山右。常州府龍池萬如通微禪師嘉禾張氏子出家興善。

後遊方參天童入門便喝童曰胡喝亂喝師又喝童曰胡喝亂喝師禮拜童打曰再喝喝看師曰蒼天蒼天茶畢禮出童曰我直下疑你者兩喝道道看師曰歇歇與和尚道便行崇禎十三年開法如次移曹山後補龍池。上堂前三三後三三箇中消息許誰諳春風處處花成錦秋水澄澄月一灣喚作真如不壞法此人曾未踏鄉關喚作無常生死法管教累劫受餘殃敢問諸人畢竟如何卽是以拂子打圓相曰生佛未形消息在不知幾箇肯擔當遂擲下拂子上堂宗門一著離言說萬象森羅早漏洩睦州擔版趙州無看來猶是多饒舌不饒舌頓超越陝府鐵牛吼一聲滄州獅子喫一跌旁觀撫掌笑呵呵六月炎天飛白雪喝一喝。上堂威音那畔空劫已前者一著子未嘗動著一絲毫及乎萬姓紛紜千差顯露者一著子亦未嘗動著一絲毫只貴靈利漢子直下承當便能得大受用苟或三搭不回豈免沉迷苦海祇如龍潭吹滅紙燈德山見甚道理便爾自肯蝦蟆吞大蟲。上堂舉法眼問覺鐵嘴近離甚處覺曰趙州。

眼曰承聞趙州有栢樹子話是否。覺曰無眼曰往來皆謂僧問如何是祖師西來意。州曰庭前栢樹子上座何得道無覺曰先師實無此語和尚莫謗先師好。龍池有五十拄杖十拄杖打者僧不合問祖師西來意十拄杖打趙州不合道庭前栢樹子十拄杖打法眼不合道有此語十拄杖打覺鐵嘴不合道無此語還有十拄杖待打箇人忽有師僧出來山僧劈脊便棒曰只者漆桶。上堂水中鹽味色裡膠青決定是有難見其形拈拄杖曰拄杖子朝到西天暮歸東土窮年歷歲不曾遇著一人何故從來無伴侶在處獨稱尊。上堂廣額屠兒放下屠刀曰我是千佛一數平地登高易文殊師利乃七佛之師於迦文會裡作弟子從空放下難不落因果五百生墮野狐身為甚麼却作人語不昧因果當下脫野狐身猶有野狐氣息在衆中還有知得龍池落處者麼苟或知得不妨出來剖露看如其未然不見道釋迦彌勒是他奴上堂卓拄杖喝一喝曰棒非棒喝非喝用出當陽活鐵鐵間時何啻三日顰觸著直教親見血若是知恩

解報恩丈夫意氣天然別金毛獅子奮全威野干狐狼俱屏跡大衆且道屏跡後如何天下太平各安其業。畢瀉山問雲巖曰承聞子在藥山是否巖曰是瀉曰藥山大人相作麼生巖曰涅槃後有瀉曰如何是涅槃後有巖曰水灑不著雲巖却問百丈丈人相作麼生瀉曰巍巍堂堂煒煒煌煌聲前非聲色後非色蚊子上鐵牛無汝下嘴處雲巖摹擬藥山大人相竭力形容只得一半瀉山形容百丈丈人相雖是當陽不昧可惜裝點太多如有人問龍池天童大人相作麼生即向伊道僧繇難下手道子枉勞心。畢洞山曰須知有佛向上事僧問如何是佛向上事洞山曰非佛雲門曰名不得狀不得所以言非二老漢恁麼道只道得佛向下事若是佛向上事恐未得在且道如何是佛向上事拈拄杖卓一下曰父母所生口終不爲汝說。畢保寧勇禪師曰風鳴條雨破塊曉來枕上鶯聲碎蝦蟆蚯蚓一時鳴妙德空生都不會三箇成群四箇作隊向前村後村折得梨花李花一佩兩佩保寧恁麼道雖則風流逸格事理雙彰未免

向百花爭艷處。著脚若是秋空皎月。木落飄金。千山露骨。萬水澄淨。總未知消息在。僧問。樹凋葉落時。如何師曰。過蟻難尋穴。歸禽易見巢。問。日落西山去。林中事若何。師曰。虎行樵子徑。鳥宿故枝頭。師闌化龍池。十有餘載。順治丁酉冬。告寂。塔建本山。

續燈正統卷三十二

續燈正統卷三十三

南海普陀嗣祖沙門西蜀 性統 編集

臨濟宗

大鑑下第三十五世

天童密雲悟禪師法嗣

寧波府天童山翁道忞禪師。潮州茶陽林氏子也。幼沈毅有夙慧。讀書一目五行。俱下。總角以藝文擅名鄉曲。試爲生員。然性不耽世好。飄然有塵外想。及冠讀大慧錄。忽憶前身雲水參方。歷歷如見。卽走匡廬。開先投若昧。染味以師志不羣。使參憨山清黃檗。

有輩數尊宿。皆深契之。終不自肯。後參天童於金粟。因閱殃蝠產難機緣。忽大徹。從上關鍵。童命掌記室。親炙十有四稔。崇禎壬午七月。童示寂。衆請繼席。開法天童。上堂。目擊道存。鋒銳不犯。頭頭顯露。物物全彰。猶是因高就下。曲爲今時。況復言中取則。句裡呈機。舉古明今。拈三播兩。大似鄭州出曹門。何異南轅而北轍。殊不知當人脚跟下。立地一著子。如天普蓋。似地普擎。抽一機。則千機頓赴。展一目。則萬目畢張。透聲透色。絕遮攔。亘古亘今。無處所。還生死得伊麼。還染汙得伊麼。還榮枯得伊麼。還推遷得伊麼。總有德山棒如雨點也。則打他不著。臨濟喝似雷奔也。則無伊下口處。更說甚麼。百問雲。與千酬瓶瀉。一毫端際。出現無盡身雲。一舉步。間遊歷無邊國土。正是泥裡洗土塊。鰕跳不出斗。諸仁者。從上既有如此廣大門。風穩密田地。何不推他阿爺。向後放出渠儂。一頭與麼直截承當。去正恁麼時。接續流通。一句作麼生道。天高羣象正。海濶百川朝。上堂。天童寺裡開爐。以虛空爲爐牀。四大部洲爲爐脚。須彌盧爲火筴。

七金山爲炭團。其餘森羅萬象。日月星辰。赤縣神州。山川人物。爲引火黃葉。且道火種。以拄杖畫一畫。曰。饒爾向者。裡薦得透脫。曉及乎施用。未有其方也。則是箇守死善道。要得發焰聯輝。正未可在。當恁麼時。發焰聯輝一句。作麼生道。喝一喝。曰。八萬四千非鳳毛。三十三人入虎穴。上堂。拈拄杖橫按。曰。有時一喝。如金剛王寶劍。卓一下。曰。有時一喝。如踞地獅子。移拄杖過東。復移向西。曰。有時一喝。如探竿影草。擲下拄杖。曰。有時一喝。不作一喝。用靈利漢。若向者裡。著得一隻眼。臨濟老子。不直半文錢。其或未然。莫怪海門風浪緊。干戈原是太平基。上堂。哀哀三歎。蓼莪章。罔極無能。一報償。至竟吾門。真大孝。迴光直薦本爺娘。灼然欲報至恩。須是親見本生爺娘。則於一切時。如龍得水。無一念落。虛於一切處。似虎靠山。無絲毫走作。縱橫收放。全彰本地風光。出沒卷舒。獨露金剛正體。便能不動塵際。坐寶王刹。不動舌頭。轉大法輪。傳人人達本生緣。使各各知恩有地。所以道。輪轉三界中。恩愛不能舍。棄恩入無爲。真是報恩。

者大衆祇如山僧。近日有人從嶺南來。報道生身慈母。已於辛巳冬朔。遷化了也。且道。卽今作麼生與本生爺娘相見。山色翠濃。春雨歇。北堂萱草倚蘭開。上堂。百丈得大機。黃檗得大用。更有一人。且道得箇甚麼。喝一喝。曰。迴超今古。格不共汝同。盤卓拄杖下座。上堂。衆集。薦拈拄杖。擲下。曰。不得動著舌頭。向者裡道一句。看衆默然。師曰。死去十分。便下座。侍者向前。拾起度與師。師接得。便打。開爐。上堂。乾坤索然。陡變高岸。夷爲平川。木頭生了耳。竈底沒了煙。饑時。饑得眼翻白。凍時。凍得手攢卷。有底沒。轉智只管窮。斯炒餓。斯煎橫。吞栗棘蓬。倒跳金剛圈。有底訝。郎當誇。我能向鑊湯中。澡浴。爐炭裡。安禪。劍樹邊。經行。刀山上。打眠。朝悠悠。暮悠悠。誰解騎駿馬。驟高樓。踢倒嘉州大象。趨翻陝府鐵牛。噓噓直饒如是也。較山僧一籌。何以訥。被蒙頭萬事休。上堂。六戶無關。鑰西風。徹骨寒。家家門首。路一一透。長安大衆外。布施象馬七珍內。布施頭目髓腦。今日山僧。盡情爲諸人舍施了也。其有饑餐未厭。欲壑難填。底道峰更倩拄。

杖子化作三十三天王爲盧至長者破慳著拈拄杖卓一下曰那貴殊祥生九穗好看比屋盡黃金開爐上堂佛法無多子久長難得人山僧昔在茲山以不辦長久之念住凡四周寒暑散席他往東住天台南住於越西住吳興北住青齊已經十有一載無端遭人抑逼還復歸領住持則巖頭雲老室內冰枯正當今日開爐作麼生得接聯輝去拱手曰著力全在諸兄弟順治己亥夏師應召入京上命迎師進萬善殿駕隨到傳諭免禮賜坐上慰勞畢敕學士王熙馮溥曹本榮狀元孫承恩徐元文至上命學士問老和尚來自天童如何是天童得力句師曰奉皇上詔書特到此問如何是正法眼藏師豎拳曰突出難辨又問如何是觀自在師鼓掌曰還聞麼復問大學之道在明明德朱子曰明明之也如何是明之底道理師曰問取朱文公去士皆無語上甚欣喜上曰老和尚因甚機緣悟道師曰長疑產難因緣後來有箇會處學士曰大慧也從此打失布袋者公案畢竟作麼生師曰明破卽不堪又問女子出定公案請下

一轉語師曰任從滄海變終不爲君通士曰婆子請趙州轉藏經只轉得半藏那半藏作麼生轉師曰學士起身禮拜皇上著又問發心參禪卽是善如何又說不思善不思惡既善惡都不思當何處著力師曰善惡總從心生心若不生善惡何著士沉吟師震威一喝上曰纔涉思惟總成意識邊事師曰大哉王言上問如何是悟後底事師曰待皇上悟後卽知學士進曰悟卽不問師曰問卽不悟上首肯復問有箇雪嶠和尚聞渠真率不事事末後示寂甚超脫老和尚可知其人否師曰先法叔住開先時曾受西堂之職及示寂雲門遺命主後事乃述雪老人於丁亥年八月十九日示微疾次日封鐘版親書一紙示衆曰小兒曹生死路上須逍遙皎月冰霜曉喫杯茶坐脫去了至二十六日酉時果索茶飲唱雪花飛之句奄然坐逝然近代如林臯和尚之陞堂告衆著菴和尚之預定逝期其事詳載塔銘皆恣所撰則又不止一雪嶠老人也上曰學道須是怎麼方好是日自辰至午方始回宮上一日問南泉斬猫意旨如何師曰直

逼生蛇立化龍。上曰趙州當日頂草鞋出去南泉許爲救得猫兒。若問老和尚合作麼。生師曰老凍膿爲他閒事長無明。上一日手書大學之道在明明德。拈起曰請老和尚下一轉語。師曰日輪正卓午。上問梁武帝見達磨問如何是聖諦第一義。磨曰廓然無聖。意旨如何。師曰綿包特石。上曰對朕者誰。磨曰不識。又作麼。生師曰鐵裹泥團。上曰今問老和尚如何是聖諦第一義。師曰天無二日。民無二王。上曰對朕者誰。磨師曰即日恭惟皇上聖躬萬福。上自召見師後。駕數幸萬善殿。師屢辭還山。上留法嗣旅菴月山曉。暫開法善果隆安。駕躬送出京。錫弘覺禪師印號。師南還。謝天童金粟院事。投老會稽化鹿之平陽。鼎建寶坊于黃龍峰下。爲開山第一代焉。至康熙甲寅六月廿有七日。說偈吉祥而逝世。壽七十九。僧臘五十五。有九會語錄。布水壘集若干卷。行世。

寧波府雪竇石奇通雲禪師。婁東徐氏幼。因篤疾。陡現異境。乃辭母。脫白于南廣。遇老宿。令看父母未生前話。游方至餅窑。顯聖疑情大發。後參天童。屢呈所

見童叱出。忽一日入室。未啓口。童便棒。于是大徹。顛脫凝滯。不離左右者十有三載。崇禎辛巳。童命住台之靈鷲。僧問如何是靈鷲境。師曰秀峰齊插耳。曰如何是境中人。師曰觀面案山橫。曰如何是目前事。師打曰腦後薦取。問一口氣不來。甚處安身立命。師曰鼻孔掾天。顧邑侯問宗門事。從何門得入。師曰從無門入。曰儒家必從讀書門入。無門如何得入。師曰銅牆鐵壁。曰那裡是銅牆鐵壁。師曰刻刻在前。師問正侍者。寒時寒殺。熱時熱殺。你試道看。正曰寒時由他寒。熱時由他熱。耿兵憲敘話。次師曰公本分事相應也。未曰要自家親到。師曰如何是親到消息。曰正要求指示。師曰未舉步時三十棒。次日耿呈頌。師閱畢曰未。在更道耿擬進語。師驀掩其口。上堂一二三四五六七。逗到今朝是人日。春風薰面忽相逢。撲破鼻頭撞破額。靈鷲寺裡今日有齋。大眾開單展盃拈匙放筯。則且置。應時及節一句作麼。生泥牛起舞。春悠悠不風流處也風流。受景星嚴請陞座。春山疊亂。青春水漾。湛碧寥寥天地間。獨立望何極。古德恁

麼說話大似在孤峰頂上等箇人來大衆且道他要等箇甚麼人擊香几曰定光金地遙招手智者江陵暗點頭受雪竇請陞座杲曰當空十虛普照清風布地徧界全彰如是則景星與雪竇齊高乳峰與玉柱一體瀑飛千丈影含珠星際半巖光映月無彼無此誰去誰來諸仁者若能會得不妨全明全暗全放全收放行把住自在縱橫一切臨時不容擬議正當恁麼時一句作麼生道明年自有新條在惱亂春風卒未休建法堂上堂臘月正窮冬日日是好日百草頭呈古佛家風一毫端現寶王刹直得普賢大士運斤成風文殊師利不拘繩墨所以道建大厦非一木之能濟巨川非一棹之力況慧日高懸法幢重建且道畢竟承誰恩力還委悉麼分明舉鼎調羹手撥轉如來正法輪上堂長安甚闊吾國晏然拈拄杖曰大衆不可道拄杖子不晏然也遂點曰低聲低聲解制上堂僧出叉手而立師曰且站一邊僧以拳加頭上師曰捏怪作麼僧又加一拳師曰不識羞僧繞禪牀彈指一下師便打乃曰正月十五泥牛覓舞

布袋打開西秦東魯上堂一之日寒風急寸絲不挂底卽乃頂門裂裂現出三頭六臂把主風神一擲直得須彌山倒地無數英俊踴躍跳禪和被壓死不能轉身吐氣直待春雷起蟄驚地叫曰屈屈屈堪述絕後再甦真欺不得喝一喝上堂古人道者一片田地分付來多時了也我立地待你搆去是則是誣人之罪義所難容上堂五月十五榴花噴火寶王利海高懸直得萬歲塔與乳峰山一齊起舞且道何故國有定亂之劍家有白澤之圖上堂舉僧問雲門一言道盡時如何門曰老僧在爾盍孟裡師乃呵呵大笑曰大衆分明記取法幢上座請上堂永嘉祖道場法幢乃重建宰護衆檀臨山光映佛面今日山僧來普請看方便豎起拄杖曰大衆見不見見則便與麼去隨處作主遇緣卽宗當年本山眞覺大師到曹溪時振錫三下卓然而立遂一宿而返今朝不妨有箇同參若不見山僧大似勞而無功所以宗師唱導譬如滄溟上客獨泛蘭舟月渚煙波隨情放曠欲拋香餌爲待長鯨卽今還有麼卓拄杖曰三千

劍客分明在那許莊周致太平。上堂月朔月望月。圓月缺一句全提。萬機寢削卓拄杖曰。看看擲下來也咄。小參舉五祖住太平時上堂曰。太平不會禪。一向外邊走。臘月三十夜贏得一張口。且道如何是太平口。自曰。兩片皮也不識。五祖與麼賣弄口皮。即得要是衲僧受用。則未在山僧不恁麼雪竇不會禪。一向家裡坐。臘月三十夜分明成話。隨扯索底扯索。擡木底擡木。谷應山鳴聲光。轆轤呵呵。呵夜深山寺煖烘烘。箇箇寮房一爐火。順治庚子師還南廣革應爲禪。浚鹽鐵河直達於寺。以利舟楫。閱三載將東歸乳峰。未幾疾作。命二侍舉時。皆以子時對乃點首。至午夜端坐而化。門人迎龕返。四明空於妙高峰頂。世壽七十。臘四十有五。

嘉興府古南牧雲通門禪師。常熟張氏子。卅歲禮興福洞。聞老宿爲師。初參博山。次謁天童。於金粟童問。卽今事作麼。生師擬議。童便打。師禮拜。童於背上築一拳曰。你若作打。會入地獄。如箭自是發憤。咨參後上天童。題萬松關偈曰。古路松陰廿里長。過時誰覺

骨清涼。童曰。何不道過時。誰不骨清涼。師於言下豁然。又作活眼。泉偈正思索時。偶右手於左臂一觸。忽然契悟。久掌記室。出住古南。僧問臨濟初住院曰。我欲於此建立黃檗宗旨。如何。是黃檗宗旨。師打曰。一棒血淋淋。曰。今日問和尚。如何是天童宗旨。又作麼。生師又打曰。再犯不容僧禮拜。師復打曰。恩大難酬。師曰。道得一半。問不生不滅。是如何。師曰。好人不肯做。定要屎裡臥。問天不能蓋地。不能載時。如何。師曰。放下坐具。著曰。恁麼則天上天下。唯我獨尊。師打曰。未到你在僧作禮曰。彼既丈夫。我亦爾。師曰。只恐不是玉。上堂舉遵布衲於藥山浴佛次。山問曰。汝只浴得者箇。還浴得那箇麼。遵曰。把將那箇來。藥山便休。藥山垂絲千尺。意在深潭。遵布衲鉤在不疑四楞場地。祇如藥山休去。還有商量也。無擲下拄杖曰。不勞再勘。上堂舉世尊一日陞座。文殊白椎曰。諦觀法王法。法王法如是。世尊便下座。老將不談兵。文殊特請纓。一朝權在手。便把令來行。正當恁麼時。山僧性命在諸人手裡。其或眼目定動。諸人性命却在山

僧手裡卓拄杖下座。上堂古南箇村僧性燥多瞋罵佛法。癩得說終日尋人打打打。打上士笑呵呵。下士便驚怕。怕怕怕。好事不出門。惡事傳天下。上堂供養百千諸佛。不如供養箇無心道人。釋迦老子好與三十棒。有一人長年不喫飯。不道饑。有一人終日喫飯。不道飽。百丈老子略較些子。便下座。上堂拋下拄杖曰。撲落非他物。復擎起作舞曰。縱橫不是塵。汝諸人還見山河及大地。全露法王身麼。復擊香几曰。一片榆楠木。敲來響殺人。上堂昨夜西風號不歇。遠近山頭都是雪。朝來依舊日頭紅。嶺上石人凍得皮膚裂。下座。請首座上堂。日南長至。節屆書雲天心復見。扶揚抑陰。紫羅抹額。繡裙腰甚生標致。赫赤布裙。無來替換。家無滯貨。不發所以。烹金琢玉。須知作者。鉗錘荷教。扶宗全仗本色兄弟。揮佛日於西垂。回狂瀾於既倒。豈不是君子道長。小人道消。你大衆還見麼。物宜求新。樓前海棠花開。却一朵兩朵人宜求舊。即日堂中第一座少渠不得。且阿那箇是第一座。卓拄杖曰。蘇州有住破山。指山門曰。石橋東。

鎖古澗西來佛祖門戶。古今洞開。還見麼。祥麟及瑞鳳。盡入此山來。佛殿三面好山中。一所空王殿。喝退麻三斤。打開乾屎橛。甚處與古佛相見。以坐具打圓相曰。交據至金剛圈。拋來任你跳得。栗棘蓬刺來儘你吞得。山僧尙有三十棒。在何故臨濟門下。令不虛行卓拄杖。上堂出山髮尙青。還山齒半落。入門仔細看。青山宛如昨。黃葉打頭來。高林風索索。馳騁不知休。當初悔行脚。昔有梵志出家。白首而歸。鄰人見之曰。昔人尙存乎。梵志曰。吾猶昔人。非昔人也。鄰人皆愕然。非其言。大衆鄰人只知百年一身。不知念念遷變。新新不住。梵志雖知當體無常有變。有滅不知不變。於出家法中尙欠一著。且如何是不變者。死生老病非他物。渴飲饑餐祇舊人。下座。上堂戰馬聽鑼聲。簇簇通身癢。臨濟喫拄杖。山河齊合掌。好事不瞞人。裁成憑郢匠。拈拄杖旋轉曰。山僧運斤也。諸人試摸鼻孔上。還有一點泥也。無復卓拄杖曰。多虛不如少實。住極樂。開爐上堂。昭陽城外煙水茫茫。極樂菴中紅爐焰焰。向火焰中拈一莖毛。賣圖大家知。

有脫若七十三八十四低頭打算算到盡未來際有甚了期還會麼擊拂子曰朝生鷄子撲天飛上堂極樂極樂天涯海角鋪子將收家私落索雪峰木毬普化鈴鐸搖搖打打捫捫摸摸仔細看來是何面目鐘鳴銅山崩劍舉蜀頭落還會麼雲門參見睦州會得秦時轆轤參住鶴林上堂僧問舊店新開人盡覩重光祖印乞師慈師曰殿前雙栢立進曰恁麼則山靈生色四衆沾恩師曰門外萬松排僧禮拜師乃曰楊子江心大浪飛白連天鐵甕城邊好山排青立地肇開香刹有此禪林縞衣聽法舞層霄烏帽逢僧閒半日寄奴泉信爲王者所鑿杜鵑花浪傳仙子移歸法無定相遇緣卽宗山僧今日借釋迦老子手中一華拈示大衆遂舉拂子曰見麼若也見去芳菲滿袖爛熳驚人若也不見却成當面蹉過衆中有具眼底莫被山僧謾好復舉玄素禪師住山時有僧敲門素曰誰僧應曰是僧素曰莫道是僧佛來亦不著僧問曰爲甚不著素曰無汝棲泊處大衆玄素禪師傳牛頭一枝佛法不妨孤峻若是山僧待日是僧卽向

道青天白日寐語作麼諸公若言下了然便見古人立地處其或未然下座同禮祖師三拜浙中歸上堂祖師一機深明向上當陽一句只在聲前提得則天上人間放則無處迴避所以道昭昭於心目之間而相不可觀晃晃於色塵之內而理不可分到者裡流水桃花別通春色鷄鳴犬吠各露風光在處可作津梁無方不堪垂手是則是祇如維摩居士道法非文字言語斷故還有道得轉身句者麼良久曰青蛇上竹一種色黃鳥過牆無限情住天童開爐上堂僧問了明差別智方證涅槃心千七葛藤都拈却德山托鉢意如何師曰年老成魔曰爲甚被雪峰一拶直得低頭歸方丈師曰賺殺闍黎曰祇如巖頭曰大小德山未會末後句師曰好與三十棒曰密啓其意又如何師曰來日來向你道曰既會末後句因甚只得三年活師曰開眼作夢僧禮拜師乃曰今日開爐諸人還識開爐底意麼霜花點白山寮各下暖簾楓葉飛紅將見堅冰踵至通方上士鑒在機先得旨歸根去天寒人寒滴水滴凍隨流認得性無喜亦無

憂不假炭煤宏開爐韞直下化鈍鐵作良金鎔頑銅
成法器妙手雖呈大功不宰驅瀉山水粘直入欄圈
打疎山木蛇橫鑽泥土且道甚麼時節是他出頭分
莫看水草嫩枯淡好聽春雷換甲鱗下座 立春上
堂靈樞密運四序推移天地之間其細毫審看看冬
到來即便春風至長連牀上學得底是第二機若是
第一機天下老和尚未曾提著山僧又如何折合舉
拂曰看看五彩畫頭黃金點額復擊一擊曰好好一
隻春牛被山僧一鞭粉碎了也聞一知二從他徧界
分身認影迷頭一任眼瞎瞋地 上堂十五日已前
野田祭婦鬼哭神號十五日已後鳥語如簫山花似
錦正當十五日紅日三竿曲肱而枕佛法二字摸索
全無山僧恁麼告報會得則途中受用不會則世諦
流布 上堂頂門隻眼明明非見脚跟一竅了了常
知古者道從生至死祇是者箇回頭轉腦作麼正是
憐兒不覺醜天童者裡還有回頭轉腦者麼拍膝曰
且喜天下太平 小參舉巖頭上堂曰吾嘗究涅槃
經七八年觀兩三段義似禪僧說話又曰休休時有

一僧出禮拜請舉巖頭曰吾教義如六字三點第一
向東方下一點點開諸菩薩眼第二向西方下一點
點諸菩薩命根第三向上方下一點點諸菩薩頂巖
頭七八年看教指東畫西原來未曾在乃信手點曰
敢問諸人山僧點箇甚麼有僧進語師曰去無汝昭
啄分 冬至小參今之夕群陰極潭影藏山光黑無
足之人欲夜行往往扶籬兼摸壁咄咄參玄客千
言萬語喚歸家艱辛休向途中覓如何是到家消息
幾箇烏鴉殿角棲一雙白鶴松邊立還會麼歸堂喫
茶去 示衆大海不宿死屍虚空不著五色大火聚
中不藏蚊蚋無住法中不立迷悟汝等諸人圖參禪
悟道三生六十劫 示衆善知識無家以叢林爲家
十方衲子無家亦以叢林爲家蓋善知識以叢林爲
家者本爲蓄養衲子續佛慧命衲子亦以叢林爲家
者本爲親近知識發明大事故衲子尊知識爲師知
識視衲子爲弟子尊爲師有父道焉視爲弟有子道
焉既父子共住管理家業爲子者自當知得我父山
場許多在某處田園許多在某處乃至家私什物共

有許多又當照管某山柴該養某山柴該斫某田該種某地該鋤不使荒蕪界限一分明收藏一一牢固此真克家子也縱使其父後日過世外人無議不能侵佔何故蓋爲父子一體父之家業子自然有分亦爲子平日肯照管得清楚不致忘失設使雖在其父蔭下自不留心山荒也不管地荒也不管無菜蔬喫也不管無柴燒也不管乃至杓柄短長家中事問著一總不知此子決不能向後紹父家業也何故爲伊全靠著其父過日稼穡艱難出入經紀全不操心向後總把家業與他祖父田園四至界限都不能分曉又如何承當得去所以拋家失業自甘做箇客作賤人你要知克家之子麼從上大有樣子楊岐於慈明三十年任監院是也雲峰於大愚冒寒化米化炭是也演祖於白雲充磨頭是也佛眼大慧享大名於天下然在學地俱充化士奔走途中得益乃至雪峰飯頭瀉山典座此纔入叢林者皆知得不必再舉師自謝事天童十餘秋隱遁無定居至康熙辛亥冬示寂於石湖靜室門人請命於弘覺禪師全身入塔

於鶴林祖塔右不一載塔石迸裂其法嗣秀峰瑋拉諸同門啓塔視之洪水湧龕而出遂依法闍維獲舍利千餘顆光瑩如菽門人分歸營塔於西華西資鶴林諸處蘇州府遜村報恩浮石通賢禪師平湖人俗姓李幼不茹葷十九脫白歷扣眞寂雲門惜無入路乃偕同志上鶯窠山頂掩死關聞舉屍在者裡其人何在忽有省後參天童得厥旨出住吳江之報恩上堂指法座當陽顯露達者方知從地昇高阿誰無分正恁麼時便乃掀翻寶座喝散大眾豈不俊哉其或未然怪山僧不得遂陞拈香畢乃曰假使頂戴百千劫身爲牀座徧三千若不傳法度衆生畢竟無能報恩者豎拂子曰報恩今日傳法也大衆一齊擔荷擲拂子下座上堂舉世尊初生時一手指天一手指地周行七步目顧四方曰天上天下唯我獨尊雲門曰我當時若見一棒打殺與狗子喫貴圖天下太平世尊創業垂統道化萬方那慮後人之顛覆雲門鳳曆新頒肅清宇宙輒翻上祖之遺規雖則光先裕後有祖有

孫檢點將來不無自累畢竟如何得恰好去卓拄杖曰天然習氣最難忘纔出頭時發熾張將謂無人能抗拒誰知後代有韶陽上堂三春已過九夏初臨

聚立徒於林間扇真風於世外篆不離之心印提出格之宗乘且道出格宗乘作麼生提還有道得者麼良久曰麥子頭垂春熟好豈花口吐莢前心上堂

元旦一萬事吉納僧不用加參管取通身眼徹何故不羨鐵牛耕陸地慣能并底種林檎上堂烏飛兔

走急如梭明暗何曾昧得他箇裡本來無可說謂言無說已成多豎拂曰大眾且道是有說是無說擲拂

子下座僧問牛頭未見四祖時如何師曰花園擺宴曰見後如何師曰茅屋疎籬問如何是西來意

師曰風過樹頭搖問如何是一師曰賊曰學人爲

何是賊師曰抱贓叫屈問行住坐臥不離者箇如

何是那箇師曰放汝三十棒曰過在甚麼處師曰垛

生招箭問家親作祟是如何師曰只要箇護身符

子曰如何是護身符師曰但恁麼學師居常以

罵祖一喝百丈因甚三日耳聾勘驗來學罕有契其

機者丁未七月示微疾危坐終日至二十五辰刻索浴坐化閱世七十有五僧臘五十六門人孤卓浚迎龕空全身於徑山鵬搏峰下

台州府通玄林野通奇禪師自幼窮研教典後出蜀南詢掩關當湖忽接天童參禪偈曰一念未生前試看底模樣疑清頓發一日失足墮樓有省遂破關參天童於吳門之清涼隨童住育王童上堂舉世尊初生下地便解指天指地汝等諸人猶向老僧擬討甚麼盤曳拄杖下座打散師自此全身脫落一日將破盤入庫取油童問你爲甚打破常住盤師曰不是某打破底童曰爲甚在汝手裡師曰城門失火殃及池魚童曰賠了盤去師便展兩手童休去崇禎癸未住通玄次居東塔樓真後遷天童上堂今朝吾佛降生却向金盤澡洗便乃指天指地大似不知羞耻更道唯吾獨尊山僧未敢相許且道山僧有甚長處便乃開許大口以拄杖卓曰當門不用栽荆棘後代兒孫惹著衣上堂舉丹霞訪忠國師值睡次公案侍者瞠眼寐語累他國師寢食不安丹霞離解就地埋

人殊不顧旁觀看破。還有知得侍者。掣棒丹霞。驚底麼。不辭頌出。端居丈室。獨安眠。不意春花。落檻前。可恨游蜂。胡亂採。至今趕向草堤邊。上堂。汝等未到。天童寺。將謂天童異世間。及乎到來。親目擊。依然松竹倚青山。明明松竹林。明明祖師意。若或瞥爾情生。未免觸途成滯。且道不涉程途一句。如何顯示。薰卓拄杖曰。還家盡是兒孫事。祖父從來不出門。上堂。昔日先師會下。萬指圍繞。梁法味者。頗多追法乳者。誰切山僧舉揚。般若以報先師莫大之恩。可謂冤有頭。債有主。從前得力處。一句超今古。且道是甚麼句。薰拈拄杖卓曰。汗馬無人識。重論蓋代功。復卓一下。上堂。山僧四大不強。無能爲衆說法。遂拈拄杖曰。惟者木上座。雖則全無孔竅。却能善說法要。擊香几曰。切莫隨伊顛倒。師病中首座問曰。古人臨末梢頭。留下一言半句。作將來眼目。即今有何垂示。師曰。動卽禍生。曰。官不容針。私通車馬。師曰。多口作麼。曰。不爲分外。師驚面一拳。座便禮拜。師將示寂。出治自天台。歸師急問曰。汝來了。治曰。適纔到。師曰。於

今是甚麼時候。治曰。午時。師瞪目視之。治曰。前蒙和尚記前。今請和尚更取法名。師曰。行果圓成。治禮謝師安祥而逝。

黃介子居士諱毓。毗陵澄江間人也。慧業夙稟。博綜內外典籍。久遊天童磬山之門。有所契入。曾作語錄。序有石磬音嘹亮。聾人耳。更聞斯言不我欺也。昔漢武以兵法教去病。病曰不在學。古顧方略何如。明皇示韓幹御府圖。幹曰不願觀也。去病胸中有活法。韓幹胸中有活馬。磬山胸中有活玄。要猛虎口邊拾得毒蛇頭。上安排爲天下人抽釘拔楔。豈口耳所能傳授耶。我於是錄聊窺一斑云云。後天童將順世以衲衣贈之。至甲申。鼎革。士罹難。南都獄中一日。書偈扇頭。寄同參牧雲禪師曰。劍樹刀山掉臂過。長伸兩脚自爲摩。三千善逝原非佛。百萬波旬豈是魔。潦倒不妨天亦醉。掀翻一任水生波。夜來夢作修羅手。其奈雙丸忽跳何。遂擲筆而終。

續燈正統卷三十三

續燈正統卷三十四

南海普陀嗣祖沙門西蜀 性統 編集

臨濟宗

大鑑下第三十五世

磬山天隱修禪師法嗣

鎮江府竹林林臯本豫禪師。崑山陳氏子。少歲禮堯峰湛川老宿出家。受具後。徧歷諸方。參博山。山曰。未入金籠。貯誰家野雀。兒師曰。鶴有九臯。狎碧漢。馬無千里。謾追風。山曰。還斤非郢。未免傷痕。師曰。諸方拈椎豎拂。又成甚麼邊事。山曰。片雲橫海嶽。樵子盡迷歸。師曰。怪來巖下虎。特地暗驚人。便出師。至金粟。值天曉。便問。夜宿投人時。如何。粟曰。者裡歇不得。師曰。豈無方便。粟拈拄杖。擬打師。接住。一推曰。看破了也。便出。後參磬山。山曰。那裡來。師曰。武林山。曰。怎知我者裡。師曰。臭名難瞞。山曰。汗汝耳。師便喝。山曰。喝後如何。師曰。猶是不知。山曰。老僧不知。汝知箇甚麼。師擬掌山曰。莫掠虛。一口侍次。山曰。今時學人不肯真參實悟。所以法門寥落。師曰。雖然如是。亦在知識。如

黃龍不得慈明痛打。爭知道出常情。山厲聲曰。豈口耳所傳受耶。師自此服膺親炙三載。住後。上堂。僧問。和尙。未見磬山時。如何。師曰。盃盃口向天。曰。見後如何。師曰。拄杖頭卓地。曰。見與未見。又如何。師曰。細腰鼓子兩頭打。曰。和尙。今日住淨雲。如何。酬答。師曰。別置一問來。乃曰。一大藏教。是用不盡底。故紙千七百則。祖意總是引蔓牽枝。伶俐漢。不向者裡著脚。直得清風。而雨膏雨濛濛。吹太虛爲一漚。捏沙界爲一隻眼。諸人在裡。許作甚麼。喝一喝曰。空生不解。巖中坐惹得。天花動地來。上堂。熊耳峰前。常面壁。無位真人。乾矢橛。德山臨濟。太無端。棒頭有眼。明如日。暮拈拄杖曰。看看臨濟德山來也。卓拄杖曰。臨濟德山。被淨雲拄杖一卓。直得懨懨而退。達磨大師在背後。欸欸道。官不容針。私通車馬。時如何。復卓拄杖下座。上堂。柳眼舒桃臉。笑春風。吹落花多少。若是知音。便轉身。雲門扇子忽踣跳。驚起枝頭百舌鳥。聲聲報道。不如歸去好。擲拄杖。元霄上堂。卓拄杖曰。過去燈明佛。本光瑞如是。又卓一下曰。未來燈明佛。本光瑞

如是復卓一下曰現在燈明佛本光瑞如是良久顧左右曰癡人面前不得說夢便下座。上堂一人向千峰頂上築著磕著無處躲避一人在十字街頭橫眠倒臥無出身路識得二人落處便知龐公問馬祖曰不與萬法爲侶者是甚麼人祖曰待汝一口吸盡西江水卽向汝道公乃契入也是惡水驀頭澆者裡說甚菩提涅槃真如解脫二十五有一十八界淨盡滌除會則金毛師子變作狗不會踢出楊岐三脚驢參。上堂若見諸相非相卽見如來豎起拂子曰者是諸相如何是非相復豎起拳曰者是非相如何是如來拍禪牀曰相識滿天下知心能幾人。上堂三界無安猶如火宅衆苦充滿甚可怖畏歸宗斬却活蛇丹霞燒却木佛普化踢倒飯牀安國擊破竈墮且道怖畏也無黃鸝上樹一枝花白鷺下田千點雪擊拂子下座。上堂僧問多子塔前共談何事師曰六耳不同謀乃曰石虎山巔吼泥牛海底行不知何所以拄杖得人爭卓拄杖曰能縱能奪能殺能活連卓拄杖下座。上堂舉乾峰道舉一不得舉二放過一

著落在第二雲門出衆曰昨日有人從天台來却往徑山去峰召維那曰來日不得普請乾峰曲高和寡若不得雲門幾成狼藉雖然祇如乾峰道來日不得普請意落在甚處會麼夜坐連雲石春栽帶雨松。上堂熏風吹暑氣蒸盎囊高挂碧峻嶒三世諸佛摸索不著歷代祖師失却眼睛無位真人忍俊不禁撫掌大笑且道笑箇甚麼良久曰破木杓。上堂拈拄杖曰摩竭國中親行此令多年滯貨誰酬價熊耳峰前單提向上大似賣狗懸羊頭又何曾舉著者一著子若是特達英靈不妨入滄溟窟攀折驪龍角登巨峰頂捋斷猛虎鬚還有麼有卽出來喫山僧痛棒何也大鵬展翅非凡鳥九萬搏風壁海濤。上堂第一句道得合醬添油第二句道得和鹽賣醋第三句道得蒿湯代茶驀豎拂子曰臨濟大師來也遂震聲一喝僧出師便打僧喝師又打僧又喝師連打趁乃呈拄杖曰今日堯峰性命在諸人手裡諸人性命在堯峰手裡連卓拄杖下座。問如何是大海無魚師曰脚跟下過多少曰如何是大地無草師曰法堂前深

一丈曰如何是大富無糧師曰喫家飯放野屎曰如何是大悟無道師曰莫妄想問明月堂前花開枯木是賓家句主家句師曰石女哭蒼天問如何是秘魔叉師舉數珠曰者是番菩提曰未問已前請師答師和聲便打問亡僧遷化向甚麼處去師曰炎炎三尺火僧曰不會師曰冷冷一堆灰師一日染微恙時山門大興土木徧往觀之旋至法堂鳴鼓集衆敘出世行由即欲趨寂一衆悲戀主事白曰山主他往未歸願和尚稍遲一日師俛首回寢室翌日山主至師復登座陳謝付諸後事畢即於座上說偈而終門弟子營窆塔波於古竹林之後岡

杭州府天目玉林通秀禪師生而穎異童子時出語不凡年十九投磬山苳染受具執事巾餅夜則隨衆坐香一夕未開靜即進方丈山曰今晚香完何早師曰自是我不去坐香也山曰見甚道理不去坐師曰即今亦無不坐山薦拈几上石屋語錄問曰者是甚麼師曰却請和尚道山曰你不道教老僧道師曰情知和尚不敢道山曰石屋錄爲甚不敢道師曰隨他

去也山曰賊誣老僧師者裡透不過直得大淚如雨一晚目不交睫至五鼓山呼曰不用急我爲你舉則古話龐居士初見馬祖便問不與萬法爲侶者是誰祖曰待汝一口吸盡西江水即爲汝道師曰某有一頌山曰汝頌云何師呈頌曰不侶萬法的爲誰誰亦不立始親渠有意馳求轉瞬隔無心識得不相違山曰不問你不侶萬法要你曾一口吸盡師於言下大徹拂袖便出山後凡有徵詰師皆當機不讓山深肯有再來之稱山遷報恩未幾即趨寂師遂繼席焉上堂拈拄杖曰先師和尚今日在山僧拄杖頭上示現全身舉揚大法還有共見共聞底出來互相激揚僧出師便打又僧問臨濟照用師卓拄杖曰喚作拄杖子又是先和尚喚作先和尚又是拄杖子汝作麼生分析僧喝師便打僧又喝師直打出法堂問如何是奪人不奪境師曰洪武門前紅檔中如何是奪境不奪人師曰踢破鴻門樊噲怒如何是人境兩俱奪師曰推倒須彌山捏殺恒沙佛如何是人境俱不奪師曰一花一國土一葉一釋迦僧曰四句已蒙指末

後事如何。師便喝問：「如何是有拄杖子與拄杖子？師曰：別人爭不得，如何是無拄杖子？」奪拄杖子。師曰：「你儂怪不得，乃植杖顧衆曰：有人代得一轉語麼？」衆無語。師擲杖曰：「報恩今日失利，便下座。」上堂。舉僧問雲門大師：「如何是諸佛出身處？」門曰：「東山水上行。」又有問龍池幻師翁：「如何是諸佛出身處？」翁曰：「西河火裡坐。」報恩則不然。今日若有問：「如何是諸佛出身處？」但問道：「我是蓉城楊四郎。」上堂。報恩新長老今年纔廿四，黃面老瞿曇是吾最小子。古往今來多少居曲柔牀的大善知識，凡於四月八日播弄瞿曇小老的矢臭氣，有分還曾夢見瞿曇的師麼？向者裡縈素得不虛親到報恩，若縈素不得，直饒親到報恩，未免對面白雲萬里，驀喝一喝下座。」上堂。師拈拄杖曰：「奇特因緣，須奇特人拈出。」驚群句子於驚群處舉揚。今日既遇奇特人，且道驚群句作麼生舉？驚召衆曰：吳中石佛大。上堂。舉高峰大師上堂曰：「喫粥了也，洗盂盂去。」矢上加尖一場敗露。西峰今日忍俊不禁，却要向驚鷺腿上割股良久曰：「便恁麼去咄哉。」箇老

漢一生盲修瞎鍊，師資未盡其妙，大法終未明。在召衆曰：「要會洗盂盂話麼？」腦後見魄，莫與往來。」上堂。維那白：「椎竟師。」驀喝一喝下座。」上堂。拈拄杖曰：「先聖道有時奪人不奪境，有時奪境不奪人。有時人境兩俱奪，有時人境俱不奪。」高聲召衆曰：「是甚麼所在？」驀擲拄杖下座。」上堂。僧問世尊觀明星悟箇甚麼。師曰：「狗咬枯骨。」乃高聲召衆曰：「能仁是汝之奴。」大雪設禹門幻老和尚供師翁面目，雪滿千山。先師儀表春回大地，春回大地也。雪滿千山，非當年久侍者不知。雪滿千山也。春回大地三十年後，有人共見。今日某孫應時獻一杯茗，罪過彌天，何故不合當面觸犯。」示衆。舉翠巖真禪師上堂曰：「臨陣抗敵不懼生死者，將軍之勇也；入山不懼虎兇者，獵人之勇也；入水不懼蛟龍者，漁人之勇也；作麼生是衲子之勇？」拈拄杖曰：「者箇是拄杖子，拈得把得，動得三千大千世界，一時搖動，若拈不得，把不得，動不得，文殊自文殊，解脫自解脫，參翠巖老人，恁麼舉揚，雖然竭力提撕，未免傷神費氣。報恩則不然，坐致太平者，仁王之大。」

勇也。道高虎伏。德重龍馴。者至人之大勇也。袖手凭几。曰。衲僧之大勇。又作麼生。竹戶松龕。濃睡穩。花開花落。聽東風。示衆。驀踢出一鞦。曰。諸人向者。裡道一句。看一僧。曰。某甲雖與人合席。不與人同被。師便喝。良久。顧左右。曰。只者一句人也。難道便拽杖歸方丈。示衆。透脫末後。牢關雲菴。正罵洞達。歷祖綱宗。妙喜猶呵。汝等諸人。趣向者。箇法門。大須仔細。前溪水急。魚行。澀後嶺風高。鳥宿難。示衆。有一無手阿師。握天目山。來報恩禪堂。把高峰中峰。斷崖三大老。靈骨捏得粉碎。撒滿在諸人眉毛鼻孔上。汝等諸人。爲甚。晚晚坐香。盡皆開眼。瞋睡不瞋睡。底道將一句來。示衆。舉德山因一僧相看。乃近前作相撲勢。山曰。與麼無禮。合喫山僧手中棒。僧拂袖便行。山曰。直饒如是。也只得一半。僧轉身便喝。山打曰。須是我打你。始得。僧曰。諸方有明眼人在。山曰。天然有眼。僧劈開眼。曰。猫便出山。曰。黃河三千年一度清。人聞德山入門。便棒。將謂舉鼎拔山。氣吞寰宇。誰知揖讓升降。折旋中禮。有如此夫。僉云。待其作相撲勢時。便與劈。

脊棒出。令其別轉機謀。是則固是。若只與麼安得。不今暴虎憑河者。狐假熊威。語云。臨事而懼。好謀而威。德山之謂與。晚參。老窓敗屋。紙帳青燈。此中有人。得些子意味。否。夜來風色。峭釀雪已三分。禮塔歸晚。參若人識得。心大地無寸土。天目代出。明心見性。祖師因甚。却有許多奇松怪石。衆良久。師以禪版拍案。曰。人歸大國。方知貴水到瀟湘。一樣清。晚參。山僧說得一篇佛法。懸在雨華橋上。大衆各去看取。良久。曰。伯樂曾三顧。千金誰解增。贈君君不納。完壁倚枯藤。早參拈拂子曰。擁門黃葉深三尺。冰齒寒泉懸萬尋。禁得苦寒忘。閒寂梅開不待嶺頭春。隨聲擊拂子。喝一喝。婆子燒菴。頌谿頭逐日飯。王孫臨岐咄。咄。好生驚白眼。阿婆能將將來。路桃花風雨聲。師於世祖章皇帝時。兩召內廷。問道。錫大覺普濟禪師封號。紫衣金印。而玉林則叢林中法號也。開堂說法。四十年乙卯秋。遊五臺。途次示疾。說偈而終。春秋六十有二。僧臘四十有三。門人迎歸。全身塔於潛陽天目山之東塢。與高峰中峰兩祖塔相望焉。

杭州府南澗理宗箸菴問禪師生緣吳江世居荊溪父羨長俞處士晚憂無子建百日無遮大會應禱而生少游藝林究心理學偶過山寺閱楞嚴經至此身及心外泊虛空山河大地咸是妙明真性中物有所觸發走謁磬山示以父母未生前話後因婚事苦逼遂宵遁至武林投法雨大師落髮旋歸磬山晨參暮扣一夕聞大風迸崖而悟有偈曰千玄萬妙隔重重箇裡無私總不容一種沒絃琴上曲寒巖吹落五更風山曰玄妙即不問如何是不隔底句師擬對山便打又服勤數載洞徹大法山證以偈有他年起我臨濟宗殺活縱橫開天目之句後因受業順世武林紳衿請回南澗爲開法第一世焉司理黃元公問和尚幾時到者裡師曰臘月二十日曾在那裡會過師曰忘却了那日在磬山在報恩師曰當面錯過茶次公問如何是下載清風師曰知音者少曰非師不委師曰且請茶曰作家師曰逢人切忌錯舉徑山雪嶠大師至見曰你是那邊爲甚又在者邊師曰一點水墨兩成龍雪曰未會與雲布霧在師曰今日且放

過雪曰我只教人誦金剛經師曰多少人錯會大師意雪曰直饒不錯會大遠在師曰莫瞞人好至山門前見狗子吠雪曰者無佛性東西師曰却搔著大師癢處雪乃呵呵大笑師亦大笑而別僧問如何是奪人不奪境師曰藏盡楚天月猶存漢地星如何是奪境不奪人師曰花落亂流稀村翁坐遲暮如何是人境兩俱奪師曰干戈既息狼煙掃誰唱江南折柳詞如何是人境俱不奪師曰拍手向君開笑臉大家齊上木蘭舟問一貧赤骨時如何師曰有件破褸頭要便與你僧擬議師曰穿不著問大悲千手眼那隻是正眼師曰急水灘頭下釣絲問如何是西來意師曰破木杓僧問一口氣不來向甚處安身立命師曰鑊湯爐炭僧問措師曰你害怕又僧問若人欲議佛境界當淨其意如虛空如何是佛境界師曰爐炭鑊湯僧低頭師曰你却著羞問興化打克賓意旨如何師曰金將火試曰既罰錢因甚又趨出師曰龍門無宿客結夏上堂盡十方世界是衲僧行履處盡十方世界是衲僧安身處檢點將來隔三千

里萬機寢削一句孤危峻峭絕承當淨裸裸沒可把於諸人分上猶問一線道須是箇中人方明箇中事。驀拈拄杖曰。看看釋迦老子在山僧拄杖頭上現大威光。道天。上天下。惟我獨尊。復有雲門大師忍俊不禁。直下打殺與狗子喫。貴圖天下太平。以拄杖畫一畫曰。總被山僧一線穿。却不容絲毫走作。若有人知得落處。朝打三千暮打八百。若也不知釋迦老子向諸人脚跟下過去了也。喝一喝。卓拄杖。上堂舉臨濟大師曰。我有時奪人不奪境。有時奪境不奪人。有時人境兩俱奪。有時人境俱不奪。和泥合水。屈曲垂慈。立境立人有奪。有縱。臨濟大師嚼飯餵嬰兒。卽得若道激揚向上宗乘。直是未有時。有僧問。爲甚臨濟大師道奪人不奪境。師曰。不斬蕭何。令不行爲甚。奪境不奪人。師曰。築壇拜相。爲甚人境兩俱奪。師曰。王令森嚴。諸侯避道。爲甚人境俱不奪。師曰。四海五湖逢化日。何人不唱凱歌。回僧曰。既然如是。和尚適來恁麼拈提。莫不辜負臨濟大師麼。師曰。却是你辜負僧擬議。師便打。復召衆曰。還有救得者。僧者麼。衆

無語。師擲拄杖下座。祈雨上堂。師拈拄杖曰。萬里無片雲。青天也須喫棒。以杖指曰。那邊雲生也。驀擲下曰。一雨普滋。上堂。僧問。昔年此日。去今已屆。周末審先。竹林卽今向甚處出沒。師曰。在鼻孔裡。曰。八面玲瓏。底因甚。借他鼻孔出氣。師曰。你作他兒孫未得。在曰。今日營齋。還來受供也。無師曰。待你道得。卽來。乃曰。我與竹林同條生。不與竹林同條死。同條生。易不同條死。難不同條死。易同條死。難同條死。千人萬人一時活。却不同條死。千人萬人一時死。却死却活。底活却死。底時如何。落花臺上重鋪錦。瑪瑙塔前布赤砂。喝一喝。上堂。咬破鐵酸餛。百味具足。跳得金剛圈。吞得栗棘蓬。方能事事無礙。水稜上行。劍刃上走也。祇是衲僧尋常游戲。設若己眼未開。大法未明。底豎拂子曰。只者箇。奈何他不得。青黃不辨菽麥。不分魔說。瞎說。盈衢載道。你還知祖師門下底劍麼。擲拂子曰。誰敢正眼覷著。金山入院上堂。指法座曰。須彌寶座。高廣無量。無邊由旬。拄杖子亦高廣無量。無邊由旬。且道向甚麼處著。足一聲霹靂風

雲起便墮拈香白椎竟師曰一椎擊碎是第二義未舉一椎是第三義若是第一義佛祖難窺人天罔測具眼衲僧出衆相見僧問昔日善財多德雲七日不見意旨如何師曰坐斷天下人舌頭曰七日後從別峰相見又作麼生師曰金不博金曰恁麼則昔日德雲今朝和尚師曰掣開金殿鎖撞動玉樓鐘曰即今建立法幢又將何法接人師曰劄問闡揚古佛家風決斷現成公案如何是古佛家風師曰郭璞墓前江水黑曰龍吟霧起虎嘯風生去也師曰看脚下曰忽遇傾湫倒嶽時如何師曰放汝三十棒乃曰神龍窟宅古佛名藍我二十世圓悟禪師重開正覺之場十八高人打失鼻孔眼睛一回徹證之地洵江南之巨剎誠衲子之寶坊不勞彈指樓閣門開無所希求風雲際合據此位者顯示不言正令導此機者激揚向上宗乘明如日皎若太虛一語歸宗千差坐斷迴千百年既倒之瀾挽今時世已墜之轍直得臨濟有喝倒退三千德山有棒未敢動著抹過建化門裂破圓圖句風高浪涌水沸波騰正當恁麼時且妙高已

到寶所親登剎影高揚誰遭毒手劈開華嶽連天色放出鯨濤動地雷卓拄杖下座 謙侍者供法衣上堂披如來衣坐如來座行如來事三脚蝦蟆著錦襦風吹不動塔前樹馬祖扭鼻野鴨子沒處去百丈捲席大用現前不存規矩堪竺南陽老國師負汝負吾成指注點即到到即到不點三十年後莫道金山者爲有屈無叫處 上堂靈雲見桃華香嚴聞擊竹摧落萬仞坑向那裡撈摸從緣入者永無退失聽事不眞喚鐘作甕立沙道諦當甚諦當敢保未徹在醉我落花天借他絃管裡檢點將來者一隊漢總出金山圍續不得若出得未具參方眼在拍禪牀下座 謝兩序上堂著草鞋住院負榜棹爲人動若行雲止若谷神初無心於彼此豈有意於去來所以綱宗在握賞罰惟公正令當行進退有序其進也高山可仰其退也湛水長閒若有一絲毫情存繫戀便屬泥犁渣滓金剛圈栗棘蓬吞得跳得須是其人且開先啓後果滿功圓一句作麼生道橫擔柳栗千峰上已有人提折脚鐺 住磬山上堂四十九年全成露布末後

一句曳尾靈龜。西天四七東土三三總是接響承虛。據實而論諸佛諸祖無出頭分自古至今無語話分。翻轉劫初田地撥開向上宗猷突出頂額一機顯示。金剛正眼臨濟三玄三要消一剎洞山五位君臣。不直一唾迴真風於既墜續慧命於將殘還他實地。行來自然有本可據拈起也。剗斷天下人命根放下也。板轉衲僧鼻孔鯨伊牙如劍樹口似血盆底到來也。須讓他一頭地何故綱宗在握寶劍橫揮正印全提十方坐斷莫有同明大機同徹大用爲先師吐氣者麼。燕擲拄杖曰三十年後上堂僧問曉樹穿雲碧寒泉弄月明此是尋常境如何是磬山境師曰切忌道著曰耳傾四大海眼著五須彌此是等閒人如何是磬山人師曰高著眼曰當臺一鑑明如日鐵額銅頭也皺眉師便喝乃曰雨洗巖花白煙籠嶽色寒乍歸雲滿室莫作等閒看人與境會理得事彰明明一段風光灼灼不從他得既不從他得有眼共見有耳共聞若道聞底便是孤負你生來眼若道見底便是孤負你生來耳既不孤負雲門放洞山三頓棒合

作麼生商量莫把是非來入耳從前知己反爲響拽拄杖下座到龍池上堂昔年未見師翁面問上座却被師翁絆入葛藤窠裡沒頭沒腦及乎親見師翁後師翁却被問上座絆入葛藤窠裡沒頭沒腦者段公案正要向明眼人前判斷今日既到師翁法窟承堂頭和尚爲衆推出登師翁堂踞師翁座上座豈敢掩耳偷鈴請諸仁者爲問上座判斷看若判斷得諸仁者合喫問上座三十棒若判斷不得問上座合喫我堂頭和尚三十棒者兩頓棒有一頓棒堪與佛祖爲師有一頓棒堪與人天爲師若也不甘自救不了卓拄杖下座上堂有漏無漏箭筈木杓小乘大乘錢貫井索一不成單二不成兩明眼衲僧作何伎倆磬山門下論實不論虛爭不足讓有餘踢出楊岐三脚驢小參一僧自呈會得臺山婆子薦直話師曰你作麼生會僧轉身便行師曰祇如道好箇師僧又恁麼去響僧曰豈有第二箇師曰趙州勘破響僧無語師呵呵大笑召僧近前曰我會臺山婆子薦直話與你迥別你轉身便行我只坐了要與婆子相見

婆子道好箇師僧又恁麼去趙州道勘破總出我者裡不得你還會麼僧復無語師又大笑曰我一發再與你說破你便是者僧我便是婆子拈起竹筴曰者箇便是趙州你作麼生會我不妨再與你說你轉身便行豈不與者僧一般我不肯你豈不是婆子道好箇師僧又恁麼去一般只是趙州勘破竹筴子却不肯與你說一僧曰料和尚說不出師擲下竹筴時珍侍者在傍有省呈頌師曰頌且置那裡是趙州勘破處珍曰者老賊師便打珍作禮曰勘破了也師復大笑歸方丈小參舉昔有一院主忽見鬼使來追主曰某身爲主事未暇修行乞容七日得否使云待回白王若九七日後來不允須臾立至果七日後覓其僧了不可得者僧遠得箇隱身符子如羚羊挂角杳無蹤跡可尋何異高峰大師道大海無魚大地無草大富無糧大悟無道到者田地也不易搆得若到磬山門下正好買草鞋行脚何故諸人要在山僧者裡作主事須是將閻羅老子捺在掌心鬼使縛在脚尖上要你上天使上天要你入地便入地任他追逐過

百千萬億不可說不可說恒河沙國土經歷百千萬億不可說不可說無量阿僧祇劫登劍樹刀山入鑊湯爐炭永不退失方許入磬山室與古人吐口毒氣衆中莫有恁麼人麼若有臨濟一燈未致寂寥在洗院主問如何是大海無魚師曰負命者上釣來恁麼則擎頭戴角去也師曰與你三十棒如何是大地無草師曰前不構村後不迭店洗曰含元殿裡說甚長安師曰爭奈罕遇其人如何是大富無糧師曰少甚麼洗曰恁麼則不勞拈出師曰刺飯汝眼如何是大悟無道師曰迅雷不及掩耳洗禮拜師曰腦後見腮莫與往來師一日閱雪竇錄至寶與數僧遊山次見牯牛舉頭竇問牯牛舉頭作甚麼令衆下語院主曰侍者將束草來師不肯衆問師師曰是伊喫飽首座曰行豈亦有一語師曰你作麼生座曰他却識人師爲撫掌順治乙未秋師謝絕雲水一棹夷猶至九月廿三日上報恩掃塔預別玉林和尚交磬山院事廿七日舟次南潯辭謝諸檀護暮宿應天寺寺卽范蠡宅命侍者灑掃一室沐浴淨髮更衣跌坐怡

然而逝門弟子扶龕歸澗茶毗入塔遵遺命也有五
會語錄十二卷續燈二十卷並行於世

衡州府南嶽山茨通際禪師初參天童於金粟問客
散堂空時如何童曰是甚麼時節師便喝童便打師
又喝童又打師禮拜曰今日起動和尚後參磬山一
見契合一日侍次山問只如百丈於馬祖喝下得箇
甚麼師曰若有得卽鈍罵馬祖山曰他道三日耳驪
驪師曰某不可更作野狐見解山休去又一日山舉
巖頭四藏鋒句問如何是就理藏鋒師曰梁皇殿上
道不識如何是就事藏鋒師曰今朝雨落塔前溼如
何是理事俱藏鋒師曰行不出戶坐不常堂如何是
俱不涉理事藏鋒師曰八角磨盤空裡走山曰此四
轉語可紹先覺雖然也是搯七搭八住東明掃毘
祖塔拈香曰者老漢二百年來在此藏身人天罔知
佛祖難近今日脚下兒孫到來親遭勘破且道以何
爲驗顧左右插香示衆古人道恁麼也不得不恁
麼也不得恁麼不恁麼總不得諸兄弟畢竟作麼生
卽得良久曰簷前滴瀝非關雨溪澗奔雷不是聲

示衆舉僧問雲門和尚如何是雲門一曲門曰臘月
二十五臘月二十五今日爲君舉著意會應難盡田
射石虎示衆本是无羈身偶向煙霞宿暑寒已七
過刀耕種深谷帶水復拖泥衲破通身目無法向人
前一任東西卜元同嶺上雲無心去來逐大衆既無
心去來且出門一句作麼生道曳拄杖曰不涉程途
句灼然草鞋步步踏苔綠住長沙南源示衆舉楊
岐會禪師曰薄福住楊岐年來氣力衰寒周凋收葉
猶喜故人歸囉囉哩拈上死柴頭且向無煙火門庭
冷峻語脉藏鋒此我遠祖楊岐和尚荷擔法道綱維
叢社之典型山僧妄爲後裔亦有一頌薄福住南源
霜風茅屋寒擁衲爐頭坐灰形似懶殘赤骨體不相
瞞煩汝諸人掃黃葉千峰月上煮水團示衆舉一
不得舉二白雲萬里放過一著落在第二白雲萬里
昨日有人從天台來今朝却往徑山去白雲萬里維
那明日不得普請白雲萬里有人向四箇白雲萬里
處薦得管取一生參學事畢示衆舉趙州勘臺山
婆子因緣高峰曰檢點將來正是婆子勘破趙州畢

竟以何爲驗。以手指曰：「薦直去高峰。」老人恁麼批判。未免見處偏枯。山僧則不然。婆子趙州只具一隻眼。師同爾瞻園爐次。舉僧問夾山撥塵見佛時如何。山曰：「直須揮劍若不揮劍。漁父棲巢汝作麼生會。」曰：「太費力。」生曰：「是夾山費力者。」僧費力。瞻曰：「任師分別。」師曰：「情知汝會者話不得。」瞻起身便行。玄慈省覲至門首。敲門。師曰：「誰。」慈曰：「問路底。」師開門曰：「錯走了也。」慈進前擬掌。師曰：「噤。」師問且菴先聖教人參活句。莫參死句。如何。是活句。菴舉茶壺曰：「不可喚作茶壺。」師曰：「猶是死句。」在菴擲茶壺使出。師舉女子出定。頌曰：「積翠煙濃撥不開。三三兩兩畫樓臺。不知已洩春多少。猶向杜鵑啼處猜。」文殊三處度夏。頌一箇文殊尚不容。那堪千萬面相同。當時擲下金鎚。看縱使瞿曇也不中。殃崛救產難。頌故園花不開。躊躇凭闌立。多少守花人。言藉春風力。師開法杭之東。明因事卽棄去。縑素遮留不住。竟登匡廬。歷衡嶽。遂結茆。繼隱絲蘿。有年後。避亂長沙。南源未幾。遷化。楚中法道湮沒數百禩。賴師重振焉。

陽山松際通授禪師久依磬山。一日聞畫眉鳥聲。有省。卽見山。山豎拳曰：「道道。」師曰：「版鳴也。」請和尚赴堂。山頷之後。結茆陽山。僧問南山白額虎。驀面相逢時如何。師曰：「作馬騎。」曰：「倘不馴時如何。」師便打。僧禮拜。師曰：「馴也。」問如何。是末後句。師曰：「且待來年。」未幾疾作。忽自起沐浴更衣。跌坐書偈曰：「昔年五十知非子。年五十知止。莫云日出事。生須信分明直指。」遂擲筆而逝。

普明妙用禪師法嗣

建寧府紫雲峯衡石悟鈞禪師。錢塘潘氏子。幼而穎悟。慧性不凡。總角時。矢志出塵。二十受具。卽徧歷諸方。雖有所契。終不自諾。復謁佛日。方深得洞上微旨。佛日與鴛湖友善。鴛晚年多疾。以不得其嗣爲已憂。佛日效道。吾與夾山故事。遂指師參。鴛湖於普明洞徹圓常。一日鴛問化人問幻士谷響答泉聲。欲識吾宗旨。泥牛水上行。意旨如何。師曰：「夢眼見空花。」鴛曰：「臨濟有一句子。你又作麼生。」師便喝。鴛便打。師又喝。鴛又打。師禮拜。鴛曰：「元來是瞎驢。」師拂袖使出。鴛命

掌院事 崇禎辛巳開法雲峯上堂僧問昔日無趣

老人今朝衡石和尚如何是源遠流長古今不異師
曰開池見明月揮塵動清風曰雲峯一滴水大地盡
承恩師曰會取未來的乃曰雲生寶樹風敲翠竹勘
破鷄鳴偏地塗毒者是無趣老人的落處卽今還有
知落處的麼有卽出來通箇消息良久擊拂子下座
順治乙酉間隆武仰師道風詔至內掖詳問法要師
以本色奏對隆大悅賜紫並號及追諡爲湖廣覺大
師塔曰妙莊嚴丙戌四月初四日示寂世壽三十四
僧臘一十五有演義答響等錄十五卷行世

嘉興府金明介菴悟進禪師字覺先姓張本郡人母
賀氏夢日輪入懷而誕幼不從兒嬉喜遊寺院見佛
像則依依不忍去及冠習舉子業常繙內典志慕禪
宗禮龍池微禪師祝髮因病臥聞匠斧斫大木聲有
省參鸞湖纔跨門駕云是甚麼師擬對鸞震威一喝
師豁然契悟乃掩耳而出一日駕欠安師侍次駕命
茶問曰汝字覺先喚甚麼作先師曰喜今日得自在
駕曰如何是覺後師曰請和尚尊重駕曰汝還分得

先後麼師良久駕便喝師曰只管喫茶駕曰如何是
喫茶的事師曰柿棗腐乾都在者裏駕曰意作麼生
師曰一口吞盡駕曰是甚麼滋味師曰甜者甜鹹者
鹹駕曰未在這道師禮拜曰謝茶駕肯而印之崇禎
癸未出住徑山遷餘杭廣福武康天池鐘溪太平尋
主金明 結制上堂問堯天舜日野老謳歌諸護臨
筵欣聞法要師曰天長地久曰一句語中含日月片
言自此振宗風師曰却被上座道著乃曰今日諸方
結制未免攢花簇錦巧妙尖新縵天布網打鳳羅龍
底句子賺誤於人徑山別資一路爲汝諸人鉗口結
舌冷愀愀去寒巖枯木去一念萬年去任他機似鐵
牛句如電閃管取崖州萬里 上堂今朝又是五月
五大鬼拍手小鬼舞驀然撞著桃符神雙手搥胸叫
冤苦大慧老人恁麼道恰似官債未了被鉤人一撈
神頭鬼面一齊現出太平與你些子禁方卓拄杖曰
今朝正值五月五不用雄黃並艾虎理能伏豹澤藏
山雲散青天日卓午復卓一卓 上堂婆婆世界以
音聲爲佛事香積世界以香飯爲佛事金明者裏以

破院爲佛事。還見麼。破禪堂。灰頭土面。破佛殿。馬額驢腮。破山門。擎拳持杵。破佛閣。待月眠雲。破鐘樓。知音者少。令一隊破衲僧。居此以破破不破。破破不破。不破不破。底運用無窮。直教七通八達。若是超宗異目。向者裏輕輕拶著。拍拍相應。呼之以牛。自能拖犁拽耙。喚之以馬。便以銜鐵負鞍。山僧只得另眼相看。將破破底相待。衆中有斫不開劈不破底麼。出來金明與你破破去也。良久。以拄杖旋風打散。歸方丈。

上堂。問。按倚天長劍。奮踞地獅威。學人上來請師一句。師便喝。僧曰。者是方便門頭句。如何。是正令全提。句。師又喝。僧擬進語。師便打。乃舉白雲端曰。若端的得一回汗出。便向一莖草上。現瓊樓玉殿。若未端的得一回汗出。縱有瓊樓玉殿。被一莖草蓋却。師曰。白雲不是好心。金明者裏。向不與人枷鎖。你諸人端的得一回汗出。頭頭玉殿。處處瓊樓。端的一回汗不出。頭頭總玉殿。處處亦瓊樓。還知落處麼。甜瓜徹蒂甜。苦瓠連根苦。示衆。東熱。關西熱。關忙。業識不知。老苦他烈。燄熾炎。獨我陶朱。靜悄悄。夏蟲若解識。

寒水鐵牛。決不被蚊蛟。忽被咬。驚起楊岐三脚驢。百億須彌都踏倒。僧參師曰。你是高峯僧。那日是師。曰。既是高峯僧。因甚在我脚下。僧無語。師便打出。管垂三問。勘驗學者。一曰。既是天封室。理應絕此絕彼。爲甚有迎有送。獅子窟中。因甚有狗。范蠡越國大夫。因甚居吳地。康熙癸丑九月二十三日。沐浴更衣。書偈辭衆而逝。世壽六十有二。僧臘三十有七。茶毗骨白如玉。牙齒不壞。骨塔於隱川大慈菴。齒塔於楚黃石門之黃荊。

嘉興府永正寺一初悟元禪師。姓曹。郡之當湖。人生而岐嶷。端敏。喜跌坐。十歲乞父教佛。經能解妙義。十五卽參究宗。乘二十。豁然大悟。禮興善弘遠。爲師參普明。執侍久之。明一日問我心裏不安。你還得太平也。未師曰。蒼天蒼天。又一日入室。明豎拳曰。道一句看。師便掌。明大笑。師禮拜。於是機契返興。善掩關。十有餘載。順治辛卯。出住永正上堂。花笑春風。格外真規。願現漁歌曲。水就中消息。全彰向上拈提。不礙通人唱和。隨宜施設。何妨達者商量。寒時添裨。熱則披。

襟休云覓火和烟得饑來喫飯倦即打眠莫道擔泉帶月歸握一拳大千香水海攝盡無餘舒一掌百億須彌盧拈來有據所以道大人得大機大智得大用設或情塵未脫翳眼猶存示衆以拄杖卓一下云道得也被他穿却鼻孔道不得也被他穿却鼻孔時有僧問道不得穿却鼻孔即且止道得因甚也穿却鼻孔師擲拄杖便歸方丈舉六祖曰我有一物無頭無尾無名無字無背無面諸人還識麼時荷澤會出衆曰是諸法之本源乃神會之佛性頌曰橫將玉笛遡風吹不犯宮商調自奇最惜能邀仙子曲被人喚作鷓鴣辭僧參舉雪峯淘米話未了師劈頭打云殘羹餽飯不勞拈出僧罔措師云學語之流直打出康熙戊午五月十九日東通諸檀咸集畢師合掌敘別而逝壽六十四臘四十二塔於丈室

續燈正統卷三十四

續燈正統卷三十五

南海普陀嗣祖沙門西蜀 性統 編集

曹洞宗

大鑑下第十六世

天童玉禪師法嗣

寧波府雪竇足菴智鑒禪師潞之全椒吳氏子兒時喜讀佛書一日母與洗手瘍戲問是甚麼師曰佛手耳視母爲大笑俄失二親走眞州依長蘆了剃染參究厲清脇不至席者數年時大休玉典第一座目師爲法器具戒後入象山之鄭行山縛菴而居山當海岸多妖怪有巨蟒入菴矯首怒視越數日復旋繞於牀師不顧蟒爲引去變怪百出皆不可惑徐亦帖然一夕深定中自念此豈外物耶遂豁然大悟身心世界洞如瑠璃乃下山見延壽然曰日來肚大無物可餐菴小無牀可臥若能與食展菴則住否則去然曰者漢從甚處見鬼見神來者裡納敗師便喝於是反覆徵詰不能屈然乃曰鑒公徹人也復走見大休於嶽林機辯逸出休曰今後佛祖不奈爾何矣因令爲

衆行丐師荷二囊隨得即受備歷艱勤翠山宗白頭謂師曰爲衆竭力得無勞耶師曰須知有不勞者曰尊貴位中收不得時如何師曰觸處相逢不相識曰者猶是途中賓主如何是主中主師曰丙丁吹滅火宗以手掩師口師拂袖而退宗遷雪竇挽師偕行時法堂新飭命師普說宗竊聽之歎曰吾生有耳未嘗聞也出世繼其席上堂世尊有密語迦葉不覆藏一夜落花雨滿城流水香凡六坐道場皆王公大人推引紹熙辛亥謝事退居雪竇之東菴明年七月示恙誠衆曰吾行矣送終須務簡約勿素服哀慟言訖而逝閱世八十有八夏五十三塔全身于本山之左有藏其鬚髮者纒纒皆獲舍利道聲震海內而跡曾不越四明故自號足菴

雪竇宗禪師法嗣

揚州府泰州廣福微菴道勤禪師本郡俞氏子上堂舉僧問同安如何是和尙家風同安曰金鷄抱子歸霄漢玉兔懷胎入紫微曰忽遇客來將何祇待同安曰金果早朝猿摘去玉華晚後鳳銜來師曰廣福即

不然有問如何是和尙家風祇向他道翠竹叢邊歌歎乃碧巖深處臥煙蘿忽遇客來將何祇待沒底籃兒盛皓月無心盤子貯清風

善權智禪師法嗣

紹興府超化藻禪師開爐上堂雪滿寒窓燒盡丹霞木佛冰交野渡凍殺陝府鐵牛直得寒灰發鱗片雪不留任運縱橫現成受用諸禪德要會麼衲帔蒙頭坐冷煖了無知

淨慈暉禪師法嗣

常州府華藏明極慧祚禪師晚參舉洞山冬至夜請泰首座喫菓子山曰有一物上拄天下拄地黑似漆常在動用中動用中收不得且道過在甚麼處泰曰過在動用中山喚侍者撥退菓桌師頌曰洞山菓子誰無分撥退臺盤妙轉機今夜爲君輕點破牡丹花下睡貓兒

大鑑下第十七世

雪竇鑑禪師法嗣

寧波府天童長翁如淨禪師生而岐嶷不類常童長

學出世法參足菴於雪竇菴令看庭前栢樹子話有省呈頌曰西來祖意庭前栢鼻孔寥寥對眼睛落地枯枝纔踣跳松蘿亮亮笑掀騰菴領之後出世屢遷名利住淨慈時奉敕陞天童捧敕黃示衆曰雲開九天呈起日看彩鳳銜出且道如何委悉急急如律令敕開爐上堂召衆打圓相曰箇是天童火爐近前則燒殺退後則凍殺忽有箇漢出來道合作麼生固火爐動也上堂霜風號肅殺木葉墮蕭颯舉拂子曰看惟有玲瓏巖崔嵬望轉高所謂天童滯貨今朝短販一遭莫有酬價底麼下座巡堂上堂外不放入內不放出痛下一槌萬事了畢且道如何太白峰前令斬新內外紀綱俱委悉謝新舊兩班上堂開無間地獄現閻羅大王聚夜叉一部列牛頭兩行與其進者劍樹上猛火進用與其退者刀山裡寒水退藏且道理會甚事耐耐飯飽弄飭判斷矢急尿牀其或未然花柳春風入戲場上堂天童鐵鼻老拳頭打殺江湖水牯牛夜深忽然生箇天明推出大日頭且道如何晒眼諸人悉溼處免教行步滑如油

完橋上堂去那邊去來者裡來中間絕壑斷崖且道如何相委以拂子作彎橋勢曰看依稀金磴澗彷彿彩虹彎人從橋上過又作麼生松蘿影裡開天巧翰墨光中入畫看上堂靈雲見處桃花開天童見處桃花落桃花開春風催桃花落春風惡靈雲且置莫有與天童相見者麼春風惡桃花躍浪生頭角新起妙嚴閣慶懺陞座推倒多年老鼠窠掃空平地笑呵呵稜嶮稜嶮插雲表萬億斯年蓋覆多大衆見麼今朝成就大緣千古發揮大事且道如何卓拄杖曰祈願任他門外客到家還我箇中人復學文殊問無著近離甚處曰南方殊曰南方佛法如何主持曰末法比丘少奉戒律殊曰多少衆曰或三百或五百師曰春風釣引鷓鴣啼曰此間佛法如何主持殊曰凡聖同居龍蛇混雜曰多少衆殊曰前三三後三三師曰平地波瀾駕鐵船天童者兩轉語僅與諸方眉毛厮結更有兩轉語要爲諸方點眼或三百或五百銅錢鐵錢省數足陌前三三後三三蘿蔔芋芋淺貯滿擔諸方忽然眼開決定拍手大笑且道笑箇甚麼不

笑巴又便笑杜撰雖然笑者還稀或有人問天童多
少衆便向道新起妙嚴誇第一團團都在畫圖中
上堂陸修靜陶淵明文殊普賢作圓相曰咦一欸具
呈且道憑誰批判若是孔夫子吾無隱乎爾 舉世
尊初生公案頌曰無憂樹下浴嬰孩清曉薔薇帶露
開轉過衲僧相見處後槽驢馬出胞胎 舉初祖對
武帝不識話頌曰金烏飛上玉欄干黑漆崑崙對面
看畢竟者些傳不得落花流水大無端 舉楊岐栗
棘蓬金剛圈話頌曰肘後驚生閒落索風前忽布開
叉撐那吒八臂空惆悵夜半三更白晝行 師六坐
道場兩奉天旨法道之盛可想見也示寂說偈曰六
十六年罪犯彌天打箇踉蹌跳活陷黃泉門人塔全身
於本山

華藏祥禪師法嗣

寧波府東谷光禪師舉世尊答波斯匿王問勝義諦
中有世俗諦否話頌曰無聽無說意無窮鐵壁銀山
一線通何處是渠真聖諦秋風昨夜到梧桐 舉藥
山指桑山榮枯二樹話頌曰三三兩兩不相同携手

行行入草中撥轉脚跟穿繡履何妨臘月鼓春風
舉船子接夾山至覆船而逝話頌曰藏身處沒踪跡
無影樹頭靈鳥宅沒踪跡處莫藏身不萌枝上春花
拆有來由誰辨的天曉西風拂拂吹松釵一逕爭拋
擲 舉僧問曹山靈衣不掛時如何山曰曹山今日
孝滿曰孝滿後如何山曰曹山好顛酒話頌曰曹山
顛酒有誰諸醉語狂言不自慙夜半日頭當午照騎
半背面著靴衫 舉韶國師問龍牙天不能蓋地不
能載此理如何牙曰道者合如是話頌曰大海心中
沉鐵船隨波逐浪浪滔天順風到岸無人識江北從
來使鐵錢具如聯珠集中

大鑑下第十八世

天童淨禪師法嗣

襄州鹿門覺禪師參長翁值翁上堂曰一箇烏梅似
本形蜘蛛結網打蜻蜓蜻蜓落了兩片翼堪笑烏梅
較鐵釘師在衆中不覺失笑曰早知燈是火飯熟幾
多時後承印可 出住鹿門示衆曰盡大地是學人
一卷經盡乾坤是學人一隻眼以者箇眼讀如是經

千萬億劫常無間斷。報恩秀曰：看讀不易。師嘗作五位頌曰：

正中偏。月黑雲籠午夜天。佛祖無踪。凡聖盡箇中誰辨。往來源偏中正。金井玉盤秋水冷。海天紅日已生東。餘輝不照毗盧頂。正中來戴角披毛。知幾回應物轉身。全得妙雲收。終不露崔嵬。偏中至覲面。誰能容擬。議手提妙印。不當風大用繁興。豈凝滯兼中到。無舌兒童方會道。撥塵何處得逢源。撒手回途還得妙。

東谷光禪師法嗣

寧波府天童直翁一舉禪師。語載增集續傳燈第一卷二十七紙以版失欠錄俟搜討出當補入

錄俟搜討出當補入

大鑑下第十九世

鹿門覺禪師法嗣

青州普照一辨禪師。精究教相。旨趣後棄。去往參鹿門。得言外旨。出世中都。萬壽室中。嘗設百問。勘驗諸方。一日聲前薦得。落在今時。句後承當。迷頭認影。作麼生是空劫已前自己。又曰：二邊純莫立中道。不須安且道。甚麼處相見得箇端的。又曰：回途轉位。直須戴角披毛。喚作畜生。得麼。又曰：念念釋迦出世。步步

彌勒下生。爲甚麼擬心。卽錯動念。卽乖。又曰：有口贊不盡。無言心自明。是則裂破虚空。不是則鬼家活計。上人端的處。道將一句來。如是。懂懂。籌室契其機者。鮮焉。師嘗作四賓主頌。賓中賓。天涯奔走幾經春。負學論功日轉貧。行海淵深須徧涉。義天空濶不容塵。賓中主。衣穿瘦骨露無餘。獨鎮寰區。暉太初三尺匣中。誅佞劍。百篇囊裡薦賢書。主中賓。丹墀鞭靜九宮開。萬里江山絕點埃。脫却欄衫戴席帽。聲聲只道那邊來。主中主。重巖幽邃鎖煙岑。古洞龍吟霧氣深。石女唱歸紅焰裡。木人運步覓知音。又頌浮山示投子十六題。一識自宗。問答休將句偈酬。到頭佛祖一齊收。九年面壁已多事。立雪神光亦強求。二死中活。今時及盡。更何親雲鎖幽巖。凍鎖津堪羨。嶺頭增意氣。雪中獨綻一枝春。三活中死。合頭相似喜人情。水月空華鏡象榮。荒徑客迷芳草渡。擬將石火當天明。四不落死。活到頭。採汲不虛施。運水搬柴自合時。燕語未歸簾幕靜。曉鶯啼處綠楊垂。五背捨三峰華嶽總平治。雪壓寒林折凍枝。一念不生全體現。纖毫纔動

落墀墀六不背。捨路瀾巖高碧。瀾流山華開。偏接雲樓雨。餘何處。驚聲。不顧殘春語。未休七活人。劍耳聽無如。眼聽親南山。下雨北山雲。動容舉止方圓異。大賞將軍不語勳。入殺人刀。凜凜霜風刮地生。千山氷雪路難行。未萌已落威音際。纔擬玄微墮穿坑。九平常春來幽谷。水冷策杖優游。傍釣汀好箇太平。無事客汨羅。未必獨惺惺。十利道拔生。少室靈山事。宛然不曾談教。不安禪。回光一句超今古。大丈夫兒誰後先。十一言無過失。默時似說說時無。迷悟剛令與道疎。莫謂人根有利鈍。言細語不關渠。十二透脫雪後風和曉。霽天鶯啼華笑。柳含煙。鳳樓不宿桃源客。半夜穿鞋入市。屢十三透脫不透。脫劈箭機鋒著。眼看當陽。趣妙晒傍觀。雲橫谷口迷巢鳥。雪擁柴門去路難。十四稱揚寒潭不與月爲期。萬古松聲韻不移。眼聽耳觀如會得。方知佛祖密傳持。十五降句。當臺明鏡影難藏。露柱燈籠自舉揚。千聖不曾留半偈。少林已是不相當。十六方入圓。携琴玉女夜歸時。鳳轉丹霄入紫微。香霧噴華煙靄重。汀洲漁棹月依。

稀又五位頌曰。正中偏。斗柄初橫。半夜前。密室不燃龍鳳燭。廣寒宮殿。月當天。偏中正。木女手提無字印。失曉崑崙暗皺眉。自然羞覩秦時鏡。正中來。劍樹刀山也。自摧玉馬嘶。聲離月殿。九重依舊鎖蒼苔。偏中至大用。縱橫無巧智。漁歌樵唱。謁金門。太平不是將軍致。兼中到。頭角完全無異號。脫珍著。弊入鄆來縱橫踏破。今時道。

天童舉禪師法嗣

寧波府天童雲外岫禪師。郡之昌國衛人。逸其氏。依直翁得度。發明從上宗旨。遂嗣之初住慈谿石門。歷象山智門。郡之天寧。次繼西竺坦席。後遷天童。上堂。闌市紅塵裡。有闌市紅塵裡佛法。深山巖崖中有深山巖崖中佛法。山僧昨日出城門。闌市紅塵裡佛法。一時忘却了也。行到二十里松雲滿目。便見深山巖崖中佛法。大眾且道如何。是深山巖崖中佛法。良久云。白雲澹泞出沒太虛之中。青蘿黃緣直上寒松之頂。便下座。上堂。以拂子打圓相曰。摩訶衍法。離四句絕百非。又打一圓相曰。禮之用和爲貴。先王之。

道斯爲美。又打一圓相曰。摩尼珠人不識。如來藏裡親收得。諸人還見麼。所見不同。互有得失。天童者。裡毋固毋必。一日問衆曰。天童今日大死去也。汝輩作麼生救。無印證出曰。請和尚喫飯。師曰。天童今日大死去也。汝不要相救。證曰。竊語作麼。師曰。天童今日大死去也。阿誰與我同行。證曰。和尚先行。大證後隨師呵呵大笑。遂示寂。塔全身於本山。

大鑑下第二十世

天童岫禪師法嗣

寧波府雪竇無印大證禪師。饒州鄱陽史氏子。幼穎異。依州之昌國寺智節剃染。初謁荆石瑛於圓通不契。時思菴眷居閒房。師委身日就鍛鍊。嗣聞雲外唱道。天童往依之。得入室。師資唱和有若大瀉之得寂子。至治癸亥。應詔金書大藏。英宗賜織金屈胸。南還江浙。丞相脫歡請師主衢之南禪。繼領光孝。遷信之祥符。明之定水。後領雪竇。上堂。千說萬說。不若覲面一見。昨日二十九。今朝七月一。報汝參禪人。此中有深秘。孃生兩隻眼。箇箇如黑漆。急急回頭覷破。

天真佛。良久曰。且道是甚面目。下座。巡堂喫茶。上堂。妙妙妙。妙。妙。僧鼻孔無多。竅玄玄玄。利竿頭上挂青天。智士寧容袖手。良馬豈待揮鞭。全超棒喝。不落蹄筌。百鳥不來春。又去巖前。贏得日高眠。舉世尊纔陞座。文殊遽白椎云。諦觀法王法。法王法如是。世尊便下座。話頭曰。春風乍扇。已天涯。是處根莖競發芽。何必子規更饒舌。重教啼血染山花。元順帝至正庚子。退居定水之圓明菴。明年九月廿一。示寂。闍維牙齒數珠不壞。舍利明瑩。門人景雲等建塔於菴之後。壽六十五。

普照辨禪師法嗣

磁州大明寶禪師。嘗作五位頌曰。正中偏。月鎖深宮。午夜前。燭殘人靜。丹墀冷。一片虛明照碧天。偏中正。曉天不挂秦臺鏡。金烏纔撥出。扶桑依稀還被輕煙映。正中來。深夜寒梅雪裡開。馥馥幽香無間斷。頭頭觸處絕纖埃。偏中至。大用全彰無忌諱。携手相將賀太平。熙熙風物從來異。兼中到。妙盡功忘非善巧。枯木龍吟大地春。靈根秀出寒巖草。

慈雲覺禪師普照室中垂問曰。聲前薦得。落在今時。句後承當。迷頭認影。作麼生是空劫已前自己。師曰。半夜石人無影象。縱橫誰辨。往來源問。不見一法。始是半提。作麼生是全提。底道理。師曰。石馬驟千山。問喫飯忘其饑。力充忘其飽。作麼是力充底。人師曰。巨靈擡手無多子。分破華山千萬重。問直得不恁麼來者。猶是兒孫邊事。如何是向上人。師曰。半夜烏雞雪裡啼。問行立體妙。落在今時。究理窮源。關山萬里。只知未知。有底人如何。趨向師曰。脉窄先臥。問迷時。千卷少悟。後一言多。且道。悟了底人如何。履踐師曰。出不由戶。坐不當堂。問岸如欲止。先停棹。車若不行。須打牛。如今打牛也。車行也。未師曰。下載清風付與誰。

大鑑下第二十一世

大明寶禪師法嗣

太原府王山體禪師參大明一日。見雀子啄生飯。師乃拍手一下。雀飛去。大明適後至。亦於師背上打一掌。師驚顧明曰。還是雀子辜負你。你辜負雀子。師罔措。明曰。幸是可憐生。却乃互相辜負。去師豁然有省。

於是典侍者戮力十年。秘重深嚴。不見參學。一日抽單罔不疑怪。或問明侍者何往。明曰。諸方來。諸方去。何介意哉。曰。參學何如。明曰。道有參學。栽他頭角。道無參學。滅他威光。一衆方疑。後受囑。隱山西太原府。府運兩衙請主王山。上堂者。裡莫有衝流度刃者。麼試出來。相見看。僧出。從東過西。又從西過東。師曰。未得一場榮。先刖兩脛。足曰也。知和尚慣用此機。師曰。罪不重科。僧擬議。師便打。僧爲吐舌。師曰。棺材裡瞪甚眼睛。乃曰。似者等行。脚祖師門下。有甚交涉。同安老祖道。孤峰迥秀。不掛煙蘿。片月行空。白雲自異。衲僧家到者。裡劍甲未施。賊身已敗。豈不屈辱先宗。山僧今日若不痛與鍼錐。達磨一宗。堪作甚麼。喝一喝。曰。逢人不得錯舉。師嘗謂學者曰。獅子有三種。第一超宗異目。第二齊眉共躡。第三影響不真。超宗異目者。見過於師。堪爲種草。齊眉共躡者。滅師半德。落在今時。若影響不真。則狐狂猥勢。羊質虎皮。祖師門下有甚用處。又嘗發明洞上宗旨曰。既有尊貴之位。須明尊貴底人。須知尊貴底人不處尊貴之位。

方明尊貴不落階級。五位頌曰：正中偏，夜深古殿鎖輕煙。寂爾苔封臣不立，密密光輝未兆前。偏中正，玉人不覩臨臺鏡。子夜星河霧氣濃，依舊青山不露頂。正中來，木人携杖火中回。趺起泥牛耕練色，放教石馬步蒼苔。兼中至，轉側相逢全意氣。交輝終不犯鋒鋦，大用縱橫無變異。兼中到，明暗盡時光不照。石女有智妙難窮，解栽絕頂無根草。

□□府□□仁山恒禪師久待大明，深入堂奧。明一日以衣法付之，師曰：「恒不是，恁麼人。」明曰：「不是，恁麼人。」自不殃及伊，師乃唯唯受之。蓋法乳恩深也。明囑曰：「汝既如是，第一不得容易出世。若躁進輕脫，中間必有坎珂。厚養久之，乃出住。」□□焉。僧問洞山：「已遊雲巖，真因甚到過水觀影？」始云：「大悟。」師曰：「不是，深心人不知。」曰：「如何是深心？」人師曰：「十八女兒不繫腰，復示以頌曰：『柳底黃鸝送好音，輕輕喚著愈傷心。闌干倚徧無聊賴，夢裡如何許我尋。』」尋無路尋，怨殺月明花下影，依稀拂斷枕頭琴。

普照寶禪師法嗣

順天府大慶壽寺虛明教享禪師濟州任城王氏子。先是有汴州慈濟寺僧福安者，山居有年於邙山村，倚樹而化。王氏母夢其求託宿，遂生師焉。七歲出家，十五遊方。參普照，未有所入。一日以事往睢陽，宿趙渡於馬上，憶擊板因緣，疑情百結，將抵河津，同行警曰：「此河津也。」師忽有省，下馬悲喜交集，至隕涕歸。以告照，照曰：「此僵臥人似欲轉動。」日面佛月面佛意旨如何。師復茫然無所對。後聞板聲，乃大悟，以頌呈照曰：「日面月面星流電卷，少或遲疑。面門著箭，咄！照曰：『吾今後瞞汝不得也。』」後出世五坐道場，末繼席普照。尋奉旨主慶壽金輿，定己卯七月十日，索筆書偈，端坐而化。其偈失錄，尚記其末云：「一二三四五六七，塔於」

大鑑下第二十二世

王山體禪師法嗣

彰德府磁州大明雪巖滿禪師初參普照寶，寶曰：「兄弟年後正宜參扣老僧。」當年念念以佛法爲事，師遽避席進曰：「和尚而今如何？」寶曰：「如生冤家相似。」師曰：

若不得此語。幾累我枉行千里。寶下禪牀。握師手曰。作家那。師與勝默光同參。有所逆。嘗跪受呵斥。或問其故。師曰。今諸方師資法屬。諍訟招譏。獅子身中蟲。自食其肉。滿雖不肖。復敢蹈覆轍。邪聞者咸歎。以爲賢。後造王山。山舉洞山觀影話。師疑甚。山曰。不疑言句。是爲大病子。今既疑。則病發矣。子知此病。則子藥也。師一日讀五位頌。至折合終歸炭裡。坐忽大悟曰。今日方知病卽藥也。呈山。山曰。料掉沒交涉。師曰。和尚此回瞞不得也。山可之。俾接踵住持。上堂。舉洞山解夏曰。秋初夏末。兄弟東去西去。直須向萬里無寸草處去。良久曰。祇如萬里無寸草處。作麼生去。石霜曰。出門便是草。太陽曰。直饒不出門。亦是草。漫漫地。師曰。三箇老漢。雖然異口同音。未免撞頭磕額。何故。一人大開口了。合不得。一人高擡脚了。放不下一人。緊閉門了。出不去。王山卽不然。徧十方界。非外全在一微塵。在一微塵。非內徧十方界。祇者一微塵。及盡不可得也。向那裡安門。甚處入草。還委悉麼。休侵洞嶺。初秋草。請看疎山。藕月蓮下座。僧問高郵定。

透網金鱗。以何爲食。定曰。乾屎橛。僧無語。師代曰。謝供養。師於金泰和六年丙寅十月。寂當宋寧宗開禧二年。其頌語最多。茲僅錄正徧五位。如左。曰。正中徧窺洞。沉沉鎖翠煙。午夜碧空清似鏡。一輪明月上層巔。徧中正欲曉。雲濃封古徑。雪屋靈明夢未惺。冥然又若寒宵永。正中來。木人携錫下崔嵬。縱橫不履今時地。石徑祥蓮襯足開。兼中至高提妙印。無真僞碧紗叢。裡恣情眠。一任巖前花雨墜。兼中到。突兀三光曾未照。夢手敲空聽者稀。迥然不落宮商調。順天府慶壽勝默光禪師。初參鄭州寶後參王山。得法出世。開堂嘗謂衆曰。傳法當如船子求法。當如可祖。苟不然者。其何以荷如來之大法哉。上堂。我宗無語句。亦無一法。與人德山。箇不關風。納盡敗缺。要識綱宗。先須識句。巖頭腦後見。腮莫與往來。總好與三十痛棒。還有不甘者麼。如無莫怪。壓良爲賤。示衆。舉麻谷到章敬。遶禪牀。三匝振錫。一下卓然而立。敬曰。是是。谷又到南泉。遶禪牀。三匝振錫。一下卓然而立。泉曰。不是。不是。師曰。是無。可是非。無真非。是非。

無主萬善同歸。梟雞晝夜徒自支離。我無三寸。驚得喚龜迦葉。不肯一任攢眉。僧問。如何是祖意。師曰。鐵頭削鐵。曰。如何是教意。師曰。佛面剝金。舉九峰不肯首座。話頌曰。元座徒亡一炷煙。九峰不是抑高賢。若將一色爲承紹。辜負先師不借緣。

仁山恒禪師法嗣

彰德府磁州大明詮禪師。依仁山得旨。賦性瀟灑。口排諧談。笑仁山常囑定侍者。拘檢之師曰。人生一夢而已。快樂一世是好夢。拘檢一世是惡夢。我寧作好夢。人以此爲佳言。徒單二駙馬赴南京任。道過大明入堂。見一僧面壁而坐。駙馬曰。好箇澹漢。師曰。今日被駙馬著鹽醬也。

慶壽亨禪師法嗣

開封府大覺西溪弘相禪師。沂水王氏子。初棄家事。祖照通經得僧服。恣覽內外典。凡十年。乃棄參虛明。於普照又十年。始獲印記。出世住鄭州之大覺嵩山之少林。沂州之普照。最後住清涼元遺山。好問與師同遊。蘭若峰道中偶談及避寇事。時師以爲凡出身

以對世。能外生死。然後有所立。生死雖大事。視之要如翻覆。手然則坎止流行。無不可者。此須從靜工中來。念念不置境。當自熟耳。時雪途石滑。師失跌同行。莫能救。直下數十尺。僅礙大樹而止。遣山驚問。師方神色自若。徐曰。學禪四十年。脚跟乃爲石頭取。勸聞者笑服。因漢境熟之言。果其日用事純而不妄也。年六十四示寂。有語錄文集行世。

大鑑下第二十三世

雪巖滿禪師法嗣

順天府報恩寺萬松行秀禪師。河內人。族蔡氏。氣骨不凡。幼便超然。有出世志。父母難之。然知終不可以世相奪。因携送荊州淨土寺。禮贊允落髮。秉具後。決力參究。擔囊距燕。歷潭柘。過慶壽。參勝默老人。老人曰。學此道如鍛金。滓穢不淨。則精金不顯。觀君眉宇間。大有物在此。物非一番寒徹骨。不能放下。子後自見不在。老僧多言。且令看長沙轉自己。歸山河大地。話半載。無所入。默曰。我只願你遲會。久之一日。忽有省於玄沙未徹語。尚未透。次參雪巖。滿於磁之大明。

言下忽悟曰得恁麼近從前伎倆一火而燼始知勝
默爲人處依雪巖二年盡得其底纔嚴付衣偈勉以
流通大法自是兩河三晉皆欽師名於是法門隱然
倚以爲重尋歸淨土構幽松菴寺中著宿敦請開法
師應之次住中都萬壽金明昌癸丑章宗詔入禁庭
陞座帝躬自迎禮聞法感悟賜錦綺大僧伽衣承安
丁巳詔住大都仰山棲隱寺以繼開山玄冥顯席次
移錫報恩洪濟元太宗庚寅復奉敕主中都之萬壽
晚年退居從容菴數遷鉅利大振洞上之宗道化稱
極盛焉 上堂舉昔有跨驢人問僧何往僧曰道場
去人曰何處不是道場僧以拳敲之曰者漢沒道理
向道場裡跨驢不下其人無語師曰盡道者漢有頭
無尾能做不能當殊不知却是者僧前言不副後語
汝既知舉足下足皆是道場何不悟騎驢跨馬無非
佛事萬松要斷者不平公案更與花判道喫拳沒興
蓮茅廣杜禪和早是不尅己那堪錯過他道場惟有一
佛法本無多留與闍黎道戶唵薩哩嚩 棲隱上
堂蓮宮特作梵宮修聖境還須聖駕遊雨過水澄禽

汎子霞明山靜錦蒙頭成湯也展恢天網呂望稀垂
釣月鉤試問風光甚時節黃金世界桂花秋 上堂
所謂道人者不知月之大小不知歲之餘閏山僧即
不然今年三百八十四日前月大盡此月小盡即今
閏四月一日辰末已初忽有箇漢出來道疏通伶俐
知時按節即不無要且無道人氣息山僧以手掩鼻
道退後退後爲甚麼嚙道人氣息太煞熏人 示衆
機輪轉處智眼猶迷寶鏡彰時纖塵不度開拳不落
地應物善知時兩刃相逢時如何回互咄 示衆踢
翻滄海大地塵飛喝散白雲虛空粉碎嚴從立令猶
是半提大用全彰如何施設 示衆去即留住住則
遣去不去不住渠無國土何處逢渠在在處處且道
是甚麼物得恁麼奇特 示衆動則埋身千尺不動
則當處生苗直須兩頭撒開中間放下更買草鞋行
脚始得 示衆向上一機鷓鴣冲霄漢當陽一著鷄過
新羅直饒眼似流星未免口如匾擔且道是甚麼宗
旨 僧問諸佛不出世爲甚却降誕王宮師曰青山
常舉足曰亦無有涅槃爲甚却滅度雙林師曰白日

不移輪。問明與無明其性無二。如何是無二之性。師曰。天曉不露。問撒手那邊的人爲甚麼不居正位。師曰。大功不宰。曰。回途者邊的人爲甚麼不墮偏方。師曰。至化無爲。問向道莫去歸來背父如何得不肯父去。師曰。切忌回頭。問心放下難如何是放下底人。師曰。擔取去。問僧洞山道龍吟枯木異響難聞。如何是異響。曰。不會。師曰。善解龍吟。問是處是慈氏無門無善財爲甚麼却道瑠璃殿上無知識。師曰。拆毀了相見。瞎全真問某甲三十年來打疊妄心不下。乞師方便。師曰。汝妄心有來多少時也。未審本來有妄心否。祇如妄心作麼生斷。只者妄心斷卽是不斷。卽是真。聞廓然作禮而去。晚年幽居多暇。管拈撥宏智百頌曰。從容菴錄。又著請益錄。踵碧巖後塵。開寶鏡重垢。甚有補於宗門。師天資敏利。百家之學無不淹通。三閱大藏。首尾熟貫。有祖燈錄六十二卷。釋氏新聞。鳴道集。辨宗說。心經風鳴禪悅法喜集。若干卷。淨土仰山洪濟萬壽四刹皆有錄行。世以元定宗元年丙午。後四月五日示疾。七日書偈。

曰。八十一年只此一語珍重。諸人切莫錯舉。遂逝世。壽八十一。生宋乾道二年丙戌。僧臘六十。茶毗於通玄門外舍利無數。諸方門人分而塔焉。

□□府竹林巨川海禪師有風鈴頌曰。銅屑鐵舌太尖新。樓角懸來不記春。言外百千三昧法。因風說與箇中人。學士陳秀玉嘗問萬松彌勒菩薩爲甚麼不修禪定。不斷煩惱。松曰。真心本淨。故不修禪定。妄想本空。故不斷煩惱。又問香山大潤潤曰。禪心已定。不須更修。斷盡煩惱。不須更斷。後持以問師。師曰。本無禪定。煩惱公曰。惟此爲快耳。

續燈正統卷三十五

續燈正統卷三十六

南海普陀嗣祖沙門西蜀 性統 編集

曹洞宗

大鑑下第二十四世

報恩秀禪師法嗣

順天府萬壽雪庭福裕禪師字好問。太原文水張氏子。生宋寧宗嘉泰癸亥九歲。日誦千言。里有聖小兒。稱未幾遭世變。失天倫。所在哭絕。無依。道逢老比丘。勸令學佛。且曰。汝能誦法華足矣。師曰。學佛止是乎。比丘異之。偕謁休林古佛。於僊巖古佛。納之爲祝髮。受具。當嘉定甲申。與雙溪廣同事者七年。次參萬松於燕之報恩。松一見便許。入室問子從何得箇消息。便怎麼來。師曰。老人大向學人手里納敗。曰。老僧過在甚處。師曰。學人禮拜暫爲和尚蓋覆却。松奇之。於是親炙者十年。值壬辰之變。祖刹荒蕪。尋承萬松海雲見招。遂有少林之命。自是道益隆。名益著。學者日益廣。元世祖居潛邸。命師作資戒會。元定宗戊申。詔住和林。興國辛亥。憲宗徵至北庭。行在所問道。

言簡帝心。庚申元世祖踐祚。俾師總領釋教。復僧尼得廢寺二百三十有六區。仍賜光宗正辨禪師號。爲師建精舍於故里。曰報恩。給田飯衆。寵錫甚至。時萬壽虛席。衆請師主之。尋分建和林燕薊長安太原洛陽諸刹。至元辛未春。詔天下釋子大集京師。師之衆居三之一。濟濟可觀。上喜之。師穎悟異常。三閱大藏。成誦而後已。誘掖後學。無倦色。通群書。善翰墨。吟咏其上。堂普說幾十萬言。門人請梓師叱曰。此吾一時遊戲所發。佛祖妙道。安可以形迹爲哉。竟止之。既老。倦於接納。歸隱嵩陽焉。僧問如何是祖師西來意。師曰。待乳峰點頭。卽向汝道。問如何是向上尊貴。一路師曰。漁歌驚起沙汀鷺。飛入蘆花不見蹤。問僧道源不遠。性海非遙。且道畢竟在甚麼處。僧擬議。師便喝。問如何是西來大意。師曰。官不容針。曰。一花五葉時。如何。師曰。私通車馬。曰。與麼則少林一曲。國師唱去也。師曰。誰買黃金鑄子期。問逢山開路。遇水安橋時。如何。師曰。四十九年空費力。一千七百枉施功。曰。如何得超然獨拔。今時去。師曰。逢山開路。

遇橋渡水。問僧面壁石有人看見達磨麼。曰。今日幸遇和尚。師曰。拄杖子亦幸遇上座。遂打僧作禮。曰。恩大難酬。師擲下杖。曰。脹殺懷州牛。師襟度夷坦。丰神閒靜。說法三十餘年。如鼓雷霆。揭日月。繼踵前賢標準。後學綽有古上遺風。至於涸池出泉。古殿光生。屢致祥瑞。師皆誠勿言。乙亥秋七月二十日。示微疾。書偈告終。壽七十三臘。五十二塔於寺西塢。後至仁宗履位。初贈號追封。命詞臣撰文表其塔。尊隆特甚。其爲天子追慕永歎有如此。

順天府報恩林泉從倫禪師參萬松於阿那律得天眼因緣。有省悟。向上眼。舉似松松問。如何是向上眼。師曰。瞎松曰。眞箇瞎。那師曰。瞎瞎松領之後。出世住萬壽。上堂。禪禪非正。非偏。無意路有單傳。超今邁古。絕後光前。但能亡影迹。何必守蹄筌。直指人心。卽佛乘。槎客是張騫。九年面壁無餘事。夜半金烏挂碧天。元至元壬申。世祖詔入內殿。與帝師論道。且命師發揮禪學大旨。師爲舉圭峰禪源證對。曰。禪梵語也。此云。思惟修。亦名靜慮。皆定慧之通稱。爲萬德之

源。故名法性。亦是衆生迷悟之源。故名如來藏。亦卽諸佛萬德之源。故名佛性。然不無淺深階級之殊。其帶異計。欣上厭下。而修者名外道。禪正信因果。亦以欣厭而修者。是凡夫。禪悟我空。偏眞之理。而修者。是小乘。禪悟我法二空。眞理而修者。是大乘。禪若頓悟。自心本來清淨。元無煩惱。及與菩提一切智慧。本自具足。依此而修。是最上乘。禪亦名如來最清淨。禪達磨西來。邇代相傳者是也。帝曰。在先有問。皆言無說。如今何却有說。喋喋耶。師曰。理本無說。事則千差。帝曰。何謂理無言。說師曰。理與神會。如人食蜜。若問蜜之色相。可以紫白言。若味則有難於啓口。帝謂帝師曰。此語非耶。是耶。帝師曰。此與教中甚深般若無異。帝復問祖師公案。師舉六祖非風幡動。仁者心動。話對之。帝師詰曰。實風幡動。何名心動。師豎拂子。拂一拂。曰。且道是甚麼。動帝師無語。師曰。不可更道。一切唯心。萬法唯識也。帝爲稱善。示衆北斗。似杓南斗。似瓢任伊斟酌。暖日涼。臘冬至寒食。一百五。須知節令不相饒。到此莫有解吞吐者麼。僧問。法眼道我二

十年只作境話會。既不作境話會。畢竟作麼生會。師曰。猿抱子歸青嶂裡。鳥銜花落碧巖前。示衆若論此事。如丹鳳衝霄。不留朕迹。直得星橫碧落。月浸丹墀。翡翠簾垂。燭香人靜。當此之際。那容喘息。寧許窺竊密室。不通風。玄關難厝足。雖然要不一點靈犀。明宇宙。那分東土與西乾。至元辛巳十月二十。聖旨就大都憫忠寺聚道藏。僞經除道德經外。盡行燒燬。命師舉火師承旨。以火炬打圓相曰。諸仁者。祇如上清玉櫃三洞靈文。還曾證此火光三昧也。無若也。證得家有北斗經。人口保安寧。其或未然。從此灰飛煙滅。盡任伊到處覓天尊。急著眼看。遂擲火炬。僞經隨炬而盡。

吾捨從寬禪師。臨終問其次兄曰。佛祖父母。我今一箭射殺二哥。以爲何如。隨整襟坐脫焉。

順天府華嚴全一。至溫禪師。字其玉。荊州郝氏子。生宋寧宗嘉定丁丑。幼聰敏異。常兒六歲。見寂照善應。對照曰。汝其爲釋乎。師心許之。會照避亂遠隱遼西。乃從照上首辨菴。訥祝髮。當理宗紹定戊子也。聞無

還富開法。萬壽菴衆甚嚴。師偕十僧往佐之。師好學博記。多聞論辨。無礙參萬松典侍司。凡松所示。一聞輒了。松常令代應對。機鋒不可犯。遂得記太保劉文貞。以師有經世才。數薦於上。世祖詔見。與語大悅。留內庭者三載。於王化多有贊翊。理授以官。師辭曰。天下佛法流通。實僧至願。富貴非所望也。世祖嘉之。賜號佛國普安大禪師。憲宗末年。緇羽之士。各爲違言。以相傾上命。聚訟於和林。剖決真僞。師從少林諸師辨之道士義墮。自是法道大興。至元丁卯五月。示寂於恒州天宮寺。異香遠聞者三晝夜。火浴心舌牙齒不壞。後有培其地深數尺。皆得舍利者。世壽五十一。臘四十。

河南府少林法王復菴圓照禪師。上黨李氏子。幼穎悟。不嗜量。茹年十一。出家於紫雲山慈雲寺。十六登具。遂遊學精教。乘後依萬松。有年得悉禪旨。出世德州大寧。次遷齊河之普照鵲里之崇孝。登封之法王京師之萬壽。後仍歸宿普照。至元癸未三月六日。示寂。壽七十八。僧臘六十二。塔於本山。其臨壺時有鶴

百數盤旋其上

丞相移刺眞卿居士字楚材本姓耶律及金滅遼歸金改姓移刺初京師禪宿居多唯聖安澄獨尊士常訪以祖道屢舉古尊宿語錄中所得扣之安間有許可士亦自恃爲得及遭憂患薄功名而求道之心益切遂再以前得訪聖安安爲大翻前案不然所見士甚惑焉問其故安乃從容諭之曰昔公居要地易爲喜怒又儒者多無諦信搜摘語錄不過一資譚柄故余不卽痛下鉗錘耳今揣公之心果爲本分事問余余豈敢更孤負乎於是乎不吝苦口然余老矣萬松老人宗門大匠公能見之自當了公大事士唯唯走參萬松於報恩甚相契合於是杜絕人迹苦心力究者幾年始獲印記因號湛然居士嘗敘萬松評唱其略曰佛祖諸師埋根千丈機緣百則見世生苗天童不合抽枝萬松那堪引蔓湛然向枝蔓上更添芒索穿過尋香逐氣者鼻孔絆倒行立體妙底脚跟向去若要脚跟點地鼻孔撐天却須向者葛藤裡穿過始得先是元世祖將西征有司奏五臺等處僧

徒有能呪術武略及有膂力者可爲部兵扈從西征士爲言於上曰釋氏之高行者必守不殺戒奉慈悲忍行故有危身不證鷲珠守死不拔生草者法王法令拳拳奉持雖死不犯用之行兵奚其宜哉其不循法律者必無志行在彼旣違佛制在此豈忠王事故皆不可以之從王師也帝從之乃寢其奏太宗十五年卒壽五十五當南宋理宗淳祐癸卯也

僊巖德禪師法嗣

順德府天寧弘明虛照禪師遼州申氏子禮太原王山枝足出家爲大僧未幾足命偏參因謁僊巖後聞版聲豁然有悟尋受記焉去止燕之歸義元太宗己丑同門圓福無還超請師開法淨土戊戌遷刑臺之天寧憲宗壬子五月八日沐浴更衣辭衆曰四大無常汝輩善自珍重索筆書偈曰兩處住持無法可說打破虛空一輪明月擲筆而逝茶毗舍利百餘顆五色燦然門人子顏子淇塔於墳菴次年世祖遷舍利於天寧壽五十七臘三十八大鑑下第二十五世

萬壽禪師法嗣

河南府登封嵩山靈隱文泰禪師太原汾州陽城魏氏子宿秉靈知穎悟過人父母聽難染受具後遊學太行經入東魯稍涉教乘知算沙非了生死計乃棄之參雪峰恒有年次參太原深皆有所詣然心頭終不能無事聞雪庭主少室往參焉庭問當機一句試拈出看師擬開口庭遽曰家產被人籍沒了也還在者裡叫屈師乃撫掌曰爭奈我何庭曰者風顛漢出去師曰仁義道中且與一拜於是執侍十載終始如一受囑後奉旨開法少林風規整肅機用越倫當時稱雪庭高弟有二泰一肅者師其一焉上堂塵劫來事只在于今河沙妙德總在心源試教伊覩面相呈便不解當風拈出且道過在甚麼處良久卓拄杖曰只爲分明極翻令所得遲僧參提坐具擬拜師曰天網恢恢疎而不漏曰本欲投誠被和尚撐住拜不下時如何師曰撐汝飯袋子到骨出有甚麼用曰也須將錯就錯便拜師曰錯你九玄七祖當甚麼盪僧無語師曰有頭無尾漢出去元世祖至元己丑

正月示微疾謂維那曰古人坐脫立化卽不無於禪僧分上皆餘事也山僧則不然言畢遂掩息右脇吉祥而逝當正月小盡日也門人舉闍維分靈骨建窆塔於少林寶應兩處

太原府報恩寺中林智泰禪師汾陽魚城溫氏子創髮於華嚴崇業經律一日喟然嘆曰大丈夫當體究大事作超佛越祖一流人焉能區區於此耶時雪庭主法萬壽師依之有年一日以事觸庭庭曰有頭無尾東西有甚交涉師猶出語不遜庭曰不但無尾亦且無頭師生平疑礙忽然頓釋庭以其契悟超絕遂囑累焉朝廷響師名宣住報恩其入室勘驗爪牙過諸方嘗爲諸方歎服僧問如何是萬里無寸草處師曰不是闍黎境界曰如何是出門便是草師曰擬動卽乖曰如何是不出門亦是草漫漫地師曰住著卽錯曰如何得不涉動靜去師曰徧界絕纖塵通身無影象臨寂示衆曰吾緣止此汝等所得善自護持當惜分陰勿令虛度聞者皆感泣索筆書偈曰修起忠師無縫塔推倒自家無相身無相無身真自在

大地山河絕點塵。擲筆怡然而逝。

濟南府泰安州靈巖足菴淨肅禪師。保定金臺永平張氏子。禮香山壽聖爲師。究心二十餘年。歷參宗匠十餘輩。最後參雪庭於菴。壽陶鑄有年。遂得入室。初繼席開法。次主少室靈巖。上堂白。露橫江。黃花滿圃。砧聲敲夜月。蛩語泣秋風。蟬噪岸邊之樹。葉辭檻外之柯。色色現海印。三昧塵塵轉根本法輪。諸人若能會得。如鏡對面。眉目分明。然只可喚作半箇。衲僧俗氣未盡除。在到者裡。若能打破鏡來。方好與你相見。祇如打破鏡來。相見後。又作麼生。良久曰。三十棒。且待別時。僧問。胡來胡現。漢來漢現。胡漢不來時。如何。師曰。桃華歲歲皆相似。人面年年多不同。曰。此意如何。師曰。不因你來問山中太叔寥。且喫一頓便打。後退席香山。一日。陞座。辭衆。右脇而逝。塔於□□。中林泰爲之銘曰。據天鼻。孔點地。脚跟心。明眼正行。古顏溫其事。愈大其志。愈敦諸方老宿。徧叩其門。受雪庭囑。爲萬松孫。機輪迅速。電掣雷奔。高標覺樹。密固靈根。慧燈朗耀。銷鑠羣昏。全機大用。搖蕩

乾坤掀翻。渤海踢倒。崑崙三世諸佛。一口橫吞。二邊不滯。中道寧淪。三居大利。四衆咸尊。去來絕朕。動靜亡痕。虛空爛壞。斯道常存。師生平語。錄雖毀於兵燹。而讀泰公此銘。則法施之妙。與夫牙爪之殺活。縱橫可以窺其十一矣。

□□府和林北寺覺印禪師。上堂良久曰。會麼。若道我有說。須無却我舌。若道我無說。須有却我舌。金剛推倒一堆泥。踏著秤鎚。不是鐵。且道是有說是無說。良久曰。等閒失却手中橈。只爲貪觀天上月。僧參師。問。曾見我雪庭老師麼。曰。不曾見。師曰。瞎漢亂走。作麼。曰。也知和尚有此一機。師曰。拾馬糞當飯。喫有甚好腸胃出去。

成都府昭覺仲慶禪師。上堂良久曰。喫鹽添得渴。便下座。僧便問。喫鹽添得渴。時如何。師曰。吠影狗子。無屎喫。

真定府安平守護禪師。示衆。殺人刀。活人劍。是上古風規。山僧者。裡不費磨礱。用得恰好。且道此箇把柄。從何處得來。嵩山千丈雪。熊耳一輪月。復喝一喝。

太原府太子文善禪師住後上堂舉僧問大龍色身敗壞如何是堅固法身龍云山花開似錦澗水湛如藍師曰大龍恁麼道山僧則不然若有間色身敗壞如何是堅固法身向他道山花瞎人眼澗水毒人耳鶴不戀幽巢龍不藏死水

順天府長慶德鈔禪師上堂僧問師唱誰家曲宗風嗣阿誰師曰騎牛戴席帽無端到洛陽曰恁麼則乳峰嫡派洞水逆流也師曰牧笛吹來天地靜野老門前不立牌

□□府平水慧圓禪師一日謂門人曰老僧當年被人呼作噇酒糟漢便憤志不平踏破幾緇草鞋不得箇入處後問萬壽如何是禪壽曰糊獮上樹尾連頭你若不會却又猛火著油煎于是始得箇慶快以是知人不可不遭人激發雖然也須是你皮下有血始得僧便問罵人不刺骨時如何師曰你者無賴漢皮也無說甚麼骨

報恩倫禪師法嗣

順天府鞍山月泉同新禪師字仲益燕京房山郭氏

子從鞍山堅剎落能以苦行事衆忽一日聰慧頓發與同行序所得衆襍笑之師憤甚以偈書壁而去偈曰氣宇衝霄大丈夫尋常溝瀆豈能拘手提三尺吹毛劍直取驪龍頷下珠往謁清安方方問欲窮千里一步爲初如何是最初一步師進前叉手立方曰爭奈脚跟不點地何師拂袖便出次見大明暑杖拂之下多所資發終以未盡爲歉復還清安又三年始大豁然大參林泉遂承印記尋受請靈巖泉爲引座師一音纔唱萬衆歡呼能於言下得旨者甚衆未幾元世祖旨下命主靈巖後退歸鞍山一日赴濟南結夏觀音院忽疾作說偈曰來無所從去亦無方驀豎拳曰且道者箇還有空礙也無放拳曰撒手縱橫雲天蒼蒼瞑目便逝壽六十六臘四十五

復菴照禪師法嗣

西安府□□彬禪師僧問如何是正中偏師曰木人夜半打鞦韆曰如何是偏中正師曰羣僚怕見秦臺鏡曰如何是正中來師曰木童土偶笑哈哈曰如何是兼中至師曰忿怒那吒擎八臂曰如何是兼中到

師曰拄杖風前還自靠

大鑑下第二十六世

嵩山秦禪師法嗣

河南府寶應還源福遇禪師。霍州靈石王氏子。依邑之兜率。薙染偏遊諸方。雄辨無敢或當者。企靈隱泰道眼精明。乃屈膝參請焉。泰嘗謂師曰。我舉拂子。你便向拂子上會。我纔良久。你便向良久。處會恁麼。地如何。透得本分事。師面熱汗下。無以對。一日聞泰上堂。舉切忌從他覓。迢迢與我疎。語師當下大悟。越二年。遂承印可。元至元丙戌。開法永慶。己丑。次主寶應。成宗元貞乙未。奉旨住少室。武宗至大辛亥。退居白馬。僧問如何是祖師西來的大意。師曰。風送泉聲來枕畔。月移花影到窓前。問如何是誕生王子。師曰。雖有尊貴分。不是尊貴人。曰如何是朝生王子。師曰。不同金榜貴。終是老朝臣。曰如何是末生王子。師曰。歷盡艱辛苦。方得覲堯天。曰如何是化生王子。師曰。與父無異體。權操閭外機。曰如何是內生王子。師曰。長在深宮內。咫尺面龍顏。曰向上一路。又且如

何。師曰。沒絃琴有韻人。天那得聞。仁宗皇慶癸丑

十月示寂。壽六十九。臘四十九。

濟南府靈巖秋江潔禪師。因雪軒成參師。問甚處來。曰。青州。師曰。帶得青州布衫來麼。曰。呈似和尚了也。師曰。三十棒。且待別時。

靈巖肅禪師法嗣

河南府寶應月巖永達禪師。汾州劉氏子。落髮本州天寧寺。時中惟以生死事大。爲懷南詢參。扣聞靈巖肅法。韻鏗鏘。趺足往參之。肅一見。直以大器期之。久之。遂爲入室弟子。師忽自謂曰。啓悟由師行之。在已知之。而不知之。行可乎。於是掩關泰安州。後以寶應虛席。循衆請。遂應之。上堂。鹿門老人道。盡大地是當人。一卷經。盡乾坤。是當人。一隻眼。以如是。眼看如是。經千萬億劫。無有間斷。萬松老人計。窮力盡。亦祇道得箇看。讀不易。諸人還看。讀得麼。須知者。一卷經。阿誰不具者。一隻眼。誰人不圓。要長則千萬億劫。難盡。要短則一剎那頃。便周寶應。今日不惜眉毛。爲諸人指出。乃彈指一聲曰。看。讀了也。諸人切莫蹉過良久。

擊拂曰自是不歸歸便得五湖煙景有誰爭

眞定府封龍山古巖普就禪師潯陽劉氏子幼不茹葷十五禮封龍禪慶讚出家至元乙丑年十九受具戒卽事徧參首見淨土成崇孝安雖皆蒙賞識終不敢自足辛巳參足菴于萬壽菴知爲法器以本分錡鎚日加鍛鍊一日爆然頓悟尋受記莂後辭菴乃於寶積閑居者十年癸巳桂菴住靈巖延師爲第一座大德壬寅月菴海退院本寺請師繼其席開堂丁未成宗特賜妙嚴弘法禪師號次遷封龍皇慶癸丑住少林祖庭爲之大振僧問如何是類墮師曰不是披皮戴角底曰如何是墮師曰不是聞聲見色底曰如何是尊貴墮師曰不是當堂正坐底曰若恁麼如何有墮名師曰鴈過長空影沉寒水曰古人道三墮是了事人底病既是了事人如何有病師曰祇爲了事所以病生曰此病何時得愈師曰直待無身此病方愈因示頌曰金鎖重重早豁開三處悠然獨往來鴈過長空無繫著影沉寒水任渠猜師箇重少緣節進退有節世壽七十二僧臘五十八

大鑑下第二十七世

寶應遇禪師法嗣

南陽府鄧州香嚴淳拙文材禪師平陽臨汾姚氏子生而有異喜見僧凡一動一止不類常兒稍長請學佛父母知其志從之依絳州福嚴普出家閱證道歌至幻化空身卽法身處欣然有省往參還源呈所解源詰曰祇知道君不見是指阿誰師曰覲面親呈更無回互源曰墮坑落塹漢作怎麼語話師曰和尚又作麼生源曰塞斷汝口師曰勘破了也源可之尋閱藏於龍門山三載元泰定甲子主少室上堂滿盤打算了只有者一著最便宜敢問諸人且道是那著卓拄杖曰切忌卜度問如何是道師曰鍼錐不容曰如何是禪師曰車馬有路曰和尚爲甚麼翻古人公案師曰舉直錯諸枉晚隱香嚴箋釋般若若心經及華嚴法界觀僧問如何是理法界師曰虛空撲落地粉碎不成文曰如何是事法界師曰到來家蕩盡免作屋中愚曰如何是理事無礙法界師曰三冬枯木秀九夏雪花飛曰如何是事事無礙法界師曰

清風伴明月。野老笑相親。順帝至正壬辰五月十七日沐浴更衣。呼門人申教。誡翌日吉祥而逝。瘞全身於雪庭塔右。春秋八十。

河南府熊耳空相珪禪師示衆。我若喝汝。便作喝。會到處。信手胡棒亂棒。我若除却棒。喝教他向本分中道一句子。他不是打之。還便作女人拜。不是捏。兩句鬼話出來。便如啞羊相似。如此等輩。皆是狂狗逐塊。何曾夢見有獅子。奪迅的。牙爪。驀喚曰。者裡還有獅子麼。試弄弄。牙爪看。一僧出師。便打曰。逐塊尋香。未爲好。狗僧擬對師。又打曰。棒折也未放。你在曰。怎麼則雲巖路絕也。師曰。是你上天無計。怎怪我雲巖路絕。乃連棒打出。曰。寄與天下亂統漢。

河南府嵩山龍潭深禪師示衆。山僧當年於般若經。顛倒夢想處。得箇究竟涅槃。後乃知一切聖賢。皆以究竟涅槃成了箇顛倒夢想。及乎見我還源老和尚。問他古塚不爲家。如何是禪老和尚。曰。此是死語。山僧道。如何是活語。被老漢劈面一掌。曰。得恁麼死。郎

當山僧擬對。又被老漢一掌。山僧當時不覺如暗得燈。乃大宣曰。此回不是夢。眞箇是廬山。今日山僧不敢昧却來源。特爲舉似汝。諸人也須恁麼親見一回。始得。乃拍案一下。曰。噫。山僧今日太殺漏逗。

靈巖潔禪師法嗣

江寧府天界寺雪軒道成禪師。一字鷲峰。雲州趙大王遠孫也。父徙保定。遂家焉。十五出家。郡之興國師廣額平額。雄偉有志。納戒後。結三人爲侶。居青州土窟中。密究密參者有年。忽一老人謂曰。汝三人他日當作法門棟梁。師叱之。老人遂隱。師於是益加精銳。聞秋江大弘宗旨。往參之。語見秋江章中。江默俾參堂陶鍊久之。自覺無疑。一日趨丈室。江曰。金鎖玄關。曾打開盡也未。師曰。千年桃核裡。覓甚舊時仁。江領之。乃囑曰。是汝本有之事。善自護持。後還青社衆。請住普照。次遷東來大澤山。洪武壬戌。應選道契。親王殿下睿眷。允隆。丁丑。詔至。殿命住持。天界師奏。不會佛法。上製詩。鐫金榜。令懸法堂。其尊重甚至。上堂。白雲萬頃。卷舒露劫。外眞機。紅葉千峰。燦爛顯箇中。

妙旨亘古今而不昧。經塵劫以常存。鳥道虛通。運步玄關。綿密獅絃。錯落按指。古韻鏗鏘。直得石女點頭。木人拍手。拈起金鍼。玉線穿過。機先截來。兎角龜毛。發明向上。正偏獨露。隱顯全該。所以物物頭頭。塵塵利利。未有一絲毫欠。少大衆會麼。夜來木馬雲中過。驚起南辰北斗藏。上堂陰極陽回。化日長。梅花處處噴清香。箇中消息無多子。徧界何曾有覆藏。如是則明明。兼帶百草頭。邊相逢密密宣。揚萬象光中獨露。利名場上。薦取無位真人。人我山中。顯示本來面目。影合宗鑑。心生則種種法生。身是道境。心滅則種種法滅。石女高提寶印。文彩全彰。木人暗度金梭。絲毫不昧。牽動劫外機輪。烜赫寶中日月。潛通遐邇。直得枯木生花。該括古今。解使寒水發燄。雲籠古路。依依野色。還迷月滿寒巖。皎皎神光。徧照六門。機息何妨。宛轉旁參。一色功圓。切忌當頭印。破白牛運步已蒙建化之緣。玉馬嘶風。總是利生邊事。且道如何是向上事。咄。兎角杖挑潭底月。龜毛拂挂嶺頭雲。元旦上堂三陽交泰。萬物咸新。顯一真之妙用。總造化

之淵源。塵塵合道。處處通津。法筵大啓。覺苑宏開。國運佛運。齊興皇風。宗風並扇。只如道舊歲已去。新歲到來。未審去從何去。來自何來。者且置。敢問大衆。祇如衲衣下一著子。還有增減去來也。無者裡話會得。便見臘盡陽和。無影樹春。回花發未萌枝。上堂五月榴花照眼明。熏風啼鳥徧巖廊。機先一著無玄妙。切忌當人認色聲。記得夾山道目前。無法意在目前。不是目前法。非耳目之所到。天童覺曰。夾山老子解開布袋。將差珍異寶。撒向諸人面前了也。正當恁麼時。又作麼生。路不拾遺。君子稱美。大衆二老見處。固有所長。檢點將來。總成漏逗。鳳山則不然。若是色見聲求。卽非家珍了。知目前無一法。頭頭物物。總相應。其或未。然更聽末後一句。道泰不傳。天子令時。清休唱太平歌。壬午永樂登位。奉使日本師往宣聖化。癸未回奏。上大悅。仁宗在春宮時。有忌師之寵者。構詞間之。及御極。遂謫師海南。宣宗嗣位。首召師還。引見便殿。慰勞甚至。丁亥春。命師於鍾山說法。宣德丁未。表辭歸山。帝遣內臣護送。南還。天界西菴養老壬

子臘八示微疾辭衆說偈而逝上遣官致祭有文師年八十一僧臘六十七闍維官貴四衆萬餘人收舍利圓紅者無數建塔於應天府安德門外敕賜塔所爲鷲峰禪寺師三坐道場歷事四君道契王臣有光朝野送學侍者偈曰布毛拈起慧華開不是從門學得來昨夜一番秋雨過淮山依舊碧崔嵬

寶應達禪師法嗣

汝寧府光山石盤山遇禪師上堂諸方尊宿皆好舉話接待衲僧山僧今日儼然也舉一則供養大衆良久曰莫怪空疎便下座復顧謂侍僧曰拄杖嚮侍僧曰在者裡師曰各各自領取一頓

太原府斌禪師上堂以手屈指數之曰西天四七東土二三算到一千七百總出我者指頭不得噫罷罷得歸去時且歸去莫落他人指數中便下座

封龍就禪師法嗣

河南府天慶息菴義讓禪師眞定李氏子卅歲薙落徧參宗匠末抵封龍扣古巖巖見器之一日呈達磨皮髓頌巖問達磨皮肉骨髓皆被諸子得之且道隻

履歸西者是箇甚麼師曰且喜和尚猶記得巖曰是則是我終有些疑你師曰恁麼則老胡有賴也巖顧謂侍者曰如何元英宗至治壬戌開法天慶次遷熊耳之空相泰山之靈巖洛之嵩少問無功之功還有偏正否師曰偏正歷然曰如何是無功的偏正師曰石牛慣吐三春霧靈鳥不棲無影林問如何是直指人心師曰舌在口裡曰如何是見性成佛師曰金屑雖貴落眼成塵曰如何是莫向言中取則師曰道火何曾燒著口曰如何是句外明宗師便打順帝至元庚辰夏遘疾謂門人曰吾往必矣急須營塔塔畢集衆辭世書偈曰來時本靜去亦圓周虛空作舞任意優遊擲筆右脇而化計五月十二也泰安州泰山靈巖容禪師初參萬法歸一一歸何處話有省但於青州布衫與師子一吼祖父俱盡語未透一日與同參遊泰山日觀峰偶失跌幾絕良久起乃甦遂厲聲曰得非祖父俱盡時耶古人未必到恁麼田地因謁封龍呈所見龍曰更須知有向上關本子始得師喝一喝而出龍喜而印之 卷二十六

續燈正統卷三十七

南海普陀觀祖沙門西蜀 性統 編集

曹洞宗

大鑑下第二十八世

香嚴材禪師法嗣

南陽府萬安松庭子嚴禪師河南之古緱氏縣樊氏子幼多病父母許以從釋十八秉具博通內外典凡詩文辭賦皆不學而能初參江月照息菴讓皆有所發次參淳拙呈所解拙曰子不聞蠱毒之家水莫嘗邪師曰也須吞得入吐得出始見好肚皮拙曰蒼天中更添冤苦師曰却謝和尚記前復以寶鏡三昧反覆徵辯豁然無疑拙遂以大事囑之有五乳峰前獅子子光前耀後自超群之句適萬安虛席延師開法辦香爲香嚴拈出也次遷鄭州普照又遷大都天寧後退居浙之杭州雲福次領西京天慶洪武己酉主少室僧問地藏栽田博鉢與和尚是同是別師曰闌干雖共倚山色不同觀曰百丈開田說大義但展兩手意旨如何師曰一般無語處誰識聲如雷問和尚

陞座人天駢集秦封槐爲甚不來聽法師曰闍黎聽他說法有分其對機直截類是 上堂瞿曇道唯一堅密身一切塵中現山河大地鵲噪鴉鳴折旋俯仰展盡開單豈不是一切塵諸人還見堅密身麼良久曰若教頻下淚滄海也須乾 上堂今朝二月半百花開爛熳透過祖師關一一從頭判卽心卽佛狐狸戀窟非心非佛抱賊叫屈不是心不是佛不是物一船明月一竿竹釣盡五湖歸去來 上堂作麼作麼夜叉呈獸面如是如是小兒誑閻羅恁麼中不恁麼靈龜曳尾不恁麼中却恁麼癩癩下深潭丈夫漢向者裡一趨趨翻上無衝天之計下無入地之謀不說常光現前自然壁立萬仞三世諸佛是甚屎沸盤鳴聲一大藏教盡是拭瘡疣故紙天下老和尚盡是奴兒婢子且道普照到者裡合作麼生良久曰將此深心奉塵刹是則名爲報佛恩 上堂大道無難言端語端倚門傍戶者食人涎唾丹霄獨步者宇宙宏寬寒鴉棲古木白鷺立沙灘紅蓼映寒水蘆花雪滿天傳大士忘却門槌拍版寶志公失却鏡尺剪刀拍手

仰天開口笑。鴈行斜處桂輪高。上堂。萬壑春歸綠。陰徧野。榴花吐火。鶯囀喬林。安排不得。處却自現成。著意追求。時還成錯過。所以道。大道體寬。無易無難。小見狐疑。轉急轉遲。如是則放得下。時無一事。擾思量。處隔千山。大衆祇如不擬議。不思量。又作麼生。一枕夢回。新雨後。數峰高。插暮天寒。上堂。拈拄杖曰。豎去橫來。該天括地。頂額上一向壁立。無古無今。腳跟下。不露絲毫。絕凡絕聖。不是心。不是佛。不是物。漆桶放光。非風動。非幡動。非心動。野狐吐氣。直饒聞佛。掩耳聞法。嗽口掀倒禪牀。裏面便睡。也是鸚鵡語。鶴總不恁麼。未免尊體無頓處。無頓處。有來由。寒風纔凜冽。花發舊枝頭。卓拄杖下座。壬戌冬。周王殿下。請師說法。薦國母慈孝皇后。賜僧伽黎旌異。甚至年七十。乃作退休計。

兒孫曰。過在甚麼處。鐙曰。過在我殃及你。天童覺曰。者僧。若是箇漢出來。便與掀倒禪牀。不惟自己。有出身之路。亦免見祖禪。不了殃及兒孫。師曰。山僧則不然。今日若有問如何。是不了底公案。拈拄杖便打曰。獅子咬人。韓獪逐塊。

佛嚴稔禪師。上堂。英雄識英雄。豪傑喜豪傑。山僧非二者。一生友難結。獨有七尺藤。相憐還相悅。夜來忽反目。要椎我腰折。諸兄弟。你道他爲何如此。謂我。太把達。磨心髓。爲人都漏洩。

河南府登封華嚴遇禪師。上堂。說到不如行。到行到不如忘。套且道。作麼生。始得忘套去。乃靠却拄杖曰。白雲不約來。青嶂綠水無心弄。碧蟾。

古蔡元禪師。小參。今夜不答話。僧出。師曰。討棒喫的。漢有甚了期。僧曰。何不使棒。師曰。賊是小人。拽拄杖便歸方丈。

空相珪禪師法嗣

河南府天寧壽禪師。上堂。驢事未了。馬事到來。忙忙大地。誰是放懷。阿呵呵。歸去來。無根樹子。清風起。不

待春回花自開

天慶讓禪師法嗣

河南府陝州熊耳山崧溪子定禪師偃師馬氏子七歲禮古巖祝髮巖化往參息菴讓讓命典藏鑰因白事次言下豁然大悟出住熊耳有年其入室勘辨凜凜然若秋霜烈日隨機應對則又如盤走珠小參宗門中事號曰單傳一心之外更無餘法只爲你好在言句裡著倒甘在道理坑裡殺於一心法轉增迷悶所以祖師西來特爲你打翻舊日窠臼闢開別樣乾坤非是好奇立異祇是見病與藥要人平復如故而已豈有他哉如始到少林九年壁立萬仞坐斷千差單提向上一機直使你窺伺無門鑽研沒縫者裡還許你以有言會麼還許你以無言會麼全彰諸佛之法印直顯列祖之大機按一指則地轉天旋行一令則山崩海竭又安同彼割截虛空巧立門戶輩而終日隨波逐浪妄生枝節者哉大衆還會麼就是洞山玉線金針也是花前弄影臨濟主賓玄要無乃醉後添盃諸人還覩得破麼良久曰夜靜水寒魚不餌

滿船空載月明歸。一日謂門人曰。吾順化時。至汝輩甚。勿以世情眷戀。有乖道誼。末後一句。聽吾分付。言訖。就枕泊然而逝。

大鑑下第二十九世

萬安嚴禪師法嗣

河南府嵩山凝然了改禪師嵩陽金店任氏子。齠年繫念空宗。依止少林訓。荆落二十納具。初參月印。於香山鮮克契入。會松庭主天慶師往依之。師舉印示衆。路逢死蛇。莫打殺。無底籃兒盛將歸。與麼說話。若是箇莽禪和者。裡如何透得。語問曰者箇莫是背觸不得底意麼。庭曰笑破山僧口。師罔措。庭曰你在鬼窟裡討甚麼。盤師愈不安。一日庭上堂曰一言遍脫。獨拔當時師當下釋然。尋匿迹二祖菴。洪武庚午繼席少林。上堂莫向言中取。則直須句外明。宗擲拄杖便下座。上堂祖師心印不是有言。不是無言。不屬有知。不屬無知。豈可向句下研窮。意中揣度。復舉可大師問初祖弟子心不安。乞師與我安心。祖曰將心來我與你安。可曰覓心了不可得。祖曰我與你安。

心竟師曰缺齒胡販得箇陳年滯貨攤向街頭若不得箇孟八郎承處接響幾乎無著落處總好與三十棒永樂辛丑無恙忽集衆敘別說偈曰行年八十七相爲在今夕撒手威音前金鳥叫天碧偈畢儼然而寂師行止端莊毫無放逸雖密室如對大賓周蜀伊三殿下皆登山尊以師禮珍錫甚至師皆泊如也大鑑下第三十世

嵩山改禪師法嗣

河南府嵩山俱空契斌禪師晉毫邑王氏子從重興院無相薙染永樂丙申參凝然求示心要然曰你向達磨末西來時道一句看師窘無以對於是疑之不知飲食之爲何味者久之曰觀秦封槐豁然契悟上丈室擬呈似然遽曰契斌參得禪也師便喝然曰作麼師曰和尚何得賊誣平人自是愈加鍛鍊日新日益一日然問趙州勘破婆子婆子敗缺在甚麼處師曰一對無孔鐵錘曰趙州意又作麼生師曰荊棘林中重加陷穽曰石頭道書亦不達信亦不通是何意旨師曰千里同風曰青原垂足又作麼生師曰禍

事禍事然爲點首曰洞上一宗在汝躬矣正統戊辰出領嵩山院事僧問如何是君師曰九重深密敢誰窺曰如何是臣師曰萬里殷勤宣至化曰如何是君視臣師曰寶殿光含萬化新曰如何是臣向君師曰玉階仙杖覲龍顏曰如何是君臣道合師曰端拱無爲天下治曰還有向上事也無師曰有曰如何是向上事師曰請闍黎尊重問如何是正中偏師曰夜半烏雞帶雪眠曰如何是偏中正師曰老翁曉抱石烏龜曰如何是正中來師曰出匣吹毛寒偏天曰如何是兼中至師曰公孫舞劍難思議曰如何是兼中到師曰黑狗銀蹄無處討曰五位旣蒙師指示少林直指事如何師曰砂裡無油麥中有麵問如何是空劫已前自己師曰烏龜向火曰如何是成劫已後底事師曰龍馬負圖師以景泰壬申示寂塔於少林西塢世壽七十

鄭州福禪師僧問鄭州黎何似青州棗師曰多葉阿師慣潦草曰和尚也須別垂一隻手師曰那討閒錢賞落花

汝州風穴古潭本深禪師山西絳州張氏子處胎時母數夢異光入口父恠之髻亂捨金臺村大覺洪處出家二十五參凝然於少室執侍一紀受衣囑永樂甲午奉敕校證藏經宣德丁未主風穴庚戌八月十五集衆辭世說偈曰雲來雲去天元淨漚滅漚生體自同若問箇中端的意一輪明月伴清風遂化去門人建塔於開山沼公之壟西

大鑑下第三十一世

嵩山斌禪師法嗣

河南府定國寺無方可從禪師洛陽許氏子投福先比丘峰剎落初參嵩陽龍潭順密縣超化宗入室參請俱有契入後乃參俱空於嵩山山以綿密聞與重加淘鍊一日舉天衣以五行者俱召實上座因緣師當下於五位奧旨親證無遺受囑後隱於邾鄆定國寺尋開法善提明成化癸巳主法少室示衆向上宗乘本無言說當人一著非假外求直須向自己胸襟中迸出偏不附物正不立玄不涉程途方得到家穩坐雖然你還知九峰不肯首座麼百丈五百生墮在

狐窩麼金鍬刮膜擬則成乖有志此宗大須仔細珍重成化壬寅鈞州徽藩聘住觀音寺六月示寂世壽六十四臘四十塔全身於少室祖墳

大鑑下第三十二世

定國從禪師法嗣

河南府嵩山月舟文載禪師別號虛白北通州人世系蔚州廣寧王氏子祖才廬從明成祖靖內難贈武德將軍遂居通州生師於景泰甲戌時父夢僧寄宿翌日得誕師成化丙戌脫白於本州萬安寺師白菴空癸巳詣杭納具丙申北還掩關閱萬松拈提從上古德機緣竟若面牆一日忽省曰此宗非絕後再甦懸崖撒手者要望他針線細密盤旋回互不觸當頭兔子搆牛奶萬萬不可得既而翻然出關參無方從問承師有言當人一著非假外求直須向自己胸襟中迸出方得到家祇如本無自己當體全空的人來如何接他語未絕從劈面便掌曰你恁麼那師大悟呈偈曰劈面攔腮電光石火立命安身絕影蹤臘月蓮花開朵朵一日從問二祖三拜歸位是何意旨師

曰褊衫破襖。從曰未。在更道。師曰草履著。羶靴從。囑曰怪事。師拂袖便出。從撫而印之。曰子異。日支吾。宗當大播天下。慎之哉。無忽也。弘治壬戌。開法登封。華嚴正德。改元丙寅。奉敕遷少林。參徒雲集。搗鼓無虛日。上堂舉金峰。因僧問訊次。乃把住曰。輒不得。向人道。我有一則。因緣舉似你。僧作聽勢。峰與一掌。僧曰爲什麼打某甲。峰曰我要者話。行師曰。鷓鴣腐鼠。鷹銜死蛇。蓋緣種類。滂下只作者般伎倆。累他金峰。却成話柄。當時華嚴若見他道。輒不得向人道。我有一則。因緣舉似你。卽掩耳而出。爲什麼不見道。師子翻身處。金剛正眼開。上堂世人住處。我不住。世人行處。我不行。不是與人難共住。大都縹素要分明。古人怎麼兢兢業業。日日惟新。只解登高。不能放下。大似抱橋柱洗澡。若是山僧。卽不然。是非海裡。橫身入聲色場中。信脚行烈焰。亘天休覓火。誰教日午打三更。舉僧問石門年窮歲盡時。如何。門曰東村王老。夜燒錢。話頌曰東村王老。夜燒錢。喚鬼呼神。到日前黑漆崑崙。戴紙帽。夜明簾外打鞦韆。舉女子出。

定話頌曰三間茅草屋。六箇大煙炮。熏地熏心。發遍界煖烘烘。示衆達磨西來。以一乘法。直指單傳。令人見性成佛。至我少室。如九鼎繫以單絲。言之魄墮。汝諸人。越色力康健。打辦箇事。急須努力。莫閒過日。大衆且喚什麼作一乘法。豈良久曰。切忌喚喚作鐘。伊鄭徽三府。嚮師德風。勤從問道。而師之法道。豈可想見矣。嘉靖甲申年七十有一。倦接納。乃命門人於三十六峰煙霞中。結菴投老焉。

大鑑下第三十三世

嵩山載禪師法嗣

順天府宗鏡菴大章宗書禪師別號小山。順德南和李氏子。生明孝宗弘治庚申時。與羣兒戲。好作佛事。十歲能通經史大義。一日忽置卷歎曰。此治世事。非出世間了生脫死法。遂白父投郡之開元法堂。鍾雍染聞。月舟道眼精明。往參焉。入室請益。潛洵密踐者八載。一日因看舟語。錄見定國投機悟道。因緣有省。私計曰。此赤眼撞著火柴頭耳。卽入室問面壁九年。卽不問。斷臂安心事。若何。舟曰。只爲當初留毒害兒。

孫洗土不成。泥師曰：不因和尚舉，怎見少林人？舟便噓兩噓。師曰：不奈船何？打破舁斗，便出。又一日入室。舟問：入門須有語，莫將問來。問師曰：日面佛、月面佛。舟曰：腦後見腮。師曰：和尚也須仔細。舟縮身曰：山僧行年在坎。師禮拜曰：某甲罪過。舟乃以大法囑累焉。壬辰開法興德次主天慶五臺。世宗嘉靖丁巳，少室疏請再四。師乃歎曰：先師化後三十年，宗風逮弱盡前輩。有言禪林下衰，弘法者多假我偷安，不急急撐拄之，其崩隕可須也。某雖慙付囑，其如付囑何？遂欣然主之。丙寅上京，主宗鏡隆慶。改元丁卯，遊西山至谷集山三學洞。師喜其幽寂，遂結夏焉。至冬疾作，臘月十六日索筆書偈儼然坐脫。世壽六十八。僧臘三十六。茶毗，身骨分爲三處：一留宗鏡，一送順德祖塋，一歸少室。先是謝院日法鼓墮，地疾作日，秦槐枝摧寂後樹竟仆。師之去世，其關法運如此。

京東翻經自愛虛窓白，入定空搖蠟炬紅。禪榻擁蒲青鬱鬱，曉山臨水碧溶溶。客來石鼎堪聯句，簾卷晴嵐滿座中。便下座，丙辰四月十三示衆辭謝畢，說偈泊然而逝。

順德府內丘表善觀音院金山德寶禪師山東陽津劉氏子。幼從北京海眼寺惟安剃染，受學三載，乃參無念於山西榆次縣依七載，大有發明。次參月舟於嵩少，又九載得法。後趙燕聞師之道相，迎開堂無虛日。坐道場凡二十有餘，末乃就觀音休老焉。忽一日將道具盡付門人祖通代揚法化，乃說偈辭世曰：來時無影去無踪，生死輪迴好說空。今日翻身雲外路，一輪明月任西東。遽瞑目而逝。門人塔於舊隱之南，礪水之北。寂日當隆慶庚午三月初四世壽八十有五。

大鑑下第三十四世

宗鏡書禪師法嗣

河南府登封嵩山少室幻休常潤禪師字大千，南昌進賢黃氏子。幼失二親，從從父遊。骨目嶷群，優灑然。

若有所創。諸幻皆局也。無常謂何。乃入伏牛禮坦然。平祝髮居三載。初攝心如浮瓜。起滅相乘。茫無所厝。始南參萬松林於徑山。通所疑。林詰曰。疑是何人。厝者何物。師未諭。抵九華。一夕覺身同虛空。就客質之。客以爲理障。閱楞嚴至圓明了知。不因心念處。有省廓然。如鏡中象不落。幻空乃知前境直塵勞一息耳。次參大方蓮。問現鏡中象時如何。蓮曰。直須打破。師曰。打破後如何。蓮曰。亦未離心境。師亦未決。聞小山書法道異。諸方往參焉。舉前話。書曰。何必打破。師曰。其奈鏡象何。書曰。鏡象安在。師默而已。一日書問疇昔之疑。決不師舉。掌書曰。毋以罔象問景耶。師曰。此外更復何有。書曰。子試披衣檢看。師於是益加精進。力究者二年。書一日舉洞山偈。問曰。旣不是渠。畢竟是何人。師豁然契悟。呈偈曰。若要識此人。有箇真消息。無相滿虛空。有形沒踪跡。曾爲佛祖師。常作乾坤則。龜毛拂子清風生。兔角杖挑明月出。書復把住曰。子毋勸說。更須自入悟門。師曰。尙不借緣。何從門入。書曰。旣不借緣。何爲至此。師曰。因不借緣。所以至此。

書曰。就不借緣一語。爲我道看。師曰。彩鳳翻飛。身自在。鐵牛奔駭。意常閒。書乃付以大法。有定作人。天主當思。少室秋之句。師後應詔。過獲嘉。止一精舍。諸僧預設。至恭。師詢所以。諸僧曰。昨夢伽藍神掃門。云。旦日有祖師過。此師曰。祖師過去久矣。逮書遷化。輿議繼席者。非師不可。衆再請師。再却有舉書所以付囑意。師始允之。以萬曆甲戌秋入院。拈提說。法人皆歎未曾有。臨衆肅然。有上古風度。司馬汪道昆謂師魁然修碩。容止莊嚴。其響應如洪鐘。其溥渡如廣筏。其砥波流如山立。其隨機而顯化如珠走盤。至其秉大覺覺群迷。日孳孳然以道自任。云。蓋實錄也。乙酉四月七日。說偈告寂。備載全錄。宗伯陸樹聲文其石塔本山。

建昌府廩山蘊空常忠禪師本郡□氏子。從鶴林老宿剃落。甲子參少林小山。值山外出。乃前問曰。達磨面壁石何在。山指那青青黯黯處。師曰。指東話西作麼。山曰。杜撰禪和。如麻似粟。師曰。者老漢在者裡。魔魅人。那山便打。侍山遷宗鏡。師服勤三載。受囑還吁。

江隱從姑山日唯跌坐有問者師但搖手曰汝不會我語曰試說看師曰南城城外水滔滔向北流問者曰隱師曰向道汝不會我語後縛茅廬山二十年不與世接縉紳過謁唯默坐而已羅近溪輩相與論理學師則以向上語直掃之僧有以經論旨趣見難者師呵曰宗眼不明非爲究竟僧便問如何是宗眼師振衣而起無明參呈所得師曰悟則不無更須受用得著始得不然祇是箇承銀禪遂舉南泉打破鍋因緣問曰古人在甚處明日拂袖便行鈎有餌鍋兒打破玉無瑕師曰去牧牛場上待汝久在萬曆戊子忽一日告衆曰我有件要了底大事汝等須知衆茫然師豎拳曰會麼衆無對乃揮案一下曰吽吽爲汝了去遂趨寂塔於本山之麓壽七十五臘五十五生平言行縝密非有真心爲法者槩不輕示順德府蓬鵠山石河菴天然圓佐禪師字少溪本郡仙人鄉范氏子幼從普利瀛祝髮性好學偕大方往參小山於少室機契受大法之託歸里隱蓬鵠山堅不赴請杜史蓬巖吳相勸請再四始起而從之上

堂諸葛昔年稱隱者茅廬堅請出山來松花若也沾春力根在深巖也著開我豈敢哉古蓋如此今既推委無由只得與諸人眉毛厮結以拂子作圓相曰會麼向上一路千聖不傳學者勞形如猿捉影苟非忘形去智喪耦息機到虛靈不昧了了常知的田地過來要見他拈花之旨面壁之宗大似數他桃李宮牆外終非已有諸人還要知佛祖直指的消息麼乃以拂擊案曰適來山僧已自告報了也便下座僧問拈椎豎拂舉古明今皆是止啼黃葉如何是金錢師曰只見雷霆施號令那知星斗煥文章曰和尚是把火行其如學人何師曰閉目中秋坐却怨月無光吳蓬巖問如何是般若體師曰寂然不動曰如何是一般若用師曰感而遂通曰如何是下手得力處師曰罔象到時光燦爛曰如何是不得力處師曰離婁行處浪滔天曰恁麼則儒釋未始有異也師指空曰此儒耶釋耶同耶異耶巖作禮曰謝指示自是畿南河北靡不望風而歸萬曆乙酉亥月坐化於本菴門人建塔於受業舊隱

大名府大伾山興國如進禪師廣平永年陳氏子年十七投東山曉剃染受具抵京都遊講肆知非究竟於是抽身南遊結伴渡河參小山於少室久之有所得室中徵詰皆當仁不讓山慮師性不通情嘗誡之曰吾宗漸與世異慧命如一絲之繫九鼎貴有得力兒孫深心保護子既知石龜夜步可如木馬遊春直須處處忘機方見頭頭顯露然尙有向上一路猶當審悉嗣囑偈曰長羽石龜月下行渠今覲面得分明直須收斂藏箱篋不遇知音決莫呈尋隱舊里影不出山不喜見內客久之開法機如走珠衲子曰益盛一日應聘北上途宿三教堂堂西壁向有慈布袋像後爲羽士居安雙髻改呼鍾離權遷供東壁每以緇衣黃冠一樣兩人爭衡代位妖孽一方住僧求師除之師以杖指像曰者塊泥團變怪無端髡頭了髻魔魅閭閻妄生喜怒東那西遷不遇老僧親點破空教冷地受牽纏咄四大各復識取本源從此長安風月舊大家安享太平年遂連棒像爲粉碎法化聞帝闕賜紫伽黎褒寵甚至寂後塔於寺左

懷慶府龍岡寺大方如遷禪師號松谷生鳳翔岐山落星里族李氏有夙根見佛寺如舊居年十七父母從其志乃捨依本郡無蹤本剃染嘉靖丁巳以已躬下事未明首參悅菴喜力究向上一路秉具後尋入青峰山弔影苦參忽有省辛酉走少林謁大章決擇大事朝夕入室陶鎔從上機緣久之蒙印可有鍼頭玉線海底風牛之囑且系以偈曰帶子鐵牛海底藏憑伊尋得細調降既欣性善歸牢圈異日肥充耕大邦於是徧參諸方回京窮性相宗旨未抵懷慶鄭世子讓國潛修白業聞師至致禮參請深相印契乃於府城北建龍岡精舍延師弘法四方學者由是麀至萬曆丁亥遷大都慈雲戊子遷千佛寺庚寅奉聖母慈聖皇太后懿旨領大慈壽寺間及淨土唯心法門衆盈千餘欽頒大藏法寶御書大法寶藏四字甲午春遂回龍岡安供戊戌八月十一示寂世壽六十一臘四十五全身塔於龍岡寺西原舉萬松問雪庭曰從何得箇消息便恁麼來庭曰老老大大向學人納敗關松曰老僧過在甚處庭曰學人且禮拜暫爲

和尚蓋覆却頌曰。襁褓纔離便放驕。還他家世擅英標。堪矜巖桂秋風好。萬斛天香透紫霄。

大鑑下第三十五世

少室潤禪師法嗣

順天府大覺寺慈舟方念禪師。別號清涼古唐楊氏子。生嘉靖壬子十歲。失父投京。廣德大慈義爲師。十五剃染。登具廿一。遊講肆知文字。非究竟法。乃參幻休於少林。休問甚處來。師曰。北方休曰。北方方法道何似。此間師曰。水分千派。流出一源。休曰。怎麼何用。到此師曰。流出一源。水分千派。休可之。命典維那一日遊初祖面壁處。忽然大悟。乃曰。五乳峰前好箇消息。大小石頭塊塊著地。呈休休知爲克家種草。遂囑曰。從上佛祖以自己所證。遞相承襲。欲令一切人知有此事。余得之小山先師。今授於汝。汝當體佛祖心。紹續慧命。然尙宜晦跡林泉。乘時而出。付以偈曰。無上涅槃心。佛祖相分付。吾今授受時。雲淨峰頭露。時年方二十八。既而以差別智。不可不明。遂徧參諸方。備行苦行。明萬曆丁亥。在古華巖石城精廬。過分雙口。

失明乃思。惟曰。幻身非有病。從何來。身心一齊收下。端坐七晝夜。眼仍平復如常。尋入吳渡江。歷補陀辛卯說法。越之止風塗。廣濟蘭。若有澄鐵業者。以所得來見師。勘驗問知爲法門樑棟。乃出休所授囑累焉。有五乳峰前無鏃箭射得南方半箇兒之句。師以大法肩承得人。可謂無事。乃遊吳抵秀州。福城整飭東塔。次走江西雲居匡廬。將赴臺山。請而越中。經白力挽之主寶林。當萬曆甲午也。未幾示寂。嗣子迎遺骨塔於顯聖之南山。先是師在越。以寶林眷眷於懷。汰如河公以爲必清涼後身。乃載之高僧傳焉。

河南府嵩山少室無言正道禪師。洪都新建胡氏子。投上藍。璘薙染十五遇老宿知休。指示禪要。從其遮憩南嶽淨瓶巖。力事參究。一日休以張拙頌示師。師曰。眞如尙不可趨。何頌之有。休奇之。乃指往參嵩山幻休。休一曰。上堂師出問。如何是洞上家風。休曰。月下三花樹。峰前雙桂枝。師曰。和尚還有否。休曰。唯此一事實。無二亦無三。師言下頓契。呈偈曰。雲攢絕頂月。鎖幽巖石人。撫掌木女舒顏。休可之。乃印以偈曰。

無言的旨不離言。玄唱玄提妙有傳。今日單傳親印授。芬芳雙桂利人天。明萬曆庚寅主少林時。沐梁周藩汝寧崇藩。皆請師說法。崇藩有世子患足非杖不立。師爲引之。周行七步而足疾頓瘳。其道德動人如此。僧問外道問世尊。不問有言。不問無言。而世尊但良久。意旨如何。師曰。動容揚古路。不墮悄然機。問如何。是新年頭。佛法師曰。靈春已有新條。令不必重重爲指陳。有老宿問如何。是無言。師曰。四時行焉。又一老宿問如何。是無言。師曰。萬物生焉。師之對機敏捷。有如是生平襟懷磊落。誨人真實。初無浮華示寂。門人塔全身於本山祖塋之側。

保寧府廣元漢王山實相善真禪師。南昌熊氏子。幼業儒。嘗以三教誰尊爲問。人以佛對。遂往廬山禮湛堂落髮。入武夷聽默菴拈提。無所入。乃之楚興國州建寺安衆。道望聞州。收俄捨去。參幻休於少林。有間事徧參。縛茅頂山獨棲。雪夜負薪忽大悟。嗣入終南居九坪。旋聞休訃。爲位哭之。乃入蜀興復漢王山。不數年。頓成叢林。以萬曆戊戌五月示寂。有樂去論一

行三昧說山房夜話及詩偈行世

續燈正統卷三十七

續燈正統卷三十八

南海普陀嗣祖沙門西蜀 性統 編集

曹洞宗

大鑑下第三十五世

廩山忠禪師法嗣

建昌府新城壽昌無明慧經禪師。撫之崇仁斐氏子。生而穎異。性無嗜好。九歲入鄉校。使問浩然之氣爲何物。塾師異之。長依廩山。常疑金剛四句爲必有指據。偶閱傳大士錄。有若論四句偈。應當不離身之句。不覺灑然。時年二十四。知有此事。遂辭山結廬義峰。閱燈錄於興善章僧問如何。是道。善曰。大好山有疑。日夜提究。至忘寢食。一日因搬石正極力推次。忽然有得。走呈山。山詰之。應對有緒。遂與剏染受具。當萬曆乙亥。自是二十年不出山。有偈曰。野獐不囀人間

食十二巫峰得自由。養就縱橫無礙力。崑崙翻轉作瀛洲。偶一僧問。曾見甚麼人來。便住此山。師以總未行脚。對僧曰。豈可以一隅而小天下乎。師然其言。急擔囊首謁少室。會無言主席。與論旦夕。言喜師出語奇特。因與當道尙父熊公請。就寺示衆。一時緇白歎未曾有。尋入五臺訪瑞峰。通南還受閩建董嚴結制。請一香爲藥山拈出也。後遷壽昌。寶方峩峰三刹。三刹得師唱道。皆煥然一新。上堂。諸佛常時說法。不須擬議猜詳。且道說的是甚麼法。天地玄黃。宇宙洪荒。不論通宗透教。祇實直下承當。承當箇甚麼。雲騰致雨。露結爲霜。蛟龍不宿死水。猛虎肯行道旁。透得者些關。板何須願往西方。不問先佛後祖。鼻孔一樣放光。作麼生放光。化被草木。賴及萬方。釋迦不肯漏泄。達磨九年覆藏。峩峰不惜口業。直下爲你宣揚。且作麼生宣揚。罔談彼短。靡恃已長。上堂拍案一下。曰。向上一宗。難爲措置。大用大機。怎容擬議。等閒垂一句。如太阿鋒離匣。觸之者死。不移時。似塗毒鼓受過聞之者。喪不旋踵。所以道。妙峰峻峙。異獸難藏。寶

樹晶光。靈禽莫泊其用也。單趺金毛。歸野竄。直追鐵額入深山。掃天下之攪搶。拂世間之華屑。提墮坑落。墮之類。揭迷封滯。殺之流。其功也。使法界世界。虛空界一體。同觀俾佛道人。道地獄道。萬法融會。雖然。猶未是向上事。須知更有出格限量外一句。且作麼生是量外一句。正令未施。先斬首大機。纔展佛魔。悲上堂。南泉道三世諸佛。不知有。鰲奴白牯。却知有。恁麼則三世諸佛。齊立下風。且道。鰲奴白牯。有甚長處。首座曰。爲他金烹大治。玉出藍田。師曰。賣坊者。裡總與越出。何故。秉綱立紀。振叢林。海晏河清。正令行。好漢盡驅歸寶所。化城推倒。不留人座。曰。某甲則不然。師曰。汝作麼生。座曰。閒擔布袋。渾無事。笑等街頭一箇人。師曰。也是閒絃子。師登古希。尙混勞侶。耕鑿不息。丈室翛然。唯作具而已。嘗有偈曰。冒雨衝風去。披星戴月歸。不知身有苦。唯慮行門虧。益王嚮師道。德屢加褒敬。嘗曰。去聖時遙。幸遺此老。萬曆丁巳臘八前一日。自田中歸。謂衆曰。吾自此不復砌石矣。衆莫諡其旨。除夕示衆曰。今年只有茲時在。試問諸人。

知也。無那事。未曾親。磕著。切須痛下死工夫。云云。末復曰。此是老僧最後分付。切宜珍重。明正三日。示微恙。遂不食。其教誠諄諄倍常。時衆環侍。不懌。師諭以偈曰。人生有受。必償。莫謂老病死。慌拈却。無生法。忍自然業識。消亡。一時雲淨。常光發。佛祖皆安。此道場十四作書辭道。俗十六書舉火。傷次晨。盥漱拭身已。索筆大書曰。今日分明指示。擲筆端坐而逝。七衆爲失依。茶毗頂骨牙齒不壞。塔方丈後。世壽七十一。僧臘四十四。慈山清云。師不唯法眼圓明。一振顏綱。而峻節孤風。誠足以起末俗。蓋實錄也。

大鑑下第三十六世

大覺念禪師法嗣

紹興府雲門顯聖湛然圓澄禪師。別號散木。會稽夏氏子。生明嘉靖辛酉八月。祖千徒。以孝聞。師生而穎悟具辨。才觸事解了。性不羈。雖人所苦難。賤簡事。率躬親。無所諱憚。親沒。走投隱峰。知有參禪事。看念佛是誰。三晝夜。有省。趨似峰。峰叱之。退覺有物礙膺。年廿四。往投天荒從妙峰。薙髮。脇不就席者三年。乙

酉。聞僧誦傳大士偈。向者礙膺物爲之脫然。便能記持。解甚深義。秉聚雲棲。還掩關寶林。因憶乾峰舉一不得舉二話。豁然大悟。有頌明之曰。舉一舉二。別端倪箇裡。原無是與非。雪曲調高人會。少獨許韶陽和得齊。二老何曾動舌。諸方浪自攢眉。擬議鷄過新羅。刻舟求劍。原迷又頌雲門十五日話。自是出語皆能脫去窠臼。在雲棲。值送茶毗。歸棲問亡僧遷化。向什麼處去。師出曰。多謝大師挂念。棲領之至。半堂訪有無念。問古人道。如紅爐上飛片雪。相似且道。還具透關眼也。未念曰。我不見有甚麼古人師。急指曰。背後。齊念休去。神宗萬曆辛卯。慈舟和尚來自京師。說法會稽。止風塗師以所得質之舟。問止風塗向青山近越王城畔。滄海遙時如何。師曰。月穿滄海。破波斯不展眉。舟復以洞上宗旨次序徵詰。師對以偈曰。五位君臣。切要知箇中。何必待思惟。石女慣弄無絲線。木偶能提化外機。井底紅塵騰靄靄。山頭白浪滾飛飛。誕生本是無功用。不覺天然得帝基。舟曰。子日後開兩片皮。截斷天下人舌頭。有分在。遂命入室。印以偈

曰曹源一滴水佛祖相分付吾今授受時大地爲甘露。咄五乳峰頭無鐵箭射得南方半箇兒。太史陶君石簣太學張君濬元請興復顯聖住持三十年惟弘道是任在。趙祖庭首稱其盛甲寅主廣孝乙卯主徑山丙辰主東塔。上堂前山頭鴉鳴後山頭鵲噪祇是者。○沉思卽不妙妙不妙啞子喫黃連有口不解道。上堂值鶩鳴乃曰金雞上座爲汝等先轉第一義諦根本法輪了也更討甚麼盤還會麼若不。會山僧爲諸人再舉。上卓拄杖曰有耳定非聾漢。聾起曰有眼定非瞎漢。還會麼。頻呼小玉元無事只。要檀郎認得聲。復卓拄杖一下。上堂喚二作三。指七爲八。倒秉太阿。佛魔盡殺却憶東村王大娘。翻著西村李公瓊。見者聞者皆笑。殺拍手曰噫嘻。噓阿喇。喇。上堂若人識得心。大地無寸土。不信女媧氏天。缺鍊石補然則山僧今日登此座上。又何所爲。良久。曰舉意碎鐵盞。無心射石虎。上堂老儂不識字。錯讀己己己。去問大人答道。彌是彌且道識字的是。不識字的是。良久曰若是獅子終不逐塊。上堂一。

拽石二梭磨日用云爲切忌。蹉過玄沙本是謝三郎。休向前村覓李大大衆。作麼生是不蹉過底事。只見六龍爭鬪舞。豈知丹鳳入青霄。上堂西風正。獺惡萬籟俱蕭索。枝葉盡凋零。露出者一著。大衆且道者一著是箇甚麼。良久曰。夜來何處火燒出古人墳。上堂寂寂直言寂寂。惺惺直言惺惺。泥牛空裡翻筋斗。木女巖前喫大驚。且道是何意旨。玉兔懷胎當午。照金雞抱子五更鳴。小參煙雨盜將山色去。溪風送得水聲來。本來法法皆成現。莫教心識強安排。大衆若作境會。許你具一隻眼。若作佛法會。打碎你頭顱。拄杖子未歇手在何故。我王庫內無如是刀。示衆若論此事。直得三乘膽喪。十地魂驚。就是等覺大士到者裡也。只好隔羅望月。大衆且道。諸僧家有甚過人處。敢爾大言不見道。如將梵位直授凡庸。非常之旨人焉瘦哉。示衆儒者然黎苦讀田者帶雨耕鋤。雖則勞逸有異。要且同是工夫。祇如沙門輩不田而食不蠶而衣。畢竟成得箇什麼邊事。卓拄杖曰。雨滋三草秀。是處唱堯歌。示衆毛端現刹塵。轉法輪。

芥納須彌。粟藏世界。冷眼看來。未是吾人本分事。且道如何是本分事。惟獨自明了。餘人所不見。示衆。含珠報德。按劍者。自擬抱璞呈君。朋足者。不智衆中。還有感恩懷報者麼。若有不得辜負老僧。示衆。未達境。唯心起種種。分別達境。唯心已分別。即不生現前山明水秀。鵲噪鴉鳴。是分別。不是分別。試斷看。示衆。舉不顧。即差互。擬思量。何劫悟雲門。大師拈山門向佛殿裡。即且置。移須彌納芥子孔中。且道是什麼人。示衆。舉拂子曰。雲門大師來也。向道拂子昨夜變作龍吞却。百億須彌。百億日月。百億香水海了也。諸人那裡。知得山僧今日饒舌。再與你通箇消息。擲拂子曰。無風荷葉動。決定有魚行。示衆。門外鈴。擲子曰。何意。事閒遊家財。無可託長者。日添愁。噫。爭似酒樓聽歌妓。你若無心。我便休。師初在嘉熙寺。同紫栢月川陶石簀黃慎軒諸公。旣月次軒問馬祖與南泉西堂百丈。旣月因緣。乞師一語。師曰。你坐我立。不得爲說。軒亟起謝。過川曰。內輪錯過了也。栢曰。我下語不及此老。雪嶠信問和尚在此作甚麼。師曰。

殺人信曰。有者等手段。師曰。五年不見。只道你鼻孔向上。了一日。同石簀基隆圍爐次。簀曰。無念師在此。阿師得力句。乞爲舉似。師曰。向火背猶寒。巡漕蘇雲浦問。鴛鴦繡出從君看。不把金針度與人。如何是金針。師曰。我在京師走一遭。不曾遇著一人。浦擬進語。師曰。金針失也。僧參師。問行脚事。作麼。生僧劃一圓相。師劃破。僧敲桌三下。師却畫一圓相。僧又敲桌三下。師又重畫三圓相。僧抹却。師曰。離此之外。別道一句。僧擬議。師喝出。問萬法歸一。一歸何處。師拈絲條示之曰。此是杭州六分銀買得的。問南泉斬猫意旨如何。師曰。莫謗他。好曰作麼。生得不謗去。師曰。蒼天蒼天。問祖意教意。是同是別。師曰。一輪明月照姑蘇。問麻谷參章敬。章敬道是意旨如何。師曰。拈一放一。不是好手。問清淨本然。云何忽生山河大地。師曰。爲你有者。一問。問和尚常教人放下。未審放下箇甚麼。師曰。優盞羅華三千年開一遍。晚參舉鼓山赴閩王請。因緣曰。一人死中得活。好手手中呈好手。一人半路抽身得便宜。處失便宜。

雪峰道好隻聖箭射入九重城裡去。早是拋鉤擲釣。孚上座云。待某甲勸過始得。盲龜跛鼈。納敗缺了也。孚越至中路歸舉。似雪峰大似把髻投衙。峰云。他有語在。須知不是好心。孚云。老凍膿。猶有鄉情在。祇知食程不覺錯路。峰便休。無齒大蟲。傷人不知痛。大眾徑山與麼批判。久參上士。定知雪峰做處。若是初機。切不得向他三人分上著。脚直須自己。有箇活路。始得師生平。不爲律縛。脫略軌儀。腸直如絃。舌快如矢。遇人無貴賤。新故一皆以本色。鉗錘山東德王刺血。修書請至府間道。受戒師應之。凡有利益人者。無不從事。熹宗丙寅臘月朔。作付囑語。數紙。四日過天華。示衆。纔有僧告假。師曰。老僧今日亦欲起程。晚復爲衆垂語。諄諄至夜半。丑時。右脇而寂。門人奉全身塔於顯聖之南山。世壽六十六。僧臘四十有三。

少室道禪師法嗣

河南府登封嵩山少室心悅慧喜禪師。字寒灰。金臺滿城劉氏子。從普濟昇剃度。十六請益盤山。參究工夫。矢志不倦者。至忘寢食。一日。閱燈錄。僧問立沙。如

何是無縫塔沙。曰者一縫大小。師豁然有省。嗣是徧見慈雲松谷淨淵諸鉅衲。會無言主法少林。師參之有契。典維那久之。言以偈囑曰。密法無法付。當傳何以傳。無傳無付處。明暗妙相參。尋隱燕野有年。言既寂。登封令請師繼其席。師以明熹宗甲子入院。僧問如何。是君師曰。千金之子。坐不垂堂。曰如何。是臣師曰。流人去國。行遠思深。曰如何。是君臣道合。師曰。寰中天子。絲綸降塞外。將軍報捷歸。崇禎癸酉。周藩請入汴。寓給苑香林。士夫問道無虛日。兵憲曹應秋問和尙年登七十色若孺子。可謂有德。師曰。居士何得以德贊壽。曹曰。有德斯有壽。師曰。顏淵豈無德耶。曹曰。顏子德固有之。只因太褻聰明。所以無壽。師曰。然則孔子之聰明。乃不若顏子乎。曹無以對。師辨才敏捷。類如此。己卯冬辭歸少室。示微疾。衆環問疾。師屈指曰。臘月十五日。卽愈。至期命浴安坐而逝。壽七十六。門人海寬等建塔於寺迤西。

壽昌經禪師法嗣

廣信府博山無異元來禪師。廬州舒城沙氏子。誕明

萬曆乙亥生而白衣重包十六遊講肆有聲忽歎曰求之在我豈區區事文句哉遂走五臺投靜菴通剎落修空觀五年知非乃參壽昌看船子藏身處沒踪跡話一日於閩白雲峰閱趙州有佛處不得住因緣有省還見昌昌問蟻子解尋腥處走青蠅偏向臭邊飛是君邊事臣邊事師曰臣邊事昌叱之師不憚尋居一室倍加死工一日聞護法神倒地不覺豁然以偈呈昌曰玉山誘一言心灰語路絕幾多玄解會如沸湯澆雪沒巴鼻金針好因緣時節梅蕊綻枯枝桃花開九月觸目如休辨別急水灘頭拋採竿溺殺無限英靈客昌笑給之曰子一到多門又到門師曰也不消得然終不自肯一日如廁覩人上樹始大悟亟趨見昌昌曰子近日事作麼生師曰有箇活路只是不許人知昌曰既是活路爲甚麼不許人知師曰不知不知昌遽曰婆子具何手眼便燒菴越僧師曰只要黃金增色昌曰僧問玄則龍吟霧起虎嘯風生公案試頌看師立頌曰殺活爭雄各有奇糲糊肉眼曷能知吐光不遂時流意依舊春風逐馬蹄昌笑曰子

今日方信吾不汝欺也師曰向後還有事也無昌曰老僧只知二時粥飯子後得坐披衣幸無籌策足矣壬寅師年二十八出住博山次主閩之董嚴大仰鼓山崇禎已已赴金陵天界請法席稱至盛上堂諸佛出世爲一大事因緣幾幅素縑描不出博山出世亦爲一大事因緣一條白練驚頭穿破顏老漢曾相委多少人天被熱瞞諸昆仲須知此事不從功行得不從修證得不從思惟得不從禪定得饒你將自己身心鍊得如枯木寒灰百年在定終是一箇死人本分中事全沒交涉所以道直饒到澄潭月影靜夜鐘聲隨扣擊以無虧觸波瀾而不散猶是生死岸頭事諸昆仲直須向花柳街前遠得九衢春色芙蓉岸上帶來八面秋風始有應用無虧隨緣自在的日子諸昆仲還知博山今日的行履處麼良久曰自有一雙窮相手未曾輕揖等閒人上堂不與萬法爲侶者是甚麼人紅塵堆裡露全身了知萬象空無物那見山河礙眼睛三歲孩兒頭似雪神光萬里一條鐵底事分明說與知當戶連山也太奇兼帶位中親迸出

巖前石虎夜生兒。兒則且置。且道是甚麼時子。丑寅卯辰巳午未申酉戌亥乾三連坤六斷。離中虛坎中滿。屈指頭倒數來。依舊寸長尺短。上堂真不掩。僞曲不藏。直大千沙界。黑如漆。揭開雲霧見青天。男兒肯向他尋覓。一語中具三玄。新婦騎驢阿家牽。一玄中具三要。跛脚獼猴多躑跳。有照有用砂盆打著。連底凍立主立賓。相將携手過西秦。唯有東村王太乙。一番拈起一番新。上堂博山今日不說有法不說無法。不說亦有亦無法。不說非有非無法。離四句絕百非。石人點頭青山皺。眉深寒博得三春暖。破霧披雲入翠微。上堂天地與我同根。萬法與我一體。肇公祇知全身拶入。要且不會轉位。旋機殊不知說箇一體已成。兩橛不見。道喚作如如是。變了也。諸昆仲須知古佛堂前。曾無異說。夜明簾外。別有家傳。分明月照金沙。喜見庭生瑞草。家風笑展從他。野渡無人。寶樹風清。須信白雲有主。向者裡別有生涯。可與古人把手。其或未然。博山有箇方便。卓拄杖曰。急著眼薦。小參宗門中事。難以措辭。盡力道不得底。

句作麼生開口三乘十二分。教有人說去了也。卽卽卽。卽佛有人說去了也。非心非佛。有人說去了也。不是心。不是佛。不是物。有人說去了也。且道與諸昆仲。分析箇什麼。卽得良久。曰。黃金自有黃金價。肯爲和沙賣與人珍重。小參長慶道。萬象之中。獨露身爲人。自肯乃相親。卽今山河大地。樓臺池館。滿目青黃。是萬象。喚什麼作獨露的身。拈拄杖曰。還會麼。莫只圖他山色好。須知別有故園春。卓拄杖一下。僧問。如何是和尙的具眼處。師曰。善逝橋邊逢聖主。曰。未是和尙具眼處。師曰。三十棒。越出僧一喝。師曰。者一喝落在甚麼處。僧擬議。師直打出法堂。問。一口氣不來。向甚麼處安身立命。師曰。毗盧閣後鳳凰山。問。如何是無量壽。師曰。烏龍潭。上浪滔天。曰。恁麼則有量也。師曰。天池一滴水。怎與衆同流。問。諸佛國土亦復皆空。畢竟向甚麼處莊嚴淨土。師曰。青龍山上鹿兒肥。曰。不會。師曰。流鶯雖有語。天籟聽無人。問。向上一著如何。道。師曰。石頭城外垂楊柳。曰。者是衆生眼。如何是和尙眼。師曰。吹盡殘花色。愈鮮曰。某甲參學。

二十年今日學得一拜師曰三十棒且待別時。問不得敲唱雙舉。請示正中妙訣。師曰高低雲遶。樹曰謝師答話。師曰遠近鳥銜花。師行道三十年。門庭莊重。法道森嚴。兢兢重大。法座下雖英傑。鱗集始終不輕許可。嘗曰寧不得人勿授非器。即不得人嗣雖絕而道真自無傷於大法。苟授非器名雖傳而實僞。得無欺于佛祖。顧諸方罕有能及庚午示疾。首座問和尚尊候如何。師曰儘有些子受用。座曰還有不病者也。無師曰熱大作。麼座曰來去自由。請道一句。師爲書歷歷分明四字。擲筆而逝。塔全身於本山西峰。壽五十六臘四十。

建寧府東苑晦臺元鏡禪師別號湛露郡之建陽馮氏子。生明萬曆丁丑六月。幼而穎拔。篤於孝友。甲辰投虎嘯巖麗空祝髮。讀楞嚴知見無知處。有得遂擢衣參壽昌於寶方。呈所見。昌爲痛呵曰墮大嶮坑。漢師驚悸失所守。於是奮志參究。不知味者久之。一日閱維摩經至此。室何以空無侍者。曰諸佛國土亦復皆空處。豁然大徹。第覺行與解左復疑。作後閱圓覺

隨順覺性章而一切疑礙始得永拔。是年庚戌竟趨壽昌求質。曰元鏡特以此事求和尚著眼。昌曰但言此事。此事何憑。師彈指一下。昌曰猶疑你在師。即呈偈曰可憐摸索幾多年。識破不直半文錢。宗流特煞瞞人甚。剛道祖師別有禪。昌復詰曰且道甚處是趙州。勘破婆子處。師曰和尚莫作怪。昌爲大笑曰。衲僧家到恁田地。始不受人牢籠。師遂掩兩耳。昌囑曰。子此後宜深隱。自有好時節到來。若強出便可惜也。因付以偈。有正令相持時刻。慎逢人唯勘印其心之句。師拜受而歸。乙卯會無異說法。閩之大仰師特訪之。相見次異曰。禮佛著師端坐異。又曰禮佛著師把住。曰那箇是佛。異曰者是那裡來底。師拓開曰。者是那裡來底。異就坐。師大笑便出。又喫茶次異曰。聞師兄親見壽昌。且道壽昌和和尚當年命根斷在甚麼處。所師劈面一掌曰。且道在甚麼處。所異不對。師便出。異曰三十棒可惜放過。即日異上堂呼曰。晦臺師將出衆。異曰誰叫你師出。震聲一喝。異曰取棒來。師曰宿食不必拈出。且道馬祖一喝因甚。百丈三日耳。響異

日金風多肅殺。秋露愈加寒。師拂袖歸衆。吳曰。你只學得一箇走師。不顧戊午。出住書林東苑。辛酉。開法一枝菴。上堂。羽衣道道。法本無多。南辰貫北河。祇消一箇字。降盡世間魔。且道是那一個字。喝。一喝。便下座。尋歸隱武夷。構室石屏巖。孤風絕侶。人所難親。間有衲子求見者。師遽喝曰。你者禿厮。失了魂來者。裡討甚麼盃。嘗躡嶮兀坐。終日來者。皆望崖而退。崇禎庚午。示疾。一日指巖下。謂行者曰。此處可以埋我者。曰。設使死了埋了。又作麼生。分發。師大笑一聲曰。恰好恰好。行者再問。則師已蛻去。時七月十三也。壽五十四臘二十六。塔於師所指石巖祠部黃端伯作銘勒於石。

建昌府新城壽昌見如元謐禪師字閔然。郡之南城胡氏子。生明萬曆己卯臘月幼端靜。不喜章句之學。二十一隨父謁無明于寶方。若有舊識。浹月再至。求剃度。不可。走臨川禮金山鐙菴。染次年再謁明于寶方。充火頭。父母戀戀不置。師痛割之曰。恩愛不斷。生死不斷。生死不斷。親恩將焉而酬。父母乃聽之一日。

明與僧論世尊良久。因緣師近前曰。是何道理。僧曰。者箇無你分。師曰。人人有分。底爲甚麼。元謐獨無明曰。你既有分。爲甚麼求人。師無對。於是力參苦究。不間晝夜者久之。忽念親恩。莫報。往白明明曰。除是明心見性。師求所以捷徑。方便。明曰。父母未生。汝已前是何面目。師默無所趨。嗣是徹夜不臥。衣不整帶者。越月於拽磨。次偶失手。觸磨盤。有省。以偈呈明曰。本來面目不須尋。一點靈明亘古今。要識生前端的句。巾珍彬真欣鄰仁。明曰。前三句卽不問。後一句意作麼生。師曰。不可。雪上加霜也。明曰。今日且放過。然於表不敢自是。復看如何。是道。一夜坐圓中。至五更正。猛提際。忽聞蛙聲。當下身心一空。無以爲喻。從是得通身放下。要覓一絲毫了。不可得。以偈呈明曰。虛空逼塞一聲蛙。水鳥含靈共一家。十字街頭親著眼。自歌自唱哩蓮花。明領之。明一日忽問。如何是佛。師掩耳而出。師坐禪。次明巡堂。問在此作甚麼。師不對。明曰。莫啞麼。師亦不對。明曰。眞箇啞。那師下禪牀曰。和尚也不得向髓中覓。骨明曰。畢竟事作麼生。師曰。鈔

柄杓把明曰三十棒且放過是冬居第二座明春事
徧參潛行密用如愚若魯者二十年及歸明已示寂
祠部黃端伯以壽昌席不可虛請繼之師入院一拈
提問八面咸服龍湖寶方之新且剽事也師御人無
少長高下有拜必答語意溫溫里紳公府皆服德欽
風且願執弟子禮其道德感人如此順治己丑示寂
壽七十一臘五十茶毗骨粒如銀雪置塔中級有指
據錄行世法語外偈頌居多

頌趙州狗子佛性無話曰泰山傾倒壓蟪蛄氣絕心
灰識浪平不是泥牛開隻眼焉知猛虎坐中廳而塔
上之銘則有黎東古柱下史鄧澄撰

福州府鼓山湧泉永覺元賢禪師建陽蔡氏子生明
萬曆戊寅二十補邑庠讀書山刹聞僧唱云我爾時
爲現清淨光明身忽覺通身歡喜急請經閱之則又
茫然莫曉乃往參壽昌於董巖昌令看乾矢橛話久
之一日因僧舉南泉斬猫話有省成頌曰兩堂粉闥
太無端寶劍揮時膽盡寒幸有晚來趙州老毗盧頂
上獨盤桓呈昌昌曰此事切不得於一機一境上作

解會須是向百市千重處垂手直過尙當遇人所謂
心雖已在千峰上猶更將身入衆藏始是參學眼也
師唯唯丁巳年四十親歿乃棄家竟投壽昌剃染一
日值昌田中歸師逆問曰如何是清淨光明身昌振
衣而立師曰祇此更別有昌遂行師當下豁然隨入
方丈拜起將通所得昌遽連打三棒曰向後不得草
草次年昌寂圓戒博山居香爐峰三載每當酬酢皆
當仁不讓山嘗曰者漢生平自許他時天下人不奈
渠何歸闕舟次劍津聞同行僧誦曰一時警欬俱共
彈指是二音聲徧至十方諸佛世界師忽大悟乃徹
見壽昌用處作偈曰金雞啄破碧瑠璃萬歇千休祇
自知穩臥片帆天正朗前山無復雨鳩啼嗣是居金
仙菴閱藏三載次隱荷山崇禎甲戌出住鼓山乙亥
開法開元馨香爲壽昌拈出矣丁丑出浙主眞寂辛
巳歸闕主寶善次結制開元復還鼓山上堂東海
龍王與日月燈明佛大相爭戰勝負不分山僧將二
人各與三十烏藤趕過北鬱單越去也諸人還委悉
麼良久曰二人是非且置只如晴明陰雨外一句作

麼生道咄。上堂。雪山老人指鹿爲馬。東西祖師證龜成鼈。次第累及山僧。亦不免將錯就錯。今當端陽佳節。不可虛度。將太虛空捏作箇小粽子。與諸人充腸果腹。乃托起香盒曰。大衆還嚼得碎麼。若嚼得碎。行也。競龍舟歌楚些。一任煙波自由。不用飲蒲酒挂艾旗。自然妖踪頓息。如嚼不碎小粽子。塞却諸人口門去也。咦。臨淵無限傷心事。安得黃金鑄屈原。上堂。生從何處來。鐵鋸舞三台。死從何處去。三台吞鐵鋸。勿以明相觀。勿以暗相遇。坐斷兩頭關。銀花開玉樹。堪笑當年老凍膿。不解放行。只解把住。山僧今日放行也。諸人還會麼。咦。夜半石人方反側。□場好夢向誰言。上堂。諸方浩浩競談禪。老僧常抱白雲眠。今朝却被人咬。哄無端走向法堂前。算來無計施設。只得將古人葛藤爲諸人拈掇。一上僧問古德如何。是禪曰。糊獮上樹尾連顛。又僧問如何。是禪曰。猛火著油煎。又僧問如何。是禪曰。碌磚此三轉語。如駭雞。犀八面玲瓏。如大火聚。棲泊不得。如塗毒鼓。聞者喪身失命。諸人向者三句語。透得三千七百則。陳爛葛

藤一捏粉碎。但老僧者裡。却不如此。若有問如何。是禪。向道鳳山深處雨如煙。又問如何。是禪。向道門前池水養新蓮。又問如何。是禪。向道鷓鴣啼破白雲天。若會得老僧底。盡會得古人底。會得古人底。未必會得老僧底。若會得老僧。當別飯炊香飯供養你也。小參直截根源。不存知解。當陽露出不費纖毫。若也眨起眉毛。早成蹉過。纔落擬議。便隔千山。所以睦州見僧來。便掩門。魯祖見僧來。便面壁。可謂眞實相爲。豈似我輩阿漉漉地。說三道四。問妙答玄。祖師門下。成箇甚麼。雖然也須識古人誦訛。始得祇如魯祖面壁。羅山云。我當時見好與五火抄。何故爲他解放。不解收玄沙云。我當時見也與五火抄。且道與羅山是同是別。二大老雖則各具手眼。檢點將來。總是借西家燈照。東家壁。山僧今日將三大老各與五火抄。還會麼。橫身當宇宙。誰是出頭人。小參曲如箭直。如鈎。小是海大。是漚蜺。跳過東海。跛鱉飛上雲霄。參示衆。臨濟喝收歸後架。德山棒拋向前坑。不用從前殘羹餒飯。斬新條令一句作麼生。只把一枝無孔

笛夜深吹徹紫霄。僧問如何是正中偏。師曰古鏡自含光。曰如何是偏中正。師曰雪覆崑崙頂。曰如何是正中來。師曰不向死水蟠。曰如何是兼中至。師曰縱橫無忌諱。曰如何是兼中到。師曰古殿積煙雲。問洞山三十年鬼神尋不見。安平真人却來乞和尚戒。此與古人是同是別。師曰拯溺須臨水。嘯月却登峰。問如何是奪人不奪境。師曰燈月交輝處。公子醉扶歸。曰如何是奪境不奪人。師曰出戶一長嘯。杳然天地空。曰如何是人境兩俱奪。師曰仙人既羽化。丹竈亦坵墟。曰如何是人境俱不奪。師曰上林花似錦。每帶馬蹄香。問有道之臣因甚不用師。曰無渠著力處。問主人不出戶。如何見客。師曰自有侍者在。問既是無垢淨光院。因甚又作浴室。師曰淨地恐迷人。問牛頭未見四祖時。如何。師曰破驢脊上足蒼蠅。曰見後如何。師曰鐵牛背上無蚊蚋。僧參便喝。師亦喝。僧又喝。僧復喝。師曰饒你更喝八萬四千。不如還我未喝前一句。僧無語。師曰掠虛頭漢。好與三十棒。師器宇峻特。通內外典所

著有讓言禪餘內外集及諸法語。生平慎重大法行道三十年。未嘗輕易許可。順治丁酉九月朔。示疾不食者二十餘日。首座問末後一句如何。分付師。索筆書曰。末後句。親分付三界內外。無可尋處。越三日。中夜引首座手書曰。不有病了。令扶起。遂坐脫。當十月十七子時也。師所至異跡居多。以非吾宗。正茲不錄。戊戌正月。塔全身於山之西會。

續燈正統卷三十八

續燈正統卷三十九

南海普陀嗣祖沙門西蜀 性統 編集

曹洞宗

大鑑下第三十七世

雲門澄禪師法嗣

湖州府嘉興指南明徹禪師金華應氏子。年廿二投古卓剎。染卓示萬法歸一話。令參久之。恨無所入。兩斷其指。徧參明宿。愈覺茫然。還依真寂及無擇。雖有

省終覺癡。齊次從龍池。以追逼過度。狂發幾死。後參雲門。呈所見門。爲痛下針。錐始得脫。略一日。門曰。僧問法眼如何。是佛眼對。卽汝便是。僧便拜。尙問汝。汝作麼生。師曰。但向道。清風度廊下。門曰。未在。更道。師曰。到者。裡道箇甚麼。卽得門默之。異日。囑以偈曰。心是本來心。法亦無他法。心法祇如是。源源不可絕。當萬曆壬子也。同明內侍立雲門次。門曰。老僧四大不和。汝能療之否。師曰。蒼天蒼天。門顧因。因曰。譖語作麼。門曰。不如者不識字的。後住靜菴溪。偶至土橋。示疾。僧問大師得力宗門。今日臨行一句如何。分付師。震威一喝。僧視之。則師已逝矣。

紹興府明因夢浪明懷禪師。山陰王氏子。五歲驅烏天王寺。十七秉具雲棲遊講肆。有聲聞。宗門事有疑。遂參雲門。門問見猶離見。見不能及。如何是見。不及處。師下語無當。乃再拜求示。旨要門曰。者裡無甚旨。要汝時中。但看箇見。不及處。自有所詣。師參究之久。愈覺茫然。一日看雲門推出。旁僧曰。大眾證明話。以對雲棲。舉海底泥牛銜月走之問。忽然有省。走見門。

門卽席拈盤菓曰。我用處不換機。你喚他作甚麼。師撲菓落地。門曰。汝適道佛祖舌頭。瞞你不得。一盤胡桃。汝便破他瞞也。師曰。却是和尙破明懷。瞞門曰。你檢點話頭。看師曰。胡桃只是胡桃。桃門休去。門赴徑山。乃令師首衆顯望。丙辰省門於東塔會定林。同席師問大德尊號。曰。定林。師曰。葉落歸根。時如何。定擬對。師曰。何不道本來無枝節。到底亦條條定。乃問大德尊號。師曰。夢浪曰。無風時甚處安身立命。師劈面一掌。定曰。未在。師曰。三尺浪高。魚化龍。癡人猶辱夜塘水。門曰。夢浪行劍刃上事。若無後語。都成布袋裡老鴉。時埭山虎席延師主之。拈提宗旨。大有長處。門始付以偈曰。如是之法。宗說兼備。汝今得之。其善保。此後住明因。示衆洛陽牛犢飲禾頭。荊益田疇減半收。舜若多神枵腹死。江河淮濟淚長流。是汝諸人還委悉麼。便下座。示衆。昨日雨。今日風。非空非色。天台來徑山去。是聖是凡。孟八郎漢檢點得。七穿八穴。猶是隔靴抓癢。黃口雛。禪縱饒能打瓦鑽龜。都來接竹點天。何如嬾道人。饑來喫飯。困來打眠。後示寂。

塔於明因之前山□□□□□□□□

杭州府寶壽石雨明方禪師別號斷拂嘉興武塘陳氏子以明萬曆癸巳正月甲申墮地慧業生知靈根夙種年二十二偶遊雙塔寺觸昔緣遂辭親棄室投武林法相剃染一日與老宿課佛說次忽擲楸曰不惟西方東土亦可生矣獨於南泉三不是語礙膺如塊時雲門說法嘉禾東塔師往參呈所得門無他示但以俚言熱罵之而向所礙膺忽消落嗣閱楞嚴至我真文殊無是文殊若有是者則二文殊處不覺身心世界打成一片然冷地拶著未免吞吐不下復走見門門示以本色鉗錘不少假借次參博山慈山二老俱有得己未納戒雲門壬戌辭門住山饑寒毗佛洞風雨西方菴者久之心灰智泯如大死人却恨死了活不得復下西峰再參雲門一日門上堂曰放下著師乃豁然通身慶快呈偈曰平空一擲絕躊躇轉眼風波徹太虛會得竿頭舒卷意放生原是釣來魚門閱畢佯爲叱之經行次聞僧舉大慧語禮侍者淨剝荔枝話忽軒渠一笑首座搗住曰道道師曰恰值

某甲持不語戒座奇之時有僧問話而身甚抖戰門曰問話且置把者抖戰的去了著師突出曰和尚何以貌取人門擬答師却作抖戰勢門曰賊師曰賊賊自是機鋒人莫敢犯一日入室門問如何是一口道不盡底句師曰晨昏禮拜和尚也是尋常事門曰趙州道無意作麼生師曰和尚喜著棋某甲纔知門曰他道有又作麼生師矢口頌曰家家有幅遮羞布放下便能常雨露獨怪當年老趙州擲却頭巾頂却禪門遂以大法囑累之當天啓癸亥臘八也於是走楚謁黃檗養靜鷗兒山下丁卯奔計雲門南入香栢峰決志活埋崇禎辛未始起象田壬申開法天華甲戌領顯聖院事丙子主餘杭寶壽兼理龍門戊寅住西禪己卯主法雪峰壬午復結制天華甲申主東塔順治丙戌住佛日上堂未離兜率已降皇宮及其降也一場懞懞未出母胎度人已畢及其出也一場懞懞致使後來一隊釘椿搖櫓漢盡道不動步而周徧十方不開口而言滿天下蒼天蒼天總不如東村西舍胡張三黑李四朝隨流水去暮踏白雲歸醉忘

春草綠侵扉。上堂開市裡識得天子。念念不違於北闕。百草頭薦得祖意。時時奉重於尊堂。不許義斷功忘。尤當竭忠盡孝。雖然更須知我者。裡別有生涯。且道是甚麼生涯。良久曰。富沙灘上撈魚蝦。東塔上堂指塔曰。多寶佛塔爲汝轉根本法輪了。也是汝諸人還委麼。良久曰。若將耳聽終難會。眼處聞來方始知。乃顧謂侍者曰。山僧今日眉毛在麼。上堂夜半金烏突出。難辨日中玉兔。覷面猶迷齊彭殤。一死生。儒宗之妙唱。卽生滅。非生滅。釋氏之玄提。露柱懷胎。特牛生子。且道是妙唱。是玄提。咄。無將送客風。翻爲留客雨。上堂四十九年三百餘會。決定不是第一義。摩竭掩室毗耶。默然決定不是第一義。九載面壁千七百。則決定不是第一義。畢竟如何。是第一義。良久曰。心不負人。面無慙色。上堂智人一言快馬一鞭。便恁會去。猶涉聯纖。薦拈拄杖曰。看看松篁橋水逆流也。你輩要點鐵成金。轉凡爲聖。喝消得龍王多少風。上堂在日用中錯過喫飯穿衣。向筵席上去覓酸梨甜棗。貪觀天上月。失却手中撈深爲可。

憫大衆且喚甚麼作手中撈。擬人面前不得說夢。上堂寶壽山高突兀。兀中有人不相識。中有境取不得。欲擬心。身命失。奇花幽木不知年。古塔新開舊石田。此日爲君重說破。寶龍橋下水連天。喝一喝下座。法相上堂古定光。今法相。薦地相看難度量。短十尺長一丈。橫看成嶺側成峰。幾希惱殺丹青匠。無底盃孟一箇斷鼻草鞋。一繡海角天涯走一回。兩耳依然在肩。上象田上堂者。片田地人人都有。只是不會料理。致使荒却。所以勞他上古象爲之耕。鳥爲之耘。梵卿禪師爲之灌。蔭念首座爲之扶耒。靈禪者爲之繼耕。今日衆中若有能向前承質善於料理者。薦拈拄杖曰。山僧有全紙契書。兩手分付。有麼。良久。衆無語。乃度拄杖與侍者曰。且收著。上堂舉趙州因婆子遣使請轉藏州下禪牀。繞一匝。向使者道。轉藏已竟。使歸語婆婆曰。我比來要轉全藏。爲甚麼只轉得半藏。師曰。且如那半藏。還曾有人轉得麼。山僧今日爲諸人轉去也。良久曰。如是如是。又良久曰。是不是。上堂木童撫掌。石女嘸呻。三家村裡麼。

子十字街頭等箇人。且道等箇甚麼人。雪消溪水活。又見一年春。梅花枝上月三更。小參識得破。意不過不知把住要津。卽是私通一路。隨爾顛倒。以緇爲素。帶累三世諸佛。也要在草裡坐。鶩豎拂子曰。者是草。還有出得三世諸佛者麼。良久。擲下拂子曰。令人長憶李將軍。萬里天邊飛一鶚。開示諸方有貴見識。不貴操履者。有責操履不貴見識者。殊不知古人論見識。卽是操履。邊的見識。論操履。卽是見識。邊的操履。言行相符。初無先後。黃龍南坐事入獄者六十日後。謂弟子曰。我當時在獄中。得法華遊戲三昧。弟子請問其說。南曰。凡獄吏之治。有罪者痛加毆楚。欺詐情盡。雖有嚴刑酷法。無所施於。是就死無恨。今學者有狂妄心。欺詐心。不以知見智慧之力治之。又何由而得安其心哉。故山僧屢屢教你。不要求安樂。一切苦來。病來。痛來。不如意事來。都是你親切的善知識。不可錯過。若是恣汝身心。頭頭順適者。却是你的生冤家。不可不先覷破也。然則與麼說話。現前大眾無不盡知。但到對境臨場。未免暗自走作。所以道說。

時似有貪瞋藥對境全無戒定方。嗟嗟者逆順二境。尙不能安閑自由。又說甚麼見地。又說甚麼操履。你輩有志參學。切須仔細。僧問玄沙。道諦當甚諦當。敢保老兄未徹在意旨。如何。師曰。腦後見腮。莫與往來。問那吒拆骨還父。拆肉還母。未審將何說法。師曰。冬不寒。臘後看。問凡有言句。盡屬染污。如何得不染污。師曰。巡人犯夜。問不是心。不是佛。不是物。畢竟是箇甚麼。師曰。老鼠吞大象。問馬祖道。藏頭白。海頭黑。是何意旨。師曰。猩猩自古惜猩猩。問一悟永悟。因甚却有大法未明。師曰。無米熟熬油。問併却咽喉唇。吻請師答話。師曰。此問不答。曰爲甚不答。師曰。恐犯咽喉唇。吻。問此土無佛。向那裡描畫。師曰。賊身已露。問渠不是我。我不是渠。渠我兩不立。何處得逢渠。師曰。堯眉八彩。舜目重瞳。問佛祖談不及處。請和尚下一轉語。師曰。沒有者閒工夫。曰和尚舌頭長也。師曰。你那裡見得。曰。學人把臂共高歌。師曰。且緩緩。石車乘同師坐。次黃元公問。兩石相磕時。如何。師曰。只可自怡悅。不堪持贈君。問父。

母未生前還許學人會也。無師曰：問即不得，曰：怎麼則不弄鶯啼舌解吟無字碑？師曰：易拾爐中雪，難分海底燈。曰：肯諾不全，蒙師指不犯師顏，請借賓。師曰：好炊無米飯，供養莫將來。曰：祇如將來又作師。生師曰：恐喪我兒孫。曰：怎麼則借他香燭稱他壽去也？師曰：新荔枝新荔枝。順治乙酉，送散木老人木主人徑山祖堂。丁亥，八閩部使者遣官致幣，請與雪峰芝山師堅辭不赴。一日，忽語衆曰：世界勿寧，不如歸去。好每結冬，必以元正小盡解。戊子初三，即擗鼓上堂。曰：人人藤斗笠，箇箇水雲包。出門踏著草，途路轉迢遙。到者裡不倒斷得一回直，饒說箇回途得妙，就路還家，便是千里萬里者也。只因你不能向異類中行。且道：異類又如何行？乃屈指曰：一雞二犬三猪四羊五牛六馬，爲甚麼七不道？參至晚，示衆諄諄次早辭衆出山。首座問和尚幾時回。師曰：初八九初六至寶壽禪院事。初七上龍門，晚示微恙，付託殷勤。次早命浴罷，端坐不語。門人問還有分付也。無師曰：恰有箇分付，遂坐脫。當八日申時也，闍維塔於龍門金龜巖。

下壽五十六臘三十五師行道一十八載，住持名利凡十餘，穎悟逸格，靈變天生，故機用殺活不可測識。其愛才作人，出於性成，雖鉗錘嚴厲，人皆親如父母。包荒馮河中，行是尚，故諸方皆稱爲熱惱中之清涼幢云。

杭州府恩菴三宜明孟禪師，錢塘丁氏子，生而有異。八歲與群兒戲，喜歌梵唄，十四斷暈，喜習定，有禪者叱其非，令看高峰。主人公話忽一日觸，龐公語成偈曰：鐵牛解吼，木人善走，心境如何打箇筋斗？但於托鉢產難話有疑，年二十三投真寂，印雍染喜，博聞印管挫抑之一夕，經行憶婆子轉藏，因緣觸香桌，有省。舉似印，印曰：汝悟道耶？師曰：道即不悟，捉敗趙州。印曰：甚處見趙州？師乃敘所得。印曰：如何是那半藏師？曰：此是透法身事。印遽劈面一掌，師退次參雲門。入堂約不語，戒正提撕，忽門入堂，高聲曰：放下著。師不覺掀眉一笑。門問：懷州牛喫禾爲甚麼益州馬腹脹？師曰：問取露柱。門曰：祇如樹倒藤枯，畢竟歸何處？師曰：長江翻白浪，門曰：如何？是一口道不盡的句師。

日小月落孤峰門曰尙疑你在師遂成偈曰石龕峰
前玉一溪逢源那說動舟迷落花無限春山暮得路
還家聽鳥啼門揲揄之師拂袖出一日入室門曰狗
子佛性無意作麼生師應聲頌曰佛性無佛性無秤
錘落井却能浮曾經捉敗趙州後拍手終朝唱鷓鴣
門可之遂囑累焉嗣是事徧參抵黃麻謁無念有有
見詬罵不已師問南泉斬猫意旨如何有憑陵曰我
殺不得汝邪師曰殺即任殺斬猫意旨畢竟如何有
曰待趙州來與汝道師拂袖便出聞雲門訃歸哭影
堂衆請小參舉石霜徧界不曾藏因緣畢曰大衆不
曾藏東風搖拽柳絲長紅肥綠瘦紛紛蛺蝶度危牆
燕子雙雙繞畫梁作彈琵琶勢曰謾別銀缸夜深獨
自理宮商復喝一喝下座乙亥住龍門次住化山崇
禎癸未繼席顯聖戊子結制宗會己丑說戒真寂次
結菴湖濱養母庚寅主梵受丙申主朱明上堂無
縫塔蓋覆官家喫油糍難瞞土地三世諸佛有智而
沉下僚白牯狸奴無德而居上位直賤非賤直貴非
貴總不若露柱燈籠善于和會卓拄杖曰此是無諍

三昧上堂點得無油燈豁開頂門竅走入鬧市叢
中左右逢源得妙如何寒山子忘却來時道阮籍猖
狂孫登長嘯上堂百草頭識取祖師草枯了也開
市裡議取天子市散了也諸人向甚處相見良久以
手招曰猩猩我與你相見了也上堂日上海門東
雲裡越山無數前村紅樹欲與杏花相妒橫橋野水
杖藜徐步祇恁劉郎前度一切智智清淨無二無二
分無別無斷故上堂大衆世尊拈花後還有人舉
著箇事麼良久曰要識來年米價問取東村王大
上堂好休休去不休休白首登科戀黑裘黃菊謾誇
霜後色白雲紅樹滿荒坵舍利弗沒來由劍去徒勞
更刻舟果然世累金輪子豈肯要功萬戶侯小參
新豐一句當陽道破不涉唇吻已成露布細雨濛濛
黃花滿路打失衲僧鼻孔忘却邯鄲故步古鏡臺前
幾多錯誤顧大衆曰露小參雨後遠山風致美窓
前紅樹看花蕊樓頭清夜洞簫聲月下相將步煙水
委不委切忌錯過棚頭傀儡小參牛頭未見四祖
已前百鳥銜花見後野鬼飛沙堪笑長汀布袋子却

從開市作生涯。大衆歸堂喫茶。僧問洞山道吾。常於此切。意旨如何。師曰。我二十年亦曾疑著。今日被你一問。直得口啞。問。如何是透法身的句。師曰。青荷葉上耍孩兒。問。萬法歸一一。歸何處。師曰。我清早割菜。晚上擡水。那裡有閒氣力。與你們纏。僧無語。師曰。菩提薩婆訶。僧參師曰。還委麼。師曰。香煙與和尚道甚麼。師曰。朝打三千暮打八百。東家杓柄長。西家杓柄短。還有話會也。無僧擬議。師便打。問僧。你在者裡做甚麼。曰。參主人。公師打噴嚏一下。僧問。措師曰。誰在那裡說我。了僧作禮。師曰。老僧入地獄有分。師應機說法。不循途轍。故領略者。鮮其歸隱。愚菴時。嘗有示衆曰。遠山如黛。野水碧波。清漾衰橋。隱隱聽雞鳴。村舍草籬。門巷鷺鷥。刷羽蘆汀。征鴈數聲。嘹唳風中。簫管短長。聲夜來月。自凋桐上。政黃牛橋皮湯止渴。爛殘師芋香。無恙髮長。簪草坐南。薰白眼。視公侯卿相。愚菴老僧。船子和尚。堪笑箇不唧。啗漢。擯出院。又罰鑽飯。良久曰。十洲春盡。花凋殘。珊瑚枝頭紅日上。師恥禪者空腹。高心。不明一經。故時

及講演。應機接物。有古雲門風。卽動上諸譚。一皆密義。康熙乙巳十月十一辭世。壽六十七。臘四十五。塔全身於顯聖前山之陰。

紹興府東山爾密明渡禪師。別號散伊。會稽王氏子。生而雄偉。力能仆牯。賦性爽直。見義敢爲。年二十二。謁貞白。珊於大慈。決志力參。殆忘寢食。偶德清舟中。聞鐘聲。有省。述偈曰。羅震空。身世觀音。獨露身泥牛。銜月走木馬。報新春。年二十七。潛往開元。薙髮。復依珊於光明寺。珊沒。訪一金融融。知爲法器。使參雲門。以聞羅之得呈之門。曰。此宿根所致耳。尙須知有向上一著。師唯唯。一日。門上堂曰。放下著。師忽全身脫落。呈偈曰。夜半霜寒。月忽低。行人到此。盡遲疑。翻身踏斷來時路。點點星輝斗柄垂。門可之。越二年。以偈囑累曰。羅鳴與鼓。響觀音塞耳。門真得圓通意。騎月上崑崙。當天啓癸亥。佛成道日也。師以授受重。晦迹東山。香雪塢有大瀉之風。無何。門示寂。師以育王殿事抵金陵。適博山來說法。天界師謁之。與論法門。細大及物。不遷旨。徵辨。竟日無少讓。山曰。江南佛法洵

有人矣。崇禎戊辰東山國慶寺延師爲重興。不數年規制大備。丙子冬開法梅墅彌陀次年領顯聖院事。庚辰仍歸東山。有以徑山雪竇請師。皆力辭。唯以顯聖不可一日無主。於是復理焉。上堂。少林九載面壁。言滿天下。釋迦四十九年說法。初無一字多不在。添少不在。滅今日東山。與他踢翻窠臼。不刻華文。不書梵篆。直是箇無文印子。尋常逢逆則譏訶。怒罵遇順則四海春風。兄弟們。猶道者漢面皮少黃黑。在然則畢竟添多卽是減少。卽是有人縊素得出。許伊具一隻眼。縊素不出。亦許伊具一隻眼。爲甚麼。且要賞罰分明。上堂。舉瑯琊問舉上座。近離甚處。因緣畢。師曰。衆兄弟。向二尊宿舌頭上。打得箇轆轤過來。方得知道出常情。非特不被是非絆却。且能卽是非而作佛事。其或未然。君向西秦我之東魯。少參興化。攢維那要顯吾道。一貫大顛打首座。始信教外別傳。我顯聖者。裡有時綿包。特石拶得萬象成狂。天上有星皆拱北。有時鐵裏胡葱。逼得千林盡斂。人間無水不朝東。驚豎拂子曰。尙有者箇不與諸人道。破何故。

擲下拂子曰。海神知貴。不知價留與人。間光照夜。小參立功勳存照。用大似綠木求魚。收視聽黜聰明。何異牯牛取乳。又道道非見聞覺知。不離聲色言語。據如上說。且道畢竟如何行履。始得恰好良久。曰。路逢死蛇莫打殺。無底籃子盛將歸。除夕小參。三十六旬。渾具吉凶。悔吝七十二候。無非加減乘除。須知雲裡千峰。自秀劫前萬象。常新寒松帶露。亭亭獨立。巖頭修竹欺霜。凜凜全超物外。諸人向者。裡倒斷得。一回年年是好。日日是好。日是好。日是其或未然。來朝更有新條在。懾亂春風。卒未休。舉僧問風穴。麀鹿成群。如何射得。麀中麀穴云。釣船載到瀟湘岸。氣咽無聊。問白鷗。頌曰。帝遠天高。罵至尊。偶逢國士。降絲綸。詔宣率土。歸皇化。羽族銜蘆。過鴈門。舉僧問投子。三身中那一身說。法子彈指一下。頌曰。鳥啼花落。味當人說。法何曾假。數身折箸拈來。旋北海魚龍。方識水爲親。舉青林虔因僧問學人。竟往時如何。師著語曰。切忌流連。忘返林云。死蛇當大路。勸子莫當頭。拍彌說小兒僧云。當頭時如何。拚命喫河鈍。林云。喪子。

命根今日堂中幾人喪身失命。僧云不當頭時如何。燒却了也。林云亦無迴避處。滿眼滿耳沒蹤迹。僧云正恁麼時如何。弗得黏皮帶骨。林云失却了也。船不漏針。僧云畢竟向甚麼處去。果然果然。林云草深無覓處。打則打了。你還見麼。僧云和尚也須隄防。引得孩兒會打爺。林撫掌云一等是箇毒氣。慷慨殺身易。從容就義難。復曰。山僧與麼批判諸人。且作麼生會。良久曰。借問漁舟何處去。夜深依舊宿蘆花。師行道一十五載。視人無高下。接物善權。變其住院。頌衆威而不猛。寬而有節。秘重大法。不輕以隋珠彈雀。鞭龍撻象。摧鋒破堅。槩出諸從容指顧間。言到行到。宗通說通。誠不虛博山之預識也。崇禎壬午夏。示微疾。絕食旬餘。而示誨談笑不異平昔。六月十六寅刻。說偈而化。壽五十二。臘二十五。塔全身於顯聖之南山。紹興府香雪菴。具足明有禪師會稽楊氏子。弱齡事親至孝。父病。骨割股救之。年廿二出家。參念佛是誰。聞雲門家法。迴別諸方。遂往參焉。聞僧舉北斗面南看話。疑情頓發。一日殿上經行。次舉首見前山豁然。

大悟述偈呈門曰。虛空粉碎無偏正。大地平沉孰是親。從今了却相思債。石虎泥牛笑轉新。門印以偈曰。孝爲至道之先。孰能於此兩兼。時中護念如是。諸佛慧命可全。當天啓乙丑也。後出住上虞香雪。斷拂老人問古人道。堪與佛祖爲師。未審佛祖又學箇甚麼。師曰。佛祖嚮拂曰。與佛祖爲師。嚮師曰。黃山谷後園種菜。拂曰。不問佛。不問祖。不管你佛。不管你祖。速道。速道。師曰。東村桃樹西隴梅花。僧問。久滯不通。時如何。師曰。數珠在手。曰。音聲未息時如何。師曰。摩。摩子曰。六窓未淨時如何。師曰。相見了也。示寂曰。象田問古人云。病有不病者。如何。是不病者。師默然。田曰。恁麼莫便是。那師曰。三十棒領出自打。田曰。臨末稍頭一句作麼生。師喝一喝。田曰。此後如何。師曰。南山雲北山雨。時未有繼嗣。乃以如意法衣法卷寄斷拂老人。爲求法器。偈曰。香栢枝分秀。隨緣折一枝。花開香雪遠。何必異苗爲。示寂塔於顯聖之南山。湖州府弁山瑞白明雪禪師。別號入就桐城楊氏子。生於萬曆甲申子月廿六。方毀亂。遽脫左髻。事母卓。

有孝聞年二十從九華聚龍剃落紫栢可授以毗舍
浮佛偈令持戊申納戒雲棲庚戌參雲門門問向來
作甚麼師對以持毗舍偈門曰四大是假安心是空
阿誰拖你者死尸來師鈍置疑甚至痛哭抵死一日
聞門舉南泉斬貓話當下知有遂將蒲團拋出門曰
一語下徐州會隨衆侍門橋上門曰溪水潺潺汝等
各道一句看師曰敲空有響擊木無聲門笑之越六
日聞鐘聲頓爾大徹自是有機辨杰出衆中丙辰轉
茅皖公山己未徧參基隆博山諸老機語契甚庚申
歸省雲門明年屏居天柱峰癸亥門擢師爲座二座
嗣住靜鐵壁居有僧請益高峰主人公話師示以頌
曰打破碧琉璃却却珍御服梳子開口笑雙鬢罵天
目丙寅秋復還雲門呈偈有欲識老胡親的旨金烏
夜半墮中天句門以爲語無滲漏善解回互遂付以
偈曰誕生原是妄安名空裡栽花忒現成滿口道來
無可道威音那畔少知音無何門逝衆推師繼席當
崇禎己巳冬也庚午剪榛湖州弁山復古龍華寺至
若越之戒珠延慶湖之白雀台之護國則以其請應

之丙子遜隱贛州崆峒庚辰建安王迎主洪都百丈
住世七坐道場上堂開疆展土彌勒樓現於當處
伐木誅茅普光殿建在目前一任朝野高人出出入
入乾坤道者往往來來性海悟於剎那行門成於頃
爾正恁麼時煙霞散彩日月舒光則且置祇如成家
樂業一句作麼生道四海水雲明正化萬邦黎庶樂
無爲上堂覲面無向背當處絕遮攔無向背處嚴
密不通風絕遮攔時行藏難著眼直得三際凝然十
方不隔者裡要用便用棒喝交馳彰祖令要歇便歇
寂然無縫頭單傳大衆正偏兼帶則且置不涉離微
一句作麼生舉卓拄杖曰鐵馬騎牛騰碧漢烏龜跨
鶴上崑崙上堂飄零黃葉振古佛之家風游行行
雲顯當人之面目快覩戒珠煥耀爐嶽崔巍一道神
光貫徹今古雖然更須知有轉身一路且作麼生是
轉身一路化功歸己琴堂冷退位朝君古殿寒上
堂一葉扁舟浪裡顛絲綸拋去看浮錢鉤頭若得錦
鱗現不負漁翁冒曉煙以拂子作垂綸勢曰莫有負
命的鯨鯢麼出來吞啗看一僧纔出師曰單鰕隻鯉

何足爲意。便歸方丈。小參一向恁麼。一華一彌勒。一葉一釋迦。一向不恁麼。三世諸佛無開口處。歷代祖師無厝足地。更須知恁麼中不恁麼。不恁麼中却恁麼。不恁麼中却恁麼。把住不礙放行。恁麼中不恁麼。解制何妨。結制所以。道太陽門下。日日三秋明月。堂前時時九夏者。且置。祇如功位俱隱。正偏不立。又作麼生。無陰陽地。草常秀。花發寒巖。不帶春。示衆。今日天中佳節。畫龍艾虎。鬪額奪得錦標。歸來特與諸君漏泄。且作麼生。是漏泄底。事石榴紅似火。楊花白如雪。示衆。赤水有玄珠。精光生四澤。離婁不可求。罔象偏能得。既得必須護。不護還成失。欲識護珠人。問取幻禪客。大衆護則且置。作麼生。是珠。喝。一喝。僧問。善財初見文殊。已得根本智。末上又見文殊。是何意旨。師曰。騎虎頭。收虎尾。問。若人識得心。大地無寸土。現前山河大地。是有是無。師曰。鏡裡莫攀花。問。最初威音王佛。參見何人。師曰。鬚張三黑李四。問。桂輪孤朗。爲甚麼清光不照。師曰。忘功體更除。問。如何是不思議境界。師曰。螺螄吞大象。問。

如何是本來面目。師曰。紅日上粉牆。曰。不會。師曰。光明燦爛。問。發真歸元者。十方虛空。悉皆銷殞。如何是鎖殞底事。師曰。玉人夢破一聲雞。師指桃華問衆曰。靈雲見桃華。悟道諸人見桃華。爲甚麼不悟道。衆答不契。一僧進曰。和尚見桃花。未審如何。師曰。山僧不解眼花。曰。怎奈。卽今何。師乃作咳嗽勢。曰。山僧有病出去。師參學時。無被臥。不解帶者。十三年。質樸不文。端方可重。鍛鍊學者。不假辭色。察有志可操者。鉗錘尤加嚴峻。諸方於法門有所左者。則力闢之。或諫之。師則曰。摧邪輔正。令法久住。吾豈畏刀斧哉。師性倔強。行止自斷。嘗曰。我爲法王。於法自在。晚居百丈風規。愈肅。人咸謂大智再來。辛巳穀旦。示微疾。領衆益篤。譚論倍常。三月望日。令淨髮。十九侵晨。索浴。畢。謂侍僧曰。扶老僧入龕。且擲管書。偈曰。來亦無一物。去亦無一物。要知端的意。百丈花梢月。擲筆以手招衆。衆前師已逝矣。壽五十八。臘三十八。塔全身於弁山龍華寺之右側。紹興府鴈田柳湑居士山陰人。參雲門。首以日用不

得力請示門曰。但舉箇是甚麼。看看來。看去忽地放心。始有箇安樂。士爲密密提究者。有年。一日問趙州。狗子畢竟是有佛性。無佛性。門抗聲曰。道甚麼。士擬舉門趨步。便歸。方丈士隨入。方丈曰。不是。柳頂幾成。錯過。門曰。放你三十棒。他日又問世尊。陞座意旨。爲復在白椎處。下座處。門隨與一掌。士曰。分明勾賊破家。門曰。還要第二掌。那士舉張天覺頌。本因緣請判。門曰。判且置。如何是頌。本土擬議。門一喝曰。喚作頌。本則瞎。一日呈偈曰。是甚麼。有些些對著家君莫問。爺金不博金。隨處使從來。常御白牛車。門曰。且道甚處。是趙州勘破婆子處。士曰。壁外葢茅屋。門曰。不是。更道士曰。雷聲甚大雨。點全無。門曰。不信道。南昌府葉曇茂居士參雲門。有省。值普茶次。出曰。曇茂。昨日偏衆解制了也。門合掌曰。恭喜。士曰。和尚莫塗污人好。門曰。如何是解制的事。士曰。仲冬嚴寒。請和尚萬福。門曰。似則似是。則未是。士曰。大衆散去。遂歸位。門領之後。以母老。歸里養親。有年。覺浪盛說法上。藍時士過訪。次盛問。雲門得力句。還記得麼。士曰。

當時恨不啣嚙盛曰。如今又作麼。生士曰。却放過。和尚一著。盛曰。咦。

續燈正統卷三十九

續燈正統卷四十

南海普陀嗣祖沙門西蜀 性統 編集

曹洞宗

大鑑下第三十七世

博山來禪師法嗣

廣信府博山雪關智闇禪師。本郡上饒傅氏子。父喪早。八歲辭母。依景德傳出家。傳矜師體。羸令頂禮。大士號一夜。獲大士摩頂。肢節漸強。及覽羣書。無不意了。第閱壇經。有火燒海底句。不明。遂疑之年。廿六參博山山令。看船子藏身處。沒蹤迹。沒蹤迹處。莫藏身。話久之一日。於槽廠見磨鼻拽脫。忽然有省。以偈呈山曰。直下相逢處。由來絕覆藏。舌頭元是肉。嚼碎也無妨。山曰。子參得禪也。吾助汝喜。示以偈。有未及朝。

天子回機却有妨句。因矢志服役。曉夕無違。一日侍山山指衲衣曰。此是壽昌老漢的。我嘗以一偈博得子能如我。當不子惜。師曰。莫是師翫睡著被和尚竊來。山曰。子試竊看。師立成五頌。山曰。據子見處。天下人攔把不住我者。裡未肯點頭。在師曰。謝和尚衲衣。便出山。一日謂師曰。子根利。當鈍却利。使死却全。心始得。師拜受。卽掩關。六載。關中懸大鏡。日坐對之。纔覺業識心起。無明發現。便指鏡中唾罵。凡紙筆書籍之類。槩不畜。唯以一念萬年。萬年一念。是計忽一日。作雪關歌。倩人寫呈山山。爲擊節稱善。令開關說偈。贈之曰。始行大事六年。雪頓入圓明。一片冰。今日幸親無縫塔。掣開關鎖。萬千層。旋命師秉拂。晚率衆入室。山問堂中首座人。天眼目如何。是人天眼目。師曰。頂門上山。曰。還假照鑑也。無。師曰。君不見山。曰。不虛參見。作家來。師掩耳而出一日。受瀛山請。山堅留。師因問把住時如何。山曰。放開一線。師曰。放開時如何。山曰。把住不容行。師曰。如何是放行中把住。山曰。闍黎看脚下。師曰。如何是把住中放行。山曰。拂子在我。

手裡。師曰。大善知識也。須讓人出得羅籠。入得羅籠。山曰。爭奈老僧何。師曰。衝霄還彩鳳。透網是金鱗。山休去。師於天啓丁卯。出住瀛山崇禎辛未。繼席博山。丙子赴浙之虎跑。大慈妙行諸刹。請上堂。譬如琴瑟笙篴。雖有妙音。若無妙指。終不能發。寶覺真心。各各圓滿。如我按指。海印發光。汝覺舉心。塵勞先起。黃面老人。五百生前。曾做樂官。來一等習氣。可謂熟處難忘。山僧者。裡素乏師傳。指法椎鈍。祇有一曲沒絃琴。彈得最熟。今日舉似諸人。也。堅拂子曰。者是妙指。喚甚麼作妙音。擊拂子曰。者是妙音。喚甚麼作妙指。擲下拂子曰。曲終人不見。江上數峰青。上堂欲識佛性義。當觀時節。因緣。今夜是除夕。明旦是元朝。者是時節。作麼生說箇自彰底理。拈拄杖曰。者木上座。二十年。前寒不知寒。熱不知熱。桃符換不管春來。爆竹響。那知臘去。雖則如癡似懵。要且能爲物主。二十年後。寒則知寒。熱則知熱。迎新歲也。貼門符。送殘冬。還撓榼。雖則隨波逐浪。要且不爲時凋。卓拄杖曰。到如今說知也得。說不知也得。說知不知。總得不萌枝。

上不妨暗辨春秋無影峰前猶得明占氣候諸禪德祇如年更歲換臘去春來諸人分上還是知即是不知即是若道知喚作毛道凡夫謾道花枝偏有色空等鶻語爲誰嬌若道不知坐在淨白窠白只爲水堅難離鯉却緣水淺不藏龍去此二途畢竟作麼生擲拄杖曰鴝臬布衫都脫却穿婆轆子拜婆年上堂山僧開箇貨鋪慣行兌換不悞主顧且道是甚麼貨鋪你若把一副熱心腸來我便將一副冷的換與你若把一副冷心肝來我便將一副熱的換與何故爲他熱的太傷熱冷的太傷冷冷熱不均所以作病忽有箇不冷不熱的出來你道山僧將甚麼換與乃震威一喝時有僧出禮拜起擬問師曰想君不是金牙將怎解彎弓射尉遲便下座小參釋迦老子解捏怪向無生處說生破院道人不會生無生可說釋迦老子會裝巧向無滅處說滅破院道人不會滅無滅可說與麼則釋迦老子全身墮在生滅破院道人全身跳出生滅且道跳出的是不跳出的是不見道他人住處我不住他人行處我不行不是與人難共住

大都縹緲要分明示衆南人不夢千人帳北人不夢萬斛舟以耳目所接不同故也祇如香臺佛像夢作國王此聖境冥符法華所謂常有是好夢是也山僧適來偶得一夢既非熟習亦非聖境且道是甚麼夢試舉看昨夢一人入方丈求偈山僧道我要睡問取木上座去他道和尚說的纔好山僧爲他逼不得已向道借拳行令打虛空大地河山切恨同至道從來嫌揀擇趙州箇缺不關風惺來恰以讓居士請示衆山僧肚腸乾索無可應酬只得將此偈拈出顧視左右曰大衆三十年後莫道山僧與你說夢好問如何是不呈的句師曰賊賊已露問婆子燒菴者僧如何師曰任從風浪起穩坐釣魚舟問那邊不坐空王殿是何旨趣師曰爲他不墮尊貴問如何是殺人刀師曰倒挂眉間曰如何是活人劍師曰不斬死漢問如何是真實信師曰鐵輪天子鑿曰如何是真實疑師曰一堵牆百堵調曰如何是真實見師曰一點瞞不得曰如何是真實用師曰鈎錐都放下呼遣聽臨時師鶴立牛行賦性寬厚色莊容敬

望者意消說法不假思議落筆無半點塵故士大夫樂與之遊。所著有摘燈錄。炷香堂詩文書復語錄若干卷。行世。丁丑浙歸抵瀛山。示微恙。聞然謚公問和尚安。否。師彈指一下。謚曰。末後句也。須分付師。曰。你道我生耶死耶。謚顧視間。則師已逝矣。壽五十三。臘三十七。建塔於博山蓮華峰之西原。

淮安府檀度嵩乳道密禪師。泗州唐氏子。生而胎素。幼歲便有出塵志。事親以孝。聞年十四。投景會。驅烏二十事。包笠初歷。講肆閱楞嚴。至雖得多聞。不成聖果。句歎曰。不就幻身世。而反就此幻學耶。遂棄之首。參壽昌。基隆次參博山。山門庭嚴重。師爲心死焉。久之。傲三登九上。意徧參雲門。金粟罷。復還博山。明年隨衆採茶。次忽白雲從澗底起。師觀之。有省。歸以偈呈山。山曰。者且置。祇如一口氣。不來向甚麼處安身。立命。師曰。不向和尚通去處。在山曰。莫便是你安身立命處麼。師曰。道密終不作此見。解山曰。好與三十痛棒。嗣是山與命名授戒。且贈以偈曰。新豐一曲傳來遠。鳳嶺煙霞猶冉冉。裂石穿雲和不齊。一毫端上

乾坤轉。潛行密運。貴深藏。古殿含春。待晚香。萬里海天能獨笑。金針繡出玉鴛鴦。於是辭山。縛茅郁洲山。數年始開法。淮安檀度次住。安東能仁。徐州雲龍。乃若青峰。菩提法起等處。皆隨機隨時。初無作意。上堂。恁麼也得。落花有意。隨流水不恁麼也得。流水無心。送落花。恁麼不恁麼。總得常憶江南三月裡。鷓鴣啼處。百花香。上堂。拈拄杖曰。識得一萬事畢。設若一亦不立。又作麼生。擲下拄杖曰。門簾乍被風吹去。明月光。羸四壁生。小參。五九四十五。木馬嘶風舞。海底泥牛驚。翻浪乘風鼓。踴跳上梵天。摩醯目。撞瞿萬象沒。逃生千賢。叫冤苦。忽然燕谷一聲雷。依舊泥牛還復土。喝一喝。小參。藥山久不陞座。依稀似曲院主曰。大衆久思法。誨請和尚說法。好肉剜瘡。山令打鐘。却被風吹。大衆方集。錯過也。不知山陞座良久。便下座。疑殺天下人。院曰。許爲說法。何得不垂一言。蛇女已歸霄漢去。默。郎猶向火邊蹲。山曰。經有經師。論有論師。爭怪得老僧。老大大是何心。行大衆還委。悉麼。山僧與你旁通一線。乃頌曰。杲日麗中天。高

低靡不照。爭奈無眼人。反怪光不到。徒禱告含元殿。問長安道。僧問了卽業障本來空。未了應須還宿債。祇如師子二祖。是了未了。師曰。兩彩一賽。問如何是無佛無衆生者。師曰。幾乎恁麼答。汝曰。是非不到處。是甚麼人分上事。師曰。汝要棒喫那。問如何是兼帶一路。師曰。蝶穿芳草。雙眉淺。蜂掠殘花。兩股肥。問如何是類。墮師曰。靈犀翫月。曰。如何是隨。墮師曰。木馬遊春。曰。如何是尊貴。墮師曰。坐不當堂。問萬法歸一。一歸何處。師曰。雲籠嶽頂。曰。意旨如何。師曰。月照波心。問如何是君。師曰。天然貴異。曰。如何是臣。師曰。武緯文經。曰。如何是君視臣。師曰。天覆於下。曰。如何是臣向君。師曰。地載於上。曰。如何是君臣道合。師曰。天地位焉。萬物育焉。僧問。如何是金針雙鎖。備師曰。石女繡雙鳳。冲開碧落天。曰。如何是交互明中。暗師曰。蘆花兩岸雪。烟水一江秋。曰。如何是理事俱不涉。師曰。前村煙浪裡。別有好思量。示雪照座主偈。非風非幡。澄潭不許蒼龍蟠。是標是月。打刀須用邠州鐵。言外旨句中。玄石虎雙翎頭戴雪。

拏吒八臂手。擎煙見卽便。見傳無可傳。擬議雲飛萬里。眨眼鷄過三千海。月雲山拋教盡。男兒鼻孔自撐天。師德重。感人杖頭到處縈。素雲委性喜誦說。諸方間有妄爲雌黃者。卽厲色叱止之。故及門之士。皆厚重。明年七十。與答之間。皆寓訣別意。旋取道。漣水登青峰度夏。法起歸休。菩提順治戊戌三月五日。遂絕食。示誨。諄諄書偈有石火電光。平田荆棘之語。十一日沐浴端坐而逝。壽七十一。臘五十八。塔全身於菩提社之右。

福州府長慶宗寶道獨禪師。廣州陸氏子。六歲聞鄰嫗發願來生童真出家。見性成佛。語遂觸宿因。堅出世志。乃披剃。唯事苦參。年十四有省。三十出嶺。參博山。山與語。器之一日。呈偈曰。食程不覺曉。愈求愈轉渺。相逢不是渠。纔是却顛倒。蟻子牽大磨。石人撫掌笑。別有活生機。不落宮商調。山見以爲深入堂奧。乃謂人曰。山僧開三十年飯店。從無一箇還飯錢者。獨子其庶幾乎。初住廬山。次開法廣州羅浮。後主福州長慶。僧問一切諸佛。皆從此經出。如何是此經師。

震聲一喝。舉六祖風幡話。頌曰。不是風兮。不是旛。關山把住。路行難。愚人只管貪程去。那想全身在此間。舉高峰無夢無想話。頌曰。無夢無想。上在麼相。隨來也沒如何。誰家門首無明月。頗奈夜行人更多。江寧府獨峰竹山道嚴禪師順慶大竹縣沈氏子。總角染衣南遊。初預講肆。一日走京口。登凌雲亭。忽身心世界。頓然一空。遂罷講。往參博山。於天界乃問和尚。離博山來。天界爲人事作麼生。山曰。今日特爲先君設奠。師曰。還有向上事也。無山曰。有。師曰。如何是向上事。山曰。請坐喫茶。於是命典第二座。其領衆入室。當機應對。動合宗旨。山喜之。嘗曰。博山一枝橫出。秘在汝躬。乃授名道嚴。且囑曰。汝當以道法嚴持也。時年三十有四。當崇禎己巳也。自是輟迹承恩。閱四年。開極樂祇園。兩刹於滁上。又五年。住錫金陵獨峰入院。時恍然如舊師。於是作投老計。嘗榜三問語勸驗。方來一曰。不是心。不是佛。不是物。畢竟是箇甚麼。二曰。此經深固幽遠。無人能到。且道喚甚麼作此經。三曰。獨峰路險。把關令嚴。欲到者。試借公驗看。師嘗

應請姑孰之興國正覺萬壽三院。晚仍歸獨峰。順治壬辰。師五十初度。忽寺門菩提樹傾折一株。三月四日。集衆垂誡諄諄。六日午刻浴畢。長逝。壽五十九臘四十。說法二十一載。計坐道場凡五塔。全身於本山龍山之陽。

建寧府迴龍古航道舟禪師泉州晉江鄭氏子。生萬曆乙酉。幼失父。事母有孝聲。母逝。乃棄家。寓承天寺。閱壽昌錄。至問僧死了。燒了。作麼生。是你本性。處有疑。往參博山。山爲薙染圓具。嘗坐不語。堂目不交睫者三月。參究益切。適余集生。至與語有契。延師閉關金陵。一日洗面。脫然有省。自謂吾於無可奈何處。得箇巴鼻。會博山說法。天界上堂。師出問。鐘未鳴。鼓未響。還有佛法也。無山曰。木人井底吹師。曰。石女溪邊舞。山曰。祇如語中帶玄一句。又如何。道師曰。夜半正明。天曉不露。山便下座。山回博山。乃以如意付之曰。當慎重。勿負老僧師復掩關。明年奔計。博山乃入闕。主法迴龍。復隱里之戴雲山。丙子。林宗伯季獬請結制。承天丁丑。繼席雪峰。結冬長慶。戊寅。還迴龍。己卯

住博山辛巳菴建陽祀二親木主所住之處不循開堂請唯有示衆而已。故有示衆曰。老僧不上堂。蓋因無法說。性不近人情。恰似箇鐵櫬。一味放癡。任人道朽爛。雖然稱住持。直是口無舌之句。蓋實錄也。示衆拈華示衆有口難開。斷臂歸來。無法可得。四七祖師無非望空啓告。遞代兒孫。總是掘地討天。老僧當年不識好惡。誤入博山社火。被伊熱瞞至今。有屈難伸。雖領衆住持。三緘其口。蓋不敢鈍置諸人。亦恐有玷法門大衆。且道。怎麼住院是爲人。不是爲人。不見道。啼得血流無用處。不如緘口過殘春。示衆夜夜抱佛眠。情真罪當。朝朝還共起。死款親招起。坐鎮相隨。刀斧斫不開。如形影相似。去離亦不可欲。識佛去處。未敢相許。祇者語聲是切忌錯認。諸昆仲還識傳大士麼。只知開口易。不顧舌頭長。僧問。真覺有言石卵爆。盡檉枝掃地。吾當再來。師今繼席。莫非再來麼。師曰。誣人之罪。以罪加之。曰。怎麼則據款結案了也。師曰。一狀領過。師病次。僧問和尚。何病。師曰。針灸不得的病。曰。與麼則神醫拱手也。師曰。須知有。

不病者曰。如何是不病者。師拈如意便打。示荊州親藩惠王法語。宗門無語句。實無一法與人。只要人自參。自悟。自證。自修。以見自己本來面目而已。非有他術。蓋此本來面目。不以聖賢而莊嚴。不以庸愚而醜陋。王公與士庶同。士庶與含生等。凡屬有情體元無二。特以迷而不參。昧却自己精光。謂之衆生。若參究一明。如天普蓋。似地普擎。則謂之佛祖矣。佛祖衆生。只一迷悟間。參究不參究。斯有天地之殊耳。達磨西來。直指人心。見性成佛。靈俐漢一覩便了。更無許多周折。所以寶誌云。欲識大道真體。不離聲色言語。者。裡無疑說。箇見性說。箇成佛早成。剎語也。如未然者。必須猛著精彩。二六時中。看是誰見誰聞。誰爲覺知。是誰穿衣御膳。是誰起居動作。看到無可看處。自然大悟徹底洞明。迷雲破散。智日高昇。始知大地衆生。由來一體森羅。萬象共貫。同條且無情。與非情之異。又何有貴賤凡聖之殊哉。師骨鯁性成。於衲子中。卽英靈絕無肯諾語。故於壁立萬仞。無愧也。順治乙未。示微疾。視事如常。八月二十五酉刻。趺坐而逝。

壽七十一臘三十三塔全身於建陽鳳山之陽

廣信府博山雪礪道奉禪師建陽龔氏子夙根敏異幼不茹葷十七聽楞嚴有感遂投支提薙染廿六隨杖入於鳳山羅山玄沙間僅二載知有已躬下事乃抵浙參真寂有年次參博山山問甚處來師曰窰中山曰天不能蓋地不能載因甚却埋在窰中師曰今朝且喜得見和尚山曰向來作何所務師曰看一歸何處山曰卽今看者何在師曰伸手只在縮手裡山曰甚處學得者虎頭來師曰某甲終不敢自瞞後於勺菴聞雞鼓翅大叫乃頓悟述偈曰栢子焚殘燄欲無鄰雞忽聽一聲呼昔年錯認驢窺井今日方知井戲驢走呈山山頷之順治丙戌開法瀛山丙申繼席博山高泉普寧間嘗應之上堂水之濱山之麓是處是桃花是處是修竹紅者紅兮綠者綠一般性質出天然直者直兮曲者曲知歸謾謂許靈雲善用休誇只多福究竟其中委宛情總是畫蛇重添足不添足六六誰云三十六拈頭作尾尾爲頭饑喫飯兮困就宿咄小參今朝九月初五天氣半晴半雨最好

時節因緣一衆耳聞目覩且道覩聞的是箇甚麼南山老大蟲咬殺重牙虎萬象森羅一齊起舞大衆虎咬大蟲則且置萬象因甚麼起舞不見道甜瓜徹蒂甜苦瓠連根苦康熙己酉春以院事託座元明年六月二十日示寂臨寂時黃龍岑按師身問屋破不蔽風雨時如何師曰乾坤翻轉更由誰曰與麼則一衆景仰有分也師拱手而逝壽七十九臘六十二塔靈骨於本山蓮華峰之陽

開府大成余公居士字集生法名道禪別號布衲桐城人參博山觀法堂聯密移一步語有省自是決信無疑上山書曰自見和尚後覺向來胸臆雜毒被少分醍醐洗括頓盡歸來硯筆付之祖龍書籍付之蠶犢丈室而外一物不將獨是坐斷十方密移一步塵知奉教而行而長安甚闊我國晏然且喜歸源有路中間自信得力處是去冬解組歸時於凍舟中結八十日不語期所謂佛也沒奈何良然良然若問某甲見箇甚麼纔開口便自肉麻了也一日與同參持論互相不肯公乃曰我最喜長慶道唯人自肯乃方

親同參曰。此箇公案。被和尚改了也。他道。唯人不肯。乃方親公曰。者老漢。惑亂人無有了日。雪關問。閉門作活爲何事。公曰。出賣轆轤鑽。曰。補網張風成。何用。公曰。添箇黑撈波。曰。八卦正位如何。排公曰。初忌當頭。曰。路逢猛虎如何。避公曰。一任踈跳。曰。一條直路如何。入公曰。巍巍堂堂。曰。斜街曲巷如何。通公曰。婆婆和。曰。中心樹子如何。斫公曰。亞交空勞轉。狙計曰。關津把斷如何。過公曰。蘇卿元是漢朝臣。曰。如何是透頂的人。公曰。脚跟點地。曰。如何是透底的人。公曰。鼻孔撩天。斷拂老人住。雪峰時公問。當年眞覺大師所遣三箇毬子。和尚還是一時用。次第用。總不用。斷拂答以偈曰。雪峰毬子總不用。死爛蛇頭能活弄。次第拈來舉向人。眉毛與眼一齊動。一時拋出大家看。波斯乞命無門縫。三轉語。酬余石頭莫教。磕破人間夢。公於是竭力雪峰者無倦容。晚嘗與黃元公輩結社。究心禪學。所著有五燈華行世。

東苑鏡禪師法嗣

江寧府天界覺浪道盛禪師別號杖人闍柘浦張氏

子于明萬曆壬辰十二月十六戌時生。幼而聰慧。天縱性成。聞大父坐化。輒疑曰。此箇靈明。向何處去。一日街行。聞貓聲。有省。適瑞巖源過浦密。投刺落時。年二十。隨掩關夢筆。一日閱百丈。再參。因緣忽有悟會。博山來主董巖。往求具戒。且問從上佛祖如何行履。山曰。須從工夫透脫。始得。師曰。佛祖行履。豈因工夫。耶。山曰。子且去做。到那田地。著。師辭擬參壽昌。道經書林。見東苑。苑問。曾聞博山提唱維摩經否。師曰。曾聞。苑曰。彌勒得一生受記。作麼生。師曰。大有人疑著。苑曰。你又怎麼去。師異之。圍爐次。師舉僧問古德。劫火洞然大千俱壞。未審者箇壞不壞。有云。壞有云。不壞。此意如何。苑曰。你又怎麼來。師遂折節。過冬。因呈生平所見。苑喜。一日以偈付之。時年丙辰也。次年隨苑禮足壽昌。昌勘問明驗奇之。因問東苑當時答一語。和尚便滿口見許。若是道盛。決不輕易放過。昌曰。祇如他道。和尚莫作怪。你作麼。生師纔啓口。昌便劈面一掌。師曰。也是賊過後張弓。昌曰。且喜有人喫掌。在嗣以臨濟趙州玄沙諸公案詰之。師以六頌發明。

昌領之戊午昌寂爲父兄攬歸浦次年結制羅山冬之興化開法國歡天啓壬戌禮足博山乙亥結制楚之龍湖次主寶筏黃檗丙子繼席壽昌戊寅主匡埠圓通己卯復入楚主芝佛赴荊王請內庭說法庚辰主豫章秦定建安王請說法上藍次應鼓山請冬還壽昌時師年五十矣癸未結制靈谷甲申結制祖堂乙酉住徑山次年結制天界又次年主太平萬壽及無相寺是冬江院王公閱師原道七論謂不應稱明太祖三字坐師獄中師不辨陳大宰命吏省師索偈師爲書問予何事棲碧山笑而不答心自閒桃花流水杳然去別有天地非人間詩道之宰爲嘉甚操江李公過太平特入獄詢其事時當道畢集索七論閱之李公曰此論道書也刻在崇禎年稱明太祖禮也況明亦稱元世祖遂一笑而釋師出略無異色李公顧當事曰禁之無愠釋之無喜非眞道人何如辛卯再主萬壽壬辰主攝山棲霞丙申住浙虎跑因得興復崇先坐道場五十餘處語錄如之內集三十三種外集三十一種師爲人機雖孤峻而性實溫和凡示

誨人不豁然則不已故士大夫願就刀尺者比比然皆以道爲懷絕無他念不喜索隱形怪不喜別戶分門唯參同是任弘法是職雖屢經患難至死不忘海以內莫不咸尊爲宗門巨匠也上堂以如意打圓相曰會麼過日輪而叶夢夜半正明乘象駕以投機曉來不露天然貴胤纔生卽指顧稱尊正位青宮初立便紹承大統優曇示現長春之花萼方新寶祚隆膺億代之本枝遠茂紹天地祖宗慧命啓朝廷社稷光輝則且置今當皇太子睿誕辰且作麼生舉揚慶贊永祝千秋同日月常瞻萬壽等乾坤上堂偶向江頭採白蘋閒隨年少賽江神衆中不敢分明說暗擲金錢卜遠人良久曰噫無限相思空自委尋常觸著最難禁上堂雙輪合璧泥牛入海如神五曜經天石馬迴途自妙微雲澹河漢秋露滴梧桐路逢達道人不將語默對若有箇漢向者裡發得一笑許他親見歇祖八字打開別施手眼衣被萬化乳育羣英使箇箇遮天蓋地去還會麼夜排月戶清光遠秋拭山稜秀色多上堂十字街頭結制唯有石櫬子自

肯承當急水灘上白椎。祇許竹篙兒全機活脫。杖人
恁麼舉。忽有箇出來捲却。弟子也好與三十棒。且道
是賞伊罰伊。檢點得出黃頭碧眼。剗肉成瘡。檢點不
出白牯鰲奴。開眼作夢。祇如今日與衆造箇歇端。又
作麼生。巨靈抬手無多子。劈破華山千萬重。上堂
人從賢溪來。請擊皐亭鼓。策杖獨登堂。一喝驚古今。
是誰直下耳聾。又誰當央舌吐。不勞象骨更拋毬。且
看玄沙是甚虎。巢知風穴知雨。動植飛潛各有主。電
卷星馳。龍驤鳳翥。者些兒須自許。太平一曲韵深長。
流水高山何足譜。示衆石女夜拋梭。織錦密彰文。
彩。木人朝結網。得魚疾透波。瀾相將活計。以成家因。
此。勤勞而樂業。草野渾忘治象宸。廷冥契天然。祇如
此外。還更有向上事也。無寒來破衲。蒙頭坐醒後。敲
冰自煮茶。小參一二三四五六七。萬仞峰頭獨足
立。翻身撞倒老空王。捉敗真賊還叫屈。誰見此真賊。
誰雪此冤屈。要識真金火裡看。杖頭有眼明如日。
示衆三。七日前釋迦掩室於摩竭。三。七日内海底波
斯嚼生鐵。三。七日後大家笑龜不成鼈。無論是七後

七前。只要你自奮自烈。下有傷人心。爭解死冤結。說
甚爲人須爲徹。殺人須見血。若作一場鬼戲。徒自捉
棒打月。問僧甚處來。僧曰。和尚試定當看。師曰。野
狐精。踴跳作麼。曰。情知和尚有此一機。師曰。苦不是
新羅僧。便拜師曰。村夫喫徹轆。問僧參師。問你是
延平來的麼。曰。是。師曰。交劍潭兩條龍。還在否。曰。不
知。師曰。蚯蚓穿過東海。蝦蟆撞倒須彌。跣死禪和打
瞌睡。未曾醒在。問如何是常住三寶。師曰。兩粥一
飯。曰。如何奉持。師曰。朝看東南。晚觀西北。問有問
石頭如何是道。頭曰。木頭如何是禪。頭曰。碌磚此意
如何。師曰。藝壓當行。曰。或問和尚如何是道。作麼生。
師曰。好皮不染皂。曰。如何是禪。師曰。好人不倩錢。曰。
此與石頭同別。師曰。石馬廟前有金鋪。曰。不會。師曰。
木屐店在對門。開。師應機超脫不肯蹈人蹊徑。類
是己亥。歸天界。休夏毗盧閣。九月四日。命移几杖入
舊方丈。七日起。禮佛巡各堂。寮舍開示。諄諄回室。索
筆書偈。曰。萬象指頭明。卓異縱擒不換機。何利無端
撈斷破蒲鞋。翻然直入千峰去。擲筆而逝。塔於棲霞。

天開嚴壽六十八臘四十九

鼓山永覺禪師法嗣

福州府鼓山爲霖道需禪師參鼓山針芥契合親炙三十秋。鼓山八旬大慶。舉爲首座。始垂記前。住後上堂。庾嶺一鋪功德無量。劫來成就。今日一回拈出。便見光輝宇宙。不須雪點紅爐。一切萬法。仍舊春水盈盈。競流春山。疊疊挺秀。春鳥關關。和鳴春樹。蔥蔥鬱茂。若能直下。便見卽是瞿曇之後。更作佛法商量。此人却不唧唧。乃舉拂召大眾曰。見麼。是大神呪。是大明呪。擊案下座。上堂。人人有箇本爹娘。如影隨形。處處彰。無奈衆生自違背。今朝突出在中央。前是佛殿。後是法堂。左是廚庫。右是僧堂。且道中間底本爹娘。是何面目。良久曰。切忌觸諱。上堂。秋風涼。秋夜長。未歸客思。故鄉拍禪牀曰。者裡是甚麼。所在切忌開眼尿牀。師到南山。二勝和尚請上堂。賣松風於臘月。煞不知時。繡布鼓於雷門。尤堪捧腹。雖然只得將錯就錯。向虛空裡打箇筋斗。貴得主賓道合。正脉流通。拈拄杖曰。滿口道。不出信手拈將來。卓一卓。

曰。瞎驢正法眼滅却。又重開開後如何。良久曰。不是我堂頭道兄和尚。誰共相委。又卓一卓下座。上堂。今朝十月廿二日。伐鼓敲鐘。衆雲集時。節因緣既現。前聽取唱箇波羅蜜。乃舉拂子召大眾曰。君不見。又放下拂子曰。君不見。良久曰。呵呵。不是知音者。徒勞話歲寒。上堂。菩提本無樹。秤錘是鐵鑄。明鏡亦非臺。光明徧九垓。本來無一物。千足與萬足。何處惹塵埃。蓮華火裡開。諸人還見祖師麼。良久曰。清源方舉首。紫帽笑哈哈。

續燈正統卷之四十

續燈正統卷四十一

南海普陀嗣祖沙門西蜀 性統 編集

未詳法嗣

杭州徑山雲菴慶禪師建陽人。舉僧問楊岐如何是佛岐曰。三脚驢子弄蹄行。曰。莫只者便是麼。岐曰。湖南長老頌曰。楊岐一頭驢。眼光如電爍。踏殺天下人。

說甚三隻脚

先淨照禪師問講主經中道若能轉物即同如來若被物轉即名凡夫祇如昇元閣作麼生轉主無對公期和尙因往羅漢路逢一騎牛公子師問羅漢路向甚麼處去公子拍牛曰道道師喝曰者畜生公子曰羅漢路向甚麼處去師却拍牛曰道道公子曰直饒恁麼猶少蹄角在師便打公子拍牛便走唐朝因禪師微時嘗運槌擊土次見一大塊戲能猛擊之應手而碎豁然大悟

福州府東山雲頂禪師泉州人以再下春闈往雲臺大吼寺剃染具戒即謁大愚芝神鼎譔後見羅漢下尊宿始徹已事道學有聞叢林稱爲頂三教僧問如何是和尙日用事師曰我喫飯汝受饑曰法法不相到又作麼生師曰汝作罪我皆知問如何是和尙一枝拂師曰打破修行窟曰恁麼則本來無一物也師曰知無者是誰曰學人罪過師曰再思可矣居士問洞山道有一物上拄天下拄地未審是甚麼物師曰擔鐵枷喫鐵棒曰天地黑山河走師曰閻老殿

前添一鬼北邙山下臥千年士叫快活快活師曰也是野狐吞老鼠九龍觀道士并三士人請上堂儒門畫八卦造契書不救六道輪回道門朝九皇鍊真氣不達三祇劫數我釋迦世尊洞三祇劫數救六道輪回以大願攝人天如風輪持日月以大智破生死若劫火焚秋毫入得我門者自然轉變天地幽察鬼神使須彌鐵圍大地大海入一毛孔中一切衆生不覺不知我說此法門如虚空俱含萬象一爲無量無量爲一若人得一卽萬事畢珍重

金華府雲幽重憚禪師初謁雪峰次依石霜有悟旋里隱雲幽蔽形唯一禪住後上堂雲幽一隻箭虛空無背面射去遍十方要且無人見時有僧問如何是雲幽一隻箭師曰盡大地人無觸體雲幽今改法雲

杭州府大安如玉禪師號雙溪布衲閑卿嵩戲以詩悼曰繼祖當吾代生緣行可規終身常在道識病懶尋醫貌古筆難寫情高世莫知慈雲布何處孤月自相宜師讀罷舉筆答曰道契平生更有誰閑卿於我最心知當初未欲成相別恐誤同參一首詩投筆坐

亡於六十年後塔戶自啓其真容儼然

安慶府桐城投子通禪師。僧問達磨未來時如何。師曰。兩岸唱僧歌。曰。來後如何。師曰。大海涌風波。問。如何是孤峰頂上節操。長松師曰。能爲萬象主。不逐四時凋。問。如何是和尙者。裡佛法。師曰。東壁打西壁。處州府法海立禪師。因旨革法海爲神霄宮師。陞座。謂衆曰。都緣未徹。所以說是說。非蓋爲不真。便乃分彼分此。我身尙且不有。身外烏足爲道。正眼觀來一場笑。且今則聖君垂旨。更僧寺作神霄。佛頭上添箇冠兒。算來有何不可。山僧今日不免橫擔拄杖。高挂盂囊。向無縫塔中安身立命。於無根樹下。嚙月吟風。一任乘雲仙客。駕鶴高人來。此呪水書符印。牙作法。他年成道。白日上昇。堪報不報之恩。以助無爲之化。祇恐不是玉是玉也。大奇。雖然如是。且道山僧轉身一句作麼生。道還委悉麼。擲下拂子。竟爾趨去。郡守具奏其事。旨下復寺。額曰眞身。

汝州天寧明禪師。改德士曰。師登座。謝聖恩畢。乃曰。木簡信手拈來坐。具乘時放下。雲散水流去。寂然天

地空即斂目而逝

西蜀仁王欽禪師。僧問。如何是佛。師曰。聞名不如見面。曰。如何是祖師。西來意。師曰。□□裡弄糊。蘇曰。如何是道。曰。大蟲看水磨。

樓子和尙。不知何許人也。一日偶遊街市。於酒樓下整襪帶。次聞樓上人唱曲云。你旣無心。我也休。忽然大悟。因號樓子焉。

神照本如法師。嘗以經旨請益四明尊者。者震聲曰。汝名本如。師忽悟。呈偈曰。處處逢歸路。頭頭達故鄉。本來成現事。何必待思量。

杭州府靈隱普覺淳朋禪師。宋仁宗嘉祐庚子。一日奉旨斷還九里松集慶所。占路上堂。山前一片閒田地。曠大劫來無界至。今朝恢復又歸來。坐斷脚頭并脚尾。東也是西。也是南北縱橫無不是。且畢竟酬恩一句作麼生。十里荷華九里松。直指堂前香一炷。

嘉興府聖壽宜翁可觀禪師。年十六依南屏出家。從車溪有省。宋高宗紹興初。主嘉禾聖壽。遷當湖德藏。退隱竹菴。一室脩然。每自怡曰。松風山月。我無盡衣。

盜也。孝宗乾道辛卯，丞相魏杞請主吳之北禪入院。日適當九日，指座曰：「胸中一寸灰已冷，頭上千莖雪未消。」老步只宜平地，去不知何事，又登高。

青州府佛覺禪師雲門宗頌仰山雪師子話曰：「一色無過指示人，白銀世界裡，噉呻超然推倒還扶起，爭似東風煦日新。」

圓通善國師雲門宗佛曰：「自江右至燕窩，大聖安一夕，與佛覺晦堂夜話。次時，師年方十二，座右侍立，曰：『山僧自南方來，拄杖頭不曾撥著一箇會佛法者。』」

師叉手進前曰：「自是和尙拄杖短日大驚，曰：『可乞此子續吾濟宗。』」師曰：「雲門臨濟豈有二邪？」曰：「稱賞不已。」

金世宗幸聖安瑞像殿，問師曰：「禮卽是不禮，卽是師曰：『禮則相敬相重，不禮則各自稱尊。』」帝大悅，後住延聖示衆，舉洞山解制上堂，秋初夏末，兄弟或東去西去，直須向萬里無寸草處去。又曰：「只如萬里無寸草，作麼生去？」石霜曰：「出門便是。」草太陽曰：「直饒不出門，亦是草漫漫地。」師曰：「且道諸人卽今脚跟下一句作麼生道？」若道萬里無寸草，許你參見洞山。若道出門，便是草，許你參見石霜。若道不出門，亦是草，漫漫地，許你參見太陽。若總道不得，許你參見延聖。何故？唯有好風來席上，更無閒話落人間。示衆舉雲門觀音買餅餅話。師曰：「韶陽老人可謂唱彌高和彌寡。如今却向延聖拂子頭上入方網，三昧東方入定四方起，乃至男身入定，女身起，還會麼？」野色更無山間斷，天光直與水相連。」

順天府慶壽寺玄悟玉禪師雲門宗金顯宗遣中使持紙一張，書心佛二字，問師者，是甚麼字。師曰：「不是心，不是佛，稱旨。」次日，賜十一字句詩曰：「但能了淨萬法，因緣何足問。日用無爲十二時，中更勿疑常須自在。識取從來無罣礙，佛心心心若依佛，也是塵。」師答曰：「無爲無作，認作無爲，還是縛。照用同時，電卷星流，已是遲。非心非佛，喚作非心，猶是物。人境俱空，萬象森羅，一鏡中。」

揚州府高郵州定禪師雲門宗初參玄悟，悟室中舉僧問：「玄沙如何？」是清淨法身沙曰：「膿滴滴地。」師于是有省。僧問：「透網金鱗以何爲食？」師曰：「乾屎橛。」

老素首座生平一關深隱罕有識之者元明宗天曆間有僧得其與居述懷三偈手蹟詣紫籙求竺元道著語竺元曰諸方皆以其不出世不說法爲恨今讀此三偈如金鐘一擊衆響俱廢謂之不說法可乎其偈曰傳燈讀罷鬢先華功業猶爭幾洛又午睡起來塵滿案半簷斜日落庭花尖頭屋子不教低上有長林下有池夜久驚鷗掠黃葉却疑蓬底雨來時浮世光陰日已斜題詩聊復答年華今朝我在長松下背立西風數亂鴉

溫州府鴈山羅漢寺證首座見道明白晨朝躬自汛掃或問者片田地掃得乾淨也未座豎起荅帶示之又問眞淨界中本無一塵掃箇甚麼座亦豎起荅帶示之嘗題九牛山偈曰四五成羣知幾年春來秋去飽風煙清溪有水無心飲綠野不耕長自眠箇箇脚跟皆點地腰頭鼻孔盡撐天尋常只在千峰頂大地人來不敢牽

寧波府雪竇常藏主橫山之高弟也不諳文字專習禪定儕輩呼爲常達磨所作偈頌事理圓融音律調

暢其頌鐵牛曰紅爐百煉出將來頭角崢嶸體絕埃打又不行牽不動者回端不入胞胎海門偈曰猛風吹起浪如山多少漁翁著腳難拌命捨身挨得入方知玉戶不曾關苦筍偈曰紫衣脫盡白如銀百沸鍋中轉得身自是苦心人不信等閒嚼著味全眞息菴偈曰百尺竿頭罷問津孤峰絕頂養閒身雖然破屋無遮蓋難把家私說向人

松江府清谷禪師曰塊北子姓蔣生不委處通經史言簡辭邃至正初抵松江坐太古圓室已則入市塵沈蒲團施地爲菴融然一室足不踰閭有問曰近思錄定然後有光明是金丹否師曰賢且去味中庸嘗示沈以偈曰萬紫千紅總是春何須饒舌問東君啞人得夢向誰說豎起空拳指白雲又曰不偏不倚立于中不著西兮不著東超出古今情量外一毫頭上釣蒼龍一日進沈曰吾乘化盡矣若等勉之言訖泊然蛻去

太原府五臺鐵勒院子範慧洪大師因閱楞嚴至一人發眞歸元十方虛空悉皆消殞忽然大悟遂造河

朔汶處陳所見。汝可之。臨終說偈曰。六十春光又八年。浮雲收盡露青天。臨行踢倒須彌去。後夜山頭月正圓。更衣坐脫。

建寧府蔣山慧空元模禪師。古田蘇氏子。元成宗大德庚子。定中遊蔣山。山爲昔玄獎禪師道場。有老人迎謁曰。吾爲師守此山五百年矣。言畢化黑龍而去。既寤。乃曰。吾當還此山也。遂往卓菴。一日謂衆曰。吾昔於佛所號慧空菩薩。今化緣既畢。卽當入滅。因爲衆說偈曰。四十餘年寄俗塵。如今却顯箇中尊。巖頭一夜東風起。吹得華開滿樹春。鐵船無柁亦無蓬。接入金蓮性海中。末後一機今說破。白雲元不離長空。大地山河無處覓。虛空撞破見端的。縱使鐵輪頂上旋。本性靈明原不失。復曰。西天第三代商那和修尊者。隱象白山。現龍奮迅三昧。說法調伏諸外道。然後化火自焚。吾今象鼻巖前亦當如是言畢。雲霧四起。雷雨大作。化火自焚塔於菴之西。

開封府鄭州普照寺佛光道悟禪師。臨洮蘭州寇氏子。偶宿灣子店。聞馬嘶豁然大悟。歸告母曰。某於途

中拾得一物。母曰。何物。師曰。無始來不見了底母掌。曰。何喜之有。遂辭母參。方母曰。將何之。師曰。水流須到海。鶴出白雲頭。遂往參白雲。海海爲印記。金大定甲辰。出主普照久之。退居竹閣菴。晚年浮沉洛川人莫之測。嘗曰。道我凡耶。曾向聖位中來。道我聖耶。又向凡位中去。道我非凡非聖耶。我却向你眼睛鼻孔裡七顛八倒去。金泰和乙丑五月十三無疾而逝。壽五十五。臘三十九。

眞定府嘉山來禪師。僧問。鐵牛和尚塔何在。師以手指之。僧忽省發。乃示頌曰。鐵牛鐵牛。更莫別求。有人問我。豎起指頭。

杭州府天目一山魁菴主蘇州人。天資敏捷。通內外典。與平石砥友。善棲遲巖谷。不與世接。僅有山麓洪氏子往來送供。一夕洪氏婦夢魁乘肩輿而至。覺而產一子。翌旦登山候之。魁化去矣。因名應魁。字士元。幼讀書。補邑庠。至年三十一。旦忽自猛省。棄家縛茅於東峰。絕頂晝夜精勤行道。一日空室因避寇。自徑山過其廬。見其舉止閒雅。應對從容。叩其所以。乃知

其爲一山後身也。因謂之曰：你前身與平石翁爲莫逆交。翁今年垂九十，尙耳目聰明，何不通信？息亦見一夢兩覺而夢覺一如乎？魁欣然揮毫作偈寄之。曰：寄語天童老平石，一念非今亦非昔。欲聽寒山夜半鐘，吳江依舊連天碧。

溫州府靈雲省菴思禪師性方介，台之寧海人。兄弟四人，師居長。同時發心出家，獨叩諸方。後出世靈雲次遷靈巖結夏。上堂以大圓覺牛角馬角爲我伽藍瓜籃菜籃。上堂舉趙州狗子無佛性話，頌曰：狗子佛性無，狗子佛性有。猴愁搜搜頭，狗走抖擻口。晚季退居靈雲之前山。元至正甲申，空室通偕數衲往謁。時師年已九十，龐眉皓髮，拽履而出。且行且問：何處來？通曰：江心。師曰：深幾百丈？通曰：謾老和尚不得。師曰：且坐喫茶。壁間題有晉僧詩：格調頗肖寒山。辭曰：五瘟不打頭，自髡黃布遮身，便是僧佛法世法。都不會。噉豬噉狗，十分能通讀之，凜然須臾拜辭，不敢再犯其鋒。

寧波府育王勉侍者空室之族姪也。少年有志，不幸

命促，嘗有送同事僧遊台鴈，偈曰：鳥窠吹布毛，侍者便悟去。雖不涉言詮，早已成露布。天台嶺上雲，鴈宕山中樹，去好商量。莫觸當頭諱，臨終偈曰：生本不生，死亦非死。祕魔擎杈俱，跏趺指。

江寧府永寧古淵清禪師聞雞鳴，有省。占偈曰：喔喔金雞報曉時，不因渠響詎能知。三千世界渾如雪，井底泥蛇舞柘枝。

寧波府育王虎菴實首座寄臥雲菴，主偈曰：黃金圍裡馬交馳，徑寸多成按劍疑。月曬梅華千樹雪，臥雲一枕夢同時。

寧波府天童幻菴住首座禮應菴祖塔，偈曰：眈眈睡虎管窺斑，便把中峰作靠山。不得破沙盆一箇兒，孫乞活也應難。

寧波府天童默中唯西堂詠蠶，偈曰：桑空柘盡始心休，綿密工夫一繭收。爐炭鑊湯拌得入，爲人只在一絲頭。

常州府宜興佛隴可上座聽雨偈曰：簷頭滴瀝甚分明，迷已衆生喚作聲。我亦年來多逐物，連宵敲枕夢

難成

瑞州府九峰壽首座臨終偈曰七十二年者邊那邊慣喫十方飯不參達磨禪今朝一擲翻身去笑破傍觀紫牛邊

吉安府武功山白雲明星禪師閩長汀張氏子醉心內典從龍蹄通落髮受具專修止觀一日自歎曰大丈夫道業未就其如生死何遂矢志參方徧叩名宿機緣或契師矚然不自少肯曰道固如是乎乃謁匡廬本源陳所見源皆不諾師發憤寢食俱廢繼聞盤龍陽遂往咨決一見頓釋凝滯依久陽以衣拂源流付之隱居瀟峰二十餘年太守請出世師以老固辭復移茅深入久之又成精藍矣一日示微疾集衆欽謝曰吾去矣衆問師何往師示偈曰明月落波心白雲橫嶺上欲識往來機鐵牛吞大象語畢端坐而逝全身塔於本山世壽八十有四

揚州府長蘆登禪師嘗鼎新院字畢一夜夢神人乞爲土地師謂神人曰君愛見僧過恕不能許神人曰某有長誓遂下一臂置師前師感其誠許之翌日遂

與建祠迨塑土地像成則一臂之墮屢屢修復不可得至今土地尚缺一臂

四川太瘤禪師因項有癭故名嘗歎佛法混濫異見蠶起乃曰我參禪有悟當不惜口業遂崇志禮馬祖塔久之塔忽放光大悟於是所至以勘驗爲事過雪竇乃曰者老漢口裡水漉漉地竇曰你不肯老僧那師曰果然口裡水漉漉地以坐具一搥便去直歲不甘越至中路損師一足師曰此是老漢使然他日須折一足償我竇果如其語後放意都下市肆中有官人留供家中甚恭每使侍妾醢食師辭官愈敬一日官至乃故意挑妾乃得辭不日坐化鬧市中

紹興府上虞長慶法慈禪師居常宴坐一室士大夫喜從其遊深談名理嘉泰初忽謝客閉門一日方盛暑浴出易衣端坐就寂徒輩亟呼曰和尚既如何不留偈示後師乃曰無始劫來不曾生今日當場又誰滅又誰滅萬里炎天飛白雪語畢而逝

順天府潭柘道玄覺宗禪師別號松溪扶風南氏子母夢法門坦授玉像吞之遂娠其日適坦寂生而有

異喜。踟躕會蒙古兵作被執入武川軍主喜令出家。投鱗川青山寺。剃染遊講。有聲知說食罕充腸。於是走見聖。因問來此何爲。師曰。生死事大。自從識得曹溪路了。知生死不相干。子如何會。師擬議。因喝。師趨出。因召上座。師回首。因曰。分明領取。師豁然。次日。白因曰。昨蒙一喝。某甲有箇見處。因曰。試舉看。師拂袖便出。因可之。憲宗元年。慧山令遣書聖。因求主靈山者。因以師應。其命付以偈曰。十載志如鐵。玄關皆透徹。跳出荊棘林。踏破澄潭月。好向孤峰頂上行。從前佛祖皆超越。至元癸未。曾潭拓龍泉。文退隱西堂。師遷補其席。後坐蛻塔于本山。

順天府潭柘古淵福源禪師。賜號佛性普明。太原李氏子。祖父居宦。師幼喜學佛。父母送妙覺從。朗剃落。與定中避兵山谷。後走真定。西牛參廓樂。一典侍司。次參圓明。照舉。曾問雲門如何。是啐啄之機。門曰。響汝作麼。生會。師曰。今日痛領和尚。一問。曰。意旨如何。師曰。一聲齊和。處千古意分明。照寂復見廓樂。樂曰。你來耶。親切處道一句看。師進前曰。卽日恭惟和。

尙尊候萬福曰。如何是佛法大意。師曰。滿口牙是骨。耳朵兩片皮。樂作色曰。何曾見圓明來。師却問。如何是佛法大意。樂喝。師擬議。樂打曰。滿口牙是骨。耳朵兩片皮。師始大悟。樂印可焉。出世三遷。大利價重。諸方海雲。嘗極口稱之。至元間。坐化塔潭柘。

蘇州府茅椒太古菴道亨禪師。字清音。子自言。姓楊。宋末。引一獐。自金陵來。淞大如人。能供使。給師夜坐。有光。淞人爭飯之。豐薄不謝。但曰。分定人異之。相與構菴。接納師爲衆。赤脚乞米市中。故又號赤脚道人。偶軍士戲烹其獐。師嘆甚。因辭衆。說偈曰。八十一年饒舌。終日化緣。不歇。重陽時節。歸家一路清風明月。遂趺坐而逝。

□□府寶頂曉山元亮禪師。河南信陽蕭氏子。幼却。輩以父官業。遂家棠。因寶林至福有道。從落髮。福示以禪。要有省。且指參。古淪幽谷。纔入室。針芥相投。洪武壬子。歸棠。建寶頂。被詔住報恩。遷大慈宸。章屢降。力求退。乃賜還山。初蜀藩亦嘗請說法內庭。示衆。甕裡何曾走却鼈。蝦跳元來不出斗。出世若無堅固。

心六道輪迴空自走。兄弟們。即今入寶山。還有不空手而歸者麼。設有正須朝打三千暮打八百。庚申十月十三時。天淨無雲。日午忽轟雷三震。圓光空際亦三遂化去。茶毗舍利如注。

順天府大千佛寺偏融真圓禪師。西蜀營山綾氏子。家世業儒。書史過目不忘。族人曰。振吾宗者必此子。至年將立。感生死無常。遂捨家入雲華山。禮可公爲師。薙染抵京師。聽講華嚴。至若人欲識佛境界。當淨其意。如虛空處。倏然頓悟。身超虛空。不覺屋廬爲礙。私謂曰。法界玄宗。毗盧性海。無外吾之方寸矣。且道離文字。執行執聽。畫餅不能充饑。斯言信矣。翌日曳杖東下。至洪州居馬祖菴。時同氣相求者畢至。歷七載。乃入匡廬。躬鬻薪易米供衆。不避風雨寒暑者二十餘年。居獅子巖時。常橫一棒坐巖口。僧來輒熱棒棒之。惜無有契其機者。前後四入京師。初住龍華。次住栢林。又遷世利海。最後慈聖太后建千佛叢林。請師居之。嘗在杲日寺講華嚴。有狂僧觸太宰繫獄。因併逮師。至于梏。師稱大經名。而鐵索擅梏。轟然爲盡。

裂人皆感其異。相率皈依。而圓扉中皆浩浩佛聲矣。刑部獄中苦逼。萬端師處之晏然。同刑者驚其異。操師曰。無他術也。心存中正。雖處患難。而不知有患難也。張大岳上章明師無罪。得免。慈聖皇后命復居世利海。陸五臺問。如何是文殊智。師曰。不隨心外境曰。如何是普賢行。師曰。調理一切心曰。如何是毗盧法界。師曰。事事無礙。陸嘆曰。今而後萬殊一體。我知之矣。趙大州問。孔子方佛奚若。師曰。仲尼治世聖人也。佛則治出世之聖人也。懲惡勸善。理誠無異。剖裂玄微。佛氏方聲州爲首肯。明神宗萬曆甲申九月。師命送龕。無緩適一孤鴈集方丈。師曰。爾來耶。至九日。尙坐繩牀。聞晚課誦願生西方句。遂泊然而化。壽七十九。臘五十。全身瘞德勝門外普同塔。

武昌府黃陂無念深。有禪師黃州麻城熊氏子。偶遊蕩山。有宿衲謂師曰。十方一粒米重如須彌山。若還不了。道披毛戴角。還師悚然。又聞僧舉僧問大休。如何是西來意。休曰。黃瓜茄子。師大疑。遂往五臺伏牛。遍叩知識。抵廬山參大安。安問汝號甚麼。師曰。無念。

安曰：「那箇是無念師？茫然無對。一夕聞哭，笑二聲相觸。有省。又一日，開櫃失手，被櫃蓋打頭，渾身汗流，乃撫掌笑曰：『遍大地是箇無念。何疑之有？』往龍湖同卓吾居士到駟馬山，會有講主。至士問主曰：『清淨本然，云何忽生山河大地？』主依文講罷，士顧謂師曰：『你試說看。』師擬開口，士蔣師膝上一推曰：『者箇聲，師忽大悟。有偈曰：『四十餘年不住功，窮來窮去轉無踪。而今窮到無依倚，始悔從前錯用功。』』後僧問道：『果有耶？』果無耶？師曰：『說有說無，二俱成謗。』曰：『如何？』師曰：『無求即得。』曰：『如何？』是道之體。師曰：『滿口道不著。』曰：『四大離散時，如何？』師豎起拳曰：『者箇不屬四大。』問古入曰：『迸却咽喉，唇吻道將一句來。』者一句如何？道師曰：『我不迸却咽喉，唇吻你且道一句看。』僧無對。師曰：『你被音聲塞却口。』問：『見性成佛，是否？』師曰：『是。』曰：『性是无形底，如何得見？』師曰：『性是有形底，只你不見。』曰：『請和尚指出看。』師曰：『我說汝不見。』問：『如何出離生死？』師召僧應諾。師曰：『從者裡出。』曰：『和尚說底話，某甲不曉得。』師曰：『等你曉得，堪作甚麼？』復友人書曰：

學道要起初心猛利，立刻就要討箇分曉。日間對境逢緣，纔得出世，不然日久月深，漸忘精進，依舊流落世情。近時學人，只圖口舌利便，恃已見識聰明，忘却本分。及至惡病臨身，手脚忙亂，一些也用不著。又不肯歸咎自己，念頭不切，立志差錯，反說先聖佛祖也。只如是毀謗正法，輪自夢未醒，且莫錯會。好他古聖一言半句，如吹毛劍、鐵釘、飯木、札、羹、塗、毒鼓，直是无你側耳處，無你下口處，無你著意處，無你近傍處，纔貶眼來，便成蹉過。眞學道人，時中必須情枯想絕，思盡神窮，寒暑兩忘，寢食俱廢，於無可捉摸處，驀地猛省。將來從前馳求心，一時頓息，知見全消，是非泯跡。到此田地，自然慶快，平生更不隨聲逐色。但是聰明解會，能所神通，脫手讓與他人，拚致終日如癡似□。虛其腹，閒其心，學世莫能知，鬼神莫能覩，就是黑面閻老子，亦無處著眼者。纔是吾學道之人，眞自在也。杭州府雲棲蓮池株宏大師，郡之仁和沈氏子，年十七補邑庠，每書生死事大，四字於案頭。一日失手碎茶甌，有省。作七筆勾見志，投西山，性天祝髮，北遊參

徧融次謁笑嚴於柳巷求開示嚴曰阿你三千里外來開示我我有甚麼開示你師恍然辭歸過東昌道中聞樵樓鼓聲廓爾大悟述偈三十年前事可疑三千里外遇何奇焚香擲戟渾閒事魔佛空爭是與非尋歸浙建幢雲樓侍郎王宗沐問夜來老鼠唧唧說盡一部華嚴師曰猫兒突出時如何王無語師自代曰走却法師留下講案遂頌曰老鼠唧唧華嚴歷歷奇哉王侍郎却被畜生惑猫兒突出畫堂前牀頭說法無消息有消息大方廣佛華嚴經世主妙嚴品第一因饑荒疫癘餓莩載道當道發儲賑濟命醫救療舉師董其事銓部虞淳熙學慧日點五百病僧因緣請師判斷師爲拈之曰慧日自甘窮子捨已從人西院屈陷平民將生就死可惜五百僧只解點著便行曾無一箇高臥不起致令慧日顯異惑衆禍及兒孫郡主深切民瘼山僧急趨時難倉卒中失帶了竹杖子不免奮空拳向居士癰腫上劈地一下敢保沉疴潰散毒血淋漓六脉調和百骸舒暢雖然如是云何一人能令衆起不見道陽回片葉春滿千林者事

且置祇如終日把竹杖子東指西揮不如一直在木頭上朝持暮守守來守去忽然枯木重榮便是死人再活說甚麼竹木管取盡大地草木叢林悉皆成佛去也何以故青青物外虛空體卽是如來堅實心問參禪念佛可融通否師曰若然是兩物用得融通著舉世尊默然良久外道謂開我迷雲空生宴座不言帝釋曰善說般若話拈曰良久處欲望開迷陰霧萬里宴座邊擬聞般若說竟多時雖然鞭頭得旨空裡飛花者畢竟見箇甚麼示探厥者曰心訣教我如何談蹉過山前好時節蕨蕨豎起拳頭向君說又新春日示衆今日賀新春歲時重換却昨日作麼生十二月廿八自像贊十畫九不像惱殺丹青匠庶幾此近之權留作供養若道者便是依然成兩樣不兩樣三十棒臨寂預於半月前別衆曰吾將他往矣衆莫諭至期微疾面西端坐而逝當萬曆庚辰四月□□日世壽八十臘六十□塔全身於本山南康府雲居巖愚觀衡禪師行脚時嘗過雲間因訪陳眉公三度通刺適公有事未及接見師乃留偈而

去偈曰。硯池三柳秀筆架九峰高。堂上讀書子清風。吹布袍。公見偈。急呼舟追之。至蘇州。而師却杜門。不見。初出。住楚寶慶五臺菴。次遷金陵紫竹林。萬曆末年。領吉州青原。晚遷雲居。僧參拜起。便問。如何。是西來意。師曰。請坐。僧坐。又問。師曰。何必忙。曰。某甲特特遠來。乞師指示。師曰。病僧實不知佛法。僧憐憫而退。時有聞上座。謂師曰。諸方手段。縱好殺人。必有血痕。和尚殺人。莫道血痕。氣息也。無。師曰。你又來塗汚病僧。問普門大士。今在何處。師作咳嗽勢。曰。問甚麼。僧罔措。又僧問大士。今在何處。師曰。大士且置。上座今在何處。曰。現親覲和尚。師曰。病僧不受親覲。曰。某甲何曾親覲。師曰。者前言不顧後語。漢出去。鎬上座依久。一日辭去。索師舊行脚爲信。師曰。我一向擔板。有甚舊行脚。只有一頂破樺皮帽子。不嫌收取去。曰。就請師學足示之。鎬禮謝。師示以偈曰。禪人索我舊行脚。只有一頂破樺帽。舉足爲君重指陳。若陰若晴莫忘却。問婆子具何手段。便燒却菴。師曰。諸供養中。法供養最。曰。菴主便去。未審是何意思。師曰。明

鎬易膝暗箭難防。問一口氣不來。畢竟向甚麼處去。師曰。鏡面明鏡背暗。曰。不會。師曰。雲歸山水歸海。問如何。是二種根本。師曰。火性燥。水性溼。問如何是常住真心。師曰。青山嶼。岬綠水長流。曰。真心與妄想相去幾何。師曰。黃花慢慢翠竹珊珊。問和尚是誰家兒孫。師曰。臨濟曰。臨濟機如雷電。和尚爲甚綿軟如泥。師曰。好兒不住爺屋。又僧問和尚是誰家兒孫。師曰。曹洞曰。憨大師親見笑巖爲甚。道是曹洞師曰。將此深心奉塵刹。是則名爲報佛恩。問和尚主持此宗。爲甚教人禮大士及生淨土。師曰。家家門口長安路。曰。何不決定一門。師曰。活人不做。做死漢。有圓通頌百首。一曰。展脚長眠。白月下。光明不讓水晶宮。睡濃不做圓通夢。佛祖都爲過耳風。一曰。廣大普門深復深。九重宵窺更沉沉。玉階青鎖行人斷。鎮日簾垂鳥不音。一曰。誰家公子慣風流。淺履輕衫錦市遊。醉倒春臺迷出處。正知身在岳陽樓。一曰。眼底笙簧聽不盡。耳邊朱紫任參差。飛刀雨矢盈空下。正是圓通自在時。慈山清嗣

慈山清嗣
俟列此

佛妙禪師。昆明人也。出家於天華寺。洪武十六年。赴京賜衣。盃錫杖遊兩浙。宣德四年十二月沐浴更衣。書偈曰。去年七十九。今年滿八十。萬里爲參尋。世緣今已畢。擲筆端坐而化。

紫栢達觀真可大師。句曲沈氏子。性忼慨激烈。弱不好弄。不喜見婦人。年十七剃髮遊方。聞誦張拙偈。斷除妄想。重增病趨。向真如亦是邪大疑之一日。齋次忽大悟。乃曰。使我在臨濟德山座下。一掌便醒。安用如何。若何。北遊京師。參徧融萬曆癸卯秋。忽妖書發。師罹難。先是神宗手書般若經。偶汗下漬紙。疑當易函。遣近侍質于師。師以偈進曰。師汗一滴。萬世津梁。無窮法藏。從此放光。上大悅。由是注意焉。適見章奏意甚憐之。在法不能免。因逮及旨下著審而已。拷訊時。師神色自若。持議甚正。以衰老殘軀。備嘗笞楚。抵死不屈。十二月五日入獄。法司定罪欲死。師說偈曰。一笑繇來別有因。那知大塊不容塵。從茲收拾孃生足。鐵枷華開不待春。又曰。世法若此。久住何爲。乃索浴罷。囑侍者曰。吾去矣。幸謝江南諸護法。復說偈。

曰。事來方見英雄骨。達老吳生豈宿緣。我自西歸君自北。多生晤語更冷然。語畢端坐而逝。所著有紫栢集

潮州鳳棲孝禪戲蘆澄心禪師。海陽楊氏子。依無得剃度。受具於黃檗。後遊吳越叢席。中擬置師。籌室師固辭。願居學地。以自煅煉。有百花叢裏過一葉不沾身之句。素性少攀緣。絕請謁。每日危坐如入禪觀。或有過客口依辯捷。相對久之。塵囂之念自消。故自題肖贊云。隨甌之屑。風蕉之葉。作如是觀。祇同一概。淡於水。冷於石。不可得而親疎貴賤觀之。令人心絕。本是韓山一點青。於今化作千巖雪。師因葬親回潮。親友遮留。築室於鳳棲。今爲孝禪蘭若。起南和尚未脫白時。曾請開示其詞曰。博地凡夫業識鋼蔽。平日只向冊子上口頭邊。依他作解。幻妄中又增幻妄。命根不斷。枝葉增長。要得截斷葛藤。須是金剛寶劍。當頭直截。是即是。只是無人代你下手。還宜自著忙。一番不負學道初心。到底作箇英烈丈夫。始得生平拈頌詩偈。甚多不令存稿。或有私記。見即焚之。甲辰夏示微恙。謂衆曰。夢幻之軀。勢不久停。終歸滅盡。我沒後。

不得建塔投諸江中足矣至七月初一日奄然而逝

續燈正統卷四十一

續燈正統卷四十二

南海普陀嗣祖沙門西蜀 性統 編集

補遺

台州府天台上雲峰無盡祖燈禪師四明王氏子
初見口溪詠於天寧繼參方山寶師資契令尋卓錫
上雲峰影不出山者五十載洪武己酉二月八日示
微疾夜將半顧左右曰天向明乎曰未也或曰和尚
正當此際何如師破顏笑曰昔德山坐疾僧問還有
不病者麼德曰有僧曰如何是不病者德曰阿哪阿
哪恁麼喚作病得麼衆無語師曰色身無常早求證
悟時至吾去矣侍者執紙乞偈師曰終不然無偈便
未到死耶侍者請益堅乃書曰生滅與去來本是如
來藏搗倒五須彌廓然無背向投筆端坐而逝

大鑑下第
二十三世

瑞慶
寶嗣

太原府臺山妙峰福登禪師山西平陽徐氏子從蒲
州萬固朗出家有願行普賢行始於讚嘆寺立禪三
載遇異僧指示曰普賢行乃潛行密用調一切心非
勞筋苦骨之謂也師遂南遊金陵參雲谷拈念佛
是誰話令參同慈山清北游參徧融圓嘯巖寶大千
潤諸公萬曆初再參大千於少林一日請益千曰九
年面壁坐耶非坐耶千曰坐不坐兩頭語須知旋嵐
偃嶽就中原自不遷師不解問慈曰物不遷耶慈曰
諸法元無去來遷箇甚麼師有省隱居臺山獲文殊
摩頂授記豁然大悟道望隆重至有猛虎引路菩薩
送燈建橋梁修梵刹功行多不及錄神宗夢師像徵
赴京賜紫衣師號示寂塔於臺山勅封真正佛子

際嗣大鑑下
第二十三世

佛
巖

夔州府白馬寺義峰方彖禪師達州羅氏子參金佛
山雲菴菴令看如何是鬼神觀不破之機三年有省
出峽徧謁知識結茅雙溪一日午炊聞甑作聲大悟
作頌曰三立三要沒來由用盡機思無處求鷲地一
聲何所作白雲青峰齊點頭齊點頭南嶽天台輸一

籌又曰二八女子嫁新郎續麻捻線一如常稱家豐儉隨時過癩插堂前一炷香嘗游浙居杭之清平山聞谷印嘗依之一日師舉青峰丙丁童子來求火話詰之曰青峰恁麼道法眼亦恁麼道爲甚麼有悟不悟印曰初以識心湊泊所以不悟後乃直下承當故能大悟師遽舉拳揮案厲聲曰恁麼則汝今大悟耶印擬議師便痛罵趨出印直得汗流夾背繇茲憤志力參萬曆壬辰師歸白馬僧問如何是西來意師曰兩頭燒火一頭煙師手中常執一鼓一面書蠱字一面書彝字凡應機多舉而搖之示寂塔於龍神山

佛巖際嗣大鑑下第三十三世

杭州府蒼溪眞寂聞谷廣印禪師別號掌石嘉善周氏子父珊母趙氏夢神率甲士護門覺而生師兒時左眼角常有塔影父命習儒不願乃送杭開元剃染一日指法界圖問其師曰十界從心生心從何處生師不能對時儀峰結廬清平山師往參理前問峰曰汝要會須從妙悟始得乃令看雲門露字久之閱七賢女遊屍陀林話忽有省見峰舉丙丁童子來求

火話詰師曰青峰法眼一般恁麼道爲甚有悟不悟師曰初以識心湊泊所以不悟後以直下承當乃大悟也峰舉拳揮案厲聲曰恁麼則汝大悟耶痛罵驅出師直得白汗夾背自是益力參年二十四會峰還蜀師乃秉具雲棲次謁無幻單丁法華山禁足白雲峰下共十年於亮座主參馬祖因緣未決一日觀黃瑞香花忽大悟述偈曰却是虛空講得經碌磚瓦磬正堪聽向來扭捏孃生鼻錯認葫蘆作帝瓶於是出山圓戒雲棲因深得雲棲之至到龍池適池負喧堵下師曰和尚在那裡池曰恰好不在師便作禮池携手入坐定池曰昨日上堂舉鰲奴白牯話進語者皆不愜老僧意子試道看師矢口曰三世諸佛不知有鰲奴白牯却知有從來迷悟不相干如何教他出得手池又舉托鉢話令頌師頌曰末後句有也無德山父子太譚訛同條生不同條死活得三年恨轉多池喜甚師辭行池門送驀詰曰如何是密啓其意師曰今日不打宜與轉池呵呵大笑師便行於是首衆坐禪徑山連居永慶諸處萬曆壬子興復眞寂戊午

退隱楚之黃安建之寶善晚復歸真寂。示衆徑山啓此禪期要你人人領荷須知本自圓成實無功夫可做六門晝夜放光照徹山河萬朵更欲直下承當豈止全身話墮雖然覓他不著却又同行同坐眉毛祇在眼上饅頭定是麵做直饒體貼得來早是覷面錯過老實告報諸兄泥多自然佛大汝若再要如何看取老僧下座。戒壇示衆諸大德戒是何物受者是誰會須從苗辨地見水知源始得祇如世尊拈花迦葉微笑當恁麼時且道有言說無言說若道無言說孤負世尊若道有言說曾說箇甚麼來向者裡開得一隻眼放出大光明方明得究竟尸羅無作梵行於身無所取於修無所著於法無所住三世悉空寂無作業者無受報者此中何法名爲梵行尙不見有身心孰爲持犯所以高沙彌道長安雖闊我國宴然大珠道身口意清淨是名佛出世身口意不淨是名佛滅度是則定共道共有作無作離心則別無有矣諸大德盲龜值木際遇寶難在當發希有想生歡喜心勇猛堅強必在此席發起無作妙善戒體庶於順

逆境界若身若心任運不犯而五分法身當從茲建立矣。對曹安祖大參靈小參無有涅槃佛亦無佛涅槃以證無生者未始有生死而亦同夫生死者也於戲公以預知緣盡灑然長往且道是生耶死耶五十年刹那一夢延耶促耶曹居士惺惺著你向來參詳博問息慮安禪所求者爲何事還記得麼靈山有一機少林無半語覷面露堂堂分明爲君學會不會清風拄杖頭知不知白雲千萬里伏惟珍重。除夕小參欲識佛性義當觀時節因緣卽今是年盡月盡日盡之時正是智窮力竭處者裡雖轉輪天帝不能用其威福可不懼哉紙如遷上人昨日尙語笑歡呼今日向甚處去也不可道本自不生今亦無滅必須討箇真實落處始得若是生不知所從來死不知所從去必須奮起新鮮意志定不似今年因循仍前錯過將箇本參話頭頓在胸中生與同生死與同死直待打破漆桶那時出來方好道生也不道死也不道爲甚不道不道不道還會麼風光人不覺已入後園梅參。舉玄沙答僧我是謝三郎話頭日月滿蘆花

雪滿舟小舸輕汎自悠悠金鱗忽向波間躍拋下絲綸用直鉤。牧牛頌雙泯曰杳杳人牛不見踪一團秋月爛高空可中若問還源旨風落巖花點翠叢。

有答古岑嶧四問語答六觀十問語答志西二問語答心城五問語答心涵瀛六問語皆精妙入神非過量人不能有此。崇禎丙子臘月十七示寂塔全身

於孔青山之陽壽七十一臘五十八

白馬乘嗣大鑑下第三十四世

韶州曹溪慈山德清禪師字澄印全椒蔡氏子七歲

見叔母生子又見叔死即抱生死去來之疑年十二

禮南京報恩寺西林寧公爲師時嘉興雲谷會住棲

霞報恩師執侍甚勤谷開發悟明心地師即請西林

潮落盡燒所習外學謁無極受具聽講華嚴玄談有

省乙丑谷結禪期於天界舉師入堂示以向上巴鼻

辛未辭谷北遊谷曰吾之大法在汝肩頭慎勿容易

邱中閱物不遷論至梵志出家頓了旋嵐偃岳之句

生死去來之疑乃作偈曰生死晝夜水流花謝今日

乃知鼻孔向下乙亥禮文殊結茅五臺之龍門匡山

徹空雲棲蓮池相繼入山與師語契辛巳仲冬慈聖

皇太后爲神廟建新儲道場於五臺大塔寺百有二

十二日師與妙峰主其事壬午八月光廟誕生癸未

春遁居東海牢山恢復那羅延窟慈聖再徵不得甲

申乃得師輒賜內幣師做古矯詔賑饑事以賑山東

民丙戌慈聖頒藏經布金造寺賜額海印丁亥工竣

即開爐韞己丑請藏至南京報恩感寶塔放光乙未

方士流言侵攘逮赴詔獄按驗無實坐以私創寺院

戍雷州衛道出江西鄒元標迎至鐵佛菴與師一語

投契頓翻前案丙申禮六祖抵戍寓城西坡公亭雷

州饑癘師收埋骸骨萬計建孟蘭會說幽冥戒天大

雨癘隨止戊戌修曹溪通志戒靈通侍者酒歸侵田

斥做舍屠門酒肆皆爲寶所大鑑之道勃焉中興

會嗣大鑑下第三十二世

洪都翠巖古雪真詰禪師甌寧陳氏子生萬曆甲寅

父之奇爲邑庠生嘗謂人曰吾先代多好善樂施後

世子孫必有起者觀此子沉潛溫敏動止有則似非

常兒可比因名國賓稍長隨父讀書山寺喜聞梵唄

之聲年十六矢志出世投黃巖體空雍染一日閱中

峯警策歌恍然自得。卽事徧參。首謁覺浪盛。嘗疑青州布衫話次。參天童。相見次。便問向上一路。千聖不傳。棒喝交馳。合明何事。童便打師。曰。明知生是不生之法。爲甚被生死之所流轉。童打云。還知麼。師曰。便恁麼去。時如何。童曰。賺殺閻黎。由是死心。座下執侍者。事每請益。童唯大棒打出。二六時中。猶如木人。日則隨衆作息。夜則倚柱爲牀。尋出山參雪嶠。永覺雪關。爾密諸老。皆蒙器重。久之。復還天童。童屢勘驗。知其見諦穩密。喜曰。汝今方作得老僧侍者。未幾。出住洪都翠巖。遷建寧黃巖。白法建州佛頂。所在法席稱盛。上堂。佛祖頂額一機。佛祖罔測。天人脚下一著。天人莫知。沒蹤跡處。萬象縱然。正見聞時。纖塵不立。所以道。聖名凡號。總是虛聲。殊相劣形。皆爲幻色。若是大丈夫。漢有殺人不貶眼。底作略直下承當。便可橫揮寶劍。獨據寰中。截斷葛藤。掀翻窠臼。二六時中。壁立萬仞。見佛見祖。如生冤家。偶然道箇佛字。漱口三日。特地說箇受戒掩耳。而趨到者。裡聖解尙不生。況復更隨世間喜怒哀樂。殺盜淫妄貪瞋癡等習氣。

所轉。所以道。幾回生。幾回死。生死悠悠。無定止。自從頓悟了。無生於諸榮辱。何憂喜。且道如何。是無生底。句。寶山一寶。親披露。徧界騰輝。不染塵。上堂。今朝臘月十五。屋角梅花正吐。長連床上。衲僧承當。切忌莽鹵不莽。鹵。焦尾大虫。原是虎。喝一喝。小參。若論此事。譬如野火燒山。一般。星星之火。順風一吹。縱使萬壑千峯。枯枝腐艸。一時鞠爲灰燼。且道。燒盡後。如何。青山依舊。白雲中。小參。一期會。未竟心。識已紛飛。壁角抄方。語閒房話。別離曲。談猶夢夢。直指護孜。孜珍重。參玄客。精神莫浪施。問如何。是死句。師曰。嘉州大象。陝府鐵牛。如何。是活句。師曰。陝府鐵牛。能哮吼。嘉州大象。念摩訶。問如何。是藏身處。沒蹤跡。師曰。月落潭無影。如何。是沒蹤跡處。莫藏身。師曰。雲生山有衣。問趙州。道佛之一字。吾不喜聞。是如何。師曰。一翳在眼。空花亂墜。問丹霞。燒木佛。意旨如何。師曰。因風吹火。用力不多。院主眉鬚墮落。又作麼生。師曰。不因夜來雁。爭見海門秋。密雲悟嗣大鑑下第三十五世。

王臣附

宋太宗帝一日幸相國寺見僧看經問曰是甚麼經
僧曰仁王經帝曰既是寡人經因甚却在卿手裡僧
無對雪寶代云皇天無親唯德是輔幸開寶塔問僧卿是甚人對
曰塔主帝曰朕之塔爲甚麼卿作主僧無對雪寶代云合國威知
一日因僧朝見帝問甚處來對曰廬山臥雲菴
帝曰朕聞臥雲深處不朝天爲甚到此僧無對雪寶代云難逃
僧入對次奏曰陛下還記得麼帝曰甚處相
見來奏曰廬山一別直至如今帝曰卿以何爲驗僧
無對雪寶代曰實道得得而來京寺回祿藏經悉爲燬燼僧欲
乞宣賜召問昔日摩騰不燒如今爲甚却燒僧無對
雪寶代曰陛下不忘付囑帝嘗夢神人報曰請陛下發菩提心
因早朝宣問左右街菩提心作麼生發街無對雪寶代曰
實謂今古罕聞智寂大師進三界圖帝問朕在那一界中
寂無對保寧勇代曰陛下何處不稱尊一朝罷帝擎盃問丞相王
隨曰既是大庾嶺頭提不起爲甚麼却在朕手裡隨
無對

帝降旨令肩輿入京命西天總持三藏以金轡出其
定遂問何代僧曰我乃東林遠法師之弟名慧持因
遊義嶠入定於樹遠法師無恙否藏曰遠法師晉人
也化去七百年矣持不復語藏問師既至此欲歸何
所持曰陳留縣復入定帝製三偈令繪像頒行偈曰
七百年來老古錐定中消息許誰知爭如隻履西歸
去生死何勞木作皮藏山於澤亦藏身天下無藏道
可親寄語莊周休擬議樹中不是負移人有情身不
是無情彼此人人定裡身會得菩提本無樹不須辛
苦問盧能有官人入鎮州天王院觀神像因問院主
曰此是甚麼功德曰護國天王曰祇護此國徧護餘
國曰在秦爲秦在楚爲楚曰臘月二十九日打破鎮
州城天王向甚處去主無對
黃山趙文孺居士有偈曰妄想元來本自真除時又
起一重塵言思動靜承誰力仔細看來無二人
金華府義烏文獻黃潛居士字晉卿元天曆年詔天
下僧儒善書者集杭州淨慈泥金書大藏經士亦預
焉每食必與衆僧共有別爲治具則不樂不食而去

嘗題懸崖墨蘭曰。嫋嫋春風一樣吹。託身高處擬何爲。從他自作顛倒。想要見懸崖撒手。時又題東坡像曰。五祖禪師。世人婆娑久已斷生因。誰將描逖虛空手。去覓當年身外身。題山谷像曰。笑殺當牛老晦堂。相逢剛道桂花香。披圖面目渾依舊。鼻孔何曾有短長。士以文章名世。蔚爲一代儒宗。以其造詣入微。不覺冥符聖意。況與僧雜處。不肯自異。亦可尙矣。

建康府待詔沈士榮居士洪武中爲翰林院待詔。嘗著續原教論辯解一十四篇。其論略曰。人之爲類。不同。故聖人之教不一。此教之迹所以異也。然爲善不同。同歸於治。窮其至妙。不出一心。此教之理所以同也。此心也。此理也。天下未嘗有異也。迹之雖異。若推而極之。必當致其同也。又曰。若得本忘末。不爲迹之所惑。研窮心性之原。直趨至善之地。則殊途同歸。無有彼此之間矣。又曰。是心也。變而不動。死而不滅。斯理之明昭如皎日。且安得而自蔽歟。若人識此心。悟此理。在儒爲眞儒。在僧爲聖僧矣。心昏理迷。莫知所往。本之既失。評論復何益哉。又曰。儒者志在排佛。故

作人死斷滅之說。以破生死論迴之論。不知反違周孔聖人之意。甚則撥無因果。廢滅天理。以造物歸於無知。善惡皆無果報。至仁天暴。壽敬慎。蒙禍淫。伏獲福。小人傲倖君子。無辜不明。前因曲爲之說。理則不通。障正知見。惑亦甚焉。又曰。自漢以來。經書迭至。究其指歸。誠所謂窮心性之原。入至善之地者也。又非但文字而已。至如日月雲霞。飛潛動植。色聲香味。而咸臻妙理。此教之體也。得失違順。生死苦樂。事物遷流。而常住眞性。此教之相也。文音語默。食作動息。威儀典章。而隨機普應。此教之用也。具是三者。其道大行矣。孰能排而毀之。拒而絕之乎。智者體吾佛之理。觀孔聖之道。性理之學。益加詳焉。而勸善戒惡之文。尤爲緊切。大有功於名教。豈可自生違背。蔽吾心之良知也哉。其觀心解略曰。心該萬法。法徹心源。至理難知。觀心斯得。故世尊初成正覺。嘆曰。奇哉。我今普見一切衆生。具有如來智慧德相。但以妄想執著。而不能證得。蓋人由迷此心。體不知反。求外爲六塵所惑。內生沉掉二病。是以局促無知。偏僻異見。唯佛

如來返觀此心。頓悟本性。成正覺。故於世間無量百千法門。出世間無量百千法門。莫不洞明無礙。廓徹無違。故號三界大師。十方慈父。今儒者尙不自識本心。豈能以心觀物哉。又曰。蓋不識自心。則其本已失安。能觀物明理哉。又曰。唐書曰。人心惟危。道心惟微。惟精惟一。允執厥中。者。此心學之源也。人心妄想。也由執著顛倒。故危。道心天理也。非思議之所能及。故微。精者不昧一者不雜。由無思故不昧。無爲故不雜。乃能盡其至誠。固守此中道也。中者。卽中庸之中。在心而不在物。在內而不在外。子思所謂喜怒哀樂未發者是也。子思但以情識未動。卽是中義。與吾佛一念無生之理相近。止欠悟耳。儒者釋中曰。不偏不倚。無過不及。乃已發中節之和也。便違子思之意矣。蓋喜怒哀樂未發之時。無有形相可見。豈有偏倚過與不及之事乎。又曰。彼既不知觀心之妙。徒欲以偏計之妄心。觀物以窮理。譬如磨鏡。未磨水。流未止。擬求鑒物。未之有也。自不知此理在內。惟務外求。故學解益多。去道愈遠矣。又曰。一日觀心。證理則天下萬

物萬事之理。皆貫通焉。夫子亦曰。一日克己復禮。天下歸仁焉。則亦求其在內者矣。其內教外教辯略曰。教有內外不同。故造理有淺深之異。求之於內心。性是也。求之於外學。解是也。故心通則萬法皆融。著相則目前自昧。嗚呼。外求之失。斯爲甚矣。今儒學之弊。浮華者固以辭章爲事。純實者亦不過以文義爲宗。其視心學則皆罔然也。宋之大儒。深知其病。又知吾心上工夫。爲有本是當。敦本抑末。以斥其言語文字之非。可也。何自爲矛盾歟。又曰。昔者聖人皆以內學爲本。而推其用於外。後世文儒。務外遂不知有心學之源。乃以學解爲事。惟宋河南之學。始言性理而有實踐之跡。然但知心之用而不究心之體。遂不知養未發之中。又昧太極之理。在兩儀未判之先。或以物理爲性理。故本末體用於是乎不明。而堯舜周孔之道微矣。又曰。悟則謂之內解。則謂之外。此內教外教所以不同也。儒者專用。力於外。凡知解所不能及者。不復窮究。故不知允執厥中之道。天理流行之處。皆在思慮不起。物欲淨盡之時。履踐雖專。終不入聖。

人之域矣。其作用是性解略曰：大覺無思，乃徧知於世界。識情有著，徒妄起於塵勞。佛與衆生，本同一體。但因迷悟，見有殊途。佛性只在眼耳鼻舌之間，妙用不離見聞覺知之際。直是一塵不受，一法不舍，名為直至道場。頓見本來面目。又曰：經云：如我按指，海印發光。汝暫舉心，塵勞先起。若無心體會，則森羅萬象一鑑昭然。此按指發光，所謂一念不生，全體現也。若說是性，卽是認著影子，使毫釐繫念，瞥爾情生，業相宛然。仍前迷倒。此舉心塵起，所謂六根纔動，被雲遮也。到此著力不得。又曰：三代而上，未有佛可名。惟聖帝繼天立極，推本於天。言人得此明覺，知理於天。故曰：天命之謂性。性者，言人皆以此明覺爲體也。率依此覺性而常不昧，謂之道。修者，卽養其喜怒哀樂未發之中也。中者，私欲未起之時。純乎天理者也。私欲未起，則無思無爲，寂然不動。寂者，誠也。至誠無思，故曰：道不可須臾離也。繼之以戒謹恐懼，不覩不聞之際，不使隱微之或動，皆是養此未發之中。常覺不昧，故發爲中節之和，則仁義禮智不待思而中矣。斯

所以爲教後章言誠者寂也，明者覺也。寂而覺曰天之道，覺而寂曰人之道。皆修道之義也。又曰：聖人得此理，乃立世間治教之法。吾佛得此理，乃立世間出世間解脫之法。儒門但明天人之道，吾佛則明四聖六凡之道。若盡天人之道，則可以趨佛道矣。其於性理不明，則天人之理有所不明，又安能究佛氏之理乎？士識遠材，全深達法，相議論縱橫，無礙剖發幽旨，直明心宗而辭旨尤善巧精妙。其曰：續原教亦可謂克續鐔津之緒者哉。



鑑工張生諱德鄆之下水人。世爲大慈供堂。隨衆聽法。有省值大雪。有團雪作佛形像。衆皆述偈。生亦隨占一偈曰：一華擎出一如來。六出團團笑臉開。識得髑髏元是水。摩尼宮裡不投胎。

續燈正統卷四十二終

普陀列祖錄

清・潮音通旭

編



刻普陀列祖錄題辭

名山大川固雖天造地設莫不因人而傳而重者也。苟不因人而傳而重夫古今天地古今山川。達磨之後始有嵩山仲尼之前竟無洙泗耶。天造地設者固多其有幽閉而終不之傳者。漠然而終不之重者。可勝限計哉。是皆未得因人而傳而重者也。普陀一山卓越海涯。屹立巨浸。大經具載。乃普門示現之區。實列祖弘法之地。又不可以尋常形勝並論也。自宋至明禪宗世出。真歇唱導于前。祖芳振興于後。無何滄桑變易。甲乙風成。法鼓不鳴。百餘年矣。嗟乎。四十年代。烜赫祖師。泯焉無聞。誰之責歟。予忝爲末裔。承乏茲山。切恐祖德靡揚。山靈見鄙。是以求諸羣集。攷諸舊志。實于此山闡法住持者。或得一句一偈。或僅得其名。一皆歸諸山誌。間有缺典。惟俟淵博之士採而補入焉。復刻是編以表彰之。且見四十代老古錐面目猶在。

大清康熙三十五年歲次丙子九月中浣住山後學

沙門通旭拜手題

普陀列祖錄

住山比丘 通旭 集

宋 真歇清了禪師

丹霞淨嗣

師號真歇。諱清了。蜀之左綿安昌雍氏子也。生有慧根。眉目疎秀。神宇靜深。見佛則欣戀不捨。年十一依聖果寺俊僧受業。又七歲試法華經得度。具戒聽講。玄解經論。以爲言說終非究竟。出峽直抵沔漢。扣丹霞子淳禪師。淳問如何。是空劫時自己師。擬對淳掌之師契旨。翌日淳上堂曰。日照孤峯翠。月臨溪水寒。祖師玄妙訣。莫向寸心安。師趨進曰。今日瞞某甲不得也。曰試舉看。師良久。淳曰。將謂你瞥地師便出。輒北遊五臺京汴南抵儀真。謁長蘆祖照。一語契合。命爲侍者。踰載分座。照常以老疾擬閑退。夢人告曰。蜀僧可代。照未決。蜀僧爲誰。至宣和壬寅。照病篤。恍省前識。蜀僧卽了首座也。迺囑經使陳公請了繼席。長蘆開法以香。酬丹霞淳語曰。我于丹霞先師一掌下。伎倆俱盡。覓箇開口處。不可得。如今有恁麼快活。不徹底漢麼。若無銜鐵負鞍。各自著。便是洞宗大振。

禪流如歸。紹興元年辛亥。師自長蘆南遊。浮海至此。結菴山椒。扁曰海岸孤絕。禪林英秀多依之。郡請于朝。易律爲禪。以漚和機引導。海山七百餘家。一聞教音。俱棄漁業。日活千萬億命。後應天台國清。閩之雪峯。奉旨補處育王。詔遷蔣山。疾辭不赴。明年朝旨以溫之龍翔興慶二院合一。禪林詔師主之。僧集如雲。齋粥不繼。朝以法田千畝賜之。又詔主雙徑慈寧太后建崇先寺。居師賜金欄銀絹法物。隆渥殊甚。師以爲可作歸休計。上堂轉功就位。是向去底人。玉韞荆山。貴轉位就功。是却來底人。紅爐片雪。春功位俱轉。通身不滯。撒手無依。石女夜登機。密室無人掃。正恁麼時。絕氣息一句。作麼生相委。良久云。歸根風墮葉。照盡月潭空。尋示疾中使問候。師從容敘謝。呼首座曰。吾行矣。踟躕跌瞑目而逝。時紹興二十二年壬申十月朔日也。越世六十有二。坐四十五夏。凡七處說法。五承紫泥之詔。得度弟子四百。嗣法者宗珏等三十餘人。所編語錄二集若干卷。行世。其語曰。窮微喪本。體妙失宗。一句截流。玄淵及盡。是以金針密處。不露

光芒玉線。通時潛舒異彩。雖然如是。猶是交互雙明。且道巧拙不到。作麼生相委。良久云。雲蘿秀處青陰合。巖樹高低翠鎖深。僧問不落風彩。還許轉身也無。師曰。石女行處不同。功曰。向上事作麼生。師曰。妙在一漚前。豈容千聖眼。僧禮拜。師曰。祇恐不恁麼。師之語句精妙。臨機勘辨。約類如此。此山禪宗蓋自師始。稱開法第一世云。

自得慧暉禪師宏智覺嗣

師諱慧暉。號自得。會稽張氏子。自少割愛辭親。得度于澄炤寺。孤錫雲遊。見長蘆真歇。以爲有所證。于閃電機下。竟南歸。所遇叢社如逆旅。一閱而棄之。遂投謁于覺弘智和尚。宏智威德自在。道望隆當世。見者皆爲神悚。暉獨心負所畜。不藉通詞。特擬觀光于座下。宏智熟視暉。而容之。暉微疑其所以。乃自請挂搭。宏智召暉至榻前。詰以寶鏡頌。暉驟進語。智正色遣出之。暉乃折節自悔。從前寶惜一齊放下。一夕正往聖僧前燒香。適弘智來。前暉見之。頓悟大旨。自爾問答無滯。得授記莚焉。紹興丁巳。開法補陀。馳其提唱。

語于宏智宏智大悅其語曰朔風凜凜掃寒林葉落
 歸根露赤心萬派朝宗船到岸六窗虛映芥投針本
 成現莫他尋性地閒閒耀古今戶外凍消春色動四
 山渾作木龍吟又曰巢知風穴知雨甜者甜兮苦者
 苦不須計較作思量五五從來二十五萬般施設到
 平常此是叢林飽參句諸人還委悉麼。堊老不知堯
 舜力。鑿鑿打鼓祭江神。谷之神樞之要裏許旁參回
 途得妙雲雖動而常閒。月雖晦而彌照。賓主交參正
 偏兼到十洲春盡花凋殘。珊瑚樹林日杲杲。于是補
 陀風範與天童並峙。其遷萬壽次吉祥。又雪竇皆名
 公巨卿。爲之勸請。淳熙丙申。詔補淨慈。庚子退歸雪
 竇。以癸卯仲冬二十九日。中夜沐浴而逝。空全身于
 明覺塔右。其法嗣華藏慧祚。雪竇德雲。仗錫崇堅。雪
 竇煥四人。

繼以了然禪師 徑山悟嗣

弁至淵禪師

雪屋立禪師

垣堂圓禪師

蘧菴成禪師

還菴琛禪師

鑑菴實禪師

小菴高禪師

閑雲德韶禪師 佛照光嗣
 師諱德韶。號閑雲。嘉定間來主是山。言于朝。賜錢萬
 緡。修飾殿宇。殿成。御書圓通寶殿。大士橋。以賜師。規
 龍章閣藏之。

大川普濟禪師 徑山瑛嗣

師諱普濟。號大川。明州奉化人。上堂舉睦州和尚因
 僧問如何。是祖師。西來意。州曰。一隊衲僧來。一隊衲
 僧去。頌曰。一隊衲僧來。一隊衲僧去。打破睦州關。大
 地無寸土。題世尊出山相。龍章鳳質出王宮。肘露
 衣。穿下雪峯智願。必空諸有界。不知諸有幾時空。師
 嘗纂修五燈會元行世。

鐵脚清禪師

古巖顯禪師

深谷喚禪師

無咎吉禪師

寒巖悟禪師

夢窗嗣清禪師

師諱嗣清。號夢窗。山陰于氏子。肄業郡之天章上堂。
 德山入門。便棒。臨濟入門。便喝。逼龜成兆。終不能靈。
 寶陀者裏。寂然不動。感而遂通。馬無千里。謾追風。

佛涅槃上堂。佛眞法身。猶若虛空。因甚二月十五日。却向雙林樹下。做盡死模樣。竹影掃階塵不動。月穿潭底水無痕。上堂。舉白雲端和尚示衆云。若端的得。一回汗出。師拈云。要知白雲老人落處麼。自從塞北經塵戰。敢向江南說陣圖。上堂。舉曹山辭洞山云。子向甚麼處去。曹山云。不變異處去。洞山云。不變異處。豈有去耶。曹山云。去亦不變異。師云。雲藏無縫襖。鳥宿不萌枝。上堂。春風如刀。春雨如膏。裁剪不得。處桃花色。轉嬌靈雲一見不疑。去謝郎舞棹。更呈撓。上堂。歸宗斬蛇。祕魔擎叉。禾山打鼓。趙州喫茶。十字街頭。開鋪席見錢買。賣且無賒。上堂。三十年來尋劍客。幾回葉落又抽枝。自從一見桃花後。直至如今更不疑。師云。尋常春夢無奇特。獨有靈雲說向人。只如玄沙道諦。當甚諦。堂敢保老兄未徹。在若不同牀睡。焉知被底穿。上堂。萬里無寸艸。頭上漫漫出門。便是艸。脚下漫漫。夜行只管貪明月。不覺和衣渡水寒。

石屋環禪師

寒巖舉禪師

松州基禪師

東巖日禪師

西巖慧嗣

混溪清禪師

白雲恭禪師

愚溪智禪師

東洲永禪師

松源岳下石林鞏嗣

一山寧禪師

日本智曜國師。初參師。備陳求法之故。至于涕泣。師曰。我宗無語句。亦無一法。與人曰。願和尚慈悲。方便開示。師曰。本來廓然清淨。雖慈悲方便。亦無。

次翁元禪師

險崖遇禪師

太虛冲禪師

元孚中懷信禪師

天童坦嗣

師名懷信。字孚中。俗姓江氏。明之奉化人。父某嘗爲某縣校官。母劉氏。夜夢大星墮室中。有光如火。亟取而吞之。覺即有孕。及誕。狀貌異。凡子性凝莊。不妄舉動。唯見沙門至其家。必躍而親之。稍長。受二經于宋進士戴公表。元經旨悉暢達。然非其好也。年十五。離家從法華院僧子思執童子之役。已而祝髮爲大僧。受具戒于五臺寺。聞延慶半巖全公弘三觀十乘之。

旨復與之游久之且歎曰教相繁多浩如烟海苟欲窮之是誠算沙徒自困耳即棄去渡浙河而西凡遇名叢林輒往參叩下語多杳鑿弗合不勝憤悱往參天童竺西坦公師隨質所疑坦一見知爲法器厲色待之不與交一語師羣疑愈熾一日上堂舉輿化打克賓公案問師師曰俊哉師子兒也坦領之師自是依止不忍去俾掌維那未幾坦入滅師鳴衆請雲外岫公補居天童師與擊節酬唱拍拍是令岫每稱之曰信公乃洞宗赤幟濟室白眉也泰定丙寅行宣政院請師出住明之觀音寺師策勵徒衆視分陰若尺璧唯恐其失之天曆己巳遷住此山師不以位望之崇效它山飾車輿盛徒御以誇銜于人自持一鉢丐食吳楚間鎮南王具香花迎至府中虔心問道語中肯綮且出達磨像求贊師運筆無停思辭旨淵邃王甚歡服宣讓王亦遣使者奉旂檀香紫伽黎衣請示法要師隨其性資而導之二賢王雄藩之望首加崇禮諸侯庶民無不望風瞻敬施資填委姑蘇產奇石師遂購善工造多寶佛塔十三層載歸海東俾信心

者禮焉宣讓王施鈔建駙馬都尉高麗王驛而吉尼故又名太子塔丞相撒敦以師行上聞詔賜廣慧妙悟智寶弘教禪師之號及金襴法衣一襲師于此山居十四載至正改元壬午住中天竺山天曆永祚寺乙酉遷天童百廢具舉佛殿之役最鉅亦撤弊而新之師建塔中峯之祖庭慨然有終焉之志己丑冬行御史臺奉疏迎師住大龍翔集慶寺提唱宗乘萬耳聳聽委蛇不迫而玄機自融無小無大皆靡然親戴之乃出衣鉢之私補前未建之堂會元政大亂戎馬紛紜寺事日見艱窘師處之裕如一不以屑意一旦晨興索蘭湯沐浴更衣趺坐謂左右曰吾將歸矣汝等當以荷法自期勵精進行可也言畢而瞑侍者撼且呼曰和尚去則去矣不留片言以示人乎師復瞋目叱之侍者呼不已師握筆書曰平生爲人戾契七十八年漏洩今朝撒手便行萬里晴空片雪書畢復瞑時丁酉秋八月二十四日也壽七十八臘六十九停龕七日顏面如生作禮者旁午而名蠟炬積如丘陵九月一日茶毗于聚寶山前舍利如菽如麻五色燦爛雖烟所

及處亦累累然生貯以寶瓶光發瓶外其弟子坎牛
首山東麓爲宮藏之復建塔于其上別分爪髮衣履
塵四明之太白山師賦性恬冲喜氣溢顏間生平未
嘗以聲色忤人人有犯之者領首而已然進修極勤
自壯至耄默誦法華經一部雖暑燠金寒折膠無一
日闕者屢感蓮花香滿院芬郁異常非世間者可比
當明兵下金陵僧徒散處師獨晏坐日不四顧執兵
者滿前無不擲仗而拜高皇帝嘗親幸寺中聽師說
法嘉師言行純慤特爲改龍翔爲大天界寺寺之通
糧在民間者遣官爲徵之師將告終前一日帝統兵
江陰夢師服褐色禪袍來見帝問曰師來何爲對曰
將西歸告別耳帝還聞師遷化與夢中正同大悅詔
出內府帛幣助其喪事且命堪輿家賀齊叔爲卜金
藏舉龕之夕帝親致奠送出都門其寵榮之加近代
無與同者歸然爲一代人之師此無他真則不妄
不妄則近佛之道矣師有五會語錄行于世

古鼎祖銘禪師徑山端嗣

師諱祖銘號古鼎奉化應氏子元叟住靈隱師往參

一日入室叩黃龍見慈明因緣端詰曰只如趙州道
臺山婆子被我勘破慈明笑曰是罵耶你道二老漢
用處是同是別師曰一對無孔鐵鎚端曰黃龍直下
悟去又如何師曰也是病眼見空華端曰不是不是
師擬進語端便喝師當下廓然至正七年元帝錫號
慧性文敏宏覺普濟禪師師言行平易不以繩墨制
學者嘗曰滄海有擇流之心則成牛迹春日有徧照
之意仍似螢光所以大治烹重不須九轉衆生成佛
只在剎那分之別之遠之棄之豈大慈長者之心哉
至正戊戌將遷寂遺書囑丞相外護復書偈曰生死
純真太虎純滿七十九年搖籃繩斷擲筆而逝茶毗
舌根數珠皆不壞舍利無算于徑山隆教寶陀建
塔焉明宋文憲公濂作師四會語錄序贊古鼎禪宗
銘公以臨濟十七世孫四坐道場爲黑白之所宗仰
一旦祝釐江浙省垣現白光三道丞相康里公見之
極加敬禮未幾將示寂語其徒曰觀世音蓮臺至矣
安坐而逝及火化舌根齒牙數珠俱不壞五色舍利
燦爛無數國史危先生已撫其行業爲文勒諸碑而

四會語未有序之者。師之得法上首。今天界禪師西白金公。屬濂作之。濂覽已合。爪言曰。是真正語。是不著有無語。是雷轟電掃語。學者隨所悟入。如慈雲徧覆法雨。普沾大小根莖。皆獲生成。非入正知見具大力量者。孰能與于此。嗚呼。世安復有斯人乎哉。非謂果無之也。求其真。真無偽。若師者。鮮也。濂既爲敘其事。復歆豔之。歆豔之不足。復作伽陀一章。贊之其辭曰。我觀我師四會語。一言一句皆真實。河沙妙義總含藏。其中無餘亦無欠。及至能所齊泯時。欲覓片言不可得。有如十萬虛空界。種種色相皆現前。或飛或潛。或動植。以至洪纖高下等。枯榮生死及崩塌。了然不染虛空相。而亦不出于虛空。真相不如不動。故印昔嘗登寂照場。耳邊一喝三日響。惟響故使功用絕。絕後通身皆是耳。自茲出世入翁川。翁川海水亦生耳。但聞魚龍哮吼聲。即使波濤增洶湧。繼升補陀洛伽山。合掌問訊觀世音。目能觀色耳聞聲。音聲何獨以目觀。不知本來無耳目。見所不見聞不聞。盡大千界無礙者。中天竺國凌霄峯。所談妙法皆如是。只因

妙法法難思。結集已落第二義。眉間放出白毫光。七寶蓮臺向空至。此皆遊戲神通事。于師之道不相攝。師之道大不思議。千古贊歎莫能盡。姑以第二門中觀。可以洗空于結習。可以觸動于悟機。可以速證于菩提。是宜流通于世。間視如照耀光明。幢我言或誣有如水。

大方聘禪師 天童 岫嗣

朴翁淳禪師

元虛照禪師

竺芳聯禪師 竺西垣下 所菴睿禪師 正宗庄嗣

大千慧照禪師 東嶺 海嗣

師諱慧照字大千永嘉麻氏子。麻號積慶之家。宜生上士父均母黃氏。既誕育師。寶之勝摩尼珠。師自童年亦駿利倍常。堅欲入道。聞人誦習契經。合爪諦聽。年十五往依縣之瑞光院。了定慈師從兄也。長老良公知爲法器。卽剃落爲弟子。明年稟持犯于處之天寧。蟬脫萬緣。誓究大不思議事。首謁晦機熙公于杭之淨慈。未契圓證。一日閱眞淨語。至頭陀石擲筆峯處。默識懸解。流汗浹背。時東嶼海公以石林鞏公世

嫡提唱于蘇之薦。嚴師往謁。嶼問曰：東奔西走，將欲何爲？師曰：特來參禮。爾嶼曰：天無四壁，地絕八荒，汝何地措足？耶師抵掌于几而退。嶼知其夙有所悟，尋復召至，反覆勘辨，師如宜僚擲丸，飛舞空中，嶼甚嘉之。遂留執侍左右，師以爲心法既通，不閱藏教，無以闡揚正法，聳人天之聽，乃主藏室于郡之萬壽天曆戊辰，出世樂清之明慶，集衆而誨之曰：佛法欲得現前，莫存知解，縛禪看教，未免皆爲障礙。何如一物不立而起，居自在乎？所以德山之棒，臨濟之喝，亦有甚不得已。爾聞者，悅釋而去。至正乙未，遷主此山。先是寺以構訟而廢，師以訟輿在乎辨難，太迫一處，以寬慈絕弗與較。且曰：我佛得無諍三昧，所以超出羣品。我爲佛子，可不遵其教耶？衆服其化。寺僧夢一神人，衣冠甚偉，飛空而來，僧作禮問之。神人曰：我從阿育王山來，欲請大千師赴供耳。未幾，行宣政院署師往。育王識者以爲玄應，師憫大法陵夷，孳孳誘掖，不遺餘力。嘗垂三關語以驗參學。其一曰：山中猛虎以肉爲命，何故不食其子？其二曰：虛空無向背，何緣有

南北東西？其三曰：飲乳等四大海水，積骨如毗富羅山，何者是汝最初父母？此三關最爲峻切，惜未有契其機者。後退于妙喜泉上築室，曰夢菴。因自號爲夢世叟。掩關獨處，凝塵滿席，不顧也。洪武癸丑十月朔，召門弟子曰：吾將西歸。汝輩有在外者，宜趣其還。越七月，屬後事于住持約之裕公沐浴更衣，索紙書記。書已恬然化滅。臘七十，壽八十五。經三日茶毗，牙齒眼睛及數珠不壞，餘成設利羅五色爛然。塔于夢菴之後，師三座道場有語錄若干卷，行世。凡一燈所傳一兩所潤，雖淺深有殊，各得分願。師智度冲深，機神坦邁，晝則凝坐，夜則兼修淨業，眞積力久，覺觀湛然。非言辭所可擬議，且服用儉約，不如恒僧，雖不與時俗低昂，賢士大夫知其誠實，不事矯飾，多傾心爲外護。其遇學徒亦以眞率，或以事忤之，而聲色不變動。出語質樸，不尙葩藻，而指意超于言外。名聞燕都，帝師被以佛德，圓明廣濟之號，師略不少動。于甲師之操履爲人梗概如此。師之行業詳見明末文憲公所撰石墳碑文。茲僅錄其銘曰：萬緣紛紜，逐物而競，曷

以攝之實惟禪定。禪定斯何言辭。閑宜浮翳盡。斂月輪在天。初分一燈千燄。交映如百鍊。餘金色逾勝。師之挺生。銳思絕塵。萬里只尺。欲移頓門。片簡雖微。中具全體。警爾觸之。凡情盡死。從抵頑師。勇決其私。振迅奮擲。類獅子兒。出世爲人。樹大甘雨。法雷轟轟。震驚百里。海岸孤絕。潮音吐吞。與此大法。殊流同源。神人飛空。持疏來謁。孰知玄微。若合符節。彼舍利羅寶塔。晝助我發機。靈光晶熒。翩然西歸。跌坐而滅。示不壞相。火中珠結。生死之關。鮮執其樞。坦然不惑。如人歸廬。前修漸退。後武思厲。不有昭之遺。則淪墜太史著銘。勒石山樊。虛空有盡。師道永存。

玠禪師

師之氏族法系俱莫之考。今按明宋文憲公濂所撰淨慈孤峯德公塔銘其略云。孤峰族姓朱世家。明之昌國。父有成母黃氏。父與補怛洛迦僧玠公交。玠聞雞聲入道。凡說法必鼓翅爲雞號。玠亡已久。黃夢玠來託宿覺。而有娠。歷十四月而生。據此說可知孤峰卽師之後身也。

明 大基行不禪師

師諱行不。號大基。宗說兼通行。解相應。洪武初。由佛隴來。主是山本初原禪師。

祖芳道聯禪師

薦嚴義嗣

師諱道聯。號祖芳。四明鄞縣陸氏子。年十四。禮崑山薦嚴悅堂。顏得度。秉戒于鄞之五臺。還侍物。先義于薦嚴。有所造詣。洪武丙辰。侍佛心住靈谷天界。壘延居記室。穆菴康恕中。愠木菴聰。咸作忘年交。後出世台之廣孝。遷紫籙。及麻峪。景山。明之補陀。越之能仁。末主淨慈。壬申。淨慈厄災。惑師爲一新蜀王。賜袈衣。孟盍永樂丙戌。朝廷徵師爲釋教總裁。嗣還築室湖濱。曰藕華居。丁亥。以事赴召。至京。上令住五臺祐國寺。未及陞座。忽語左右曰。吾世緣殆盡。後三日沐浴更衣。跌坐而化。當已丑七月三日也。歸葬藕華居之陰。世壽六十四。僧臘五十。有知逸語錄行世。

國朝 潮音旭禪師

萬年徵嗣

師諱通旭。松江華亭俞氏子也。祖籍新安。居童子時。

每遇食以手擊木作梆聲里人詢之曰吾集衆以會食耳父母驗其非凡乃送歸補洛雍染于紫竹旃檀林比長稟具戒于白龍慧鏡禪師遍參海內名席隨侍嘯堂寒泉二老悉入堂奧當機不讓旋受天台萬年無礙微老人屬始開法于慈邑壽峰及蕙江聖壽適普陀初復師以省祖來山值定鎮總戎藍公自雲中移鎮建牙之日爲

國進香維時荊榛滿目慨無主席合山縉素競以師

對公一見奇之卽請主院事藍公交

欽賜帑金千兩領衆請上堂師拈香祝

聖畢乃云二十年前要津把斷不通凡聖所以紺宇

花宮化作頽垣廢址蓮臺獅座鞠爲茂草荒榛聖僧

打失鼻孔金剛碎作微塵彌勒開張大口笑他廿四

圓通全沒巴鼻惟有烏髻瑟摩却較些子倒騎佛殿

走出山門二十年後八字打開直得青蓮呈瑞古柏

重榮于百草頭上現瓊樓玉殿革故鼎新光揚佛日

且道承誰恩力寰中

天子頒綸勅閫外將軍有佛心

大士誕辰說戒上堂日日香花夜夜燈春山潑黛雨

還晴戒珠朗潤人人得便是觀音今日生佛成道

日說戒上堂若舉于足當願衆生踏斷釋迦老子脊

梁踢瞎達磨鬚子眼睛是事如是持結制上堂鳳

不知美臬不知惡時至理彰無勞穿鑿莫莫祥麟祇

有一隻角大士成道日上堂衆流海爲最衆星月

爲最衆聖佛爲最四大道場之中此山爲最此山之

中以此位爲最千說萬說以此說爲最若如是說名

爲佛說不如此說卽同魔說識得此說者便可與普

門大士同證圓通其或聞見失真終是韓盧逐塊何

故批杷葉是馬家兒眼裏無筋一世貧

欽差喇嘛到山示衆趙州不下禪牀東林不過虎溪

風高千古昨日

命使到山爲甚麼長老走出山門老我爲人無意智

世情隨順是菩提中秋應祖印之請示衆寒山曾

有言吾心似秋月普陀今指出却值箇時節山谷重

相招木樨香更徹薦召衆云知得者箇時節古今不

離當念自他不隔毫端便知晦堂老漢落處亦知普

陀不起于座已赴來機無庸腕力高提祖印其或未然山僧重爲下箇註脚以拂子作○相云一月普現一切水一切水月一月攝其提唱大略如此師性恬澹不事浮飾凡所經營必使堅固垂久十稔之內百廢具興近革八十餘年之陋習遠紹四十二祖之芳猷德業聞望煥然中興弘機偉辯視衆如已類元之孚中信禪師而住院遭逢之時亦若合符節意者其再世歟歲戊寅師抱疾十月二十八日以院中事宜遺書預囑總戎藍公十一月朔日爲衆上堂至初四日午刻說偈云住住原無住行行實不行要知今日事觀面甚分明侍僧擬進湯茶起坐而逝世壽五十嗣法二十五人有全錄行世

古心忘禪師普陀旭嗣

師諱明志松江上海陸氏子首謁金壇元庵禪師發明心要得法于普陀康熙戊寅冬總戎藍公暨合山請繼席上堂祝

聖畢乃云大道絕中邊了無去來之迹至真離向背那有僧俗之分所以藍大護法不忘靈山付囑輔我

先師轉法輪于瓦礫場中土塊皆作獅子吼建寶王利于荊榛叢裏構材盡作旃檀香十年以來百廢具興四海英賢悉皆有賴不幸先師歸寂衆舉繼主此席忘上座自慚涼德焉敢荷擔重任到者裏事不獲已祇得勉遵斯命脫珍御服披垢膩衣和光同塵灰頭土面雖然如是一總但遵舊則何故嚮不見道三年無改於父之道可謂孝矣次年春三月直

翠輦南巡師至武林迎駕請額

皇上親賜寺額勅建普濟禪寺帑金并御書皓月禪心四字贈之師回山率衆謝恩上堂祝

聖畢舉天童忞祖道靈山密旨千聖同宣少室眞宗萬靈共證其奈依稀越國者多彷彿揚州者衆正如入京朝帝主纔到潼關即便歸所以不觀廣大門風焉知威德自在仔細檢點將來也是釘椿搖櫓今日普陀又則不然無論京師潼關揚州越國祇要鬧市裏識得

天子親見一回自然千眼頓開明如果日一念無私廓若太虛拈一機則千機萬機齊赴說一句則千句

萬句流通直得堯風蕩蕩。舜日熙熙。野老謳吟漁樵
歌舞。四海清寧。萬民樂業。祇如林下道人受此
天恩。且作麼生報以拂子打圓相云。但將日月爲天
眼。願見黃河百度清。

凡他山知識來山光揚宗要者附識于後

天嶽畫禪師弘覺
恣嗣

師云五十年前曾遊此地而今追憶恍若同時召大
衆祇如者箇時字你作麼生解茲蒙堂頭法姪和尚
請陞此座爲衆舉揚直饒你向未學以前承當早是
違時失候自餘之輩何足論之記得雲門大師有言
聞聲悟道見色明心觀世音菩薩將錢買胡餅放下
手原來祇是饅頭咄大小雲門猶欠悟在老漢今日
出言不作謗訕古人應墮拔舌地獄去也衆中莫有
相救者麼若救不得佛法無靈驗久立

延喜塔禪師萬年
微嗣

師云從來斯道不虛行分化名山信有因太白一燈
懸海嶠滄茫巨浪湧千尋遠泛滄瀛瞻法席滿帆風
飽出蛟門主賓契合歡如昔道誼情深話轉新非藉

潮音大士力妙莊嚴路也難登然雖如是即今親入
潮音大士之堂高陞潮音大士之座現前聖侶曲推
道誼申請殷勤山僧若要說玄說妙不惟塗汚名山
亦恐有玷大士與麼休去歇去又孤負現前聖侶一
番致意且即今賓主和融填篋迭奏一句作麼生展
演良久卓拄杖云打麪還他州土麥唱歌須是帝鄉
人

慰弘盛禪師顯堂
哲嗣

師云四大海爲口五須彌爲髻此特描寫大士影像
尙非大士法身今有大導師現坐普陀洛伽之山復
有天大將軍共施神力向銀濤萬頃之中涌出瓊樓
玉殿說法臺邊潮聲拍岸磐陀石上明月依人碧水
丹山無非現量境界山河大地全露法王之身現前
大衆人人挾滄海之珠箇箇抱卞和之璧蒙法兄和
尙推陞此座座中衲子盡是雕金琢玉之詞老步摧
頽愧乏白雪陽春之調即今主伴重重填篋迭奏且
道如何是唱和一句潮聲法鼓三千界雨氣天香十
二峰

寓谷志禪師大雷慶嗣

師云白華山畔大道坦然海印池邊眞風卓爾頭頭
邁古超今一一騎聲蓋色不是觀音耳門亦非達磨
眼睛所以道我宗無語句實無一法與人祇貴個儻
英靈向未跨船舷已前赤肩擔荷得去到者裏始有
契棒分其或稍涉遲疑依然仲冬嚴寒有甚共語處
茲值一陽來復

聖節維新伏承堂頭和尚虛已實人不棄稚魯命陞
此座到者裏不免喚七作八應個時節若論佛法兩
字不但忘上座無啓口分直饒同堂二十四圓通一
時到來有口祇堪挂壁何故不見道此方眞教體清
淨在音聞良哉觀世音無畏施衆生拄杖子聽見遂
涌身讚云善哉希有難兄難弟震聲一喝云被志上
座一喝曼殊大士却拽拄杖歸第一座去也且道還
有佛法爲人處也無召衆云諸昆仲還識大道麼豎
拂云葭灰飛處陽回律萬國嵩呼祝太平下座

通玄機禪師本山前住持


爲潮音和尚封龕師云豎擎天玉柱拋駕海金梁全

彰祖印闡明臨濟三玄垂釣蓮洋收盡五湖龍象活
瞽人之眼安已死之心橫拈倒弄狼籍彌天那知收
歸一著猶在老軀手裏顧左右云還知收歸一著底
句麼貼封條云斷除凡聖路不逐四時凋

普陀列祖錄終

黔南會燈錄

清・善一如純輯





序

教外別傳不立文字直指人心見性成佛是以九年面壁獨契真機隻履西歸原無多說至於立雪斷臂之徒悉皆直參上乘一心相印又何語之足錄乎雖然自佛法入中國已有四十二章即盧老出東甌亦著譚經妙論又何語之不足錄乎黔居邊鄙佛法罕聞明末寇亂四方禪侶咸避地乞食於其間或著衣持鉢不墜家風或挂板懸槌洪宣法教於是諸家各有語錄於中片語接人吐辭見道者亦不乏也但以遠在天末不獲廣播中州流傳海內善一大師心竊惜之廼不辭跋涉徧歷諸山博采各家語錄集之成帙名以會燈過余求序欲授之梓余謂之曰嘗聞繪雪者不能繪其清繪月者不能繪其明繪花者不能繪其馨繪泉者不能繪其聲繪人者不能繪其情語言文字固不足以見道也今公集諸家之語得無謂道在是乎曰唯唯否否昔道副有言不執文字而亦不離文字以爲道用今諸家之語雖造詣不無優劣之殊識力或有淺深之異然皆繫籍宗門表彰吾道

故某欲投之名山公諸勝利具眼者自能辨之庶不致謂黔地邊方未聞佛法也是則某之志也夫余曰有是哉不在語言而亦不外於語言不執文字而亦不離於文字是誠教外別傳也因弁言簡端

皆

康熙壬午嘉平月紫池集山人程春翔書於北隴之偶石齋中

序

佛法與聖教無二聖教洋溢中國極而至於日月霜露所照墜處莫不有聖人之教焉嗚呼盛矣佛法徧一切處恒沙世界無不同沾化澤初無此豐彼嗇之殊而或隱顯互異者則必待乎時之至焉時未至強之弗行時至矣遏之弗止而旋轉乎至與未至之間者則端賴英傑者出肩荷斯道殫心思竭勞瘁積歲月之功以底於成固未易易言之也昔夫子刪詩而不錄楚風說者以爲孔子外之不知其時禮樂教化獨盛中土自荊以南歌謠未著故采風者無得而錄

焉。今楚風已絕盛於諸夏矣。黔南遠在天末去中原萬里。其民風樸。遡山川嶮巇。聲教幾所勿及。即拈花一脈自唐宋以迄。

勝國是少聞焉。天龍善禪師慨然起任其事。蒐羅散失。取明季諸老以至於今行。超明實四輩語錄共若干卷。裒然成大集。名曰黔南會燈錄。少室一燈於是徧照乾坤矣。癸未夏。送板入藏。過余問序。余因慨黔南佛法泯沒數百年矣。不謂顯揚之時乃在今日。使無苦心大力如天龍者。則將終於勿彰。近而諸方遠而後學。孰知從上有此一派宗師法要哉。或從上諸老其光明會當出世。故於常寂光中默相天龍以成盛學。抑天龍卽是祖位中人。以現在身點檢前生自家物。自然精當。從此黔南佛法與中原分道揚鑣。互相雄長。厥功顧不偉哉。天龍旣以佛法爲己任。今東南法派紊亂極矣。如孔子之作春秋。筆則筆削則削。使猖狂草澤之徒不得妄自位置。以淆宗統。廓清之功又邁越茲錄一等矣。蓋此在彰善而彼在瘴惡。皆春秋之義也是爲序。

峇

康熙歲次癸未年桂月

予誥經筵講官禮部尙書加二級長水杜臻撰

源啓

予行脚東南經諸大利。每於休夏之際披閱傳燈見古今尊宿名目多在江浙諸省。惟黔中未見片言點墨。不禁掩卷而歎曰。聖賢不擇地而生。佛法徧一切處。何吾黔之獨無也。是以地固耶抑佛法有偏耶。予抱此念週旋烟水十數餘年。及至歸里。每思唐宋時所集者。蓋謂吾黔宗教未訖。泯泯無傳。固無論矣。若自明迄清。風聲所樹。吾黔宗教已廣。且各家亦有語錄流行。卓然可觀。較量諸省不相上下。何近代竟無傳也。豈聖賢果擇地而生耶。佛法洵非普徧耶。予是怒焉。有感於斯也。但深究其源。總以關山迢遞。郵簡莫及。故令操觚者無由收集。爾予不敏。敬矢厥志。不憚寒暑。躬歷諸郡。彙收全黔諸家語錄。綴以管見。編輯成書。名曰黔南會燈錄。竊欲就正明眼。刊送入

藏待後高明遠達公心普德者出再行撰集以資採
收之萬一庶幾後世披覽無遺憾焉

凡例

一此書宜彙諸省並古今同編庶覽者知淵源有序
但稽藏內諸省歷代諸祖語錄不啻汗牛充棟流
傳已廣故不復贅亦且學疎慧淺識寡力微恐
貽培山沃海之譏耳

一集此書原爲黔南幾經兵燹誠恐先輩語錄散失
無傳特爲收集寄藏以遺後學

一此書所收惟黔語豈敢希補法門不過假之以表
黔善合諸省咸稱佛國以見東土正法徧流無間
隔也

一撰集規式古例止收上堂小參示衆機緣拈頌法
語等類其雜著空名不載惟黔地遠人稀弗能效
例凡在苦心力行之內無論有錄無錄雜著一槩
並收庶存名以備後考非敢奉情濫贅
一諸師亦有僦居行化者惟在黔語句收之其餘弗

敢備載

一論宗派雖云五家近來惟洞濟兩宗行世在黔屬
濟兒孫居多洞下僅有數人已俱於卷首註出來
源

一考吾黔宗風興自明末自燕居老人暨語嵩雲腹
和尚三人入黔爲破天荒也燕師乃行字堂頭所
以此書先從行字起至實字止餘待後續

一自明迄清凡倡道於黔諸師語錄亦有預刻入藏
者今復搜集並訂俾閱者展卷全覽免其更求

習安天龍 如純 謹識

黔南會燈錄目錄

卷首

敘文

源啓

凡例

卷一

臨濟三十二世天童下

破山明 象崖性挺禪師行輩 敏樹如相禪師
法嗣

燕居德申禪師 靈隱印文禪師

半雲如慧禪師 見師語錄拈破祖香皆破祖嗣但破祖錄中未見其名不卜何

故也誠恐有誤姑收附載

臨濟三十三世天童第三代破山下

象崖斑 雲腹 智禪師超輩 余山 瑞禪師

純一道源禪師

卷二

雪霄 語嵩傳裔禪師

敏樹相 天隱道崇禪師 即南

顯秀眞悟禪師 天湖正印禪師 天語 懷禪師

聖符道越禪師 祿藜覺甫禪師

聖圖道行禪師 淨空性明禪師

赤松道領禪師 天機道通禪師

卷三

燕居申 述中合舜禪師

鐵梅 珍禪師

丈雪醉 月幢徹了禪師

靈隱文 大慈悟度禪師

赤旛 幢禪師

梅溪福度禪師

慈濟海舟禪師 鶴林性賢禪師

密行忍 萬德佛開禪師 用懋源哲禪師

法嗣 聖可玉 雪林超化禪師

法嗣 半雲慧 三能性柔禪師

平陽下

芥菴 行之顯篤禪師

卷四

臨濟三十四世天童第四代漢月下

輪菴揆 雲空智量禪師 明輩

破山下

石谷慧 竹航 海禪師

雲腹智 會也益惺禪師

法嗣 余山瑞 渠山妙隨禪師

法嗣 純一源 無涯昌太禪師

語嵩裔 嵩目佛宗禪師

卷五

宗風佛定禪師 剖石佛鏡禪師

天吼廓 語聖弘正禪師 即不 語賢弘英禪師 即睿

語林弘先禪師

天隱崇
法嗣 古源海鑑禪師

大凡昌宗禪師

識竺海倫禪師

以四德教禪師

天湖印
法嗣 別南傳旨禪師

月峰性瑛禪師

天語懷
法嗣 頂相道慕禪師即桂

桂晚智頂禪師

桂鉉傳慧禪師

聖符越
法嗣 福圓 滿禪師

衡嶽行規禪師

赤松領
法嗣 大拙淨霞禪師

雲石明源禪師

鐵梅珍
法嗣 迥然明月禪師

浮月福海禪師

古月明濟禪師

卷六

月隱了
法嗣 劒端達祖禪師

祖鼻達最禪師

善權達位禪師

極乘道真禪師

顯今達古禪師

牛生裏
法嗣 竺懷 印禪師

枕石
法嗣 廣成普陞禪師

梅溪度
法嗣 慧顯慶緒禪師

霞章海偉禪師

紹南真解禪師

法雨照潤禪師

慧濟舟
法嗣 六行海鑑禪師

萬德開
法嗣 印海學僑禪師

卷七

密參山
法嗣 錦江錄註參訛印

燦吼 六禪師

恒秀
法嗣 藍田光碧禪師

明輝淨月禪師

楚眼裏
法嗣 慧林如英禪師

行之篤
法嗣 卓菴明閒禪師

曹洞三十一世雲門下第四代自曹溪發脈已來迄今濟下實字已居三十九世之列因甚洞下還在三十一二間不知是何也姑識之俟後明哲詳定焉

月印慶
法嗣 淡雲明光禪師 弗曾傳知禪師

宿士類

梵行傳性和尙 祖融法印和尙

西識清見和尙 合麟李居士

天一劉居士 居易葉居士

三一龍居士 六度李居士

臨濟二十五世天童第五代破山下

嵩目宗
法嗣 古雪海智禪師實紫 錦江錄誤收爲語嵩法嗣

嵩眉海
法嗣 蒼龍道語禪師 長靈道祐禪師

濟川佛普禪師

宗風定
法嗣 實行慧真禪師

無滅慧顯禪師

割石鏡
法嗣 雲峰祖高禪師

語聖正
法嗣 溪脈照一禪師

鏡天宗照禪師

大千宗月禪師

語賢英
法嗣 慧鏡照常禪師

慧知寂雲禪師

古鑑
法嗣 月恒眞昇禪師

卷八

月峰琰
法嗣 省參海寧禪師

頂相慕
法嗣 禪那廣靜禪師

衡嶽規
法嗣 濟菴普靜禪師

竺懷印
法嗣 厂石如聖禪師

玄一如海禪師

祖鼻最
法嗣 媚霽 宗禪師

善權位
法嗣 普濟大闡禪師

天一大悅禪師

虎峨大照禪師

審實本照禪師

恒障聖目禪師

善一如純禪師

續補

聖可玉
法嗣 續燈寂常禪師

無瑕性玉禪師

壁林門 竺崖心性禪師
法嗣

黔南會燈錄目錄終

黔南會燈錄卷第一

習安天龍 如純 輯

臨濟三十二世天童下

破山明禪師法嗣

婺川西禪象崖挺禪師福州陳氏子一日遊吳山寺
偶閱禪宗正脈至古德上堂拈拄杖云法身無相而
今現形處動出塵念禮常熙福公薙髮親克融法師
聽講未可其意到黃檗遇中師叔示參無字話三載
不契往鼓山親無異和尚自改參萬法歸一復黃檗
參密祖始覺大有得力處故依祖圓具復隨出閩至
金粟緣久不契後參破山和尚印可上堂宗乘舉
唱十地魂驚正眼纔張三賢膽顫直饒毛吞巨海芥
納須彌底來也落下風且向上一句又作麼生拈拄
杖云自是不歸歸便得五湖煙景有誰爭上堂迦

葉波見世尊拈華契機而破顏微笑須菩提見世尊談經解旨而涕淚悲哭大衆二大師一笑一哭未免各見一邊山僧特與頌出有時笑有時哭七星斜映揮魔窟一箭雙鷗落碧空六六依然三十六卓拄杖云咄上堂壁立千尋難湊泊銅頭鐵額漫勞猜桃紅李白真慈氏笑指南詢有善財大衆還見善財麼卓拄杖喝一喝下座上堂山色濃如黛鶯聲語欲流分明宜祖意何用別馳求如斯薦得人人本源彌綸萬有箇箇妙體逼塞十虛且道山河大地向何處安著良久云參上堂十五日已前無位真人擔雪填井十五日已後無位真人持盞酌海正當十五日且道無位真人有甚活計月中丹桂和雲摘天上瓊華帶雨收拍禪床下座元旦上堂元正啓祚萬物維新寶鏡高懸森羅獻彩惟願皇風永扇佛日長明麒麟現而干戈寢鳳凰出而文德修四海衲僧吹新法螺擊新法鼓拈新拄杖演新法義共祝昇平且一氣未分已前又作麼生數聲清磬是非外一箇閒人天地間上堂問爲衆陞堂則不問未出方丈時如

何師云日月不走乾坤黑乃云盡虛空世界是一面古鏡百億香水海百億須彌盧大地山河艸木叢林若聖若凡若僧若俗若男若女若貴若賤有情無情俱在裏許爲甚麼瀉山水牯牛影也不見良久云顛眠倒臥無人識萬里青天月一鉤上堂五五二十五打開寶藏庫撒出無價珍供養無數佛且道誰是供養者誰是受供養者咄因憶謝三郎月下白搖鱗解制上堂說心說性入海算沙學古學今波中捉月德山用棒臨濟用喝雖是好心究竟大錯且道西禪今日解制又作麼生指示拍禪牀云路逢達道人莫將語默對上堂終日露堂堂無人解舉揚勞他木上座饒舌錯商量拈拄杖云且木上座商量底是甚麼義若道有義有即是空若道空義空即是有若道非有非空即是顛預佛性若道即有即空又是儻侗眞如如是四義既非大衆且道商量底是甚麼義以拄杖畫○云參差松栢烟凝薄重疊峰巒月上遲上堂年年四月八香水浴悉達杓柄向誰拈干江一口呷若也會得塵塵刹刹若也不會當頭一蹋豎

拄杖云釋迦老子來也汝等諸人還見麼卓杖云割
上堂谿聲鳴明月落禾山打鼓普化搖鐸五位二
玄九帶四莫如是陳爛葛藤到者裏都用不著汝等
諸人作麼生摸索到頭霜夜月任運落前谿 舉高
峰枕子話頌曰貪觀明月獨徘徊走入蘆華不轉來
白石枕邊驚夢破風吹古寺竹門開 德山棒一棒
一條痕千山俱打裂哀哉缺齒胡不識安心訣 達
磨面壁九年面壁舌生毛賺得神光下一刀早是無
風波自起至今平地浪滔滔

石旸三昧敏樹相禪師蜀之潼川王氏子年二十五
自願出塵禮本境鑑空薙染自看五蘊皆空話爲究
竟次閱楞嚴經方得塵勞暫歇便參破山和尚山示
參狗子無佛性話一日聞鐘板聲忽然渾身如桶糴
子爆斷相似不覺失口因地一聲傍有僧問曰是甚
麼境界也要大家得知師曰各人珍重後趨見山山
深肯之遂以印證師後開法行化黔蜀來往數十餘
年始終不異康熙壬子仲冬朔三日亥時在蜀之慈
雲堂示寂臨時謂衆曰吾欲與衆別矣汝等不可向

士大夫處索取塔銘竊彰名位聽吾偈曰我爲法王
於法自在來去自由縱橫無礙偈畢踟躕而逝春秋
七十僧臘四十五 上堂春光滿目入境紛紜不識
死中得活奚言超凡入聖且二邊不住中道不安如
何委悉玉蝶穿花零碎錦金鸞擲柳亂垂絲 立秋
上堂以拄杖豎起云一塵起大地收佛眼覷不見放
下杖云一葉落天下秋海口莫能宣且道如何話會
撫掌呵呵云燎水盡而寒潭清烟光凝而暮山紫喝
一喝下座 師誕日上堂以拄杖作釣勢云數十年
來遊五湖烟波江上踏橫蘆而今四海澄清日釣取
金鱗看有無僧問海屋添壽人間事延生一句意如
何師云金丹不屬五形煉玉液原非八石成乃云今
歲老僧五十五逢人定不從頭數因甚不數分明五
四三二一那管金木水火土惟有杖頭不等閒當陽
擊碎虚空鼓識得山僧今誕辰三世諸佛悉皆普其
或未能年來屈指二三千春到寒食一百五 上堂
行棒行喝點破頂額一著搬石運土築起門牆半塚
象骨輾毬家風賣盡冷如秋禾山打鼓報與諸人莫

華園爲嶺牧牛一聲麥笛喚回頭。玄沙猛虎幾箇男兒。作得主喫茶。趙州何須特地逞風流。面壁魯祖不必女媧鍊石補。怎似老雲門看來也是弄精魂。臘月二十五甜者甜。苦者苦。參。住貴州大興禪寺門人湘穎請上堂。遠問近對。無非妄情。卜度舉東明。西猶涉意識。廉纖到者裏。不可以智知。不可以意識。有時拈起也。一人高拱。無爲十方坐。斷有時放下也。萬民欣歌有道。四海無虞。正恁麼時。不惟封疆萬里。眼蓋乾坤。且不落凡聖一句。作麼生。道過現未來。同種智。萬象森羅。笑點頭。擲拄杖下座。

清鎮九龍雲天燕居申禪師蜀之李氏于十九歲禮大休仙法師出家。習講業。後訪高原精唯識。楞伽。並相宗諸要。因在合陽染病。矢志必欲了明大事。病愈隱忠南吊巖山住靜。聞破祖自浙回川。直往親覲。凡悟入省見機緣。在破祖章中。承祖印證之後。適亂入黔。寓居會城大興禪寺。次建清鎮之九龍。後遷平越之福泉。其餘僦居開法之所。罔計其數。上堂。諸方開堂有法。說山僧開堂無法。說有法說。驚嶺拈來無

處。著無法說。座上爐烟飄屋角。日間浩浩摘楊花。夜裏明明聽鼠嚼。於此會得。不受顛預。其或未然。看取註脚。以拄杖卓一卓下座。制日上堂。五里亭十里舖。夜則明行。晝暗度。任是銅頭鐵額。來頂門一擊。全身露。今則坐籌圍幄之中。決勝八方之路。且如保民庇國一句。作麼生。道良久云。邊邦寧靜。干戈息。萬里歌謠樂太平。上堂。諸人有寶用得極熟。在空滿空。在谷滿谷。動靜忙閒。頭出頭沒。四衆者念佛持經。五輩者飲酒食肉。兩箇看來。斤兩咸足。山僧日用。只如斯荷葉爲衣。瓔珞粥盡力。一句道將來。不過尋常咄咄。上堂。未曾開口。舌頭已遍三千。更覓言詮。猶是畫蛇添足。何如樂則歡喜。苦則哭訴。多癡人向外尋尋。到臘年。沒下落。屈屈不特有情。有知要且無情。成佛大衆。且道無情如何。成佛香爐石磬。丹墀走瓦礫。泥團跳上堂。上堂有時晴。有時雨。有時睡。有時起。有時呷飯。有時屙屎。擬議思量。白雲萬里。上堂。五五二十五。六六三十六。溪西鷄齊啼。屋北鹿獨宿。現前人天與魔。佛一棒當頭。痛徹骨髓。倒腹傾腸。翻

成。發。廣。良。久。云。蒼。天。蒼。天。上。堂。進。前。一。步。太。過。退。後。一。步。不。及。引。而。不。發。箭。箭。中。的。直。饒。釋。迦。老。人。未。免。以。舌。掛。壁。無。邊。香。水。海。向。耳。畔。傾。盡。大。地。拈。來。向。脚。尖。踢。其。中。一。點。自。天。然。牧。童。牛。背。橫。吹。笛。住。平。越。福。泉。山。上。堂。藍。藍。氍。毹。磊。磊。落。落。說。則。不。聞。聞。則。不。說。高。山。流。水。兮。若。箇。知。音。下。里。巴。歌。兮。盡。成。雅。曲。山。僧。終。日。口。喃喃。其。奈。爾。曹。聽。不。熟。聽。得。熟。三。十。拄。杖。打。得。頭。破。血。出。上。堂。或。時。風。或。時。雪。大。冶。紅。爐。分。外。熱。觸。之。則。燎。却。面。門。背。之。則。寒。飄。冷。鐵。於。此。會。得。阿。彌。陀。佛。與。釋。迦。牟。尼。聚。首。同。參。其。或。未。然。未。免。腦。後。著。楔。上。堂。人。人。有。箇。目。前。機。只。爲。尋。常。放。過。伊。母。負。我。儂。千。古。意。得。偷。閒。處。略。提。撕。且。道。作。麼。生。提。撕。良。久。云。天。晴。放。火。山。頭。黑。下。雨。尋。牛。兩。脚。泥。上。堂。洪。爐。冶。鑄。好。添。煤。鈍。鐵。頑。銅。運。得。來。鑄。就。金。鐘。三。尺。口。龍。山。一。撞。響。如。雷。且。如。龍。山。寺。未。撞。鐘。時。樓。賢。寺。裏。三。五。百。人。還。有。聞。鐘。者。麼。良。久。云。筋。頭。碗。底。分。明。道。只。恐。人。聾。不。解。聞。上。堂。無。量。法。門。頻。舉。出。百。千。三。昧。就。中。看。花。簇。簇。錦。攢。攢。只。是。無。容。正。眼。看。

看。得。圓。全。少。半。邊。既。是。圓。全。因。甚。少。半。邊。參。上。堂。口。說。話。鼻。出。息。眼。見。耳。聞。無。了。日。饒。他。伎。倆。問。得。來。只。要。一。箇。拳。頭。疾。能。治。野。狐。精。能。使。參。禪。畢。盡。情。道。出。告。諸。人。試。問。諸。人。識。不。識。識。則。快。活。平。生。不。識。則。昏。迷。苦。極。上。堂。在。儒。習。儒。在。佛。習。佛。動。止。施。爲。何。所。不。足。百。千。萬。劫。只。如。斯。任。是。神。涌。跳。不。出。直。饒。跳。得。出。烏。倦。還。歸。樹。裏。宿。上。堂。本。無。正。本。無。邪。何。用。隄。防。試。鑊。鄒。摸。著。秤。錘。著。實。冷。也。須。隨。分。納。些。些。上。堂。過。去。已。過。去。未。來。尙。未。來。惟。有。今。日。事。徘徊。夢。眼。開。君。不。見。古。蒼。蒼。多。少。行。人。盡。活。埋。紫。竹。靈。隱。印。文。禪。師。謝。知。事。上。堂。烹。佛。煉。祖。須。假。作。家。鉗。錘。扶。宗。荷。教。倚。仗。本。分。弟。兄。交。加。肘。臂。互。喚。主。賓。知。音。明。眼。相。照。同。心。統。三。界。以。爲。家。作。四。生。之。依。怙。可。以。發。大。機。施。大。用。起。祥。雲。布。瑞。氣。令。滿。堂。大。衆。箇。箇。如。龍。似。虎。人。人。玉。轉。珠。回。到。者。裏。不。惟。扶。豎。宗。乘。亦。乃。流。通。正。眼。既。然。如。此。且。道。烹。佛。煉。祖。意。作。麼。生。擊。碎。驪。龍。明。月。珠。敲。出。鳳。凰。五。色。髓。因。事。解。制。上。堂。法。愛。最。難。別。其。如。世。道。何。他。年。同。聚。首。古。鏡。復。

重磨煖瓶連雪水。鳴錫帶風多。滿堂龍象客。暫度別山阿。且道。卽今聖制告圓慶賞。一句作麼生。道長將日月爲天眼。踏破乾坤脚底寬。

黃平九龍半雲慧禪師吉安羅氏子。幼失恃怙。七歲伊族送普陀山萬福堂。禮月清披剃。十八歲在本山圓具。發心遍參師志。願多重修持。所以到處以行務爲先。至雙桂參破祖。充水頭。機緣相契。承祖印可。後人黔克苦建叢林。十有餘所。惟九龍頗稱意。故歸九龍示寂。世壽七十五。僧臘六十八。上堂拈起拄杖云。者木上座。相伴老僧二三十年來。穿雲渡水。共歷艱辛。有時穩坐家堂。藉他撐門拄戶。有時慣熟露布。憑渠打雨敲風。今日豈肯各施方便。畫一畫云。畫斷千差無異路。卓一卓云。等閒卓破上頭關。喝一喝下座。上堂卓拄杖一下云。山僧惟憑此棒。要絕諸人伎倆。當下斷却命根。作箇諸方榜樣。如上祖師心印。教外傳來似鐵牛之狀。年印月印。日印時印。良久云。今日盡情托開。與汝諸人印證。喫切忌錯認。臨濟三十三世天童第三代破山下。

象崖斑禪師法嗣

永寧中和雲腹智禪師。蜀之順慶李氏子。母何氏。夜夢僧托鉢入門。覺而生。於本境水月庵禮六度剃染。因聽繩朴法師講法華經。至若坐若經行處。頓啓疑情。始參含璞未契。後參象崖和尚。印可出世。住蜀之三聖悟燈黔之雲歸清涼。長壽復興永寧中和入楚。因由不贅。上堂豎拂子云。祖師心印。狀似鐵牛之機。印泥印水。印空乃至森羅萬象。無不印之。卽今清涼四衆臨筵。人天普集。且道還在祖師心印裏麼。若也會得不勞彈指樓閣門開。百千善財一齊敬禮。其或未然。一片白雲橫谷口。許多歸鳥盡迷巢。喝一喝下座。元旦上堂。天得一以清。地得一以寧。君王得一天下太平。衲僧得一海衆雲臻。遂顧視左右云。且道一作麼生。得喝一喝下座。上堂問清光照眼似迷家。明白轉身還墮位。且道過在於何。師云。領取三十拄杖。僧擬議。師便打。乃云。爐鞴重開。鎔凡鑄聖。錘再舉。點鐵成金。若是當爐不避火底衲僧。向者裏鎔作一團鍊成一片正法眼。直下開明秘密藏。通身

突露不枉請主添煤添炭山僧扇風扇火其或未然巧匠爐邊鈍鐵多。朔日上堂舉萬法歸一一歸何處乃顧視左右震威一喝云諸人者還識得一麼若識得一百千諸佛體共生三才四相從此出復喝一喝下座。上堂豁開頂門正眼放出當陽鐵錫一任南北東西管教隨流得妙是則是忽遇卒風暴雨時又作麼生迴避切莫將身潛古廟喝一喝下座。師誕日上堂未知生焉知死死即生生即死死直教徹到底驚起長空鐵鷄兒吞却門前石獅子且不涉生死一句作麼生道虛空卓立五須彌喝一喝下座。上堂昨夜三十日今朝是新年鼓樂喧天地人人盡歌歡就裏有一人不隨聲色轉不逐四時遷且道是那一人遂擲下拄杖云參。解制東風解凍艸萌芽行脚禪僧亂似麻帶水拖泥驀直去阿誰當道摘楊花遂拈拄杖召衆云卽今莫有摘楊花底麼出來試道道看時有僧出禮拜師一齊打散歸方丈。開州龍音余山瑞禪師西蜀王氏子母張氏十六歲於本境奉聖寺禮惟遠祝髮隨遠赴講席聽楞嚴經

至七處徵心八還辯見處忽起疑情便辭出關至楚之承天吉祥寺參一老宿宿示遍參師禮退遊江西至廬山參慧燈靜主緣不相契往浙之徑山參語風又至天台參大道法師道指參天童密祖依祖圖具後參瑞光項目勤務三載亦不契方辭歸里參象崖和尚印可後住黔之龍音崇寧學之華林滇之報恩慈光獅雲鹿苑指林慧光正續常樂復終於報恩。上堂幾天陰雨幾天晴爲道求師訪百城要會毗盧無相印千峰頂上出頭行德山曹洞爲仰雲門濟宗玄要奪境奪人輓毬打鼓懺罪安心乾屎橛麻三斤草鞋踏雪人人見竹枝敲雲幾箇聞直饒臨風快便未免拂跡成痕箇中若有白眉客何須費我頂門針喝一喝。上堂名不得狀不得曉嶂四青孤月白砥杵聲聲到枕寒最憐千里未歸客舉拄杖云喚作拄杖則觸不喚作拄杖則背不得有語不得無語擺手出潼關山僧不再舉喝一喝云推倒面前須彌山鞭起石龍能作雨。上堂到山貧骨勁抵志清標潔甕牖度涼風繩樞穿曉月耳聽之而爲聲目視之而成

色該高變而有餘。會殊途以同轍。湖獮天半攪銀河。
觸倒東華一箇缺。喝云十字一直一橫。莫道山僧扯
白。上堂正位來偏位來。金樓玉宇夜生苔。眼前色
耳畔聲。古寺敲鐘月正明。伶俐僧顛不得也。隔鄉
關半日程。拈起杖云。惟有拄杖子。橫豎握權衡。卓一
卓下座。上堂超言象外。不涉寰中。發箭鋒機。攬括
利器。睦州現成公案。豈爲獨接雲門。黃龍室內三關。
至今奔走衲子。要會便會。眨眼成盲。以拄杖擊案云。
不是知音徒勞側耳。

思南海雲純一源禪師蜀之趙氏子。母楊氏七歲送
本境南華寺。剃染參黃檗。象崖和尚印可。住黔之海
雲寺。上堂十虎融攝。正眼洞明。八表昇平。圓機獨
運。萬象不能藏覆。千聖無以擬倫。明明絕承。當歷歷
無回互。拈起也。天回地轉。放下也。艸偃風行。弘開一
道神光。不落見聞。知覺正恁麼時。家邦穩密。則且置。
祇如拈香報國一句。作麼生道。萬里山河歸有道。十
方世界樂無爲。上堂目擊塵塵。利利同居華藏海。
中頂門密密。堂堂渾是無生法象。所以拈一莖艸現。

丈六身吹一布毛。傳正法眼。離無離有。絕聖絕凡。八
字打開。分明顯示。還委悉麼。舉拂子云。東方妙喜世
界。也不離箇裏。西方極樂世界。也不離箇裏。上方兜
率世界。也不離箇裏。如是則一處通。百處千處一時
通。一處圓。千處萬處一時圓。且不離本。有一句作麼
生道。良久云。念念不遷。仁德重。朝朝常共野雲閒。
上堂海雲鼓浪。虎水揚塵。眼德似震雷。霆耳觀如張
錦繡。三百六十骨節。一一現無邊妙身。八萬四千毛
端。頭頭彰寶王剎海。不是神通妙用。亦非法爾如然。
苟能千眼頓開。直下十方坐斷。且超然獨脫。一句作
麼生道。良久擊拂子云。試玉須經火。求珠不離泥。

黔南會燈錄卷第一

黔南會燈錄卷第二

習安天龍 如純 輯

雪臂巒禪師法嗣

貴陽西山語嵩傳裔禪師西蜀宋氏子幼失恃怙育於祖母至二十三歲祖母歿於本境白鶴菴禮性空老宿出家修忍辱行一日得行脚僧指參破雪和尚圓具後服勤六載每有問難同參咸服雪寂師矢志遍參至重慶遇長破杲和尚印證後入黔開法於牟尼山報國禪寺又關西山傳法寺後住鼎州德山乾明寺退院遊江浙上天童掃密祖塔因病坐化隨從門人扶靈骨歸黔建塔於西山鳳凰池畔上堂問一爻未動時如何師云三爻四爻矣僧滯立師云立地死漢問生死未了時如何師云老僧不是生死中人進云師今陞座爲阿誰師云爲你者鈍阿師進云學人本無生死可了師云自顛目倒漢乃云一問一答平空起浪立主立賓拖泥帶水所謂閉門打睡接上上機顧鑑頤呻曲爲中下若是靈利衲子向牟尼未出方丈諸人未問已前領略得猶較些子既然如

是敢問諸人只如未出方丈未問已前作麼領會響喝一喝云三要印則朱點窄未容擬議主賓分浴佛上堂問臨機不見佛大悟不存師時如何師云正是途中漢進云脚跟點地鼻孔撩天去也師云也須急著眼始得問四月八日即不問急水灘頭事若何師云山前麥熟也未僧擬議師云隨波逐浪去也乃云田裏禾青山前麥熟不是心不是佛不是佛畢竟是箇甚麼向者裏明得不須彈指樓閣門八字打開正法眼一時流通百億釋迦百億彌勒百億文殊百億普賢百億善財百億香水海百億須彌山盡在山僧拄杖頭上擊大法鼓吹大法螺演大法義轉法輪與盡大地衆生解黏去縛抽釘拔楔去也何用分手指天指地一場漏逗大衆還委悉麼禹力不到處河聲流向西上堂馬坪拄杖子踣跳上三十三天觸著帝釋鼻孔驚駭東海龍王連日雨似盆傾令大地山河卉木叢林一切有情無情均霑雨露處處稿苗吐花結實山山枯草帶潤回蘇獨有一物風吹不著雨打不溼能爲萬象主不逐四時凋且道是甚麼

物大衆問取燈籠露柱。上堂依教奉行倚牆靠壁。教外別傳節上生枝。怎麼也不是。不怎麼也不是。怎麼不怎麼。總不是。到者裏把斷要津。不通凡聖。直饒通身是口。說不出。通身是眼。見不及。所謂坐斷。報化佛頭底來。也須喫棒。何故箇中無肯路。誰是出頭人。上堂。昨日山前堆白雪。今朝座上起清風。不是有。不是空。觀體相呈。向上宗。巖畔石女睡初醒。拍手呵呵笑。不窮大衆。且道巖畔石女笑箇甚麼。顧左右云。笑山僧不惜眉毛。上堂。當陽獨露。照無私草木。昆蟲徹證時。觸目分明。沒漸次。莫教擬議更停思。長破老和尚。誕辰上堂。適來方丈裏。有一句子。擬向長破老人祝。嚴却被木上座勘破了也。卽今未免重重漏逗。舉似諸人。既然且道木上座具甚麼眼。有如是勘驗大衆。試檢擇看。卓一卓云。試玉須經火。求珠不離泥。解制上堂。問倚天長劒。揮戈拂日時。如何師云。截却舌頭進云。坐斷十方去也。師云。未具衲僧氣象。在問參禪學道。不記歲月作麼生。是解制一句。師云。打開布袋口。問如何是的。的意。師云。還我九十日。

飯錢來與汝道。僧禮拜師云。披毛戴角。有分在。進云。正是學人受用。師云。救得一半。問一念不生時。如何。師云。七念八念也。僧禮拜師云。重疊關山。乃云。大道無向背。主理絕言詮。隔山見烟知。是火。隔牆見角知。是牛。所以未結制已。前山是山水。山水是水。燈籠是燈籠。露柱是露柱。僧是僧。俗是俗。本不曾減一絲毫。只如今日當解制時。亦俗是俗。僧是僧。露柱是露柱。燈籠是燈籠。水是水。山是山。亦不曾增一絲毫。若論三條椽下七尺單。前旰結眉毛。晝三夜三。正是平地喫交。且道見成賞勞一句。作麼生。道卓杖云。九旬霜雪盡。一花天地春。送嵩目上座出川省。覲破山師翁。長破果和尚。上堂。正令已行十方坐。斷立機獨唱影響。冰消只是廓步大方不移。本座貫通。今古不起一念。只如轉天關。回地軸。亦不費纖毫力。所謂有怎麼事。必有怎麼人。既有怎麼人。又何患乎宗風不振。祖道不行。如是正法眼藏。密密流通。諸佛慧命。綿綿繼續。承上廼下一句。全收。且作麼生。是全收一句。麗天紅日。無私照大地山河一樣春。出山示衆。建法幢立。

宗旨非金石心。肝生鐵脊。梁豈能全身擔荷。所謂忠臣孝子。受辱如榮。視死若生。若一念差殊。便生恐怖。以邪爲正。以直爲曲。屈體受辱。遺臭萬年。焉能爲天下後世楷模。既然我本無愧到者。裏豈可當爐避火。事宜直下承當。然則如是出山一句。作麼生道。喝一喝。云。見義不爲非勇士。臨危不變始驚羣。拽杖便行。僧問。杲日當空。爲甚被片雲遮却。師云。闍黎是那裏人。僧擬對。師云。片雲遮却。僧參次。師問云。汝號甚麼。僧云。庭栢。師云。黑風起時。作麼生。僧云。如不動。師云。七顛八倒也。問古鏡未磨時。如何。師云。胡來。胡現。進云。磨後如何。師云。漢來。漢現。進云。已磨未磨時。如何。師云。蓋子撲落地。碟子成七片。遂以偈示之。黃梅會裏盡高僧。箇箇磨鏡上痕。獨許負春盧行者。一花五葉廣傳燈。問一切有爲法。如夢幻泡影。誰是堅固者。師云。夢幻泡影。示六如。老僧六如。老僧求我偈。未拈紙。前文彩備。重重吐露。布葛藤。下筆分明。無一字珍重。闍黎高著眼。切忌莫作佛法會。咄。且道作什麼。會速道速道。示航濟禪人航濟航濟黑。

風起時。作麼迴避。羅刹鬼國裏。切莫兒戲。喫只須撐到蘆花岸。始得船兒牢。把繫牢。把繫得。魚沽酒醉打睡。示慈讓佛本居士。大全直指之旨。不立語言文字。無論僧俗男女。只教當下見性成佛。且道如何是佛。居士便是。還信得及麼。若信得及。超生死。不相干之地了。鬼神覷不破之機。苟或未能。正好向日用尋常處。努力參究。偈云。佛即汝。汝即佛。人法雙泯。本無一物。示君軒佛帆居士。不是風動。不是旛動。不是心動。畢竟是甚麼。向者裏著得一語。始識本無佛。亦無禪。就中一句。自方圓。却笑區區外馳者。可憐掘地覓青天。參禪。偈參禪。要割愛。始得大自在。求佛。被佛魔求。法被法礙。怎麼不恁麼。一鏡俱粉碎。絕後復再甦。是名真慶快。參禪本無別爲。破生死訣。無分智與愚。豈論巧與拙。只以悟爲期。切莫拘時節。倏然斷命根。拔出眼中屑。參禪要死志。畢竟爲何事。任他寒暑遷。金石心。不易佛祖。尙不爲說。甚名與利。若人果恁麼。可謂真法器。參禪要細心。如履薄臨深。念念不輕忽。時時惜寸陰。恁麼能返察。鑽盡始存金。再入紅爐。

煉莫教由自任。參禪莫偷安。努力更加參。謾道無他事。無事正欺謾。口說無事易。心中無事難。老僧曾經歷。須教汝返觀。參禪不是假。一切俱放下。十年二十年。須教學個啞。只待自點頭。不指鹿爲馬。有人忽問渠。鹿拳劈口打。頌世尊初生。母胎纔出。便稱尊大。似靈龜拂跡痕。由此是非無了日。冤冤禍福友兒孫。頌南泉斬貓。將軍令出豈容遲。掃烟塵定業基。敗拾旌旗還故國。功勳不見玉丹墀。廣額屠兒子。規歸破百花春。遠客還鄉罷問津。多少貧兒誇富貴。不知原是舊時人。大乘經首題八字。昔有僧問地藏。以字不成八字。不是未審。是甚麼字。藏曰。看取下頭註脚。啼月子規喉舌冷。宿花蝴蝶夢魂香。家家門首長安道。何事行人在路傍。高峰枕子正恁麼時。無夢無想。枕子墮地。船高水漲。夏日看雨。示若訥禪人。雨溼荷花滿院香。薰風拂拂生微涼。若將佛法攻文字。屈殺胡僧遠渡江。示徹空庄頭祖翁田地。幾荒蕪。幸得庄頭氣力能耕去。耕來稀爛熟。而今全不費工夫。拄杖子。生來傲骨別芳叢。氣節孤高孰

與同佛祖。顏綱猶有托。只教千古振宗風。重陽前一日。示衆。飄飄落葉打虛窓。月冷猿啼幾斷腸。堂下雖無一丈草。上林誰破五更霜。警語日用尋常勿自欺。但觀善惡未萌時。樞機動處能先覺。了了分明本不迷。

敏樹相禪師法嗣

石阡中華天隱崇禪師。蜀東畢氏子。年二十四。禮破山和尚。披剃往參敏樹。樹以三頓棒。話示之。師領參三載。竟無下落。復覲山。偶一士問山。棒喝因緣。曰。弟子止知其痛。而不知其地。師挺身曰。痛處卽是地。山顧師復視士。云。痛處卽地。耶。師從此悟入。至晚山又問師。今日居士問老僧甚麼。師舉其問。山曰。人前何得亂語。師曰。見義不爲無勇。山曰。汝還記得老僧答的話麼。師曰。某甲從今不疑老和尚舌頭。山云。且道老僧是有說爲爾。不疑。是無說爲爾。不疑。師曰。更要說有說。無作麼。山云。爲憐三歲子。不惜兩行眉。師辭參。象崖。崖問趙州。喫茶話上座作麼。生會師置杯曰。學人不會。崖云。聞上座問敏和尚住數年。來茶話也。

不會師起身曰莫道不會崖云即今作麼生師作禮曰謝和尚茶拂袖而出一日崖又問庭前栢樹子上座作麼會師云能爲萬象主不逐四時凋崖卽命頌師信口頌云趙州老漢太無端指出庭前栢樹看只爲分明人不薦古今多少受顛頂崖再命頌喫茶話師立頌云堪笑趙州老作家掘坑平地驗龍蛇相逢盡道喫茶去幾箇曾知路不賒崖因留師圓具後又將趙州訪二菴主話驗之師復對無疑一日辭崖復覲敏樹樹見師至卽問云爾離老僧數年一向在何處師曰黔省樹云黔中時物近日是賤是貴師曰和尚到時自然曉得樹云恁麼則錯過地頭來也師云今日又來撞著者漢樹云好與汝三十拄杖且道是賞是罰師曰棒頭有眼樹一日又以靈雲悟桃花話勘驗師對無讓樹乃書源流付囑上堂雲臺峰頂迥別人間提持衲僧向上巴鼻揭示佛祖立要機關目視左右云正當恁麼時截羣機於掌握挂寶劍於眉端三世諸佛亡鋒結舌六代祖師忍氣吞聲功高千古壁立萬仞正令旣行十方坐斷到此端的知有

向上一路在大衆還知向上一路麼良久云前峰高出斷鴻外把手無人誰共行喝一喝下座上堂衲僧鼻孔佛祖心宗會與不會總在其中且道其中是箇甚麼遂卓拄杖云者條拄杖安南塞北指西劃東到者裏一任生擒虎兇活捉獐龍任是文殊普賢到來也須束手歸降釋迦彌勒直得退身有分豈是三賢膽喪十地魂驚若非其人大難委悉上堂千聖出世惟究一心五宗設教直指單傳三乘十二分總成刺語一千七百則盡是閒言承言滯句者埋沒家寶執棒疑喝者未透根源與麼吐露沾唇桂窗直饒薦得早是無端咄

思南中和天湖正印禪師蜀之重慶李氏子參敏樹和尚徹證源底親承印可上堂獅子吼時芳草綠天下衲僧跳不出象王行處絕狐踪鐵額銅頭敲脫骨大瀉拄杖送香嚴仰山堂前圓鏡撲毒氣薰來萬古新親切人人眞面目本無一法與諸人管教千足與萬足咄臘八上堂皇宮捨去雪山中穿膝蘆芽荒草蓬不覺六年成禍事明星拶碎眼睛空顧視左

右云還見釋迦老子麼。不歷僧祇獲法身。鼻孔依前搭。上唇。上堂。閉門打坐。接上上機。顧鑑。噯。呻。曲。爲中下。顧大衆。拈拂子云。見麼。擊禪牀云。聞麼。喝。一喝云。字經三寫。烏焉成馬。上堂。恁麼去。二祖禮了歸舊位。恁麼來。栽松道者出。黃梅不恁麼。中恁麼。二度棒頭。沒交涉。恁麼中不恁麼。胡鬚赤。撞赤鬚。胡上堂。第一義明。歷歷二邊不著。中道不立。徧界分身。月臨秋碧。釋迦老子。觀明星。殃及兒孫。沒了日。

思南安化東山。穎秀悟禪師。上堂。離相顯中。其間殊勝。莫測誠言。物格至真。動靜不移。所以道。譬如虛空。體藉羣相。而發揮。乃至一切語默。言詞。施爲。作用。干差同一貫。萬種共一心。祇要人人返照。回光。究出自已。本命元辰。落處動則行雲流水。靜則心開朗耀。且不動不靜。一句作麼。生道。鶴有九臯。難翥翼。馬無千里。謾追風。喝。一喝下座。上堂。大道通天。威光匝地。本與佛祖同根。人天一體。三千界內。無不稟此樞機。普天之下。莫不承此恩力。收攝圓融。應用無際。設使千聖萬聖。出來不移。易一絲毫。祇如臨濟德山。石霜。

雲門各顯奇特。可以蓋聲蓋色。亘古亘今。敵聖超賢。輝揚佛日。也不出者。箇大衆。若恁麼去。風行草偃。不恁麼去。草偃風行。且不動鋒鋦。一句作麼。生道。良久云。杖頭開正眼。法界吐心珠。上堂。不是心。不是佛。猶是虛空裏釘橛。恁麼也不得。不恁麼也不得。何勞掘地更尋天。大衆。須知者。箇消息。直下千差坐斷。不隔絲毫。覲體承當。壁立萬仞。還委恁麼。良久云。空劫已前。諸佛子。話頭不舉。自方圓。

安順長壽天語懷禪師。上堂。描不成底一段天機。日日顯露。畫不就底者。點玄妙。時時敷揚。綿綿也。化工化母。織成古錦。密密也。彰名彰號。結作金羅。山僧今日。向寶華王座上。當陽拈出。只要人人。全身擔荷。覲體承當。去也。苟或擬議。更與諸人。點破。擲拄杖。鼓掌呵呵下座。上堂。道廓玄圓。超情離見。逢境則應。遇緣卽彰。在在。彌漫。處處。明歷。穿衣喫飯。勿越尋常。洞達行藏。不移寸步。堂堂巍巍。湛兀兀騰輝。拔萃超羣。元無縛著。折旋俯仰。任放任收。且道。恁麼與不恁麼。看勘。眉目。相去多少。以手作策眉勢。云。兩眸洞豁。千般。

巧難及眉橫向上尊。上堂家家有門戶戶有路中
 有一人體無去住出入尋常語言動步也有作奴作
 郎亦有掌權掌祿若道他知逢緣遇境築著磕著因
 甚處處失却鼻孔且道知底是不知底是試道道看
 江口香山聖符越禪師佛成道日上堂今朝臘月八
 悉達成釋迦忽地親明星刺却雙眼瞎老瞿曇沒傷
 條正好推出三門外一任風搖雨打雖然如是不
 得辜負伊四十九年說法法說非法非非法狼藉五
 千四十八檢點將來笑倒巫山十二峽喝一喝云恰
 恰元旦上堂時清地泰發生萬籟風雨頻調八方
 慶快普天揚道化遍空飛鬣豔祇如出格道人作麼
 生慶賀遂拈拄杖作笛勢云惟者一枝無孔笛風前
 常韻太平歌上堂佛法無多子仁者自迷源南山
 對北斗門戶共相連出入同來往坐臥同起眠恒河
 沙數劫常在於其間天左轉地右旋日月雙輪懸照
 破寒山鼻孔只教拾得流涎咄咄咄是甚麼乾矢橛
 上堂今朝中秋節長空明皎月萬里片雲無千山
 孤氣絕江水不生波斗星拱紫闕露柱踈跳時燈籠

笑搖曳木人唱哩囉石女歌未歇向者裏會得諸佛
 相續不絕亦任倒浪橫雲亦任敲風打月噫還有拄
 杖頭邊動靜分明底親切更親切天上人間渾莫測
 以拄杖卓一卓下座小參一是一二是二分明題
 目分明句不作有相看不作無爲會未許聖同羣難
 容凡逐隊一切時中常現前無下無高無向背諸人
 會也麼張公飲酒李公醉醉後歸家橫接轡
 貴陽興國祿藜甫禪師蜀之張氏子在黔禮淨初披
 剃依梵行和尚具足參敏樹和尚印證浴佛上堂
 年年惡水浴悉達一度傾時一度辣普天散作雨花
 香笑倒雲門要打殺驀拈拄杖卓一卓云今朝落在
 山僧手裏兩箇古錐一時打殺且道山僧有何長處
 喝一喝云中興臨濟宗扶起無爲化掃得戒梵行
 和尚塔波羅提邊生瑞氣光吞佛日蒸天地而今拜
 掃報深恩乾矢橛頭明歷歷插香云戒月孤圓絕覆
 藏真香直透吾師鼻佛誕日上堂不涉凡聖路頭
 脫却生死窩窠獨露真常不存影相橫身天外獨步
 大方所以釋迦老子初出母胎一手指天一手指地

周行七步目顧四方便道。天上天下惟吾獨尊。後來雲門道我當時若見一棒打殺與狗子喫。實圖天下太平。今日看來大似一箇扶頭。一箇扶尾。遞相鈍置。山僧此語有兩負門。縑素得出婆兒。原是小新婦。其或未然。依舊日午打三更。佛誕日上堂。擊石火閃電光。擬議則天懸地隔。眨眼則落塹墮坑。不是鹿語。欺人要且千途勦絕。即今山僧揮殺活劍。掣閃電機。一一與人解黏去縛。拔楔抽釘。使其當下。了徹不致沉沒。生死箇箇如釋迦老子。無處不稱尊。還見世尊也無良久。以拄杖卓一卓。喝一喝。下座。示衆道人。行履在尋常。剔起眉毛。休放過。昂藏鼻孔。沒多般微體。風流活鱗。鱗觸背關頭。俱俱拶破。何須向外。強穿鑿。虛空粉碎。欲誰知。任意經行及坐臥。拈拂子。拂一拂。云大衆見麼。山僧手裏白拂。恁是佛祖到來也。放伊不過。因甚如此。放過即不可。元旦示衆。佛日重輝。祖道新曇花。先占上林春。人心絕慮泥牛吼。天運融和石虎伸。拂斷風旛。迢往古杖除山水。絕疎親。於今盡沐皇風。化率土含麻仰至仁。舉雲門因僧問一

念不生。還有過也。無門曰。須彌山話。頌曰。一念不生。千差萬錯。須彌山頂。有無不著。珍重禪流。親切句休。得無繩自討縛。頌趙州訪二庵主。入虎穴探虎子。雙放雙收。竭俊機。趙州用處。原無異識。者雖多會者。稀。

貴筑華光聖圖行禪師上堂。月映寒潭。秋水共長天一色。嵐披紫岫。落霞與孤鶩齊飛。境致依然一點也。顛他不得。情塵好處六門焉。敢自欺卓拄杖下座。上堂。天晴地下。乾落雨路上。濕盡是。目前機亦非。心外事。嗟哉。向道人及至半途。費不若種田翁。通身沒氣息。有氣息。黔中山。楚中水。四海五湖王化裏。迷時頂笠走千山。悟處歸家是自己。咄。上堂。參禪參見性。學道學明心。念念歸實際。時時勿外尋。撞碎無明窟。掀翻爛葛藤。直到不疑地方。得見家珍。且道見後如何。良久云。饑來喫飯。冷穿衣。閒時打坐。倦時睡。偏橋雲臺淨。空明禪師上堂。盤山和尚。道心月孤圓。光吞萬象。光非照境。境亦非存。光境俱忘。復是何物。洞山云。光境未忘。復是何物。大慧老人云。白鷺下田。

千點雪黃鸝上樹一枝花看他三大老應時及節提持箇事無非要人莫被聲色境物所轉當下回光返照識取根源今日老僧亦恁麼舉示亦是要汝諸人當下回光返照識取自己根源還識麼良久云錯上堂舉眞淨和尚示衆云天地與我同根萬物與我一體脚頭脚尾橫三豎四北具盧洲火發燒著帝釋眉毛東海龍王忍痛不禁轟一箇霹靂直得傾湫倒嶽雲暗長空十字街頭廖鬚子醉中驚覺起來揩掌呵呵大笑云筠陽城中近來少賊乃拈拄杖云賊賊師云當時眞淨老人恁麼提唱大似眼空四海傍視無人可惜一衆錯過雲臺當日若類此數正好還他劈面一吐看他面皮放在什麼處

貴陽黔靈赤松領禪師蜀之潼川韓氏子母謝氏因世亂入黔年十五自喜出塵遂入南望山住靜數載因到九峰參靈藥和尚藥示參萬法歸一後禮白雲西識披剃參敏樹和尚發明親承印證開闢三載出關黔靈開法行化三十餘年道振黔地湖海衲子聞風翕集座下得法者數十餘人集錄五卷已刻入大

藏師志始終黔靈故門弟子爲師預建塔於本山之陽上堂杖笠隨身滿谷白雲關不住蒲鞋著脚沿途芳草襯人來步步踏著實地節節透出玄源到者裏所以不惜醜拙只得將從前撞著箇無面孔老人分付底無義味事對衆舉揚去也且道如何是無義味事良久擲拂子下座上堂雪積千山玉關河萬里清心光無可比推倒戒牆行何以故事同一家理源不二得無漏學戒定慧具汝等還識菩薩心地法門麼撫尺一下云諦聽諦聽上堂王宮一降指天地漏洩郎當式太過只爲當年行七步而今偏地走禪和上堂若道卽心卽佛未免矢上加尖若道非心非佛亦是揚聲止響舉一不得舉二放過一著落在今時萬象籠罩不住千聖拽不回頭畢竟作麼生道良久云輪王全意氣寶印自然尊上堂千載奇逢在一朝了明大事始全超雖然踏著還源路及至深深更寂寥所以道祖道長遠久受勤苦乃可得成若既得成舉足便超千聖外大千世界一毫端上堂本分宗乘越萬機一塵不立絕思惟明明歷歷無

邊際非佛非心。更是誰。更是誰。却也奇。認著原來不是。伊即今人境分明句。翻身踏倒五須彌。且道是甚麼人行履。良久云。祖師心印鐵牛機。上堂。元旦初過。又上元朗然。一月印中天。好箇未生前句子。了了分明在目前。上方本自光明滿。世界有時月半邊。今日黔靈移到此人間。天上共同圓。且道圓箇甚麼。咄。小參。高高峰頂立。深深海底行。水窮山盡處。方識自家珍。諸昆衆。今夜初入期會。值山僧爐韞始開。鉗錘新設。只要棒下知歸。言前領略。稍有擬議。便錯過了。也急須剔起眉毛。高著眼孔。向七尺單前。大死一回。直得冷灰豆爆。却來方丈裏。通箇消息。珍重。徧橋福雲天機通禪師上堂。年年此日。慶臘八正覺。山前花藥發。瞿曇夜半觀明星。觀著兩眼一齊瞎。打破者箇關頭。現出多少奇特。普觀大地衆生。俱具如來妙德。皆因背覺合塵。故爾輪迴差別。今遇老僧指示。與衆聊通一脈。若向者裏。會得心佛同欣。同悅。誠恐當面不識。猶似水中摸月咄。

黔南會燈錄卷第二

黔南會燈錄卷第三

習安天龍 如純 輯

燕居申禪師法嗣

黃平雲居述中合舜禪師蜀之順慶戴氏子。久參燕居申和尚印證。就居行化於平越之松平。後關雲居未就出。寓陽寶山。康熙癸亥季春初三日子時圓寂。黃平僧俗慕師道。行迎靈骨回雲居。建塔藏焉。世壽六十三。僧臘不記。上堂。昨日天晴。今朝下雨。草木爭鮮。河山關麗。雞寒上樹。鴨寒下水。鳥飛展翅。魚行擺尾。於斯見得。一一天然。旨趣重重。現成道理。其或未然。一片白雲。橫谷口。許多歸鳥。盡迷巢。喝。一喝下座。上堂。無上妙道。昭昭然在於心目之間。但能一念回光。始知見成受用。且如何是見成受用。擊拂子云。早知燈是火。飯熟幾多時。上堂。拂開千壑霧。掃去萬山雲。四面無遮障。青天輾日輪。以拄杖打圓相云。日輪現也。汝等諸人。好生照看。上堂。拈拄杖云。祇者箇。知不能知。識不能識。檢點得出。參學事畢。所以道。關門家中坐。草鞋都走破。閉眼見山河。掩耳聞。

葉墮東山水上行西河火裏坐說與聾人聽啞子口
笑破卽此妙伽陀不許妄分鑿

黎峨未佛亦幡幢禪師在本郡三教寺禮太和剃染
後疎能法師習講依山暉圓具參燕居和尚印可

上堂潦倒疎慵七十餘了無佛法向人提難辭緇侶
慇懃請曳杖登壇爲解疑衆中還有欲解疑者麼有
則出來對衆決擇如無山僧直切相爲去也擲拄杖
下座 頌殃婦產難陰陽造化元無跡春在花枝本
自妍送語傳言失却鼻其家子母自團圓 麻三斤
洞山麻三斤分明舉似君領取鉤頭意莫認定盤星
清鎮九龍鐵梅珍禪師蜀南隆昌陳氏子在黔平越
府準提菴禮無無披剃參燕居和尚印可 上堂有
耳不解聽無眼反能窺啞子做了夢好歹自家知
上堂冬來覺得冷春來覺得熱冷暖各自知圓通無
話說 上堂苦樂二途總不出乎自性聖凡二路無
非迷悟相分祇如當下明白性絕悟迷翻苦爲樂轉
凡成聖一句又作麼生唱舉顧視左右云吾無隱乎
爾 解制上堂無結無解總不覺得有解有結迷因

受惑覺從無處生迷向有中滅遂以拄杖打左右云
棒頭擊碎者重關時人跳出無生滅此回未悟待驢
年謾罵雲蹄箇饒舌 上堂恁麼物名曰心五蘊山
前恁縱橫亦非青黃赤白亦非長短相形無玄無妙
無臭無聲有時喝風棒月有時吐霧吞雲有時一塵
不立有時萬象咸新且端的一句作麼生道卓拄杖
云從今指出如來藏八兩原來是半斤 小參人人
鼻孔揀天箇箇脚跟點地必要起模畫樣總是當人
不濟縱來會我圓通錯過光陰瞬息何不還家穩坐
辦取自身利益莫學矮子看戲好歹只聽別人分析
喝一喝 頌世尊初生母胎纔出便稱尊大口誇張
不讓人將謂深宮人不見却道話欄到如今 世尊
觀星天上有星皆拱北人間無水不朝東六年雪嶺
成何事尤道明星落眼中 向上一路千聖不傳春
日融和春草深春風淡蕩滿園林落花誤遣隨流水
惹得漁郎來問津

丈雪醉禪師法嗣

安籠玉泉月幢了禪師蜀之重慶毛氏子母陶氏夢

僧送桃食而生。禮寶山薙髮。始參破雪歸源靈筏。緣不相契。又參象崖。久亦不契。後參丈雪和尚。印可住。滇之石寶黔之靜隱。南明龍泉玉泉。師終於玉泉。時康熙丙午季冬廿二日也。臨寂時有悟心侍者報衆曰。和尚欲棄世矣。令吾先行。即應聲而化。師果隨寂塔於寺西。上堂。堪笑老瞿曇。忒煞沒傷。倖殃及不肖兒孫。平地無風。匝匝祇如夜觀明星。更是兩眼刺瞎瞎。瞎萬劫千生。楔難拔。上堂。鏡中像海底月。眼見最分明。祇是難收攝。縱收攝。舉似明眼人。不得喝一喝下座。辭衆上堂。威音王已前。了上座。如三家。郵裏石土地相似。威音王已後。如古廟裏石香爐相似。卽今。嚮以拄杖橫肩云。柳標橫肩。不顧人。直入千峰萬峰去。上堂。天不能蓋地。不能載。包括五須彌。吐納大千界。釋迦彌勒。無地容身。文殊普賢。有意難解。生死涅槃。劃斷真如。佛性捉敗。雖然如是。諸人切忌笑。怪喝一喝下座。上堂。屈指數來正月七。天下通稱是人日。惟有南明不恁麼。普請大眾當著力。若著力三千年。後知端的喝一喝。清明上堂。春風拂

拂春山漸青春。春日融融春鳥催耕。路上行人且歌且笑。山頂墓前誤認本根。南明無事倚欄聽。鷲召大眾云。且道聽箇甚麼。門外春水白如銀。上堂。玄玄玄。破五作三。妙妙妙。呼鷄作鷄。撞著寒山。拾得淨盡掃。玉泉不惜兩莖眉。告報諸人莫妄造。若妄造。晴空霹靂當頭糾。小參。舉今舉古。沉埋佛祖。談性錯過自家。到者裏。道有也不得。道無也不得。道非有也不得。道非無也不得。道非非有也不得。道非非無也不得。畢。竟如何得。良久云。不得不得。小參。古人烹露地白牛。分歲蘭溪者。裏無歲。可分亦無白牛。可烹祇是燒松蓬。剔無油。燈門前爆竹兩三聲。鷲召大眾云。且道與古人是同是別。良久云。知音不必頻頻舉。達者從教暗裏驚。小參。光明赫奕。無少無欠。覩著則兩眼俱瞎。咬著則咽喉齊斷。設有箇不挂唇齒底也。祇救得一半。僧問。如何是和尙心。要師云。無孔鐵鎚當面擲。曰。如何得入。師云。看脚下。曰。如何是向上事。師云。眨上眉毛。早已蹉過。曰。如何是作止任滅。師云。截曰。如何是閉門打睡。接上上機。師云。因汝在

門外。僧問十二時中如何降伏其心。師云汝將心來。僧無對。師云。恁麼卽降伏也。士膏雨入山作禮。師云。殃及居士。拖泥帶水。曰。不曾溼。師云。又拖了一身也。士問弟子久慕高明。奈紅塵擺不脫。師云。爲甚到者裏。士無語。師云。果然擺不脫。

靈隱文禪師法嗣

貴陽法雲大慈度禪師。上堂。舉王常侍。一日訪臨濟。同到僧堂。內侍曰。者一堂僧還看經否。濟曰。不看。經侍曰。學禪否。濟曰。不學。禪侍曰。經又不看。禪又不學。畢竟作甚麼。濟曰。總教伊成佛。作祖去。侍曰。金屑雖貴。落眼成醫。又作麼生。濟曰。我將謂你是箇俗漢。師云。臨濟大師當時手握一柄金剛王寶劒。氣衝宇宙。縱橫天下。莫敢觸其鋒者。因甚被箇官人一拶。便見水消瓦解。且道這官人有甚長處。聽取頌出。世世間希有事。顯發須憑過量人。只將定國安邦手。撥轉如來正法輪。上堂。平地登高。易從空放下。難本來無一物。何處覓心安。既無物。又無心。且道放下箇甚麼。不見道。昔日有僧問趙州。一物不將來。時如何。州

云。放下著。僧云。一物不將來。放下箇甚麼。州云。放不下。擔取去。其僧有省。又且道。者僧省箇甚麼。具眼者試道道看。上堂。遂拈拄杖云。見麼。擊禪床云。聞麼。卽此見聞。非見聞。無餘聲色。可呈君。箇中若了全無事。體用何妨。分不分。若也分。山僧拄杖子。疑殺天下人。若也不分。流通正眼。坐斷古今。說甚麼雲門乾屎橛。洞山麻三斤。一大藏教。是閒故紙。三千公案。乃爛葛藤。將來盡底掀翻。一任口吞佛祖。眼蓋乾坤。直饒德山棒如雨點。臨濟喝似雷奔。也教有屈無伸。恁麼告報。大似壓良爲賤。衆中設有箇傍不肯底。出來掀倒禪牀。喝散大衆。山僧又只得飲氣吞聲。還有麼如無撥款結案去也。卓一卓下座。

貴陽東山梅溪度禪師。西蜀永川張氏子。母吳氏。父攜入黔。禮本山知如雍。髮依濶浪。受沙彌戒。後親靈隱和尚。圓具充維那。發明親承印證。後開法滇黔。往來行化。語錄十卷。預刻入藏。因上天童掃密祖塔。回至漢陽。棲隱示疾。一日告衆。說偈云。來不拘者。畔去豈涉那邊。兩頭俱坐斷。一月正中天。遂投筆而逝。法

嗣紹南法雨。依法茶毗。奉靈骨舍利。歸東山入塔。世壽六十三。僧臘四十七。上堂。梅花鬪雪。芳楊柳爭春。麗日月快如梭。吾年三十四。拈拄杖召大眾云。且道拄杖子年多少。卓一卓上座。上堂。拈椎豎拂。波吒不少。搖唇鼓舌。絡索太多。怎似珊瑚明月。瑟瑟西風。鴻鴈穿雲天際。菊花倚笑籬東。飄飄黃葉舞長空。玉露涓涓濕桂叢。不是向上事。亦非教外宗。且自舒自卷。一句作麼生。道落霞與孤鶩。任運自西東。上堂。研真真。絕相斷妄。妄無蹤。真妄一齊了。日頭東畔紅。上堂。一溪綠柳如烟。幾樹梨花似雪。誰謂寂爾無聲。晝夜熾然。常說正恁麼時。寂爾無聲的。拈過一邊熾然。常說的。如何。話會長久云。依稀似曲。纔堪聽。又被風吹別調中。上堂。指天指地。是今朝天下同。將惡水澆。澆得瞿曇無走處。藏身芥裏。自叨叨大眾。且道他說箇甚麼。自從降蹟。閻浮世。水厄年年被一遭。上堂。四月十五結却布袋口。大家在裏許磨視。擦禪苦骨。勞筋。七月十五解開布袋口。大家出外邊。擔囊負鉢。涉水登山。雖然祇如不結不解之時。爾諸

人在甚麼處。住脚。若知住脚所在。則三千世界總一道場。百億山河皆一佛刹。有情無情。是中出入。眞諦俗諦。此內交參。何須九旬禁足。三月調心。正眼觀來。却是畫地爲牢。無繩自縛。正當恁麼時。這些說話。則且置。祇如臨行慶賞。一句作麼生。道竹杖肩頭橫。皎月芒鞋足。底踏秋雲。上堂。棒頭領旨。喚鐘作鷄。喝下承當。指鹿爲馬。說心說性。通身泥水。舉古舉今。遍地荆棘。所以道。關門打睡。接上上機。顧鑑。嘖。曲爲中下。且道如何。是不落中。下一句喝。一喝。小參。古人以百年壽終之際。喚作臘月三十夜。若平日工夫。不到漆桶不破。到此時節。地黑天昏。胡鑽亂撞。良可悲哉。諸昆仲。一年三百六十日。已盡你諸人還辦得此事麼。若辦不得。則又虛喪一年光陰。豈但虛喪此一年光陰。從無量劫來。至於今日。光陰盡是虛喪。諸昆仲。何不趁此時節。提起金剛王劍。將從前底昏沉散亂。一齊斬去。以明朝元旦爲始。奮大勇猛。起大精進。豎生鐵脊。梁抱無義味話。一直參究。歲月不計寒暑。莫管如打失一件要緊的物。相似定要尋覓覓到

用力不及處尋到留意不得時忽然當下。了明原來不在別處。卽今香焚栴子。炬點蘭膏。梅花雪裏。飄香爆竹風中。送響你諸人還當下了。明得麼。若了明得。說甚麼。年終說甚麼。月盡寒隨一夜去。春逐五更回。小參諸方有禪。可說我獨無說。諸方有道。可傳我獨無傳。然無之一字。包諸有而無餘。生萬物而不竭。天地雖大。能役有形而不能役無形。陰陽雖妙。能役有氣而不能役無氣。五行至精。能役有數而不能役無數。百念紛起。能役有識而不能役無識。故曰本來無一物。何處有塵埃。舉藥山陞座話。頌芥子孔中藏世界。毫毛頭上現須彌。雖然四面無遮障。幾箇男兒著眼窺。頌夾山二十年未舉宗門中事。話昨日拋鎗奔北去。今朝跨馬逐雲來。饒君氣宇衝牛斗。過後與師非將才。

鎮遠雲臺慈濟舟禪師初參靈隱文。問如何是祖師心印。文曰。千聖共傳無底鉢。師云。便是法身邊事。文曰。你喚甚麼作法。身師便喝。文曰。你者一喝當得甚麼。師云。恁麼則不勞三月安居。便乃大方獨步。文震。

威一喝。師曰。作家宗師。文曰。莫謗老僧好。上堂。撥開向上一竅。歷代祖師不知坐斷。千聖一機。河沙衲子不會。恁麼說話。大似眼空四海。旁若無人大衆。須知自己分上。有一段光明。迥絕知見。不與萬法爲侶。不與千聖同途。拈起則萬法全彰。放下則一塵不立。且道不拈不放。又作麼生。良久曰。有句非宗旨。無言是正傳。

甕邑龍山鶴林賢禪師上堂。僧問。如何是龍山境界。師云。瑞雪布成銀世界。清水裝就玉樓臺。進云。如何是境中人。師云。水腸石骨眞男子。鐵額銅頭古丈夫。進云。如何是人中意。師云。虛空可作新爐鞴。鍛鍊凡流入聖流。進云。人境意承親切。指向上宗。乘句若何。師云。此至玉山三十里。下山路少上山多。乃云。我本深山一老夫。應機勉力出蓬廬。大張揭地掀天手。高架鎔凡鑄聖爐。華藏界爲新格局。太虛空作古型模。寒灰撥出一星火。續焰騰輝晃帝都。既然如是。且道因齋慶讚一句作麼生。道卓拄杖云。般若因培於鳳頂。菩提果結在龍山。

密行忍禪師法嗣

新城圓通萬德開禪師潭州李氏子。因避亂入滇。寓慈雲菴。禮另別和尚剃度。後隨密行和尚行脚下。楚至衡陽。創開開峰。時年二十六。得受具足。後乃偕行遊京都。江浙復轉開峰。蒙行印可有事。將赴滇。值世變阻黔之普安。客居行化。來往二十餘年。後關紫霞遷鎮龍縣主劉公令邑僧請住圓通休老。上堂。乾坤之內。宇宙之間。中有一寶秘在形山。古人恁麼道。大似將常住物。作自己用。檢點將來。好與三十拄杖。何故。東風狼藉花枝上。惹得黃鸝深樹譚。喝。一喝下座。上堂。拈拄杖云。祖師公案。徹底掀揚。皮下有血。觀體承當。且道承當箇甚麼。卓一卓云。天地玄黃。上堂。不開藥鋪。不賣貓頭。千差萬別。一舉全收。卓拄杖云。六爻未動。先安定。一曲巴歌。和衆流。除夕小參。一年之事。今朝畢。珍重諸人。始徹元識。得飯原是米。做鉢盂依舊口朝天。示衆。欲明其道。先歇其狂。狂心歇盡。觀體全彰。且道彰後如何。卓拄杖云。冬至日添一線長。頌三不是。話不是。佛不是。心本來

無物可相親。三更月落欄杆冷。萬里長空鶴一聲。普安紫霞用愚源哲禪師漢陽人。十九歲在廬山金竹坪薙染。二十四圓具。矢志遍參。遊江浙。歸楚至衡陽。得法密行和尚。後入黔。寓普安舊營。三教寺。掩關三載。出關衆請開法。青雲後關紫霞歌功未果。偶疾坐化。塔於本山寺之陽。壽四十九。僧臘三十。示衆一大藏教。無箇元字。脚說甚麼。經律論戒定慧。未免驢馬頭間。安兔角。三千公案。乃爛葛藤。問甚麼。如來禪。祖師意。亦是烏龜背上白毛生。靈利底。聞紫霞恁麼道。不妨慶快。若也未能。悞賺平生。

聖可玉禪師法嗣

麻哈觀音雪林化禪師蜀之鄭氏子。母曹氏。寓杭州張家菴。禮冷菴披剃。依華山見月律師受具。足初參玉林國師。不契。後參重慶華嚴遂獲印可。上堂。春風纔發動。百卉盡含新。若以聲色會。一年一度生。不以聲色會。萬古獨稱尊。且作麼生。是不干聲色一句。喝。一喝云。犀因翫月紋生角。象被雷驚花入牙。上堂。兔角杖。擊碎銀山鐵壁龜毛拂。掃開明月清風洞。

山麻三斤黏皮帶骨。雲門乾屎橛。滯殼迷封。禪僧面前放過。不可祖師門下再犯難容。何故常教肚裏如針刺。拋向洪波大浪中。喝一喝。

半雲慧禪師法嗣

黃平九龍三能性柔禪師。蜀西楊氏子。生值離亂。被擄入營。在軍伍時。皈依金提和尚。始發出塵之念。後辭軍伍。依九龍半雲和尚。披削圓具。得法雲寂。後繼席此山。卒以清苦振。

平陽下芥菴禪師法嗣

貴陽乾明行之篤禪師。西蜀李氏子。因世亂入黔。禮余山禪師祝髮。矢志遍參。遊江南至蔣山。參芥菴和尚印證。上堂。雪峰。輓毬禾山打鼓。趙州。喫茶。曹山。顛酒。一滴水作大海波濤。一點塵培泰山崔嵬。祇如世尊拈花迦葉微笑。且道是有分付無分付。擊禪床一下。云。對月思玄度。臨風懷謝公。喝一喝。下座。小參。日照孤峰。暖月臨溪水。寒祖師玄妙訣。莫向寸心安於今日。已照月又臨孤峰。溪水依然如故。且道祖師玄妙訣。在甚麼處。拂一拂。云。驚起暮天沙。上鴈海。

門斜去兩三行。小參當下便會不快。漆桶舉起便知。漆桶不快。有際天之雲濤。方可容吞舟之魚。有九萬里風。方可負垂天之翼。趙州老漢道箇粥喫了也。洗鉢盂去。咄。也是針頭削鐵。佛面刮金。小參。石鞮張弓。道吾舞笏。洞山麻三斤。雲門乾屎橛。透得者平地丹霄。遲疑者。遭他埋沒。拈了也。咄。咄。咄。當陽好事大家知。且喜今朝熱如昨日。小參。三日不相見。莫作等閒看。山僧與諸大眾。一別數月。餘今日歸來。相見依然。只是舊時人有甚麼不等閒處。拈拄杖卓一下。云。細雨揩磨好山色。春風擡舉舊花枝。

黔南會燈錄卷第三

黔南會燈錄卷第四

習安天龍 如純 輯

臨濟三十四世天童第四代漢月下

輪菴癸禪師法嗣

習安雲菴智量禪師古滇曲靖趙氏子母張氏寓黔之普安禮清脫老宿。染後依了徹和尚具足。師因濟衆之心殷重。遂居習安蓮社堂。苦行接待數十餘年。不改初志。後遇輪菴和尚遊滇。回卓錫本堂。與師機緣相契。遂承付囑。師先號雲空。於是改號雲菴。並易蓮社爲獅子林。師愈接納無倦。更建左寮爲大士閣。于上常居。休老僧問如何。是祖師意。師曰。庭前梨樹開白花。僧云某甲不會。師曰。瞎。

破山下石谷慧禪師法嗣

平越龍山竹航海禪師上堂。路逢劍客須呈劍。非是詩人莫獻詩。所以有時拈花。有時杜口。於是放行把住。徹便機宜。且道不把不放。一句作麼生。口門窄極難爲語。分付山前十里溪。上堂提起線頭。不過方寸八臂擎天。丈量莫盡。放下鈎竿。總沒邊欄。微塵裏。

轉妙立偏大千全放。全收度數轉關。更爲重宣梅萼圓柳。棄尖如不會。薩咂。上堂。一身兩隻脚。十指八箇了。觀體親切事。何如不會耶。遂召大眾云。於此會得不孤釋迦爲汝明星刺眼痛切吁嗟。佛誕上堂。常住世間不滅。今朝何謂初生。直饒周行七步。天上天下。惟吾獨尊。也似虚空著楔。賣弄精靈。顧左右云。莫有知忤逆兒孫。讀祝者麼。時有僧一喝。師曰。將此深心奉塵刹。是則名爲報佛恩。除夕小參。諸方此夜好盤桓。惟是虎歸不說禪。茶罷直教寒向火。來朝慶節煮龍團。舉趙州問一婆子。甚處去。婆云。偷趙州笋去。州云。忽遇趙州。又作麼生。婆便與一掌。州休去。頌好手手中呈好手。作家家裏揚家醜。無孔鐵鎚相撞時。擊得虚空顛倒走。

雲腹智禪師法嗣

永寧中和會也省禪師上堂。無邊刹海不隔毫端。歷劫前事。只在目前。汝等諸人。還會麼。倘若不會。須木上座爲汝等註破。拈杖云。毗盧樓閣。妬君開八面玲瓏。接善財滿目全施。無盡藏。那箇男兒肯自裁。喝一。

喝。上堂諸仁者。注心聽取。拍膝一下。下座。院主把住云。弟子得得請和尙說法。何得不說師云。老僧奉戒不蓄二物。便打退。上堂開口不相涉。無言莫自瞞。若道無法說。隔去萬重山。大家屋裏事。豈在唇皮邊。喝一喝下座。上堂先聖道。離心意識參。絕凡聖路。學若存一念。心卽白雲萬里。若道念佛佛之一字。吾不喜聞。若道念法。法尙應捨。何況非法。若道念佛。清淨行者。不入涅槃。纔有纖毫卜度。便是避溺投火。直饒當軒坐。斷難免。借路傍通卓杖云。會麼。歷劫無影樹。今朝沒底靴。小參破沙盆。折脚鎚。貴在兒孫運用。般若海涅槃心。惟求具眼。撐持猿啼鵲噪。共談不二圖。音水流風動。齊揚如來真諦。正令當軒一句如何。斷和良久云。牧童嶺上一聲笛。驚起羣鴉遶樹飛。小參先聖道。第一句薦得與佛祖爲師。第二句薦得與人天爲師。第三句薦得自救不了。釋迦老子。夜觀明星悟道也。只薦得第二句。三乘十二分教。一切修多羅。是第三句。歷代祖師。天下老和尙。行棒行喝。盡力道去也。只在第三句窩臼裏。頭出頭沒。未有

箇道得第一句底在。若有道得第一句底。坐斷天下人舌頭。

普陽金鳳玉龍。慧月眼禪師。蜀之段氏子。參雲腹和尚印證出世。關貴陽之佛吼。鎮寧之光明。普陽之金鳳。終老塔於本山之陽。上堂拈起拄杖云。蓮花產於淤泥。不被淤泥所染。拄杖子出自荊棘林。不被荊棘林所礙。人人脚跟下。有一段光明。輝天鑑地。耀古騰今。因甚麼漆桶不快。還委悉麼。卓一卓云。只爲分明極。翻令所得遲。冬日上堂。凜冽彤雲彌布。長空碎玉篩屑。目前了無異色。惟有孤峰。不白。鶻拈拄杖云。大眾且道。拄杖子作何下落。寒山逢拾得。撫掌笑呵呵。上堂。惟此一事。實餘二則。非真且道。是那一事。擲拄杖云。處處綠楊堪繫馬。家家有路透長安。喝一喝下座。解制上堂。三月調心。九旬白足。扇真風於紅爐。窮玄辯於方寸。不促一念。豈涉三祇。要且人脚跟點地。箇箇頂顙具眼。若是直下承當。得去放行。把住全不由他。出入縱橫。更非外物。頓教七穿八穴。東涌西沒。步步踏著實地。心心契證。平常何必更

上他人門戶。覓甚麼碗。還委悉麼。布袋解開從君去。也須勤看水牯牛。擲拄杖下座。臘八上堂。明星突出。瞿曇腦裂。逢此時節。無法可說。唯有鐵蒺藜。打斷虛空舌。驚起陝府牛。吞却潭底月。山岑岑風烈。烈山色無非清淨身。溪聲便是廣長舌。猿鳥無聲空寂寂。雲水相從尚未決。尚未決。踏著秤鉈原是鐵。上堂。悟得一萬事畢。天地與我同根。萬物與我一體。如或不然。且待金鳳點頭。與汝諸人證據。上堂。三月調心。九旬鍊性。諸兄弟。猢猻子。捉敗也未若也。未然草鞋終被石頭欺。上堂。不觸事而知金井欄邊絡緯啼。不對緣而照明月堂前秋已早。統無邊刹海。卽是大圓覺地。十世古今。作箇雲水巴鼻。無處不是道場。與麼來來去去。輕飄飄。浮逼逼。芒鞋擬未動。神馳千萬里。喝一喝下座。

余山瑞禪師法嗣

開州永興渠山隨禪師。滇之晉寧李氏子。於鷄足碧雲禮效。和薙髮。依本山獅子林白雲律主。受具。參余山和尚印可。上堂。一海能納萬流。一山能興萬嶺。

一法能包萬有。以拂子擊禪牀云。昨日山海會在拂子頭上。一毛孔中。得去故號大通智勝。如來試問大衆。爲甚麼十劫坐道場。不得成佛道。良久拍膝云。家無小使不成君子。上堂。向上一事。威音那畔。絕形踪。空王殿上。沒消息。絕形踪。沒消息。踏碎毗盧頂上髻。驚起泥牛笑。西風石女空中品。鐵笛有人問道是何宗。黃頭碧眼難分析。咄。上堂。靈雲陌上。桃唇方吐。醉裏扶歸。醉裏客香嚴臺畔。擊竹聲消。醒中識破。醒中人。一箇喚狗跳籬。一箇牽牛入井。二家門頭。戶尾雖不相對。深堂奧室。尺寸一般。直饒聲色界裏。拾得鼻孔。怎奈視聽難忘。雙峰今日。與諸人解黏釋縛。將拂子拭座云。此色無色之色。聲案云。此聲無聲之聲。若有向無色。無聲處。薦得黃面老子。攢花簇錦。歷代古錫。引蔓生枝。一時坐斷。如龍歸水。似虎回山。倘若華壁不開。失千里之神駒。迷萬山之途轍。且看長老作麼批判。拍膝云。峰高月冷。雲攢急柳。翠鶯流走。兔。茫木人接拍。傾杯後。驚起鴛鴦四五雙。平遠南林。鈍峰運禪師。西蜀渝城。几水人在黔貴陽。

禮恒素披剃。依破智具足。參余山和尚。印證住持之
獅雲龍華慧光黔之南林。後終龍華。上堂。目前無
法。萬象森羅。意在目前。千差萬別。不是目前。法將謂
別有非耳目之所能到。見色聞聲。不用聾夾山。老漢
怎麼提持。山僧今日錯下註脚。還有辯得賓主者麼。
於此辯得。方許坐斷毗盧頂。不稟釋迦文。壁開臨濟。
三玄。剗去曹洞五位。騰騰任運。自在施爲。倘或未然。
莫將閒學。解埋沒祖師心。上堂。有一人不上天堂。
不入地獄。到處賣弄風流。放蕩赤窮筋骨。獨超天地。
之先。能爲萬象之主。諸人還會麼。卓拄杖云。也是畫
蛇添足。上堂。喝一喝云。當鋒寶劍。橫吞百萬魔軍。
肘後靈符。飲盡諸般雜毒。更有一隻艾虎。嘉鼻牽來。
山僧今日騎虎頭。誰能踞虎尾。揮拂子云。屈原已跨
碧鯨去。徒使龍舟競汨羅。上堂。山僧有一機。擬議
錯過伊。龍門風雨急。游魚不敢棲。若向十五日已前。
薦得帶水拖泥。十五日已後。薦得跛鼈盲龜。正當十
五日。薦得南山起雲。北山下雨。只如總不恁麼時。作
麼生。薦以拂子擊禪牀一下。復擊兩下云。參。

純一源禪師法嗣

思南海雲無涯太禪師楚之尹氏子。薙染具足。印證
俱純。師純寂後。師繼席本山。次遷靈壽。後歸本山。休
老。上堂。香嚴悟處。不在擊竹邊。俱胝得處。不在指
頭上。既不在擊竹邊。不在指頭上。且道在甚麼處。試
檢點看。上堂。人間道月半天上。月正圓。年年此夕
中秋節。歲歲今宵人共看。去年人到今年老。今年月
似去年圓。今日海雲恁麼舉示。即今若作時節會埋
沒已靈。不作時節會錯過。目前畢竟作麼生。會玉露
清風。秋夜冷碧天雲。靜水生寒。上堂。廿年遁拙海
雲。自把鋤柄營生。饑來藟粟度日。寒時補破遮身。不
會看經讀教。祇圖自了光陰。不拘佛法世法。總是不
關我心下座。上堂。窮玄究妙。眼裏添沙。舉古舉今。
餒人說食。一問一答。其道愈遠。喝來棒去。轉自顛頂。
且道總不恁麼時如何。良久云。欲識聖心。無倚處。白
雲時對鴈行飛。上堂。本來現成。何須覓頭覓尾。施爲
動轉。無處不是本地風光。語默舉措。一一皆從胸中
流出。塵塵諸佛道場。刹刹普賢境界。所以衲僧本分。

在處觀體全彰。既然如此不落思惟一句作麼生道。
水流黃葉來何處。牛帶寒鴉過遠村。

語嵩裔禪師法嗣

黔西東山開元嵩目宗禪師。蜀之重慶綦江陳氏子。
參語嵩和尚印可。關東山行化終老塔於本山寺側。
世壽七十八。僧臘四十餘。上堂。卽心卽佛。眼裏添
釘。非心非佛。無繩自縛。總不恁麼。時。踢翻生死窠。
大地沒遮欄。那更有拘束到處隨類化身。一任興歌作
舞。還有總不恁麼者麼。良久云。切忌補瘡挖肉。德
山書至上堂。師拈書云。汝等諸人。還識得此箇音問
來處麼。若識得來處。便知我本師用處。同日月以高
輝。亘古今而不磨。如天普蓋。似地普擎。務使眞風永
扇。祖道日新。正眼流通。心燈續焰。綿綿密密。祖祖相
傳。廼子廼孫。長年不墜。雖然以此說話。未免遭人檢
點。且超宗越格一句。又作麼生拈拄杖云。符到奉行。
上堂。暑往寒來。風吹日炙。地迥天高。雷轟電掣。於
中薦得生死事畢。其或未然。切須努力。大衆且道。努
力箇甚麼。千聖莫能攀。祖佛趁不及。上堂。舉手上。

座問鼓山云。父母未生前。鼻孔在甚麼處。山云。父母
今生也。鼻孔在甚麼處。字不肯云。你問我。山云。父母
未生前。鼻孔在甚麼處。字搖扇而已。師云。二老雖是
各展家風。徒逞已長檢點。將來未免傷鋒犯手。若是
九龍。又且不然。有問。父母未生前。鼻孔在甚麼處。只
向伊道。看取眼下。且道與古人相去多少。頂額具眼
者。試辨別看。上堂。明明天青地白。箇箇眉橫。眼上
要且自己。不識無端。隨波逐浪。累他釋迦老子。六載
因成。榜樣。嘉地夜觀明星。赤珠原來在掌。所以道。一
切衆生。皆有如來智慧德相。祇因妄想執著。故不能
證得。大衆且作麼生說箇證得證不得的道理。良久
云。切忌妄想。上堂。今朝正月初一。好箇太平消息。
五雲扶日麗中天。淑氣融和敷大地。碧潭深處魚化
龍。草木香騰鳥聲碎。黃童白叟盡歡呼。林下道人無
別謂。以杖召衆云。杖頭春暖。日初長。共祝吾皇萬
萬歲。上堂。年年臘八日。盡道世尊悟道之期。殊不
知正是世尊迷却時節。何以故。人人眼橫額下。夜夜
明星在天。自古迄今。無不盡知。盡見。却於此夜。忽觀

明星打失眼睛。便乃三歎奇哉。一切衆生。皆具如來智慧德相。祇因妄想執著。不能證得。正眼看來。世尊大似當面熟。顛好與三十拄杖。只如不妄想執著。又且證箇甚麼。還有見得徹底試出來。與世尊雪屈看。如無一竝。打入黑山鬼窟裏去。山僧不是壓良爲賤。且要賞罰分明。上堂。明珠在掌。高懸日朗。有求卽失。無念堪賞。東樓念讚。西寺鼓响。全開大施門。豈肯避來往。驀遇通人。携便歸。一聲長嘯出塵壤。上堂。祖祖祖。遭他苦佛佛。佛自成。屈四十九年。沒交涉。少林面壁。成何物。古今多伎倆。祥麟一無措。以拄杖畫○云。尋常拈箇金剛圈。天下衲僧跳不出。衆立士請上堂。立立木。人口裏護傳言。道道道。石女懷胎。堪自笑。分明說與地行仙。休將毒火埋神竈。鍊得泥丸喚作丹。靈明已失天然。竅饒經八萬四千劫。依舊落空王所考。黃金喪盡。骸乾。須入荒田不揀草。然雖如是不遇大醫王。幾箇知天曉。汝等要識入荒田。不揀草。麼。龍從火裏出。虎向水中生。上堂。撞破五更鐘。門門霜正濃。通身無暖氣。劈面日頭紅。寒烟脫

盡光明。表處處青山展笑容。上堂。世尊不說說。迦葉不聞聞。希有諸比丘。所吐皆實義。非語默之所識。非色相之所見。花開世界起。充滿諸國土。收攝在毫端。一切不思議。上堂。春日交多時。風和暖氣微。長生草漸長。遍界香雲飛。大衆今日祥麟不合。怎麼道。大似流言俗語。未免自己滅却。半邊鼻孔。汝等欲得相救。直須識取。那半邊始得。且道是那半邊。喝一喝。云。日月任流遷。乾坤無更改。上堂。十五日已前。風不鳴條。十五日已後。雨不破塊。正當十五日。金吾不禁。夜歌笑滿山城。家家門首一輪月。一燈迥出百千燈。燈燈發焰。光遍法界。照通今古。相續不斷。以致鼉鼓沿門。打龍笙。晝夜吹。鼙鼓皆喚。惺拄杖。豈久停因甚。如此正令。當臺風行草偃。關黔西東山開元禪院落成。上堂。東山乍住。沒情思。手把雲鋤。恨日遲。坑坎高低。平似掌。荊葵蔓草。悉除之。晚來獨坐一天月。困重如山夢不知。寒夜盡。曉風吹。翻身笑倒老頑皮。且道笑箇甚麼。花開花落。蠻烟地。今日翻成古佛基。上堂。死句與活句。淑氣盈天地。草木懷香出山河。

增秀麗正恁麼時三世諸佛歷代祖師談玄談妙說是說非雖是爲人赤心片片無乃海底揚塵東山今日一時拈却難免眼裏添沙汝等還歸自作主宰豈不丈夫然雖如是八十老翁入場屋真誠不是小兒戲上堂元旦纔過又經月半燈月交輝人景歡忭致令鐘鳴鼓響全彰祖佛家風燭燦爐紅廓示人天眼目不用再三思惟便請單刀直入立僧上堂打坐成佛賺爾多時磨磚作鏡一場敗闕開元院裏無此閒家具杖頭有斤兩尋常間不敢擅加鞭策喜今晴空散彩日麗中天庭前翠竹長新篁池畔荷錢開碧眼野色且無山隔斷天光常與水相連遂拈杖云等閒踏倒上頭關看取神駒時出廐上堂東君傳正令一一報當人冰河未捲三千浪四海已回雨露新勿他馳須自親頂門具眼照通津家家有片無方地急著精神晝夜耕且道耕後如何甜瓜徹蒂甜苦瓜連根苦上堂清淨比丘不上天堂破戒比丘不入地獄善哉大施門諸佛之捷徑汝等要行便行要住便住馬鞍橋作不得阿爺下額上堂不是心不

是佛不是物畢竟是箇甚麼若人向者裏著得一轉語未免胡張三黑李四徒自亂噉直饒踏倒天翻掀翻地軸人來也只作得他家奴婢亦不敢鼓唇弄舌且道他是何人良久云久經霜雪無人識一日堤楊挂絲袍上堂今朝雨蘇物潤忽然雲散長空乃世尊成道之日亦諸人證果之時山僧把山河大地日月星辰昆蟲草木一切有情無情捏作一團如芥子許擲在拄杖頭上放光動地照徹無量無邊微塵刹土於一一刹土中各現無量無邊身相說無上妙法令汝等各各得證如來智慧德相立地成佛去汝等還信得及麼若信得及始笑世尊刮龜毛於木人背上截兎角於石女腰間其或未然看取山僧眼裏添沙遂拽杖下座上堂搥鼓上堂一等直截虛空迸破出廣長舌滿眼滿耳充遍一一騎聲蓋色縱橫洞達本無欺終日爲人長斫額靈明識得笑歸來尤落峰前第二月如何是第一月卓杖云賊上堂金不博金水不洗水飲憤到溪邊分明嘴鬬嘴示衆柴門朝啓春無際玉樹銀花牽蝶至千山萬里一般同

填溝塞壑無人會。良久云。縱饒會得。也是眼裏沙耳裏水。小參舉趙州因南泉曰。今時須向異類中行。始得趙州曰。異即不問。如何是類。泉以兩手拓地。州近前一踏踏倒。却向涅槃堂裏叫曰。悔。悔。泉令侍者問。悔箇甚麼。州曰。悔不更與兩踏。師曰。南泉刻木成文。趙州錯加點畫。二老雖是有放有收。有縱有奪。子細看來。未免遭人檢點。當時若問如何是類。但指露柱云。這瞎驢試看趙州如何下脚。

貴筑雙林報恩嵩眉海禪師上堂。春風微動。百草萌芽。未曾出土。徧界生發。道人活計。切勿隨他。若有箇漢。向未萌未動之先。不容一絲毫頭爲緣。爲對方是本分作家。不然。雙林爲你諸人重添墻塼。以拄杖卓一卓下座。上堂。大道洞明。本無難易。跳下禪牀。兩脚踏地。獨步大方。縱橫無忌。雖然如是。只恐有人問。如何是祖師意。切忌切忌。上堂說戒。又說法。眼裏重添沙。無法亦無戒。切忌。虛捏怪當。機正眼明。一切自圓成。且道成後如何。良久云。龍歸大海波濤靜。雲到蒼梧意氣閒。

黔南會燈錄卷第四

黔南會燈錄卷第五

習安天龍 如純 輯

貴陽西山宗風定禪師思南任氏子。二十三歲在都勻觀音寺禮峰池祝髮。矢志遍參。至楚親瀉山。養拙和尙。機緣未契。徑往江浙。上天童。參密祖。在行寮數年。亦不契。因病歸里。寓南望山。住靜有嵩目法兄訪之。携觀音嵩和尙。隨住六年。親承印證。後語嵩和尙。往天童掃祖塔。囑師永住西山。後圓寂。建塔於本山之西。上堂。權衡在掌。殺活由人。杲日麗天。澄澄光彩。頭頭上露法法上彰。一處明。百處千處光輝。一言通。千言萬言透脫。所以無物不爲。妙用無法不是。真乘光揚。佛日耀古。騰今。即此現成。即此受用。一言含衆。相一句逗羣機。何用猛虎穴裏橫身。萬仞峰頭側足。以拄杖卓一卓云。是處是慈氏無門。無善財。上堂十五日。已前掬水月在掌。十五日已後弄花香滿衣。正當十五日。無風起浪。平地生波。連累衆生。平空喫苦。正是好肉上剜瘡。乃大笑云。且道笑箇甚麼。良久云。腦後見腮。不與往來。擲拂子下座。上堂。西來的的意。

教外直指傳曹溪流正脉綿綿到破山破山出馬度
馬度出西山全提臨濟令放出老德山劈破三玄旨
坐斷趙州關勦絕天然黨狐窟盡掀翻魔佛齊喪命
金剛把眉攢襖子跨門三十棒直教箇箇頭顱穿喝
一喝下座上堂昔睦州峻臨濟問黃檗的的大意濟
三遭痛打雖然不是好心君子有成人之美楊岐逼
慈明晚參魯班手裏弄鑿斧趙州訪道吾知他是何
心行寶壽上堂三聖推出一僧大似埋兵掉鬬寶壽便
打爛泥裏有刺試問大眾即今還有爲諸大老出氣
者麼時有僧喝師便打云定上座也是爲他閒事長
無明上堂即心即佛釘樁搖櫓非心非佛忍俊不禁
不是心不是佛不是物泥裏洗土塊西山今日一齊
坐斷外不見有大地山河森羅萬象草木昆蟲一切境
界內不見有自心貪染愛惡喜怒哀明暗色空我人衆
生壽者如天之高地之厚水之深空之濶正所謂神
光獨耀萬古微猷體露真常即如如佛大眾作麼生是
如如佛卓杖云吃噉舌頭三千里盡中日月自分明
寶筯三潮水知非禪院剖石鏡禪師上堂知非洪開

選佛場全提正令絕商量直教當下超方便莫把虛
空較短長還有不較短長者麼東西十萬南北八千
上堂不貴語清只圖眼正妍醜高低難瞞寶鏡少
林罔測已輸機今日禪流看性命到者裏還有不顧
危亡者麼若有可謂長鯨吸乾海底波泥牛吼落天
邊月苟或未然河裏失錢河裏攬小參卓杖云今
朝便是元宵節老漢當堂無法說露柱燈籠笑點頭
誰能當下知休歇知休歇溪聲盡是廣長舌不休歇
依舊三生六十劫

天吼廓禪師法嗣

習安玉丹語聖正禪師蜀之敘州富順楊氏子母陳
氏因亂入黔至安順府大士閣禮覺旨老宿披剃依
天台月峰和尚具足隱居丹山數載有提臺李公率
普城衆姓請師重建大士閣適遇天吼和尚見師氣
槩超然履踐精確遂印可師即開法普城掩關於後
閣上三載復隱丹山休老門弟子爲師預建塔於寺
側建大悲閣落成上堂大悲千隻眼正眼惟是一
隻大悲千隻手正手亦是一隻以一隻眼普觀三千

大千世界以一隻手等接微塵刹土衆生。所以建法幢立規矩。必須眼親手辦。豎瓊樓張玉殿。自不帶水拖泥。正恁麼時。只是不得將大法輪向微塵裏轉。以寶王刹向一毫頭上現。且道向甚麼處現。卓拄杖一下云。三門對佛殿。上堂。世尊爲一大事。因緣出現於世。堪歎無端。勞攘達磨。西來直指。人心見性成佛。怎奈平地扯謊。歷代來尊宿。全沒意智。各各承虛接響。正上座見處。要且與諸人無別。且道那裏是無別處。普定城內有四十八條官街。是那一條不許人行。喝一喝下座。說戒上堂。拈起香云。戒香定。香慧香。解脫香。無上法王親得受。只如金不博金。水不洗水。且道戒定慧。解脫香。無上法王。是一是二。試分別看。若分別得出。三際淨戒。不假言詮。一時圓具。其或未。然守護行持。皆犯波羅夷罪。汝諸人還信得及麼。若信不及。山僧抑只得隨類顛倒去也。傳戒下座。住丹山上堂。山不在高。有仙則名。水不在深。有龍則靈。且道靈在甚麼處。驀拈拄杖云。看看卓一卓下座。僧問賓頭盧尊者。日應四天下。供此間還來否。師曰。你

將甚麼供養僧。無語。師曰。聖僧前戲弄不得。一日有僧至關前。問曰。昔日彌勒彈指樓閣門開。令善財入。今日某甲到來。無人彈指。也要入此樓閣。與和尚相見。還得麼。師云。瞎僧曰。恁麼則覲面相呈去也。師云。新羅國在海南邊。僧曰。某甲到者裏却又不曾。師便打云。老僧從不屈負人。習安獅山語。賢英禪師。蜀之鄧都隆氏子。母范氏。因世變從戎。入黔。至安平天台山。禮恒修剃。染隨恒。初關獅山。恒寂後。師繼守矢志行。脚參敏樹老人。圓具後。參天吼和尚。印可。仍開法獅山。有投老計門弟子。預爲建塔於本山之麓。上堂。有一物。明歷歷黑漆漆。常在動用中。動用中收不得。既收不得。且道喫飯穿衣。屙屎放尿。迎賓待客。施爲動轉。底是箇甚麼。山僧今日不惜眉毛八字。打開爲你諸人露頭露面了也。汝等諸人還委悉麼。若委悉得果是。當然明歷歷。若委悉不得。依舊還他黑漆漆。喝一喝下座。上堂。孟夏漸熱。仲冬嚴寒。熱則普天普地。熱寒則普天普地。寒若以世諦流布。墮地獄如箭射。若作佛法商量。

驢年也未夢見在畢竟合作麼生卓拄杖云填溝塞壑無人會雨過夜塘秋水深上堂大道洞然孤明歷歷動則橫徧十虛靜則銀山鐵壁所以道放之則彌六合卷之則退藏於密於中寬窄大小長短方圓直得了無纖毫過患灼然一切自合其宜且作麼生是自合其宜一句紅霞穿碧落白日遶須彌上堂天得一以清地得一以寧君王得一天下太平羣臣得一助國祐民百姓得一啓家營生衲僧得一海衆雲臻驚拈起拄杖云看看拄杖子得一直切爲人且如何是直切處卓一卓云一箭中紅心示衆火就上水流下祖師西來無別話不將此語當宗乘禹劫千生病難拔若將此語當宗乘衲僧門下只好勘過了打且道衲僧門下又有甚長處良久云無影樹栽人不見根固時開智慧花

萬德語林弘先禪師西蜀朱氏子母駱氏因世亂入黔寓安順水橋圓照菴禮體如披荆遇一行脚老宿見師氣相不凡便以父母未生前話示之師謹領密行參究多載一日赴齋路行忽值驢鳴豁然大悟後

遇敏樹老人過獅山師往親覲受具足參天吼和尚印證後住萬德於康熙癸亥十二月十三日卯時集衆囑後事畢遂坐化世壽五十二僧臘不記上堂擡頭見天觀破娘生面孔低頭見地踏翻向上關頭直饒到者裏猶欠轉身一路在且如何是轉身一路良久曰不許夜行投明須到喝一喝下座

天隱崇禪師法嗣

定番九龍古源鑑禪師城都余氏子值亂寓滇之曲靖圓通寺禮滄海披荆隱鷄山數載初參靈隱次參靈藥皆不契又參渠山偕渠至楚復參靈隱亦不契遂遊江南於金陵參大成充知藏復充維那後參天隱和尚印證住楚之龍泉龍標迴龍關建岑山回黔關九龍重興天龍仍歸九龍示寂世壽六十七僧臘五十上堂揮拂子云若論此事非口所宜非心所測不可以智知不可以識識一任開虛空口掉江海舌到者裏也不能措得一辭何況輕舉妄動早是笑殺傍觀上堂五千四十八經卷是閒故紙三千七百則公案乃爛葛藤直饒臨濟德山棒喝交馳到者裏

也只看卽有分何故良久云三邊不用安戈甲萬里歌謠賀太平。上堂古人道有一人長不喫飯一生不道饑有一人終日喫飯一生不道飽諸仁者且道卽今此人在甚麼處若道現前便是未免指鹿爲馬若道不是又是斬頭覓活正恁麼時還的當得麼分明月在梅梢上看到梅梢早已遲喝一喝下座。上堂眉頭額底眼橫鼻直上智下愚阿誰無分到者裏因甚麼十箇五雙不能領會得且道他過在甚麼處擊拂子云只爲分明極翻令所得遲。上堂山僧有箇千聖不奈何底句子要與諸人吐露惟恐諸人不識好惡當面錯過空起勞攘不自寧靜所以不敢相報但未審諸人還有直下委悉得底麼若委悉得便見山僧無事多事其或未能莫道不疑好。上堂明珠在掌隨物色以分輝寶月當空臨水際而影現卓拄杖一下云會麼釋迦老子降生也九龍吐水沐金軀地湧金蓮捧雙足晃然八萬四千毛孔孔孔說無生法忍獨露三百六十骨節節放大寶光明光光照徹無邊世界微塵刹土若草若木若凡若聖若僧

若俗若男若女並有情無情無不盡皆觀其光彩於其光中得大利益得大安樂得大神通得大受用正恁麼時還有恁麼者麼有不妨捉敗釋迦老子將無盡三際淨戒不假文詞一時受具如無天雨四花呈瑞彩地搖六震起雲龍喝一喝下座。上堂祖師心印鐵牛機舉似現前大眾知不是見聞生滅法等閒慎勿別尋思。上堂天不言而四時行地不言而萬物生聖人不言而萬邦寧且道禪僧不言又作麼生東方日出卯因緣時恰好虛空絕遮攔大地光皎皎此事甚分明切忌外邊討。上堂時臨冬至寒大地雪漫漫鼻祖西來意分明無兩般若與麼會十萬八千不與麼會辜負現前敢問諸禪德且畢竟如何體究得不辜負現前去還會麼咄雪消清澗水梅吐玉枝香。上堂天寒地凍水滴冰生釋迦老子夜觀明星摸著鼻孔打失眼睛冤沉毒海累及兒孫且道累及箇甚麼良久云細雨溼衣看不見閒花落地聽無聲。上堂朔風凜凜透疎籬寒威徹骨憶初時六年功畢遭塗炭直至而今幾得知且道那裏是釋迦老

子遭塗炭處。若也會得。不妨出手共整頰。綱堪報不報之恩。用作無爲之化。如或未然。直饒語透。威音外。眼底青黃天地懸。喝一喝下座。小參。若論箇事人。人本有箇箇。不無爭奈。十二時中。業識茫茫。致使當面錯過。若是鼻吼端的。底管取開眼合眼時。時明見脚跟點地底。一任東行西行。自然步步踏著。所以道。捨之不離求之。卽錯錯。佛祖到頭難摸索。小參。喝一喝云。天自高兮地自厚。日月無私照林阜。堪笑一等丈夫兒。只管隨人背後走。直饒足跡徧天涯。到頭依舊還依舊。頌。女子出定。話夜冷霜寒。明月天都來。簾外打鞦韆。更闌沽酒不知醉。悞賺癡人倒懸。趙州訪二菴。主船到江干。任放行。高低深淺浪。花生縱橫兩岸歌聲疾。風葉滿蓬聽不真。思南太平大凡宗禪師。蜀之謝氏子。禮我一披剃。久親中華天隱和尚。圓具並承印。可住後上堂。陰極陽回。百卉萌芽開。萬境乾旋坤轉。羣芳吐艷。遍三千分明漏洩。無餘事。天地同根體。一然山僧恁麼告報。大似將濁物投於淨器。撒沙向諸人眼裏。於中還有忍。

俊不禁底麼。出來爲衆竭力看看。如無山僧還有第二杓惡水潑汝諸人去也。卓拄杖。喝一喝下座。石阡中華識竺海倫禪師。蜀之夔州張氏子。寓荊州禮天吼和尚。披剃依敏樹老人。具足久親天隱和尚。並輔隱闢中華。又遊江南。歸志愈堅。苦任監寺十餘載。承隱印證。辭回蜀之遵義居靜後。隱圓寂中華。虛癢衆挽師繼席焉。

眉潭白筠以四教禪師。蜀之葛氏子。父避亂寓夜郎。母彭氏夢僧乞齋。覺而生。年十二。禮朝陽寺月如剃染。廿五依天峰受具。久參天隱和尚。印記師有不出世之志。故關此山爲常居。

天湖印禪師法嗣

都勻別南傳旨禪師。蜀之牟氏子。久參天湖和尚。印可性執。傲嘗有不出世之說。生平不交權貴。僻居勻城鼓樓山半之三元庵。數十餘年。足不越閭。太守扣門。竟不爲禮。學者求開示。惟默然而已。勻郡諸山。欽重師道。爲建壽塔於城南十里吳家司山。畔康熙庚辰仲冬。告衆曰。吾於後月初六日辰時欲去世矣。衆

以爲戲師見衆不然預於初四日發帖辭諸山諸山雲集師復曰禪僧家豈肯昇箇死屍過市吾欲自出是時合郡僧俗翕然惟郡守疑而不信出示禁衆以逆留之師聞叱曰癡漢正恁麼時莫道太守直饒當今到來亦留吾不得在言畢自趨入龕竟坐逝矣太守聞之立時親送舉火時咸聞異香遍野火後收骨舍利入塔藏焉世壽七十三僧臘五十六

安平天台月峰瑛禪師安籠涂氏子母王氏禮本山幽玄薙染參雲腹和尚圓具雲示參萬法歸一話師侍雲住普陽常壽永寧中和往來日久後遇天湖和尚到山師堅留住不時請益一日立於簷下忽爾渾然無見從午至夕方甦通身汗流自覺身心輕快如卸百斤擔子遂作偈呈湖湖即印證並囑住此山廿餘年示寂塔於本山之後世壽五十九僧臘四十三元旦上堂昨日臘月三十今朝正月初一寒嚴枯槁回春積雪凝冰解釋木人漫撫沒絃琴石女橫吹無孔笛且道台山長老又作麼生良久插香云香焚寶鼎祝皇室上堂世尊傳金襴袈裟與迦葉移花叢

蝶至吾師付大紅偏衫與性瑛買石得雲饒若是具眼禪僧何用覲面打開當陽展示分明雞足山中一場鈍置大庾嶺上互相熱瞞還知麼其或未知且看據款結案去也卓拄杖下座上堂佛身充滿於法界普現一切羣生前隨緣赴感靡不周而恒處此菩提座且道如何是菩提座遂以拂子打圓相云到者裏十箇有五雙若非覲面熱瞞便是當頭蹉過即今還有不蹉過底麼且喚來與老僧洗脚中秋小參諸方佛法塞山海惟有天台一字無今日中秋佳節至陞堂默坐嚼盧都良久以拂子畫○云幸喜還有者箇不然則辜負此箇時節去也未審者箇從甚處得來顧左右云休從天上覓莫向水中尋小參無明識性卽佛性幻化空身卽法身以拂子打圓相云者箇是無明那箇是佛性又打圓相云者箇是佛性那箇是無明又打圓相云者箇是幻身那箇是法身又打圓相云者箇是法身那箇是幻身諸昆衆山僧如此分析爾諸人作麼生領會倘若會得喚作無明也可不喚作無明也可喚作佛性也可不喚作佛性也

可喚作幻身也可。不喚作幻身也可。喚作法身也可。不喚作法身也可。所以怎麼也得。不怎麼也得。雖然如是。山僧自喫三十拄杖。始得何故。不見道來。說是非者。便是是非人。問如何是諸佛出身處。師云。梅花雪裏開。問如何是濟北家風。師云。棒頭血滴。滴。問不在內。不在外。不在中間。在甚麼處。師打云。且看。在甚麼處。問如何是古佛心。宗師云。石頭進云。如何是最上乘。法師云。籬笆進云。學人不曾。師云。遮牛遮馬。

天語懷禪師法嗣

蜀安雲鷲。頂相慕禪師。本境劉氏子。因父任漢之臨安。師偕往。暇日遊鷄山。隨喜勝峰寺。突然發心出家。父令人勸之。不返。遂依本寺。和尙披剃。並求具足。後誅弗於獅子林。居靜數載。因念大事未明。矢志行脚。至蜀之遵義。白牛砂岡。參天語和尙。發明印證。歸里。關建雲鷲。開法廿餘年。足不越閬。時丁巳季秋。一日示微恙。告衆而寂。塔於本山之麓。世壽七十三。僧臘四十八。上堂。經律論戒。定慧伸手。抓頭反手。

抓背。火裏蝦蟆吞却月。反覆看來。又不曾直饒會也。是瞎驢趁大隊。喝一喝下座。示衆。我本有一訣。見爲諸人說。擬更問如何。拄杖劈頭楔。師嘗問僧曰。精進持淨戒。猶如護明珠。上座明珠在甚麼處。僧擬開口。師便打。往往未有契其機者。

貴筑永興桂魄頂禪師。蜀之潼川母氏子。於本境中和寺。薙染入黔。參天語和尙。印證住萬壽遷東山。後終於永興。上堂。觸體常干世界。鼻孔摩觸家風。用則與八大龍王鬪。富不用則半文不值。到者裏。直得攪長河爲酥酪。變大地作黃金。且道得力在甚麼處。良久豎拂子云。金鏃慣調。曾百戰。鐵鞭多力。恨無龔喝。一喝下座。上堂。萬壽打開布袋口。昂藏鼻孔。金毛走一朝滿地。化麒麟箇箇面南看北斗。此四句中。內有一句。能縱能奪。能殺能活。若人檢點得出。不止一生參學事畢。更與千聖同出手眼去也。還得麼。卓拄杖云。移舟諳水脈。點棹別波瀾。示衆。春風解凍。百草萌芽。有一句子。覩著眼瞎於此。薦得許你具參學眼。

普陽長壽桂鉉慧禪師蜀東長邑陳氏子因世變入黔至普陽龍泉寺禮大光披剃依雲腹和尚圓具後參天語和尚印可。上堂凝然湛寂十方獨露一塵不動萬象全彰本無言象之表亦無淨染之名絕情絕見明如果日當空超聲超色寬若太虛無際所以道一處通處處通一處明處處明頭頭不昧法法皆真然雖如是卓拄杖一下云不因漁父引怎得見波濤。上堂驀拈拄杖云這木上座赤條條没人情硬趑趄無回互不著佛不著法不著僧汝等諸人總向者裏覓甚麼碗良久云正所謂巧匠爐邊多鈍鐵良醫門首足病人一時打散。上堂斬釘截鐵未是作家手段推山倒嶽亦非向上鉗鎚何故嚮石虎吼時山谷響木人唱處鐵牛驚祇如當下恁麼得去又作麼生良久云覓火和烟得擔泉帶月歸。示衆參若不透理卽不圓悟若不深智亦不潤參得透理必圓悟得深智必潤若是出格人果不向窠窟裏作活計別具一段手眼一覷便破山河大地盡在一粒粟中三世諸佛總歸一毫頭上華藏剎海不離脚跟之下。

百億須彌見在眉睫之間一任脫漚隨方應物雖然如是猶是化門邊事如何是頓超直截一句顧視大衆云推倒須彌存日月放開布袋納虛空

聖符越禪師法嗣

思南天慶福圓滿禪師南直鳳陽楊氏子自幻出塵年十九行脚至楚之靖州青雲山依願如律師受具後入黔江口之香山久親聖符和尚印可住九臺天慶禪院。上堂年年此夕慶元宵萬戶千門佳氣饒一盞無油燈自焰光明破暗不須挑大衆曠大劫來者蓋無油燈爾等有眼切莫錯過卓拄杖下座。示衆出家子切爲何事方能辭親割愛剃髮染衣身入空門莫不是爲生死一大事因緣心切故求受戒參禪乞善知識決擇之生死既明亦更不可有違初志錯過目前目前若得端的自然不被一切污染何爲污染卽今所說種種言辭豈不是污染說心說性亦是污染說玄說妙亦是污染坐禪息定亦是污染著意思惟亦是污染只今恁麼形書紙筆亦是特地污染除此之外且如何是潔白無染處良久云金剛寶

劍當頭截。莫管人間是與非。

石旰鳳凰。衡嶽行規。禪師楚南武。攸蔣氏子在黔之。侗仁江口香山寺。禮聖符和尚。剃染圓具。並以印可。住鳳凰。而終塔於鎮遠。灤陽迎仙寺。後世壽四十九。僧臘十八。

赤松領禪師法嗣

眉潭鳳凰大拙淨霞禪師。上堂。轉得山河爲自己。天地同根物一體。更於自己轉山河。沙界全身不是他。所以道。法身清淨等虛空。應物現形水月同。莫道他山芳草綠。春來處處百花紅。喝一喝下座。

雲石明源禪師。高安吳氏子。母胡氏。在楚平溪。紫氣山。禮省念。剃染矢志行脚。至常德翠微。依雪端和尚。圓具。參赤松和尚。印可。上堂。一槌粉碎。徧界揚輝。一句纔彰。十方慶讚。物龍驤虎驟。頭頭賓主交參。正恁麼時。直待七星臺畔。木人起舞。紫氣峰頭。石女謳歌。還委恁麼。卓拄杖一下。云。鶴有九臯難翥翼。馬無千里漫追風。喝一喝下座。晚參。示衆。目前無法。萬象森羅。意在目前。十方坐斷。不是目前。法瞞得阿

誰非耳目之所到。走殺天下衲僧。卽此四轉語內。有一句能縱能奪。能殺能活。於此薦得分明。也是秦時轆轤。頌高峰竹篋三尺。吹毛覲面。闌半同引玉半垂鉤。當陽若不明斯旨。劒去徒勞苦刻舟。離四句絕百非。藏頭白海頭黑。明眼衲僧瞞不得。若從箇裏辨端的。直待富來問彌勒。

鐵梅珍禪師法嗣

貴筑中興迥然月禪師。黃州曾氏子。在黔之寶臺山。薙染依語嵩和尚。圓具參鐵梅和尚。印證。上堂。拂面寒風吹得枝殘葉落。片片飛空。西來祖意八字打開。巍巍蕩蕩。無窮拈來。且非文字。四方八面皆通。且道。通後如何。卓拄杖云。渾身徹骨無回互。脫體風流得自由。

習安石佛浮月海禪師。清鎮劉氏子。在城觀音閣。禮智融。披剃依天湖具足。參鐵梅和尚。印可。重關石佛。有投老計。門人預爲師建塔於寺。西師嘗咏牧牛歌。曰。人牛兩俱忘。無物堪比量。本來原不動。動處却非常。上堂。恁麼來者。鬧浩浩。不恁麼來者。靜悄悄。鬧

浩浩靜悄悄。石佛拄杖子。總未肯相饒。因甚如此卓拄杖。云。萬派聲歸海上滑。

清鎮普化古月明。濟禪師蜀之彭氏子。寓黔清鎮叢林寺。禮慧融。披荆參鐵梅和尚印可。住普化上堂。搖鈴舞鐸。鼓弄後昆。翻觔打斗。自揚家醜。濟上座到此。總不與麼也。自邁古超今。光前裕後。於中還有共相證據者麼。莫教刺腦入膠盆。喝一喝下座。

黔南會燈錄卷第五

黔南會燈錄卷第六

習安天龍 如純 輯

月幢了禪師法嗣

安南定頭龍山。劒端祖禪師蜀之丁氏子。印心於安籠玉泉。月幢和尚。幢寂後。師繼席玉泉。後遷龍山。行化數十年。示寂本山。塔於山陽之蔣家山麓。上堂。空雨濛濛。下不休門。前大道滑如油。來朝自有新條。在行人莫與路爲讎。阿呵呵。傳大士步行騎水牛。

上堂。握靈蛇。珠蓮天鑑。地持金剛。劒截鐵。斬釘。德山臨濟。如龍。獲水。法眼。玄沙。似虎。靠山。西河。獅子。東院胡盧。包羅萬有。含吐十虛。所以道。過量人有過量智。淨裸裸。絕承當。赤條條。沒回互。一道清虛。貫通今古。還委悉麼。十字街頭。石敢當。玲瓏八面。沒低昂。卓拄杖下座。上堂。破草鞋。爛東瓜。漫天說價。連城壁照。膽鏡就地。還錢不消。至理一言。自然人間。天上若也融通。萬有那怕。虎穴魔宮。動靜無依。卷舒自在。放行則。瓮礫生輝。把住則。黃金失色。只如今。把住好。放行好。良久云。識人多處是非多。上堂。舉一不得。舉二放過一著。落在第二。觀世音菩薩。將錢買胡餅。放下手。却是餛飩頭。薰豎拄杖云。還見麼。騎竹馬上。高樓手。拿紅羅扇。遮面。不令人見。轉風流。拽拄杖下座。上堂。霜天皓月。剝珠珍。兩手和盤送。與人大地拈來。無寸土一毫頭。上萬家春。以拄杖畫一畫云。還委悉麼。委則。大家居。東魯未委。則各自慕西秦。喝一喝下座。上堂。老鼠敲棺。材蚯蚓嚼生。藤烏龜前作掛蝦蟆。吞却月。識得此四語。一生參事學畢。上堂。春王已。

過二月一日月如梭似箭急而地桃花爛漫襲靈雲
一見便收拾人生夢幻在呼吸越望超凡從此入百
轉流鶯無所及一聲聲是花中汁木人聞得也流泣
咄休流泣二五原來是一十上堂去年開爐雪飄
飄今年開爐晴杲杲雪飄飄晴杲杲長安幾箇知天
曉咄更有不眠人莫道君行早因雪上堂羣芳爭秀
萬壑盈珂好箇現成世界就裏多少謂訛蘿門窈窕
華戶婆娑獐兒兔鹿沒踪跡魚鼈蝦蟹絕網羅羚羊
挂角千峰外白牯狸奴念摩訶龍女獻珠證果雪山
童子呵呵還會麼瓊樓玉宇憑空架萬象參差挂薛
蘿上堂風動風鳴雪飄雪下錦繡山川了無縫罅
所以道玄機透徹融萬象於目前至理高明會千差
於物表超生死絕見聞即不無隨處作主遇緣即宗
又作麼生不萌枝上綻香肥無影林中日杲杲卓拄
杖下座上堂初三十一日日好日是佛是心非得
非失脫殼鳥龜飛上天幡竿頭上煎鑊鐔北斗八南
斗七拆東籬補西壁佛法絕思惟學道豈朝夕略坐
而商量動靜何損益卸却雲門頂上枷解下慧能腰

間石良久云還會麼馬祖纔陞堂百丈便捲席上
堂運瓦搬甌事事忙歸來無法可商量擡眸月在梅
梢上大地山河總是霜喝一喝上堂春日融融春
風剝剝瑞草萌芽天桃吐萼靈雲一見便攢眉耐
玄沙腦後著陝府鐵牛頭角攢嘉州大象皮毛脫確
嘴纔生花唇盤出八角大信衆檀那添囊又添鉢且
受用一句作麼生道因圖一箇鐵酸餡無位真人細
細嚼上堂仲冬又過三十日屈指數來兩箇七凍
得諸人毛骨寒脚跟下事浮逼逼撥轉雲門轆轤鑽
扇子策碎梵王鼻東海龍王也流泣盡然蚌蛤服中
汁拈拄杖召大衆云還見麼一時吹入我門來不借
東風些子力喝一喝上堂雨水前元宵後柳含烟
梅披秀桃李謾成蹊馨香塞宇宙連卓拄杖云是大
神呪是無上呪是無等等呪上堂去年解制十分
吉今年解制十分凶兩腳草鞋儼似虎一條拄杖活
如龍草漫漫自西東風從虎兮雲從龍搏撮扶搖九
萬鵬雖然不如隨分納些些免外馳求落下風示
衆生死齊一凡聖同源揮之不破團之不圓清光瑩

白明鏡當軒一條白練一念萬年是賓是主有實有權如此領悟故曰單傳且道傳箇甚麼咄靈利底休熱瞞南海波斯騎石虎森森露出珊瑚鞭示衆逃禪須切記恐墮有無忌喫飯與穿衣咳嗽並掉臂處處契真機物物明祖意又須格外觀莫信人巧譽一念如萬年千差當一致古之學道流依之超十地若不如是行待勞多矯志我須不識丁敢言說非義情忘體自殊意絕理自備應用在臨時斯道爲第一示衆在家出家理無差別一念回光萬機頓泄本既無生何者受滅心佛衆生都盧一槪萬年一念獨超方便佛說有真我本無見曰男曰女乃貴乃賤一念萬年頓在目前先天勿用何假後天前後際斷其道玄玄玄之妙不涉朕兆推倒虛空歸來大笑示衆山前好松山後好竹中間是甚麼汝等諸人下語看此語下得恰與汝一箇鉗斧子住山不然擔柴去示衆寸絲不挂粒米不餐底衲僧正好痛與三十棒爲甚如此爲他解潔白地上作活水解一切處流通雖然正是貧兒索舊債

普安蘭溪祖鼻最禪師得法於月幢和尚住普安鳳翥山上堂無福鬼神妒有德陰陽助最上座無德並無福脚底無私隨縱步踏碎曹溪月踢翻鸞嶺路非是格外玄機亦非當前露布擲拂子云磯頭石女腰無禪上堂依山傍水送寒烟短檣蘆花露一班莫謂月明人盡望大家收拾笑中看且道收拾箇甚麼良久云七九六十三上堂舉雲門上堂聞鐘聲乃曰世界與麼廣濶爲甚麼鐘聲披七條徑山果頌云鐘聲披起鬱多羅碧眼胡兒沒奈何一箭雙鵰隨手落拈來原是柵中鷺最上座亦有箇見處鬱多羅衣鐘聲披倒跨須彌渡海彌疊嶂奔峰攔不住回頭殘照落溪西上堂會則眉橫眼上不會則鬚挂腮邊昨夜星疎月朗趁流水入花前細檢點賣盡風流不值錢惟有太古石凝然不動於其間上堂僧問不用棒不用喝請師直指西來意師云不萌枝上風光老花放天池劫外春僧豎一拳云一拳打破黃鶴樓師云你道崔顥題詩明得甚麼邊事僧擬議師驚頭棒云須是我打你始得乃云屋破不關風窗破恒留

月不墮悄然機時時頻漏洩且道漏洩箇甚麼鼓掌
云來路桃花風雨後馬蹄何處避殘紅上堂五里
一亭十里一鋪熙熙攘攘摩肩擊轂到家消息即不
問作麼生是攬前一步衆無語師卓拄杖云芒鞋兩
耳忽聞聲依稀踏斷斜陽路上堂吞盡虛空失却
半邊嘴踏翻大地展却兩行眉爲甚麼穿破鐵鞋跳
不出漫天網子反謂妙高峰德雲七日尋不見阿呵
呵蘭溪水鎮日向東流流出桃花瓣切忌攬將回明
月堂前空打算上堂摘楊花摘楊花崎嶇覓路遠
拄杖挂烟霞莫教風雨溼點碎破袈裟此猶是途中
消息作麼生是到家一句良久云五更聞畫角吹斷
落梅花上堂去來了無相明月掩映蘆花上咄動
靜復何心蘆花搖拽白雲深咄如弦大道無回互分
明鼻直兩眉橫咄上堂最上座侵早起來明明歷
歷特來舉似一見星月皎潔銀河在天二聞更漏催
促報曉聲寒三者長連床上欹枕高眠鼻息齁齁及
至天明上首拍椎鐘鼓鏗鏘濟濟楚楚雲水兩行自
是現成生緣不屬造作蒼皇若當下領荷得去朱頂

王菩薩簡曰問者赤頭漢作麼高峰悟云者箇便是
超宗越格底事直是無你會處須是悟了更能履踐
始得師云悟則不無且作麼生履踐良久云長廊獨
演千秋月竟日橫眠萬派雲上堂雨溼芳草綠春
來樹帶花脫體事無別鎮日有生涯凭欄欲會山居
意雲濤松韻較些些上堂秋光澹蕩秋水澄清菊
英映日瘦石抱雲不是向上機要豈當參學眼睛卓
拄杖云亮座主五更畫角聲上堂倩女離魂巧手
王維畫不成檢點將來命根不斷五祖演云那箇是
真那箇是假依前走入伊圈續至今轉身不得爲甚
如此相思怨悵梅花影搖曳窓前不是君上堂海
衆雲臻機前如電到頭霜月滿堦堦依前錯過本來
面咄雪嶺六年鼓起朔風如箭放開一天星斗打失
唇皮兩片阿呵呵會也麼冬至日長添一線小參吟
風嘯月漱石枕流錯過自家面目寒水發焰枯木花
開打失參學眼睛饑餐渴飲閒坐困眠依前無本可
據安禪息定返本還源未免業識茫茫若人檢點得
出一生參學事畢小參四十九年不曾說著一字

舌頭無骨末後拈花口是禍門將謂天曉不露誰知
脚下泥深一朝露柱頻撫掌多少赤手弄胡孫德山
棒如雨點臨濟喝似雷奔阿呵呵笑殺萬象與森羅
學天衣懷云芭蕉聞雷開還有耳麼葵花向日轉還
有眼麼若也會得西天卽是此土若也不會七九六
十三收師乃豎拄杖云今日木上座拶碎有情窠窟
無情喫驚劈破無情面孔有情喫驚驚然木上座惡
發各與三十拄杖免得纏繞葛藤未審木上座還受
檢點也無擲拄杖云葛藤葛藤小參野蔬花香野
水味長惟有野僧家全然沒伎倆半間茅屋無心補
夜來星斗煥文章會則瓊樓玉宇不會則偏地刀鎗
僧投書次云家常消息師云快露布將來僧作禮
師云勸破多時僧遂呈書師袖却云還有麼僧罔措
師喝出問如何是見滲漏師云眼中著楔如何是
情滲漏師云笑裏有刀如何是語滲漏師云口是福
門問如何是古佛家風師云一瓢一鉢如何是古
佛道場師云柳陌花衢如何是古佛受用處師云哩
哩蓮花落進云恁麼則與時人共出一手也師云爾

未夢見在頤廓然無聖話一夕嚴霜逼歲寒梅花
吐白月孤圓清香不著人間價散作長堤幾樹烟
見見之時見非是見見猶難見見不能及月挂珠簾
玉一鉤斷腸何事問東流夜猿啼罷西江冷蕩盡冰
壺一葉秋俱胝凡有問卽豎一指倚天長劒逼人
寒凜凜金戈帶淚看老去戰聲頻入耳何年扶醉話
宵闌對一說滾地楊花隨馬走拍天桃浪化龍鱗
玉壺滿酌風流酒要寄茶縻架上春
普安松巔善權位禪師楚北瞿氏子因世亂入黔寓
安順之太虎洞薙染依含光圓具參月幢和尚印證
住安南之萬壽普安之松巔次遷慈雲後復松巔終
老塔於本山之麓上堂豎拄杖云位上座生性莽
鹵不通佛法文字不明善惡因果單單者條拄杖佛
來也打祖來也打只要斷諸人命根未審衆中還有
傍不甘底麼良久云饒伊縱有擒龍志者裏那容捋
虎鬚喝一喝下座浴佛上堂兜率何年得道毗嵐
園中顯妙靈山會上拈花惹得旁人耻笑付甚麼涅
槃妙心設許多經律論教不肖遠孫今不管長與短

直把惡水烹頭。澆佛債祖。冤一齊報。上堂有時恁麼。把斷要津。不通凡聖。有時不恁麼。指鹿爲馬。證龜成鼈。有時不恁麼。中恁麼。拈一莖草。作丈六金身。有時恁麼。中不恁麼。將丈六金身。作一莖草。且道恁麼底。是不恁麼。底是喝。一喝云。依稀似曲。纔堪聽。又被風吹別調中。小參。法本無生。心何有滅。生滅兩俱。空洞然如皎月。擬問箇中消息。拄杖驚頭便喚。小參。無毛鐵鷄。奔西東。鐵柱牽蛇。拽高峰。跛足蝦蟆。天外叫泥鰍。合眼跳虛空。內有一句大用。全提檢點得出。參學事畢。小參。舉楊岐示衆云。薄福住楊岐。年來氣力衰。寒風吹敗葉。猶喜故人歸。囉囉哩哩。拈起死柴頭。且向無烟火師云。山僧雖是他家兒孫。怎奈家風各別。薄福住松蘿家。貧無卓錫。禱子望嚴。退長年靜打隈。地爐燒松火。熟豆爆寒灰。自倒還自起。嘯傲白雲堆。示衆。卽心卽佛。迷頭認影。影非心。非佛忘前失。後隔林見烟。知是火。牆頭見角。識是牛。祇如海底魚蹤。空中鳥跡。又且如何。覓捕豎拂子云。摩尼妙寶。原無價。要識眞金火裏看。示衆。春日融和。百鳥

啼桃紅。李白花滿枝。分明露盡深深意。會得原來是祖機。靈利漢。知不知耳聞眼見好消息。咄。示衆。翠竹黃花。便是祖師西來大意。青山綠水。無非諸佛淨妙法身。歷歷全彰。明明顯露。爲甚當面錯過。不自領會。祇因悞入桃園裏。竟到如今尙未歸。舉臨濟痛棒話。頌曰。禍福無門。口自招。烏藤三頓。不相饒。大愚脅下翻身。轉平地波濤萬丈高。安籠伏龍極。乘道眞禪師。蜀之杜氏子。年九歲。父母送至合灘寺。禮聖試披剃。初參雪浪靜主。後入黔寓安籠。扁山住靜。三載依雲。腹和尚具足。參月幢和尚。印可。小參者。一片無陰陽地。三世諸佛。歷代祖師。俱向此中印證。而出總要潔潔白白。乾乾淨淨。不容一點渣滓。忽地言談。便是屎尿污濁了。也如何得精淨去。良久云。切。小參。昨夜三更瞿曇老子自言。我不是佛。既不是佛。是箇甚麼。示現露地白牛。向八識田中。與衆拖犁拽耙去也。大衆還見麼。良久云。用力耕田。人不識。不如絨口過殘年。小參。椿菜香。米酥甜。人人喫著。悟心源。心源悟緊。照顧且道。照箇甚麼。

燈籠露柱。示衆老僧一味不開口。開口未有實義。

且作麼生。是不開口底實義。良久云。多嘴作麼。僧

參問。如何是三。要師起身云。一掃地。二種田。三撥燈。

你可會麼。僧佇思。師把住云。速道。速道。僧喝。師云。胡

喝。亂喝。有甚交涉。士問。如何是衣線下事。師云。大

庾嶺頭。提不起。士無語。師云。恰。僧問。如何是佛。師

云。你是石頭僧。佇思。師云。三十年覓一箇問佛底人。

也難得。僧云。不會。師云。明晨宜早起。

安籠玉泉顯今達古。禪師習安李氏子。于太虛洞禮

法雲披剃。依南華具足。久參月幢和尚。在本寺印可。

幢寂後。師繼席。廿有餘載。後寓松蘿山。示寂。安籠僧

俗欽重。師道迎靈骨回玉泉。建塔于和尚庄之雲棲

庵側。師志願世不開爐。故無上堂。小參。示衆等語。惟

頌古一帙。僅收世尊拈花。並三關話。附此頌曰。馥郁

香風拂面來。人天百萬盡疑猜。飲光不識瞿曇意。一

笑渾身入禍胎。我手佛手弄蛇揮。塵掃破虛空。鳥

飛兔走。我脚驢脚芒鞋倒著踏。遍乾坤。踢翻海嶽。

人人生緣倒。駕鐵船。衝開碧浪。撐破湖天。

半生裏禪師法嗣

習安玉真竺懷印禪師。本郡馮氏子。七歲。父母送出

家。禮觀凡披剃。矢志行脚。遊演至五華寺。參半生和

尚圓。具生示參。萬法歸一。話發明。遂印證。復歸玉真

終老。塔於本山之麓。上堂。執事白。椎云。諦觀法王

法法王。法如是。師便下座。有僧把住云。和尚法要未

舉。如何就便下座。師云。可惜連城壁。徒勞獻楚君。一

時打散歸方丈。上堂。昨日上堂。無一法。今朝陞座

太多生。怎奈遼天拄杖子。非思量處善評論。且道評

箇甚麼。良久。喝。一喝下座。上堂。鶻拈拄杖云。朝打

三千暮打八百。木人頭喫棒。石女身流血。文殊普賢

遠避他方。釋迦彌勒含冤莫雪。惟有臨濟德山。稍得

一訣。喝。一喝卓拄杖下座。上堂。彰名打鼓埋沒本

真說性。說心轉成妄誕。且道總不與麼時。如何良久

云。啼得血流無用處。不如緘口過殘春。還山上堂。

一出一入。出入原無動相。一來一去。來去一般時節。

所以道。去來不以相動。靜不以心自是。風行草偃。水

到渠成。不動道場。徧十方界。正恁麼時。直得去來不

二動靜一如且作麼生是應時及節一句芙蓉花發
秋江上丹桂香飄入廣寒卓拄杖下座

枕石 禪師法嗣

普安鸚鵡廣成普陞禪師荊州程氏子寓黔新城斷
頭山禮運心剗染依金題圓具參枕石和尚印可師
語錄因兵燹失遺年六十四終老鸚鵡塔於寺陽

梅溪度禪師法嗣

鎮寧金鳴慧顯緒禪師湖南永郡蔣氏子因時變入
黔至安順禮覺悟薙染依靈隱老人受具參梅溪和
尚印可住金鳴終老塔於本寺之陽世壽五十九僧
臘四十八 上堂松風拂拂柳色青青當陽理會更
勿別尋只是不得作境話會亦不得作佛法商量若
作境話會錯了也若作佛法商量亦錯了也畢竟如
何得不錯去卓拄杖一下云年年有箇四月八喝一
喝下座 上堂以拂子打圓相云即此者箇不可喚
作佛法亦不得喚作世法直教人人眼見如盲口說
如啞到者裏世法佛法都撥盡笑看陸地長蓮花大
衆還知此花來處麼良久云石女歌時空谷震木人

唱處鐵牛驚 上堂把住牢關三月卓拄杖云今日
放開一線從茲一任縱橫更莫三七打算人人頂額
上頓開正眼箇箇脚跟下七穴八穿其去也直教善
爲道路其來也依舊明窓下安排正恁麼時窓下安
排且置作麼生是善爲道路一句良久云夜行莫踏
白 上堂卓拄杖一下云者箇意事諸方盡道木上
座爲諸人轉根本法輪去也金鳴則不然恁麼提持
不惟悞賺衆生顛倒迷已逐物要且返使捕風捉影
之流依模畫樣去在殊不知到者裏饒伊道箇是柱
不見柱非柱亦不見柱是非已去了是非裏薦取也
是泥中洗土 上堂日落西水流東觀體傳來向上
宗怎奈當機人不薦進前退後喪家風金鳴雖是恁
麼告報諸人還知落處也無繫拂子云夾路桃花風
雨後馬蹄何處避殘紅

貴陽霞章海偉禪師思南劉氏子禮東山梅溪和尚
薙染具足後參靈隱老人靈囑師回嗣梅溪師遵命
竭力輔梅行道滇黔來往數十餘年在處充監院職
梅往天童掃塔師充座元理東山院事梅回至楚圓

寂時遺書命師令紹南繼席師方退隱新城三元宮
休老人咸謂師退讓法門忠孝人也

貴陽東山紹南真解禪師湖南永郡唐氏子因世亂
入黔寓觀音寺禮霞章荆染常親梅溪老人充侍者
梅示參生從何來死從何去話一經八載渾無入處
至圓具後一日入室梅問本來原無生死因甚人人
只道生死事大師云者箇正是某甲底疑處梅曰汝
疑還是有是無師擬開口梅直亂棒打出師不覺通
身汗下恍如有得後歸里省親回過瑪瑙山謁師林
和尚林問那裏來師云永州來林曰曾參甚麼人師
云貴筑東山林曰東山佛法如何師云木人撫掌石
女點頭林曰子莫錯會師云若錯怎得到者裏林曰
恁麼則汝緣還在東山速回親覲師辭歸承梅印可
又侍梅上天童掃祖塔回至楚之漢陽梅示寂時遺
囑命師繼東山法席繼席上堂拈起拄杖云者箇
便是我先師老人在普門堂上奪得來底今日落在
解上座手裏要以撥舊日之禪燈闢新學之捷徑開
入天正眼整頓綱綱使見前一衆人人知其木本箇

箇不昧水源堪報不報之恩用作無爲之化正恁麼
時雖是光前裕後革故鼎新檢點將來只是門庭邊
事衲僧分上要且了無相干且道作麼生是衲僧分
上事良久云疑則別參復舉寶壽開堂三聖推出一
僧壽便打聖云與麼爲人瞎却鎮州一城人眼去在
辜擲下拄杖歸方丈師云二大老雖是竭力爲人怎
奈一箇有活人劍且無殺人刀一箇有殺人刀且無
活人劍若欲權衡佛祖號令宗乘只須勦絕兩頭中
間不立別資一路七縱八橫始得山僧與麼告報於
中還有恁麼者麼超羣須是英靈漢敵勝還他獅子
兒喝一喝下座示衆祖師心印狀似鐵牛之機去
卽印住住卽印破祇如不去不住汝等諸人向甚麼
處與我本師老人相見遂挂幘云不離當處常湛然
覓則知君不可見喝一喝上塔纔看楓林錦繡巒
又見黃菊金鋪地兩輪日月快如梭不覺吾年三十
四爾我光陰非等閒急須薦取無生意大衆如何是
無生意良久云巖懸不易長生畫瀑響無絃太古琴
上堂祖師關當陽句向上機頂門眼於斯會得普

天匝地盡光輝。法頭頭皆妙用。若也不會。在處雲月是同。要且溪山各異。上堂。世尊拈花。達磨面壁。當陽顯示。覲面提持。然雖體用不同。要且本無二致。舉一明三。目擊鉢兩底。多少當頭錯過。推不向前。約不退後。底偏。然理合全歸。且道歸後如何。卓拄杖云。動容揚古路。不墮悄然機。喝一喝下座。上堂。過去心不可得。未來心不可得。現在心不可得。不可得中。祇麼得。且道得箇甚麼。良久云。若不藍田射石虎。幾乎誤殺李將軍。頌產難。因緣不領公文。猶自可領得公文。急如火。忽然墜送曉風清。月落寒潭珠一顆。

習安南山法雨。照潤禪師本境洪氏子。禮恒聞披剃。依天台省參具足。參梅溪和尚印證。上堂。卓拄杖一下云。千鈞之弩。不爲鼯鼠而發機。又卓一卓云。屠牛之刀。焉得與人割鷄靈利。漢當下收取。豈肯東討西覓。還得麼。復卓一卓云。等閒翻作龍泉劍。一掃烟塵定業基。喝一喝下座。上堂。山自青。水自綠。松自直。棘自曲。此四轉語。轉轉有箇落處。大眾且道。落在甚麼處。卓拄杖一下云。河裏失錢。河裏撿。上堂不

是心不是佛。不是物。且道是箇甚麼。釋迦老子雪山六年苦行。達磨大師少室面壁九載。要且摸索不著。古今天下老和尚。競出頭來。各逞其威。亦摸索不著。直饒摸得著。也是秦時轆轤。喝一喝下座。上堂。明如日。黑似漆。細若微塵。寬若太虛。到者裏。若作佛法商量。十箇有五雙。未免當頭錯過。不錯過。芍藥花開。紅朶朶。上堂。天上無雙日。人間獨至尊。萬年松不老。聖壽等乾坤。既然如是。且道以何爲憑。卓拄杖一下云。亘古亘今。

慈濟舟禪師法嗣

黃平崇安觀音六行海鑑禪師。荊州易氏子。在滇之遙安府妙峰山披剃。依靈隱老人具足。參慈濟和尚印記。

萬德開禪師法嗣

普安印海學僑禪師。古滇南氏子。母李氏夢梵僧入家。始生二十二。於本邑法界寺禮德明披剃。二十七依水目。非相受沙彌戒。遊黔至金粟。參祖鼻圓具至。新城圓通。參萬德和尚。德問那裏來。師云。金粟來。德

云古人道藏身處沒踪跡。汝作麼生會。師云有水皆含月。德云沒踪跡處莫藏身。齊師云無山不帶雲。德云原來闍黎脚跟未點地。在師云竿木隨身逢場作戲。德云只恐詐明頭。師云老和尚也不得壓良爲賤。德深肯之。師嘗述偈曰。達磨西來特地安排。直指人心。眼裏添釘。不是渠儂。生我慢。只因雪化水流聲。

黔南會燈錄卷第六

黔南會燈錄卷第七

習安天龍 如純 輯

密參山禪師法嗣

貴陽指月爍吼禪師。滇之曲靖許氏子。於本那天竺寺禮覺悟剃染。參密參和尚印可。上堂流光易度。五十有八。幻隨幻住。不拘花甲。驀拈起拂子云。且道是幻耶。非幻耶。若道是幻。幻不自幻。若謂非幻。非幻不幻。且拈放一邊。只如善財參遍百餘城。文殊指陳第一義。又且如何。八十老翁入場屋。真誠不是小。

兒戲。臘八上堂。擊碎玄關。山色寒如來。成道不虛談。明星午夜誰同。觀隴上梅花自破。頤水皎皎雪漫漫。一色凝然。化外看。直往南方無垢界。獻珠成佛不爲難。且道那是不難處。彈指頓超無量劫。輕輕屈指便成拳。上堂。華嚴將諷畢。摩利初開啓。當此慶元宵。笙歌時貫耳。妙音觀世音。自在忘依倚。滿月圓如鏡。長天淨若洗。銀花噴火樹。轉次生歡喜。何故我見燈明。佛本光瑞如此。中秋上堂。雲淨一天風。清四海。桂子月中落。天香雲外飄。人人圓光現。前箇箇眞常。獨露於斯。見得一花堂。上臂肘交加。三晶門前主賓互換。其或未然。荊棘林中下脚。易月明簾外轉身難。小參。銀缸高剔。坐立儼然。蘭麝半薰。起居自若。話頭清楚。不患靜地迷人。公案見成。自有生機奪秀。白寥寥。無滯無礙。清的的。離相離名。若到者般田地。千七百則殘羹冷飯。不許沾唇。一大藏陳年故紙。謾言合藥。山僧今日。鉗鎚再展。爐鞴重開。若要鑄盡金純。除非脫皮換骨。何故。齊不因躡足龍門。過怎得春風動地來。小參。今日已巳。欲盡明朝。庚午。方起本。

來原無舊新世俗強分彼此若能不雜用心那管人間甲子從今打破趙州關爆竹聲中好薦取示衆心淨若蓮月明似晝香遶榻前燈搖座右要識本來面目非青非黃非肥瘦示衆春行冬令十分寒縱有紅爐火費攢寒暑不驚惟拄杖是非坐斷獨蒲團法身有主因無漏覺體無私妙有觀若果如斯端的去分明生死不相干示衆妄緣頓盡覺純真確嘴花生則是春石女善吹無孔笛木人慣撫沒絃琴高山解聽常移足流水知音每出身此意若能深悟入一回舉起一回新

恒秀林禪師法嗣

安南永興藍田光碧禪師城都朱氏子生值離亂被擄入營數載脫遇經題和尚薙髮在雲南曲靖府東山寺依余山和尚圓具矢志行脚參恒秀和尚印可後住安南永興十餘年足不越閭一日示微恙告衆而寂塔於寺西世壽四十七僧臘三十

永寧廣福明輝淨月禪師城都趙氏子生值世亂隨戎入黔於平越府圓覺庵禮清海披荆依達遠和尚

具足參恒秀和尚印可立誓施茶接待數十餘年不改初志又募修通滇大道數百餘里厥功未就偶恙圓寂塔於寺西世壽六十七師嘗有偈已刻附秀師錄後入藏流行此不復贅

楚眼裏禪師法嗣

貴陽谷萌法華慧林如英禪師潭州梁氏子在浙天童禮心應剃染後因行脚歸楚依瀉山圓具久親楚眼裏印可後住馬苗寶華又遷法華重建功畢會城南關衆姓慕師道德迎至大士庵供養爲預建塔於庵後師因警衆示一偈云老僧七十一開口少神氣來者免多言說話損精力若要問修行脚跟下薦取未曾死一番少要誇伶俐生死若不明孤獨一張嘴閉目且觀心盤著兩隻腿這著死工夫當下超於彼若依老僧言利人先利己說盡黃河波原來只是水講盡世間言惟一箇道理若不悟斯道難了箇生死行之篤禪師法嗣

安南萬雲卓菴閒禪師蜀之廣元丘氏子母夢盞飯僧入家投宿始生幼不茹葷寄名迴龍山因世亂入

黔禮佛旨和尚披剃時年二十一。圖具後矢志偏參遊楚。至沿州十方菴。參行之和尚印證。復回安南。創闢雲山梵光寺。上堂春日融融。門外春光佈景。春風拂拂。檻前春樹凝烟。物物頭頭合道。在在處處明心。放之則周沙界。捲之則入微塵。香巖擊竹。猶遲船子覆舟。莫及若向者裏見得。更說甚麼平地登仙。白衣拜相。明明光吞宇宙。歷歷耀古騰今。且結角羅文歸根。遠本一句作麼生。道卓拄杖一下云。上元原是正月半。家家打鼓慶元宵。喝一喝下座。頌華亭船子雨笠烟蓑。傲雪霜竿頭風月老。滄浪適來釣得金鱗子。無限魚龍入鑊湯。

曹洞三十一世雲門下第四代

月印慶禪師法嗣

安南淡雲明光禪師楚南李氏子。在黔之安南定頭禮本然老宿。披剃矢志行脚遊滇。至鍾靈依月印和尚具足。並請益參究發明。皆得力於印師座下。所以承嗣印師也。頌世尊初生。纔出頭來。因一聲指天。指地得人。憎縱使雲門能蓋覆。至今難免賺癡僧。

安南金獅弗會傳知禪師蜀之余氏子。年九歲寓黔之安籠。禮極乘和尚薙髮。乘示參父母未生前話。乘寂後師矢志偏參遊滇。至廣南萬壽參本源和尚。復歸黔依松蘿天。一和尚具足。後遇月印和尚於江浙。回滇挂錫。定頭師往覲。覲印一見器之。將拈花公案勘驗。機緣契合。親承印證。後隱居阿黑數載。邑侯余公率衆紳士請闢金獅洪音寺。上堂建叢林立規矩。逞能矜勢。豎門庭行法令。賣狗懸羊。所以古人向千巖萬壑之間。韜名遁跡。深蓄厚養。遂能清振一時。美流萬世。設有先人未了底公案。萬不得已出來了。却今日知上座且無了底事。因甚也被此一陣業風吹到金獅山裏。自逞一場敗露。雖然如是。檢點將來。又且事無一向理。有差殊。欲報佛祖深恩。必作四來依怙。發揮向上宗猷。開闢人天正路。當與麼時。還有同聲相應。同氣相謀者麼。卓拄杖一下云。共將補袞調羹手。撥轉如來正法輪。喝一喝。復舉楊岐道場。岐乍住。屋壁疎滿牀。盡撒雪珍珠。縮却頂暗嗟。吁。翻憶古人樹下居。師云。楊岐老人恁麼道。雖是清節操。

守激厲後昆。怎奈檢點將來。只可獨善其身。欲豎臨濟門庭。猶未得在。看今日知上座。又作麼生。施設復卓杖云。不因滄海濶。爭見百川潮。上堂日暖風和。二月天。鳥啼花放。滿山川。當人直下。恁麼去。脫體風光。本自然是則。也是祇如水底魚踪。空中鳥跡。又作麼生商量。速道速道。上堂將此深心奉塵刹。是則名爲報佛恩。良久云。佛恩報也。作麼生。是深心。還委麼。分明月在梅梢上。看到梅梢却又無。喝一喝下座。

宿士類

貴陽興國祖融法印和尚。蜀之李氏子。未詳披剃。依華山三昧和尚。圓具明萬曆欽賜紫衣。住興國終老。無恙坐脫。世壽六十三。僧臘不記。

貴陽觀音梵行傳性和尚。普陽人在會城興國禮祖融和尚。披剃並具足傳衣。鉢首住毗尼。後住觀音終老塔於寺。西世壽七十三。僧臘四十餘。

西識清見和尚。楚籍王氏子。出身疆場。禮法中披剃。持金剛經得止參靈藥和尚印證。師開法貴陽白雲寺。終老塔於寺側。

合麟李居士。貴陽人。字之驊。原宦襲儒學佛。參燕居和尚印證。脩然林下。集書一帙。名蔚堂草。並附有逃禪集。僅收雜偈二首。挺特男兒秉太阿。不將生死問如何。信然直下了。無事撒手懸巖唱哩囉。詎肯瞞預負已靈。分明鼻直兩眉橫。更須試看誰爲主。十二時中常自惺。

普安邑侯天一劉居士。關南人。諱个。臣幼喜宗乘。常與當代尊宿交往。盤桓初任福州。過江西參龍山和尚。有省。臨任公事之暇。少閒談。只危坐。每有定課行持。嘗述偈曰。世間一切盡歸空。誰識真空用。不窮三萬三千獅子座。維摩應是足神通。

居易居士法諱明福金陵葉氏子。字得祿。鎮黔撫中軍事。幼好佛教。留意宗乘。參海內知識。未足其意。特建家菴名鷲嶺禪寺。迎隱元和和尚於內。問法請益。印證復志。謁諸方明宿。盤桓有偈頌機緣等錄成一書。名逃禪集。僅收雜偈三首。機緣一則。牧牛歌。露地白牛見也麼。牧童拍掌笑呵呵。等閒不用勤鞭策。放去收來一任他。心入空門身在家。朝衣脫去換袈裟。

菩提不二原無樹意地清涼轉法華 六根有疚勿
他疑心病還須心藥醫面壁九年無一字令人特地
歎希奇 元和尙問牛頭未見四祖時爲甚百鳥銜
花天人送供士曰花開蜂蝶聚元曰見後因甚不來
士曰果熟樹頭空

三一居士普安龍氏子諱元敘幼年因慕道之切盡
家以供僧道一日遇松蘿垂問城東老母與佛同生
因甚一生不欲見佛士著語云彼丈夫兮我丈夫
六度居士古滇李氏子母尤氏十五看香山戲動出
家念父母不允幸得霞昌老宿諭曰昔有維摩大士
作人天師談不二法門又不是在家菩薩耶汝依我
說後來自有受用士遵霞語如父母命有儒士黃中
翠指參爍吼和尙得入頭處後參善權和尙印證所
集有錄僅收機緣三則偈一首 有僧問云不是心
不是佛不是物是箇甚麼士展兩手曰是箇甚麼僧
云不會士曰怪我不得 僧問云盡大地是箇火坑
因甚跳不出士曰盡大地是箇火坑僧擬議士曰燒
殺也 士一日卓杖行有僧指杖問云要者箇作麼

士曰滑路上全得他力 偈曰著衣方免寒喫飯却
止饑祖師西來意是甚破驢脊

臨濟三十五世天童第五代破山下

嵩目宗禪師法嗣

黔西東山古雪智禪師蜀東人參嵩目和尙印證

上堂今朝五月端午柴門不懸艾虎時節豈可空過
五毒拈來共煮明州布袋喫了呌殺池州魯祖好大
歌莫莽鹵甜瓜徹蒂甜苦瓜連根苦 上堂元月初
昇春回六字家家鳴鑼戶戶擊鼓大者騰歡小者作
舞惟有東山與世殊單條白棒慣莽鹵顛拈倒弄且
無年日日打佛並打祖忽有箇傍不甘底出來道者
老漢不諳時世只知有已不知有人山僧即便和聲
打退因甚如此任從滄海變終不與君通靠拄杖下
座 上堂東風連日發羣芽開遍山前桃李花捲起
簾來人共見當陽一句落誰家速道速道 小參打
鼓落堂見成公案燭燦香騰與麼不薦若也薦無邊
利境自他不隔於毫端十世古今始終不離於當念
若不薦且看老僧與汝判斷拽拄杖下座一時打散

嵩眉海禪師法嗣

貴陽慈雲蒼龍語禪師江南陸安張氏子在黔之西山禮語嵩老人薙染圓具參嵩眉和尚印可住慈雲而終塔於本山世壽七十僧臘四十上堂般若如大日輪昇之則乾坤普照如火火聚近之則燎却面門如塗毒鼓擊之則聞者皆喪拈起也天回地轉放下也海宴河清祇如不拈不放人人懷赤水之珠箇箇抱荆山之玉且家堂穩密一句作麼生道良久云自是不歸歸便得五湖烟景有誰爭上堂天無四壁地絕八維一亘晴空貫通今古明明絕去來歷歷無向背所以道靈光獨耀迥脫根塵體露真常不拘文字性心無染本自圓成但離妄緣卽如如佛喚作如如如是變也且作麼生是不變底消息良久云早晨喫稀飯下午又覺饑喝一喝下座上堂佛未出世人人鼻孔揀天箇箇脚跟點地佛出世後人人眼裏添沙箇箇耳中著水於中若有一箇半箇上無攀仰下絕已躬底出來道箇凡聖無差古今一致不妨慶快平生如無山僧更與重添塙塙去也卓拄杖下

座上堂明如日黑似漆真不掩偽曲不藏直雪山六載空忍饑少室九年癡面壁於中若具擇法眼底只向羊腸乾處臥豈肯從他雪地立雖然如是不得春風花不開花開須借春風力喝一喝下座

威陽華嚴長靈祐禪師荊州胡氏子值世亂從戎入黔至二十七歲切思出塵寓九龍山皈依燕居和尚又親西山語嵩和尚後禮嵩眉祝髮圓具並請益發明親承印可開法華嚴遷臥雲後復遊楚上堂靈機密運寶劍全彰截斷千差真常獨露頭頭顯妙物物輝光一道清虛貫通今古明明絕去來歷歷無對待坐斷毗盧頂不秉釋迦文到者裏說甚隨處作主遇緣卽宗直得萬機休罷干聖不携且超然一句作麼生道喝一喝下座上堂智鑑圓明萬法皆空慧光獨露了妄全真塵塵剎剎普現威權物物頭頭全彰妙用只得龍吟霧起虎嘯風生瓦礫石頭咸皆踣跳山川草木動地喧鳴殊勝中殊勝奇特中奇特且作麼生是日用應緣一句揮拂子云掬水月在手弄花香滿衣上堂舉芭蕉示衆云你有拄杖子與你

拄杖子頭上安頭你無拄杖子奪却你拄杖子斬頭
 覓活芭蕉老漢計窮力盡無處啓口向拄杖頭上作
 活計山僧者裏則不然有也不與無也不奪直教他
 全體脫落絲毫不挂淨裸裸赤灑灑是你到家底消
 息何處更有一物與諸人爲緣爲對還會麼不見一
 法卽如來是則名爲觀自在 小參舉古德云尋牛
 須訪跡學道學無心跡在牛還在無心道易成卽今
 衆中有箇漢出來道跡在者裏牛在甚麼處直對他
 道緣楊芳草岸無處不稱尊又有一箇漢出來道我
 本無心道在何處對他道經行及坐臥常在於其中
 又有一箇漢出來道男兒自有通霄志不向他人行
 處行老僧聞得只得飲氣吞聲何故一粒老鼠屎打
 污一鍋羹 元宵晚參十五日已前海底泥牛含月
 走十五日已後巖前石虎抱兒眠正當十五日石人
 把板雲中拍木女銜笙井底吹舉似燈籠笑破口無
 端特地一場非卓杖一下云山僧拄杖子活如龍一
 口吞却了也三十年後免得敲磚打瓦

石阡黃菊濟川普禪師蜀之潼川梁氏子入黔於西

山鳳凰池禮誦嵩和尚披剃參嵩眉印可住九龍
 退院上堂苦住龍山三五載犁耙債滿便抽身芒鞋
 拄杖如龍虎試問同行有幾人雪峰老人柳棟橫擔
 不顧彌勒大士向十字街頭立等且道龍山長老又
 作麼生施設卓拄杖云出門三步外別是一家風
 上堂古云青青翠竹盡是真如鬱鬱黃花無非般若
 黃山今日拈頭換尾將古作今以此真如般若翻作
 廣大伽藍直教十方龍象到此各各於中安居平等
 性智正恁麼時喚作廣大伽藍又是真如般若喚作
 真如般若又是廣大伽藍且如何得的當去卓拄杖
 一下云殿閣峰頭千古致三門高對廣興場 上堂
 月大有三十月小是初一到者裏要且千聖不能知
 諸佛不能識是汝諸人還識麼若也識且許途中受
 用若也不識九龍不憐慈悲率性與諸人通箇到家
 底消息如何是到家底消息良久擲拄杖云也是鳥
 龜鑽敗壁

宗風定禪師法嗣

貴陽西山實行慧真禪師西安葛氏子禮宗風和尚

剃染具足並以印證。頌華亭船子狂心猶勝在江邊。短棹長歌駕鐵船。不是夾山來換手。只教撐渡到驢年。黃龍三關我手何似佛手。打殺泥猪癩狗。剥盡貼肉汗衫。隨分拈花折柳。我脚何似驢脚踏。斷趙州略約縱橫。獨步大方一任衲僧卜度。人人有箇生緣。漁翁腰帶牽船。夜宿蘆花深處。曉來搔首看天。

剖石鏡禪師法嗣

修文三潮水。知非菴雲峰祖。高禪師蜀之符氏子。因亂入黔。寓貴陽牟尼山。禮月空。薙染依語。嵩老人具足得法。於剖石和尚住。知非數十年。康熙戊辰仲秋。告衆圓寂。塔於本菴之陽。世壽七十七。僧臘四十六。上堂。大道本在目前。說甚目前難覩。以拄杖卓一卓云。若也覩大家。薦取雲門。普如不覩。君自西秦我東魯。喝一喝下座。佛誕日示衆。指天指地已徒勞。七

步週行禍更招。惹得雲門行正令。兒孫代代病尤高。

語聖正禪師法嗣

習安溪脈。照一禪師。江西撫州吳氏子。寓蜀。誕生在黔安順州華嚴洞。禮德水披剃。過丹山參語聖和尚。又參敏樹老人。圓具後復丹山。掩關三載。印心於語聖和尚。提督軍門侯延生。然燈請上堂。樹樹青松堅晚節。竿竿翠竹響清風。延齡千古燈輝燦。劫外春光迥不同。且如何是不同底消息。良久喝一喝下座。住定南萬壽上堂。昨日古佛堂裏坐。今朝萬壽示機緣。携筇唯是尋知己。處處青山展笑顏。且道其中事。作麼生顧視左右云。朝看白雲橫嶺上。夜觀明月照塔前。

貴陽玉龍鏡天宗照禪師。本郡王氏子。母陳氏。於貴筑蓮花禮自善。披剃依密蘊具足。自行密行。因閱禪關策進。見黃檗示衆曰。僧問趙州。狗子還有佛性也。無州云。無。但二六時中。看箇無字。晝參夜參。行住坐臥。著衣喫飯。屙屎放尿。處心心相。顧猛著精彩。守箇無字。日久歲深。打成一片。忽然心華發現。悟佛祖之

機便不被天下老和尚舌頭瞞處。頓起疑情。且一時無處請益。只得靜夜焚香發誓。自拈無字公案。晝參夜參。身心渾忘。如斯久久。一日正經行次。忽聞鴉聲。得入頭處。矢志徧參。遊滇途遇語聖和尚。問云。如何是你行脚事。師曰。癡狂外邊走。聖云。爾因甚到者裏。師曰。一等共行山下路。眼頭各自看風烟。聖云。只恐詐明頭。師曰。和尚也不得壓良爲賤。聖深肯之。師得法後。闢玉龍名弘法寺。上堂大道無形至真無名。隨方示化。轉變權衡。靈利漢連得些子。便解布漫天網。散荆棘。林攪長河爲酥酪。變大地作黃金。坐微塵裏。轉大法輪。頓使一切衆生。同見同明。同得同證。衲僧分上。如龍得水。似虎靠山。然雖與麼。猶是化門邊事。若論向上一路。直得三世諸佛。口挂壁上。歷代祖師。忍氣吞聲。只如黃檗打臨濟三頓痛棒。且道是向上一路耶。是化門邊事耶。良久云。鴛鴦繡出自金針。更把金針度與人。喝一喝下座。

鎮寧列峰大千宗月禪師。蜀籍廣安白氏子。僧問牛度窓。欄頭角四蹄都過了。因甚尾巴過不得。師便打。

云不快底漆桶。進云。怎麼則搖頭擺尾去也。師云。切忌挨著別人。示衆。威音那畔絕諸訛。直下承當已錯過。珍重本來端的處。風吹石白念摩訶。小參什麼物。兮。怎麼來捏不成團。擊不開踏著秤。錘原是鐵天高雲淨。月初回月回。且置祇如古人道。修證卽不無。污染卽不得。諸人又作麼生商量。卓拄杖一下云。狀元原是天生定。莫把馮京作馬涼。

語賢英禪師法嗣

習安永峰慧鏡常禪師。本郡王氏子。母吳氏。在城禮恒。聞荆染參獅山語賢和尚。印可。師易建永峰爲投老處。僧問。如何是佛。師曰。山僧是普城人。僧云。如何是祖師意。師曰。上山氣喘。僧云。以何法治。師曰。坐坐再行。

清鎮普照慧知寂雲禪師。本境劉氏子。禮本寺聞旨。披剃。依黔靈赤松老人圓具。參獅山語賢和尚。印證復志行脚。同蓮舟遊楚途間。嘗咏持戒參禪無繩自縛。總不與麼歷歷落落逢人。若問祖師意。向道帽子頭上著呵呵。

古源鑑禪師法嗣

定番九龍月恒眞昇禪師貴陽章氏子於本境圓通寺禮冰雪披荆始參慧林和尚緣不相契後參古源鑑發明親承印證源示寂後衆勉師繼席師不允遂掩關於臥雲室內

黔南會燈錄卷第七

黔南會燈錄卷第八

習安天龍 如純 輯

月峰琰禪師法嗣

安平天台省參海寧禪師蜀籍周氏子寓黔之安順州始生於乾塘潮音寺禮自然披荆參本山月峰和尚印可峰圓寂後衆勉師繼席復掩關於隱倪堂三載出關常居此山上堂打破玄關放出鐵錫冲破虛空作兩邊巖前石女點頭笑且道他笑箇甚麼笑山僧自顛還自倒喝一喝下座上堂戒是根基行是牆輕遮重難謹隄防破山老人恁麼道祇知開口

易不覺舌頭長海寧則不然戒是根基行是牆寒則向火熱乘涼不是渠儂生我慢都緣箇事絕商量於中還有絕商量底麼正好出來掀倒禪牀喝散大衆正恁麼時不惟捉敗破山老人要且落得一場快便有麼如無山僧直得曲垂方便去也遂說戒下座上堂卓拄杖云佛佛授受者箇祖祖相傳傳者箇古今天下老和尚橫說豎說說者箇盡十方湖海衲子橫參豎參參者箇且道者箇是箇甚麼良久曰切忌卜度上堂箇事元無巴鼻一一却有來由路行動步翫月擡眸乾坤盡在眼底何必更上高樓山悠悠水悠悠廓徹圓明一鑑收喝一喝下座上堂卓拄杖云無量法門百千妙意總向者裏百雜碎了也更教寧上座搖三寸舌鼓兩片皮說黃道白指東畫西終是不做何故嚮人平不語水平不流

頂相慕禪師法嗣

習安雲鷲禪那廣靜禪師本境陶氏子幼時父母送至本山禮本師頂相和尚剃染具足隨頂三十餘年未離座右頂書源流付囑師立志韜晦故堅讓之頂

寂後師承頂衣鉢繼席此山

衡嶽規禪師法嗣

鎮遠迎仙濟菴普靜禪師。粵西平樂宋氏子。寓石阡鳳凰禮衡嶽。披荆於施秉。西林堂依雲徹具足。復參衡嶽和尚印證。住施秉之永祥。重關迎仙。專苦接納後事不記。

竺懷印禪師法嗣

習安石霞。石聖禪師本郡程氏子。母陳氏在城圓通寺。禮明心剃染。矢志行脚。從玉真山偕本師竺懷遊滇。至五華寺參半生老人。圓具。老人示同看萬法歸一話。一齊打翻漆桶。後老人印證。懷時曾謂此子當嗣爾之後。懷遵老人命。不忍捨師。師輔懷歸黔。住玉真十有餘載。竭力領衆。不憚汗勞。遂承印可。後辭懷過五村重關。石霞爲投老之所。門弟子爲師預建塔於山麓。上堂霞峰小小衆。山圍繞曲水盤旋。明堂恰好不假些子安排。自是地設天造。到者裏只貴人境相宜。自然一切皆爲至道。且如何是至道。良久云。不因紫陌花開早。爭見黃鶯下柳條。卓拄杖下座。

上堂手持執足。運奔眼觀色兮耳聞聲。惟有舌頭要說話。更不與人論疎親。既是說話。因甚麼又不論疎親。卓拄杖一下云。遠親不若近隣。上堂卓拄杖一下云。天晴日出。又一卓云。下雨地溼。又一卓云。諸仁者。還知霞山拄杖子爲人落處麼。釋迦老子四十九年口吧吧地。何曾說到者裏。山僧今日雖是一片婆心。檢點將來。也是施錢造罪。且道是甚麼罪。復卓一卓云。我無辭焉。

習安玉真。立一如海禪師本郡孫氏子。年十三在總持菴。禮本師竺懷剃染。並以具足印可。後住本山終老塔於山麓。世壽四十九。

祖鼻最禪師法嗣

安順靜明媚霽宗禪師。河南汝寧蔡氏子。九歲時值世亂。竄嶺南。忽染瘴疾。因發出塵之念。疾愈。皈依雪巖靜主。乞示念佛公案。後遇舌響指參。月幢老人於滇之石寶山。禮本寶剃染。復依幢圓具。參祖鼻印可。上堂向上。向下掘地覓天。求佛求心。泥中洗土。爭如何者。裏一時坐斷。報化佛頭。似桶底脫去。始謂之。

了事人宗上座尋常在孤峰頂上豎坐橫眠今日被人推出不免向羣隊裏弗顧危亡與衆兄弟聊露一線遂以拂子召衆云且道者一線是心耶是佛耶良久云鴛鴦繡出從君看不把金針度與人拽拄杖下座頌萬法歸一話一歸何處處空碎獨許石人側耳聽應物隨機閒轍侵晨紅日麗山新

善權位禪師法嗣

貴陽觀音普濟大闡禪師安南陳氏子印心於松巖善權和尚上堂慈雲山中打鼓觀音菴裏上堂拄杖子踈跳上搗搗堆頭撞着峨嵋普賢願王說些老婆禪暑暑堆堆使多聞阿難陀結集不來賺得昔年譯經底鳩摩那翻梵語爲唐言報道囉囉哩哩鉢囉孃上堂德山入門便棒明賞暗罰臨濟逢人便喝春令冬行出格底不遭陷弄具眼者那被熱瞞所以向上關板千聖同源箇中消息諸佛無異如電光石火豈容眨眼若是俊傑拶著便知何待入水入泥其或鈍滯早已鑊過新羅還委麼動容揚古路弗墮悄然機小參臨濟家風德山要訣一棒一條痕一

掌一握血隨機應機以楔出楔用老婆心爲人直切幾箇知恩解報恩莫道吾儕虛饒舌小參山僧有一訣入道最親切勿以聲色求莫將心意測擬更問如何拄杖劈頭楔

普安松巖天一大悅禪師楚南呂氏子因亂入黔寓安南龍潭寺禮無震披剃參善權和尚在松巖一日侍權與官人持論楞嚴經至世尊舉手問阿難處忽然有惺遂以白權權卽印證權寂後師繼席此山十餘年一日示微恙白衆囑後事畢趺坐而逝塔於寺西之老塔山世壽六十七僧臘四十上堂拈拄杖云啓祖翁門戶展古佛家風卓一卓云關人天正路掃蕩邪宗又卓一卓云正法眼藏一時流通汝諸人還知松巖拄杖子爲人處麼有向者裏承當底朝打三千暮打八百有向背地裏吐舌底亦與三十棒未必肯容何故響復卓一卓云天上有星皆拱北人間無水不朝東舉寶壽開堂三聖推出一僧壽便打聖云與麼爲人瞎却鎮州一城人眼去在壽擲下拄杖歸方丈師云二大老恁麼作略將謂據令而行怎奈

傍觀者。晒松巖門下。只好一坑埋。却且道。他過在甚麼處。具眼者。試定當看。上堂。德山棒如雨點。臨濟喝似雷奔。何殊亂世英雄。迦摩竭掩室。淨名毗耶杜口。正似太平奸細。直教列在下風。方乃揭示。向上巴鼻。且如何是向上巴鼻。良久云。直饒向者裏薦得。分明也是一場特地。上堂。廬陵米。鎮州蘿蔔。山僧尋常受用得快。今日特爲諸人拈撥。還會麼。若會得。且許途中受用。若也不會。三箇成羣。四箇作隊。則且置。祇如山僧自納。敗缺諸人。還知落處麼。良久云。三生六十劫咄。上堂。卓拄杖一下。云。三世諸佛也如是。歷代祖師也如是。天下老和尚也如是。悅上座到者裏也。不得不如是。且道如是箇甚麼。復卓一卓云。我見燈明佛。本光瑞如此。上堂。禪禪。禪語默動靜。體安然。道道。道喫飯穿衣。誰欠少。既然如是。因甚麼善財童子。歷一百一十城。烟水參五十三員。善知識然後復見文殊。方纔得了。且道了後。如何花開上林。不是春日出扶桑。不是早。上堂。新年頭。佛法鏡清。道有也好。與三十棒。明教道無也好。與三十棒。何故。

佛法論箇甚麼。有無直饒。箇箇不有不無底。正好劈脊便棒。何以如此。卓杖一下。云。拄杖開封。當仁不讓。頌觀明星話。一觀明星眼界寬。大千無處著羞慚。分明雲散家家月。枉受深山六載寒。萬法歸一萬法歸一一。歸何漁翁江上釣。烟波蘆花兩岸偷開眼。戲水鴛鴦遠避過。

安南廣福。虎峨大照禪師。楚之江陵陳氏子。在雲南宜良石寶山。禮月幢和尚。剃染依黔之普安松巖善權圓具。印可住廣福。僧問。如何是祖師西來意。師舉果碟云。核桃一把。抓僧曰。核桃一把。抓是多少。師云。前三三後三三。僧曰。前三三後三三。又是多少。師云。汝也沒量罪過。我也沒量罪過。僧曰。爭奈君子一言。既出。四馬難追。師便打云。因憐三尺子。失却兩行眉。師終廣福塔於寺側。

安南萬壽。審實本照禪師。西蜀易氏子。幼失怙怙。自發心於本境小菴。禮一行僧。薙髮矢志行脚。至黔之普安松巖山。禮善權和尚。求受具足。權深器之。嘗將狗子無佛性話。追究一日。出坡挑柴。因柴担頭脫忽。

然有省卽書偈曰甚奇怪甚奇怪刷脫兩頭中間在無始劫來是今朝不識今朝頻納敗持以白權權曰青天白日見神見鬼作麼師曰從今向後再不受老和尚欺瞞也權曰饒你識得今朝要且他時後日有事在師曰他時後日有甚麼事聲未絕權卽亂棒打出次日書源流付囑師住安南萬壽開法接待二十餘年始終一揆乙丑孟冬一日示寂塔於西門外之晴龍山麓上堂一念不生萬緣頓息常光見前孤明歷歷更說甚麼向上事格外機檢點將來也是糊餅裏呷汁還會麼著衣免寒喫飯止饑擬問如何打折驢脊師一日在城檀越家齋次一士問三教之中那一教爲尊師曰問則總不尊也士曰據老和尚道總無分別也師曰也不得饒伺士曰怎麼則畢竟是那教爲尊師曰象呌地皮震士曰老和尚與麼則相戲弄也師曰戲弄則墮地獄如箭問僧甚處來僧曰安籠來師云聞大扁山被人偷去是真麼僧曰和尚何得當面誑語師曰你真實道看僧無語師曰龍頭蛇尾漢出去僧問如何是雲門餅師云半

斤一箇僧曰某甲不問者箇餅師云料汝受用不得普安碧雲但障聖目禪師江右熊氏子寓黔之安南生隨父於獨秀山披剃參善權和尚印心上堂前釋迦後彌勒無端各各妄分別如來禪祖師訣堪笑人人總被惑碧雲怎麼批判且道意在甚麼處卓杖一下云人間無水不朝東天上有星皆拱北喝一喝下座上堂雲門乾屎橛洞山蘿三斤等閒忽拈出疑殺許多人於中還有不疑底麼出來試道道看僧纔出師便打云吾行荒草裏汝便落深坑直打下座上堂拈起拄杖云三世諸佛用不盡歷代祖師用不盡古今天下老和尚用不盡今日落在碧雲手裏且道又作麼生卓一卓云堪行正令上堂擡眸不見天低頭不見地人間三尺子都來道不是饒你道得是拄杖子亦未肯相許咄上堂大光明藏八面玲瓏含融十虛通貫古今乾坤以此覆載日月以此照臨聖人以此治化諸佛以此傳心歷代祖師並天下老和尚以此扶宗荷教豎立門庭開權顯實接物利生且道禪僧門下當作箇甚麼十字街頭破草鞋

喝一喝下座。小參參禪沒甚奇特。唯要生死心切。無明窠窟。掀翻凡聖路頭。勦絕直下。及第心空。自然大休大歇。且道歇後如何。良久云。確嘴忽開花。磨盤時結果。

習安天龍善一純禪師。本郡張氏子。母陳氏。在法海寺禮靈光老宿。披剃依頂相和尚具足。參香。權和尚印證。復志遍遊。自浙歸里。住天龍山。次遷松蘿。復住天龍。上堂。天龍峰頂別是人間猿啼嶂。外鳥噪雲邊。不是目前法。亦非心外事。掀翻陳年骨董。揭舒象外幽玄。玉壺影裏。劫初前亘古乾坤不變。且作麼生是應時及節底句。喝一喝。云。禹力不到處。河聲流向西。上堂。打梆出坡。打板過堂。會則神通妙用。不會則業識忙忙。咄。切莫壓良爲賤。卓杖一下。云。鳬脰短。兮鶴脰長。上堂。春日熙熙。和風習習。岸柳搖金。溪桃吐赤。突出威音那畔。揭示衲僧巴鼻。明歷歷親的。因甚。惟道江南三月鷓鴣啼。天龍門下打折驢脊。上堂。大盡三十日。小盡二十九。三世諸佛不知有。鷲奴白牯却知有。且道。知箇甚麼。雲中木馬嘶海底。

泥牛吼驚起。夜叉神蹕跳上岸。瞠眉努目。一。一面南看北斗。中秋上堂。寶月放光。丹桂飄香。兩彩一賽。鼻孔昂藏。正恁麼時。直饒道好。修行好。供養禪歸海。經歸藏。總好。喫龍山痛棒。何以分明。有月落波心。自是無雲生嶺上。喝一喝下座。上堂。我宗無語句。亦無一法與人。德山老漢。背月逃影。掩耳偷鈴。殊不知山河大地。草水叢林。文殊普賢。無處藏身。牆壁瓦礫。忠國師一生受用。不盡立雪斷臂。與安心眼裏無筋。一世貧喝一喝下座。上堂。禪禪。禪。饑來喫飯。困來眠道道。道。城樓五鼓。金鷄叫。除却禪去。却道夜半日頭紅。果果於此者。裏知分曉。月明簾外。轉身早。是則是。只是衲僧門下。未免攔胸踏倒。上堂。春寒秋熱。隆冬下雪。梅花開放。嶺頭路上。行人欲歇。不歇何故。不歇眼觀東南意。在西北。殊不知饒你走遍天涯海角。踏翻茶陵橋板。豁然大悟。天龍拄杖子。緩緩向你道。明月蘆花一樣看。鷺鷥立雪非同色。一喝。上堂。備備。侗侗。顚顚。預預。正是全體大用法。法分明。頭頭合轍。未免遍地葛藤。天龍只知饑來喫飯。困來打眠。

夢昇兜率猶未惺。金鷄啼唱五更天。中秋上堂。月圓月缺。猶是幻中境界。桂開桂卸。無非世諦馨香。於中有箇亘古亘今。不開不卸。無圓無缺。底亦不可作奇特商量。若作奇特商量。脚跟下便與三十痛棒。何故好肉上不許剜瘡。上堂。南泉斬貓。歸宗斬蛇。有例不可與。無例不可缺。咄。仁者不憂。知者不惑。卓杖一下。云。珊瑚枝枝撐著月。上堂。歷歷明明。古今不變。繩鼓墜堂。全機展演。坐立儼然。相呈覲面。卓杖下喝。壓良爲賤。智者猶迷。愚者取辨。離智絕愚。好看方便。甚麼方便。呵呵。倒騎驢兮入佛殿。臘八日上堂。奇哉三歎。觀明星漏逗一場。冤莫伸。千古無人能雪。釋瞎驢瞎馬。趕成羣。卽今還有爲釋迦老子雪。釋得底麼。緩緩著。是非已落傍人耳。洗到臘年也不清。元旦上堂。說新又不新。道舊亦非舊。新舊兩無干。冷灰重爆豆。既是新舊無干。因甚却成冷灰爆豆。莫不是本來無新舊。由自強名模。恁麼見解。作他座主奴。也未得在還分析得麼。不萌枝上含春色。鐵樹花開遍界香。上堂。胡來胡現。漢來漢現。遂喝。一喝云。虛。

妄浮心多諸巧。見作麼生是真實底。句蓋子撲落地。碟子成七片。上堂。年年說月月說。日日說時時說。在在說處處說。說塵說刹。說說無間歇。諸人還會麼。不見道。烏石嶺與汝相見了。也。山門頭與汝相見了。也。僧堂前與汝相見了。也。還會麼。癡人面前不得說夢。上堂。處處真處處真。塵塵刹刹本來人。者般說話。唱教門中足可觀。光祿僧門下未免白日見鬼。且道。衲僧門下又有甚長處。良久曰。衲被蒙頭萬事休。此時山僧都不會。元宵上堂。日月燈明佛互相爲晝夜。亘古不相違。此夜最親切。最親切年年正月半。便是元宵節。壁上挂燈籠。空中懸寶月。嘉州大象趁光明。陝府鐵牛生歡悅。休歡悅。看來也是證龜成鼈。上堂。一往直行茫茫宇宙。千差坐斷死水澄潭。饒你運用無虧。隨緣得妙。也是杓卜聽虛聲。且道。總不與麼時如何。良久曰。風送白雲飛嶺外。水流黃葉到江心。因事上堂。箇事見成本無欠。剩豈欺未明。可憐不信呵呵。也是爲他閒事長無明。達磨忌拈香。梁皇殿上道不識面。赤不如語直。少室峰前癡面。

壁多虛不如少實。當時隻履西歸而今討甚。巴鼻有巴鼻。無巴鼻。插香云。萬古清風吹何極。上堂。恁麼也不得不恁麼。也不得毫釐有差。天地懸隔。所以道一切賢聖皆以無爲法而有差別。不差別。踏著秤鈞原是鐵喝。一喝下座。示衆。當陽一句截斷衆流。充塞十虛了。無向背。諸佛諸祖出身無路。天魔外道覷捕無門。只得盡乾坤大地日月星辰森羅萬象情與無情。蛭飛蟻動一切含靈同一體證。同一受用。同一圓明。於中不見有纖毫生佛之相。不見有纖毫凡聖之名。不見有纖毫見聞之性。不見有纖毫取捨之心。不見有纖毫生滅之狀。不見有纖毫動靜之形。不見有纖毫得失過患。不見有纖毫物我之分。所以道天地同根。萬物一體。到者裏如擊石火閃電光。會與不會總是當人歷歷明明。本自見成底事。無欠無餘。纖毫不昧。祇因一念緣起不定。逐境生情。隨情轉念。隨念分別。有天有地。有物有人。有佛有祖。有凡有聖。有取有捨。有見有聞。有生有滅。有動有靜。於動靜中故起種種生滅。於生滅中故有種種知解。於知解中故

有種種凡聖之論。於凡聖中故有種種妄想執著。於妄想執著中故有種種取捨。於取捨中故有種種分別。於分別中故有種種散亂。於散亂中故有種種顛倒。於顛倒中故成種種過患。於過患中故使種種不安。種種不和。種種不寧。種種不靜。所以道萬法本閒。惟人自鬧。果實一念緣起。無生自然。當下脫體風流。那有許多之謂到者裏。若是箇漢。直教翻轉面皮掉轉腳手。掀翻海嶽。撥亂乾坤。指南作北。換斗移星。等閒向淨白地上撒沙撒土。立主立賓。立照立用。立境立人。立立立要立縱立奪立殺立活立收立放立賞立罰。一切由已。亦然道有生有佛也得。有凡有聖也得。有見有聞也得。有取有捨也得。有生有滅也得。有動有靜也得。又說甚麼得失過患。物我分別。所以道法不孤起。仗境方生。法隨法行。法幢隨處建立者。豈不是盡乾坤大地日月星辰森羅萬象情與無情同一體證。同一受用。同一圓明者哉。者些且置。更作麼生是當陽一句還會麼。咄。青天白日寐語作麼。示衆。大道無形。真空絕跡。會與不會總在裏許。若也於

中分縑素辨玄微。論是非。正是取螢火燒須彌。若也
總不恁麼。切忌玉石同觀。金沙混積。所以道恁麼也。
不是不恁麼。也不是恁麼。不恁麼。總不是到者裏。直
須別有向上一路。始見衲僧巴鼻。且如何是衲僧巴
鼻。烏龜鑽敗壁。鷄向三更啼。示衆一句截流萬機。
寢削十方坐斷。無去來今。一道坦然。渾無邊畔。豁開
正眼。大地山河。無寸土。列回光。相本來夜暗。與日明。
自是清風生八極。得來明月照乾坤。到者裏。塵塵利
利。全彰古佛家風。法法頭頭。總是當人機用。還得麼。
果若得到恁麼田地。達磨不來東土。二祖不往西乾。
佛法流遍天下。空生枉立巖前。不然一片白雲橫谷
口。許多歸鳥盡迷巢。喝一喝。示衆若論此事。別無
奇特。山僧有箇方便。不惜眉毛。與你諸人下箇註脚。
還委恁麼。遂卓拄杖一下。云者箇便是最初句。良久。
云者箇便是向上句。還有末後一句。在你諸人肚皮。
餓了要飯喫。處薦取於此。薦得明。信得及。方知飯是
米。做鍋是鐵鑄。若信不及。正好向三家村口十字路
頭。把定待有人。撻犁拗耙。趕牛來時。你便問他。做甚。

麼事去。他自向你道得親切。若再不信。直饒釋迦彌
勒也。奈你不何。自是你無靈種。要且怪別人不得。設
若信了。山僧還有一句。再向你道。如何道。毗婆尸佛
早留心。直至而今不得妙。

黔南會燈錄卷第八終

黔南會燈補續錄

聖可玉禪師法嗣

都勻續燈寂常禪師。楚鄂蒲邑王氏子。母岑氏。適亂
入黔。始生。年十三。聞母誦金剛經。動出塵念。從本菴
巨微。苾芻。依實筑。東山梅溪和尚。具足參。四川華嚴
聖可和尚印證。示衆真空本湛然。幻翳從何起。佛
祖假虛名。度生亦昧語。若是過量人。不用頻頻舉。一
口涸西江。一擊忘所止。掉臂出長安。難瞞拄杖子。且
道拄杖子。有甚長處。腦後見腮。不與往來。
都勻無瑕玉禪師。本郡徐氏子。出家於開化殿禮

參實爲師。依天野廣恩和尚圓具。師善操守。有不出
爲人之舉。數十年。以枯澹自若。臨終。據座示衆坐脫。
世壽五十一。僧臘三十六。

壁林門禪師法嗣

平越蘆坪慈門竺崖性禪師。蜀東墊邑朱氏子。出家
於安順圓通寺。禮恒明剃染。依語嵩老人具足。參壁
林和尚印可。佛誕日上堂。指天指地。獨稱尊個事。
還他過量人。霍曇露盡深深意。幾個知恩解報恩。即
今還有知恩底麼。有慈門拄杖子。打教拆也。未放手。
在何故。禡僧門下。賞罰分明。師臨終說偈。示衆坐化。
塔於本山之陽。世壽六十三。僧臘四十餘。

緇門世譜

清・迅雷明喜等

編



終南山天龍會集緇門世譜

釋氏源流五宗世譜定祖圖序

傳燈錄云古佛應世緣歷無窮不可以周知而悉數也故近譚賢劫有千如來暨於釋迦但紀七佛案長阿含經云七佛精進力放光滅暗冥各各坐樹下於中成正覺又曼殊室利爲七佛祖師金華善慧大士登松山頂行道感七佛引前維摩接後今之撰述斷自七佛而下故迦流於莊嚴劫七佛以來號至釋迦文降靈之後爲天竺中華傳法之始祖也住世四十九年後告弟子摩訶迦葉吾以清淨法眼涅槃妙心實相無相微妙正法不立文字教外別傳密付於汝汝當護持併勅阿難副貳傳化無令斷絕由是相繼二十八代傳至菩提達磨後達磨復持佛祖一枝正法眼藏併世尊衣鉢航海西來東至嵩山少林寺面壁九年又爲東土之始祖也於是繩繩蟄蟄代代不絕二祖有慧可大祖禪師三祖有僧璨鑑智禪師四祖有道信大醫禪師五祖有弘忍大滿禪師六祖有慧能大鑒禪師自六祖下並出兩枝一曰青原行思

禪師一曰南嶽懷讓禪師其後列五宗者又以二師爲始祖也青原下出石頭希遷禪師遷下復出二枝一曰藥山惟儼禪師一曰天皇道悟禪師儼下出雲巖曇晟禪師晟下出洞山良价禪師价下出曹山本寂禪師由是遂創立曹洞一宗天皇下出龍潭崇信禪師信下出德山宣鑒禪師鑒下出雪峯義存禪師存下復出二枝其一曰玄沙師備禪師一曰雲門文偃禪師由是遂創立雲門一宗備下出羅漢桂琛禪師琛下出清涼文益禪師以示寂後起塔謚大法眼禪師由是遂創立法眼一宗以上三宗俱青原之後也又南嶽下出馬祖道一禪師一下出百丈懷海禪師海下復出二枝一曰潯山靈祐禪師祐下出仰山慧寂禪師由是遂創立潯仰一宗一曰黃蘗希運禪師運下出臨濟義玄禪師由是遂創立臨濟一宗以上二宗俱南嶽之後也爰自六祖下分青原南嶽二大枝二大枝下復分潯仰臨濟曹洞雲門法眼五小枝是爲五宗以應一花五葉之議此乃天倫有序源遠流長之定式也喜遵傳燈錄考之則六祖下第五世

並有滄仰臨濟第六世方有曹洞第七世始有雲門
 第九世纔有法眼後人錯亂豈可昧却源流古序乎
 故謹按傳燈錄編集釋氏源流五宗世譜定祖圖併
 五宗法派正枝旁出沿流分派淵源所自一類相從
 彙成一帙付梓刊行諸方使後之世代雲仍辨魔揀
 異捨邪歸正知師資授受之有源衣鉢傳持之有本
 矣是爲序

皆

大清康熙歲次癸未孟夏佛誕日中興陝西西安府
 華州城東南十五里入終南山猛虎峪太頂二十
 里許古蟠龍山寺傳臨濟正宗第三十三世子肅
 超遠和尚法嗣創開建正興陝西西安府華州城
 西南十五里入終南山赤帝峪又名馬家峪今名
 勅德峪太頂二十里許天龍山寺傳臨濟正宗第
 三十四世迅雷明喜禪師全十方緇素人等盥沐
 焚香稽首撰輯敬刊

目錄
 序
 圖
 宗
 派

祖圖

初祖遠鑿。二祖慧可。三祖僧璨。四祖道信。
 五祖弘忍。六祖慧能。六祖下有兩枝。一曰青原行
 思禪師。石頭希遷遷下復出二枝。一曰藥山惟儼
 雲巖曇晟。洞山良价。曹山本寂禪師自此立
 爲曹洞宗

又遷下一曰天皇道悟。龍潭崇信。德山宣鑒。
 雪峰義存存下復出二枝。一曰玄沙師備。羅漢桂
 琛。清涼文益禪師自此立爲法眼宗

又存下一曰雲門文偃禪師自此立爲雲門宗

上三宗乃青原之後也

又六祖下一曰南嶽懷讓禪師。馬祖道一。百丈
 懷海。海下復出二枝。一曰滄山靈祐。仰山慧寂禪
 師自此立爲滄仰宗

又海下一曰黃蘗希運。臨濟義玄禪師自此立爲
 臨濟宗

上二宗乃南嶽之後也。以此遞推遡流則六祖下第
 五世並有滄仰臨濟第六世方有曹洞第七世始有

雲門第九世纔有法眼有何差謬

馮仰宗

仰山慧寂禪師。西塘光穆。資福如寶。報慈德
韶。興陽詞鐸禪師。後嗣無考

臨濟宗

臨濟義玄禪師。與化存獎。南院寶應。風穴延
沼。首山省念。汾陽善昭。石霜楚圓。楊岐方
會。白雲守端。五祖法演。昭覺克勤。虎丘紹
隆。天童曇華。天童咸傑。臥龍祖先。徑山師
範。禪師範下並出二枝。一曰斷橋倫禪師。方山寶
。無見觀。白雲度。古拙俊。無際悟。月溪澄
。夷峰寧。寶芳進。野翁曉。無趣空。無幻冲
。南明廣。其後嗣未錄

又徑山師範禪師範下一曰雪巖欽禪師。高峰原
妙。中峰明本。千巖長。萬峰蔚。寶藏持。東
明岳。海舟慈。寶峰瑄。天奇瑞。無聞聰。笑
巖寶。幻有傳禪師。傳下並出四人。一曰雪橋信。一
曰抱璞蓮。二人後嗣未錄一日天隱修。修下並出四人。即林

皐豫。玉林秀。箸庵問。山茨際。四人後嗣未錄又幻有

傳禪師。傳下一曰天童密雲圓悟禪師。悟下復出一

十二人。即五峰學。漢月藏。破山明。費隱容。

石車乘。朝宗忍。木陳忞。石奇雲。牧雲門。

浮石賢。以上十一人後嗣未錄一日林野通奇。宕山行遠

。奇然超智。文源明燦。後嗣未已一日龍池萬如通

微禪師。餘者未詳一日浮山文弱行盈禪師。盈下

未詳。一日中興陝西西安府華州城東南十五里入終

南山猛虎峪太頂二十里許古蟠龍山寺傳臨濟正

宗第三十三世子肅超遠禪師。遠下有一十。即戒月

慧。心印璽。空谷源。耕雲信。松林友。松雲

澄。善惟朗。際雲闊。半庵瑩。智林接。深雲

瑞。以上十一人後嗣未已一日創開建正興陝西西安府華州

城西南十五里入終南山赤帝峪又名馬家峪。今名

勅德峪。太頂二十里許天龍山寺迅雷明喜禪師。喜

下有一十。即此峰休。空懷心。大權任。瑞雪雨

。大勇進。永志響。永住乾。善水海。般若果

。慧空定。古崖固。以上十一人後嗣未已一日偈曰。始來蟠

龍行無邊。創開天龍。更勝先蟠龍法孫天龍。嗣天龍

二代第一禪。○一日涌蓮實開禪師。開下有一十人。即

中株松。大豎立。萬行修。惟修安。須彌弘。

秀山勤。慧目定。貫周通。靈珠光。天心順。

慧靈珍。以上十一人。○一日威山際魁禪師。勝登

了然。後嗣不已

曹洞宗

雲居膺禪師。同安丕。同安志。梁山觀。大陽

玄。投子青。芙蓉楷。丹霞淳。長蘆了。天童

珏。雪竇鑑。天童淨。鹿門覺。青州辨。大明

寶。五山體。雪巖滿。萬松秀。雪庭裕。靈隱

泰。還源遇。淳拙才。松庭巖。凝然改。俱空

斌。無方從。月舟載。大章書。書下復出二枝。一

曰廩山忠。壽昌經。經下復出四人。即闕然謚。○鼓

山賢。○博山來。○東苑鏡。○天界盛。其後嗣俱未錄。又書下

一日大千潤。潤下復出二人。一日大覺念。雲門澄

後嗣未錄。又潤下一日無言道。○心悅喜。○彼岸寬。後嗣未錄

雲門宗

雲門文偃禪師。香林遠。智門祚。雪竇顯。天

衣懷。慧林本。長蘆信。慧林深。靈隱光。中

竺妙。光孝深。禪師。後嗣無考

法眼宗

清涼文益禪師。清涼欽。雲居齊。瑞巖海。翠

巖元禪師。後嗣無考

偽仰派計二十字

派曰崇福法德慧普賢行願深文殊廣大智成等正

覺果

臨濟派計二十字

派曰慧正普覺智圓通湛寂清廣演法界性永遠德

弘宗。○至第十三世法鑒禪師。嗣法門人福慶號雲

巖。旁出一枝計三十字

派曰福德弘慈廣普賢覺道成利益無邊量宗本永

興隆。妙悟恒常滿。自性證圓融。○又第十四世界源

禪師。嗣法門人金號碧峰。又旁出一枝。計四十八字

派曰智慧清淨道德圓明真如性海寂照普通心源

廣續本覺昌隆。能仁聖果。常演寬弘。惟傳法印。證悟

會融堅持戒定永繼祖宗○接此派又新續一枝計四十八字

派曰湛然法界方廣嚴宏彌滿本覺了悟心宗惟靈廊徹體用周隆聞思修學止觀常融傳持妙理繼古賢公信解行證月朗天中○又碧峰下第二世鵝頭禪師於北京西山建萬壽城壇橫出臨濟一枝計二十四字

派曰清淨道德文成佛法能仁智慧本來自性圓明行理大通無學○又碧峰下第四十七世祖定禪師入閩住雪峰山後旁出一枝計二十字

派曰祖戒戒定慧光正圓通行超明實際了達悟真空○又祖定禪師下第十三世明燦禪師入晉住中條山萬固寺又橫出一枝計二十字

派曰明德義幽玄昭然廓性天慧燈聯海焰萬固永流傳○又祖定禪師下第十三世創開建正興陝西西安府華州城西南十五里入終南山赤帝峪又名馬家峪今名勅德峪太頂二十里許天龍山寺傳臨濟正宗第三十四世迅雷明喜禪師遵上祖定派下

至第二十空字畢後續出一枝計二十字後續枝派曰智種金剛子天龍寶地生法雨心苗勝華開果弘靈

曹洞派

曹洞下有少林祖庭併江西豫章兩派其豫章派計十八派曰清淨覺海圓弘廣悟本真常慧性寬祖道

興隆傳法眼普周沙界定心安○至第十二世慧經禪師入江西壽昌旁出一枝計二十字派曰慧圓道大

興慈濟悟本傳燈續祖光性海洞明彰法界廣弘行願證真常○經下又旁出博山大巖禪師復續一枝

計二十派曰元道弘傳一心光照普通祖師隆法眼永播壽昌宗○其少林派計七派曰福慧智子覺了本

圓可悟周洪普廣宗道慶同玄祖清淨真如海湛寂淳貞素德行永延恒妙體常堅固心朗照幽深性明

鑒崇祚表正善禧祚謹愍愿濟度雪庭爲導師弘汝飯玄路○又第六世旁出蓬鵲山興化寺一枝計二十字

派曰了因明祖道覺海永洪宣普度大千界同登般若船○又鵲山下至彼岸寬復新出一枝計一百派

曰覺海永洪宣授傳宗正脈退衍善慶福隆自性周

偏本來圓通真智妙理清淨澄明實相寂照慈憫利

生平等普度方廣權衡教啓賢哲戒行克功學緣悟

達法在信能止觀定慧聞思修崇莊嚴品位立契參

同德充果滿佛圖續燈秉持心印師範寰中我願如

是世宜敷從彼岸爲祖貽訓雲仍嗣先昌後萬代常

興○又賈菩薩萬安禪師旁出一枝計三十派曰廣

崇妙普洪勝禧昌繼祖續宗慧鎮維方圓明淨智德

行福祥澄清覺海了悟眞常○又虛照大師旁出一

枝計一十派曰弘子友可福緣善慶定慧圓明永宗

覺性○至無極明信禪師復續一枝計一十派曰性

能廣達妙用無方蘊空實際祖道崇昌○又萬松禪

師後立一枝計二派曰行從慧智立貫徹入環中化

統三千界弘開洞上宗○至智洪禪師又岔一枝計二

十派曰智信定德寶志善了道行妙淨本明眞正法

惟思敬又續敬謹修持功成福慶緒續新燈圓通自

性普度大千權衡曹洞衣鉢傳來萬松祖令○又妙

相決定禪師復岔一枝計二十派曰淨善香然喜敬

宗萬光瑞寶顯朗燈世界皓月宣圓照通天了道貫

乾坤

雲門派計二十字

派曰優曇從廣政了性悟眞如德智圓通品方知紹

祖燈

法眼派計二十字

派曰祖智悟本眞法性常興勝定慧廣圓明覺海玄

清印

以上五宗五派原宗大綱流行天下也其餘不

從正枝正葉接派分宗惟憑各人一時家風興

勝隨機自立一枝尚有三十餘家不知自何宗

岐至此俱無實考一槩不曾強入後人須明正

派切莫涉於別岐欲窮始末根本宜以斯爲指

南定式云爾



終南山天龍會集經門世譜終

南嶽單傳記

清

•

繼起弘儲表
南潛評



南嶽單傳記自序

詳夫釋氏之爲法於天下後世。一日宗。一日教。宗所以明道也。教亦所以明道也。迦文騰口四十九年。開疆闢土。末後以教外別傳之一宗。鄭重付飲光尊者。并敕慶喜副貳傳化。次第二十六代說法度人。無算機鋒。往復以貌取之。說通也。而宗眼在句身之外。非的的印心上。士不知其爲宗。通達磨氏荷法西來。法運在革。革轉而鼎。正位凝命。廓然無聖。匪從人得。天衢初開。言路不設。大用現前。勿存規則。如是五傳。而得根性猛利之獍。獍竝包東西。雙流并注南嶽。應識出一馬駒。忽雷拔地。雲開九天。眞丹旗甲一新。直至於東山。昭覺吐詞刀鋸。豈是宗通。而焰中之雪。鐵縫之花。不主說通。而說通之用。悉備自漢明帝朝。佛法入中國。教之流行久矣。達磨氏荷法西來者。蓋以人心流轉。歷劫不停。門門生死。剎那立現。理障猶礙。正知見所賞。一句當天。單刀直入。若復一意依通言詞之尙。則何有于教外別傳哉。後來確確悟明者。波瀾浩濶。雖方便說通。截流不負。日浸歲潤。忘心外馳。炫

六代之繁華。味唐虞之黼黻。久假不歸。烏知非有弘儲痛念。從上恩德。碎身罔報。作南嶽單傳記表而出之。法子住堯封南。潛克體師心。共圖返古懸救。方來六十九代祖宗。實式臨之。繼住福嚴。嗣法吳靈。嚴弘儲謹序

南嶽單傳記

福嚴禪寺嗣祖沙門吳靈嚴弘儲表

始祖釋迦牟尼佛賢劫第四尊。姓利利。父淨飯王。母摩耶利氏。自天地更始。閻浮洲初闢。已來世爲王。佛歷劫修行。值然燈佛。授記於此。劫作佛後。於迦葉佛。世以菩薩成道。上生觀史陀天。名護明大士。及應運時。至乃降神於摩耶。當此土周昭王二十四年甲寅四月初八日。自摩耶右脇誕生。生時放大智光明。照十方世界。地湧金蓮花。自然捧雙足。一手指天。一手指地。周行七步。目顧四方。曰。天上天下。惟吾獨尊。自降生後。種種神異。具如經言。至四十二年。年十九二月八日。欲求出家。而自念言。當復何遇。卽於四門遊觀。

見生老病死四等事。心有悲喜而作思。惟此老病死。終可厭離。於是夜子時。有淨居天人於窓牖中。叉手白言。出家時至可去矣。於是諸天捧所乘馬足。超然凌虛逾城而去。曰。不斷八苦。不成無上菩提。不轉法輪。終不還也。淨飯王思甚。遣其臣勸諭還宮者。萬計。確然不回。入檀特山修道。始於阿藍迦藍處。三年學。不用處定。知非便捨。復至鬱頭藍弗處。三年學。非非想定。知非亦捨。又至象頭山。同諸外道。曰。食麻麥。經於六年。世尊自思。曰。今此苦行。非正解脫。吾當受食而後成佛。即沐浴于尼連河。天爲之偃樹。世尊援之而出。受牧牛氏女所獻乳糜。尋詣畢鉢樹下。天帝化人。擲瑞草以藉坐。景雲祥風四起。紛披天魔。念世尊道成。且受折抑。率衆作難。窮現可怖。可欲諸境。世尊泊然不動。以指按地。大地震魔皆顛仆。於是降之。故經云。以無心意無受行而悉摧伏諸外道。先歷試邪法。示諸方便。發諸異見。令至菩提。乃於穆王三年癸未歲二月七日之夕。入正三昧。至八日明星出時。廓然大悟。成等正覺。乃歎曰。奇哉。一切衆生具有如來。

智慧德相。但以妄想執著。不能證得。時年三十三矣。或云。成道于臘月八日。以周正二月乃夏正臘月也。成道後六年。歸爲淨飯王說法。王大喜。遣其族五百貴子從之出家。○世尊一日陞座。大衆集定。文殊白椎曰。諦觀佛法。法王法如是。世尊便下座。

表曰。如今歷歷聽法者。定當堯封潛曰。一步一萬里。

一祖摩訶迦葉尊者。摩竭陀國人。姓婆羅門。父號飲澤母號香。至過去世爲金師。值毗婆尸佛般涅槃。四衆起塔。有貧女得金珠。懇金師爲補塔中佛像。金面缺處。相與發願。世世爲無姻夫妻。由是因緣。九十一劫身皆金色。及此世與紫金光尼復爲夫婦。梵語迦葉。波此云飲光。蓋以身光名。然夫婦皆清淨。自居無世間想。旋復出家。修杜多行。會空中有神告曰。佛已出世。請往師之尊者。即趨禮釋尊於竹林精舍。佛言。善來比丘。而鬚髮自除。世尊在靈山會上拈花示衆。是時衆皆默然。唯尊者破顏微笑。世尊曰。吾有正法眼藏。涅槃妙心。寔相無相微妙法門。不立文字。教外。

別傳付囑摩訶迦葉○尊者一日踏泥次有一沙彌見乃問尊者何得自爲者曰我若不爲誰爲我爲

表曰有人以福智四事供養四百萬億阿僧祇世界六趣四生隨其所欲滿八十年已後將滴水飲彼自爲不教人爲者前來利益悉皆銷殞堯封潛曰天下老和尚打鼓升堂七十三八十四各各稱名道姓來

二祖阿難尊者王舍城人姓利利帝父斛飯王寔如來從弟也多聞博達智慧無礙世尊以爲總持第一梵云阿難此云慶喜以如來成道日生故名也尊者一日問迦葉曰師兄世尊傳金縷袈裟外別傳個甚麼迦葉召阿難阿難應諾迦葉曰倒却門前利竿著○者一日白佛言今日入城見一奇特事佛曰見何奇特事者曰入城見一攢樂人作舞出城總見無常佛曰我昨日入城亦見一奇特事者曰未審見何奇特事佛曰我入城時見一攢樂人作舞出城時亦見樂人作舞

表曰何處欠少一毫毛堯封潛曰饑逢王饑不能

餐

三祖商那和修尊者姓毗舍多父林勝母憍奢耶摩突羅國人也在胎六年而生梵云商諾迦此云自然服乃西域九枝秀草名出則聖人降生尊者生而此草出昔如來行化至摩突羅國見一青林枝葉茂盛語阿難曰此林地名優留茶吾滅後一百年有比丘名商那和修於此轉妙法輪後百歲果誕和修出家證道受慶喜尊者法眼至此林遂降二火龍龍受三歸遂施其地以建梵宮尊者付法已卽隱于闍賓國南象白山中後于三昧中見穗多徒衆多懈怠乃往彼正之穗多見尊者至頂禮次尊者以右手食指卽有香乳自空而注問穗多曰汝識之乎穗多不測遂入三昧觀察亦不能測乃請曰是果何三昧耶尊者曰是謂龍奮迅三昧如是五百三昧汝皆未之知復曰如來三昧辟支不識辟支三昧阿羅漢不識吾師阿難三昧而我不識今我三昧汝豈識乎是三昧者心不生滅住大慈力遞相恭敬其至此者乃可識之於是穗多弟子皆伏而悔謝尊者復爲說偈曰通達

非彼此至聖無長短。汝除輕慢意。疾得阿羅漢。五百比丘聞偈。已依教奉行。皆獲無漏。

表曰。念此百年質而不憚風露。堯封潛曰。多見饑寒在子孫。

四祖優波毼多尊者。吒利國人也。

亦名優波毼多。又名鄒波毼多。

首陀父善意。十七出家。二十證果。行化至摩突羅國。得度者甚衆。由是魔宮震動。波旬愁怖。遂竭其魔力。以害正法尊者。卽入三昧觀其所由。波旬復伺便持瓔珞摩尊者頸。尊者出定。取人狗蛇三尸化爲華鬘。諭波旬曰。吾此華鬘。酬汝瓔珞。波旬大喜。引頸受之。卽復三尸。蟲蛆臭壤。盡其神通。莫能去之。乃升六欲天。告諸天主。又詣梵王。求其解免。彼各告言。十力弟子所作神變。我輩凡陋。何能去之。波旬曰。然則奈何。梵王曰。汝可歸心尊者。卽能除斷。復示偈曰。若因地倒。還因地起。離地求起。終無其理。波旬聞已。卽下天宮。至尊者所禮足。哀懺尊者曰。汝自今而往。於佛法更不相燒乎。波旬曰。誓向佛道。尊者曰。汝可自唱飯依三寶。波旬合掌三唱。而三尸悉除。踊躍作禮而去。

表曰。劍劍相害。若爲論過。堯封潛曰。歸路羊腸。五祖提多迦尊者。伽陀國人也。初名香衆。優波毼多在世化導。證果最多。每度一人。以一籌置於石室。其室縱十八肘。廣十二肘。充滿其間。最後尊者來。禮穗多。求出家。穗多問曰。汝身出家。心出家。答曰。我來出家。非爲身心。穗多曰。不爲身心。復誰出家。答曰。夫出家者。無我。我故無我。我故卽心不生。滅心不生。滅卽是常道。諸佛亦常心。無形相。其體亦然。穗多曰。汝當大悟心。自通達。宜依佛法。僧紹隆聖種。卽爲剃度。授具足戒。尊者生時。父夢金日自屋而出。照耀天地。前有大山。諸寶嚴飾。山頂泉湧。滂沱四流。穗多爲解之曰。寶山者。吾身也。泉湧者。法無盡也。日從屋出者。汝今入道之相也。照耀天地者。汝智慧超越也。因爲更今名梵云提多迦。此云通眞量尊者。聞已。踊躍述偈云。巍巍七寶山。常出智慧泉。回爲眞法味。能度諸有緣。穗多亦說偈曰。我法傳於汝。當現大智慧。金日從屋出。照耀于天地。如來以大法眼藏。次第傳授。以至於我。我今復付汝。尊者後至中印度。法付彌遮迦說。

偈已踊身虛空作十八變火光三昧自焚其軀

表曰十年春草綠相思在方寸堯封潛曰朝聞鼓動暮聽鐘沉

六祖彌遮迦尊者中印土人國有八千大仙尊者爲首聞提多迦至率衆瞻禮謂提多迦曰昔與師同生梵天我遇阿私陀仙授我仙法師逢十力弟子修習禪那自此報分殊途已經六劫提多迦曰支離累劫誠哉不虛今可捨邪歸正以入佛乘尊者曰昔阿私陀仙人授我記云汝却後六劫當遇同學獲無漏果今也相遇非夙緣耶願師慈悲令我解脫提多迦卽度出家命諸聖授戒其餘仙衆始生我慢提多迦卽大神通於是俱發菩提心一時出家提多迦乃付法說偈曰通達本法心無法無非法悟了同未悟無心亦無法

表曰八臂三頭誰解看堯封潛曰桃符入土

七祖婆須蜜尊者北天竺國人常服淨衣執酒器遊行里闍或吟或嘯人謂之狂彌遮迦遊化至國見雉堞之上有金色祥雲歎曰斯道人氣也必有大士爲

吾嗣乃入城於闍闔間遇尊者持酒器逆而問曰師何方來欲往何所彌遮迦曰從自心來欲往無處尊者曰識我手中物否彌遮迦曰此是觸器而負淨者尊者曰師識我否彌遮迦曰我卽不識識卽非我復謂之曰汝試自稱名氏吾當後示本因尊者說偈答曰我從無量劫至於生此國本姓頗羅墮名字婆須蜜彌遮迦曰我師提多迦說世尊昔遊北印度語阿難言此國中吾滅度後三百年有一聖人姓頗羅墮名婆須蜜而於禪祖當獲第七世尊記汝汝應出家尊者置器禮彌遮迦側立而言曰我思往劫嘗作檀那獻一如來寶座彼佛記我曰汝於賢劫釋迦法中宣傳至教今符師說願加度脫彌遮迦卽與披剃復圓戒相乃告之曰正法眼藏今付於汝勿令斷絕乃說偈曰無心無可得說得不名法若了心非心始解心心法後尊者法付佛陀難提卽入慈心三昧時梵王帝釋及諸天衆俱來作禮而說偈言賢劫衆聖祖而當第七位尊者哀念我請爲宣佛地尊者從三昧起示衆曰我所得法而非有故若識佛地離有無故

語已還入三昧示涅槃相

表曰大空小空堯封潛曰兩稅百姓

八祖佛陀難提尊者迦摩羅國人姓瞿曇氏頂有肉髻辨捷無礙適婆須蜜行化至國廣興佛事尊者於法座前自稱我名佛陀難提今與師論義婆須蜜曰仁者論即不義義即不論若擬論義終非義論尊者知師義勝心即欽服曰我願求道需甘露味婆須蜜遂與剃度而授具戒乃說偈曰心同虛空界示等虛空法證得虛空時無是非法尊者轉付伏獸蜜多法曰忽起本座現大神變却復本座儼然寂滅

表曰海門山長安道茫茫煙水連芳草堯封潛曰

放你橫說豎說無人塞你口

九祖伏獸蜜多尊者提伽國人姓毗舍維佛陀難提到其家見舍上有白光上騰謂其徒曰此家有聖人口無言說真大乘器不行四衢知觸穢耳長者出致禮問何所須難提曰我求侍者長者曰我有一子名伏獸蜜多年已五十口未曾言足未曾履難提曰如汝所說真吾弟子尊者聞之遽起禮拜而說偈曰父

母非我親誰是最親者諸佛非我道誰是最道者難提以偈答曰汝言與心親父母未可比汝行與道合諸佛心即是外求有相佛與汝不相似欲識汝本心非合亦非離尊者聞偈已便行七步難提曰此子昔曾值佛悲願廣大慮父母愛情難捨故不言不履耳長者遂捨令出家難提尋授具戒付法說偈曰虛空無內外心法亦如此若了虛空故是達真如理尊者承難提付囑即超身虛空散衆寶花說偈讚曰我師禪祖中當得爲第八法化衆無量悉獲阿羅漢

表曰若非閻闔負取必定飄露伶俜堯封潛曰言歸恨不早獨立秋風前

十祖脇尊者姓氏未詳處胎六十年將誕之夕母夢白象載一寶座座置一明珠入門乃生生而神光燭室體有奇香及長雖穀食絕無穢滓本名難生後遇九祖執侍左右未嘗睡眠以脇不至席遂號脇尊者九祖付法說偈曰真理本無名因名顯真理受得真實法非真亦非僞初伏獸蜜多行化至中印度尊者父香蓋攜尊者而來瞻禮曰嘗有一仙謂此兒骨相

非常今遇尊者可捨令出家祖卽與落髮羯磨之際祥光燭座感舍利三七粒現前

表曰山失孤峻水喪澄碧堯封潛曰古佛到這裡不肯住

十一祖富那夜奢尊者華氏國人姓瞿曇氏父寶身有子七人尊者最少幼則與諸兄異尙嘗曰若遇大士坐於道場我則詣彼親近隨喜脇尊者從中印土來憩一樹下右手指地而告衆曰此地變金色富有聖人入會言訖卽變金色時尊者合掌前立脇尊者曰汝從何來尊者曰我心非往脇尊者曰汝何處住尊者曰我心非止脇尊者曰汝不定耶尊者曰諸佛亦然脇尊者曰汝非諸佛尊者曰諸佛亦非

表曰掘路上造佛堯封潛曰岫嶺山頭神禹碑字青石赤形模奇

十二祖馬鳴大士者波羅奈國人也亦名功勝以有作無作諸功德最爲殊勝故名焉富那夜奢教被無量得果者且五百矣後至波羅奈國尊者來趨其會富那謂衆曰汝等識此來者耶佛記聖者馬鳴紹吾

法者也於是尊者致禮問曰我欲識佛何者卽是富那曰汝欲識佛不識者是尊者曰佛既不識焉知是乎富那曰既不識佛焉知不是尊者曰此是鋸義富那曰彼是木義富那問鋸義者何尊者曰與師平出尊者却問木義者何富那曰汝被我解尊者豁然省悟遂求剃度富那謂衆曰此大士者昔爲毗舍利國王以其國有一類裸人如馬裸露王遂運神通分身爲蠶以衣之後生中印土馬人感戀悲鳴故號馬鳴如來懸記滅度後六百年馬鳴當於波羅奈國摧伏異道度人無量今正是時遂付法偈曰迷悟如隱顯明暗不相離今付隱顯法非一亦非二○一外道索尊者論義集國王大臣及四衆俱會論場尊者曰汝義以何爲宗曰凡有言說我皆能破尊者乃指國王曰當今國土康寧大王長壽請汝破之外道屈服表曰如向眼睛上下一釘相似堯封潛曰長七寸廣四寸

十三祖迦毗摩羅尊者華氏國人也初爲外道有徒三千通諸異論馬鳴大士於華氏國中轉妙法輪忽

有老人座前仆地。馬鳴謂衆曰。此非庸流。當有異相。言訖不見。俄從地涌出一金色人。復化爲女子。右手指馬鳴而說偈曰。稽首長老。尊當受如來記。今於此地上宣通第一義。說偈已訖。然不見馬鳴。曰。將有魔來與吾較力。有頃風雨暴至。天地晦冥。馬鳴曰。魔之來信矣。吾當除之。卽指空中。現一大金龍。奮發威神。震動山嶽。馬鳴儼然於座。魔事隨滅。經七日。有一小蟲大若蠅。蟬潛形座下。馬鳴以手取之。示衆曰。斯乃魔之所變。盜聽吾法耳。放之。令去。魔不能動。馬鳴告之曰。汝但歸依三寶。卽得神通。遂復本形。作禮懺悔。馬鳴問曰。汝名誰耶。眷屬多少。尊者曰。我名迦毗摩羅。有三千眷屬。馬鳴曰。盡汝神力。變化若何。尊者曰。我化巨海。極爲細事。馬鳴曰。汝化性海得否。尊者曰。何爲性海。我未嘗知。馬鳴卽爲說性海曰。山河大地。皆依建立。三昧六通。由茲發現。尊者聞言。遂發信心。與徒衆三千俱求剃度。馬鳴乃召五百羅漢。與授具戒。復告之曰。如來大法。眼藏今當付汝。汝聽偈言。隱顯卽本法。明暗元不二。今付悟了法。非取亦非離。○

尊者造無我論一百偈。此論至處無不摧魔。

表曰。若報化邊論也。他且不到這裏。竟封潛曰。鐵是鐵鑄。

十四祖龍樹尊者亦名龍勝。少則能誦四韋陀長而善知衆藝。才辯神明。迦毗摩羅領徒至西印度。彼有太子名雲自在。仰摩羅名。請于宮中供養。摩羅曰。如來有教。沙門不得親近國王大臣有勢之家。太子曰。今我國城之北有大山焉。山有一石窟。可禪寂于此。否摩羅曰。諾。卽入彼山行數里。逢一大壑。摩羅直前不顧。盤繞摩羅身。摩羅因與授三歸。依憐聽訖而去。摩羅將至石窟。復有一老人素服而出。合掌問訊。摩羅曰。汝何所止。答曰。我昔嘗爲比丘。多樂寂靜。有初學比丘數來請益。而我煩于應答。起嗔恨。想命終墮爲蟒。身住是窟中。今已千載。適遇尊者。獲聞戒法。故來謝爾。摩羅問曰。此山更有何人居止。曰。此去十里有大樹。蔭覆五百大龍。其樹王名龍樹。常爲龍衆說法。我亦聽受耳。摩羅遂與徒衆詣彼尊者。出迎曰。深山孤寂。龍蟒所居。大德至尊。何枉神足。摩羅曰。吾非

至尊來訪賢者。尊者默念曰。此師得決定性明道眼。否。是大聖繼真乘否。摩羅曰。汝雖心語。吾已意知。但辦出家何慮。吾之不聖。尊者聞已。悔謝。摩羅即與度脫。及五百龍衆俱受具戒。南印度有五千外道。與大幻術王與國人驕然從之。不知向佛。尊者感慨。易其威儀。白衣持旛。每俟王出。則趨其前。或隱或顯。如是者七載。王一日忽異之。問曰。汝何者。而前吾行。追之不得。縱之不去。尊者曰。吾是智人。知一切法。王曰。汝知諸天。今何所爲。尊者曰。天今與修羅方戰。王曰。何以明之。尊者曰。頃則徵矣。俄有戈戟手。足自空紛然而下。王遂大敬信。命諸外道皆歸禮。尊者尊者悉化之。令歸三寶。復造大智度論中論十二門論。垂之於世。付法於迦那提婆。已入月輪三昧。廣現神變。復座凝然入寂。及七日。天雨舍利。尊者復于座。指空語衆曰。昔拘那含佛弟子。摩訶迦尊者有三願。一爲佛時。凡有聖士化度。則天樹雨及其身。皆爲舍利。二大地所生皆堪爲藥。療衆生病。三凡有智者皆得所知微妙。以通宿夢。

表曰。記得屬第六識。不當無所說。堯封潛曰。說這不通。方漢。

十五祖迦那提婆尊者。南天竺國人也。姓毗舍離。初求福業。兼樂辯論。龍樹至南印度。國人多信福業。樹爲說法。遞相謂曰。人有福業。世間第一。徒言佛性。誰能觀之。樹曰。汝欲見佛性。先須除我慢。人曰。佛性大小。樹曰。非大非小。非廣非狹。無福無報。不死不生。彼聞理勝。悉回初心。樹復于座上。現自在身。如滿月輪。一切衆。惟聞法音。不覩祖相。尊者于衆中。謂衆曰。識此相否。衆曰。目所未覩。安能辨識。尊者曰。此是尊者現佛性體相。以示我等。何以知之。蓋以無相三昧形如滿月。佛性之義。廓然虛明。言訖。輪相即隱。樹復居本座。而說偈言。身現圓月相。以表諸佛體。說法無其形。用辨非聲色。彼衆聞偈。頓悟無生。咸願出家。以求解脫。樹即爲剃髮。命諸聖授具。尊者傳佛心印。猶以衆生不能信受。其言爲憂。乃訴于大自在天之像曰。願神賜我。使言不虛。○至巴連弗城。聞諸外道欲障佛法計之。既久。尊者乃執長幡。入彼衆中。彼問尊者。

曰汝何不前尊者曰汝何不後彼曰汝似賤人尊者曰汝似良人彼曰汝解何法尊者曰汝百不解彼曰我欲得佛尊者曰我灼然得佛彼曰汝不合得尊者曰元道我得汝寔不得彼曰汝既不得云何言得尊者曰汝有我故所以不得我無我故自當得彼辭既屈乃問尊者曰汝名何等尊者曰我名迦那提婆彼既夙聞尊者名乃悔過致謝時衆中猶互與問難尊者折以無礙之辯由是歸伏西天禁斷鐘鼓謂之沙汰經于七日尊者運神通登樓撞鐘諸外道衆一時共集至鐘樓其門封鎖乃問撞鐘者誰尊者曰天曰天者誰尊者曰我曰我者誰尊者曰你曰你者誰尊者曰狗曰狗者誰尊者曰你曰你者誰尊者曰我曰我是誰尊者曰天如是往返七度外道一衆知自負墮奏聞國王再鳴鐘鼓大興佛法

表曰種種生身我說爲量那個不同于經論堯封潛曰河流湍逝谷風怒號

十六祖羅睺羅多尊者迦毗羅國人也國中有長者曰梵摩淨德一日園樹生耳如菌味甚美惟長者與

第二子羅睺羅多取而食之取已隨長而復生自餘親屬皆不能見值迦那提婆至國知其宿因遂至其家長者乃問其故提婆曰汝家昔曾供養一比丘然此比丘道眼未明以虛謬信施故報爲木菌惟汝與子精勤供養得以享之又問長者年多少曰七十有九提婆乃說偈曰入道不重理復身還信施汝年八十一此樹不生耳長者聞偈已彌加歎伏曰弟子衰老不能事師願捨次子羅睺羅多隨師出家提婆曰昔如來記此子當第二五百年爲大教主今之相遇蓋符宿因即與剃髮得法已行化至室羅筏城命僧伽難提而付法眼偈曰於是寔無證不取亦不離法非有無相內外云何起

表曰隔岸有山橫暮雨堯封潛曰何不剪斷白雲十七祖僧伽難提尊者室羅筏城寶莊嚴王之子也生而能言常讚佛事七歲即厭世樂以偈告其父母曰稽首大慈父和南骨血母我今欲出家幸願哀愍故父母固止之遂終日不食乃許其在家出家號僧伽難提復命沙門禪利多爲之師積十九載未嘗退

僊每自念言身居王宮胡爲出家一夕天光下屬見一路坦平不覺徐行十里許至大巖前有石窟焉乃燕寂于中父既失子卽擯禪利多出國訪尋其子不知所在羅睺羅多至城有河名金水其味殊美中流復現五佛影羅多告衆曰此河之源凡五百里有聖者僧伽難提居于彼處佛志一千年後當紹聖位語已傾諸學衆迦流而上至彼見尊者安坐入定羅多與衆伺之經三七日方從定起羅多問曰汝心定耶身定耶尊者曰身心俱定羅多曰身心俱定何有出入尊者曰雖有出入不失定相如金在井金體常寂羅多曰若金在井若金出井金無動靜何物出入尊者曰言金動靜何物出入言金出入金非動靜羅多曰若金在井出者何金若金出井在者何物尊者曰金若出井在者非金金若在井出者非物羅多曰此法不然尊者曰彼義非著羅多曰此義當墮尊者曰彼義不成羅多曰彼義不成我義成矣尊者曰我義雖成法非我故羅多曰我義已成我無我故尊者曰我無我故復成何義羅多曰我無我故故成汝義尊

者曰仁者師誰得是無我羅多曰我師迦那提婆證是無我尊者以偈讚曰稽首提婆師而出于仁者仁者無我故我欲師仁者羅多以偈答曰我已無我故汝須見我我汝若師我故知我非我我尊者心意豁然卽求度脫羅多曰汝心自在非我所繫語已卽以右手擎金鉢舉至梵宮取彼香飯將齋大衆而大衆忽生厭惡之心羅多曰非我之咎汝等自業卽命尊者分座同食衆復訝之羅多曰汝不得食皆由此故當知與吾分座者卽過去娑羅樹王如來也惑物降跡汝輩亦莊嚴劫中已至三果而未證無漏者也衆曰我師神力斯可信矣彼云過去佛者卽竊疑焉尊者知衆生慢乃曰世尊在日世界平正無有丘陵江河溝洫水悉甘美草木滋茂國土豐盈無八苦行十善自雙樹示滅八百餘年世界丘墟草木枯瘁人無至信正念輕微不信眞如惟愛神力言訖以右手漸展入地至金剛輪際取甘露水以琉璃器持至會所大衆見之卽時欽慕悔過作禮于是羅多命尊者付法眼偈尊者聞命敬奉勤至復說偈讚曰善哉大聖

者心明逾日月。光照世界暗魔無不拔。○及尊者攀樹化後。諸羅漢欲移之。不得。以諸家力挽亦不動。遂就樹下焚之。身盡樹更蓊鬱。

表曰。彼此出家兒。莫遞相埋沒。好堯封潛。曰。四顧寥寥誰未可。

十八祖伽耶舍多尊者。摩提國人也。姓鬱頭蓋。父天蓋母方聖。嘗夢大神持鑑。因而有娠。凡七日而誕。肌體瑩如琉璃。未嘗洗沐。自然香潔。幼好閒靜。語非常。童僧伽難提行化至國。忽有涼風襲衆身心。悅適非常。而不知其然。難提曰。此道德之風也。富有聖者出世。嗣續祖燈乎。言訖。以神力攝諸大衆。遊歷山谷。食頃至一峰下。謂衆曰。此峰頂有紫雲如蓋。聖人居此矣。卽與大衆徘徊久之。尊者持圓鑑直造難提。前難提問汝幾歲。耶曰。百歲。難提曰。汝年尚幼。何言百歲。尊者曰。我不會理。正百歲耳。難提曰。汝善機耶。尊者曰。佛言。若人生百歲。不會諸佛機。不如生一日而得決了之難。提曰。汝手中當何所表。尊者曰。諸佛大圓鑑。內外無瑕翳。兩人同得見。心眼皆相似。尊者父母

聞語。卽捨令出家。難提携至本處。受具戒。訖名伽耶舍多。聞風吹殿鈴聲。難提問曰。鈴鳴耶。風鳴耶。尊者曰。非風鈴鳴。我心鳴耳。難提曰。心復誰乎。尊者曰。俱寂靜。故難提曰。善哉。善哉。繼吾道者。非子而誰。卽付法眼。偈曰。心地本無生。因地從緣起。緣種不相妨。華果亦復爾。後尊者法付鳩摩羅多。偈曰。有種有心地。因緣能發萌。于緣不相礙。當生生不生。

表曰。須知有相見底事。否則上經家之義。堯封潛曰。千人排門。不如一人拔關。

十九祖鳩摩羅多尊者。大月氏國婆羅門之子也。昔爲自在天人。見菩薩瓔珞。忽起愛心。墮生忉利。聞憍尸迦說般若波羅蜜多。以法故升梵天。以根利故善說法。要諸天尊爲導師。以繼祖時。至降月氏。伽耶舍多至舍。見有異氣。將入尊者。問曰。是何徒衆。舍多曰。是佛弟子。彼聞佛號。心竦竦然。卽時閉戶。舍多良久扣其門。尊者曰。此舍無人。舍多曰。答無者。誰尊者。聞語。知是異人。遽開闕延接。舍多曰。昔世尊記曰。吾滅從一千年。有大士出現于月氏國。紹隆玄化。今汝值

吾應斯嘉運於是尊者發宿命智投誠出家授具付法後度闍夜多既受具尊者告曰吾今寂滅時至汝當紹行化跡付法眼偈曰性上本無生爲對求人說於法既無得何懷決不決又云此是妙音如來見性清淨之句汝宜傳布後學言訖卽于座上以指爪髻面如紅蓮開出大光明照耀四衆而入寂滅

表曰隨此則返彼順彼則逆此堯封潛曰日往月來瘡痍轉多

二十祖闍夜多尊者智慧淵冲鳩摩羅多至中天竺國尊者問曰我家父母素信三寶而常染疾瘵凡所營作皆不如意而我隣家久爲旃陀羅行而身常勇健所作和合彼何幸而我何辜羅多曰何足疑乎且善惡之報有三時焉凡人但見仁夭暴壽逆吉義凶便謂亡因果虛罪福殊不知影響相隨毫釐驛忒縱經百千萬劫亦不磨滅時尊者聞是語已頓釋所疑羅多曰汝雖已信三業而未明業從惑生惑依識有識依不覺不覺依心心本清淨無生滅無造作無報應無勝負寂寂然靈靈然汝若入此法門可與諸佛

同矣一切善惡有爲無爲皆如夢幻尊者承言領旨卽發宿慧懇求出家羅多曰汝何許人可白父母而後出家尊者曰我國北印度也去此三千里然吾有小術往返亦易遂行其術與羅多須臾達彼尊者既聞其父母羅多與授具付法○月氏國王聞師德風躬詣問法修敬已請開演尊者曰大王來時好道今去亦如來時王歎服

表曰足下烟生心兩隔堯封潛曰半夜裏道將一句來

二十一祖婆修盤頭尊者羅閱國人也姓毗舍佉父光蓋母嚴一家富而無子禱於佛塔母夢吞明暗二珠因孕經七日有一羅漢名賢衆至其家光蓋設禮賢衆端坐受之嚴一出拜賢衆避席曰回禮法身大士光蓋疑之賢衆曰汝婦懷聖子生當爲世燈慧曰故吾避之然當一乳而生二子一名婆修盤頭則吾所尊者也二名芻尼昔如來雪山修道芻尼巢于頂上佛既成道芻尼受報爲那提國王佛記云汝至第二五百年生羅閱城毗舍佉家與聖同胎今無爽矣

後一月果誕二子。尊者年十五。禮光度羅漢出家。感毗婆訶菩薩與之授戒。闍夜多至羅閱城敷揚頓教。時有學衆。惟尙辯論。尊者爲之首。常一食不臥六時。禮佛清淨。無欲爲衆所歸。闍夜多將欲度之。先問彼衆曰。此徧行頭陀。能修梵行。可得佛道乎。衆曰。我師精進。何故不可。闍夜多曰。汝師與道遠矣。設苦行歷於塵劫。皆虛妄之本也。衆曰。尊者蘊何德。行而譏我師。闍夜多曰。我不求道。亦不顛倒。我不禮佛。亦不輕慢。我不長坐。亦不懈怠。我不一食。亦不雜食。我不知足。亦不貪慾。心無所希。名之曰道。尊者聞已。發無漏智。歡喜讚歎。闍夜多又語彼衆曰。曾吾語否。吾所以爲然者。爲其求道心切。夫絃急卽斷。故吾不讚。令其住安樂地。入諸佛智。復告尊者曰。吾適對衆挫抑仁者。得無惱于衷乎。尊者曰。我憶念七劫前生。常安樂國。師于智者。月淨記我。非久當證斯陀含果。時有大光明菩薩出世。我以老故。策杖禮謁。師叱我曰。重子輕父。一何鄙哉。時我自謂無過。請師示之。師曰。汝禮大光明菩薩。以杖倚壁畫佛面。以此過慢。遂失二果。

我責躬悔過以來。聞諸惡言。如風如響。況今獲聞無上甘露。而反生熱惱。耶。惟願大慈。以妙道垂誨。闍夜多曰。汝久植衆德。當繼吾宗。聽吾偈曰。言下合無生。同於法界性。若能如是。解通達事理竟。

表曰。不覺翻然笑轉。新堯封潛曰。裁衫錯却領。

二十二祖摩訶羅尊者。姓利帝利婆。修盤頭行。化至那提國王。名常自在。有二子。長名摩訶羅次。卽尊者。王問盤頭曰。羅閱城土風。與此何異。盤頭曰。彼曾三佛出世。今王國有二師化導。王曰。二師者誰。盤頭曰。佛記第二五百年。有二神力大士出家。繼聖一卽王之次子摩訶羅。吾雖德薄。亦當其一。初那提國有惡象爲害。尊者生而象息。至是三十年矣。人尙不知其所以息。王方同盤頭語。忽使者報有象巨萬。逼城王憂之。盤頭曰。王次出子。患解矣。王試命尊者出。尊者遂出城南。向象撫腹大喝。城爲震動。群象顛仆。頃皆馳散。至是人始知三十年之安。以尊者也。王大敬信。命尊者依盤頭出家。盤頭卽與受具付法。偈曰。泡幻同無礙。如何不了悟。達法在其中。非今亦非古。後尊

者法付鶴勒那。即踊身空中。呈十八變。返座指地而發一神泉。復說偈曰。心地清淨。泉能潤于一切。從地而涌出。徧濟十方世。

表曰。而今行脚底兄弟。可信道。凡夫情量。如未經火生土坏。相似堯封潛。曰。八萬四千毛孔。一時開張。幾人洞見。

二十三祖鶴勒那尊者。月支國人。姓婆羅門。父千勝母金光。以求子禱於七佛。金幢夢須彌頂有神童持金環云。我來及誕。而天雨花。國王以其有神徵。乳於宮中。宮嬪育之。卽分身各爲其子。有千許王。曰。我無儲嗣。將育爾爲太子。今者千身孰爲正子。哉言已。一子放光。忽皆不見。而見於其父母家。王莫能如何。七歲。親民間淫祠。惡其宰殺。入廟叱之。廟貌遂隳。鄉黨稱之爲聖子。至年二十二。出家。栖一林間。九白誦大般若。感鶴衆相隨。摩拏羅至西印度。國王名得度。瞿曇種族。事佛精進。一日於行道處。忽現一塔。高尺四寸。欲舉以供養。竭衆力莫能舉。王大會四衆。問所由。衆莫能知。摩拏羅曰。此阿育王塔。感王精進。故現耳。

王曰。敢問法要。摩拏羅曰。佛法能具七事。去三物。乃可學。王問三物七事爲何。摩拏羅曰。所去三物。貪瞋癡。所具七事。大慈。歡喜。無我。勇猛。饒益。降魔。無證人。所以明了。不明了。以此耳。王聞已。曰。至聖難逢。世樂非久。卽傳位太子出家。七日而證四果。摩拏羅深加慰誨。曰。汝居此國。善自度人。今異域有大法器。吾當往化。得度曰。師應跡十方。動念當至。寧勞往耶。摩拏羅曰。然。於是焚香遙語。月支國尊者曰。汝教導鶴衆。道果將證。宜自知之時。尊者爲國王寶印。說修多羅偈。忽觀異香成穗。王曰。是何祥也。曰。西印土摩拏羅尊者將至此。信香也。王與尊者俱西向作禮。摩拏羅亦以手東向三點于地。答之。卽辭得度。與其具通衆。凌虛趨月支國。尊者與寶印迎摩拏羅至王宮供養。異曰。尊者問摩拏羅曰。我止林間。已經九白有弟子。龍子者。幼而聰慧。我于三世推窮。莫知其本。摩拏羅曰。此子於第五劫中生。妙喜國婆羅門家。曾以旃檀於佛宇作罷撞鐘。受報聰敏。爲衆欽仰。又問我。有何緣而感鶴衆摩拏羅。曰。于第四劫中。嘗爲比丘。當赴。

會龍宮。汝諸弟子咸欲隨從。汝觀五百衆中。無有一人堪任。妙供時。諸弟子曰。師嘗說法于食等者。於法亦等。今旣不然。何望之有。汝即令赴會。坐是盞。食報爲羽族師弟。夙緣故。今相隨尊者曰。以何方便。令彼解脫。摩挲羅曰。吾有無上法寶。汝當聽受。化未來際。乃說偈曰。心隨萬境轉。轉處實能幽。隨流認得性。無喜亦無憂。鶴衆聞偈。飛鳴而去。○尊者三十得法。行化至中印土。爲其王無畏海說法。感日月天子禮拜。其前王目見之。乃問尊者曰。月國土總有多少。尊者曰。千釋迦所化世界。各有百億迷盧日月。我若廣說。卽不能盡。王聞忻然。

表曰。從道場來。從道場去。什麼世界。卽無晝夜。堯封潛曰。化瓦礫之墟。爲梵釋龍天之宮。與夫裨販如來者異矣。

二十四祖師子比丘尊者。中印度人。姓婆羅門。博通強記。事婆羅門有弟龍子。爲鶴勒那尊者。上足。早夭。將葬。龍子衆力舉其柩。不能動。鶴勒那謂尊者曰。昔汝弟欲冥福。汝而塑一佛像。汝方信婆羅門。投于地。

今汝弟雖謝世。猶欲感悟。汝故示斯異。汝亟供像。柩斯舉矣。尊者奉命而柩舉。未幾婆羅門師死。尊者乃歸。依鶴勒那問曰。我欲求道。當何用心。鶴勒那曰。汝欲求道。無所用心。曰。旣無用心。誰作佛事。鶴勒那曰。汝若有用。卽非功德。汝若無作。卽是佛事。經云。我所作功德。而無我所。故尊者聞是語。卽入佛慧。時鶴勒那忽指東北問曰。是何氣象。尊者曰。我見氣如白虹。貫乎天地。復有黑氣五道橫亘其中。鶴勒那曰。其兆云何。曰。莫可知矣。鶴勒那曰。吾滅後五十年。北天竺國當有難起。要在汝身。吾將滅已。今以法眼付囑於汝。善自護持。乃說偈曰。認得心性時。可說不思議。了了無可得。得時不說知。尊者聞偈。欣慨然。未曉將罹何難。鶴勒那乃密示之。尊者得法遊方。至罽賓國。有沙門波利迦。本習小乘禪觀。其學徒有五。曰禪定。曰知見。曰執相。曰捨相。曰不語。尊者謂持不語者曰。佛教勤行般若。執爲不語。而反佛說耶。謂捨相者曰。佛教威儀具足。梵行清白。豈捨相耶。謂執相者曰。佛土清淨。自在無著。何執相耶。謂知見者曰。諸佛知見。

無所得故。此法微妙。見聞不及。無爲無相。何知見耶。四衆皆服。從惟禪定。師達磨達者。問四衆。義屈憤悱。而來尊者曰。仁者。習定何當來。此既至于此。問云。習定。彼曰。我雖來。此心亦不亂。定隨人。習豈在處。所尊者曰。仁者。既來。其習亦至。既無處所。豈在人。習彼曰。定。習人。故非人。習定。我當來。此其定常。習尊者曰。人非習定。定習人。故當自來。時其定誰習。彼曰。如淨明珠。內外無翳。定若通達。必當如此。尊者曰。定若通達。一似明珠。今見仁者。非珠之徒。彼曰。其珠明徹。內外悉定。我心不亂。猶若此淨尊者曰。其珠無內外。仁者何能定。穢物非動搖。此定不是淨。達磨達聞已。遂作禮曰。我于學道。蓋虛勞耳。尊者幸有以教我。慙慙哀請。尊者曰。諸佛禪定。無有所得。諸佛覺道。無有所證。無得無證。是真解脫。酬因答果。世之業報。于此法中。悉不如是。達磨達蒙尊者開悟。心地朗然。尊者既歸。五衆名聞遐邇。以僧伽黎密付斯多俾之。他國隨機演化。斯多受教。直抵南天。○尊者謂難不可以苟免。獨留勵賓時。本國有外道二人。一名摩目多。二名都

落遮學諸幻法。欲共謀亂。詭爲釋子。潛入王宮。其王彌羅崛。遂毀教。乘劍至尊者前。問曰。師得蘊空否。尊者曰。已得蘊空。王曰。離生死否。尊者曰。已離生死。王曰。既離生死。可施我頭。尊者曰。身非我。有何怪于頭。王即揮刃斷尊者首。白乳涌高數尺。王之右臂旋亦墮地。七日而終。太子光首歎曰。吾父何故自取其禍。延衆懺悔。時象白山有仙人。深明因果。言尊者與羅闍往世。皆爲白衣。以嫉法勝。故陰戕于崛。乃今償焉。衆遂以尊者報體建塔。

表曰。曉夜懇苦。後學初心。有疑請問。堯封潛曰。甚麼劫中無祖師。

二十五祖婆舍斯多。勵賓國人。姓婆羅門。父寂行母常安樂。母夢得神劍而孕。既誕。拳左手。師子比丘方求法嗣。遇寂行長者。引尊者問曰。此子名斯多。當生便拳左手。年二十矣。終未能舒。願尊者示其宿因。師子觀之。卽以手接拳。曰。可還我珠。尊者遽開手奉珠。衆皆驚異。師子曰。吾前報爲僧有童子名婆舍。吾嘗赴西海齋。受觀珠。付之今還。吾珠理固然矣。長者遂

令出家師子會衆聖授具以前緣故名婆舍斯多師子卽謂之曰吾師密有縣記羅難非久如來正法眼藏今當付汝汝應保護普潤來際偈曰正說知見時知見俱是心當心卽知見知見卽於今尊者得法已後至中印度國王迦勝設禮供養有外道無我尊先亦爲王禮重乃于王前論義冀勝謂尊者曰我解默論不假言說尊者曰孰知勝負彼曰不爭勝負但取其義尊者曰汝以何爲義彼曰無心爲義尊者曰汝旣無心豈得義乎彼曰我說無心當名非義尊者曰汝說無心當名非義我說非心當義非名彼曰當義非名誰能辨義尊者曰汝名非義此名何名彼曰爲辨非義是名無名尊者曰名旣非名義亦非義辨者是名當辨何物如是往返五十九番外道杜口信伏尊者又名婆羅多那又名婆羅多羅此二名華云別業泉衆初中天竺王苑內有泉熱不可探王迦勝以問尊者尊者曰泉熱有二一下有熱石二鬼業三神業此神業也因命爇香臨泉爲其懺悔須臾有神見謝得度脫七日而泉清冷如常泉故中竺北竺復以

二名經之後法付不如蜜多不如蜜多問衣可傳乎尊者曰此衣爲難故假以證明汝身無難化被十方何假傳衣

表曰非究竟不與闍黎堯封潛曰不可作沙彌行者見解

二十六祖不如蜜多尊者姓剎帝利南印度王子婆舍斯多至南天潛隱山谷王天德迎請供養王有二子長曰德勝凶暴而色力充盛次卽尊者柔和而常嬰疾苦王以問斯多爲陳因果王敬信受有呪術師忌斯多寘毒食中斯多知而食之彼反受毒遂投斯多出家後六十載德勝卽位惑外道說因詰斯多曰師子尊者已遇闍賓國王難何緣付法斯多出師子尊者所付僧伽黎示勝勝命焚之衣出五色光薪盡如故勝乃追悔致禮初勝欲抑斯多尊者往諫因囚之至是立出尊者尊者遂求出家斯多問曰汝欲出家當爲何事尊者曰我若出家不爲其事斯多曰不爲何事尊者曰不爲俗事斯多曰當爲何事尊者曰當爲佛事斯多曰王子智慧天至必諸聖降迹卽度

出家侍斯多六年。後於王宮受具羯磨之際。大地震動。乃付法偈曰。聖人說知見當境。無是非。我今悟真性。無道亦無理。○尊者得法後。至東印度。其王堅固奉外道師長。爪梵志尊者至。王問曰。師來何爲。曰。將度衆生。曰。以何法度。曰。各以其類度之。梵志卽化爲一大山。於尊者頂上。勢且下壓。尊者指之山。遽移在彼衆頂上。復以手按地。地動五百外道。皆不能立。梵志怖懼。懺禮尊者。復按地。地靜。指山。山滅。王異曰。大治齋集。諸外道懇尊者。預會。尊者初不欲行。而知所會地將陷。乃往。王曰。師何來。耶尊者曰。吾非應供來救死耳。此地已爲龍窟。須臾當下陷。王恐與其衆如高原。反顧其地。已淵然成坎矣。王益敬信尊者。爲演法。卽辭王曰。化緣已終。將歸寂滅。願王於最上乘。無忘外護。卽還本座。現形如日。

表曰。兄弟得共林泉與道伴。一處齧嚼此事也。須慶幸。始得堯封潛。曰。九萬里則風斯下耳。

二十七祖般若多羅尊者。東印度人。婆羅門子。幼失父母。不知名氏。或自言瓔珞人。遂名曰瓔珞童子。丐

行闔里有問。汝行何急。卽曰。汝行何緩。問何姓。卽曰。與汝同姓。人莫測之初。不如蜜多于國。演法時。謂王曰。王國有聖人。當繼吾法。一日。王與不如蜜多同車而出。尊者稽首於前。蜜多曰。汝憶往事否。尊者曰。我念往劫中。與師同居。師演摩訶般若。我演甚深修多羅。今日之事。蓋契昔因。蜜多顧王曰。此大勢至菩薩也。繼後出二人。一人化南印度。一人緣在震旦。九年却返。此方卽以昔因。故名爲般若多羅。付法偈曰。眞性心地藏。無頭亦無尾。應緣而化。物方便呼爲智。○尊者因東印度國王請齋。次王乃問。諸人盡轉經師。獨爲何不轉。尊者曰。貧道出息不隨。衆緣入息不居。蘊界常轉。如是經百千萬億卷。非但一卷兩卷。

表曰。深深無底。淺淺無源。堯封潛曰。旁照二天下。正照四天下。

二十八祖菩提達磨大師。南天竺國香至王第三子也。姓刹帝利。本名菩提多。羅般若多羅尊者得法後。至南印土。香至王尊重供養。施無價寶珠。王有二子。日月淨多。羅曰。功德多。羅曰。菩提多。羅尊者欲試其

所得以所施珠問三王子曰此珠圓明有能及否月淨功德皆曰此珠七寶中尊固無踰也祖曰此是世珠未足爲上於諸寶中法寶爲上此是世光未足爲上於諸光中智光爲上此是世明未足爲上於諸明中心明爲上此珠光明不能自照要假智光光辨于此既辨此已卽知是珠既知是珠卽明其寶若明其寶寶不自寶若辨其珠珠不自珠珠不自珠者要假智珠而辨世珠寶不自寶者要假智寶以明法寶然則師有其道其寶卽現衆生有道其寶亦然尊者歎其辯慧乃復問曰於諸物中何物無相曰於諸物中不起無相又問於諸物中何物最高曰於諸物中人我最高又問於諸物中何物最大曰於諸物中法性最大尊者知是法器以時尙未至且默而混之及香至王厭世衆皆號絕菩提多羅獨于栴前入定經七日而出遂依尊者求出家受具得法尊者謂曰汝於諸法已得通量達磨者通大之義也宜名達磨因改今名祖恭稟教義服勤四十年追尊者順世演化本國化被南天聲馳五印經六十載度無量衆念東震

且國佛記後五百歲般若智燈運光于彼遂囑弟子不若蜜多羅住天竺傳法而躬至震旦乃辭祖塔別學侶且謂王曰勤修白業吾去一九卽回祖泛重溟凡三周寒暑達於南海實梁普通七年庚子歲九月二十一日也廣州刺史蕭昂具禮迎供表聞武帝遣使齋詔迎請以十月一日至金陵○帝問曰朕卽位以來造寺寫經度僧不可勝紀有何功德祖曰並無功德帝曰何以無功德祖曰此但人天小果有漏之因如影隨形雖有非實帝曰如何是真功德祖曰淨智妙圓體自空寂如是功德不以世求帝又問如何是聖諦第一義祖曰廓然無聖帝曰對朕者誰祖曰不識帝不悟

表曰可以一掌置熟視之堯封潛曰雲裏帝城雙鳳闕雨中春樹萬人家

第二十九祖慧可大師武牢人姬氏子父寂以無子禱祈既久一夕有異光照室母遂懷妊故生而名之曰光少則超然博學載籍尤善談老莊後覽佛乘遂棄去依寶靜禪師出家備學大小乘義年三十三

返香山終日宴坐。又八年於寂默中。忽見一神人。謂曰。將欲受果。汝其南矣。翌日。覺頭痛如刺。欲治之。忽聞空中曰。此換骨也。往見靜述其事。靜視之。見頂骨嶢然如五峰秀出。以有神異。更名神光。靜語祖曰。汝相吉祥。而神令汝南。彼少林有達磨大士。必汝師矣。祖遂造少室。參承達磨。端坐面壁。莫聞譟勵。祖自惟曰。昔人求道。敲骨取髓。刺血濟饑。布髮掩泥。投崖餉虎。古尚若此。我又何人。值大雪。祖夜侍立。遲明積雪過膝。立愈恭。達磨顧而憫之。問曰。汝久立雪中。當求何事。祖悲淚曰。惟願和尚慈悲。開甘露門。廣度群品。達磨曰。諸佛無上妙道。曠劫精勤。能行難行。非忍而忍。豈以小德小智。輕心慢心。欲冀真乘。徒勞苦祖。聞譟勵。潛取利刀。自斷左臂。置達磨前。達磨知是法器。乃曰。諸佛最初求道。爲法忘形。汝今斷臂。吾前求亦可在。達磨因與易名曰慧可。乃曰。諸佛法印。可得聞乎。達磨曰。諸佛法印。匪從人得。祖曰。我心未寧。乞師與安。達磨曰。將心來。與汝安。祖良久曰。覓心了不可得。達磨曰。我與汝安心。竟越九年。達磨欲返天竺。

命門人曰。時將至矣。汝等盡言所得。乎有道副對曰。如我所見。不執文字。不離文字。而爲道用。達磨曰。汝得我皮尼。總持曰。我今所解。如慶喜見阿閼佛國。一見。更不再見。達磨曰。汝得吾肉。道育曰。四大本空。五陰非有。而我見處。無一法可得。達磨曰。汝得吾骨。最後祖禮三拜。依位而立。達磨曰。汝得吾髓。乃顧祖而告曰。昔如來以正法眼。付迦葉大士。展轉囑累。而至於我。我今付汝。汝當護持。并授汝袈裟。以爲法信。各有所表。宜可知矣。祖曰。請師指陳。達磨曰。內傳法印。以契證心。外付袈裟。以定宗旨。後代澆薄。疑慮競生。云吾西天之人。言汝此方之子。憑何得法。以何證之。汝今受此衣法。却後難生。但出此衣。并吾法偈。用以表明其化。無礙至吾滅後二百年。衣止不傳。法周沙界。明道者多行道者少。說理者多通理者少。潛符密證。千萬有餘。汝當闡揚。勿輕未悟。一念回機。便同本得。聽吾偈曰。吾本來茲土。傳法救迷情。一花開五葉。結果自然成。達磨又曰。吾有楞伽經四卷。亦用付汝。卽是如來心地要門。令諸衆生開示悟入。吾自到此。

凡五度中毒。我嘗自出而試之。置石石裂。緣吾本離南印來此東土。見赤縣神州有大乘氣象。遂踰海越漠。爲法求人際。會未諸如愚。如訥。今得汝傳授。吾意已終。○祖往鄴都化導。四衆皈依。三十四載。遂豁光混跡。變易儀相。或入酒肆。或過屠門。或習街談。或隨厮役。或問之曰。師是道人。何故如是。祖曰。我自調心。何關汝事。

表曰。枯死鬼。堯封潛曰。無行走之路。

第三十祖僧璨大師。不知何許人。北齊天平二年。年踰四十。以白衣謁可大師曰。弟子身纏風恙。請和尚懺罪。可大師曰。將罪來。與汝懺。祖良久曰。覓罪了。不可得。可大師曰。與汝懺罪。竟宜依佛法。僧住祖曰。今見和尚。已知是僧。未審何名。佛法可大師曰。是心是佛。是心是法。法佛無二。僧寶亦然。祖曰。今日始知罪性不在內。不在外。不在中間。如其心然。佛法無二也。可大師深器之。卽爲剃髮。曰。是吾寶也。宜名僧璨。其年三月十八日。于光福寺受具。自茲疾漸愈。執侍經二載。可大師遂囑累付以衣法。偈曰。本來緣有地。因

地種花生。本來無有種。花亦不曾生。又曰。汝受吾教。宜處深山。未可行化。當有國難。般若多羅懸記。所謂心中雖吉。外頭凶者是也。吾亦有宿累。今往酬之。汝諦思聖記。勿罹世難。善去善行。俟時傳付。○祖著信心銘曰。至道無難。惟嫌揀擇。但莫憎愛。洞然明白。毫釐有差。天地懸隔。欲得現前。莫存順逆。違順相爭。是爲心病。不識玄旨。徒勞念靜。圓同大虛。無欠無餘。良由取舍。所以不如。莫逐有緣。勿住空忍。一種平懷。泯然自盡。止動歸止。止更彌動。惟滯兩邊。寧知一種。一種不通。兩處失功。遣有沒。有從空背空。多言多慮。轉不相應。絕言絕慮。無處不通。歸根得旨。隨照失宗。須與返照。勝却前空。前空轉變。皆由妄見。不用求真。惟須息見。二見不住。慎莫追尋。纔有是非。紛然失心。二由一。有一亦莫守。一心不生。萬法無咎。無咎無法。不生不心。能由境滅。境逐能沉。境由能境。能由境能。欲知兩段。原是一空。一空同兩。齊含萬象。不見精麤。寧有偏黨。大道體寬。無易無難。小見狐疑。轉急轉遲。執之失度。必入邪路。放之自然。體無去住。任性合道。逍

遙絕惱繫念乖真昏沉不好不好勞神何用疎親欲
取一乘勿惡六塵六塵不惡還同正覺智者無爲愚
人自縛法無異法妄自愛著將心用心豈非大錯迷
生寂亂悟無好惡一切二邊良由斟酌夢幻空花何
勞把捉得失是非一時放却眼若不寐諸夢自除心
若不異萬法一如一如體立兀爾忘緣萬法齊觀歸
復自然泯其所以不可方比止動無動動止無止兩
既不成一何有爾究竟窮極不存軌則契心平等所
作俱息狐疑盡淨正信調直一切不留無可記憶虛
明自照不勞心力非思量處識情難測真如法界無
他無自要急相應惟言不二不二皆同無不包容十
方智者皆入此宗宗非延促一念萬年無在不在十
方目前極小同大忘絕境界極大同小不見邊表有
卽是無無卽是有若不如是必不須守一卽一切一
切卽一但能如是何慮不必信心不二不二信心言
語道斷非去來今

表曰猛虎鬚畔光自照珠堯封潛曰如下天狀

第三十一祖道信大師姓司馬氏世居河內後徙於

廬州廣濟縣生而超異幼慕空宗諸解脫門宛如宿
習年始十四往禮僧璨大師曰願和尚慈悲乞與解
脫法門璨曰誰縛汝祖曰無人縛璨曰何更求解脫
乎祖於言下大悟服勞九載後于吉州受戒侍奉尤
謹璨屢試以玄微和其緣熟乃付衣法偈曰華種雖
因地從地種華生若無人下種華地盡無生又曰昔
可大師付吾法後往鄴都行化三十餘年今吾得汝
何滯此乎卽適羅浮山師旣嗣祖風攝心無寐脅不
至席者六十年于隋大業十三載領徒衆抵吉州值
群盜圍城七旬不解萬衆惶怖祖愍之教念摩訶般
若時賊衆望雉堞間若有神兵乃相謂曰城內必有
異人稍稍引去○貞觀癸卯歲太宗嚮師道味欲瞻
風彩詔赴京祖上表遜謝前後三返第四度命使曰
如果不起取首來使至山諭旨祖乃引頸就刃神色
儼然使回以狀聞帝彌欽重

表曰與道有損有益堯封潛曰古人有不了之句

第三十二祖弘忍大師廬州黃梅人也先爲破頭山
中栽松道者嘗請于道信曰法道可得聞乎信曰汝

已老脫有聞其能廣化耶。倘若再來吾。尙可遲汝。乃去行水邊。見一女子浣衣。揖曰。寄宿得否。女曰。我有父兄。可往求之。曰。諾。我卽敢行。女首肯之。卽回策而去。女周氏季子也。歸輒孕。父母大惡逐之。女無所歸。日傭紡里中。夕止於衆館之下。已而生一子。以爲不祥。因拋濁港中。明日見汭流而上。氣體鮮明。大驚。遂舉之。成童隨母乞食。里人呼爲無姓兒。逢一智者。歎曰。此子缺七種相。不逮如來。唐武德甲申歲。道信却返。斬春住破頭山。學侶雲臻。一日往黃梅縣路。逢祖見骨相奇秀。異乎常童。信問曰。子何姓。祖曰。姓卽有。不是常姓。信曰。是何姓。祖曰。是佛性。信曰。汝無姓耶。祖曰。性空。故無信。默識其法器。卽俾侍者至其母所。乞令出家。母以宿緣故。無難色。遂捨爲弟子。以至付法傳衣。嗣化於破頭山。○後法付盧能。已自後不復上堂。大衆疑怪。致問祖曰。吾道行矣。何更詢之。復問衣法誰得。耶。祖曰。能者得。

表曰。纔施三拜。便合知有二十下鐵棒。堯封潛曰。閨閣中物。踢不下。

第三十三祖惠能大師。姓盧氏。父行瑄。母李氏。感異夢。覺而異香滿室。因有娠。六年乃生。毫光騰空。黎明有僧來語祖之父曰。此子可名惠能。父曰。何謂也。僧曰。惠者。以法惠濟衆生。能者。能作佛事。語畢。不知所之。祖不飲母乳。遇夜。神人灌以甘露。三歲父喪。母嫠居家貧甚。幼則樵採鬻薪。以養母。一日負薪過市中。聞客讀金剛經。至應無所住而生其心。有所感悟。而問客曰。此何法也。曰。此金剛經。黃梅東山五祖忍和尚恒教人誦此經。祖聞語。勃然思出家求法。乃乞于一客爲其母備歲儲。遂辭母直抵韶州。遇高行士劉志略。結爲交友。尼無盡藏者。卽志略之姑也。嘗讀涅槃經。祖暫聽之。卽爲解說其義。尼遂持卷問。祖曰。字卽不識。義卽請問。尼曰。字尙不識。曷能會義。祖曰。諸佛妙理。非關文字。尼驚異之。告鄉里耆艾。請居寶林寺。寺廢已久。四衆營緝。朝夕奔湊。俄成寶坊。祖曰。我求大法止此。何爲遂棄之。抵黃梅。參弘忍大師。忍問曰。汝自何來。祖曰。嶺南忍曰。欲須何事。祖曰。唯求作佛。忍曰。嶺南人無佛性。若爲得佛。祖曰。人卽有南

北佛性豈然忍令隨衆作務。祖曰：弟子自心常生智慧，不離自性。卽是福田。未審和尚教作何務？忍曰：這獨瘡根性，太利著槽廠去。祖禮足而退，便入碓坊，服勞於杵臼。晝夜不息。經八月，忍知付授時，至告衆曰：正法難解，不可徒記吾言。持爲己任。汝等各自隨意。述一偈。若語意冥符，則衣法皆付。時會下七百餘僧。上座神秀者，學通內外，衆所宗仰。咸推稱曰：若非尊秀，曷敢當之神秀？竊聆衆譽，不復思惟。乃于廊壁書一偈曰：身是菩提樹，心如明鏡臺。時時勤拂拭，莫使惹塵埃。忍因經行，忽見此偈，知是神秀所述，乃讚歎曰：後代依此修行，亦得勝果。其壁本欲令處士盧珍繪楞伽變相及見題偈在壁，遂止不畫。各令念誦。祖在碓坊，忽聆誦偈，乃問同學：是何章句？同學曰：汝不知和尚求法，嗣令各述心偈。此則秀上座所述，和尚深加歎賞，必將付法傳衣也。祖曰：其偈云何？同學爲誦祖良久曰：美則美矣，了則未了。同學誦曰：庸流何知？勿發狂言。祖曰：子不信耶？願以一偈和之。同學不答，相視而笑。祖至夜，密告一童子，引至廊下。祖自秉

燭，請別駕張日用于秀偈之側，寫一偈曰：菩提本無樹，明鏡亦非臺。本來無一物，何處惹塵埃。忍後見此偈，曰：此是誰作？亦未見性。衆聞忍語，遂不之顧。逮夜，忍潛詣碓房，問曰：米白也。未祖曰：白也。未有篩，忍以杖三擊其碓。祖卽以三鼓入室。忍復徵其初悟，應無所住而生其心。祖言下大徹，遂啓忍曰：一切萬法，不離自性。何期自性本來清淨？何期自性本不生滅？何期自性本自具足？何期自性本無動搖？何期自性能生萬法？忍知悟本，性謂祖曰：不識本性，學法無益。若識本心，見自本性，卽名丈夫。天人師佛，復告曰：諸佛出世，爲一大事。故隨機大小而引導之。遂有十地三乘，頓漸等旨，以爲教門。以無上微妙秘密，圓明真實正法，眼藏付于上首大迦葉尊者。展轉傳授二十八世，至達磨屈于此土，得可大師承襲。以至于今，以法寶及所傳袈裟，用付于汝。善自保護，無令斷絕。聽吾偈曰：有情來下種，因地果還生。無情既無種，無性亦無生。祖跪受訖，問法則既受衣，付何人？忍曰：昔達磨初至人未之信，故傳衣以明得法。今信心已熟，衣乃

爭端止于汝身不復傳也。且當遠隱。俟時行化。所謂受衣之人。命如縣絲也。祖曰。當隱何。所忍曰。逢懷卽止。遇會且藏。祖禮足已。捧衣而出。是夜南邁。大衆莫知。忍大師送至九江驛。邊令祖上船。祖隨卽把櫓。忍曰。合是吾渡。汝祖曰。迷時師度。悟時自度。度名雖一。用處不同。能蒙師傳法。今已得悟。只合自性自度。忍云。如是如是。以後佛法由汝大行。祖禮辭南行者。兩月至大庾嶺。僧惠明本將軍同數百人來欲奪衣鉢。明先趁汝。擲衣鉢于石曰。此衣表信。可力爭耶。明舉衣鉢不能動。乃曰。我爲法來。不爲衣來。祖曰。汝旣爲法來。可屏息。諸緣勿生。一念吾爲汝說明。良久。祖曰。不思善。不思惡。正與麼時。那個是明。上座本來面目。惠明言下大悟。復問曰。上來密語密意。外還更有密意旨否。祖曰。與汝說者。卽非密也。汝若返照。密在汝邊。明曰。惠明雖在黃梅。實未省自己面目。今蒙指示。如人飲水。冷暖自知。今行者卽惠明師也。祖曰。汝若如是。吾與汝同師。黃梅善自護持。明又問。惠明今向甚處去。祖曰。逢袁則止。遇蒙則居。明禮辭還至嶺。

下謂衆曰。向涉崔嵬。杳無踪跡。當別道尋之。趁衆遂散。祖後至曹溪。物色之者稍稍聞。遂避難于四會之獵人隊中。經十五載。時與獵人隨宜說法。獵人令守網。有獲悉放。每飯時常以菜寄羹肉鍋。或問則對曰。但喫肉邊菜。○儀鳳元年正月八日。忽念說法時。遂出至廣州法性寺。值印宗法師講涅槃經。寓止廊廡間。暮夜風颺。剎幡聞二僧對論。一曰。幡動。一曰。風動。往復不已。祖曰。不是幡動。不是風動。仁者心動。一衆竦然。印宗延入上座。徵詰奧義。見祖言簡理當。不由文字。乃曰。久聞黃梅衣法南來。莫是行者否。祖曰。然。印宗作禮。請衣鉢。出示大衆。令瞻禮。宗復問曰。黃梅付囑如何。指授祖曰。指授卽無。惟論見性。不論禪定解脫。

表曰。觀之又觀。蟻子決定不食鐵堯。封潛曰。焰頭誇富貴。

第三十四祖南嶽懷讓禪師。金州杜氏子。唐儀鳳二年四月八日降生。有白氣上屬天。太史奏之高宗。高宗問是何祥。手對曰。國之法器。不染世榮。高宗敕金。

州太守韓偕親往存慰。年十歲。惟樂佛書。有玄靜三藏告師父母曰。此子若出家。必獲上乘廣度衆生。至垂拱三年。年十五。依荊州玉泉寺弘景律師出家。通天二年。受戒習毗尼藏。一日歎曰。夫出家者。當爲無爲法。天上人間。無有勝者。遇同學坦然相與。謁嵩山安安啓發。乃直詣曹溪禮能大師。能曰。何處來。師曰。嵩山。能曰。什麼物。恁麼來。師無語。經八載。忽然悟。乃白能曰。某甲有個會處。能曰。作麼。生師曰。說似一物。卽不中。能曰。還可修證否。師曰。修證卽不無。污染卽不得。能曰。只此不污染。諸佛之所護念。汝旣如是。吾亦如是。西天般若多羅議。汝足下出一馬駒踏殺。天下人應在汝心。不須速說。師旣得法。侍能復十五年。先天二年。往衡嶽居般若寺。示衆曰。一切萬法。皆從心生。心無所生。法無能住。若達心地。所作無礙。非遇上根。宜慎辭哉。○僧問。如鏡鑄像。像成後。光歸何處。師云。如大德未出家時。相狀一向什麼處。去僧云。成後爲什麼不鑑照。師曰。雖然不鑑照。護他一點不得。表曰。十八女兒不繫裙。難得入地獄。如箭堯封潛。

曰判官手裏筆

第三十五祖江西道一禪師。漢州什邡縣人。姓馬氏。故世稱馬祖。或云馬大師。容貌奇異。牛行虎視。引舌過鼻。足下有二輪文。幼於本邑羅漢寺出家。受具於渝州圓律師。開元中。習定於衡嶽讓和尚。知是法器。就問曰。大德坐禪圖甚麼。師曰。圖作佛。讓取一磚於師菴前石上磨。師曰。磨作甚麼。讓曰。磨作鏡。師曰。磨磚豈得成鏡耶。讓曰。磨磚旣不成鏡。坐禪豈得作佛。師曰。如何。卽是讓曰。如牛駕車。車若不行。打車卽是。打牛卽是。師無對。讓又曰。汝學坐禪。爲學坐佛。若學坐禪。禪非坐。臥若學坐佛。佛非定。相於無住。法不應取捨。汝若坐佛。卽是殺佛。若執坐相。非達其理。師聞示誨。如飲醍醐。禮拜問曰。如何用心。卽合無相三昧。讓曰。汝學心地法門。如下種子。我說法要。譬彼天澤。汝緣合故。當見其道。又問道。非色相云。何能見。讓曰。心地法眼。能見乎。道無相。三昧亦復然矣。師曰。有成壞否。讓曰。若以成壞聚散而見道者。非見道也。聽吾偈曰。心地含諸種。遇澤悉皆萌。三昧花無相。何復復。

何成師蒙開悟。心意超然。侍奉九秋。日益玄奧。始居建陽。佛迹嶺遷於臨川。次至南康。龔公山。○僧問。離四句絕百非。請師直指西來意。師曰。我今日勞倦。不能爲汝說。問取智藏去。僧問西堂。堂云。何不問和尚。僧云。和尚教來。問堂云。我今日頭痛。不能爲汝說。問取海兄去。僧又問百丈。丈曰。我到這裏。却不會。僧却回舉似師。師曰。藏頭白。海頭黑。

表曰。雲曇楚山頭。決定多風雨。堯封潛曰。紫羅袋。重盛官誥。

第三十六祖百丈懷海禪師。生福州長樂王氏兒時。隨母入寺。指佛像問母。此爲誰。母曰。佛也。師曰。形容與人無異。我後亦當作佛。卽歲離塵。二學該練。參馬祖爲侍者。檀越每送齋飯來。師纔揭開盤蓋。馬祖便拈起一片胡餅。曰。是甚麼。如此經三年。一日侍馬祖行。次見一群野鴨飛過。馬祖曰。是甚麼。師曰。野鴨子。馬祖曰。甚處去也。師曰。飛過去也。馬祖遂把師鼻扭。負痛失聲。馬祖曰。又道飛過去也。師於言下有省。却歸侍者寮。哀哀大哭。回事問曰。汝憶父母耶。師曰。無。

曰。被人罵耶。師曰。無。曰。哭作甚麼。師曰。我鼻孔被大師扭得痛。不徹。同事曰。有甚因緣。不契。師曰。汝問取和尚去。同事問馬祖曰。海侍者有何因緣。不契。在寮中哭告和尚。爲某甲說。馬祖曰。是伊會也。汝自問取他同事。歸寮曰。和尚道汝會也。教我自問。汝師乃呵。呵大笑。同事曰。適來哭如今爲甚。却笑。師曰。適來哭如今笑。同事罔然。次日馬祖陞座。衆纔集。師出卷却。席馬祖便下座。師隨至。方丈祖曰。我適來未曾說話。汝爲甚便卷却。席師曰。昨日被和尚扭得鼻頭痛。馬祖曰。汝昨日向甚處留心。師曰。鼻頭今日又不痛也。馬祖曰。汝深明。昨日事師作禮而退。師再參。侍立。次馬祖目視繩牀角拂子。師曰。卽此用。離此用。馬祖曰。汝向後開兩片皮。將何爲人。師取拂子豎起。馬祖曰。卽此用。離此用。師挂拂子於舊處。馬祖振威一喝。師直得三日耳聾。未幾住大雄山。以所處巖巒峻極。故號百丈。四方學者。麇至。○僧問。如何是奇特事。師曰。獨坐大雄峰。僧禮拜。師便打。

表曰。無人情。不怕。秦亂走。他人打入叢林。堯封潛。

曰不違顏咫尺

第三十七祖黃檗希運禪師閩人也。幼於本州黃檗山出家。額間隆起如珠音辭朗潤。志意沖淡。後遊天台。逢一僧與之言笑如舊相識。熟視之。目光射人。乃偕行。屬澗水暴漲。捐笠植杖而止。其僧率師同渡。師曰。兄要渡。自渡。彼即褰衣躡波。若履平地。回顧曰。渡來。渡來。師曰。咄。這自了漢。吾早知常所汝。脛其僧歎曰。真大乘法器。我所不及。言訖不見。至洛京行乞。吟添鉢聲。有一嫗出棘扉間曰。太無厭生。師曰。汝猶未施責我。無厭何耶。嫗笑而掩扉。師異之。進而與語。多所發藥。師須臾辭去。嫗告之曰。可往南昌見馬大師。至南昌。馬大師已示寂。遂往石門謁塔。時百丈丈大師廬於塔旁。乃往參丈丈。問巍巍堂堂。從何方來。師曰。巍巍堂堂。從嶺南來。丈曰。巍巍堂堂。當爲何事。師曰。巍巍堂堂。不爲別事。便禮拜。問曰。從上宗乘如何。指示丈良久。師曰。不可。教後人斷絕去也。丈曰。將謂汝是個人。乃起入方丈。師隨後入。曰。某甲特來。丈曰。若爾。則他後不得孤負吾。一日丈曰。佛法不是小事。老

僧昔被馬大師一喝。直得三日耳聾。師聞舉不覺吐舌。丈曰。子已後莫承嗣馬祖去。麼。師曰。不然。今日和尚舉得見馬祖大機之用。然且不識馬祖若嗣馬祖。已後喪我兒孫。丈曰。如是如是。見與師齊。滅師半德。見過於師。方堪傳授。子甚有超師之見。師使禮拜。○師一日捏拳曰。天下老和尚總在這裏。我若放一線通從汝七縱八橫。若不放過。不消一捏。

表曰。無二亦無三。堯封潛曰。還見文殊也。無

第三十八祖臨濟義玄禪師。曹州南華邢氏子。幼而穎異。長以孝聞。及落髮。受具。居於講肆。精究毗尼。博讀經論。俄而歎曰。此濟世之醫方也。非教外別傳之旨。卽更衣遊方。在黃檗會中。行業純一。時睦州爲第一座。乃問上座在此多少。時師曰。三年。州曰。曾參問否。師曰。不曾。參問不知。問個甚麼。州曰。何不問堂頭和尚。如何是佛法的大意。師便去。問聲未絕。檗使打。師下來。州曰。問話作麼。生。師曰。某甲問聲未絕。和尚便打。某甲不會。州曰。但更去問。師又問檗。又打。如是三度。問三度。被打。師白州曰。早承激勸。問法累蒙

和尚賜棒自恨障緣不領深旨。今且辭去。州曰：汝若去，須辭和尚了去。師禮拜退。州先到黃檗處，曰：問話上座，雖是後生，却甚奇特。若來辭，方便接伊。已後爲一株大樹，覆蔭天下人去。在師來，曰：辭黃檗。檗曰：不須他去。祇往高安灘頭參大愚，必爲汝說。師到大愚，愚曰：甚處來。師曰：黃檗來。愚曰：黃檗有何言。師曰：某甲三度問佛法的，的大意三度被打。不知某甲有過。無過。愚曰：黃檗與麼老婆心切，爲汝得徹。困更來這裏問。有過。無過。師於言下大悟。乃曰：元來黃檗佛法無多子。愚擲住曰：這尿牀鬼子。適來道有過。無過。如今却道黃檗佛法無多子。你見個甚麼道理。速道。師於大愚肋下築三拳。愚拓開曰：汝師黃檗非干我事。師辭大愚，却回黃檗。檗見便問：這漢來來去去，有甚了期。師曰：祇爲老婆心切，便人事了。侍立。檗問甚處去來。師曰：昨蒙和尚慈旨，令參大愚去來。檗曰：大愚有何言。師舉前話。檗曰：大愚老漢饒舌，待來痛與一頓。師曰：說甚待來。卽今便打。隨後便掌。檗曰：這風顛漢來。這裏拈虎鬚。師便喝。檗喚侍者曰：引

這風顛漢參堂去。師栽松次，檗曰：深山裏栽許多松，作甚麼。師曰：一與山門作境，致二與後人作標榜。道了，將鑊頭壓地三下。檗曰：雖然如是，子已喫吾三十棒了也。師又壓地三下。嘯一嘯。檗曰：吾宗到汝大興於世。徑山有五百衆少人參請黃檗，令師到徑山。乃謂師曰：汝到彼作麼。生師曰：某甲到彼自有方便。師到徑山，腰裝上法堂，見徑山。徑山方舉頭，師便喝。徑山擬開口，師拂袖便行。尋有僧問徑山：這僧適來有甚麼言。句便喝。和尚徑山云：這僧從黃檗會裏來。你要知麼。自問取他。徑山五百衆大半分散。師半夏上黃檗山，見檗看經。師曰：我將謂是個人。元來是庵黑豆老和尚。住數日，乃辭檗曰：汝破夏來，何不終夏去。師曰：某甲暫來禮拜和尚。檗便打。趁令去。師行數里，疑此事，却回終夏後。又辭檗。檗曰：甚處去。師曰：不是河南，便歸河北。檗便打。師約住與一掌。檗大笑，乃喚侍者將百丈先師禪板几案來。師曰：侍者將火來。檗曰：不然。子但將去。已後坐斷天下人舌頭去。在師爲黃檗馳書到瀉山時，仰山作知客接得書，便問者個

是黃檗底那個是專使底師便掌仰山約住云老兄知是般事便休同去見潙山潙山便問黃檗師兄多少衆師曰七百衆潙山云什麼人爲導首師曰適來已達書了也師却問潙山和尚此間多少衆潙山曰一千五百衆師曰太多生潙山曰黃檗師兄亦不少師辭潙山仰山送出曰汝向後北去有個住處師曰豈有別麼事仰山曰但去已後有一人佐輔老兄在此人祇是有頭無尾有始無終師後住鎮州臨濟學侶雲集師一日謂普化克符二上座曰我欲於此建立黃檗宗旨汝且成禪我二人珍重下去三日後普化却上來問和尚三日前說甚麼師便打三日後克符上來問和尚三日前打普化作麼師亦打○師嘗示衆曰如諸方學人來山僧此間作三種根器斷如中下根器來我便奪其境而不除其法或中上根器來我便境法俱奪如山上上根器來我便境法人俱奪如有出格見解人來山僧此間便全體作用不歷根器大德到這裏學人著力處不通風石火電光卽過了也學人若眼定動卽沒交涉擬心卽差動念卽乖

有人解者不離目前

表曰西水流急牯牛兒也好看取堯封潛曰四目相親

第三十九祖興化存獎禪師初在臨濟爲侍者洛浦來參濟問甚處來浦曰變城來濟曰有事相借問得麼浦曰新戒不會濟曰打破大唐國覓個不會底人也無參堂去師隨後請問曰適來新到是成禪他不成禪他濟曰我誰管你成禪不成禪師曰和尚祇解將死雀就地彈不解將一轉語蓋覆却濟曰你又作麼生師曰請和尚作新到濟遂曰新戒不會師曰却是老僧罪過濟曰你語藏峰師擬議濟便打至晚濟又曰我今日問新到是將死雀就地彈就窠子裏打及至你出得語又喝起了向青雲裏打師曰草賊大敗濟便打後在三聖會裏爲首座常曰我向南方行脚一遭拄杖頭不曾撥著一個會佛法底人三聖問得問曰你具個甚麼眼便恁麼道師便喝聖曰須是你始得後太覺聞舉遂曰作麼生得風吹到大覺門裏來師後到大覺爲院主一日覺喚院主我聞你道

向南方行脚一遭拄杖頭不曾撻著一個會佛法底。你憑個甚麼道理與麼道。師便喝。覺便打。師又喝。覺又打。師來日從法堂過。覺召院主。我直下疑你。昨日這兩喝。師又喝。覺又打。師再喝。覺亦打。師曰。某甲於三聖師兄處學得個賓主句總。被師兄折倒了也。願與某甲個安樂法門。覺曰。這瞎漢來這裏納敗缺。脫下衲衣痛打一頓。師於言下領旨。雖同嗣臨濟。嘗以覺爲助發之友。臨濟寂後。嘗拈香曰。此一炷香。本爲三聖師兄。三聖於我太孤。本爲大覺師兄。大覺於我太賒。不如供養臨濟先師。○僧問。四方八面來時如何。師曰。打中。底僧便禮拜。師曰。昨日赴個村齋中。途遇一陣卒風暴雨。却向古廟裏躲避得過。

表曰。香灰裏唯聞牛糞氣。堯封潛曰。土宿領下髭鬚多。

第四十祖南院慧顒禪師。河北人也。上堂。赤肉團上。壁立千仞。僧問。赤肉團上。壁立千仞。豈不是和尚道。師曰。是僧便掀倒禪牀。師曰。這瞎驢亂做。僧擬議。師便打。趁出。問僧近離甚處。曰。襄州。師曰。來作甚麼。曰。

特來禮拜和尚。師曰。恰遇寶應老不在。僧便喝。師曰。向汝道不在。又喝。作甚麼。僧又喝。師便打。僧禮拜。師曰。這棒本是汝打我。我且打汝。要此話大行。瞎漢參堂去。有防禦使問長老。還具見聞。覺知也。無師與一踏踏倒。○上堂。諸方祇具啐啄。同時。眼不具啐啄。同時。僧便問。如何是啐啄。同時。用師曰。作家不啐啄。啐啄。同時。失曰。此猶未是。某甲問處。師曰。汝問處。作麼生。僧曰。失師便打。其僧不冒。後於雲門會。下聞二僧舉此話。一僧曰。當時南院棒折。那其僧忽契悟。遂奔回省觀。師曰。圓寂。乃謁風穴。穴一見便問。上座。莫是當時問先師啐啄。同時。話底麼。僧曰。是。穴曰。汝當時作麼生。會曰。某甲當時如在燈影裏行。相似穴曰。汝會也。

表曰。祇這個帶累。某人堯封潛曰。佇集如雲之衆。第四十一祖風穴延沼禪師。以僞唐乾寧三年十二月。生於餘杭劉氏。少魁器。有英氣。於書無所不觀。然無經世意。父兄強之仕。應進士。至京師。一舉不遂。卽東歸。從開元寺智恭律師剃髮。受具遊講肆。弘法華。

玄義脩止觀定慧夙師爭下之棄去遊名山到越州謁鏡清清問近離甚處師曰自浙東來清曰還過小江也無師曰大舸獨飄空小江無可濟清曰鏡水秦山鳥飛不度子莫道聽途言師曰滄溟尚怯燐輪勢列漢飛帆渡五湖清豎拂子曰爭奈這個何師曰這個是甚麼清曰果然不識師曰出沒卷舒與師同用清曰杓卜聽虛聲熟睡饒調語師曰澤廣藏山理能伏豹清曰捨罪放愆速須出去師曰出去即失便出到法堂乃曰夫行脚人因緣未盡其善不可便休去却回曰某甲適來輒陳小駭冒瀆尊顏伏蒙慈悲未賜罪責清曰適來言從東來豈不是翠巖來師曰雪竇親棲寶蓋東清曰不逐亡羊狂解息却來這裏念篇章師曰路逢劍客須呈劍不是詩人莫獻詩清曰詩速祕却略借劍看師曰累首甌人攜劍去清曰不獨觸風化亦自顯顛預師曰若不觸風化爭明古佛心清曰如何是古佛心師曰再許允容師今何有清曰東來衲子菽麥不分祇聞不已而已何得抑已而已師曰巨浪涌千尋澄波不離水清曰一句截流萬

機寢削師便禮拜清曰衲子俊哉到黃龍龍曰石角穿雲路垂條意若何師曰紅霞籠玉象擁照川原曰恁麼則相隨去也師曰和尚低聲到華嚴嚴曰我有牧牛歌輒請闍黎和師曰羯鼓掉鞭牛豹跳遠村海樹嘴盧都北遊襄沔間寓止華嚴時僧守廓者自南院順公所來華嚴陞座曰若是臨濟德山高亭大愚鳥窠船子兒孫不用如何若何便請單刀直入廓出衆便喝華嚴亦喝廓又喝華嚴亦喝廓禮拜起指以顧衆曰這老漢一場敗缺喝一喝歸衆師心奇之因結爲友遂默悟三玄旨要歎曰臨濟用處如是耶廓使更見南院師參南院入門不禮拜院曰入門須辨主師曰端的請師分院於左膝拍一拍師便喝院於右膝拍一拍師又喝院曰左邊一拍且置右邊一拍作麼生師曰瞎院便拈棒師曰莫盲枷瞎棒奪打和尚莫言不道院擲下棒曰今日被黃面浙子鈍置一場師曰和尚大似持鉢不得詐道不饑院曰闍黎曾到此間麼師曰是何言歟院曰老僧好好相借問師曰也不得放過便下參衆了却上堂頭禮謝院曰

闍黎曾見甚麼人來。師曰：在襄州華嚴與廊侍者同夏院。曰：親見作家來。院問：南方一棒作麼商量。師曰：作奇特商量。師却問和尚：此間一棒作麼商量。院拈拄杖曰：棒下無生。忍臨機不見師。師於言下大徹。立旨遂依止六年。一日南院謂師曰：汝乘願力來，荷大法，非偶然也。問曰：汝聞臨濟將終時語否。曰：聞之。曰：臨濟曰：誰知吾正法眼藏，向這瞎驢邊滅却。渠平生如師子兒，見即殺人，及其將死，何故屈膝安尾。如此師曰：密付將終全主，即滅。又問三聖如何。亦無語乎。師曰：親承入室之真子，不同門外之遊人。南院領之。又問汝道四種料簡語料簡。何法師曰：凡語不滯，凡情即墮。聖解學者大病，先聖哀之，爲施方便，如楔出楔。曰：如何是奪人不奪境。師曰：新出紅鑪金彈子，筵破闍黎鐵面門。又問如何是奪境不奪人。師曰：蕩草乍分頭，腦裂亂雲初綻影，猶存又問如何是人境俱奪。師曰：躡足進前須急急，促鞭當鞅莫遲遲。又問如何是人境俱不奪。師曰：常憶江南三月裏，鷓鴣啼處百花香。又問曰：臨濟有三句，當日有問如何是第一

句。濟曰：三要印開朱點窄，未容擬議主賓分。師隨聲便喝。又曰：如何是第二句。濟曰：妙解豈容無著問，遍和爭赴截流機。師曰：未問已前錯。又問曰：如何是第三句。濟曰：但看棚頭弄傀儡，偏抽牽全藉裏頭人。師曰：明破即不堪。於是南院以爲可以支臨濟後。唐長興二年，至汝水，見草屋數椽依山如逃亡人家。問田父：此何所。田父曰：古風穴寺，世以律居僧物，故又歲飢衆棄之而去。除佛像鼓鐘耳。師曰：我居之可乎。田父曰：可。師入，留止。日乞村落，夜燃松脂，單丁者七年。檀信爲新之，成叢林。僞晉天福二年，州牧聞其風，盡禮致之上元日，開法嗣。南院僞漢乾祐二年，牧移守郢州。師又避寇，往依之，牧館于郡齋。寇平，汝州有宋太師者，施第爲寶坊，號新寺，迎師居焉。法席冠天下。學者自遠而至，陞座曰：先師曰：欲得親切，莫將問來問會麼。問在答處，答在問處，雖然如是，有時問不在答處，答不在問處。汝若擬議，老僧在汝脚跟底，大凡參學，眼目直須臨機大用，現前勿自拘於小節，設使言前薦得，猶爲滯殼迷封。句下精通，未免觸途狂見。應

是向來依他作解明昧兩岐與汝一切掃却直教個個如師子兒吒呀地對衆證據哮吼一聲壁立千仞誰敢正眼觀著觀著即瞎却渠眼○師曰若立一塵家國興盛野老顰頰不立一塵家國喪亡野老安帖於此明得闍黎無分全是老僧於此不明老僧即是闍黎闍黎與老僧亦能悟却天下人亦能瞎却天下人欲識闍黎麼拊其左膝曰這裏是欲識老僧麼拊其右膝曰這裏是于時莫有善其機者

表曰不假記一字亦不用一功亦不用眨眼亦不用呵氣堯封潛曰從教鳴聽雷

第四十二祖首山省念禪師生狄氏萊州人也幼棄家得度於南禪寺爲人簡重有精識專修頭陀行誦法華經叢林畏敬之目以爲念法華晚於風穴會中充知客一日侍立次穴乃垂涕告之曰不幸臨濟之道至吾將墜於地矣師曰觀此一衆豈無人耶穴曰聰明者多見性者少師曰如某者如何穴曰吾雖望子之久猶恐就著此經不能放下師曰此亦可事願聞其要穴遂上堂舉世尊以青蓮目顧視大衆乃曰

正當恁麼時且道說個甚麼若道不說而說又是埋沒先聖且道說個甚麼師乃拂袖下去穴擲下拄杖歸方丈侍者隨後請益曰念法華因甚不祇對和尚穴曰念法華會也次日師與真園頭同上問訊次穴問真曰作麼生是世尊不說說真曰鶉鳩樹頭鳴穴曰汝作許多擬福作麼何不體究言句又問師曰汝作麼生師曰動容揚古路不墮悄然機穴謂真曰汝何不看念法華下語又一日穴陞座顧視大衆師便下去穴即歸方丈自是聲名重諸方首山在汝城之外荒遠處而師居之將終身焉登其門者皆叢林精練衲子師必勘驗之留者纔二十餘輩然天下稱法席之冠必指首山○嘗作鑄宗偈曰咄哉拙郎君注曰素巧無人識運機非打破鳳林關蕩盡玲瓏性靴水上立塵泥咄哉巧女兒汾陽曰妙擅梭不解織自異看他鬪雞人旁觀審騰距水牛也不識全力不立看角

表曰有函有號有部有帙白日明窓夜附燈燭堯封潛曰飛簷樞瓦蕩摩雲烟寶鈴和鳴珠網間錯

第四十三祖汾州太子院善昭禪師生俞氏太原人也。器識沉邃。少緣飾有大智。於一切文字不由師訓。自然通曉。年十四。父母相繼而亡。孤苦厭世。相剃髮。受具。杖策遊方。所至少留。不喜觀覽。或譏其不韻。師歎之曰。是何言之陋哉。從上先德行。脚正以聖心。未通驅馳。決擇耳。不緣山水也。師歷諸方。見老宿者七十有一人。皆妙得其家風。尤喜論曹洞石門。徹禪師者。蓋其派之魁奇者。師作五位偈示之曰。五位參尋。切要知纖毫纔動。即差違金剛透。匪誰能曉。唯有那吒第一機。舉目便令三界靜。振鈴還使九天歸。正中妙挾通回互。擬議鋒銑失却。威微拊手稱善。然師終疑臨濟兒孫。別有奇處。最後至首山。問百丈。卷簾意旨如何。曰。龍袖拂開全體現。師曰。師意如何。曰。象王行處絕狐蹤。於是大悟。言下拜起。曰。萬古碧潭空界。月再三撈攬。始應知有問者。曰。見何道理。便爾自肩。師曰。正是我放身命處。服勤甚久。辭去遊湘衡間。長沙太守張公茂宗。以四名剎請師擇之。而居師笑。一夕。遯去北抵襄沔。寓止白馬。太守劉公昌言聞之。造

謁以見。晚爲歎。時洞山谷隱皆虛席衆。議歸師。太守請擇之。師以手擲。掄曰。我長行粥飯僧。傳佛心宗。非細職也。前後八請堅臥不答。淳化西年。首山歿。西河道俗千餘人。協心削牘。遣沙門契聰迎請住持。汾州太平寺太子院師閉關高枕。聰排闥而入。讓之曰。佛法大事。靜退小節。風穴懼應。識憂宗旨。墜滅幸而有先師。先師已棄世。汝有力荷擔。如來大法者。今何時而欲安眠哉。師矍起。握聰手曰。非公不聞此語。趨辦嚴吾行矣。既至。宴坐一榻。足不越閭者三十年。天下道俗慕仰。不敢名。同曰汾州并汾地苦寒。師罷夜參。有異比丘振錫而至。謂師曰。會中有大士六人。奈何不說法言。訖陞空而去。師密記以偈曰。胡僧金錫光。請法到汾陽。六人成大器。勸請爲敷揚。時楚圓守芝號上首。○上堂謂衆曰。夫說法者。須具十智。同真若不具十智。同真邪。正不辨。縑素不分。不能與人天爲眼目。決斷是非。如鳥飛空而折翼。如箭射的而斷弦。弦斷故射的不中。翼折故空不可飛。弦壯翼牢空的俱徹。作麼生是十智。同真與諸上座點出一同一質。

二同大事三總同參四同眞智五同徧普六同具足
七同得失八同生殺九同音吼十同得入又曰與甚
麼人同得入與阿誰同音吼作麼生是同生殺甚麼
物同得失阿那個同具足是甚麼同徧普何人同眞
智孰能同參那個同大事何物同一質有點得出
底麼點得出者不吝慈悲點不出來未有參學眼在
切須辨取要識是非面目見在不可久立珍重
表曰盡乾坤人口到這裏百雜碎堯封潛曰不當
以其吹竽又建鼓而從之也

第四十四祖石霜楚圓禪師出泉州清湘李氏少爲
書生年二十二依城南湘山隱靜寺得度其母有賢
行使之遊方師連眉秀目頎然豐碩然忽繩墨所至
爲老宿所呵以爲少叢林師崖柴而笑曰龍象蹴踏
非驢所堪嘗囊骨董箱以竹杖荷之遊襄沔間與守
芝谷泉俱結伴入洛中聞汾陽昭禪師道望爲天下
第一決志親依時朝廷方問罪河東潞澤皆屯重兵
多勸其無行師不顧渡大河登太行易衣須廝養鼠
名火隊中露眠草宿至龍州遂造汾陽昭公壯之經

二年未許入室師詣昭昭揣其志必罵詬使令者或
毀詆諸方及有所訓皆流俗鄙事一夕訴曰自至法
席已再夏不蒙指示但增世俗塵勞念歲月飄忽已
事不明失出家之利語未卒昭公熟視罵曰是惡知
識敢碑販我怒舉杖逐之師擬伸救昭公掩其口師
大悟曰乃知臨濟道出常情服役七年辭去依唐明
嵩禪師嵩謂師曰楊大年內翰知見高人道穩實子
不可不見師乃往見大年年間曰對面不相識千里
却同風師曰近奉山門請年曰眞個脫空師曰前月
離唐明年曰適來悔相問師曰作家年喝之師曰恰
是年復喝師以手劃一劃年吐舌曰眞是龍象師曰
是何言歟大年顧令別點茶曰元來是家裏人師曰
也不消得夏久又問如何是圓上座爲人句師曰切
年曰作家作家師曰放內翰二十拄杖年拊膝曰這
裏是什麼處所師拍掌曰不得放過年大笑又問記
得唐明悟時因緣否師曰唐明問僧問首山佛法大
意首山曰楚王城畔汝水東流年曰只如此語意作
麼生師曰水上掛燈毬年曰與麼則辜負古人去師

日內翰疑則別參年曰三脚蝦蟆跳上天師曰一任蹕跳年乃大笑館于齋中日夕質疑智證因聞前言往行恨見之晚朝中見駙馬都尉李公曰近得一道人真西河師子李公曰我以拘文不能就謁奈何大年默然歸語師曰李公佛法中人聞道風遠至有願見之心政以法不得與侍從過從師黎明謁李公公閱謁使童子問道得卽與上座相見師曰今日特來相看又令童子曰碑文刊白字當道種青松師曰不因今日節餘日定難逢童子又出曰都尉言與麼則與上座相見去也師曰脚頭脚底李公乃出坐定問曰我聞西河有金毛師子是否師曰什麼處得此消息李公喝之師曰野干鳴李又喝師曰恰是李大笑既辭去問臨行一句師曰好將息李曰何異諸方師曰都尉又作麼生曰放上座二十棒師曰專爲流通李又喝師曰瞎李曰好去師曰諾諾自是往來楊李之門以法爲友久之辭還河東年曰有一語寄唐明得麼師曰明月照見夜行人年曰却不相當師曰更深猶自可午後更愁人年曰開寶寺前金剛近日因

甚麼汗出師曰知年曰上座臨行豈無爲人句師曰重疊關山路年曰與麼則隨上座去也師作噓聲年曰真師子兒師還唐明李公遣兩僧訊師師於書尾畫雙足寫來僧名以寄之李公作偈曰黑毫千里餘金襴示雙趺人天渾莫測珍重赤鬚胡師以母老南歸至筠州首衆僧於洞山時聰禪師居焉先是汾陽謂師曰我徧參雲門尊宿兒孫特以未見聰爲恨故師依止三年乃遊仰山楊大年以書抵宜春太守黃宗旦使請師出世說法守虛南原致師師不赴旋特謁守願行守問其故對曰始爲讓今偶欲之耳守大賢之住三年棄去之謁神鼎讓禪師讓首山高弟望尊一時衲子非人類精奇無敢登其門者住山三十年門弟子氣吞諸方師髮長不剪弊衣楚音通謁稱法姪一衆大笑讓遣童子問長老誰之嗣師仰視屋曰親見汾陽來讓杖而出顧見頽然問曰汾州有西河師子是否師指其後絕叫曰屋倒矣童子返走讓回顧相矍鑠師地坐脫隻履而視之讓老忘所問又失師所在師徐起整衣且行且語曰見面不如聞名

遂去。誣遣人追之。不可數日。汾州乃有此兒耶。師自是名增重。叢林定林沙門。本延有道德。雅爲士大夫所信敬。謹見延。稱師知見可與。臨濟會道。吾席虛延。白郡請以師主之法。令整肅亡軀。爲法者集焉。○師平生以事事無礙。行心凡聖所不能測。室中宴坐。橫刀水盆之上。旁置草鞋。使來參扣者。下語無有契其機者。

表曰。不如休去。歇去。身心淳朴。去堯封。潛曰。此是

西天祖師靈雙峰頂上鐵花生。

第四十五祖楊岐方會禪師。生冷氏袁州宜春人也。少警敏。滑稽談劇有味。及冠。不喜從事筆硯。竄名商稅務掌課。最坐不職。當罰。宵遁去。遊筠州九峰。恍然如昔。經行處。眷不忍去。遂落髮爲大僧。閱經聞法。心融神會。能痛自折節。依參老宿。慈明禪師住南原。師輔佐之。安樂勤苦。及慈明徙。適吾石霜。師俱自請領監院事。非慈明之意。而衆論雜然。稱善挾楮。衾入典金穀時。時慈語摩拂。慈明諸方傳以爲當依之。雖久。然未有省發。每咨參明曰。庫司事繁。且去他日。又問。

明曰。監寺異時兒孫徧天下。在何用忙。爲一日明適出雨。忽作師偵之。小徑既見。遂擲住曰。這老漢。今日須與我說。不說打你去。明曰。監寺知是般事。便休語。未卒。師大悟。卽拜於泥途。問曰。狹路相逢時。如何。明曰。你且禪避。我要去。那裏去。師歸來。日具威儀。詣方丈禮謝。明呵曰。未在。慈明飯罷。必山行。禪者問道。多失所在。師闕其出未。遠卽搥鼓。集衆慈明遽還。怒數曰。少叢林暮而陞座。何從得此規繩。乎。師徐對曰。汾州乃晚參也。慈明無如之何。慈明遷興化。因辭之。還九峰。萍實道俗詣山請住。楊岐時九峰長老勤公不知。師驚曰。曾監寺亦能禪乎。師受帖問答。罷乃曰。更有問話者。麼。試出相見。楊岐今日性命在汝諸人手裏。一任橫拖倒拽。爲什麼。如此大丈夫兒。須是當衆決擇。莫背地裏似水底按葫蘆相似。當衆勘驗。看有麼。若無。楊岐失利下座。勤把住曰。今日且喜得個同參。師曰。同參底事。作麼。生。勤曰。楊岐牽犁九峰。拽耙。師曰。正當與麼時。楊岐在前九峰在前。勤無語。師托開曰。將謂同參元來不是。自是名聞諸方上堂。楊岐。

乍住屋壁疎滿牀。盡布雪真珠。縮却頂暗。嗟吁良久。曰。翻憶古人樹下居。○室中問僧。栗棘蓬。你作麼生吞金剛圈。你作麼生透。

表曰。謹奉一文爲謝。將來堯封潛曰。燦如日星。

第四十六祖白雲守端禪師。生衡州葛氏。幼工翰墨。不喜處俗。依茶陵郁公。剃髮年二十餘。參顓禪師。顓歿。會和尚嗣居焉。一日。師奇之。每與語。終夕一日。忽問上人。受業師。師曰。茶陵郁和尚。曰。吾聞渠過谿。遭懶。有省作偈甚奇。能記之否。師卽誦曰。我有明珠一顆。久被塵勞關鎖。今朝塵盡。光生。照破山河萬朵。會大笑起去。師愕視左右。通夕不寐。明日求入室咨詢其事。時方歲旦。會曰。汝見昨日作野狐者乎。師曰。見之。會曰。汝一籌不及。渠師又大駭曰。何謂也。會曰。渠愛人笑。汝怕人笑。師於是大悟。於言下辭去。徧遊廬山。圓通訥禪師見之。自以爲不及。舉住江州承天。名聲爆耀。又讓圓通以居之。而自處東堂。師時年二十八。自以前輩讓善叢林。責已甚重。故敬嚴臨衆。以公滅私。於是宗風大振。未幾。訥公厭閑寂。郡守至。自陳。

客情太守惻然。目師師笑唯唯而已。明日陞座曰。昔法眼禪師有偈曰。難難難。是遣情難。情盡圓明。一顆寒方便遣。猶不是。更除方便。太無端。大衆且道。情作麼生遣。喝一喝下。座負包去。一衆大驚。挽之不可。遂渡江夏。於五祖之閑房。舒州小剎。號法華住持者。如龍中鳥。不忘飛去。舒守聞師高風。欲以觀其人。移文請以居之。師欣然策杖來。衲子至。無所容。士大夫賢之。遷居白雲海會。陞座。顧視曰。鼓聲未擊。已前山僧未登座之際。好個古佛樣子。若人向此薦得。可謂古釋迦不前。今彌勒不後。更聽三寸舌頭上帶出來。底早已參差。須有辨參差。眼方救得。完全有麼。乃曰。更與汝老婆開口。時末上一句正道。著舉步時。末上一步正踏著。爲甚麼鼻孔不正。爲尋常見鼻孔。頭了。所以不肯發心。今日勸諸人發却去。良久曰。一便下座。其門風峻拔如此。○示衆若端的得一回汗出來。也向一莖草上。便現瓊樓玉殿。若未端的得一回汗出。縱有玉殿瓊樓。却被一莖草蓋却。且道作麼生得汗出去。

表曰不用低頭思量難得堯封潛曰得于荒寒平遠

第四十七祖五祖法演禪師綿州鄧氏子年三十五始棄家祝髮受具往成都習唯識百法論因聞菩薩入見道時智與理冥境與神會不分能證所證西天外道嘗難比丘曰既不分能證所證却以何爲證無能對者外道貶之令不鳴鐘鼓反披袈裟三藏玄奘法師至彼救此義曰如人飲水冷煖自知乃通其難師曰冷煖則可知矣如何是自知底事遂往質本講曰不知自知之理如何講莫疏其問但誘曰汝欲明此當往南方扣傳佛心宗者師卽負笈出關所見尊宿無不以此咨決所疑終不破泊謁圓照本禪師云古今因緣會盡惟不會僧問與化四方八面來時如何化云打中間底僧作禮化云我昨日赴個村齋中途遇一陣卒風暴雨却向古廟裏避得過請益本本云此是臨濟下因緣須是問他家兒孫始得師遂謁浮山遠禪師請益前話遠云我有個譬喻說似你一似個三家村裏賣柴漢子把個匾擔向十字街頭

立地問人中書堂今日商量甚麼事師默計云若如此大故未在這一日語師曰吾老矣恐虛度于光陰可往依白雲此老雖後生吾未識面但見其頌臨濟三頓棒話有過人處必能了子大事師潸然禮辭徑造白雲端曰川蠶直汝來耶師拜而就列一日舉僧問南泉摩尼珠話請問雲叱之師領悟獻投機偈曰山前一片閒田地叉手叮嚀問祖翁幾度賣來還自買爲憐松竹引清風雲特印可令掌磨事一日有僧見磨轉遽指以問師曰此神通耶法爾耶師裹衣旋磨一匝僧無語未幾雲至語師曰有數禪客自廬山來皆有悟入處教伊說亦說得有來由舉因緣問伊亦明得教伊下語亦下得祇是未在師於是大疑私自計曰既悟了說亦說得明亦明得如何却未在這參究累日忽然省悟從前寶惜一時放下走見白雲雲爲手舞足蹈師亦一笑而已師後曰吾因茲出一身白汗便明得下載清風雲一日示衆曰古人道如鑄鑄像像成後鏡在甚麼處衆下語不契舉以問師師近前問訊曰也不較多雲笑曰須是道者始得乃

命分座開示方來初住四面遷白雲晚居東山○僧問如何是佛師曰露胸跣足曰如何是法師曰大教不放曰如何是僧師曰釣魚船上謝三郎

表曰跋涉數州遠過千里連披疏文不暇審詳堯封潛曰吳山碧楚江碧

第四十八祖昭覺克勤禪師彭州駱氏子世宗儒師兒時日記千言偶遊妙寂寺見佛書三復悵然如獲舊物曰予殆過去沙門也即去家依自省祝髮從文照通講說又從敏行授楞嚴俄得病瀕死歎曰諸佛涅槃正路不在文句中吾欲以聲求色見宜其無以死也遂棄去至真覺勝禪師之席勝方創臂出血指示師曰此曹溪一滴也師矍然良久曰道固如是乎師徒步出蜀首謁玉泉皓次依金鑾信大滄詰黃龍心東林度僉指爲法器而晦堂稱他日臨濟一派屬子矣最後見五祖盡其機用祖皆不諾乃謂祖強移換人出不遜語忽然而去祖曰待你著一頓熱病打時方思量我在師到金山染傷寒困極以平日見處試之無得力者追繹五祖之言乃自誓曰我病稍間

即歸五祖病痊尋歸祖一見而喜令即參堂便入侍者寮方半月會部使者解印還蜀詣祖問道祖曰提刑少年曾讀小艷詩否有兩句頗相近頻呼小玉元無事祇要檀郎認得聲提刑應喏喏祖曰且子細師適歸侍立次問曰聞和尚舉小艷詩提刑會否祖曰他祇認得聲師曰祇要檀郎認得聲他既認得聲爲甚麼却不是祖曰如何是西來祖師意庭前柏樹子響師忽有省遽出見雞飛上欄杆鼓翅而鳴復自謂曰此豈不是聲遂袖香入室通所得呈偈曰金鴨香銷錦繡幃笙歌叢裏醉扶歸少年一段風流事祇許佳人獨自知祖曰佛祖大事非小根劣器所能造詣吾助汝喜祖徧謂山中耆舊曰我侍者參得禪也由此所至推爲上首崇寧中還里省親四衆迂拜成都帥翰林郭公知章請開法六祖更昭覺政和間謝事復出峽南游時張無盡寓荆南以道學自居少見推許師艤舟謁之劇談華嚴旨要曰華嚴現量境界理事全真初無假法所以卽一而萬了萬爲一一復一萬復萬浩然無窮心佛衆生三無差別卷舒自在無

圓融此雖極則終是無風市市之波公於是不覺促揚師遂問曰到此與祖師西來意爲同爲別公曰同矣師曰且得沒交涉公色爲之愠師曰不見雲門道山河大地無絲毫過患猶是轉句直得不見一色始是半提更須知有向上全提時節彼德山臨濟豈非全提乎公乃首肯翌日復舉事法界理法界至理事無礙法界師又問此可說禪乎公曰正好說禪也師笑曰不然正是法界量裏在蓋法界量未滅若到事事無礙法界法界量滅始好說禪如何是佛乾屎橛如何是佛麻三斤是故眞淨偈曰事事無礙如意自在手把猪頭口誦淨戒趁出淫坊未還酒債十字街頭解開布袋公曰美哉之論豈易得聞乎於是以師禮留居碧巖復徙道林樞密鄧公子常奏賜紫服師號詔住金陵蔣山學者無地以容勅補天寧萬壽上召見褒寵甚渥建炎初又遷金山適駕幸維揚入對賜圓悟禪師改雲居久之復領昭覺○師一日到首座寮因說密印長老四年前見他恁麼地乃至來金山陞座也祇恁麼地打一個回合了又打一個回

合祇管無收殺如何爲得人恰如載一車寶劍相似將一柄出了又將一柄出祇要搬盡若是本分手段拈得一柄便殺人去那裏祇管將出來弄表曰吹大法螺擊大法鼓堯封潛曰溫柔敦厚詩教也

第四十九祖虎丘紹隆禪師和州含山縣人生而岐嶷絕俗九歲謝父母去家依縣之佛慧院又六歲削髮受具又五歲而束包曳杖飄然有四方之志首選長蘆淨照禪師參扣之間景響有得因閱圓悟勤禪師語錄撫卷歎曰想醉生液雖未能澆腸沃胃要且使人慶快第恨未親聆警欬爾於是欲訪之復至寶峰謁湛堂準禪師準曰如何是行脚事師露胸示之曰和尚驗看準卽打師約住曰且莫盲枷瞎棒準大笑因留年餘廼謁死心於黃龍心問曰是甚麼僧師曰行脚僧心曰是何村僧行甚驢脚馬脚師曰廣南蠻道甚麼何不高聲道心喜曰却有衲僧氣息師乃喝退而參堂度一夏心甚器重之每歎曰再來人也死心機鋒橫出諸方吞噉非上上根莫能當而於師

重緝賞衆皆側目已而趨夾山見圓悟道龍牙山遇
勸潭乾之法子密禪師相與甚厚每研推古今至投
合處抵掌軒渠或若狂狂議者謂今之爲仰寒拾也
久之辭去遂至夾山會圓悟移道林師從焉一日入
室圓悟引教云見見之時見非是見見猶離見見不
能及豎拳曰還見麼師曰見圓悟曰頭上安頭師於
此有省圓悟復曰見個甚麼師曰竹密不妨流水過
圓悟肯之尋俾掌藏教有問悟曰隆藏主柔易若此
何能爲哉悟曰瞋睡虎耳自此與圓悟形影上下又
二十年斧戔壑索盡得圓悟之祕師以二親垂白歸
寓鄉郡褒禪山繼受請住城西開聖建炎之亂乃結
廬銅峰之下郡守李公光延居影教次徙虎丘道大
顯著因追繹白雲端和尚立祖堂故事乃曰爲人之
後不能躬行遺訓於義安乎遂圖其像以奉時圓悟
以時未平泛峽歸蜀囊之輻湊川奔一時後生望山
而趨師每登座從容示露一味平等隨根所應皆愜
其欲故圓悟之道復大播於東南諸方謂圓悟如在
也○上堂僧問古人到這裏因甚不肯住師曰老僧

也。怎麼曰忽然一刀兩段時如何師曰平地神仙
表曰報不報之恩堯封潛曰香風惹衣祴
第五十祖應菴曇華禪師生江氏斬之黃梅人幼而
奇傑骨目聳秀童穉卽厭世故十七出家於邑之東
禪明年爲大僧又明年錫杖參訪首謁隨州水南遂
和尚染指法味徧歷湖南北江東西所至與諸老宿
激揚無不投契上雲居禮圓悟禪師一見拊勞痛與
提策服勞趨走惟恐後會圓悟入蜀指見彰教隆于
宣隆移虎丘師實爲先馳未半載通徹大法頓明圓
悟爲人處機關深固運用恢廓言句之出皆越格超
量道聲藹然洽於叢林未幾禮辭遊戲諸方初分座
於處之連雲處守以妙嚴請師出世繼住衢之明果
斬之德章饒之報恩薦福葵之寶林報恩江之東林
建康之蔣山平江之萬壽兩住南康歸宗末乃住天
童開大施門垂手未悟遠近奔湊如水赴壑師於普
說小參問答勘辨之語皆從容暇豫曲盡善巧而室
中機辨操縱殺活尤號明妙飽參宿學一近撻拂亦
汗下心死恨見之晚先意出力辨所難集以申報効

舊嘗領徒典刹者皆晦匿名跡以得寓巾鉢於下陳爲幸○上堂見聞覺知無障礙。聲香味觸常三昧。眼見如盲口說如瘧。蘇州人歎常州人打野大宋國裏。只有兩個僧。川僧浙僧。其他盡是子淮南子。江西子廣南子。福建子。豈不見道父慈子孝。道在其中矣。表曰。將今視古。鎖斷奔馳。堯封潛曰。喬木故家四方觀聽。

第五十一祖密菴咸傑禪師。福州鄭氏子。母夢廬山老僧入舍而生。自幼穎悟。出家爲僧。不憚遊行。徧參知識。後謁應菴於衢之明果菴。孤硬難入。屢遭訶一。日菴問。如何是正法眼。師遽答曰。破沙盆。菴領之。未幾辭回省。親菴送以偈曰。大徹投機句。富陽廓頂門。相從今四載。徵詰洞無痕。雖未付鉢袋。氣宇吞乾坤。却把正法眼。喚作破沙盆。此行將省覲。切忌便垛根。吾有末後句。待歸要汝遵。出世衢之烏。巨次遷祥符。蔣山華藏未幾。詔住徑山。靈隱晚居太白。○上堂。一個葫蘆。纔倒地。滿地葫蘆盡傾倒。欲識單傳直指禪。今日闍湊得恰好。

表曰。進之須以禮退之須以禮。堯封潛曰。敢把指頭指著。

第五十二祖破菴祖先禪師。出蜀廣安王氏。從羅漢院德祥出家。聞緣老宿住。召覺往參。扣語契令奉圓。悟香火一日。從方丈前過。緣問。菴頭有人麼。師云。無人。語未竟。緣劈胸與一拳。云。你禪師忽有省出。峽依澧州德山。涓落髮。尋受具。徧參諸方。至蘇之萬壽。值雪夜。坐自念。行脚十年矣。尙不能徹。去正悶悶。聞不覺鐘動。趨後架。舉頭見照堂二字。疑情頓釋。既而見水菴一於雙林。水菴問。西天鬚子爲甚麼無鬚。師云。非雙林不舉此話。水菴云。今日撞著個作家師。云。心不負人。面無慙色。水菴遂拓開師云。勘破了也。逮水菴謝事。遂往見密菴於烏巨。菴命師與客偶。菴對旁僧舉。不是風動。不是幡動。師聞豁然大悟。次日菴遇師於衆寮前。謂師曰。總不得作伎倆。你試露個消息。看師應聲曰。方丈裏有客菴。呵呵大笑。菴遷蔣山。師侍行。相從凡五載。盡得旨要。辭歸蜀。菴以偈送之曰。萬里南來川蕞。苴奔流度刃扣玄關。頂門敲瞎金剛。

眼去住還同珠走盤已而南至夔門尚書楊公輔以臥請居之辭去徧遊於吳華藏遜菴演金山退菴奇隱笑菴悟徑山蒙菴聰皆分第一座命說法歷住常州薦福眞州靈巖吳中秀峰穹窿楊和王請住湖州資福約齋居士張公請爲廣壽慧雲禪寺開山住持六座道場○上堂曰如何是禪闔浮樹在海南邊撐天拄地拄地撐天巧說不得只要心傳畢竟如何是禪禪

表曰辨得五天梵語底選一人上座來堯封潛曰吹火長尖嘴

第五十三祖徑山師範禪師生於蜀之梓潼雍氏九歲依陰平山道欽出家經書過目成誦紹熙五年登具戒出遊至成都坐夏正法有老堯首座睹堂高弟師請益坐禪之法堯曰禪是何物坐底是誰師受其語晝夜體究一日如廁提前話有省辭去依佛照於育王東菴照問曰何處人師曰劍州人照曰帶得劍來麼師隨聲便喝照笑曰者烏頭子也亂做貧甚無資剃髮故人以烏頭子目之未幾聞破菴住蘇之西

華秀峰遂往見焉有純賴者入室次橫機不讓菴打至法堂且欲逐出師解之曰禪和家爭禪亦常事何至如此菴曰豈不聞道我肚飢聞板聲要喫飯去師聞其語不覺白汗浹背逮破菴居靈隱第一座復往從之因侍破菴遊石笋菴菴之道者請益曰胡係子捉不住乞師方便菴曰用捉他作甚麼如風吹水自然成文師在侍傍平生礙膺之物頓釋巖雲巢居吳郡穹窿遷瑞光及台州瑞峯皆延師分座師在瑞巖忽夢偉衣冠者持把茅見授翌日明州清源事使至迨入院見伽藍神姓茅衣冠形貌與曠昔所夢無異繼遷焦山升雪竇連被旨移育王徑山師居徑山二十年儲峙豐積有衆如海雖兩丁火厄而旋復舊觀號法席全盛○上堂若論個事直是省要易會多是諸人自作艱難自作障礙所以有時東廊西廊見諸人和南問訊山僧便乃低頭相接其實無他只要諸人識得長老是西川隆慶府人氏表曰付思有幸處而在句語之外堯封潛曰拋擲播遷混于沙石

等五十四祖。仰山祖欽禪師。婺州人。十六爲僧。十八行脚。聞天目和尚。久侍松源。是松源之子。必得松源說話。詣淨慈懷香。請益目。特示黃檗接臨濟因緣。又云。混源住此山時。我做童到方入室。他日現成公案。未入門來。與你三十棒了也。但怎麼看師時。未領厥旨。曰。尋常請益。末上有一炷香。禮三拜。謂之謝因緣。我這一炷香不燒了也。依舊自作意坐禪。三年。脇不沾席。一日。纔上蒲團。面前豁然如地陷。自此淨裸裸地。半月餘。日動相不生。然於中夜睡著。無夢無想。無聞無見之地。又打作兩橛。凡古人有義路句語。則理會得。如銀山鐵壁者。却都不會。師雖久在徑山。無準和尚會下。每遇入室。至佛祖爪牙。輒無下口處。如是十年。遊浙東。一日。佛殿前行。擡眸見一株大栢。向來礙膺之物。撲然而散。見無準於徑山。因鑄鐘令作疏。語師成偈。曰。通身只是一張口。百煉爐中覩出來。斷送夕陽歸去後。又催明月上樓臺。準卽俾居侍司。自是聲動叢林。出世潭州龍興。遷湘西道林。處州佛日台。州護聖。湖州光孝。逮住仰山道遂大顯。○上堂曰。

一見便見。一得永得。展手曰。撒開兩手。大家看。畢竟明明是何物。潭州內外有一十八座城門。白日行人。千千萬萬。往往來來。一任東西南北。

表曰。蕩除鑑覺。詞氣脫略。乃今而後。未可知也。堯封潛曰。折釵股。差遜屋漏痕。

第五十五祖天目原妙禪師。吳江人。姓徐氏。母周夢僧乘舟至而娠。其生也在宋嘉熙戊戌。離襁褓。輒喜跌坐。見僧愛戀。十五歲。懇父母出家。投嘉禾密印寺。法住十六。薙髮。十七受具。十八習天台教。二十更衣入淨慈。立三年死限學禪。一日父兄至。巍然坐不顧。二十二見斷橋。倫令參生。從何來。死從何去。口體俱忘。或如廁。惟中單而出。或發函忘扇。鑄而去。時同參僧顯慨然曰。吾已事弗克辦。曷若輔之有成。朝夕護侍。惟謹。時雪嚴。欽和尚寓北磻塔。欣然懷香往扣。方問訊。卽打出。閉却門。一再往。始得親近。令看無字。自此參扣無虛日。欽每問。阿誰與你拖個死屍來。聲未絕。卽打。欽赴處之南明。師卽上雙徑。夢中忽憶斷橋室中所舉萬法歸一一歸何處話。疑情頓發。三晝夜。

目不交睫。一日少林忌。隨衆詣三塔。誦經擡頭忽視五祖演和尚真讚曰。百年三萬六千朝。返覆元來是遮漢。豁然打破拖死屍之疑。解夏詣南明。欽一見便問。阿誰與你拖個死屍到這裏。師便喝。欽拈棒。師把住曰。今日打某甲不得。欽曰。爲甚麼打不得。師拂袖便出。自是機鋒不讓。次年江心度夏。迤邐由國清過雪竇。見西江謀希叟。曇寓曰。過曇問曰。那裏來。師拋下蒲團。曇曰。狗子佛性。你作麼生。會師曰。拋出大家看。曇自送歸堂。暨欽挂牌於道場。開法於天寧。師皆隨侍。服勞一日。欽問日間浩浩時。還作得主麼。師云。作得主。又問睡夢中作得主麼。師云。作得主。又問正睡著時。無夢無想。無見無聞。主在甚麼處。師無語。欽曰。從今日去。也不要汝學佛學法。也不要汝窮古窮今。但只飢來喫飯。困來打眠。纔覺來。却抖擻精神。我這一覺。主人公畢。竟在甚麼處。安身立命。丙寅冬。奮志入臨安龍巖。自誓曰。拚一生。做個癡漢。決要這一著子明白。越五載。因同宿友推枕墮地。作聲廓然大徹。自謂如泗州見大聖。遠客還故鄉。元來只是舊

時人不改舊時行履處。在龍巖九年。縛柴爲龕。風穿日炙。冬夏一衲不扇不爐。日搗松和糜。延息而已。嘗積雪沒龕旬餘。路梗烟絕。咸謂死矣。雪霽見師宴坐。那伽甲戌。遷武康雙髻峰。學者雲集。菴小難容。拔其尤者居之。丙子春。衆避兵。四去。師獨掩關。及按堵啓戶。兀然如昔。於是戶履彌夥。應接不暇。乃有柳樛橫肩不顧人。直入千峰萬峰去之語。已卯春。腰包遁直造天目西峰之肩。有獅子巖。拔地千仞。巖石林立。師樂之。有終焉之意。弟子法昇等追尋繼至。爲葺茅蓋頭。未幾衆復集。師造巖西石洞。營小室如舟。從以丈衡半之榜。以死關上溜下。淅風雨飄搖。絕給侍屏服用。不澡身。不薙髮。截髮爲鑑。併日一食。晏如也。洞非梯莫登。撤梯斷緣。雖法子罕。瞻視乃有三關語。以驗學者。云。大徹底人。本脫生死。因甚。命根不斷。佛祖公案。只是一個道理。因甚。有明與不明。大修行人。當遵佛行。因甚。不守毗尼。下語不契。閉門弗接。○普請上堂。禪不在參道。不須悟動。轉施爲山嶽。鼓舞孟八郎。漢便恁麼去。爭似西峰搬石運土。

表曰弗觀其華。唯食其實。亦可以不失其宗矣。堯封潛曰。深山大澤。實生龍蛇。

第五十六祖天目明本禪師。杭之錢塘人。姓孫。母夢無門開道者。寄籠燈其家。翌日生。師神儀挺異。具大人相。能言。卽歌讀梵唄。凡嬉戲。皆佛事。九歲喪母。讀論語。孟子。未終卷。輟學。年十五。決志出家。禮佛然臂持五戒。日課法華圓覺。金剛夜則常行。困以首觸柱。自警。居近靈洞山。時登山。顛習禪定。甫冠。閱傳燈錄。至菴摩羅女問曼殊明知生是不生之理。爲甚麼却被生死之所流轉。有疑沙門明山者。指師往參。高峰妙和尚。妙峻冷不假人辭色。一見驩然。欲爲祝髮。師以父命未許。妙曰。可舉闍夜多尊者。因緣勸喻。未幾誦金剛般若。至荷擔如來處。開解內外典籍。皆達義趣。年二十五。從妙薙染於師子院。明年受具。又明年觀流泉有省。詣妙求證。妙打趁出。會民間訛傳。官選童男女師。因問曰。忽有人來問和尚。討童男女。時如何。妙曰。我但度竹笠子與他。師言下洞然。陸沉衆中。無知者。妙書眞讚付師曰。我相不思議。佛祖莫能視。

獨許不肖兒。兒得半邊鼻。俾參徒詣師。請益衆。由此知歸淮。僧子證嘗問妙諸弟子優劣。妙曰。若初院主等。一知半解。不道全無。如義首座。固是根老竹。其如七曲八曲。惟本維那。却是竿上林。新篁他日成材。未易量也。松江瞿霆發。施田建寺於蓮花峰。號大覺正等禪寺。妙將遷化。以寺屬師。師辭於是。五山缺主席當事。致書屢請。師皆力辭。至於窮崖孤洲。草栖浪宿。屏遯其跡。而避去之。然而四方學者。北殫龍漠。南極六詔。西連身毒。東窮搏桑。皆裹糧躡屣。萬里奔走。而輻湊赴師者。逮無虛日。南詔僧玄鑑。素明教觀。辯博英發。每曰。吾聞大唐有禪宗。使審是耶。吾將從其學。使或未當。吾將易其宗旨。而俾趨教觀。由其國來一聞師言。便悟昔非。洞明大法。方圖歸以倡道。而歿於中吳。鑑之徒。畫師像。歸國。像出。神光燭天。南詔遂易教爲禪。奉師爲禪宗第一祖。○示衆曰。瞻在前。忽在後。竹雞晝啼。華鯨夜吼。未了聽一言。如今誰動口。

表曰。三復之歎。其滴水能敵巨海。堯封潛曰。燧人氏鑽火。將以烹飪饗上帝。而秦始皇用以焚古圖。

書非火之咎也

第五十七祖千巖元長禪師出越之蕭山董氏世業詩書父九鼎母何氏晚而生師欲棄之鞠於嫂謝七歲就外傳諸書經目成誦出入蹈炬燭如成人父喜曰子當以文行亢吾宗諸父疊芳學佛於富陽法門院乞師爲嗣謝不從未幾師遘疾甚革謝禱於觀音大士曰佛幸我慈俾此兒不死令服洒掃役終身禱已師汗下而愈遂使從芳遊時年始十七益求良師友摩切九流百氏之言已而曰此非出世法也復從授經師學法華經至藥王品問曰藥王既然二臂曷爲復現本身耶授經異之年十九薙髮受具戒走武林習律於靈芝寺律師問曰八法往來片無乖角何謂也師曰胡不問第九法乎律師曰問律而答以禪真大乘法器也會行丞相府飯僧師隨入衆天目本亦在座遙見師即呼謂曰汝日用何如師曰唯念佛耳本曰佛今何在師方擬議本厲聲叱之師遂胡跪作禮求示法要本以狗子無佛性話授之繼往縛扉隱山中雪庭傳召師掌內記師下筆成章五采

交際見者歎服俄棄歸將十載一旦喟然曰生平氣志充塞乾坤乃今作甕裏醃雞耶復造靈隱三年因往望亭聞鵲聲有省亟見本具陳本復斥之師憤然來歸夜將寂忽鼠翻猫飯器墮地有聲恍然開悟披衣待旦復往質於本本問曰趙州何故云無師曰鼠食猫飯本曰未也師曰飯器破矣本曰破後云何師曰築碎万巖本乃微笑視師曰汝宜善自護持棲遯巖穴時節若至其理自彰師既受付囑隱天龍之東菴聲光日顯諸名山爭相勸請師與弟子希昇杖錫踰潯江而東至烏傷之伏龍山見山形如青蓮華乃卓錫巖除誓曰山若有水吾將止焉俄山泉溢出作白乳色師遂依大樹以居初伏龍山有禪寺號聖壽廢已久師入山時鄉民咸夢有異僧來遂相率登巖巖披蒙茸以訪見師晏坐不動邑大姓各爲伐木構精廬以安師尋因舊號建大伽藍重樓傑閣端門廣衍踰映林谷內而齊魯燕趙秦隴蜀外而日本三韓八番羅甸交趾琉球莫不奔走膜拜咨決心學留者恒數百人至有求道之切斷臂師前以見志者師

各隨其根性而爲說法。○上堂曰。貴買廬陵米。大做鐵餛飩。普請諸禪流。堂中自吞啗。呵呵聊表殷勤。莫嫌冷淡。

表曰。大悲菩薩有千手大丈夫兒。誰不有堯封潛。曰。遠山皆與之同聲。

第五十八祖蘇州萬峰時蔚禪師。溫州樂清金氏子。母鄭夢儒。釋二人入其寢覺而生。二子師居末有光。燭室鄭懼。欲弗舉。祖母育之。襁褓見僧輒微笑。合掌。父母度不可留。使禮越之永慶寺。講主昇公出家時。年十一。嘗誦法華。至諸法從本來常自寂滅。相有省。直得虛空粉碎。大地平沉。非一切世間境界可比。遂入杭。受具。參止巖禪師于虎跑巖。示以南泉三不是。語因入達蓬山卓菴。佛跡寺舊址。晝夜參究。至忘寢食。一日聞寺主宗公舉滄山踢倒淨瓶話。忽契悟。乃曰。不是心。不是佛。不是物。咄。這鈍漢。好與三十棒。聞千巖和尚道風。遂行脚到伏龍巖。上堂舉無風荷葉動。決定有魚行。師出震聲一喝。拂袖而出。巖使下座。請師居第一座。未幾付以衣偈。初住蘭溪嵩山。後遷

蘇州萬峰一日。○上堂展兩手云。大開方便門。請從這裏入。復握雙拳曰。閉却牢關。說家裏話。且不開不閉。又作麼生。良久歛僧伽黎下座。

表曰。少室道行光騰。後裔適當危寄。猶班班足徵。堯封潛曰。是疾驅急擊之時。

第五十九祖寶藏普持禪師。一日問慧岳。心不是佛。智不是道。汝云何。岳向前問訊。叉手而立。師呵曰。在此許多時。還作這個見解。

表曰。華須連夜發。莫待曉風吹。堯封潛曰。照出雄心。憑蠟燭染來詩色。是湘山。

第六十祖東明慧岳禪師。年十四。禮丹陽妙覺寺湛然出家。受具後。徧參諸方。未至雲間松和尚處。于本參有所見。終不冒諾。自誓不徹證不已。因禪定六晝夜。偶出定。舉首覩長松豁然。尋至蘇州立墓。見果林和尚。針芥相投。復指見寶藏持和尚。具陳悟因。持叱之曰。佛法如大海。轉入轉深。那得泊在這裏。一日有所省。遂呈偈曰。一拳打破太虛空。百億須彌不露踪。借問箇中誰是主。扶桑湧出一輪紅。持仍未點首。服

勤甚久。盡得其道。乃蒙印可。潛隱杭州安溪古道山。三十年影不出山。高風遠播。四來羣至。諸方宿德爭趨座下。師誨勵無少倦。一言之出。莫不泠然有省。未幾還湖南。淨慈道益大。行辛酉六月廿七日。忽命侍僧點平生衣物。估唱飯僧。一衆知師無意住世。請留偈。師笑曰。有幾句閒言。無人相著。至二十九日辰時。辭衆跏趺而逝。停龕七日。顏貌如生。依法荼毗。獲舍利無數。明瑩如珠。

表曰。可憐馳逐天下人。六六元來三十六。堯封潛曰。冒管他月之大小歲之餘閑。

第六十一祖金陵東山永慈禪師。姓余氏。蜀成都縣名族。齠髻見僧轍。喜棄俗。趨彭縣大隋山景德禪寺。投獨照月公剃染。月寂師襄塔事畢。入西山八載。行脚首依太初和尚。一日問父母未生前那個是你本來面目。師從東過西叉手而立。後出峽赴京。受牒復還金陵。靈谷掛搭雪峰和尚。請充首座。制解造武林。受具後。於東明。昆和尚兩掌下開悟。乃展具珍重三拜而出。昆曰。居古道山三十載。今日只見得這僧。

表曰。而我沙門一切時一切地。不整理人家手脚。堯封潛曰。有一轉語。還有人答得麼。

第六十二祖金陵高峰智瑄禪師。久依東山海舟和尚。末後付正法印。得殺活拈來總現成之記。因本瑞來參。師問甚處人。瑞曰。四川師。豎拳曰。四川還有這個麼。瑞曰。無師曰。因甚却無。瑞曰。非某境界。師曰。如何是你境界。瑞曰。諸佛不能識。誰敢強安名。師曰。汝豈不是著空。瑞曰。終不向鬼窟裏作活計。師曰。西天九十六種。汝當第一。

表曰。大唐國裏宗乘。有一人舉唱大地人失却性命。堯封潛曰。諸人從朝至暮說千說萬。不是說不到。

第六十三祖金陵本瑞禪師。南昌鍾陵江氏子。隨父商頴州。偶厭世相。遂信步至荊門。禮無說能公。剃染爲沙門。令看萬法。歸一話。乃徧參耆宿。與全首座者同行。至襄陽道中。偶聞老嫗喚猪聲。全說偈曰。阿娘牆內喚哪哪。途路師僧會也麼。拶破這些關板子。阿娘依舊是婆婆。師疑滋甚。一日病中。聞僧舉大慧臨。

滅因緣。願明全公。偈意入蜀。見梵山雪峰諸老。多所發藥。益臻玄奧。末後見金陵高峰和尚。橫機不讓拂袖。便行瑄撫而印之。

表曰。約甚麼體格商量。堯封潛曰。當時聽衆甚難。獨立。

第六十四祖玉泉明聰禪師。邵武光澤縣人。姓奚。母吳氏。將誕前一夕。有病僧告宿。吳辭之夜半。遂生。師而病僧是夜道亡。里人咸謂此僧再來。十七從隱菴得度。二十受具。精毗尼。兼修止觀。深究唯識等論。一日遊百丈山。逢一老宿。問師曰。大通智勝佛十劫坐道場。佛法不現前。不得成佛。道此理如何。師依文對老宿。詬罵而去。師因疑情頓發。一日聞馬嘶。豁然大悟。乃曰。如斯之事。如來明見。無有錯謬。

表曰。欲得如是事。還須如是人。若是如是人。愁個甚麼事。堯封潛曰。突然起得許頭角。

第六十五祖圓通德寶禪師。金臺錦衣吳氏子。幼孤。情質近道。弱冠入寺。聽講華嚴。大疏至十地品。如來無輪王時。捨國城妻子。頭目手足。因感悟禮廣惠能。

公出家。既落髮。徧參名宿。一日渡溪。失足墮水。衣履俱濕。更衣呂家店。默坐。忽聞婦人賁子有省。遂造關嶺。謁玉泉聰。呈所得。明旦入室。聰曰。上座。昨日許多絡索。向甚麼處去也。師擬對。聰笑曰。鷄子過新羅。師復問曰。十聖三賢。已全聖智。爲甚不開斯旨。聰曰。如何是斯旨。下語皆不契。因臨泉洗菜。忽一莖菜墮水。逐水圓轉。捉之弗得。遂豁然喜躍。來歸。聰以玄沙未徹語勘之。師曰。賊入空房。聰曰。不得草草。師便喝。拂袖而出。後辭關嶺。入楚參大覺圓公。覺齒高。儀貌豐碩。辭音如鐘。住山數十年。不與人事。禪門巨匠也。師侍覺數月。朝夕扣擊。覺老拈放風。轉方便。莫測。一日室中舉外道問佛。不問有言。不問無言。世尊良久。外道便悟。覺曰。既不涉有無。良久亦是閒名。正當恁麼時。外道悟個甚麼。師擬對。覺以手掩其口。曰。止。止。猶挂齒。在師曰。可謂東土衲僧。不若西天外道。遂作偈曰。自笑當年蓄模。則幾番紅了幾番黑。如今謝主老還鄉。那管平生得未得。覺爲助喜。未幾。回關嶺。聰付以法印。諭出世。○上堂。拈拄杖曰。有麼。有麼。時有一僧。

出作禮師劈脊便打曰多口作麼曰某甲一言未措何爲多口師復打曰再犯不容

表曰塗毒鼓置之幾百年矣又一搗也堯封潛曰塞北風霜緊江南雪不寒

第六十六祖荊溪禹門正傳禪師姓呂氏溧陽人也年十九從善權樂菴和尚薙髮看父母未生前話無所入刻苦歷二七日一夕經行纔就坐聞琉璃燈光燿爆豁然有省乃曰古人所謂虛空粉碎大地平沉一人發真歸源十方虛空悉皆銷殞非虛語直造燕都參笑巖和尚通所得語未竟巖忽趨出隻履曰向這裏道一句看師無語立簷下自夕達旦巖出見喚師師回首巖翹一足作修羅障日月勢師乃大悟服勤數載禮辭南歸巖書從上源流付之臨行覆以一笠曰無露圭角還荊溪唐太常凝菴請住禹門禪院示衆佛法二字不是偶然亦非特意悟底人信手拈來自然貼體隨分道出自然恰好老僧昔居臺山有僧問三賢尙未明斯旨十地那能達此宗如何是斯旨老僧鳴指一下曰會麼僧曰不會老僧又鳴指一

下曰知麼僧曰不知老僧道具足凡夫法凡夫不知具足聖人法聖人不曾聖人若會即同凡夫凡夫若知即是聖人其僧矍然致敬倒身三拜直趨而去俊哉這僧如此去還曾悟也未時悟西堂出衆禮拜曰夜深天寒請和尚歸方丈師曰推開又爭得當是時北宗盛行衲子相見不齒向上師孤任單提嚴冷之風儼然汾州○舉門前冷落車馬稀老大嫁作商人婦語辨驗方來三十年衲子士大夫罕契其機

表曰左證古今爲之增氣堯封潛曰千里持來呈舊面

第六十七祖明州天童圓悟禪師出陽羨蔣氏生而淵穆凝重歲遇春明貽蕩動世無常之想家世具正信少即切慕向上究覽六祖壇經永嘉集二十六見堆柴橫突惺然有省棄家室從禹門傳和尚出家卽望荷擔法道之志腰鎌肩耒人不堪其勞求道彌切於古人所謂天地同根萬物一體不能釋然恍恍惚惚昭昭靈靈終未得安穩秋日過銅棺山頂頓覺情與無情煥然等現盡大地覓纖毫過患不得于前時

所見古人因緣宛爾不同。走三千里。省傳和尚于京師傳問老僧。離汝三年。有甚新鮮佛法。麼師曰。有傳曰。拈出來看。師曰。一人有慶。萬民樂業。傳曰。汝分上。又作麼生。師曰。得得來省。覲傳曰。念子遠來。放汝三十棒。師抽身。便出一晚入室。傳纔舉。寂然不動。感而遂通。師便出傳曰。此子如傷弓之鳥。見弓影而馳。又一晚傳問。今月是大盡。是小盡。有者曰。小盡。有者曰。大盡。師曰。敢保不在曆本上。論量一早室中。侍傳和尚語。話出。應供堂同學問。室中學何因緣。師便覆倒飯桌。一日傳和尚索師始末。因緣師據實錄呈傳閱。竟曰。已有半卷語錄也。師接得火之師辭傳傳曰。此去適意處。不得住。不適意處。急走過。師佩記南行。由蘇齊淮南北三吳。達浙西路。雙徑天目。茗雲諸山。無不探幽索隱。罔當其意者。渡錢塘。至于會稽。訪周海門。陶石簣。與佛法相見。二公欽懾。折節問道。留山堂。日就智證。臨別。海門握師手曰。師五十已上。道滿天下。師曰。有與麼事。渡南海。窮大台龍湫。諸勝回禹門。傳陞座。召師師近前。傳舉起拂子曰。諸方還有這個。

麼師震威一喝。傳曰。好喝。師連喝兩喝。歸位。傳顧師曰。更喝一喝。看師即出法堂。明日傳搥鼓上堂。以大法印付之一日。傳曰。汝其爲我扶佛法。師呈偈曰。若據某甲扶佛法。任他○○○○都來總與三十棒。莫道分明爲賞罰。傳大笑。傳臨寂。命師繼住。歛鉢闌彩。三年泯泯心喪。同時抱奇負氣者。易視之一陞座。一衆拜伏。歷住天台。通玄秀州。金粟。福州。黃檗。越州。鄞山。明州。太白。禪宗自元迄明。千巖元叟。楚石。南堂。愚菴。諸老以來。五宗一綫。寸縷千鈞。師赫然震耀海內外。川搖嶽動。道起十世之衰。上堂。豎拂子曰。見麼。只此拂子。已刺破釋迦老子眼睛了也。衆中莫有眼見如盲口說如症者。向金不博金處。道將一句來。良久。曰。眼空宇宙。渾無物。大坐當軒。孰敢窺上堂。若據個事。正如青天白日。充塞圓滿。直是無人迴避處。亦無遮障得。且道既無迴避遮障。因甚等閒問著。十个五雙。不知喝一喝。曰。祇爲分明極上堂。天童這裏不敢虧人。你有半斤。稱你八兩。你有十尺。量你一丈。養柯蘇州北禪。誕日上堂。山僧六十有五。素來不涉迷。

悟無端痢疾三年累得通身骨露若人如是證明管取超佛越祖示衆舉大慧禪師道生不知來處謂之生大死不知去處謂之死大不知生死來去謂之生死事大。山僧不然只這生不知來處死不知去處便是當人出生死之消息又曰諸佛衆生本無異相只緣迷悟見有差殊迷時本體不曾迷悟時本體不曾悟迷悟都不干本體之事迷時則全佛而全衆生悟時則全衆生而全佛全衆生而全佛衆生不見諸佛之名全佛而全衆生諸佛不見衆生之相諸佛不見衆生之相故諸佛何曾度一人衆生不見諸佛之名故衆生度盡恒沙佛衆生度盡恒沙佛衆生與諸佛無殊諸佛何曾度一人諸佛與衆生不異如是舉手所指縱目所觀諸佛衆生水中鹽味色裏膠青○僧參自敘雲門博山相見機緣將畢師咳嗽一聲睡地曰你道道看僧罔措師連棒打出一日僧問如何是佛法的大意師搔頭曰老僧頭癢曰還有奇特也無師展兩手

表曰十成點出天人眼一著平空起古今堯封潛

曰泰山曰觀峰觀日出黃河一線若在山陞第六十八祖蘇州鄧尉山三峰法藏禪師降生錫山蘇家父道垂先生諱蘭母周生而屹然負大志五歲聞道垂先生論孟子浩然之氣神思奮發十一禮佛方投地心如洞開矢志出家萬曆十九年辛卯師十九歲尙寶薛公敷政素奇師爲嚮禮部牒得度德慶禪院研究首楞嚴修觀音耳根圓通間討河洛著五經參同四書參同諸書一時倡道諸名賢顧端文高忠憲輩有麟鳳之目一日侍御錢公啓新與尙寶薛公立臺搖艇子到門舉楞嚴圓覺諸經論問師師曰楞嚴云諸可還者自然非汝不汝還者非汝而誰瞿曇如將名品荔枝和皮核去盡送在人口裏多不解吞又云但能轉物卽同如來臨濟德山又豈能過之圓覺云知幻卽離不作方便離幻卽覺亦無漸次而今諸家浩浩說禪爭能許便捷二公甚擊節師器量邁越不易自負諸憮然曰宗乘中事自問理會也理會得說也說得只一事未在敵他生死不得遂決志行脚圓具徧參無當意隱虞山三峰參萬法歸一一

歸何處。會窓外二僧夾籬。拗拆大竹。聲若迅雷。乃大悟。復深研立要之旨。從梅菴。菴閉關。疽發于背。不覺忽推窓。見黃梅墮地。千門萬戶。闔然天開。師痛念臨濟之道。歎曰。非我則從上大法。墜於地矣。乃握一黑漆竹篋。不顧身命。亡曉夜開發。學者一時稱三峰爐鞴。四方抱道宿望之士。及賢士大夫。爭集其門。座下得法乳名重叢林者。若干人。嘗示衆。舉雲門大師曰。禪非意想。道絕功勳。汝等諸人。怎麼生。參乃曰。日升之時。明徧天下。日沒之時。暗徧天下。虛空死活。也不知過在阿誰。隨打露柱。一下曰。諸惺惺。著。示衆舉雲門齋次。將胡餅一咬。曰。咬著帝釋鼻孔。帝釋害痛。師乃笑云。且道三身中。那一身覺痛。人中來底菩薩。終隔一層天。中來底菩薩。試道看衆。無對一齊打趁云。得恁不識痛癢。示衆舉盤山和尚云。光非照境。境亦非存。光境俱亡。復是何物。乃云。直得露柱立地放尿。知者。謂師擅臨濟綱宗。括雲門作用。于是徑山歸宗。諸名利。皆虛席。盡禮迎住。而師力辭。甲子秋。見悟和尚于金粟。悟特上堂。舉黃檗參百丈文舉。再參因緣。

黃檗不覺吐舌。丈曰。子以後莫承嗣馬祖去麼。檗曰。不然。因師舉得見馬祖大機之用。然且不識馬祖。若嗣馬祖。已後喪我兒孫。丈曰。如是如是。是見與師齊滅。師半德見過于師。方堪傳授。子甚有超師之見。故臨濟三度問佛法大意。三度被打。濟後出世。惟以棒喝接人。不得如何。若何。祇責單刀。直入師出。衆便喝。悟曰。好喝。師又喝。悟曰。汝試更喝。一喝看。師禮拜歸位。悟復顧師。舉僧問古德。朗月當空時。如何。德曰。猶是階下漢。僧曰。請師接上。階德曰。月落後相見。且道月落後。又如何。相見。師便出堂。卽日。請師居第一座。遂嗣法。金粟出世。歷住杭州安隱淨慈秀州真如吳江聖壽蘇州北禪鄧尉行世語錄三十卷。廣錄五十卷。○安隱示衆曰。機先一向是汝諸人安身處。先機一著是汝諸人立命處。其間左之右之。或伸或縮。是汝諸人踏脚處。末後一句。是汝諸人出頭處。諸方目爲五決旨。

表曰。拗折秤衡。將甚麼定斤兩。堯封潛曰。大陽已在箕三度。好用陶唐太乙盤。

第六十九祖衡州南嶽般若寺退翁弘儲禪師出通州李氏帝高陽之苗裔虞士師答繇後忼慨重大節父孝敏先生諱嘉兆母高師降生前一日高夢梵相僧授金環而生乳名曰金四歲撫于祖母孫終日兀坐自語語不可解繇然成文聽者駭之七歲聞祖母學佛之訓切憂生死不樂章句方外有道之士至必見見必深叩岸然莫當其意會若昧法師從匡廬歸提唱東林遠法師蓮社遺旨師結伴刻漏修淨業二載終疑禪宗慨然曰大丈夫一事不知猶以爲恥況如來大法不干門萬戶一躍而開非夫也遂踰城越海投三峰藏和尚剃染圓具逾年侍藏開堂杭州安隱師自期七日明道至第六日危立如塑像堂中開靜見兩行僧對問訊曝然自落積劫未明之事徹底現前亟趨方丈藏望見顏色曰看箭師喝藏曰看箭師又喝藏起立大呼曰看箭師放身倒時華嚴鴻和尚燒香曰儲兄何不禮拜師卽下去藏當晚小參師方作禮藏問萬法歸一一歸何處師曰恰恰今朝臘月初三藏問與趙州衫子同別師曰一滴水一滴凍

藏問如何是奇特事適大殿撞鐘師曰鐘聲咬破七條藏一日上堂師出問關天人深域一往已見全提振今古洪模此時願垂一語藏曰剛道點頭猶未是纖毫不了亂縱橫師曰金毛師子相逢著未必輕輕放過伊藏曰行脚若還不帶眼難免海外覓浮漚師點頭三下藏和尚齋時舉趙州道老僧三十年不禪用心除二時粥飯是禪用心處遂指鉢內外曰是飯禪用心是筍禪用心師點胸曰是伊禪用心藏曰罪過師作禮曰弘儲自今更不敢答話也一僧問同學雪生曰紅日出時兄作麼生雪生請師代師曰溪澗豈能留得住終歸大海作波濤今靈隱禮和尚適城中回雪生理前問禮答亦如是老和尚聞之擊案賞曰二子當起吾宗師服勤又三年益臻玄奧藏乃書臨濟正宗記付之首住常州夫椒山祥符寺法堂揭五宗要旨室中出十二種日旋三昧以驗方來一時東南衲子賢士大夫目爲龍門師志發古人曳杖入天台由天封慧明深入東掖山跡三年不出爲天台文邑侯可紀請住國清始開堂一香供藏和尚道益

大上堂曰。汝等繞四天下。行脚盡謂我求心。且道心是何物。老僧於無數量中。略露些文彩。心是日。處空照有無。定跡心是月光。涵寶鏡。清高絕。心是星。運斗旋。寶靈與麼。昨朝則有。今日則無。也不然。心是雨花。木普滋含笑。蕊心是風。錦繡山川。披拂中心。是雲舒卷。乾坤越樣。新心是雷發。蟄一聲。幽谷開。汝等還回還。識心麼。直饒量取河沙。算他過去未來。現在無有窮盡。隨濟先祖。又道真正學道人。念念心不間斷。噓噓心之一字。刁刀莫辨。魚魯難分。晚參舉雲峰悅和尚。一日謂僧曰。汝問訊了一邊。立地是什麼道理。師云。未必善。因而搢惡果。復曰。靈岳今問大衆。汝等禮拜了。兩行立地是什麼道理。一曰。某甲若說道理。遭人怪笑。一曰。也不較多。一曰。不可兒戲。一曰。冒以小緣。妨于大事。一曰。是上古風規。是今時樞要。一曰。不得作佛法商量。一曰。崑崙爲流通。一曰。衲子難護。師乃云。眼目洞然是誰。不然。更擬踏步落花。滿前晚參七十二峰。各住本位。三萬餘頃。去不知方。我輩林下人。月聽其自白。風聽他自清。一向申申。天天樂此。

太平時節。有粥有飯。諸人還甘也。無若甘去。薦地卒風暴雨。如何避得過。若不甘。無事不可生事。千個作團。萬個作塊。我也不敢錯怪你。你也不要錯怪人。上堂。舉明教大師曰。秋初夏末。莫道我不向你諸人道。大家看火燭師曰。我要打明教三十棒。賊發火起。何日無之。因什只在秋初夏末。老僧只要這老子知時節。莫道爲你諸人說。喝一喝曰。去上堂。拈起拄杖云。達磨心宗。傳至今日。稍不著便。又是明日。卓一下曰。更待何日。上堂。佛法徧天下。惟善決擇。則庶乎其不差矣。看看春雲如鶴飛。青舞綠春山。如沐彈冠攝服。春草如絨。處囊不欲。春波如矢。捷赴大壑。道人任運。春至說樂。非不知老之將至。潤生留惑。歷住台州興化。靈石。天寧。瑞巖。蘇州。靈巖。堯封。虎丘。淮陽。龍華。秀州。金粟。南岳。福嚴。諸刹。行世上堂語錄四十卷。廣錄六十卷。餘錄三十卷。樹泉集報慈錄甲辰錄各十卷。雪舟集二卷。浮湘錄五卷。南嶽單傳記五卷。南嶽勸古一卷。師以如來大法爲己任。刻苦祖家政。單提第一義。爲法施。直欲剝人肺肝。而還之古所至。雲擁

雨集然師無留意。唯喜靈巖峻立雲濤。聳出七十二峰之表。居獨久。○建立六成就八要門。以六不容定法。禁上堂曰。腰軟背酸。難立久。纔近繩床。瞌睡來。面前大好山脚。下俊衲子。一齊攢簇。著如逼債相似。抖盡肚裏零星。究竟收拾不下。再三無計。可施略與諸人評議。一不得截生死流。二不得踞祖佛位。三不得互分賓主。四不得馳騁問答。五不得曲順機宜。六不得平懷常寔。豈不聞纖芥不留。猶是交爭之法。拈拄杖卓一下。曰。漢家雖有三章約。爭似靈巖六不容。南潛表曰。西乾東震。得幾個不受整理。又曰。具衲僧眼目不然。

南嶽單傳記終

南嶽單傳表後序

我臨濟氏承南嶽之明命。兼統五宗。以照耀南天下。于諸宗獨尊。黃檗謂臨濟曰。吾宗到汝。大興于世。爲山舉問。仰山黃檗當時祇囑臨濟一人。更有人在仰

云。有祇是年代深遠。不欲舉似和尚。及爲固問。仰云。一人指南。令行吳越。遇大風。卽止。後風穴得念法華。咸以爲小釋迦再來。此臨濟之統。爲仰宗也。臨濟在黃檗會中。睦州爲第一座。無多子佛法。實發軔於睦州。而雲門失脚在睦州門。縫秦時轆轤。鑽便見紅旗閃爍。識者謂臨濟雲門最初同步。此臨濟之統。雲門宗也。汾陽行脚中。見七十一老宿。皆妙得其家風。尤喜論曹洞。其示石門徹禪師五位偈。所謂舉目便令三界靜。振鈴還使力。大歸早在龍袖拂開。象王行處之前。浮山遠禪師至。大陽機契。大陽以平生所著直褻皮履。付之楊廣山前草。憑君待價。煇異苗。翻茂處深密。固靈根。俊鷹入夢。前識方符。此臨濟之統。曹洞宗也。江河地中行。飛濤合赴楊岐。白雲以臨濟克家。兼有雲門之作。略雪竇以雲門幹。盡實本臨濟之裁。成推其變通。灼其同異。以扶開佛祖之心髓。則可以定宗眼矣。日在尾宿二度老和尚表南嶽單傳。成以示南潛。南潛表其後序。成復示南潛。南潛序其後。

舊吳靈巖法子住堯封南潛謹書